




SOLD BY
THOMAS BAKER,
72 Newman Street,
LONDON, W. Eng.



S A N C T I
G R E G O R I I
P A P Æ I.
COGNOMENTO MAGNI
O P E R A O M N I A,

J A M O L I M

AD MANUSCRIPTOS CODICES ROMANOS,
Gallicanos, Anglicanos emendata, aucta, & illustrata notis,

*Studio & Labore MONACHORUM Ordinis Sancti Benedicti,
e Congregatione Sancti Mauri:*

Nunc autem a JOHANNES BAPTISTA GALLICCIOLLI Sacerdote Veneto, ad Codices præsertim
MARCIANOS, iterum exacta, atque novis accessionibus locupletata.

TOMUS DECIMUSQUARTUS

Complectens Exegetica reliqua, & Paterii partem primam.



V E N E T I I S, MDCCLXXV.

SUMPTIBUS CAROBOLI, ET POMPEATI.

SUPERIORUM PERMISSU, AC PRIVILEGIIS.



Digitized by the Internet Archive
in 2013

<http://archive.org/details/sanctigregoriipa14greg>

ADMONITIO

IN SUBSEQUENTEM

CANTICORUM EXPOSITIONEM.

II



UM ex omnibus sacræ Scripturæ Canticis, illud præstantis-
simum sit, quod ideo *Canticum Canticorum* tam ab He-
bræis, quam a Græcis & a Latinis dicitur: mirum videri
non debet in ipso interpretando & exponendo, non so-
lum ex Christianis, sed etiam ex Judæis tot virorum eru-
ditorum ingenia defudasse. Inter Hebræorum doctores celeberrimi recen-
sentur Rabbi Salomon, Aben Ezra, David Kimhi. At ex Christianis,
ut a Græcis incipiamus, insigniores Ecclesiæ Græcæ Patres ac magistri,
in investigandis & rimandis hujus divini Cantici mysteriis suam exer-
cuerunt industriam; præsertim Origenes, Gregorius Nyssenus, Theodo-
ritus. Inter Latinos autem, omisis etiam recentioribus interpretibus,
Nicolao Lyrano, Hugone Cardinali, Dionysio Carthusiano, & sexcentis
aliis; quotquot fere seculis superioribus pietatis ac doctrinæ laude flo-
ruerunt, in hujus sacri Cantici reconditis sensibus, unde se aliosque ad
divinum amorem inflammarent, solliciti scrutati sunt: In his Thomas
Aquinas, Honorius Augustodunensis, Ricardus a S. Victore, Bernardus
Claræ-vallensis, Rupertus Tuitiensis Abbas, Robertus de Tumbalenia,
cujus Commentarii meminit Ordericus Vitalis lib. 8. ad ann. 1087. An-
gelomus Luxoviensis, Alcuinus, Venerabilis Beda, Aponius, Cassiodorus,
aut quivis alius auctor Commentarii Cassiodoro adscripti, & Justus Ur-
gelitanus. Julianum Celanensem, vel potius Eclanensem, in Campania
Episcopum, quem in Cantica scripsisse testatur Venerabilis Beda, præ-
terimus, utpote gratiæ hostem, quæ in hoc libro sacro copiosissime ef-
funditur.

*Canticum
Canticorum
qui expo-
suerint, &
sint inter-
pretati.*

*Ex Judæis.
Ex Græcis.
Ex Latinis.*

Lib. I. in

II. Attamen ante nostrum Gregorium, ex quatuor sanctis Doctoribus,
quos potissimum colit & observat Ecclesia Latina, nemo data opera li-
brum Cantici Canticorum explanare aggressus fuerat.

*Ex quatuor
primariis
Latinorum
doctoribus,
solus Gre-
gorius.*

Itaque non satis fuit sanctissimo Patri sparsim suis scriptis excerptos ex
Cantico Canticorum flores interserere, & adjectis juxta multiplices Scri-
pturæ sacræ sensus, variis interpretationibus, velut totidem vittis cocci-
neis & aureis innectere (ex quibus tamen flosculis, eorum odore dele-
ctatus Venerabilis Beda, integrum librum septimum in Cantica conte-
xuit; quo in scribendi genere Paterium sibi prælusisse libentur fatetur:)
verum suavissima divinorum mysteriorum in illo sacro libro recondito-
rum contemplatione inebriatus, in Commentario quem hic edendum ag-
gredimur, quod assidua meditatione biberat, eructavit.

III. Egregiam quidem hanc expositionem Gregorio nostro abjudicare
conatus est, qui ipse operibus evulgandis ultimus insudavit Petrus Gus-
sanvillæus; quem errantem olim secuti sumus in vita sancti Gregorii gal-
lice scripta: cum nondum incidissemus in tot libros manu exaratos, tum
expositionis hujus, in quibus hucusque magna ex parte latitarat, tum
genuinæ collectionis * Paterianæ, ex qua invictum eruitur argumentum,
in Luc. 6 17.

ad hoc opus Gregorio adscribendum. Verum rationes omnes, quibus opinio-
nem suam adstruit, exsufflare operosum non est, ex tot veteribus
monumentis in lucem a nobis erutis.

Sancto Do-
ctori asseri-
tur, ex ip-
sius testimo-
nio.

IV. Sane inficiari nemo potest Gregorium de Canticis Canticorum dis-
seruisse, & Homilias habuisse, quæ ab ejus discipulo Claudio postea Ab-
bate descriptæ sunt: id enim docet ipse epist. 24. lib. 12. Indict. 5. Jo-
hanni Subdiacono, jam laudata in Præfatione ad Commentarium in li-
brum primum Regum.

Et sancti Il-
defonsi.

Præterea non negat ipse Guffanvillæus Ildefonsum Toletanum Episco-
pum, opus morale in Cantica Canticorum Gregorio nostro tribuere. Ne-
que vero tanti viri auctoritatem elevare absque negotio est, ut putat Gus-
fanvillæus. Sexaginta solum annis Gregorio junior fuit Ildefonsus; floruit-
que Hispanica in Ecclesia, quæ prima fere libris eximii hujus Pontificis-
potita est, nempe missis ad S. Leandrum Hispalensem Episcopum ejus a-
micissimum.

Præsertim-
que Paterii.

Libenter tamen assentimur Guffanvillæo respondenti, *unius Paterii hæc
in causa auctoritatem, multis præponderare*. At pro nobis militat ipse Pa-
terius, non quidem spurius, qualem Guffanvillæus edidit, alios prius er-
rantes secutus; sed genuinus & sincerus, quem ex plurimis indubitatæ
fidei mss. mox in lucem sumus emissuri. Nimirum in explanatione Evan-
gelii secundum Lucam cap. 17. ad illa verba: *Et erat pernoctans in ora-
tione Dei*: legitur in Paterio nostro. *Item de eodem, in expositione Canti-
ci Canticorum lib. 1. Compunctio quæ per caritatem fit, quæ ex desiderio
accenditur, quasi quoddam osculum est. Toties enim anima osculatur Deum,
quoties in amore ejus compungitur, &c.* ut leges lib. 1. n. 5. pene inte-
gro; scilicet usque ad hæc verba: *nulla necessitas est (vel nequaquam
necesse est) ut solemnem diem Domino de nostra lamentatione faciamus*. Hæc
in omnibus veri Paterii codicibus, quos consulere nobis licuit, existant;
nimirum in Vaticano, in Belvacensi S. Petri, in Beccensi, in Val cl. &
in Michaelino; quæ diu casto labore in expositione Cantici Canticorum
Gregorii nomine in vulgatis munita inquisivimus. At in omnibus mss.
quos mox recensebimus, loco jam indicato, totidem verbis leguntur.
Ergo Paterius Gregorii discipulus & Notarius pro legitimo sancti Patris
seetu habuit expositionem in Cantica Canticorum, pro qua hic decerta-
mus. Si cui vero scrupulus superesset de nostri Paterii sinceritate, legat
quæ ad eum præfati sumus: ubi non solum indubitatis testimoniis, Pa-
terio restituimus ipsius Collectanea e tenebris eruta, verum etiam Alu-
fo longe sequioris ævi Monacho vindicamus excerptiones, quæ pro Pate-
rianis hucusque venditæ sunt. Nunc vero mss. codicum Expositionis in
Cantica fides statuenda est ac sinceritas; ex qua dirimendæ hujus contro-
versię ratio aliqua ex parte pendet.

Idem ex mss.
fide confir-
matur.
Divionensis.

V. In primis magnam antiquitatem redolet codex Divionensis S. Beni-
gni, ubi legitur: *In nomine Domini, &c. Incipit Expositio in Cantica Can-
ticorum Beati Gregorii Papæ urbis Romæ. Postquam a Paradisi gaudiis, &
&c.* In homilia prima continetur insignis locus a Paterio prolatus. In
his verbis desinit Homilia prior, *tunc enim post currimus, quando & a-
mando & timendo divina judicia non prævenimus*. Post hæc verba quæ
legelis lib. 1. n. 11. in fine, sequitur. *Explicit Homil. 1. Incipit 2. IN-
TRODUXIT me rex &c. Ecclesia Dei quasi quædam domus regis est. Et
ista domus, &c.*

Mirum non videbitur hic in homilias distribui hoc Gregorii opus, cum in ejusdem Epistola superius in testimonium adducta constet Expositiones in lib. Regum, in Cantica, &c. ex Homiliis exceptas & collectas fuisse: *Quia, inquit, carissimus quondam filius meus Claudius aliqua me loquente de Proverbiis, de Canticis Canticorum. . . . de libris quoque Regum. . . . quæ ergo scripto tradere præ infirmitate non potui, ipse ea suo sensu & stilo dictavit, &c.* Ad primam igitur ac rudiorē hujus operis delineationem spectando, potuit in Homilias dividi. Tempore tamen Paterii partitionem in Libros jam receptam fuisse liquet, cum insignem locum pro compunctione decerptum laudet ex libro primo Expositionis S. Gregorii in Cant:

Hæc varios in Libros divisio perseverare videtur in codice optimæ notæ S. Martini Turon. plusquam 500. annorum. Nam initio præmittitur: *Incipit liber 1. Beati Gregorii Papæ urbis Romæ super Cantica: POSTQUAM a paradisi.* Qui usque ad Versum 3. capitis 1. Cant. *Introduxit me rex,* continuatur: hic enim, quasi alterius libri exordium sit, linea incipit a maxima littera. Ibi etiam absolvitur prima Homilia in codice Divionensi, & in Val. cl. similis divisionis exstant signa. Secundus hic liber pervenit usque ad partem versus noni cap: 2. *En ipse stat post parietem, &c.* quæ verba præmissa littera quadrata maxima incoant lineam, & novum veluti librum, scilicet tertium. Desinit hic in expositione versus 5. capitis 4. post quam sequitur, adhibita maxima littera initio lineæ: *Vadamus mihi ad montem myrrhæ,* qui Versus est ejusdem capitis sextus. Quartus liber hinc incipiens protrahitur usque ad versum 3. capitis 6. *Pulcræ es, amica mea,* quæ eodem modo scribuntur ac aliorum librorum initia; unde conjicimus hic libri 3. esse exordium, cujus finis, simulque sexti libri & ultimi principium, signari videntur ad hæc verba versus noni capitis 6. *Quæ est ista quæ progreditur, &c.* ut ex grandiori littera initio observata deprehendimus. Libro primo occurrit prolatus a Paterio de compunctione contextus, uti in aliis mss. infra enumerandis.

Horum præstantior est, qui in monasterio Vallis Claræ asservatur, immo cæteris a nobis adhibitis ob antiquitatem elegantiamque videtur anteponendus; ideoque accuratius hic describendus. Codex hic primo loco continet librum Regulæ Pastoralis, in cujus calce legitur litteris rubris: *Explicit liber Pastoralis beati Gregorii Papæ urbis Romæ.* Deinde eadem manu, iisdemque characteribus minio splendentibus: *Incipit Prologus beati Gregorii Papæ super Cantica. POSTQUAM a paradisi &c.* Absoluto Prologo, minio scriptum legitur: *Explicit Prologus. Incipit Explanatio in Canticis Canticorum. OSCULETUR ME.* Nulla est hoc in codice sive librorum, sive capitum distinctio. Ultima verba sunt, uti in editis & in nostris mss. *Cui pro nobis tradito in mortem, & resurgenti in immortalitatem, nos ipsos & spiritum & corpus debemus. Qui vivit, &c.* Mox subditur. *Explicit Expositio beati Gregorii Papæ super Cantica Canticorum.*

Eadem manu codex videtur exaratus ac priores chartæ ad monasterii foundationem dotationemque pertinentes: illius autem Cœnobii exordium assignatur ann. 1134. Lectum olim fuisse codicem hunc in conventu Fratrum ante Completorium, ut apud Cistercienses & alios sub S. Benedicti regula militantes Monachos moris est, manifestum fit ex interpunctione ac notulis vocem modo attollendam, modo deprimendam signantibus.

Unde

Unde non leve argumentum suppetit, scriptum fuisse & ad quotidianas lectiones publicas adhibitum fuisse, antequam eximium S. Bernardi opus super Cantica elucubratum foret, aut saltem vulgatum. Neque enim par est credere Cistercienses, post hanc Canticorum explanationem cæteris longe præstantissimam, in lucem emissam a tanto Cisterciensis familiæ alumno, imo patre, aliam legendam in collatione ante Completorium adhibere voluisse.

Ex codicis hujus antiquitate facile conficitur Prologum in eo descriptum: *Postquam a paradisi*, Richardo Victorio immerito attributum; qui nimirum de scribendo super Cantica necdum fortasse cogitaverat, quando laudatus codex est exaratus. Quid igitur responderent Richardi operum editores, si ipsis exhiberentur codices Richardo longe antiquiores, qualis est codex Divionensis, de quo jam dictum, seculo 10. vel saltem 11. descriptus?

Uticensis
Codex.

Ad hanc ætatem accedit Uticensis seu Monasterii S. Ebrulphi codex. Hic quidem (ne quidquam dissimulare videamur quod causæ nostræ officiat) S. Gregorii, vel alterius auctoris nomen non habet, aut in exordio, aut in fine; sed simpliciter legitur: *Incipit Prologus*, &c. Verum cum in ipso, sicut in cæteris mss. legatur insignis sententia de Compunctione, quam Paterius Collectioni suæ inferendam judicavit, dubitare non licet, quin assutus Expositioni Gregorianæ Prologus, his verbis continuo & consequenter scriptis: *Explicit Prologus. Incipit Expositio super Cantica Canticorum*, pro Gregoriano tunc habitus sit. Verum qui codicem hunc descripserunt, & in eo multa ex diversis Patribus opuscula complexi sunt, non solent ipsis auctorum nomina præfigere. Liber hic accuratissime est exaratus, ita ut in ipso vix unum mendum notaverimus. Non dividitur in Libros, aut in Homilias; immo nec in capitula: sed eadem serie scriptura decurrit absque ulla linearum interruptione, etiam ubi absoluta unius versus explicatione, alius profertur explanandus; si septem dumtaxat versus excipias, qui lineam incipiunt, scilicet: *Filii matris meæ pugnaverunt adversus me. Pulcræ sunt genæ tuæ. sicut turris. Egredimini filia Sion. Duo ubera tua sicut duo hinnuli. Revertere, revertere Sunamitis. Quæ est ista que ascendit de deserto deliciis affluens? Vineæ fuit pacifico*. Alii tamen versus plurimi littera grandiori rubra incoantur, at non interruptitur idcirco scripturæ series.

Remensis &
Theoderici-
ensis.

Ultimo loco commemorandi veniunt duo alii codices, unus ex Bibliotheca Remigiana apud Remos, alter ex Theodericensi Monasterio, non longe ab eadem urbe. Uterque codex 400. annorum ætatem non superat, sed Theodericensis ex longe antiquioris ejusdem Monasterii, qui nunc desideratur, descriptus est.

Magistri
sent. & S.
Thomæ hac
de re sen-
tentia.

VI. Tot mss. inspectione, testimonioque præsertim Paterii confirmati, non dubitavimus quin Gregorio lucubratiō hæc, tanto sane doctore digna, restituenda foret. Accessit Magistri sententiarum auctoritas, lib. 1. dist. 37. num. 1. ubi legitur: *Beatus Gregorius super Cantica Canticorum inquit, LICET Deus communi modo omnibus rebus insit, præsentia, potentia, substantia, &c.* quem locum laudat etiam S. Thomas. Etsi vero uterque in hac sententia laudanda, videatur hallucinatus (abest enim ab expositione in Cantica) inde tamen probatur Petri Lombardi temporibus, qui floruit duodecimo seculo, Richardique Victorini cœvus fuit,

ac postea, dubium non fuisse S. Gregorium exposuisse Cantica; cujus opus tunc in omnium manibus versabatur.

VII. Neque vero quis suspicetur, pro Gregoriano potius opere habendum, quod jam typis mandatum est, cujus Prologus ita incipit: *Quia si cæco, si longe a Deo posito.* Exstant sane nonnulli codices mss. in quibus ita legitur Prologus, quem sequitur Expositio ab his verbis incipiens: *Os sponsi inspiratio Christi, &c.* ut in vulgatis. Tres invenimus Parisiis in Bibliotheca Victorina, in quibus auctoris nomen tacetur, nisi quod in uno recentior manus Sanctum Gregorium inscripsit, cum alterius nominis erasi supersint vestigia. His aut similibus codicibus usi sunt, qui priorem expositionis Gregorii in Cantica editionem curarunt Parisiis apud Remboldum ann. 1498. quam videre nobis non licuit; at usi sumus alia Parisiensi anni 1518. Gilotiana 1571. Vaticana, &c. Et facile deprehendimus Prologum hunc nihil aliud esse quam nostri compendium, quod cuilibet legenti & conferenti statim patebit.

De breviori Expositione ejusque Prologo sub nomine S. Gregorii vulgatis, quid sentiendum.

Quod spectat ad Expositionem jam vulgatam, quæ a nostra discrepat, usque ad illa verba: *Pulcra sunt genæ tuæ*, vers. 9. cap. 1. post indubitatum Paterii testimonium pro nostra prolatum, hanc alteri antepondam esse quis neget?

Noverat hoc opus Johannes Trithemius, qui in indice voluminum a S. Gregorio Papa scriptorum, quem ipse Guffanvillæus exhibet, illa designans per priora verba a quibus incipiunt, istud commemorat: *Scriptit, inquit, plura necessaria volumina, in quibus feruntur subiecta: In lib. Job: inter multos sæpe quæritur, . . . In Cantica Cantic.* Postquam a paradisi gaudiis, &c.

VIII. Itaque tot in mss. latitans insigne opus e tenebris eruendum & publica luce donandum censuimus. At de ipsius divisione & partitione, in qua codices non conveniunt, diu ancipites deliberavimus. Tandem potior illa visa est, quam offerre videtur liber ipse sacer hic expositus. Ut enim octo in capita secatur; ita in totidem dividendam duximus ipsius explanationem. At capita varios in articulos numeris designatos pro more nostro distribuimus. In cæteris quoque eandem secuti sumus methodum, quoad breves adnotationes, tum marginibus inscribendas, tum columnis subjiciendas, quam in aliis S. Gregorii operibus edendis adhibuimus, & a viris doctis novimus approbari.

IX. Superest ut objectioni, quæ ex stili diversitate fieri potest, occurramus; aliquam enim hic deprehendi non inficiamur. Stilum tantisper mutare fortasse coegit argumenti propositi & pertractati quædam insolentia; nimirum Canticorum liber explanandus, in quo aliud omnino scribendi genus observatum, quam in cæteris sacre Scripturæ libris. Præterea cum hanc expositionem a Claudio exceptam legamus, ut de Commentariis in libr. Regum jam dictum est, audiamusque Gregorium de immutato suo stilo conquerentem in Epistola jam superius laudata; ex hac stili discrepantia, quæ in Proœmio potissimum observatur, hæc magis nostra confirmatur sententia. Nimirum hoc opus ita Gregorio vindicamus, ut Claudio, qui illud excepit ac digessit, nonnullaque ob memoriæ lapsum supplere coactus est, tantilla ex parte quoque tribuatur. Aliunde vero stili Gregoriani multa supersunt vestigia, ut diligens lector haud difficile observabit, maxime usque ad

Quid hæc in editione præstiterimus.

Objectioni ex stili diversitate perita sit satis.

versum 9. capituli primi, ubi iidem versus in varios sensus; typicos; allegoricos, morales, infiguntur & vertuntur, methodo sancto Doctori familiari, & in libris Moraliū notissima. Hæc eruditi lectoris diligentiam non fugient. Præcipua tamen cura legentis sit, in hoc evolvendo libro, cujus quot verba, tot scintillæ sunt divini amoris, his sacris flammis cum Gregorio aduri, per quem *Deus ignem misit in terram; & quid vult nisi ut accendatur?*



ANIMADVERSIONES

E. V.

IN SUPERIOREM PRÆFATIONEM

P. SAMMARTHANÆI.



ne præpropere nimis in adjudicando vel abjudicando S. Doctori Commentario in Cantica canticorum procedamus, operæ pretium fore videtur, quæ afferri possunt momenta diligentius expendere.

Ac primo quidem ex ep. XXIV. lib. XII. constat. S. Gregorium *Aliqua* fuisse loquutum de Proverbiis, de Canticis canticorum, de Prophetis, de Libris Regum & Heptateucho, quæ quoniam a Claudio monacho *valde inutiliter* fuerant permutata; ideo Sanctissimus Pater literis ad Joh: Subdiaconum Ravennæ datis, eidem injungit, ut is ad Monasterium accedat, convenire faciat, & quantascumque de diversis scripturis *Chartulas* detulit, ad medium deducant: quas vult etiam, ut sibi celeriter transmittat. Hæc, neque plura, vir Sanctissimus.

Si longiores, quos nunc habemus in Lib. I. Regum, & in Cantica canticorum Commentarios, *Aliqua*, dici possunt, quæque in *Chartulis* commodè containerentur; ac non potius plurima, atque plurimo elaborata ingenio, dabimus amicam manum: sin minus, videant serio quibus hæc sententia stetit, quali ea tandem gravi nitatur fundamento.

Dicunt transmissis per Johannem Chartulis, quas Claudius detulerat, Sanctum Pontificem ea, quæ ex tempore atque *ἀποροχέδως* fuerat proloquutus, excussisse, expendisse, digessisse, atque ad eam, qua hodie fruuntur, amussim revocasse.

Videamus quanta istud probabilitate dicatur. Et primo quidem illud requiro, quidnam responderi queat mihi contendenti, recensuisse S. Doctorem, non Commentarios in Reges & Cantica, quos habemus hodie, sed alia quædam opera sua non amplius exstantia, de quibus Joh: loquitur in ejus vita *lib. 4. cap. 70.* Certe qui sibi istud dari postulant, gravi hoc debent fundamento probare: ut asseratur nequaquam sufficit viris eritices exactioris tenacibus. Sed hæc missa faciamus, ut pressius res expendatur.

Dàta fuit ad Joh. Subdiaconum epistola mense Januario vel Februario per indictionem quintam. Obiit Pontifex Sanctissimus sub initium Martii indictione VII. Ideoque biennio ac bimestri ad summum supervixit; non fere tres annos, ut ait incuriose citato loco Joh. Diaconus. Demas inde necessario aliquot menses, qui omnino sive in colligendis, sive in transmittendis chartulis, sive in extremo Sancti Gregorii morbo tollerando impendi debuerunt: vix sesquiannum reperies, intra quod tempus licuit quidem S. Doctori opera illa sua recensere, fecisse autem vix sibi persuadeat, qui noverit, quantis ille tunc distentus esset curis, quantis affligeretur infirmitatibus. Et sane aliud est velle, ut colligantur & transmittantur Chartulæ in quibus Gregorii sensa valde inutiliter fuerant a Claudio permutata; aliud vero est, sensa illa aut voluisse aut potuisse iterum ad incudem atque amussim revocare. Huic argumento majus momentum accedet, si Joh: audiamus eodem loco *num. 71.* ita loquentem: *Si curiosus perpendatur, omne Gregorii tradendi tempus, quolibros qui nunc habentur,*

tur, exposuit, a Diaconio suo usque ad penultimum sui Pontificatus annum extenditur. Hac enim posita sententia, vix satis temporis supererit Gregorio ad Commentarios illos cursim perlegendos nedum percensendos.

At enim S. Ildefonsus opus Morale in Cantica Gregorio nostro attribuit. Miramur Sammarthanum pro re sua tantopere contra nos urgere Ildefonsum, qui de illo in Præfatione ad epistolas dixerit: *Ipsam in lectione operum S. Gregorii prorsus fuisse peregrinum*. Quid vero si cum aliis quibusdam, Dupinio præsertim, dicam, *Putamus illud aliud fuisse opus, quam hodiernum?* Transeat tamen hoc: at S. Isidorus erat & amicus & suppar S. Gregorii, nec tamen aliud quippiam habet, nisi: *Fertur idem excellentissimus vir, & alios libros morales scripsisse, totumque textum quatuor Evangeliorum sermocinando in populis exposuisse; incognitum scilicet nobis opus*. Nihil etiam habet de huiusmodi Commentariis Beda, nihil Sigebertus Gemblacensis, nihil Honorius Augustodunensis, Rhabanus nihil. Quare Tritemium XVI. seculi scriptorem non est cur tantopere suspiciamus. Sanctum quidem Columbanum de hisce Commentariis Gregorianis in Cantica loqui interpretatur P. Dionysius, cum in nota (1) ad epist. ult. libri 9. tum in fine superioris Præfationis ad Comment. in Reg. Audiamus tamen S. ipsum Columbanum: *Cantica canticorum ab illo loco in quo dicit ibo ad montem myrrhæ, & ad collem thuris usque in finem, aut aliorum, aut tuis brevis, depono, tracta sententiis: & ut totam exponas obscuritatem Zachariæ absconsam populo*. Quid quæso aliud hæc sonant, nisi petitionem ut breviter Gregorius vel alienis vel suis sententiis, partem maxime illam Canticorum explanet? At vel antea exposuisse ipsum, vel recensuisse quæ Claudius inutiliter permutarat, immo universa Cantica fuisse interpretatum eo quo nunc fruimur Commentario, quomodo hinc extundi possit, ego equidem non video.

Sed antequam de Paterio loquar, ex quo omnem rem confici posse putat Sammarthanus, de Beda aliquid amplius differendum occurrit. Collegit ille Paterii more ex libris S. Gregorii in Job, ex Pastoralis regula, ex Homiliis &c. Librum septimum suæ expositionis in Cantica canticorum. Jam si quid continenti serie commentatus S. Doctor in Cantica fuisset, nihil erat cur Beda collectis undique ex operibus ejus apospasmatis, integrum inde data opera libellum compingeret. Vidit & hoc Notkerus Balbulus, qui in sua notatione de illustribus interpretibus sub fine cap. 2. hæc habet: *Si vero Romanarum etiam deliciarum opipari convivio delictaris, quicquid Gregorius Papa dulce super hoc respersum latissime reliquit, idem Beda in brevissimo ferculo avidis glutendum composuit*. Quorum verborum ea necessaria interpretatio est, collegisse Bedam, ex vastis illis S. Gregorii voluminibus, quicquid passim ab eo dictum fuerat ad illustranda Canticorum testimonia. Jam vero si innotuissent Balbulo vel S. Doctoris elucubrationes in Cantica, vel Paterianum spicilegium cujusmodi hodie existat, inutili labore loca illa collegisset. Adeo ignota erant hæc ineunte seculo X. quo Balbulus obiit, vel etiam superiori tempore quando floruit Beda. Recurret infra simile de Paterio argumentum.

Neque admodum momenti habere posse videtur, quod Codd. nonnulli MSS. reperiantur, qui huiusmodi commentarios cum inscripto S. Gregorii nomine præferunt. Nam alii sunt iidem codices, neque numero, neque nota inferiores, qui aliis eos attribuant. *Commentarius in Cantica canticorum, qui legitur inter Gregorii M. opera, Isidoro in quibusdam codicibus tribuitur: in supplemento PP. Hommeliano. Rhabulfo Abbati Fontanellensi asseritur, alii Roberto Abbati S. Vigoris Bajocensis vindicant*. alii aliis, inquit Fabricius. Esto hæc dicantur de veteri illa expositione, quam suæ postposuere PP. Benedictini: sed quid inde contra sententiam nostram, qui fatemur quidem nonnulla proloquutum fuisse S. Gregorium, arbitramur autem, pereuntibus illis, vel etiam indigestis repertis, alia ab aliis atque aliis

aliis piis sanctisque viris ex laboribus Gregorianis fuisse in justum opus digesta atque exposita, ac sub S. Doctoris nomine evulgata, quod scilicet ex ejus penu fere deprompta fuissent, quemadmodum haud ita multo post dicturi sumus?

Certe cum plura atque dissidentia exstent hujus Commentarii exemplaria, nec merito affirmari possit utraque ex ingenio S. Doctoris fluxisse; qui stet contra nos, inveniri putamus neminem. Quid enim? Quem dant Maurini Commentarium inscriptum habet S. Gregorii nomen; ergone genuinus ejus fetus censeretur debet? Ne id Sammarthanus quidem affirmare audebit, qui negare non potest alium Commentarium, quem repudiat, inscriptum fuisse quoque nomine tanti Pontificis. Dixere etiam veteres S. Gregorium universa quatuor Evangelia exposuisse: hujus expositionis codices duos annorum nongentorum se invenisse ait P. Dionysius in nota ad testimonium Trithemii quod vitæ ab Johan. Diacono conscriptæ subjicitur. Quid est ergo, quod hanc expositionem edere veritus sit doctissimus Pater? *Hæc expositio non redolet stilum S. Gregorii M. cui eam tamen attribuere videtur Honorius Augustodunensis*. Stili discrepantia potuit id obtinere contra fidem Veterum, & duplicis codicis 900. annorum; discrepantia vero expositionis, inscriptionis, partitionis tot MSS. Codd. vis tot argumentorum aliter suadentium obtinere non poterit ut persuadeamus, quod sententia nostra fert, Commentarios hodiernos in Reg. & Cantica, tametsi in quibusdam membranis Gregorio M. attributos, illius fetum non esse sincerum, sed ab aliis atque aliis piis viris morales hujusmodi elucubrationes ex penu Gregorianorum operum fuisse compactas, proindeque haud prorsus immerito ejus nomine inscriptas?

Fac S. Pontificem digessisse tandem hujusmodi Commentarios: quid, quæso, respondebitur homini audacter contendenti, eos tamen quos S. Doctor ad umbilicum perduxerat, vel incendio Romæ periisse, vel omnino fuisse occultatos, ne penitus vulgarentur? Audiamus iterum Johan. Diac. loco citato num. 70. *Constat, quia plures libros quam nunc habeantur, composuit. Quorum memoriam quidam in episcopali ejus perscringens, ait: Job, Ezechiel, Evangelia & Pastoralem exposuit, & multa alia. Ut subaudias, quæ jam inveniri non possunt: quoniam revera ante succensa sunt, quæ edita; sicut reliqua ipsius opera, quæ nunc in S. Romana Ecclesia retinentur adhuc sub custodia, ne penitus vulgarentur.*

Sed jam pressius exponamus sententiam nostram, eamque quibus nitatur conjecturis in medium proferamus, ut tandem Paterianæ auctoritati, cui maxime innititur Sammarthanus, respondeamus. Dicimus igitur S. Gregorium in Cantica quidem nonnulla fuisse præloquutum, quæ Claudius temere satis amplificavit & vulgavit: Commentarios autem ut hodie habemus, S. Gregorium nec edidisse unquam, nec propter temporum ac morborum angustias edere potuisse: sed pios quosdam viros; Claudium minime omnium existimaverim; ex acceptis fortasse quibusdam memoriis Chartulis, maxime autem ex auditu vel assidua lectione Operum S. Doctoris, hujusmodi Commentarios, circa quos noverant S. Doctorem insudasse aliquando, sibi compinxisse, & ejus nomine inscripisse: unde etiam fluxerit & discrepantia interpretationum, & varietas in assignando aliis atque aliis auctoribus hujusmodi commentarios.

Primam assertionis nostræ partem in dubium venire posse nullatenus arbitramur. Ex ipsius enim Joh. Diac. testimonio, *Omne Gregorii tractandi tempus, usque ad penultimum sui pontificatus annum extenditur*. Sed enim a tempore epistolæ datæ Indiæ. V. ad Subdiac. Ravennæ, ad penultimum Gregoriani pontificatus annum, vix paucimenses intercesserunt; intra quos omnino dici nequit illum Commentarios in Reg. & Cant. quales nunc ejus nomine circumferuntur, digessisse. Si quis enim de alterutro potius id contendat, quam de utroque, vel aliis etiam S. viro attributis

expositionibus, is ad istud sui systematis necessitate coactus devenisse videtur. Sed hoc argumentum & superius attigimus.

Alterius partis sententiæ nostræ, has probabiles sane conjecturas afferimus. I. Constat veteribus ita placuisse S. Gregorii opera, ut ex illis plures pro sua pietate excerptas aliquanmultas sententias, ordine locorum biblicorum digestas, vel in continentem commentarium redactas ediderint. Inter hos numerantur Isidorus Hispalensis, Paterius, Beda, Alulfus, Tajo aliique veteres, Monachi præsertim ac pii viri. II. Qui hujusmodi opera consarcinabant, sæpe quidem nullo, sæpe autem consuevisse ea nomine auctorum, ex quibus desumpta fuerant, inscribere. Hæc res ne inficiatorem quidem habet Sammarthanum. Ad quam classem revocamus tum commentarios illos in quatuor Evangelia, de quibus superius dictum est, tum commentarios in Ecclesiasten & reliquos libros Salomonis, quos Arnaldus Wyon se vidisse testatur in Monasterio Caveniensi apud Le Longum *tom. 2. p. 752*. III. Vetus expositio de qua Maurinus editor in sua Præfat. n. 7. ab ea quam ipse edendam censuit plurimum distat, quod evincit plures circa idem opus insudasse. IV. Fuit causa satis speciosa, quæ veteres moveret ad elaborandos commentarios in Reges & Cantica, præter amorem quo ferebantur in lucubrationes S. Gregorii, videlicet quod e promptuario S. Doctoris imperfectos prodire sciebant, & quod Claudius hanc provinciam valde inutiliter administravit, quam Gregorius ipse si per tempus & valetudinem licuisset, a vitiiis expurgasset. V. Variant codices in operis hujus partitione: Divionensis per homilias digestus est; Turo-nensis in libros partitur; Vallisclarensis nullam habet librorum capitumve distinctionem. Uticensis item caret distinctione librorum, homiliarum, capitum. Ex quibus omnibus ita mihi haud ab re inferre posse videor: Expositio illa de qua grave prudensque exoritur dubium, utrum ei accepta ferenda sit, cui a nonnullis Codd. tribuitur, alijs vel rem dissimulantibus, vel eam alteri cuiquam vindicantibus; item quæ in alijs atque alijs Codd. MSS. diversa occurrit sive partium divisione, sive verborum rerumque contextibus; eam profecto vehemens suspicio est non fuisse ab uno eodemque ingenio profectam, sed eam plures habere consarcinatores, qui ex communi quopiam penu, pro suo quisque modulo Commentarium universum contraxerit, atque in ordinem digesserit. Quod merito ob concurrentes universas hujusmodi causas de Commentariis in Cantica affirmandum æquo jure videtur.

Sed veniamus ad S. Paterium. De illo Alulfus in prologo sui Gregorialis: *Quia igitur D. Gregorii discipulum ejusdem jussu præsulis opus simile fecisse cognoveram, cujus quidem principium libenter legeram, sequentes autem libros nequaquam invenire poteram, gratanter & ardentius abbatis mei hortamentum & imperium suscepi*. Florebat perro Alulfus adulto jam seculo undecimo ac pene exeunte. Eo igitur tempore, immo vero etiam Balbuli & Bedæ temporibus jam pro maxima parte interciderat Pateriana collectio: ita ut Bruno, ut suo loco lector videbit, in prologo ad secundam partem Exceptionum dixerit, solam primam partem Pateriani laboris sibi invenire contigisse. Qua autem methodo Paterius ipse usus fuerit in recensendo iterum opere suo, docet nos ille in præmio, ita videlicet ut & opus & librum in quo testimonium positum legeretur, vel ex qua re ortum esset, in tituli ejus prænotatione designaret.

Cum igitur jamdudum perfectus ac integer Paterius nequaquam inveniretur, aut spes illum inveniendi esset, jam antea commemoratus Bruno, Bernardo quodam Venerabili Patre obstetricante, ita hanc provinciam suscepit, ut non solum primam partem corrigeret ab amanuensis sædissime habitam, sed etiam duas, quas in suis regionibus invenire non poterat, superadderet, ut loquitur ipsemet in suo prologo. In eo igitur difficultatis cardo vertitur, utrumquam habemus a Maurinis Patribus secundam

dam & tertiam partem Paterio ipsi, an potius Brunoni acceptam referre debeamus: qua lite diremta, facile etiam iudicium feretur de testimonio ex Canticis, cui, ut Achilæo suo tantopere fudit P. Dionysius. Priorem sententiæ partem tuetur eruditus editor iis rationibus ductus, quas lectores apud illum videre poterunt: nos secundam defendimus, videmurque nobis aliis etiam suadere ac persuadere facile posse.

Hoc autem uno utimur argumento. A capite ad calcem primæ partis antequam verba S. Gregorii afferantur, quæ loci commentarium exhibeant, locus notatur in quo testimonium positum legitur, & ex qua re ortum sit, quod iussu S. Pontificis se facturum fore Paterius professus est: at ubi ad secundam & tertiam partem ventum est, mutato tono auctor alia oberrat chorda, ac duntaxat *quo libro, & quoto libri capitulo sententia habeatur superscribitur*, quod se facturum Bruno spondit. Et id quidem in tertia parte ubique fere observatur, in secunda autem quæ negligentius recensita videtur, aut ne ipsius quidem Brunonis fetus est, nullibi occurrit. Quovis igitur pignore cum Cavæo aliisque contendam, has duas posteriores partes genuinum fœtum non esse Pateriani operis, ac proinde ex testimonio Canticorum allato in tertia parte, nihil pro *γνώσκοντες* illius commentarii in gratiam Sammarthanæ sententiæ extundi posse.

Est tamen & aliud non spernendum argumentum, quo persuadeatur S. Gregorium non fuisse continenti serie interpretatum Cantica canticorum.

Institutum S. Paterii fuit testimonia ac loca a S. Doctore illustrata decerpere, & quæ obiter ac sparsim ille dixerat, colligere & per libros suos ordinando componere. Ea mente videlicet ut quasi perpetuus Commentarius Gregorianus in Sacram Scripturam haberi posset. Hæc prologus satis aperte docet. Huiusmodi autem ratio debuit Paterium inducere, ut nihil in librum compingendum conjiceret, quem S. Doctor integrum edisseruerat, vanus enim fuisset & cassus labor: propterea nihil in Jobum eum revera collegisse videmus, eo quod totus ille liber a S. Pontifice expositus fuerat. At enim collegit Paterius testimonia, quæ commentarii loco in Cantica esse possent: ergo Cantica universa nequaquam fuerat interpretatus S. Gregorius. Videtur istuc sane non spernendum argumentum.


Tot igitur adversantibus rationibus, ex unius alteriusve codicis integri nomen Paterii præferentis auctoritate, ineluctabili argumento inferre non possumus, esse illud Paterii opus genuinum. Neque enim Paterii nomen id evincere contendet Sammarthanus, apud quem contra solius filii rationem, ut jam animadvertimus, ne duum quidem Codd. 900. annorum titulus quidquam valuit obtinere: præsertim cum docuerimus, que fieri potuerit ut Paterii nomen, ut & Gregorii, quibusdam codicibus prænotaretur. Nec etiam suorum Codd. antiquitatem eximiam deprædicet Sammarthanus. Præter quam quod enim nulla certa adscripta die solisque conjecturis id asseritur; jamdiu est etiam ex quo dolent eruditi a BB. familia ex præjudicata sententia dum de Codd. agitur MSS. Lectoribus nubem pro Junone objectam fuisse. Præterea ab amicis audiivi exstare in quibusdam Bibliothecis Paterianos Codices, qui tamen post primam partem ut in Vulgatis, subjiciunt *Explicit Paterius*.

Quantum igitur plausibiliter asserimus Sammarthanæas membranas fortasse non continere genuinum Paterii Opus, quale a S. viro emanavit, tantumdem suspicionis habet locus ex Canticis ad asserendum S. Doctori huiusmodi Commentarium. Quid enim, si ille qui Paterium explevit, Bruno vel alius quisvis, ex adulterino Commentario in Cantica Gregorio M. attributo, locum illum acceperit, & in suam collectionem transfulerit? Fac tamen illud universim esse *γνώσκοντες* Paterii Opus, an non potuit

Amanuensis loca quædam supplere vel adjicere ex aliena penu, quorum unus sit ille ex Canticis? Demus tamen P. Dionysio quidquid tanto viro per summam indulgentiam verosimiliter dandum appareat: sit sane & ille locus ex Canticis a Commentariis Gregorianis in suam farraginem a Paterio ipso translatus: quid inde ad summum consequetur? Existisse videlicet in collectaneis Gregorianis quondam locum hujusmodi; expositionem autem universam in Cantica, qualis hodie habetur, genuinum sincerumque opus illius esse, istud profecto nulla ratione consequetur. Sed hæc fortasse quæ a nobis disputata hætenus sunt, citices fuerint intemperantioris. Dandum tamen erat aliquid vel eruditis hominibus diligentius examinandum. Si quæ a nobis animadversa sunt, alicujus esse ponderis videbuntur, æqui bonique consulant; sin minus, discrete cogitent, in rebus hujusmodi liberum esse cuique sententiam suam aliis perpendendam proponere.



EXPOSITIO
S. GREGORII I.
IN
CANTICA CANTICORUM.



S A N C T I
G R E G O R I I P A P Æ
S U P E R
C A N T I C A C A N T I C O R U M
E X P O S I T I O.

a

a P R O O E M I U M.

Homini's cecitas post lapsum.

1.



OSTQUAM a paradisi gaudiis expulsum est genus humanum, in istam peregrinationem vitæ præsentis veniens, cæcum cor a spiritali intellectu habet. Cui cæco cordi si diceretur voce humana, sequere Deum, vel dilige Deum, sicut ei in Lege dictum est: semel foris missum & per torporem infidelitatis frigidum, non caperet quod audiret. Idcirco per quædam ænigmata fervor divinus animæ torpenti & frigide loquitur, & de rebus quas novit, latenter insinuat ei amore quem non novit.

Et torpor. Cæco & frigido loquitur Deus per ænigmata.

Allegoria, tamquam machina, a terra sublevatur.

2. Allegoria enim animæ longe a Deo positæ quasi quamdam ma-

chinam facit, ut per illam levetur ad Deum, interpositis quippe ænigmatibus dum quoddam in verbis cognoscit quod suum est, in sensu verborum intelligit quod non suum est; & per terrena separatur a terra. Per hoc enim quod non abhorret cognitum, intelligit quoddam incognitum. Rebus enim nobis notis, per quas allegoriæ conficiuntur, sententiæ divinæ vestiuntur; & dum re cognoscimus exteriora verba, pervenimus ad interiorem intelligentiam.

3. Hinc est enim quod in hoc libro, qui in Canticis canticorum conscriptus est, amoris quasi corporci verba ponuntur, ut a torpore suo anima per sermones suæ con-

Hinc Cantico cum cant. allegorice scriptum.

consuetudinis refricata recalescat ; & per verba amoris qui infra est , excitetur ad amorem qui supra est . Nominantur enim in hoc libro oscula , nominantur ubera , nominantur genæ , nominantur femora ; in quibus verbis non irridenda est ^a sacra descriptio , sed major Dei misericordia consideranda est : quia dum membra corporis nominat , & sic ad amorem vocat , notandum est quam mirabiliter nobiscum & misericorditer operatur . Qui ut cor nostrum ^b ad instigationem faceri amoris accenderet , usque ad turpis amoris nostri ^c se verba distendit . Sed unde se loquendo humiliat , inde nos intellectu exaltat : quia ex sermonibus hujus amoris discimus qua virtute in divinitatis amore ferveamus .

4. Hoc autem nobis solèrter intuentum est , ne cum verba exterioris amoris audimus , ad exteriora sentienda remaneamus ; & machina , quæ ponitur ut levet , ipsa magis opprimat , ne levemur . Debemus ergo in verbis istis corporeis , in verbis exterioribus quidquid interius est quærere , & loquentes de corpore , quasi extra corpus fieri ^d debemus . Ad has nuptias sponsi & sponsæ cum intellectu intimæ caritatis , id est cum veste venire nuptiali necesse est : ne si veste nuptiali , id est digna caritatis intelligentia non induimur , ab hoc nuptiarum convivio in exteriores tenebras , id est in ignorantia cæcitate repellamur . Debemus per hæc verba passionis transire ad virtutem impassibilitatis . Sic est enim Scriptura sacra in verbis & sensibus , sicut pictura in coloribus & rebus : & nimis stultus est qui sic picturæ

coloribus inhæret , ut res quæ pictæ sunt ignoret . Nos enim si verba quæ exterius dicuntur , amplectimur , & sensus ignoramus ; quasi ignorantes res quæ depictæ sunt , solos colores tenemus . *Littera occidit* , sicut scriptum est , *spiritus autem vivificat* : si enim littera cooperit spiritum , sicut palea tegit frumentum ; sed jumentorum est , paleis vesci ; hominum , frumentis . Qui ergo humana ratione utitur , jumentorum paleas abjiciat , & frumenta spiritus edere festinet : ad hoc quippe utilis est , ut mysteria litteræ involuta tegantur . Hinc enim scriptum est : *Sapientes abscondunt intelligentiam* . Quia nimirum sub tegmine litteræ spiritualis intelligentia cooperitur . Hinc rursus in eodem libro scriptum est : *Gloria Dei celare verbum* . Menti enim Deum quærenti tanto Deus gloriosius apparet , quanto subtilius atque interius investigatur , ut appareat : sed numquid quod in mysteriis Deus celat , nos requirere non debemus ? Debemus utique , nam sequitur : *Et gloria regum investigare sermonem* . Qui enim jam corpora sua vel motus carnis regere & investigare noverunt , reges sunt . Regum ergo gloria investigare sermonem , quia bene viventium laus est perscrutari secreta mandatorum Dei . Humanæ ergo conversationis verba audientes , quasi extra homines esse debemus : ne si humanitus quæ dicuntur audimus , nihil divinitatis de his quæ audire debemus , sentire possimus . Quasi jam non homines desiderabat esse Paulus discipulos suos , quibus dicebat ; *Cum enim sit inter vos zelus & contentio , nonne homines estis ?* Quasi jam non

2. Cor. 3. 6.

Littera, quasi palea qua frumentum tegitur, vesci jumentorum est, non hominum, cautione utentium.
Prov. 10. 14.

Prov. 25. 2.

Ibidem.

1. Cor. 3. 3.

Verba carnalis amoris in eo usurpata, qui intelligenda.

Scriptura sacra picturæ similis.

^a Rich. *Sacra Scriptura*.

^b Rem. & Theod. *ad investigationem*. Sequimur Rotom. Val. cl. & edit. Rich.

^c Adest se a Theod. & Rem. In Rotom. & Rich. legitur *ad turpis amoris no-*

stri verba descendit.

^d Hoc vocabulum in Val. cl. & in Rich. incipit sequentem periodum ; in qua minime legitur , *necesse per*.

non aestimabat homines discipulos suos Dominus, cum dicebat: *Quem dicunt homines esse filium hominis?* Cui cum verba hominum respondissent, illico adjunxit: *Vos autem quem me esse dicitis?* Cum enim supra dicit, *homines*, ac deinde subiungit: *Vos autem*; inter homines & discipulos quamdam distantiam facit, quia videlicet divina eis infinuans; esse eos super homines faciebat; ut ait Apostolus: *Si qua igitur in Christo nova creatura vetera transierunt*. Et scimus quia in resurrectione nostra ita corpus spiritui adnectitur, ut omne quod fuerat passionis in virtute spiritus assumatur. Is ergo qui Deum sequitur, imitari debet quotidie resurrectionem suam; ut sicut tunc nihil passibile habebit in corpore, ita nunc nihil passibile habeat in corde: ut secundum interiorem hominem jam nova creatura sit, jam quidquid vetustum fuerit calcet, & in verbis veteribus solam vim novitatis inquirat.

5. Scriptura enim sacra mons quidam est, de quo in nostris cordibus ad intelligendum Dominus venit: de quo monte per Prophetam dicitur: *Deus a Libano veniet, & Sanctus de monte umbroso & condensus*. Iste mons & condensus est per sententias, & umbrosus per allegorias. Sed sciendum est quia cum vox Domini in monte sonat, vestimenta lavare precipimur, & ab omni carnis iniquatione mundari, si ad montem accedere festinamus.

Scriptum namque est, quia, *Si bestia tetigerit montem, lapidabitur*. Bestia enim tangit montem, quando irrationabilibus motibus dediti, Scripturæ sacræ celsitudini propinquant, & non eam secundum quod debent, intelligunt, sed irrationabiliter ad suæ * voluptatis intelligentiam flectunt. Omnis enim absurdus, vel sensu piger, si circa

hunc montem visus fuerit; atrocissimis sententiis veluti lapidibus necatur. Ardet enim mons iste, quia Scriptura sacra videlicet, quem spiritaliter replet, amoris igne succendit. Unde scriptum est, *Ignitum eloquium tuum*. Unde cum verba Dei audirent quidam in via ambulantes, dixerunt: *Nonne cor nostrum ardens erat in nobis, cum aperiret nobis Scripturas?* Unde per Moysen dicitur: *In dextera ejus ignea lex*. Sinistra Dei iniqui accipiuntur, qui in dextera parte non transeunt; dextera Dei electi sunt, qui a sinistris separantur. In dextera ergo Dei lex ignea est; quia in electorum cordibus, qui ad dexteram ponendi sunt, flagrant divina præcepta, & caritatis ardore succensi sunt. Iste ergo ignis, quidquid in nobis est exterius rubiginis & vetustatis, exurat, ut mentem nostram velut holocaustum in Dei contemplatione offerat.

6. Nec vacue attendendum est quod liber iste non Canticum, sed Canticum canticorum vocatur: sicut enim in veteri Testamento alia sunt Sancta, & alia Sancta Sanctorum, alia Sabbata, & alia Sabbata Sabbatorum; ita in Scriptura sacra, alia sunt Cantica, & alia Cantica canticorum. Sancta erant quæ in Tabernaculo, & quæ exterius agebantur: Sabbata erant quæ & singulis hebdomadibus celebrabantur; sed Sancta Sanctorum secretiori quadam veneratione suscipiebantur, & Sabbata Sabbatorum nonnisi in suis festivitatibus colebantur. Ita Cantica canticorum secretum & solemnne quoddam interius est, quod secretum in occultis intelligentiis penetratur. Nam si exterioribus verbis attenditur, secretum non est.

7. Sciendum est etiam, quia in Scriptura sacra alia sunt Cantica veteris, alia Cantica exhortationis & contestationis, alia Cantica exulta-

Scriptura
sacra ignis.

Pf. 118. 140.

Luc. 24. 32.

Deuter. 32. 20.

Unde hic
liber Cantica
cum cantica
corum dicitur.

* Forte leg.
voluntatis.

Varia Can-
ticorum
species in
sacra Scri-
ptura.

tionis, alia Cantica adjutorii, alia Cantica conjunctionis cum Deo. Canticum victoriæ est, quod Maria transacto mari rubro cecinit, dicens: *Cantemus Domino: gloriose enim honorificatus est: equum & ascensorem projecit in mare*. Canticum exhortationis & contestationis est, quod Moyses Israelitis ad terram promissionis propinquantibus dixit: *Attende cælum quæ loquar, audiat terra verba ex ore meo*. Canticum exultationis est, quod Anna perspecta fecunditate Ecclesiæ in semetipsa, cecinit dicens: *Exultavit cor meum in Domino*: Ubi per semetipsam figuratam fecunditatem prolis Ecclesiasticæ expressit, cum dicit: *Sterilis peperit plurimos, & quamultos habebat filios infirmata est*. Canticum adjutorii David quod post prælium cecinit, dicens: *Diligam te Domine virtus mea*. Canticum vero conjunctionis cum Deo, hoc est quod in nuptiis sponsi & sponsæ canitur, idest Canticum canticorum; quod tanto est omnibus Canticis sublimius, quanto & in nuptiis solemnitatis sublimioris offertur. Per illa enim Cantica vitia devitantur, per ista vero unusquisque virtutibus locupletatur: per illa cavetur hostis, per hæc Dominus familiari amore complectitur.

8. Et notandum, quia aliquando se Dominus in Scriptura sacra Dominum vocat, aliquando patrem, aliquando sponsum. Quando enim se vult timeri, Dominum se nominat; quando vult honorari, patrem; quando vult amari, sponsum. Ipse per Prophetam dicit: *Si Dominus ego sum, ubi est timor meus? Si pater ego sum, ubi est honor meus?* Et rursus dicit: *Desponsavi te mihi in iustitia & fide*. Vel certe: *Recordatus sum dici desponsationis tue in deserto*. Et quidem apud Deum quando & quando non est, sed quia prius timeri se vult ut honoretur,

& prius honorari ut ad eum perveniat; & Dominum se propter timorem nominat, & patrem propter honorem, & sponsum propter amorem. Per timorem veniatur ad honorem, per honorem vero ejus perveniat ad amorem. Quanto ergo dignius honor quam timor, tanto plus gaudet Deus pater quam Dominus dici: & quanto carius est amor quam honor, tanto plus gaudet Deus sponsum dici quam pater. In hoc ergo libro Dominus & Ecclesia, non Dominus & ancilla, sed sponsum nominatur, & sponsa: ut non soli timori, non soli reverentiæ, sed etiam amori deserviat, & in his verbis exterioribus incitetur affectus interior. Cum se Dominum nominat, indicat quod creati sumus; cum se patrem nominat, indicat quod adoptati; cum sponsum se nominat, indicat quod conjuncti. Plus est autem conjunctos esse Deo, quam creatos & adoptatos. In hoc ergo libro ubi sponsum dicitur, aliquid sublimius insinuat, dum in eo sædus conjunctionis ostenditur. Quæ nomina in Testamento novo (quia jam peracta conjunctio Verbi & carnis Christi & Ecclesiæ celebrata est) frequenti iteratione memorantur. Unde Johannes dicit, Domino veniente: *Qui habet sponsam, Jehan. 3. 29. sponsum est*. Unde idem Dominus dicit: *Non jejunabunt filii sponsi, Mar. 9. 15. quamdiu cum illis est sponsum*. Unde Ecclesiæ dicitur: *Desponsavi vos uni viro virginem castam exhibere Christo*. Rursum: *Ut exhiberet sibi gloriosam Ecclesiam, non habentem maculam aut rugam*. Et rursus in Apocalypsi Johannis: *Beati qui ad cœnam nuptiarum Agni vocati sunt*. Et rursus ibidem: *Et vidi sponsam quasi novam nuptam descendantem de cælo*.

9. Nec hoc a magno mysterio abhorret, quod liber iste Salomonis tertius in opusculis ejus ponitur. Veteres enim tres vitæ ordines esse dixe-

Zach. 15. 1.

Deuter. 31. 1.

1. Reg. 2. 1.

Ibid. 4. 5.

Psalm. 27. 1.

Canticum canticorum ceteris præstantius.

Cur Deus aliquando Dominum, modo patrem aut sponsum se dicat.

Malach. 1. 6.

Osce. 2. 20.

Jerem. 2. 2.

Jehan. 3. 29.

Mar. 9. 15.

2. Cor. 11. 2.

Ephes. 5. 27.

Apoc. 16. 9.

Ibid. 21. 2.

Quid per tres Salomonis libros adumbratum.

dixerunt, moralem, naturalem, & contemplativam; quas Græci vitas, ethicam, physicam, theoricam nominaverunt. In Proverbiis quoque moralis vita exprimitur, ubi dicitur:

Prover. 1. 8. Audi, fili mi, sapientiam meam, & prudentiam meam inclina aurem tuam.

In Ecclesiaste vero naturalis: ibi quippe quod omnia ad finem tendunt, consideratur, cum dicitur: *Vanitas vanitatum, & omnia vanitas.*

Eccles. 1. 2. Per Cantica canticorum contemplatio designatur.

Cant. 4. 8. In Canticis canticorum, contemplativa vita exprimitur, dum in eis ipsius Domini adventus & aspectus desideratur; cum sponsi voce dicitur: *Veni de Libano, veni.* Vel etiam ordines trium Patriarcharum & vitas significavit, Abraham videlicet, Isaac, & Jacob. Moralitatem quippe Abraham per obedientiam tenuit; Isaac vero naturalem vitam puteos fodiendo figuravit. In imo enim puteos fodere, est per considerationem naturalem omnia quæ infra sunt, perscrutando rimari. Jacob vero contemplativam vitam tenuit, qui ascendentes & descendentes Angelos vidit. Sed quia naturalis consideratio ad perfectionem non perducitur, nisi prius moralitas teneatur; recte post Proverbia, Ecclesiastes ponitur. Et quia superna contemplatio non conspicitur, nisi prius hæc infra labentia despiciantur, recte post Ecclesiasten Cantica canticorum ponuntur. Prius quippe est mores componere; postmodum omnia quæ adsunt, tamquam non adsint considerare; tertio vero loco munda cordis acie superna & interna conspiciere. His itaque librorum gradibus quasi quamdam ad contemplationem scalam fecit, ut dum primum in seculo bene geruntur, postmodum & honesta seculi despiciantur: ad extremum etiam Dei intima conspiciantur. Sic autem generaliter ex voce Ecclesiæ adventus Domini in hoc opere præstolatur, ut etiam

specialiter unaqueque anima ingresum Dei ad cor suum, tamquam aditum sponsi in thalamum conspiciat.

10. Et sciendum est, quia in hoc libro quatuor personæ loquentes introducuntur; sponsus videlicet & sponsa; adolescentulæ vero cum sponsa, & greges sodalium cum sponso. Sponsa enim ipsa perfecta, Ecclesia est: sponsus, Dominus: adolescentulæ vero cum sponsa, sunt incoantes animæ, & per novum studium pubescentes: sodales vero sponsi, sunt sive Angeli, qui sæpe hominibus ab ipso venientes apparuerunt, seu certe perfecti quique viri in Ecclesia, qui veritatem hominibus nuntiare noverunt. Sed hi qui singillatim adolescentulæ vel sodales sunt, toti simul sponsa sunt, quia toti simul Ecclesia sunt. Quamvis & iuxta unumquemque tota hæc tria nomina accipi possunt. Nam qui Deum perfecte amat, sponsa est; qui sponsum prædicat, sodalis est; qui adhuc novellus viam bonorum sequitur, adolescentula est. ^a Invitatur ergo ut simus sponsa: si hoc necdum prævaleamus, simus sodales: si neque hoc adepti sumus, saltem ad hunc thalamum adolescentulæ conveniamus. Quia igitur sponsum & sponsam, Dominum & Ecclesiam diximus, velut adolescentulæ vel sodales audiamus verba sponsi, audiamus verba sponsæ; & in eorum sermonibus fervorem discamus amoris. Itaque sancta Ecclesia diu præstolans adventum Domini, diu sitiens fontem vitæ, quomodo optet videre præsentiam sponsi sui, quomodo desideret, edicat.

C A P U T P R I M U M.

Osculetur me osculo oris sui.

1. Angelos ad eam Dominus, Patriarchas ad illam & Prophetas.

In Canticis quatuor personæ loquentes introducuntur.

Can. 1. Vers. 1. Pia Ecclesiæ sponsi Christi.

si adve-
rum expe-
ctantis Jesu-
denia.

phetas miserat, spiritualia dona de-
ferentes: sed ipsa munera non per
servos sponsi, sed per ipsum spon-
sum percipere quærebat. Ponamus
ante oculos omne genus humanum
ab exordio mundi usque ad finem
mundi, totam videlicet Ecclesiam,
unam esse sponsam quæ arrhas spi-
rituali dono per Legem perceperat;
sed tamen sponsi sui præsentiam
quærebat, quæ dicit: *Osculetur me
osculo oris sui*. Suspirans enim san-
cta Ecclesia pro adventu Mediatoris
Dei & hominum, pro adventu Re-
demtoris sui, ad patrem orationem
facit, ut filium dirigat, & sua illam
præsentia illustret: ut eidem Ecclesie
non jam per Prophetarum, sed suo ore
alocationem faciat. Unde & de eo-
dem sponso in Evangelio scriptum
est, cum sederet in monte, & su-
blimum præceptorum verba face-
ret: *Aperiens autem os suum dixit*:
ac si aperte dicatur: Tunc os suum
aperuit, qui prius ad exhortationem
Ecclesie aperuerat ora Prophetarum.
Sed ecce cum suspirat, cum quasi
absentem quærit, subito intuetur
præsentem. Habet hoc gratia Crea-
toris nostri, ut cum de illo quæ-
rentes, eum loquimur, ejus præ-
sentia perfruamur. Unde in Evan-
gelio scriptum est, quia dum Cleo-
phas & alius de illo itinere ver-
ba facerent, præsentem eum videre
meruerunt. Dum ergo sancta Ec-
clesia incarnandum sponsum adhuc
absentem desiderat, subito intuetur
præsentem, atque subjungit:

*Quia meliora sunt ubera tua vi-
no. Et odor unguentorum super om-
nia aromata.*

Ibid. &
c. 4.
Vers. 10.

Per vinum,
Lex; per
ubera, evan-
gelica præ-
dicatio si-
gnificata.

2. Vinum fuit scientia Legis,
scientia Prophetarum. Sed veniens
Dominus, quia sapientiam per car-

nem ^a voluit prædicare; quasi fecit
eam in carnis ubera lactescere: quam
^b enim in divinitate sua capere mi-
nime poteramus, in incarnatione e-
jus agnosceremus. Unde non im-
merito ejus ubera laudantur, quia
prædicationis ejus condescensio hoc
egit in cordibus nostris, quod do-
ctrina Legis minime valuit: ^c prius
enim nos nutritivum incarnationis præ-
dicatio, quam Legis doctrina. Di-
cat ergo: *Meliora sunt ubera tua
super vinum*. Quod adhuc confirmans
subjungit ac dicit: *Et odor unguen-
torum tuorum super omnia aromata*.
Unguenta Domini virtutes sunt:
unguenta Domini Spiritus sanctus fuit,
de quo per Prophetam dicitur: *Un-
xit te Deus, Deus tuus, oleo letitiæ
præ consortibus tuis*. Hoc oleo tunc
unctus est, cum incarnatus: non
enim prius homo exstitit, & post-
modum Spiritum sanctum accepit;
sed quia Spiritu sancto mediante in-
carnatus est, eodem ^d hoc oleo tunc
unctus est, cum homo creatus. O-
dor ergo unguentis ejus, est flagran-
tia Spiritus sancti, qui ex illo pro-
cedens, in illo permansit: odor
unguentorum ejus, est flagrantia vir-
tutum quas operatus est. ^e Habuit
autem Ecclesia aromata, quia ha-
buit multa Spiritus sancti dona,
quæ in domo Dei, idest in congre-
gatione Sanctorum, odorem bonæ
opinionis redderent, & suavitatem
futuri Mediatoris nutiarent. Sed odor
*unguentorum tuorum super omnia a-
romata*, quia flagrantia virtutum
sponsi, quæ per incarnationem ejus
facta est, vicit prædicamenta Legis,
quæ in arrhis a sponso fuerant præ-
rogata. Tanto quippe amplius ad
intellectum crevit Ecclesia, quanto
& amplioris visionis gratia meruit
il-

Ordo una-
guentorum
Christi, fra-
gantia Spir-
itus sancti.

Psalm. 44. 8.

Quantum
Legis aro-
matibus præ-
ferat.

^a In Cod. Theod. *non ait*, ceteris dissen-
sientibus.

^b Hic aliqua desiderari videntur. Sensus
pareret si legeretur: *ut quam in divinita-
te, &c.* Sed quia in hac lectione conve-

niunt mss. omnes, ab illa recedere non audemus.

^c Val. cl. & Romag. *plus enim*.

^d Rem. ac Theod. *hoc loco*.

^e Ita Val. cl. aliis contradicentibus ubi le-
gitur, *hauriat autem*.

illustrari. Illa Legis aromata per Angelos administrata sunt: istud unguentum per præsentiam datum est. Sed quia claritate ejus præsentiæ superata sunt bona Legis, quæ sublimia esse credebantur, dicatur recte: *Odor unguentorum tuorum super omnia aromata.*

De unaquaque anima, eadem explicari possunt quæ de reâ Ecclesiæ.

3. Hoc autem quod generaliter de cuncta Ecclesia diximus, nunc specialiter de unaquaque anima sentiamus. Ponamus ante oculos esse animam quamdam donorum studiis inhærentem, intellectum ex aliena prædicatione percipientem, quæ per divinam gratiam etiam ipsa illustrari desiderat; ut aliquando etiam per se intelligat, quæ nihil se intelligere, nisi per verba prædicatorum considerat, & dicit: *Osculetur me osculo oris sui.* Ipse me tangat intus, ut cognoscam intelligentiam; & non jam prædicatorum vocibus, sed internæ gratiæ^a ex tactu perfruar.

a Quasi osculo oris sui osculabatur Moysen, cum ei per fiduciam familiaris gratiæ intellectum porrigeret.

Numb. 12. 6. Unde scriptum est: *Si fuerit Propheta, in somnio loquar ad eum; & non sicut famulo meo Moyse: os enim ad os loquor ei.* Os quippe ad os loqui, quasi osculari est, & internam intelligentiam mente tangere. Sequitur:

Quia meliora sunt ubera tua vino.

Ibid v. 1.

In incarnatione admodum nobis Dei ubera.

4. Ubra Dei sunt, sicut prius diximus, humillimæ incarnationis ejus condescensio. Sapientia autem seculi quasi quoddam vinum est: debriat enim mentem, quia ab intellectu humilitatis alienam reddit. Quasi quodam vino debriantur Philosophi, dum per secularem vulgi amorem transeunt. Quam sapientiam Ecclesia despiciat, humillimam dominicæ incarnationis prædicationem appetat: plus ei sapiat quod per in-

firmatatem carnis ejus nutritur, quam quod mundus hic per elationem falsæ prudentiæ extollitur, & dicat: *Quia meliora sunt ubera tua vino:* idest humillima incarnationis tuæ prædicatione, velatam mundi sapientiam superat. Unde scriptum est: *Quod infirmum est Dei, fortius est quam hominis: & quod stultum est Dei, sapientius est quam hominis.* Sed quia ipsi hujus seculi sapientes nonnunquam videantur quibusdam virtutibus studere (videas enim plerisque habere caritatem, servare mansuetudinem, honestatem exteriorum in omnibus exercere; quas virtutes, non ut Deo, sed ut hominibus placeant, exhibent: quæ idcirco virtutes, virtutes non sunt, quia placere Deo non appetunt: oleretamen in humanis naribus, dum humano judicio bonam opinionem reddunt) sed comparentur hæc vero odori Redemptoris nostri, comparentur veris virtutibus, & dicatur: *Odor unguentorum tuorum super omnia aromata.* Idest, flagrantia virtutum tuarum, omnem speciem virtutum sapientium mundi superat, quia videlicet fictas imagines eorum ex veritate transcendit. Quia secundo loco sentiri hoc, quod dictum est, de unaquaque anima diximus; adhuc eundem sensum, si possumus, adjuvante Domino, subtilius exsequamur.

Incarnationis prædicatione, sicut mundi sapientia longe præstantior.

1. Cor. 2. 25

5. Omnis anima quæ timet Deum, jam sub jugo ejus est, sed adhuc longe, quia timet: nam tantum quisque ad Deum proficit, quantum pœnam timoris amittit, & gratiam de illo caritatis percipit. Ponamus ante oculos animam cujuslibet electi, quæ continuo desiderio in amorem visionis sponsi accenditur, quia quod in hac vita perfecte percipere non valet, contemplatur ejus celsitudinem, & ex

Compositio ex amore describitur.

^a Sic habet Rotom. In tribus aliis, ex aut. Priorem lectionem pluris habendam suaserunt quæ paulo post leguntur: *Os quippe*

pe ad os loqui, quasi osculari est, & internam intelligentiam mente tangere.

a

Pater in
I^{re}. cap.
27.

Per eam a-
rima Deum
osculatur.

Luc. 7. 44.

Aliud est
Christum
pascere,
aliud oscu-
lari.

b

Osculari
semel non
sufficit.

Ps. 137. 27.

& ex ipso amore compungitur: ^a ipsa enim compunctio quæ per caritatem fit, quæ & desiderio accenditur, quasi quoddam osculum est: toties enim anima osculatur Deum, quoties in ejus amore compungitur. Sunt enim multi, qui jam quidem Dominum metuunt, jam bonam operationem recipiunt; sed necdum osculantur, quia amore ejus minime compunguntur. Quod bene in convivio Pharisei signatum est, qui cum Dominum recepisset, cumque osculanti mulieri pedes ejus, in corde suo derogaret, audivit: *Intranti in domum tuam, osculum mihi non dedisti: hæc autem ex quo ingressa est, non cessavit osculari pedes meos.* Omnis qui jam elemosynas facit, qui jam bonis operibus studet, quasi Christum in convivium recipit: Christum pascit, qui eum in membris suis sustentare non desinit; sed si nondum per amorem compungitur, adhuc ejus vestigia non osculatur. Præponitur ergo Pastori mulier quæ osculatur, quia ^b præponitur exteriora sua danti, is qui interno mentis ardore in desiderio Domini compungitur. Bene autem dictum est: *Non cessavit osculari pedes meos.* Non enim sufficit in amorem Dei semel compungi & quiescere, sed compunctio esse debet & crebrescere: unde mulier i-
deo laudatur, quia osculari non destitit, idest compungi minime cessavit. Unde per Prophetam dicitur: *Constituete diem solemnem in frequentationibus, usque ad cornu altaris.* Dies solemnus Domino, est compunctio cordis nostri: sed tunc in frequentatione dies sollemnis constituitur, cum ad lacrymas pro amore ejus assiduæ movetur. Cui velut si

diceremus: Quamdiu ista acturi sumus? Quamdiu tribulationibus afficiemur? Illico terminum quousque fieri debeat subjunxit, dicens: *Usque ad cornu altaris.* Cornu quippe altaris, est exaltatio sacrificii interioris, ubi cum pervenerimus, jam nequaquam necesse est, ut solemnem diem Domino de nostra lamentatione faciamus. Anima ergo quæ jam per amorem compungi desiderat, quæ jam contemplari visionem sponsi sui appetit, dicat: *Osculetur me osculo oris sui.*

6. Vel certe osculum ejus oris, est ipsa perfectio pacis internæ, ad quam cum pervenerimus, nihil remanebit amplius quod quæramus. Unde & apte subjungitur: *Quia meliora sunt ubera ejus vino.* Vinum enim est scientia Dei, quam in ista vita positi accepimus: ubera autem sponsi tunc amplectimur, cum eum jam in æterna patria per amplexum præsentis contemplamur. Dicat ergo: *Meliora sunt ubera tua vino.* Ac si dicat; magna est quidem scientia, quam de te mihi in hac vita contulisti: magnum est vinum notitiæ tuæ, quo me debrias; sed ubera tua sunt vino meliora, quia tunc per speciem & per sublimitatem contemplationis transcenditur quidquid de te modo per fidem scitur. *Et odor unguentorum tuorum super omnia aromata;* dum virtute scientiæ, virtute castitatis, virtute misericordiæ, virtute humilitatis, virtute caritatis pollet. Si Sanctorum vita odorem aromatum ex virtutibus non haberet, Paulus non diceret: *Christi bonus odor sumus Deo in omni loco.* Sed longe excellentior est illa unctio Dei, ad quam quandoque ducendi sumus: longe excellen-

Per osculum
sponsi per-
fectio pacis
internæ po-
test etiam
intelligi.

Per aroma
virtutum
fragrans
dor.

20 Cor. 1. 25.

^a Hic locus in genuina Paterii collectione, quam daturi sumus, laudatur tamquam a Gregorio prolatus in Canticorum expositione, quod observatione dignum. Ne vero fraudis oriatur suspicio, admoneo sententiam hanc ex integro reperiri in omnibus

ms. nostris, scilicet Turonensi S. Martini, Divionensi S. Benigni. Val. cl. Theod. Rem. ac Rotomag.

^b In Theod. Rem. solum legitur, *præponitur danti.*

lentior est odor unguentorum Dei aromatibus virtutum nostrarum. Et si jam magna sunt quæ accepimus, valde tamen potiora sunt quæ de contemplatione Creatoris nostri accepturi sumus. Unde anhelet anima & dicat: odor unguentorum tuorum super omnia aromata: idest, bona illa quæ per contemplationem præparas, ista omnia virtutum munera quæ in hac vita tribuisti, transcendunt. Dicamus huic Ecclesiæ, dicamus huic animæ, sic amanti, sic æstuanti in amorem sponsi sui, unde tantum desiderium perceperit? Unde notitiam divinitatis ejus apprehenderit? Sed ecce unde exprimeret, dicit:

Vers. 2.

Unguentum effusum nomen tuum.

Unguentum effusum, est divinitas incarnata.

7. Unguentum effusum, est divinitas incarnata. Si enim sit unguentum in vasculo, olet minus, si vero effunditur, odor effusi unguenti dilatatur. Nomen ergo Dei, unguentum effusum est, quia ab immentitate divinitatis suæ ad naturam nostram se exterius fudit, & ab eo quod est invisibilis, se visibilem reddidit: si enim non se effunderet, nequaquam nobis innotesceret. Effudit se unguentum, cum se Deum servavit, & hominem exhibuit. De qua effusione Paulus dicit: *Qui cum in forma Dei esset, non rapinam arbitratus est se esse æqualem Deo, sed semetipsum exinanivit formam servi accipiens.* Quod Paulus dixit, exinanivit; hoc Salomon dixit, effudit. Quia ergo humano generi Dominus per humilitatem incarnationis innotuit, dicatur ei: *Unguentum effusum nomen tuum.* Sequitur:

Ibidem.

Ideo adolescentulæ dilexerunt te.

Car per a. dolescentulas electorum animæ sint intelligendæ.

8. Quid hoc loco adolescentulas, nisi electorum animas per baptismum renovatas accipimus? Vita quippe peccati ad veterem hominem pertinet: vita justitiæ ad novum.

Quia ergo unguentum foras effudit, in amore suo adolescentulas arduentes fecit: quia renovatas animas desiderio suo fragrantibus exhibuit. Puerilis ætas amori necdum congruit: senilis ab amore desinit. Puer est, qui vitæ ardentis studium necdum cœpit: senex est, qui cœperat quidem, sed desinit. Quia ergo neque hi flagrant in Domino, qui necdum cœperunt, neque hi qui jam cœperant, sed friguerunt; postposita puerili vel senili ætate, adolescentulæ currere dicuntur, idest illæ animæ quæ in ipso fervoris amore sunt.

9. Quod tamén intelligere aliter possumus. Potest enim adolescentia ad infirmitatem referri. Juveniles quippe ætates sunt ordo Angelorum, qui nulla debilitate victi sunt, nulla infirmitate superati. Dicatur ergo: *Unguentum effusum est nomen tuum, ideo adolescentulæ dilexerunt te:* Idest, quia per incarnationem tuam, notitiam tuam exterius effudisti, idcirco infirmæ animæ naturam humanam diligere prævalent. Illæ quippe Virtutes summæ quasi ætatis juvenilis, etiam ibi te diligunt, ubi fusus non es, quia & ibi te vident, ubi in statu divinitatis te contines. Qui ergo ab illis summis Ordinibus, quasi a juvenilibus ætatibus etiam non fusus videris, exterius propter homines funderis: ut etiam ab adolescentulis, idest ab infirmis mentibus diligaris. Sequitur:

Trabe me.

10. Omnis qui trahitur, aut non valens, aut non volens, invitus trahitur. Sed qui dicit: *trabe me*, habet aliquid quod vult, habet aliquid quod non * vult. Natura humana sequi Deum vult, sed infirmitatis consuetudine superata, sicut debet sequi non prævalet. Videt ergo aliud in se esse quo tendit, aliud in se esse

Quam infirmæ, Angelis comparatæ, videantur.

Vers. 3. Ob infirmitatem trahendæ sunt, et si non invitat.

* Forte legendum non valet.

a Val-cl. non potest.

Tom. XIV.

B

esse quo non valet, & recte dicit : *trabe me*. Quasi volentem, nec valentem se viderat Paulus, cum diceret : *Mentem servire legi Dei, carnem autem legi peccati* : Et Video aliam legem in membris meis, repugnantem legi mentis meae. Quia ergo aliud est in nobis quod nos incitat, aliud quod gravat, dicamus : *Trabe me post te* ; curremus in odorem unguentorum tuorum. In odorem unguentorum Dei currimus, cum donis ejus spiritualibus afflati, in amorem visionis ejus inhiamus.

Deum sequentium tres species.

11. Sciendum vero est, quia in eo quod homines Deum sequuntur, aliquando ambulant, aliquando currunt, aliquando fortiter currunt. Quasi post Deum ambulat, qui tepide sequitur; currit, qui frequenter sequitur; perfecte currit, qui perseveranter sequitur. Immobile enim erat cor ad sequendum Deum, & post eum ambulare nolebat, cum adventus Domini in mundo apparuit, & ab insensibili sua statione humanas mentes movit, Unde scriptum est : *Pedes ejus steterunt, & mota est terra*. Hic autem non motus, sed cursus dicitur, quia non sufficit ut sequamur, nisi etiam desiderando curramus. Quia vero neque currere sufficit, nisi etiam perfecte curratur, Paulus dicit : *Sic currite ut comprehendatis*. Et nonnulli dum nimis currunt, in indiscretionem dilabuntur; plus enim quam necesse est sapiunt, & se jam ei quem sequebantur praeferunt, dum suas virtutes eligunt, & ejus quem sequebantur judicia postponunt. Unde bene cum diceretur, *curremus* : praemissum est, *post te*. Post Deum enim currunt, qui ejus judicia considerant, ejus

voluntatem sibi praeferunt; & per venire ad eum sub digna operatione, discretionem contendunt. Hinc Propheta voluntatem Dei considerans ait : *Adhaesit anima mea post te*. Hinc Petro consilium danti dicitur : *Redi post me, Satanas; non enim sapis quae Dei sunt, sed quae hominum*. Quia ergo perfectae animae summa cautela Dei judicia contuentur, & neque per torporem, neque per indiscretum fervorem praevenire praesumunt, bene dicitur : *Post te curremus in odorem unguentorum tuorum*. Tunc enim post te currimus, quando & amando sequimur, & timendo divina judicia non praevenimus. ^b

Introduxit me rex in cubiculum suum: exsultabimus, & letabimur in te.

12. Ecclesia Dei, quasi quaedam domus regis est; & ista domus habet portam, habet ascensum, habet triclinium, habet cubicula. Et omnis ^c qui intra Ecclesiam fidem habet, jam portam istius ingressus est: quia sicut porta reliquum domum aperit, ita fides reliquarum virtutum ostium aperit. ^d Omnis qui intra Ecclesiam spem habet, jam ad ascensum domus venit: spes enim elevat cor, ut sublimia appetat, & ima deferat. Omnis qui in ista domo positus, caritatem habet, quasi in triclinium deambulat: lata enim est caritas, quae usque ad inimicorum dilectionem tenditur. Omnis qui in Ecclesia positus, jam sublimia rimatur, jam occulta judicia considerat, quasi in cubiculum intravit. De porta domus istius dicebat quidam : *Aperite mihi portas justitiae, & ingressus in eas confitebor Domino*. De ascensu spei dicebat : *Ascensus in ejus*

secretus, patet caveandi.

ps. 62. 29.

Mat. 16. 23. & Marc. 8. 13.

vers. 3.

Ecclesia domus regia.

Cujus porta, fides.

Spes, ascensus. Caritas, triclinium. Cubiculum est contemplatio.

ps. 117. 19.

psal. 83. 6.

^a Apud Lxx. int. legitur: *ad pedes ejus stetit & commota est terra*.

^b In Divion. absolvitur hic Homilia prima. In Val. cl. quoque, veluti finito primo Libro, scribitur, *Introduxit*, majore littera variis coloribus ornata & depicta.

^c Ita Divion. & Val. cl. In Rotom. legitur, *qui intrat Ecclesiam*, consentientibus Rem. & Theod.

^d Hic sequimur adhuc Divion. & Val. cl. cum in aliis legatur, *omnis qui intrat Ecclesiam*.

^a *Abac. 3. 5.* juxta 70.

^c *Cor. 9. 24.* Currendum post ipsum, non ante.

Torpor & fervor indi-

ejus corde disposuit. De tricliniis lat-
 15. 113. 96. tis domus istius dicitur: *Latum man-*
datum tuum nimis. In mandato lato
 specialiter caritas designatur. De cu-
 biculo regis loquebatur, qui dicebat:

Secretum meum mihi. Et alias: *Au-*
 15a. 24. 16 *divi arcana verba, quæ non licet*
 2. Cor. 12. 4. *hominibus loqui.* Primus ergo aditus
 domus istius, porta fidei: secundus
 provectus, ascensus spei: tertius,
 latitudo caritatis: quartus, jam per-
 sectio caritatis ad cognitionem secre-
 torum Dei. Quia Ecclesia sancta in
 membris suis perfectis, in sanctis
 ergo doctoribus, in eis qui jam pleni
 & radicati sunt in mysteriis Dei,
 quasi ad sublimia secreta pervenit,
 & adhuc in ista voce posita, jam
 illa penetrat: *Introduxit me rex in*
cubiculum suum, ait: Per Prophetas
 enim, per Apostolos, per doctores,
 qui in ista vita positi jam sublimia
 secreta illius vitæ penetrabant, Ec-
 clesia in cubiculum regis illius in-
 gressa fuerat.

13. Et caute intuendum est, quia
 non dicit *in cubiculum sponsi*, sed
in cubiculum regis. Nominando e-
 nim regem, reverentiam secretorum
 vult ostendere: quia quanto potens
 est cubiculum, tanto major est re-
 verentia exhibenda in his ad quæ
 intratur. Ne ergo dum cognoscit
 secreta Dei unusquisque, dum oc-
 culta judicia rimatur, dum ad subli-
 mia contemplationis attollitur, extol-
 latur & in superbiam dilabatur, re-
 gis dicitur cubiculum intrare: id est,
 cui tanto major reverentia exhiben-
 da est, quanto magis anima ad co-
 gnoscenda ejus secreta ducitur. Ut
 unusquisque proficiat, qui jam exal-
 tatus per gratiam ad sublimia secre-
 ta pervenit, seipsum attendat, &
 ex ipso profectu amplius humilietur.
 Unde & Ezechiel, quoties ad sub-
 limia contemplanda ducitur, filius
 hominis vocatur, ac si ei dicatur:
 Attende quid es, & non extollaris.

Ex dono
 contempla-
 tionis in
 humilitate
 proficien-
 dum.

Pancorum
 est ad per-
 sectam cor.

de his ad quæ attolleris. Sed pau-
 corum est in Ecclesia, ista sublimia
 & occulta judicia Dei rimari & com-
 prehendere. Tamen dum videmus
 fortes viros posse ad tantam sapien-
 tiam pervenire, ut contemplentur
 secreta Dei in cordibus suis, & nos
 parvuli habeamus fiduciam: quia
 quandoque ad veniam, quandoque
 ad ejus gratiam veniamus. Unde &
 ex verbis adolescentularum subdi-
 tur:

Exsultabimus & letabimur in te. *Idem.*

14. Dum Ecclesia in his qui per-
 secti sunt, ingreditur cubiculum re-
 gis, adolescentulæ spem sibi exsulta-
 tionis promittunt: quia dum fortes
 ad sublimia contemplanda perveniunt,
 infirmi spem de venia peccatorum
 sumunt.

Introduxit me rex in cubiculum *Idem.*
suum, exsultabimus & letabimur in
te, memores uberum tuorum super
vinum. Recti diligunt te.

15. Habet iste sponsus ubera, qui
 etiam rex propter reverentiam voca-
 tur. Habet ubera, sanctos viros cor-
 de adhærentes sibi. Ubra^a in arca
 pectoris fixa sunt, & interno nu-
 trimento trahunt ad eos quos fortes
 nutriunt. Sancti ergo viri ubera
 sponsi sunt: quia ex intimis trahunt,
 & exterius nutriunt. Ubra illius
 sunt Apostoli, ubera illius sunt om-
 nes prædicatores Ecclesiæ. Vinum,
 sicut superius diximus, fuit in Pro-
 phetis, vinum fuit in Lege: sed
 quia ampliora sunt data per Apo-
 stolos mandata, quam data fuerant
 per Prophetas, recte nunc dicitur:
Memores uberum tuorum super vinum:
 Quia qui ista possunt implere quæ
 in novo Testamento mandata sunt,
 illam scientiam Legis sine dubio
 transcendunt.

16. Quod tamen & aliter intelli-
 gere possumus: *Memores uberum tuo-*
rum super vinum. Sunt multi qui
 vinum quidem sapientiæ habent,

Melior est
 humilitas
 scientia.

B 2 sed

a Val cl. in arcano pectoris fixa sunt.

sed cognitionem humilitatis non habent. Istos scientia inflat, quia caritas non ædificat. Sunt vero multi qui sic vinum scientiæ habent, ut fiant considerare dona doctrinæ, dona spiritualis gratiæ: dona enim spiritualis gratiæ, quasi quædam mamillæ sunt in pectore, quæ subtiliter occultis mentibus spiritualibus ministrant, & nutriunt. *Memores ergo uberum tuorum super vinum*: quia hi qui sectari sciunt dona gratiæ tuæ, ut sibi non tribuant quod sapiunt, sed de eadem sapientia, quam acceperunt, non extollantur; super illos qui de sapientia sua extolluntur, efferuntur. Plus est enim humiliter sapere, quam sapere: neque enim vere sapere est, humiliter non sapere. *Memores ergo uberum tuorum super vinum*: quia scientes dona spiritualis gratiæ considerare, transcendunt eos qui scientiam quidem habent, sed cognitionem in memoriam donorum non habent. Aperte ergo dicere est: *Memores uberum tuorum super vinum*: quia fortior est humilitas quam scientia. Vinum enim, est scientia quæ inebriat, memoria uberum quæ debriat, quæ ad cognitionem donorum revocat. *Memores uberum tuorum super vinum*: quia vincit humilitas abundantiam scientiæ.

17. *Recti diligunt te*. Ac si diceret; non recti adhuc timent. *Recti diligunt te*: omnis enim qui bona opera agit pro timore, etsi in opere rectus est, in desiderio rectus non est: vellet enim non esse quod timeret, & bona opera non faceret. Qui vero bona opera pro amore agit, & in opere & in desiderio rectus est, ^a sed dulcedo amoris timentibus absconditur. Unde scriptum est: *Quam magna multitudo dulcedinis tuæ, Domine, quam ab-*

scondisti timentibus te, & perfecisti eis qui sperant in te! Dulcedo enim Dei, timentibus Deum incognita est, amantibus fit nota. Qui ergo per amorem studuerit rectus esse, perfecta dilectio illius est, ut iudicem venientem non timeat, ut quid quid de æternis suppliciis audierit, non formidet. Unde & Paulus dum adventum iudicis exspectaret, dum præmia vitæ æternæ quæreretur, dicit: *Quæ præparavit Deus non solum mihi, sed & omnibus qui diligunt adventum ejus*. Præmia enim diligentibus a iudice præparantur æterna, quia omnis qui se mala opera agere scit, iudicem venientem timet: qui vero de operibus suis præsumit, iudicis adventum quærit. Parantur ergo præmia expectantibus adventum Dei, & diligentibus adventum ejus: quia non diligunt adventum iudicis, nisi de causa sua præsumentes. Omnis autem certitudo, ^b re-
ctitudo certitudinis in dilectione est; & ideo recte dicitur: *Recti diligunt te*.

Nigra sum, sed formosa, filia Jerusalem, sicut tabernacula Cedar, sicut pellis Salomonis. Nolite me considerare quod fusca sim, quia decoloravit me sol.

18. Scimus quia in primordiis Ecclesiæ, dum prædicata fuisset gratia Redemptoris nostri, alii crediderunt, alii non crediderunt; sed hi qui crediderunt, ab infidelibus despecti sunt, & quasi persecutionem passi, quasi in viam Gentium discessisse iudicati sunt. Unde Ecclesia in eisdem clamat adversus eos qui conversi non sunt: *Nigra sum, sed formosa, filia Jerusalem*. Nigra sum quidem vestro iudicio, sed formosa per illustrationem gratiæ. Quomodo nigra? *Sicut tabernacula Cedar*. Cedar interpretatur tepebræ: Cedar enim secundus fuit de genere Isma-

Perfecta dilectio, timoris expers.

2. Tim. 4. 8.

b.

Vers. 4. & 5.

c.

Cur nigra simul & formosa dicta Ecclesia.

Cedar quid significet.

^a Desunt hæc in codd. Val-cl. Theod.

^{ac} Rem. Sumta sunt ex Rotomag.

^b Ita Rotom. Theod. &c. In Val-cl. legitur: *Omnis autem certitudo reſtitudinis in*

dilectione.

^c Rotom. *sicut pelles*, at infra cum ceteris habet, *sicut pelles*.

Dona spiri-
tualis gratiæ
quædam
etiam ma-
millæ sunt.

Qui timent
nec diligunt
recti non
sunt.

2

Ps. 30. 20.

Quid Salomonis pelles.

hel, & Cedar tabernacula Esau fuerunt. Quomodo ergo nigra sicut tabernacula Cedar? quia in conspectu vestro ad similitudinem Gentium iudicata sum, idest ad similitudinem peccatorum. Quomodo formosa sicut pellis Salomonis? Fertur Salomon quando templum ædificavit, omnia illa vasa templi factis pellibus cooperuisse. Sed nimirum pelles Salomonis decoræ esse potuerunt in obsequium regis. Sed quia Salomon interpretatur pacificus, nos ipsam verum Salomonem intelligamus: quia omnes animæ adhærentes Deo, pelles Salomonis sunt, macerantes seipsas in obsequium regis pacis redeunt. Sum vero in iudicio sicut tabernacula Cedar, quæ quasi in viam Gentium discessisse iudicor: sed juxta veritatem sicut pellis Salomonis sum, quia in obsequium regis adhæreo.

Idem.

Nolite me considerare quod fusca sim, quia decoloravit me sol.

Quo propius ad nos accedit Christus, eo magis forditatem nostram nobis ostendit.

19. Peccatricem attendebat, illam partem quæ Christo crediderat. Sed dicat ista: *Nolite me considerare quod fusca sim, quia decoloravit me sol.* Sol ipse Dominus, ipse veniens decoloravit me. Præceptis suis ostendit, quia pulchra non fui in præceptis Legis. Sol quem arctius tangit, ipsum decolorat: ita & Dominus veniens, quem per gratiam suam districtius tetigit, decoloravit; quia dum plus appropriinquamus ad gratiam, plus nos esse peccatores agnoscimus. Videamus Paulum ex Judæa

Act. 2.

venientem decoloratum: *Quod si volentes in Christo justificari, inventi sumus et ipsi peccatores.* Qui se in Christo peccatorem invenit, in sole se decoloratum invenit. Sed ecce pars ista quæ ex Judæa credidit, persecutionem ab infidelibus Judæis passa est, afflicta multis tribulationibus. Unde sequitur:

Filii matris meæ pugnaverunt adversum me.

vers. 5.

20. Quia filiis Synagogæ qui in infidelitate permanserunt, bellum persecutionis contra Synagogæ fideles gesserunt: sed dum persecutionem patitur ea pars, quæ ex Judæis venit ad fidem, discessit ad prædicationem Gentium. Unde & sequitur:

Conversi ex Judæis, quantas ab aliis persecutiones passi.

Posuerunt me custodem in vineis; vineam meam non custodi vi.

Idem.

Eos, ut ad gentes transirent, deseruerunt.

21. Quia dum me persequuntur hi qui in Judæa sunt, in Ecclesiis me custodem fecerunt. *Vineam meam non custodi vi*, quia Judæam deserui. Unde & Paulus dicit, unde & Apostoli: *Vobis missum fuerat verbum Dei: sed quia indignos vos judicastis, ecce imus ad Gentes.* Ac si dicat: Nos vineam nostram custodire volumus, sed quia nos ipsi respuistis, ad alienarum custodiam nos transmittitis. Itaque quæ diximus de Synagoga ad fidem conversa, dicamus modo de Ecclesia ad fidem vocata:

Act. 13. 46.

Nigra sum, sed formosa, filia Jerusalem. Ecclesia ex Gentibus veniens considerat fidelium animas, quas invenit, quas & filias Jerusalem vocat. Jerusalem quippe visio pacis dicitur: considerat quid fecit, quid facta est: & confitetur præteritas culpas, ne superba sit: confitetur præsentem vitam, ne ingrata sit, & dicit: *Nigra sum, sed formosa.* Nigra per meritum, formosa per gratiam; nigra per vitam præteritam, formosa per conversationem sequentem. Quomodo nigra sicut tabernacula Cedar? Cedar, tabernacula Gentium fuerunt, tabernacula tenebrarum fuerunt. Et Gentibus dictum est: *Fuistis aliquando tenebræ, nunc autem lux in Domino.* Quomodo formosa sicut pellis Salomonis? Macerati enim sumus per poenitentiam. Mortificata caro per

Ecclesia per meritum nigra, formosa per gratiam.

Ephes. 5. 8.

Per poenitentiam aspectum, similis est pellis Salomonis.

pœ-

pœnitentiam ; quasi pellis in obsequium regis adducitur . Omnes per pœnitentiam seipso affligentes , membra Christi se faciunt . Membra ergo Christi per pœnitentiam afflicta , pelles Salomonis sunt , quia mortificata caro fiunt .

Ecclesia ex Gentibus congregata, olim quod a fidelibus despecta .

22. Sed ecce erant in Judæa fideles, qui dedignabantur ad fidem venire Gentiles : unde & Petrum redarguunt , quod Cornelium susceperat . Unde in Ecclesia Gentium subjungitur : *Nolite me considerare quod fusca sim* . Nolite despicere Gentilitatem meam infidelitatis, nolite despicere peccata priora , nolite attendere quid fui . Quare ? quia decoloravit me sol . Sol in eo decolorat , in quo arctius & districtius se imprimit . Deus quando districtum judicium tenet , quasi districtiorem suam amplius exhibet ; & decolorat dum amplius fulget , quia dum districtiorem subtilius exercet , districte adjudicat . Quasi enim radios suos suspendit sol , quando clementer opera nostra considerat : quasi districte virtutem suam exhibet , quando districte opera nostra pensat . Dicat ergo Ecclesia : inde sum fusca , unde peccatrix , quia sol decoloravit : quia Creator meus dum me deserit , ego in errore lapsa sum .

Apostolorum in eos, quos ad fidem vocabant, certamina .

23. Sed o tu sic afflicta , sic destituta , quid meruisti ? quid ex dono consecuta es ? *Filii matris mee pugnauerunt adversum me* . Filii matris , sunt Apostoli : mater enim omnium Jerusalem superna est . Ipsi pugnauerunt contra Ecclesiam , dum ab infidelitate ad fidem prædicationibus suis , quasi quibusdam lanceis confoderunt . Unde & Paulus quasi quidam pugnator dicit : *Cogitationum consilia destruentes , & omnem altitudinem extollentem se adversus scientiam Dei* . Qui altitudinem destruit , utique pugnator est . Isti ergo pu-

2. Cor. 10, 5.

gnatores , isti filii matris Jerusalem debellaverunt Ecclesiam ab errore suo , ut illam fundarent ad justitiam . *Filii matris mee pugnauerunt contra me* . Et quid fecerunt pugnantem ? *Posuerunt me custodem in vineis* . Vineæ Ecclesiæ , sunt virtutes quæ fructificant : quia dum depugnant in me vitia , quasi de mala mea me expugnant fructificatione , & virtutum studia mihi dederunt : in vineis me custodem fecerunt , ut fructificationem afferrent . Post expugnationem specialiter dicat : *Vineam meam non custodivi* . Vineæ Ecclesiæ , antiqua consuetudo erroris est , quæ dum custos ad virtutes ponitur , deseruit antiquam consuetudinem erroris sui .

Vineæ Ecclesiæ, virtutes .

24. Diximus de Synagoga ad fidem veniente : diximus de Gentilitate conversa : dicamus ergo generaliter de tota simul Ecclesia , & specialiter quid de unaquaque anima sentiendum est . Solent pravi auditores , doctores suos non considerare quod sunt , sed quod fuerunt . Sani ergo doctores ei consentiunt quod fuerunt , & proferunt quod sunt ; ut nec peccatores se abscondant , nec iterum dona velut ingrati denegent . Dicat ergo in istis Ecclesia : *Nigra sum sed formosa* . Nigra per me , formosa per donum : nigra sum de præterito , formosa ex eo quod facta sum in futuris . Quomodo nigra , quomodo formosa ? Nigra sicut tabernacula Cedar , formosa sicut pellis Salomonis . Et non est justum ut aliquis ex præterita vita pensetur : ^a & non magis attendatur quod fuit , sed quod est . Unde subjungit : *Nolite me considerare quod fusca sim : quia decoloravit me sol* . Aliquando in Scriptura sacra , sol ponitur nimis æstus terrenorum desideriorum . Unde ergo fusca ? *Quia decoloravit me sol* , & ardore amoris terreni apud sponsum deco-

Attendi non debet, quid fuerint Ecclesiæ prædicatores, sed quid sint facti .

2

Terrenis desideriiis decoloramur .

^a Hic non magis , idem significare videtur , ac , minime .

decolorata sum, idest indecora apud regem facta.

Ibidem.

Filii matris meae pugnauerunt aduersum me.

Lapsum Angelorum praelia, ut hominem ad terrena desideria pertrahant.

^a

25. In omni creatura duæ creaturæ rationales sunt conditæ, humana & angelica: cecidit Angelus; persuasit homini ^a. Mater enim omnis creaturæ, benignitas & potentia Dei.

Nos ergo & Angeli, ex eo quod rationales conditi sumus, quasi quamdam societatem fraternitatis habemus. Sed quia Angeli ab eadem potentia conditi sunt, a qua & nos; qui tamen cadentes Angeli contra nos quotidie bellum gerunt; dicat:

Filii matris Ecclesia pugnauerunt contra me. Ecce dum pugnant isti spiritus rationales, isti spiritus filii matris dum pugnant contra animam, faciunt eam rebus terrenis incumbere, actionibus secularibus vacare, res transitorias querere. Unde & subiungit: *Posuerunt me custodem in vineis, vineam meam non custodiui.* Vineæ enim sunt actiones terrenæ.

Ac si dicat: in actibus terrenis custodem me posuerunt, ^b & quæ vineam meam, idest animam meam non custodiui, vitam meam, mentem meam custodire neglexi: quia

Aut ab anime suæ custodia reuocent.

dum exterius in rerum terrenarum actione involuta sum, ab interna custodia elapsa sum. Plerique ex eo se considerant quod iuxta ipsos est, non ex eo quod sunt. Juxta ipsos sunt dignitates, iuxta ipsos sunt exteriora ministeria; & dum custodiunt quod iuxta se habent, seipsos custodire negligunt. Dicat ergo: *Posuerunt me custodem in vineis, vineam meam non custodiui*: idest, dum exteriori custodiæ in actibus seculi deservio, interioris custodiæ sollicitudinem amisi. Sed ecce reducitur anima ad gratiam Creatoris sui, jam amet, jam requirat ubi Redemptorem suum inueniat.

^a Supple *ut caderet*, Angeli lapsi superbiam sequendo.

Indica mihi, quem diligit anima mea, ubi pascas, ubi cubes in meridie.

26. In meridie sol ferventior est.

In corde Sanctorum fervente caritate recumbit Christus.

Omnis qui in fide fervet, in amore desiderii fervet. Iste sponsus qui subter hinnulus vocatur, in corde ipsorum pascit virtutum viriditatem; in corde ipsorum recumbit in meridie, in fervore caritatis. *Indica mihi, quem diligit anima mea, ubi pascas, ubi cubes in meridie.* Quare sic querat ubi pascat, ubi cubet, reddit causam inquisitionis suæ.

Ne vagari incipiam post greges sodalium tuorum. *Ibidem.*

27. Sodales Dei, sunt amici familiares, sicut omnes qui bene vivunt: sed multi apparent sodales esse, & sodales non sunt. Multi enim doctores dum perversam doctrinam suaderent, sodales quidem videbantur, sed inimici existerunt. Dum adhuc doctor esset Arius, Sabellius, Montanus, quasi sodales videbantur; sed dum districte diffusi sunt, inimici apparuerunt. Et plerumque fideles animæ, dum inhærent verbo Dei, dum amant in doctoribus unde proficiant, cavere nesciunt perversorum verba doctorum, & ex ipsorum ore deficiunt. Quam multæ enim plebes istæ, quæ de sodalibus crediderunt, & dum eas persequuntur, per greges sodalium erraverunt? Dicat ergo: *Indica mihi ubi pascas, ubi cubes in meridie, ne vagari incipiam post greges sodalium tuorum.* Indica in quorum corda veraciter requiescas, ne incipiam vagari post greges eorum, qui sodales tibi videntur, idest qui familiares tui creduntur, & non sunt. Omnes sacerdotes, omnes doctores sodales Dei sunt, quantum ad speciem; quantum vero ad vitam, multi non sodales, sed adversarii sunt. Sed hæc ipsa quæ diximus de hæreticis

Ab hypocritis & falsis doctoribus quam cavendum.

Ad Deum, ut qui cavendi sunt indicet, assidue convertamur.

^b Forte legendum, *atque*.

ticis magistris, possumus de Catholicis non bene agentibus dicere. Multi enim parvuli intra Ecclesiam fideles, appetunt bene vivere, volunt vitam rectitudinis tenere, considerant vitam sacerdotum qui eis præpositi sunt: & dum sacerdotes ipsi non bene vivunt, dum hi qui præsunt, non recte vivunt, hi qui subsequuntur in errorem dilabuntur. Unde & Ecclesia quasi in eis parvulis & fidelibus dicit: *Indica mihi, quæm diligit anima mea, ubi pascas, ubi cubes in meridie*. Vitam mihi, veraciter servientium tibi, indica, ut sciam ubi pascas; viriditatem virtutum, ut sciam ubi cubes in meridie, id est ubi quiescas in fervore caritatis: ne dum greges sodalium tuorum aspicio, ipsa vagari incipiam, nesciens cujus verbis me & doctrinis committam. Caute enim debet omnis auditor, omnis infirmus considerare, cujus verbis se credere debeat, cujus magisterio uti debeat, cujus exempla sequi debeat. Et ecce verba sponsi redduntur ad sponsam.

Quam magis
turo consilio
morum
nostrorum
moderato-
rem eligere
debeamus.

Vers. 7.

Si ignoras te, o pulcra inter mulieres egredere, & abi post vestigia gregum, & pascce hædos tuos juxta tabernacula Pastorum.

Præcipuum
hominis su-
diam sit,
seipsum
scire.

28. Omnis anima nihil debet amplius curare, quam ut seipsam sciat. Qui enim seipsum scit, cognoscit quia ad imaginem Dei factus est, non debet similitudinem jumentorum sequi, sive in luxuria, sive in appetitu præsentis dissolvi. De qua ignorantia alibi dicitur: *Homo cum*

28. 42. 13. *in honore esset, non intellexit, comparatus est jumentis insipientibus, & similis factus est illis*. Vestigia gregum, sunt actiones populorum, quæ quanto multæ sunt, tanto impeditæ, tanto perversæ. Dicatur ergo Ecclesiæ: *Si ignoras te, o pulcra inter mulieres, egredere, & abi post vestigia gregum, & pascce hædos tuos, juxta tabernacula Pastorum*. O tu

quæ scæda per ignorantiam, per fidem pulcra facta es inter aliorum animas. Quod evidenter dicitur ad Ecclesiam electorum: si ignoras te; id est hoc ipsum, quod ad imaginem meam facta ignoras; egredere, id est foras. Si vero non cognoscis a quo facta es, egredere & abi: vade post vestigia gregum; sequere, non exempla mea, sed exempla populorum, & pascce hædos tuos juxta tabernacula Pastorum. Hædi nostri sunt motus carnales, hædi nostri sunt tentationes illicitæ. Abi post vestigia gregum, id est descende post vestigia gregum, id est descende post vestigia populorum, & pascce hædos tuos, id est nutri motus carnales, non jam sensus spirituales, sed motus carnales. Abi juxta tabernacula Pastorum, si agnos pascis in tabernaculo Pastorum, pascere, id est in doctrinis Magistrorum, in doctrinis Apostolorum, in doctrinis Prophetarum. Si vero hædos pascis, juxta tabernacula Pastorum pascce, ut fide voceris christiana, & non operibus; quia intra videris esse per fidem, & non intra per opera. Quia ecce increpasti, ecce redarguisti (quid enim non dicis) quid tu benigne ea jam operatus es? Dic plane: Nam sequitur:

Equitavi meo in curribus Pharaonis assimilavi te, amica mea. Vers. 9.

29. Omnes qui luxuriæ, qui superbiæ, qui avaritiæ, qui invidiæ, qui fallaciæ deserviunt, adhuc sub curru Pharaonis sunt, id est sub regimine diaboli: omnis vero qui in humilitate, in castitate, in doctrina, in caritate fervet, jam equus effectus est Creatoris nostri, jam in curru Dei positus est, jam sessorem Deum habet. Unde cuidam cui Dominus præsidebat, dicitur: *Durum est tibi adversus stimulum calcitrare*. Ac si diceret: Meus equus es, jam contra me calcitrare

a
Qui se ne-
scunt, pa-
scendis hæ-
dis, hoc est
carnalibus
motibus ad-
dicuntur.

Qui sint e-
qui Phara-
nis, qui
Dei.

Act. 9. 5.

non potes, jam tibi ego præsideo. *Halac. 3. 15.* De istis equis alibi dicitur: *Misisti in mari equos tuos turbantes aquas multas.* Habet ergo currus Deus, quia animabus sanctis præsidet, & per animas sanctas circumquaque percurrit. Unde scriptum est: *Cur-
rus Dei decem millia, multiplex mil-
lia latantium Dominus.* Habet cur-
rus Pharaon, qui tamen currus in
mari rubro submersi sunt, quia
multi perversi in baptismo muta-
ti sunt. Dicat ergo Sponsus: *Equi-
tati meo in curribus Pharaonis as-
similavi te, amica mea;* idest, dum
adhuc tu esses in curribus Pharaonis,
dum adhuc operibus dæmoniacis deservires, ego te equitati meo assimila-
vi, quia attendi quid prædestina-
tione in te fecerim, & equis meis
te comparavi. Videt enim Deus
adhuc multos luxuriæ, adhuc avari-
tiæ fervientes, & tamen attendit
in secreto iudicio quid jam de seip-
sis operatus est, quia habet equos
Deus: sed multos videt adhuc equos
esse Pharaonis. Et quia considerat
occulto iudicio, occulta prædesti-
natione ad bonum commutandos,
similes illos attendit jam equis suis,
quia videt ^a illos ad currum suum
ducturus, qui prius in curru Pha-
raonis deserviebant. Ubi consideran-
da sunt occulta iudicia, quia multi
videntur per prædicationem, per
sapientiam, per castitatem, per lar-
gitatem, per longanimitatem equi
Dei esse; & tamen occulto iudicio
Dei, equis Pharaonis assimilantur:
& multi videntur per avaritiam,
per superbiam, per invidiam, per
luxuriam equi Pharaonis esse; & ta-
men occulto Dei iudicio equis Dei
assimilantur. Quia & illos videt de

Occulta de
his Dei ju-
dicia.

a

^a Val cl. illos currum suum ducturos.

^b Val cl. per indiscretionem, Rotomag.
per prædestinationem.

^c Hic absoluitur Homilia secunda in co-
dice Divionensi.

^d In vulgatis additur, monilibus prædica-

bonis ad mala verti, & istos videt
de malis ad bona reduci. Sicut er-
go ^b per discretionem multi qui
equi videntur Dei, equi sunt Pha-
raonis per reprobam vitam quæ il-
los sequitur: ita per pietatem mul-
ti qui Pharaonis videntur, ejus ele-
cti per sanctam vitam quam in fi-
ne suo servaturi sunt, equis Dei
assimilantur. Unde blanditur Spon-
sus & dicit: *Equitati meo in cur-
ribus Pharaonis assimilavi te, ami-
ca.* Idest, ut adhuc in curribus Pha-
raonis subdita deserviebas, sub vi-
tiis currebas, sed ego attendi quid
de te per prædestinationem feci.
Equitati meo assimilavi te, idest
electis meis similem te ^c attendi.

*Pulcræ sunt genæ tuæ sicut tur-
turis: collum tuum sicut monilia.*

^c
Vers. 9.

30. Turtur postquam parem suum
perdiderit semel, nunquam alteri
se jungit, sed semper solitarie ha-
bitans in gemitu perseverat; quia
quem diligebat non inveniens quæ-
rit. Sic Sancta quæque anima dum
a Sponso suo absens est, ab ejus
amore non recedit, sed in ejus de-
siderium semper anhelat & gemit:
& dum illum quem valde diligit,
non invenit, quia ab omni alieno
amore se retrahit, quasi in gena-
rum verecundia castitatem cordis
ipso habitu & actu exteriori osten-
dit. Sequitur: *Collum tuum sicut
monilia.* Per collum sponsæ, præ-
dicatores sanctæ Ecclesiæ designan-
tur. ^d In monilibus gemmæ in au-
ro ponuntur. Per aurum quippe
sapientia, per lapides opera expri-
muntur. Collum ergo sponsæ sicut
monilia existit; quia quilibet re-
ctus Ecclesiæ prædicator & sapien-
tia interius se induit, & opera ex-
te-

Pia anima
turtutis a-
morem &
gemitum
debet imita-
ri.

d

tores comparantur, vel quia Ecclesia sunt
ornamentum, vel quia Ecclesiam mununt,
ut pectus mensile vel arcunditate, idest
perfectione. In mon. Quæ nulli ex mss.
codicibus nostris exhibent.

terius exercet, quæ in sapientia videt. Cui & adhuc dicitur :

Vers. 10.

Murenulas aureas faciemus tibi vermiculatas argento.

Prædicato-
res sapientia
& religione
fulgeant.

a

31. ^a Murenulis monilia collo ligantur ; quia & sapientia & religio a Scripturis sanctis prædicatoribus adjungitur : per murenulas enim sancta Scriptura intelligitur . Quæ bene aureæ & argento vermiculata dicuntur ; quia & sapientia sancta Scriptura fulget , & sonora prædicatione per mundum auditur . Sicut enim per aurum sapientia , sic per argentum sancta prædicatione demonstratur . His verbis Sponsa sponsa respondet , & per corporeas rerum species amorem intimat , quo spiritualiter intus ardet , dicens :

Vers. 11.

Dum esset rex in accubitu suo , nardus mea dedit odorem suum .

Ex Christi
Ascensione
quantum
Ecclesia
profecerit .

b

32. ^b Accubitum suum rex tunc intravit , quando Dominus noster Jesus Christus corporaliter cœli interiora penetravit . Quo ibi requiescente , nardus sponsæ odorem suum dedit : quia virtus sanctæ Ecclesiæ suavem famam bonitatis longe lateque sparsit . Ad cœlos enim Dominus ascendit , & spiritum sanctum suum super discipulos misit : quo impleti verba salutis mundo prædicarent , & per sancta opera boni odoris famam circumquaque diffunderent . Hunc quippe spiritum in Baptismo unaquæque fidelis anima recipit ; ut per eum sibi ex virtutum confectione unguenta componat , & proximos exempli exhibitione quasi unguenti odore reficiat . Sequitur :

Vers. 12.

Fasciculus myrrhæ dilectus meus mihi , inter ubera mea commorabitur .

a In nullis mss. invenimus , quæ in editis hæc antecedunt , scilicet : *Murenapisca est , qui captus verit se in circulum , ad ejus exemplar sit inauris qua murenula dicitur ; designatur prædicatione , qua auribus inharet , & eas penetrat . Murenulis .*

b Præmittitur in excusis : *Nardus est herba humilis , qua gustata frigus expellit ,*

33. Mortuorum corpōra myrrha condiri solent , ne putrescant .

Myrrham quippe corporibus ne putrescant adhibemus , dum membra nostra in Christi exemplum , per eorundem mortificationem a putredine luxuriæ restringimus ; ne dum ea sine condimento dimiserimus , dissoluta putredine escam vermis æternis nostra corpora faciamus . Sed quid est quod dilectum suum sponsa non myrrham , sed fasciculum myrrhæ nominat , nisi quod dum sancta mens Christi vitam ex omni parte considerat , contra omnia vitia ex ejus imitatione repugnantes virtutes congregat : ex quibus sibi fasciculum aptat , quo carnis suæ putredinem sempiternam abstergat ? Qui bene inter ubera commorari dicitur , quia in dilectione Dei & proximi habitatio Christi sancta ædificatur . Sancta quippe anima dum Deum sic diligit , ut proximum non contemnat , & proximi amorem sic exsequitur , ut divinum non minuat , proculdubio ubera in pectore sibi locat , quibus Christum amplectens ipsum nutriat . Quasi enim uberibus Christus nutritus roboratur , dum hac gemina dilectione , ut fortius inhæreat , delectatur . De quo & adhuc dicitur .

Corpora
nostra ne
verminum
æternorum
esca fiant ,
mortifica-
tionis myrrha
condienda .

Botrus Cypri dilectus meus mihi , in vineis Engaddi . Vers. 13.

34. Cyprus insula est , in qua uberiores vineæ quam alibinascuntur . Per Cyprum ergo Ecclesia universalis designatur , quæ multas vineas nutrit , dum in multas Ecclesias divisa , vinum quod lætificat cor hominis , gignit . c Engaddi interpretatur fons hædi . Hædus au-

Quali vi-
num gignat
Ecclesia .

c

Quali aqua
nos abluat .

& calefacit membra ; quæ mss. nesciunt .

c Hic inferitur in aliis excusis : *In Engaddi balsamum gignitur , quod cum oleo , pontificali benedictione chrisma efficitur , quo dona Sancti Spiritus exprimuntur . Engaddi , &c .* Quæ utpote mss. ignota expunximus . Desumpta videntur ex Bedæ lib. 2. in Cant. ad eundem vers. *Botrus .*

tem antiquitus pro peccatis immolabatur. Quid ergo per fontem hœdi, nisi baptisumus Christi figuratur? In quo dum corpus intingitur, anima abluitur; & per illius fidem qui pro peccatoribus mortem pertulit, anima humana a peccatis omnibus mundari se credit. Cui mox dilectus respondet:

Verf. 14.

Ecce tu pulchra es, amica mea, ecce tu pulchra, oculi tui columbarum.

Unde gemina Ecclesiæ pulchritudo.

35. Bis pulchram Sponsus sponsam suam vocat; quia cui dilectionem Dei & proximi donat, geminam pulchritudinem ei inferit, qua delectatur, & quam laudat. Cujus oculi bene columbarum esse perhibentur; quia dum in temporalibus gemit, & ad æterna desiderio rapitur, in simplicitate sensus suos custodit, & carnales concupiscentias detestatur. Columba quippe in amore pro cantu gemit. Et bene sancta anima columbæ comparatur: quia dum reprobi quique in amore mundi garriunt & lætantur, mens electa in cœlesti desiderio atteritur: quia timet ne amittat quod diligit, dum differtur. Possunt etiam per oculos columbarum, Ecclesiarum prædicatores intelligi; qui simplicitatem quam prædicant, servant, & visibilia contemnentes, ad æterna cum magnis gemitibus anhelant. Sequitur vox sponsæ dicentis:

Verf. 15. & 16.

Ecce tu pulcher es: dilecte mi, & decorus: lectulus noster floridus, tigna domorum nostrarum cedrina, laquearia nostra cypressina.

Unde Sponsæ decor.

36. Pulcher & decorus dilectus dicitur, quia in divinitate & humanitate ab omni amanti se mente sine macula reprehensionis aspiciunt. Quem dum sponsa pleno de-

siderio sequitur, omnium mundi perturbationum obliviscitur: & dum in ejus pace quiescit, magis ac magis decoratur. Unde sequitur: *Lectulus noster floridus*. Quid lectulus sponsæ, nisi otii quietem intelligimus? Mens enim quæ sponsum suum Christum singulariter amat, in quantum potest, ab omnibus sollicitudinibus mundi vacat, virtutes quibus Sponso suo placeat, intus accumulat. Quæ dum omnia quæ temporalia sunt contemnit, lectulum sibi cum sponso in pace victoriæ facit, ubi quo quietius pausat, eo amplius flores invenit quibus se decoram Sponso ostendat. Sequitur: *Tigna domorum nostrarum cedrina, laquearia nostra cypressina*. Per domus, plures Ecclesias intelligimus, per tigna cedrina prædicatores designamus, per laquearia cypressina ipsos populos figuramus. Tigna enim tectum sustentant, laquearia vero domum implent & ornant. Sic in sancta Ecclesia prædicatores boni Scripturam divinam in corde & ore portant, quam fidelibus expandentes prædicant: ut dum Ecclesia prædicatione cœlesti instruitur, munimen accipiat, quo ab imbribus tentationum protegatur. Cedrus autem & cypressus imputribilia ligna esse perhibentur. Quibus bene omnes electi figurantur, quia dum temporalia nullo desiderio sectantur, æterni fiunt, eo quod mente in æterna figuntur. Respondet Sponsus & dicit:

Quid lectulus sponsæ significet.

Quid tigna cedrina, & laquearia cypressina.

b.

c.

d.

C A P U T I I.

Ego flos campi, & lilium convallium.

Cap. 2. Verf. 1.

1. Bene florem Christus se nominat.

Cur flos dictus Christus.

C. 2.

mi-

a Editi, ad æterna desideria.

b Hoc loco octo linearum assumentum resecuimus, mss. omnium consensu rejiciendum.

c Hæc omissa ex mss. revocavimus.

d In vulgatis, contra mss. fidem, quasi tectum expandentes.

minat, qui dum spinas peccatorum exterminat, mentem sponsæ & pulchritudine suæ justitiæ exornat, & naribus cordis dum cœleste desiderium applicat, interiora animæ quasi odore refocillat. Qui sequitur adhuc & dicit:

Vers. 2.

Sicut lilium inter spinas, sic amica mea inter filias.

Lili candom
rem & odo-
rem pia x-
mulier
anima.

2. Bene sicut lilium inter spinas, sponsa inter filias esse perhibetur: quia cum multi sint in Ecclesia qui solis verbis Christum confitentur, operibus vero nihil nisi humanas sollicitudines sectantur, dum sola illa anima in lilii dignitate computatur, quæ a mortalitatis radice ad cœlestem pulchritudinem assurgit, & munditiæ candorem corde & corpore sibi ipsi custodit, & proximos quosque bonæ opinionis odore reficit. Sed quia Sponsus sponsam suam tanta laude dignam habuit, ipsa jam ex debito laudat, a quo laudari perspicit, & dicit:

Vers. 3.

Sicut malus inter ligna silvarum, sic dilectus meus inter filios.

In solo
Christo ci-
bum salutis
invenimus.

3. Ligna silvestria esui hominum habiles fructus non gignunt: malus vero quod gignit, congrue & salubriter homines edunt. Merito ergo per malum Christus, per silvestria vero ligna cæteri homines figurantur: quia in solo Christo cibum salutis quoties quærimus invenimus; in ejus verbis & exemplis animas nostras fructu suavi & salubri reficimus. Ipse est quippe lignum vitæ, ^a quod nobis tribuit. Ipse est qui dum nobis semetipsum inspirat, animam pascit. In cæteris vero si quid refocillationis invenimus, non quod illorum, sed quod Christi est, ab illis sumimus: quia quidquid in eis præter Deum est, mortiferum nobis proculdubio invenimus.

Ibidem.

Sub umbra illius quem desidera-

^a Excusi, quam nobis tribuit.

bam, sedi: & fructus ejus dulcis gutturi meo.

4. Umbra Christi, protectio est Spiritus sancti. Spiritus quippe sanctus mentem quam replet, obumbrat: quia omnem tentationum fervorem temperat; & dum aura suæ inspirationis suaviter mentem tangit, quidquid noxii caloris sustinebat, expellit; & quam jam forsitan nimius vitiorum æstus marcidam fecerat, umbra sancti Spiritus protegens recreat: ut dura in ejus inspiratione sedens pausat, vires colligat quibus ad æternam vitam robustius currat. Sequitur: *Et fructus ejus dulcis gutturi meo.* Ar-

Umbra Spi-
ritus sancti
recreamus.

bor quippe fructifera ipse Christus in corde plantatus consistit: quam si mens nostra digne diligit, & instanter excolit, fructus nimirum interius pulcros & utiles gignit. Quos dum mens capiens avidè comedit, omnes mundi voluptates præ ejus dulcedine postponit. Dulce enim est valde sibi cœlestia cogitare, in æternitate oculum intimum figere, ut aliquando in fletibus etiam mens accensa compungatur, & inter lacrymas sublevata, Angelorum cibo, ipsa videlicet sapientia, quanto dulcius, tanto avidius pascatur. Inde est quod subditur:

Introduxit me Rex in cellam vinariam, ordinavit in me caritatem.

Vers. 4.

5. Quid enim per cellam vinariam congruentius, quam ipsam arcanam æternitatis contemplationem accipimus? In hac æternitate Angeli sancti vino sapientiæ inebriantur, dum ipsum Deum facie ad faciem videntes omni voluptate spiritali satiantur. Hanc sancta mens (postpositis omnibus temporalibus) si a Sponso introducatur, intrat in qua ex illis angelicis deliciis quantum sibi conceditur, gustat. Et quia adhuc in corpore corruptibili detinetur, se perfecte non satiat: tamen ex illo

Cella vine-
ria contem-
platio voca-
tur.

mi-

minimo quod cursim sumit, considerat quantum debeat amare quod amat. Potest tamen per cellam vinariam Scriptura divina figurari. Per hanc quippe in sponsa caritas ordinatur, quia in ejus doctrina manifeste discitur, qualiter Deus & proximus ordinate diligantur. Hac caritate percussa sequitur & dicit:

Vers. 5.

Fulcit me floribus, stipate me malis, quia amore langueo.

Quibus floribus & fructibus Ecclesia fulcitur.

6. Per flores, teneri quique & incipientes; per mala vero, perfecti fideles designantur. Sponsa quippe quia amore languet, fulciri se floribus & stipari malis appetit: qui dum se æternitatis desiderio afficit, dum qualiter illuc perveniat, tota anxietate perquirat, ^a sed perventionem dum in carne vivit, omnino non invenit, fatigata in desiderio suo requiescit; & in hoc solo gaudet, si circa se prospicit vel quibus ipsa, vel in quorum perfectione consolationem de languore suo perspicere possit. Quibus de Sponso suo subsequenter hæc dicit:

Vers. 6.

Læva ejus sub capite meo, & dextera illius amplexabitur me.

Temporalia ex necessitate tolerans, ad æterna contendit.

7. Per lævam Sponsi vita præsens, per dexteram vero vita æterna designatur. Per caput autem sponsæ, mens quæ animæ dominatur, assumitur. Sed læva Sponsi sub capite sponsæ esse dicitur, & dextera ejus amplexatur eam; quia vitam temporalem sub mente sua semper ponit, vitam vero æternam ut omni modo amplexetur concupiscit. Hæc quippe quæ videt, magnanimiter mente sublimi conculcat, officiis cœlestibus se occupat. Hæc ex necessitate tolerat, ad illa summo desiderio quasi brachio dextero sponsi astricta suspirat. In quæ cum aliquantulum intrat, delectabiliter quie-

scit, cujus quietis dilectione mundanos tumultus omnino fastidit. Sic quiescentem utique Sponsus amplius diligit, & ab ejus excitatione improbos quosque repellit, dicens:

Adjuro vos filiæ Jerusalem, per capreas, cervosque camporum, ne suscitetis, neque evigilare faciatis dilectam, donec ipsa velit.

Vers. 7.

b

8. Cervi & capreæ munda animalia in Lege esse perhibentur. Quid ergo per cervos & capreas, nisi fidem, spem, & caritatem accipimus? Quas dum nobis mundas servamus, per easdem altos montes contemplationis ascendimus. Sancta autem anima sponsa Christi a cunctis mundi perturbationibus quiescere appetit, in sinu Sponsi sopitis terrenis cupiditatibus dormire sancto otio concupiscit: ita ut etiam necessaria colloquia aliquando fastidiat, soliusque Sponsi colloquutione quanto quietius, tanto serenius hilarescat. Sed hanc dormientem carnales qui sunt in Ecclesia, nonnunquam importune excitant, negotiis mundi eam implicare desiderant: quia ejus vitam inutilem existimant, dum ab eorum curis eam se abstinenter considerant. Hi tales satis congrue non filii, sed filiæ nominantur: quia dum effeminatos mores nutriunt, virili dignitate amissa, quales interius habentur, exterius nomine femineo designantur. Hi dilectam suscitare sub adjurationis pondere prohibentur; ne videlicet mentem quæ ad vocandum Deo se accingit, & solis spiritualibus studiis inhærere concupiscit, importunis sollicitationibus inquietent, & tenebris curarum terrenarum oculum cordis ejus obnubilent. Et tamen non eis omnis cura proximi interdicitur, sed quando suscitari debeat, ejus voluntati re-

In sinu Sponsi dormientem animam excitare carnales prohibentur.

Sic tamen contemplationis quieti vacandum, ut caritatis opera non omittantur.

^a Sic legitur in omnibus mss. Quam lectionem etsi obscuriorem præferendam duximus editorum alteri; perquirat, eo quod perfectionem, dum in carne vivit. . . reus quiescit. Et in hoc solo gaudet si circa se

respicit, vel in quibus ipsa proficiat, vel in quorum perfectione consolationem de languore suo recipere possit.

^b In Rotomag. & Val-cl. quoadusque ipsa velit.

linquitur: quia profecto omni perfectæ animæ discernendum est, & quando cœlesti contemplationi studeat, & quando proximorum utilitatibus inserviat. Hanc vacandi Deo licentiam libentissime sponsa suscipit; statimque verbum Sponsi amplectitur & dicit:

Verf. 8.

Vox dilecti mei: Ecce iste venit saliens in montibus, transiliens colles.

Vacandi Deo licentiam libentissime sponsa suscipit.

9. Ac si diceret: Hanc vocem dilecti mei Sponsi esse recognosco, hanc ab ejus ore semper audire desidero: quia in hoc video quantum

In amplexus sponsæ rursus Christus, quos montes & colles transilievit.

me diligat, cum me ab amplexibus ejus desiderabilibus impediri prohibeat. Ad hos amplexus qualiter pervenerit, subito narrat, dicens: *Ecce iste venit saliens in montibus, transiliens colles.* Ad amplexus sponsæ suæ Christus venire disponens, humanitatem nostram dignanter assumpsit. Ad quod mysterium peragendum, quasi saliens in montibus venit: quia quædam opera inter homines ostendit, quæ valde sublimia & super homines esse perspicuus humanum genus admirari potuit, attingere non potuit. Quod enim de virgine natus est, quod ad vagientem adorandum ire Pastores Angelus admonuit, Magos stellas perduxit: quod pendens in cruce qua hora voluit spiritum emisit: quod mortuus tertia die seipsum suscitavit: quod cœlum ingressus Spiritum sanctum quibus sibi placuit donavit: quod fidei suæ per piscatores & idiotas mundum subjugavit: hæc faciens quasi in montibus ambulavit, quo eum nulla creatura assequi valuit. In his nimirum operibus colles transilivit: quia Sanctos omnes, quantumcumque excreverint, potentia suæ operationis transcendit. De quo & sequitur:

Verf. 9.

Similis est dilectus meus capræ, hinnuloque cervorum.

Similis capræ bene esse dicitur, quia ex Synagoga carnem traxit, quæ per capream ostenditur. Et quia ex antiquorum Sanctorum stirpe progenitus est, quasi hinnulus cervorum recte esse perhibetur. Sequitur:

Ibidem.

En ipse stat post parietem nostrum, aspiciens per fenestras, ^a prospiciens per cancellos.

a

10. Quasi post parietem nostrum Christus incarnatus stetit; quia in humanitate assumpta divinitas latuit. Et quia ejus immensitatem si ostenderet, infirmitas humana ferre non posset, carnis obstaculum objecit; & quidquid magni inter homines operatus est, quasi post parietem latitans fecit. Per fenestras autem & cancellos qui aspicit, partim videtur, partim vero se abscondit. Sic & Dominus Jesus Christus dum & miracula per divinitatis potentiam fecit, & abjecta per carnis infirmitatem pertulit, quasi per fenestram & cancellos prospexit: quia in alio latens, in alio quis esset apparuit. Incarnatus itaque Ecclesiæ suæ, vel unicuique perfectæ animæ loquitur, & ad æternam exhortatur patriam, dicens:

In carne absconditus Deus, velut post parietem latuit.

At per fenestras & cancellos: quandoque prospexit.

Surge, propera amica mea, columba mea, formosa mea, & veni.

Verf. 10.

11. Propter fidem Christus sponsam suam amicam vocat, columbam propter simplicitatem, formosam propter operationem. Quia enim sine fide Deo placere non possumus, bene per fidem amici vocamur; quia dum fide cœlestia appetimus, abjectis terrenis Deo adhæremus. Columba vero bene anima propter simplicitatem dicitur; quia dum simplicem Deum cordis simplicitate perscrutatur, nequaquam mundi ineptam lætitiā dissoluta sectatur, sed semper ad æterna festinans, columbæ gemitum diligendo imitatur. Propter

Anima per fidem amica sit, per simplicitatem columba, formosa per operationem.

pter operationem, anima formosa recte appellatur: quia dum præteritæ vitæ peccata per bona opera redimit, quasi antiquam turpitudinem assumpta forma meliori ante sponsi oculos abscondit. Hanc itaque hortatur Sponsus ut surgat & veniat; quia dignum est ut quicumque ad amorem Christi properat, carnis torporem quantum potest abjiciat, & se ad æterna consequenda celeriter accingat. Sed quia ut ad cœlestia festinemus, per exhibitionem novi Testamenti a Deo accepimus, ideo recte sequitur:

Ut operetur
surgat &
propter.

Vers. 11.

Jam enim hiems transiit, imber abiit & recessit.

Hiemis ad-
ventu Chri-
sti fugata.

12. Quid per hiemem, nisi Legis austeritas intelligendum est? Quæ dum in carnalibus sacrificiis populum antiquum detinuit, ad appetenda spiritualia & cœlestia observatores suos non adjuvit. Possumus etiam per hiemem vitam præsentem intelligere, quæ dum nos assiduis tentationibus impetit, quasi imbribus importunis ad sequendum Christum torpore compellit. Sed jam sponsa surgat, quia hiems transiit: quoniam quanto magis dies ultimus instat, præsens vita recedit; & quo amplius tempus ad terminum ducitur, eo citius currendum est, ne electa anima oblati sibi muneribus æternis privetur. *Transiit enim* dicitur, quia in proximo transitura esse non dubitatur. Sequitur:

Instantique
æternæ felici-
tatis æstas.

Vers. 12.

Flores apparuerunt in terra; tempus putationis advenit.

Sanctæ ani-
mæ a corpo-
re solutæ
cœlo assum-
tur.

13. Flores apparuisse in terra dicuntur; quia sanctæ animæ cum a corporibus recedunt, in cœlo recipiuntur. Et quia in hac vita quamvis hiems fuerit, a bono opere non torpuerunt, mox ut recesserunt, in terra viventium gloriose floruerunt. Bene ergo sequitur quod dicit: *Tempus putationis advenit*: quia quo amplius in cœlo electorum numerus congregatur, eo celerius repro-

bi ab Ecclesia tamquam sarmenta inutilia amputantur, ut mundus citius finiatur. Sequitur:

Vox turturis audita est in terra nostra: ficus protulit grossos suos, vineæ florentes dederunt odorem suum.

Ibid. &
Vers. 13.

14. Quid per turturem, nisi Ecclesia; quid per terram Sponsi, nisi vita illa beata designatur? Sed vox turturis in terra Sponsi audita esse dicitur: quia dum pro desiderio suo sancta Ecclesia deprecatur, a Christo in cœlo clementissime exauditur. De qua recte subditur: *Ficus protulit grossos suos, vineæ florentes dederunt odorem suum.* Ficus quippe grossos suos protulit; quia sancta Ecclesia Martyres suos ad æternam patriam præmisit. Post quos vineæ florentes odorem suum dederunt; quia per universum mundum exempla bonorum operum excreverunt. Vineæ utique flores producant, cum singulæ Ecclesiæ animas prius infideles ad fidei novitatem per Baptismum educunt. Sed flores ipsi odorem proferunt, cum credentes animæ exempla bona per suavam opinionem sibi invicem & aliis aspergunt. Sed quia Christus utroque modo exhortationis nos trahit, ut videlicet & præceptis nos admoneat, & exemplis Sanctorum nos erigat, idcirco sponsæ suæ prius ut surgeret admonendo præcepit, & deinde exempla Sanctorum ad cognitionem adduxit, & post exemplorum exhibitionem iterum se ad præcepti commonitionem convertit, dicens:

Ecclesiæ ge-
mitus exau-
diuntur.

Ad æternam
patriam
martyres
præmisit.

Vineæ Ec-
clesiæ odor,
bona sunt ex-
empla.

Surge amica mea, soror mea, & veni, columba mea in foraminibus petre, in caverna maceræ.

Ibid. &
Vers. 14.

15. Surgit anima, cum a peccati perpetratione se erigit: venit, cum per bona opera desiderii sancti passibus sanctis ad cœlestia tendit. Sancta etenim mens cum præteritæ vitæ turpitudinem conspiciat, cum peccata sua enumerat quæ fecit, mox secum in conscientia erubescit, & quæ:

Prius a pec-
cato surgen-
dum, dein-
de ad cœle-
stia propen-
dendum.

quæcumque in mundo dilexerat, ad odium sibi transferens fletibus se punit; & ipsa pœnitentia facta robustior, ab omni iniquatione etiam^a exsilit, & ab omni torpore negligentiae se excutit; ut jam non infimis cogitationibus non jaceat, sed ad appetenda invisibilia per sancta desideria se extendat. Hæc itaque mens surgit & venit; quia & a torporis infirmitate per compunctionem se erigit, & in sanctis studiis se exercens, ad æterna pedibus amoris currit. Per foramina autem petrae, vulnera manuum & pedum Christi in cruce pendentis libenter intellexerim. Cavernam vero maceriae, vulnus lateris quod lancea factum est, eodem sensu dixerim. Et bene columba in foraminibus petrae & in caverna maceriae esse dicitur: quia dum in crucis recollectione patientiam Christi imitatur, dum ipsa vulnera propter exemplum ad memoriam reducit, quasi columba in foraminibus, sic simplex anima in vulneribus nutrimentum quo convalescat, invenit. Possunt tamen per foramina petrae, incarnationis Christi sacramenta signari, & per cavernam maceriae, ipsa protectio angelicae custodiae figurari. In qua custodia cum anima ponitur, ei a Sponso dicitur:

Foramina
petrae sunt
Christi vul-
nera.

Et ejus In-
carnationis
mysteria.

Idem.

Ita prædi-
canda fi-
des ut per
bona opera
comprobe-
tur.

*Ostende mihi faciem tuam, sonet
vox tua in auribus meis: vox enim
tua dulcis, & facies tua decora.*

16. Quid enim per faciem, nisi fidem qua a Deo cognoscimur, accipimus? Et quid per vocem, nisi prædicationem intelligimus? Sed præcipit Sponsus ut ei sponsa faciem suam ostendat: quia quicumque se fidem dicit habere, necesse est ut in bonis operibus se exercent; ut in operibus exterioribus fides interior innotescat. Sed & opera necesse est ut vox prædicationis sequatur: quia quicumque

in sanctis operibus se dilatat; consequens est ut ad eadem facienda proximos quosque exhortetur. Ideo sequitur: *Vox enim tua dulcis, & facies tua decora*. Tunc enim & vox placet, & facies decoratur, quando & opera prædicationis sequitur, & rursus prædicationem bona opera comitantur. Hujusmodi prædicatoribus consequenter dicitur:

*Capite nobis^b vulpeculas, quæ
demoliuntur vineas: nam vinea nostra
floruit.*

^b
Vers. 15.

17. Per vulpes hæretici, per vineas singulae Ecclesiae designantur. Sed vulpes vineas demoliuntur; quia per hæreticos Ecclesiae a rectae fidei viriditate exsiccantur. Quæ bene parvulae dicuntur; quia quamvis contra veritatem intus superbiant, exterius tamen in verbis humilitatem per simulationem sectantur. Quæ tunc a sanctis prædicatoribus capiuntur, quando instante altercatione, sententiis veritatis convincuntur. Prædicatores quippe sancti aliquando

vulpeculae
hæretici,
maxime qui
humilita-
tem simu-
lant.

canes per similitudinem dicuntur: quia prædicationibus assiduus, quasi latratibus importunis, adversarios quosque a grege ovium arcere nituntur. Isti canes vulpes Christo capiunt; quia ducem suum dum fideliter diligunt, pro ejus amore laborantes, tergiversantes hæreticos ab involutionibus quæstionum, quasi a tenebris caveis ad lucem veritatis educunt. Quare vero vulpium demolitio timeatur, manifestatur cum dicitur: *Nam vinea nostra floruit*. Vineam quippe floruit; quia sancta Ecclesia per Baptismum filios ad fidei novam conversationem perduxit. Quibus timendum est, ne ab hæreticis depraventur; quia dum quique credentes in novitatem Christi regenerantur, quo quisque tenerior est, eo citius ad pravitatem seducitur. Floribus omnino timendum est,

A prædica-
toribus,
tamquam
canibus, e-
latebris suis
sunt exagio-
tandi.

Ab his quan-
tum infirmis
periculi im-
mineat.

^a In excusis, etiam cogitationis exsilit.

^b Sic legimus in omnibus mss. ubi editi

habent, vulpes parvulas, forte quia postea legitur: parvula dicitur.

est, ne pereant: quia dum adhuc quisque ad perfectionem per exercitium diuturnum non convaluit, facile si a deute venenoso mordetur, ad hoc quod nactus fuerat, evanescit. Perfecta enim quæque anima in quo se jam diu exercuit, facile non amittit: quia quo frequentius palato intimo quam dulcis sit Dominus gustavit, eo constantius Sponsi rectitudinem tenet, & distorta fastidit. Quæ prosequitur convenienter, & dicit:

Vers. 16. & 7. *Dilectus meus mihi, & ego illi, qui pascitur inter lilia, donec aspiret dies, & inclinentur umbræ.*

Perfecti vero ex eorum afflatu non ira periclitantur.

18. Ac si diceret: Dilecti mei amicitiam constanter teneo, quia ejus constantem benevolentiam erga me sentio. Quia dum ejus familiaritatem benignam habeo, durum mihi est quidquid ei adversum inimicos latrantes audio. Et dum in ejus assiduitate qualis sit video, si quid erroris proferunt adversarii, a veritate quam in ejus visione cognovi, non recedo. De quo bene sequitur: *Qui pascitur inter lilia, donec aspiret dies, & inclinentur umbræ.* Quid per lilia, ^a nisi animæ designantur? Quæ dum castitatis candorem retinent, per bonæ famæ opinionem proximis quibusque suaviter olent. Inter lilia Sponsus ergo pascitur; quia proculdubio animarum castitate delectatur^a, quæ & in se munditiam carnis conservant, & per nitidas cogitationes coram eo placent, & exempla proximis quasi odoris suavitatem donant. Dies vero tunc aspirabit, & umbræ inclinabuntur, quando vita æterna apparebit, & præsens vita finietur. Quippe dies erit, hic vero ^b nox: quia hic in visione caligamus, ibi dies ipsa

^a An me caste, lilia quibus Christus delectatur.

Et quorum odore mulcet Ecclesia.

^b Nunc nox est, Quando dies erit?

^a Addunt vulgati, nisi munda anima, silentibus mss.

^b Ita legitur in omnibus mss. At in excusis: hic quippe nox est, ibi vero dies erit.

Tom. XIV.

tota veritas mentibus elucebit. Ad hanc diem prorsus animæ enituntur ut perveniant: propter hanc, justitiam illibaram in quantum possunt conservant: & quia sine Christo nihil possunt, ejus auxilium invocant, ejus familiaritatem desiderant. Quarum dum mentem considerat, proper est benignus & adjuvat; & quo amplius proficiunt, eo familiarius semper amat, donec finitis tenebris mundi, ad vitæ æternæ lucem perfectas educat. Quam lucem quia valde desiderant, eamque cum Dominus ad judicium venerit, videntam esse putant, idcirco cum summo desiderio dicunt:

Revertere; similis esto, dilecte mi, capræ hinnuloque cervorum super montes Bethel.

Ibidem.

19. A nobis dilectus corporaliter tunc abiit, quando post resurrectionem in cælum ascendit. Tunc autem revertetur, quando in fine mundi resuscitatis corporibus hominum, omnibus in judicio manifestabitur. Qui vere similis capræ & hinnulo cervorum apparebit: quia in carne nostra veniens ad judicium, omnibus se monstrabit. Per capream enim, quæ mundum est animal, Ecclesia designatur; quæ dum in coelestibus mente habitat, quasi in montibus pascitur. Per cervos autem quid aliud quam Patres antiqui designantur, ex quorum carne Christus natus, quasi hinnulus cervorum mundo est præsentatus? Bethel autem domus Dei interpretatur. Quæ bene Ecclesia Dei dicitur; quia in ea Dominus habitat, dum per fidem corda nostra mundantur. Super montes ergo Bethel similis capræ hinnuloque cervorum apparebit; quia in ea humanitatis forma ad judicium

Quando & qualis Christus, qui per Ascensionem abest, ad nos reversurus sit.

ve-

rie: quia hic in visione veritatis caligamus, ibi Deus ipse tota veritas mentibus elucebit.

D

veniet, quam ab Ecclesia sumsit, quando in hoc mundo ex patrum progenie quasi hinnulus ex cervis humilis natus fuit. Qui vere & similis capreae, & super montes Bethel apparebit: quia ex humanitatis forma similis Ecclesiae erit & tamen super ipsos summos, qui quasi montes excellunt, in Ecclesia sublimior eminebit. Qui dum venire moratur, quia eum semper sancta anima perquirere nititur, ideo sequitur:

CAPUT III.

Con. 3.
Vers. 1.

IN lectulo meo per noctes quasi vi quem diligit anima mea: quasi vi illum, & non inveni.

Animæ lectulus, omnium perurbationum fuga, & secretum.

1. Lectulum sibi sancta anima per noctes facit, dum omnes perurbationes mundi fugiens, secretum comparat, in quo requiescit. In hoc lectulo quem diligit quærit; quia dum ab omnibus sollicitudinibus mundi vacat, in ejus inquisitione quomodo ad illum perveniat, non quiescit. Notandum est autem quia per noctes quærit, qui modo in hoc mundo vivit, & perfecte tenebras temporalitatis a se excutit. Quas quo graviore patitur, eo ferventius quærit eum; quo invento, tenebras amplius non patietur. Sed quia quem quærit, nunquam perfecte in hoc mundo invenit, ideo subjungit: *Quasi vi illum, & non inveni*. Quia vero maximo desiderio æstuat, & quidquid tenet, ei non sufficit, donec dilectum inveniat, ideo constantiam inquisitionis subjungit, dicens:

Vers. 2.

Surgam, circuibo civitatem: per vicos & plateas quæram quem diligit anima mea: quasi vi illum, & non inveni.

a Vulgati, reluctantibus omnibus mss. a se non excutit. Lectio nostra, etsi prima fronte, veritate carere videatur, est tamen verior, juxta S. Gregorii mentem: anima enim quæ omnes mundi perurbationes fugiens

2. Quid per civitatem in hoc loco, nisi Ecclesiam: quid per vicos civitatis, nisi spirituales quosque accipimus? Qui dum b ad Ecclesiam toto corde gradiuntur, angustam viam tenent, qua ad vitam perducantur. Per plateas autem, seculares designantur, qui dum voluptates suas multas sequuntur, latas vias gradiuntur. Surgit ergo sponsa & civitatem circuit, quia perfecta anima quæ visibilia fastidit, omnes Sanctos qui sunt vel fuerunt in Ecclesia, mente conspicit, si quid forte in eorum actibus reperit quod imitando, ad Sponsi inventionem aliquando pervenire possit. Per vicos autem & per plateas quærit: quia dum per bonorum imitationem ad dilecti familiares amplexus pervenire satagit, non solum in spiritualibus, sed & in ipsis etiam carnalibus aliquando invenit quod imitari digne possit. Sed postquam laborem geminatum insinuavit, iterum difficultatem inventionis subdit, dicens: *Quasi vi illum, & non inveni*. Sed dum quærit & non invenit, ipsa etiam quæritur & invenitur, & ideo subditur:

Dilectus ejus quam sollicite querendus. Matt. 7. b.

Invenerunt me vigiles qui custodiunt civitatem: Num quem diligit anima mea vidistis? Vers. 3.

3. Quid per vigiles, nisi doctores Ecclesiae designantur? Qui dum lucrandis animabus & scriptis & dictis invigilant, ubi desiderii aliquantulum sentiunt, augmentare ad melius nunquam cessant. Illi sponsam quærentem inveniunt; quia piam animam Christum invenire satagentem excipiunt, & ut citius inveniat, præceptis instruunt, exemplis accendunt. Quos illa interrogans, dicit: *Num quem diligit anima mea vidistis?* Bene eos sponsa interrogare dicitur; quia

Vigiles sunt Ecclesiae doctores.

lectulum sibi facit, tenebras temporalitatis perfecte, quantum in ipsa est, a se excutit.

b Excusi, qui dum ad celestia,

quia dum eorum scripta vel verba vigilantī animo perscrutatur, tamquam præsētib⁹ etiam absētib⁹ animi intentione loquens, quid de Christo senserint, sciscitatur. Quia verodum in eos intendit, nunquam sponsum invenit, consequenter subjungit:

Vers. 4. Paululum cum pertransissē cōs, inveni quem diligit anima mea.

4. Paululum vigiles transit, & dilectum invenit; quia dum eos puros homines esse cogitat, ad divinitatem mentem erigit, ibique Sponsum suum supra homines Patri æqualem cognoscit. Quem tunc invenisse se dicit, cum sanctis laboribus adjuta, in ejus divinitatis claritatem oculum fidei tamquam per speculum contemplando aliquantulum figit. Quod tantillum quanta aviditate mentis suscipiat, ostendit, dicens:

Ibid. Tenui eum, nec dimittam, donec introducam illum in domum matris meæ, & in cubiculum genitricis meæ.

5. Mater Ecclesiæ Synagoga existit; quia ex ipsa sanctos prædicatores habuit, a quibus verbum veritatis suscepit, per quod in fide regenerata fuit. Tenet ergo Sponsum Ecclesia donec in domum matris eum introducat; quia usque in finem mundi ab ejus fide & amore non recedit, donec ad fidem Judæos adducat. Non quod postea recedat: quippe quem in exilio diligit, in patria videns amplius amabit. Sed de illo tempore dici debuit, de quo a quibuslibet propter obstitentes tentationes dubitari potuit. In domum ergo matris dilectum introducet, quando in fine mundi Ecclesia per prædicationem in plebem Judaicam Christiana sacramenta immittet. In cubiculum autem quasi in secretiorē partem domus eum introducet: quia ex eadem plebe ita plurimos

convertet, ut omnes mundi sarcinas abjiciant, & in intimis cogitionibus soli Deo placere concupiscant. Hujusmodi homines cubiculum facient Sponso: quia dum a se omnes fordes cupiditatis abjiciant, quasi secretum locum in mente in quo delectetur, component. A quorum inquietatione in eis delectabiliter pausans Sponsus, improbos prohibet, dicens:

Adjuro vos, filiæ Jerusalem, per capreas cervosque camporum, ne suscitetis, neque evigilare faciatis dilectam, donec ipsa velit.

6. In hoc utique ostendit, quia ejusdem perfectionis quosdam de Synagoga post conversionem inveniet, cujus de Ecclesia quam plurimos, dum in eorum quiete similiter delectatur, ab eis^a inquietatorem prohibet, sicut ab Ecclesia prohibuit. Introducta ergo ad fidem Synagoga, Ecclesiæ mentem per opera quæ videt, conspicit, & sublimitatem ejus valde admirans, dicit:

Quæ est ista quæ ascendit per desertum, sicut virgula fumi ex aromatibus myrrhæ, & thuris, & universi pulveris pigmentarii?

7. In deserto itaque, in hoc mundo Ecclesia, sive sancta quæque animavit, dum a regno exfulinter bestias, dæmones videlicet, degit. Hic enim etsi non omnino a Sponso deferitur, tamen dum in carne est, nondum ad certam ejus visionem admittitur, dum ab eo per exilia & tentationes peregrinatur: quia dum adhuc cum eo non regnat, deferi ab eo sibi videtur. Ob hoc semper laborat ut ascendat, ut quem valde diligit, magis ac magis sentiat; quatenus quoniam perfecte eum in deserto non tenet, vel in ipso ejus desiderio se reficiat; ut sic in via roborata, quandoque ad hoc quod diu concupivit, perveniat. Sunt

D 2

quip-

Et quorumdam ejus filiorum perfectus status.

a

Hic exsulans Ecclesia quasi in deserto, speretis omnibus ad cœlestem patriam anhelat.

quippe nonnulli, qui dum omnia visibilia fastidiunt, mentem in cœlestia erigunt: & quia in infimis nihil quod eis dulcescat, conspiciunt, totum cor ad superna convertunt. Hi ab omnibus malis moribus se exuunt, censum mundi cum cupiditatibus contemnunt, spe ad invisibilia tendunt; & quo ampliori desiderio illis inhærent, eo magis ac magis moleste corruptionem ferunt quam habent. Hi nimirum per desertum ascendunt: quia dum in hoc mundo inter tentationes vivunt, quo amplius dum hic morantur deserti metuunt, eo quidem fortius ista deserunt, & ferventius ad illa gradiuntur, in quibus cum fuerint, nihil amplius quod eos amoveat, jam timebunt.

Cur fumo
ex aromati-
bus exhalat
to compara-
re.

8. Bene autem sicut virgula fumi ascendere dicuntur: quia & odorem bonæ famæ, & subtilitatem mentis habere dicuntur. Non autem quarumlibet rerum fumus iste esse dicitur, sed ex aromatibus myrrhæ, & thuris, & universi pulveris pigmentarii existere declaratur. Myrrha quippe mortuorum corpora condiuntur ne putrescant: thura vero accenduntur, ut redoleant. Per myrrham ergo, carnis mortificatio designatur; per thus vero, orationum munditia intelligitur. Sancta igitur anima dum carnem suam a putredine vitiorum mortificat, dum omnes mundi voluptates per continentiam abnegat, quasi myrrham morituro corpori adhibet; ut post iudicium a corruptione æterna sanum permaneat. Cum vero se ad cœlestia majori desiderio accendit, & a cordis cubiculo omnes superfluas cogitationes ferventer abjicit, quasi thuribulum cor suum coram Deo facit. In quo dum per dilectionem virtutes congregat, quasi carbones in thuribulo coaptat, in quo scriptam mens in conspectu Dei igne caritatis accendat. Dumque serventes

& mundas orationes ad Deum emittit, quasi fumum aromaticum ex thuribulo educit; ut coram dilecto suaviter redoleat, & proximos quoque ad ejus amorem per bona exempla concitare non desinat. Sed notandum, quod non ait, universi pigmenti, sed universi pulveris pigmentarii. Pigmenta quippe facimus, quando virtutes congregamus in corde. Quando vero ipsas nostras virtutes per singula quæque opera diligentius retractamus, ne quid in operibus nostris incultum remaneat, ne inter virtutes vitium lateat, tunc proculdubio unguenta virtutum quasi in pulverem tundimus; ut eo mundiora sint opera nostra, quo subtilius ea ab omni subreptione vitiorum discernere non cessamus. Hujuscemodi mentes dilecto suo delectabiles se per ejus gratiam faciunt, & dum ab omni mundano strepitu se dividunt, locum in quo Sponsus requiescat, in seipsis componunt. De qua requie subditur:

En lectulum Salomonis sexaginta fortes ambiunt ex fortissimis Israel: omnes tenentes gladios, & ad bella doctissimi: uniuscujusque ensis super femur suum propter timores nocturnos.

Verf. 7. & 8.

9. Salomon quippe pacificus interpretatur. Quid ergo per Salomonem, nisi Christus intelligitur, de quo scriptum est: *Ipse est pax nostra, qui fecit utraque unum?* Salomoni ergo lectulum facimus, quando a mundi sollicitudinibus omnino cessamus, dum in solo desiderio Christi libenter pausamus, eique ut nobiscum pauset, cor ab omni terrena cupiditate mundamus. Denarius autem numerus si per senarium multiplicetur, nimirum sexaginta complentur. Per denarium itaque Decalogum Legis accipimus: per senarium autem totum hoc tempus intelligimus, quod sex diebus operatoris volvi videmus. Per sexaginta igitur fortes, omnes perfectos qui

Lectulum
(Christi)
mens a mundi
sollicitudinibus
libera.
Ephes. 2. 14.

sua-

fuerunt ante nos in Ecclesia, intelligimus: qui dum decem praecepta Legis quo spiritalius, eo fortius in sex diebus compleverunt, quasi sexagenarium numerum perfecerunt. Hi lectulum Salomonis ambiunt; quia mentem sanctam in qua Christus pausat, verbis & exemplis muniunt, quibus ab aditu mentis venientes hostes repellunt, dum ipsam mentem exemplis sustinent, scriptis erudiunt. Hi tenent gladios, & ad bella doctissimi existunt: quia dum verbum Dei opere complent, quod corde sciunt, magis ac magis semper docti hostem suum, daemone scilicet, sapientia & fortitudine vincunt. Per gladium enim, verbum Dei designatur: per manus autem quibus gladios tenent, ipsa opera figurantur. De quibus bene subditur: *Uniuscujusque ensis super femur suum propter timores nocturnos*. Quid per ensen, nisi rigorem conversationis; & quid per femur, nisi carnis appetitum accipimus? Electi ergo quique, qui jam ad perfectionem vitae provecti sunt, semper ensen super femur suum ferunt; quia rigore conversationis appetitum carnis assidue frangunt, ne hostis quem in nocte hujus mundi timent, repente veniens, mollem aditum inveniat, & per voluptatis mollitiem eo facilius, quo voluptuosiores invenerit, ad graviora peccata perducatur. De laude itaque Salomonis adhuc subditur:

Fers. 9. & 10.

Ferculum fecit sibi rex Salomon de lignis Libani. Columnas argenteas, reclinatorium aureum; ascensum purpureum: media caritate constravit, propter filias Jerusalem.

Christi ferculum electorum Ecclesia.

10. Ligna Libani imputribilia esse asseruntur. Ferculum ergo fecit sibi rex Salomon de lignis Libani; quia

secundum^a praesentiae suae gratiam, Christus sanctam Ecclesiam de Sanctis in aeternum permanfuris construxit. *Columnas ejus fecit argenteas*; quia eidem Ecclesiae praedicatores dedit, qui & ut eam exemplis sustentarent, magna justitiae rectitudine roboravit, & ut praedicationibus erudirent, nitore eloquii, quasi splendore argenti, decoravit.

^a Cujus columna, praedicatores.

Reclinatorium aureum fecit, quia dum in cordibus perfectorum resplenduit, eis divinitatis suae potentiam per contemplationem ostendit. In qua contemplatione dum eis pulcritudinem coelestium gaudiorum monstravit, quasi reclinatorium ex auro composuit; quia locum in quo se refocillantes requiescant, apposit. Quod reclinatorium bene aureum esse dicitur: *quia melior est sapientia cunctis opibus, & omnia quae desiderantur^b huic non valent comparari*. Ad hoc reclinatorium multis laboribus pervenitur, multis tribulationibus ascenditur, ita ut si necesse fuerit, etiam sanguis effundi permittatur. Ideo ascensus recte purpureus esse dicitur. Dum enim sancti quique Martyres propter vitam aeternam corpora sua ad supplicia tradiderunt, dum flagella, equuleos, ignes, gladios, & alia innumerabilia tormenta patienter pertulerunt, nonne ad reclinatorium istud, ad beatam scilicet vitam, per ascensum purpureum ascenderunt? Sed nos miseri quid agimus, qui in hoc ferculo columnae argenteae non sumus; quia sanctam Ecclesiam nec exemplis sustentamus, nec praedicatione docemus? In ea reclinatorium aureum non habemus; quia terrenis cogitationibus involuti, ad splendorem sapientiae per contemplationem non assurgimus. Ascensum

Reclinatorium aureum vita aeterna, ad quam ascensu purpureo pervenitur.

Prov. 8. 12.

b

c

^a Val. cl. praesentiae suae gratiam, quod minime probamus. Contradiciunt quoque alii mss.

^b Excusi, ei non possunt comparari.

^c Ita omnes mss. & edit. Paris. 1518. Aeternae habent, aculeos. Erroris occasio fuit modus scribendi veterum amanuensium, aculeos.

Aut per
communem
omnibus
electis cari-
tatem via
sternitur.

sum purpureum nec etiam cognoscimus; quia voluptatibus vacantes, labores & persecutiones pro æterna beatitudine ferre recusamus. Consolatur nos aliquantulum quod de hoc ferculo subditur: *Media caritate constravit, propter filias Jerusalem.* Quid enim per filias Jerusalem, cum non filios sed filias dixerit, intelligimus, nisi nos debiles, qui in Ecclesia non viri, sed feminæ sumus; quia contra vitia fortiter non reluctamur, viriliter non resistimus, muliebriter subjacemus? Jerusalem enim visio pacis interpretatur, per quam Ecclesia, quæ est mater nostra, designatur, eo quod assidue pacem perpetuam contemplatur. Si ergo nos in ferculo Regis columnæ argenteæ non sumus, reclinatorium aureum non habemus, per ascensum purpureum ascendere non valemus, saltem caritatem, quæ communis omnibus electis quasi in medio posita est, teneamus. Per hanc quippe rex Salomon nos in ferculo suo esse cognoscit; quia in eo cum columnis argenteis, cum reclinatorio aureo, cum ascensu purpureo, propter filias Jerusalem etiam media caritate constravit: quia cum Ecclesiæ membris ad eandem Sponsi beatitudinem pervenimus, si caritatem indefessam observamus. Sequitur:

Verf. 17.

Egredimini filia Sion, & videte regem Salomonem in diademate, quo coronavit eum mater sua in die desponsationis illius, & in die lætitiæ cordis ejus.

Quo diade-
mate Chri-
stus a matre
redinitus.
Matth. 1.

II. Mater Christi beata Maria esse creditur, quæ coronavit eum diademate, quia humanitatem nostram ex ea ipse assumpsit, sicut in Evangelio recitatur. Et hoc in die desponsationis ejus, & in die lætitiæ cordis ejus factum esse dicitur: quia quando unigenitus Filius Dei divinitatem suam humanitati nostræ co-

pulare voluit, quando per bonam voluntatem suam tempore opportuno Ecclesiam a suam sibi assumere placuit, tunc cum caritatis exultatione carnem nostram ex matre virgine suscipere voluit. In qua cum doloribus pro tempore vivens, de redemptione nostra vehementer exultavit. Sed cum diadema pro gloria assumatur, in humanitatis autem susceptione non gloria Verbi Dei, sed humilitas esse cognoscatur; quomodo humanitate nostra quasi diademate coronatus fuisse dicitur? Sed cum ipsa ejus incarnatio vere gloria nostra fuerit; quia membra ejus sumus propter communionem corporis, diadema membrorum bene capitis Scriptura prædixit. Hic itaque quia a sponsa laudatur, & ipse vicissim sponsam laudare dignatur, dicens:

C A P U T IV.

Quam pulchra es amica mea, quam pulchra es, & decora! Oculi tui columbarum, absque eo quod intrinsecus latet.

Cant. 4.
Vers. 10.

I. Quia hæc superius exposuimus, ut potuimus, nunc eadem repetere propter breviter servandam devitamus. Sed quia adjunctum est, *Absque eo quod intrinsecus latet*, breviter videndum est quomodo superioribus jungatur. Pulchra est ergo sponsa, & oculi ejus columbarum, absque eo quod intrinsecus latet, quia valde honestum est quidquid in exterioribus operatur, quod simpliciter inter homines conversatur, quod ea quæ videt, temporaliter concupiscere dedignatur, & si quid tamen in hoc mundo placet, post concupiscentias suas ire detestatur. Sed vehementer pulchrius & honestius est, quod cordis desiderium illibatum retinere conatur, quod æternæ beatitudinis claritatem in-

Sup. cap. 20.
num. 35.
Quæ sit po-
rior sponsæ
pulchritudo.
do.

a Placuit recentioribus edit. explicationis gratia inferere sponsam suam. Lectio nostra

est mss. & edit. vet. Paris.

mente retinet, erecta contemplatur, quod in his quæ interius videt, suaviter requiescit, & mundatur. Sequitur:

Ibidem.

Capilli tui sicut greges caprarum, quæ ascenderunt de monte Galaad.

Per oculos sponsæ, prædicatores, per capillos populi designantur.

2. Si per oculos, prædicatores Ecclesiæ designantur, quia cæteris viam ostendit, bene per capillos populi significantur, quia eidem Ecclesiæ ornatum tribuunt. Capilli ergo sponsæ sicut grex caprarum esse dicuntur; quia populi Ecclesiæ dum præcepta legis ruminantes, cœlestia fide contemplantur, munda sunt animalia, & in altis pascuntur. Galaad autem acervus testimonii interpretatur. Quid autem per acervum testimonii, nisi multitudinem Martyrum intelligimus? Qui dum fidem Christi insuperabiliter tenuerunt, eos testimonium veritati etiam per mortem suam perhibuisse scimus. Grex itaque iste caprarum de monte Galaad ascendit; quia populus Ecclesiæ eo magis fide se ad æterna suspendit, quo fortius sanctos Martyres eidem fidei testimonium perhibuisse scivit. Sequitur:

a
Verf. 2.

Dentes tui sicut^a greges tonsarum, quæ ascendunt de lavacro: omnes gemellis fetibus, & sterilis non est inter illas.

Ecclesiæ dentes sunt, qui & infideles comminuant, & parvulis fidei cibum parant.

3. Sicut per oculos prædicatores intelliguntur, quia per eos Ecclesia illuminatur; similiter & dentes ejusdem possunt dici, quia per eos infideles consumuntur, & parvuli nutriuntur. Dentes quippe benefacti prædicatores vocantur; quia dum sanctam Scripturam exponendo minoribus fratribus elucidant, quasi panem parvulis, tamquam matres filiis commasticant, quo infirmi ad fortiora convalescant. Hi nimirum bene sicut grex tonsarum, quæ ascenderunt de lavacro, esse dicuntur; quia dum se a peccatis omnibus in Baptismo ablutos esse recordantur,

a Rotom. & Remens. grex tonsarum.

libenter onera mundi deponunt, ut ad cœlestia consequenda & prædicanda quo liberius, eo facilius gradientur. De quibus subditur: *Omnes gemellis fetibus, & sterilis non est inter illas.* Gemellos fetus omnes sancti prædicatores habent; quia dum in duobus præceptis caritatis cæteros homines supereminet, geminam dilectionem prædicant, & in ea duos populos, Judaicum & Gentilem genere non cessant. Inter quos nullus est sterilis; quia profecto prædicator non est dicendus, si filios spirituales gignere contemnit. De quibus adhuc subditur:

Sicut vitta coccinea labia tua, & eloquium tuum dulce. *Verf. 3.*

4. Idem prædicatores labia Ecclesiæ dicuntur; quia nimirum per eos populi præcepta vitæ loquuntur. Qui bene sicut vitta dicuntur; quia dum fluxas cogitationes in cordibus hominum suis prædicationibus restringunt, quasi sparsos crines ne immoderate diffluant, reprimunt. Sed quid est quod non tantum vittæ, sed coccinæ comparantur, nisi quia per coccum flamma caritatis intelligitur, qua illi ardent, & per eos alii accenduntur? Per quos eloquium sanctæ Ecclesiæ dulcoratur: quia dum quæ dicunt faciunt, prædicationes suas hominibus quasi sapidas escas apponunt. Sequitur:

Sicut fragmen mali punici, ita genæ tuæ, absque eo quod intrinsecus latet. *Ibidem.*

5. Quid per genas Ecclesiæ, nisi eosdem ipsos prædicatores intelligimus, qui dum in populis ut eis proficiant eminent, quasi in facie Ecclesiæ manifesti apparent? Per malum autem punicum ipsa Ecclesia designatur: quia dum multos populos in unitate fidei nutrit, quasi multa grana sub uno cortice stringit. Fragmen ergo mali punici san-

Labia sponsæ, qui vitæ præcepta prædicant.

Ibidem.

Ecclesia malo punico cur similis.

& i

Et prædicatores existunt: quia dum se ut grana in divino servitio ceteris fortius affligunt, dum omnia mundana contemnunt, dum^a voluptates suas abnegant, & vitia sua omnino mortificant, ^b & cæteros extollunt, & dum per exempla sua cæteros nutriunt, quasi fracti & aperti se cibos offerunt. Sed quamvis magna sint quæ extrinsecus apparent, majora tamen in occulto retinent, quæ divini oculi soli vident. Ideo subjunctum est. *Absque eo quod intrinsecus latet.* Sequitur:

a

b

In sanctis prædicatoribus, quæ parent, magna sunt, quæ latent, majora.

Vers. 4.

Sicut turris David collum tuum, quæ edificata est cum propugnaculis: mille clypei pendent ex ea, omnis armatura fortium.

Sancti prædicatoris vigilantia & fortitudo.

5. Collum quippe extendimus, quando longius prospicere volumus. Propter aliud ergo sancti prædicatores oculi, propter aliud dentes, propter aliud autem genæ, & collum propter aliud convenienter vocantur. Bene igitur sicut turris David, collum sanctæ Ecclesiæ dicitur: quia sancti prædicatores, procul venientes hostes sanctæ Ecclesiæ speculantur, & fortiter resistunt, si quid in Ecclesia lædere conantur, & libere terrena despicientes, cælestia contemplantur. Collum ergo propter hostium speculationem, turris vero dicuntur propter fortitudinem, & propter excelsam cælestium gaudiorum contemplationem. Quæ turris recte David esse dicitur: quia David manu fortis interpretatur: per quod Christus significatur, cujus est quidquid forte & excelsum operatur. De qua subditur: *Quæ edificata est cum propugnaculis: mille clypei pendent ex ea, omnis armatura fortium.* Cum propugnaculis turris David edificata dicitur; quia sancti prædicatores contra adversarios homines,

Quibus armis utatur, armari.

si necesse sit, miraculis armantur. Contra vitia autem se clypeis muniunt; quia ne spiritualibus hostibus succumbant, virtutibus se defendunt. In quibus omnis armatura fortium pendet; quia quisquis hostium cuneis fortiter resistere vult, in eis exempla videt, quibus ^c armatos hostes strenue valet superare. Mille autem hic pro perfectione ponitur: quia in millenario numero omnes numeri perfecti complentur. Sequitur:

Duo ubera tua sicut duo hinnuli caprea gemelli, qui pascuntur in liliis donec aspiret dies, & inclinentur umbra.

7. Per duo ubera, duo prædicatorum ordines, unus in circumcissione, alius in præputio designantur. Qui bene sicut duo hinnuli caprædicuntur; quia & filii Synagogæ existunt, & in montibus contemplationum pascuntur. Gemelli vero ideo dicti sunt; quia concorditer prædicant, & concorditer sapiunt. In liliis vero pascuntur donec aspiret dies, & inclinentur umbra: quia munditiam infatigabiliter sectantur, donec in die judicii præmia recipiant, quæ in laboribus noctis assidue contemplantur. Sequitur Sponsus, dicens:

Duo prædicatorum ordines.

Vadam^d ad montem myrrhæ, & ad collem thuris.

Quibus virtutibus sponsa Christi mundatur, & placet.

8. Quid per montem myrrhæ, nisi fortem altitudinem mortificationis in opere, & quid per collem thuris intelligimus, nisi altam humilitatem in oratione? Ad montem ergo myrrhæ & ad collem thuris Sponsus vadit; quia eos familiariter visitat, quos per mortificationem vitiorum ad alta proficere, & per mundas & humiles orationes suaviter redolere perspicit. His quippe vir-

a Editi, voluntates suas abnegant.

b Ibid. post, mortificant, additur, dum seipfos humiliant. Quæ absunt a mss.

c Excusi, quibus armatus.

d Rotom. Turon Rem. & Theod. *Vadam mibi ad montem myrrhæ.* De hoc loquendi modo jam dictum cap. 4. lib. 1. Dial. col. 173. nota e.

virtutibus sancta Ecclesia, vel unaquæque anima munda efficitur: quia dum per voluptatum mortificationem vitiis reluctatur, & per sanctas orationes frequenter lacrymis abluatur, fordes lavat ut Sponsa placeat, cui pulchra apparere conatur. Cujus conatum ad effectum Sponsus per gratiam suam ducit, opusque suum in Sponsa benigne laudat & dicit:

Vers. 7.

Tota pulchra es amica mea, & macula non est in te.

Qui tota pulchra sit & macula expers.
Job. 14. 4.
sec. septuag.
Job 25. 5.
Jacob. 3. 2.
1 Joh. 1. 8.
Ibid. 6.

9. Cum scriptum sit: *Nemo vivit sine peccato, nec infans cujus vita est unius diei super terram:* quid est quod sponsa tota pulchra esse dicitur, in qua macula non habetur? Alibi quippe scriptum est: *Stellæ non sunt munde in conspectu ejus:* Et alibi: *in multis offendimus omnes.* Et Johannes Apostolus ait:

a

Si dixerimus a quia peccatum non habemus, veritas in nobis non est. Et idem: Si dixerimus quia non peccamus, mentimur, & veritatem non facimus. Sed dum sancta anima a peccatis quotidianis se per pœnitentiam mundat, dum quotidie peccata minuta cum lacrymis abluat, & a majoribus se observat, quamvis frequenter peccet, per assiduam tamen pœnitentiam munditiam suam assidue servat. Hinc enim alibi

Eccli. 9. 9.
Rom. 1. 17.

præcipitur: *Semper sint vestimenta tua candida.* Et illud: *Justus autem ex fide vivit.* Quamvis enim mox ut peccat, a justitia deviet, tamen dum semper credit in eum qui justificat impium, & assidue sub ejus fide peccata sua deflet, per assiduas ablutiones justitiam suam retinet. Se igitur ita mundanti sponsæ consequenter dicitur:

Vers. 8.

Veni de Libano sponsa mea, veni de Libano, veni: coronaberis de capite Amana, de vertice Sanir &

Hermion, de cubilibus leonum, & de montibus pardorum.

10. Libanus quippe dealbatio interpretatur. Quid ergo per Libanum nisi Baptisma intelligitur, in quo sancta Ecclesia aqua abluatur, & a peccatorum nigredine per Spiritum sanctum quem recipit, & per Christi fidem dealbatur? Unde scriptum est: *Asperges me Domine hyssopo, & mundabor.* De Libano ergo sancta Ecclesia ad coronam venit, quia in Christi baptismo fidem percipit, sub qua cum Christi gratia meretur, ut præmium recipere possit. Sed quid est quod ter dicitur, *Veni*, nisi quia in fide & in spe & in caritate quidquid operatur, subsistit: ut his tribus munita virtutibus robor habeat, per quod in via non lassescat? De fide enim dicitur: *Fide mundans corda eorum.* Et iterum: *Sine fide impossibile est placere Deo.* De spe autem dicitur: *Non confundentur omnes qui sperant in te, Domine. Quis enim in te speravit, & derelictus est?* De caritate autem dicitur: *Caritas operit multitudinem peccatorum.* Et iterum: *Si distribuero omnes facultates meas in cibos pauperum, & si tradidero corpus meum ita ut ardeam, caritatem autem non habuero, nihil sum.* Et Johannes Apostolus: *Deus caritas est.* Potest tamen & aliter

Baptismi
aquis ablu-
tur.

Ps. 50. 9.

Et tribus
virtutibus
præcipue
munitur.
Act. 15. 9.
Hebr. 11. 6.

Eccli. 2. 17.
Ibid. 12.
1. Pet. 4. 8.
1. Cor. 13. 3.

1. Johan. 4. 16
Ter venit ad
Christum.

intelligi quod ter dicitur, *Veni*. Venit enim sponsa sancta ad Christum, dum in hoc mundo vivens, bona quæ potest operatur. Venit quando in hora mortis anima, ipsa videlicet sponsa, a carne exuitur. Venit tertio quando in die judicii ultimi carnem resumat, & cum Christo thalamum cœlestem ingreditur. Ibi quippe omnium laborum suorum præmia consequitur: ibi jam omnino prostratis & exclusis hosti-

hostibus, gloriose coronatur. Ideo & hic per promissionem ei dicitur: *Coronaberis de capite Amana, de vertice Sanir & Hermon, de cubilibus leonum, de montibus pardorum.*

Corona ejus
ex seculi po-
tentibus
conversis
contexta.

11. Quid per Amana, Sanir, & Hermon, nomina videlicet montium, nisi potentes hujus seculi intelliguntur? Qui quanto ditiores, tanto excelsiores & firmiores apud infirmos esse videntur. Sed de his montibus sancta Ecclesia coronatur; quia dum regnum prædicat æternum, dum exemplo suo omnia quæ mundi sunt, vilia esse demonstrat, ipsos etiam potentes ad pœnitentiam inclinat, & sibiipsi pro eorum^a inquisitione coronam in cœlestibus parat. Sic quippe fit ut humiles superbos prosternant, & ^b infirmi excelsos inclinent. Ideo scriptum est:

Isa. 40. 4.

Omnis vallis implebitur, & omnis mons & collis humiliabitur. Sed quid est quod non solum de montibus, sed etiam de capitibus montium coronanda esse dicitur, nisi quod impletum videmus, quia jam ipsæ excelsiores personæ in Christum credunt, & ejus præceptis per Ecclesiæ prædicationem obediunt?

Reges & Imperatores
Christo per
pœnitentiam subje-
cit.

Reges enim & Imperatores Christo serviunt, coronas deponunt, & per pœnitentiam in Ecclesia veniam petunt. Si itaque per capita montium summas personas intelligimus, bene per cubilia leonum, & montes pardorum, principes quique & ministri designantur, qui crudelitati inserviunt, & dolositatibus suis, quos vi non possunt lædere, decipiunt. Pardi quippe maculas in cute semper portant. Per quos qui alii quam hypocritæ, vel discordes significantur? In illis quippe qui crudelitatem sectantur, dæmones tamquam leones cubant. In illis vero quasi pardi montes ædificant, quos dum

Leones &
pardos do-
muit.

vitiis suis aliquas virtutes admiscere consentiunt, pro omnibus bonis suis laudis gloriam affectare compellunt. Hi itaque vere pardorum varietatem imitantur; quia dum cum virtutibus etiam vitia sectantur, quasi in vario corio coloris dissimilitudine dividuntur. Sed de cubilibus leonum, & de montibus pardorum Ecclesia coronatur; quia dum per ejus prædicationem & crudeles ad pietatem, & hypocritæ ad vitæ humilis unitatem convertuntur, pro his omnibus præmium percipiet quod meretur. Cui iterum dicitur:

Vulnerasti cor meum soror mea ^{vers. 9.}
sponsa, vulnerasti cor meum in uno oculorum tuorum, & in uno crine colli tui.

12. Per oculos sponsæ, sanctæ Ecclesiæ prædicatores, sicut dictum est, designantur. Per crines vero, populi multitudo figuratur. Per collum autem, sancti capitis & corporis conjunctio demonstratur, quæ fides Ecclesiæ intelligitur. Per hanc enim caput & corpus conjungitur, dum Christo quisque eo tenacius inhæret, quo fidelior in bona conversatione habetur. In uno ergo oculorum & in uno crine colli sponsæ Sponsus vulneratur; quia profecto usque ad mortem crucis afficitur, ut unitas prædicatorum & plebis in Ecclesia confirmetur. De cujus dilectione erga sponsam iterum subdit Sponsus:

<sup>Sup. eod. cap.
ad vers. 1.
& 2.</sup>
Christus, ad
unitatem
inter Eccle-
siæ membra
confirman-
dam, mor-
tem passus.

Quam pulcræ sunt mammae tuæ, soror mea sponsa! ^{vers. 10.}

13. Quid per mammas convenientius in hoc loco, quam ipsa dilectio Dei & proximi, de qua superius diximus, intelligitur? Per quas mens sancta omnes sensus suos in dilectione nutrit, dum Deo suo caritatis tenacitate conglutinatur, & pro-

Dilectio Dei
& proximi,
sponsæ
mammæ,
quibus Chris-
tus delecta-
tur.

^a Mutarunt editores vocem hanc in, *ac-*
quisicione, quæ sane convenire magis videtur.
Prior tamen est in omnibus nostris mss.

^b Mss. & vet. ed. Paris. ita habent; at in
aliis excusis legitur, *infirmi*.

proximis si quid utilitatis habet, quando licet, libenter impendit. Has mammas sponsæ quantum Sponsus diligat, in repetitione laudis aperte manifestat, dicens:

Ibidem. Pulciora sunt ubera tua vino, & odor unguentorum tuorum super omnia aromata.

Bonorum operum, quæ ex hac dilectione fiunt, fragrantia.

14. Quod superius de Sponsi uberibus diximus, hoc & hic cum de sponsa loquitur, intelligi posse æstimamus: *Et odor unguentorum tuorum super omnia aromata.* Per unguenta quippe ipsæ virtutes quæ ex caritate oriuntur, intelliguntur. Habent quippe etiam reprobi aliquando aromata quibus redolent: quia virtutes quasdam possident, & bona opera perpetrant; sed quia sine caritate vivunt, in conspectu Dei nulla quæ faciunt placent. Unde in iudicio cum dicent: Domine, nonne in nomine tuo prophetavimus, & in nomine tuo virtutes multas fecimus? respondebitur eis: Nunquam novi vos, discedite a me omnes operarii iniquitatis. Bene ergo unguenta Ecclesiæ super omnia aromata redolere dicuntur: quia etsi opera reproborum aliquando hominibus placent, hæc quæ sancta Ecclesia ex caritate conficit, in divinis naribus sine cessatione redolent. Sequitur:

Vers. 12.

Favus distillans labia tua sponsa: mel & lac sub lingua tua: & odor vestimentorum tuorum sicut odor thuris.

Cur sanctus prædicator savo comparatus.

15. Prædicatores Ecclesiæ bene labia sponsæ esse dicuntur; quia per eos populus loquitur, & per eos ad fidem parvuli quique erudiuntur, dum per eos occulta divinæ Scripturæ quasi cordis latentia manifestantur. In favo autem mel latet & cera videtur. Recte ergo labia sponsæ favus vocantur; quia dum in carnis fragilitate sapientia magna habetur, quasi mel in cera absconditur. Quando vero electus quisque prædicat, quando cælestia gaudia nescientibus revelat, tunc favus

distillat: quia quanta dulcedo sapientiæ in corde lateat, per oris fragilitatem audientibus manifestat.

Unde scriptum est: *Habemus thesaurum istum in vasis fictilibus.* Ideo

subditur: *Mel & lac sub lingua tua.* Nimirum falsi prædicatores mel in lingua portant, quod sub lingua non habent: quia cælestia gaudia aliquando prædicant tamquam veri sint, cum ipsa terrestria bona totis desideriis appetant. Sancta vero mens mel in lingua præterdit; quia sapientiæ dulcedinem loquendo ostendit, quam veraciter prædicans, audientes tamquam mellis dulcedine reficit. Lac gerit, quia congruenti sibi doctrina parvulos quosque in Ecclesia nutrit. Sub lingua autem hæc omnia sibiipso reservat; quia internam dulcedinem assidue secum portat. Dum enim terrena abjicit, dum vitiorum amaritudinem respuit, in interioribus sensibus sapientiæ dulcedine se pascit, qua robur colligit, ut ad æterna gradiens, in labore viæ lassescere non possit.

1. Cor. 4. 7. Mel & lac ita aliis propinant, ut etiam sibi servent.

16. Cui bene dicitur: *Et odor vestimentorum tuorum sicut odor thuris.*

Quid per vestimenta hæc, nisi sancta opera designantur, quibus præcedentium malorum turpitudine operitur, ne videatur? Hinc enim scriptum est: *Beatus qui vigilat, & custodit vestimenta sua ne nudus ambulet, & videatur turpitudine ejus.*

Bona opera comitatur oratio.

Thus vero per significationem pro oratione ponitur, sicut scriptum est: *Ascendat oratio mea, sicut incensum in conspectu tuo.* Sancta itaque anima in hoc mundo, quanta potest, bona opera operatur, & bene operans desiderio & intentione sancta ad æterna se extendit; nihilque boni agit, nisi ea intentione, ut ad cælestia quæ diligit, quandoque pervenire possit. Bene igitur odor vestimentorum ejus sicut thuris esse perhibetur: quia in omnibus operibus suis orat, dum perveniendi in-

1. Cor. 16. 13.

Psal. 140. 2.

tentione, ea quæ potest bona operatione. Sequitur:

Vers. 12.

Hortus conclusus soror mea sponsa, hortus conclusus, fons signatus.

Hortus conclusus Ecclesia & anima pia.

17. Hortus sancta Ecclesia existit; quia dum populos multos in fide gignit, quasi flores pulcros bona terra emittit. Qui hortus conclusus bene esse dicitur; quia caritatis vallo circumquaque munitur, ne intra numerum electorum reprobis aliquis ingrediatur. Unaquæque anima sancta etiam hortus conclusus esse intelligitur: quia dum bona sua, intentione vitæ æternæ abscondit, dum humanas laudes omnino contemnit, ipsa bona intentione se circumsepit, ne ad interiora rapienda hostis antiquus irrumpere possit. Fons etiam dicitur; quia dum cœlestia assidue cogitat, dum scientiam Scripturarum semper in ventrem memoriæ congregat, quasi aquas viventes sancta mens in se gignere non cessat, quas sitientibus proximis præbere ut reficiantur valeat. Unde scriptum est dicente Domino: *Qui biberit ex aqua quam ego dabo ei, non sitiet in æternum: sed aqua quam ego dabo ei, fiet in eo fons aquæ salientis in vitam æternam.* Et alibi: *Qui credit in me, sicut dicit Scriptura, flumina aquæ vivæ fluent de ventre ejus.* Sed cur dicitur fons ille signatus, nisi quia sensus spiritualis mentibus indignis absconditur? Infideli enim homini a Domino dicitur: *Spiritus ubi vult spirat, & vocem ejus audis & nescis unde veniat, aut quo vadat.* Et iterum scriptum est. *Signatum est super nos lumen vultus tui, Domine.* Quod enim ibi lumen signatum, hoc hic proculdubio fons signatus esse perhibetur. Sanctus enim Spiritus men-

tem quam replet, & illuminans irrorat, & irrorans illuminat: ut & de luce ejus videat quid appetat, & de rore ejus se refrigeret, ne lassescat. Sequitur:

Emissiones tuæ paradisus malorum puniceorum cum pomorum fructibus. Vers. 13.

18. Quid emittit sancta Ecclesia, nisi cum sanctis operibus sancta verba, quibus filios gignit & nutrit? Quorum dum alios usque ad martyrium perducit, alios in sancta conversatione erudit; hos sanguine martyrii rubentes ad æternam patriam transmittit, illos vero in sanctis operibus viventes, proximis in exemplum sanctitatis tradit, quid aliud quam mala punicea & pomorum fructus emittit? Mala enim punicea sub rubeo cortice multitudinem granorum continent; fructus vero pomorum in se refectionis dulcedinem habent. Sic sic Martyres dum sub igne tribulationis laborant, dum pro Christo sanguinem exterius fundere non dubitant, multitudinem virtutum interius sibi congregant in mente. Sancti etiam quique qui in pace Ecclesiæ vivunt, fructus pomorum gerunt: quia dum sancta opera faciunt, proximis exempla tribuunt, quorum exhibitione se qui volunt reficiunt. Quotquot enim sunt in Ecclesia Sancti, sive igne passionis ardeant, sive in pace Ecclesiæ quiescentes succrescant, sanctarum virtutum odorem tamquam paradisum suavitatis & deliciarum construere in se, dum vivunt, non cessant. Cujus paradisi ubertatem Scriptura demonstrat, dum sub voce Sponsi per arborum nomina quasque virtutes designat, dicens:

Cypri cum nardo, nardus & crocus, fistula & cinnamomum cum niver. Vers. 14.

Caretiam signato fontis mens sancta similis.

Johan. 4. 13.

Johan. 7. 38.

Johan. 3. 8.

Psal. 4. 7.

Fructus Ecclesiæ, ejus filii, præsertim Martyres.

a In recent. ed. inseritur: quia dum virtutes nutrit, flores gignit; & dum virtutum exhilaratione se reficit, fructus quos genuerat eadem custodit. Conclusus enim

hortus esse dicitur; quia dum bona. Hujus additamenti nulla exstant vestigia in miss. aut in vet. ed. Paris.

inversis lignis Libani, myrrha & aloë cum omnibus primis unguentis.

Ejus aroma-
za, virtutum
odor & pro-
fectus.

19. Quid enim per has diversas aromatum species designatur, nisi sanctarum virtutum ^a odor & profectus, qui in Sanctis habetur? Ex his quippe speciebus regalia unguenta conficiuntur, ex his corporum sanitates inveniuntur. Bene igitur virtutes animarum designant, quibus congregatis & confectis, & bonus odor opinionis egreditur, & ægris animabus competens sanitas reparatur. Sed adhuc laus Ecclesiæ a Sponso repetitur, cum subditur: *Fons hortorum, puteus aquarum viventium, quæ fluunt impetu de Libano.*

Vers. 15.

Cur sacra
Scriptura
fons simul &
puteus dica-
tur.

20. Recte in emissionibus, fons hortorum & puteus aquarum viventium describitur. Quid enim per fontem & puteum, nisi sancta Scriptura designatur? quæ sic aquam sapientiæ generat, ut & potantes semper reficiat, & tamen manare non desistat. Quæ bene hortorum esse perhibetur; quia illorum specialiter est sancta Scriptura, in quorum mentibus virtutum semina oriuntur. Sed quærendum nobis est, quare fons & puteus utrumque simul Scriptura dicatur, cum fons in superficie appareat, puteus vero in imis latens, omnes se quærentes majori labore exerceat. Sed sciendum est, quod divina Scriptura in quibusdam manifesta existens, in quibusdam vero locis obscuram se præbens, & aliquando leviter sicut invenitur, tamquam fons potatur, & aliquando magna inquisitione ^b eget, ut inventa sumatur. Quod vero sanctæ Scripturæ intellectus per quam designetur, ostenditur a libi cum divina voce de reprobis dicitur: *Mittam eis sitim aquæ, &*

Amos 6, 11.

famem panis. Et per Isaiam dicitur: *Auferet Dominus ab Jerusalem & Juda omne robur panis, & omne robur aquæ.* Ubi notandum,

Isai 3, 1.

quod robur panis prius, & postea robur aquæ aufertur. Dum enim gravia dicta Scripturæ non perquiruntur ut mandantur, paulatim a scientia decidit mens, ut aliquando levia etiam intellectu non capiantur. Sed aquæ istæ bene de Libano fluere cum impetu dicuntur. Libanus enim, ut dictum est, dealbatio interpretatur. In Baptismo quippe dealbamur, dum amissa nigredine peccatorum, ad munditiam novæ vitæ reformamur. De Libano ergo aquæ ^c putei cum impetu fluunt; quia in Baptismo electi quique donum Spiritus sancti accipiunt, quo illuminati Scripturæ sacræ sensum intelligunt. Quæ Scripturæ sanctæ scientia tanto fluit impetu, ut electos dum tangit, ab hujus vitæ amore submoveat, & ad æterna gaudia vi impetus sui quosque adhærentes trajiciat. Hinc est enim quod in Psalmo scriptum est: *Fluminis impetus lætificat civitatem Dei.* Impetus enim fluminis civitatem Dei lætificat, cum per donum sancti Spiritus fortiter inundans Scripturæ sapientia, sanctam Ecclesiam, vel cujuslibet capientis mentem, infusione sua exhilarat. Ad cujus Spiritus adventum malignus spiritus increpatur, cum hic in subsequen-
tibus dicitur:

Ejus aquæ
quanto im-
petu fluant.

Surge Aquilo, & veni Ausfer: perfla hortum meum, & fluent aromata illius.

Vers. 16.

21. Quid enim per Aquilonem qui in frigore constringit, & torpentes facit, nisi immundus spiritus designatur, qui reprobos omnes dum possidet, a bono opere torpere faci-
cit?

Ut sponsi
hortus flo-
res ac fru-
tus ferat,
statu Spi-
ritus sancti
indiget.

^a Val. cl. & Rotom. honor.
^b In excusis, si excipias vet. ed. Paris. adi-
tur, tamquam puteus, post eget. Glossa.
ma. est quo carent insl.
^c In vulgatis omisum, cum impetu.

^d In Rotom. & Val. cl. & fluant aroma-
mata, quod etiam in Vulgata legitur, ha-
beturque paulo infra: surgat ergo Aquilo...
& fluant, &c.

cit? Per Austrum vero, calidum scilicet ventum, Spiritus sanctus figuratur: qui dum mentes electorum tangit, ab omni torpore relaxat, & ferventes facit, ^a ut bona quæque desideranter operentur. Hinc enim dicitur: *Converte Domine captivitatem nostram, sicut torrens in Austro*. Surgat ergo Aquilo, & veniat Auster, & perfleret hortum Sponsi, & fluant aromata illius; ut videlicet spiritus malignus ab Ecclesia vel ab unaquaque anima discedat, & Spiritus sanctus adveniat. Qui veniens caritatis ignem cogitationibus infundat, & a torpore negligentiae dum se infuderit, solvat. Quod dum agit, aromata fluunt; quia dum adveniente sancto Spiritu, cor quod prius torpuerat, ad opera se excitat, mox sanctae operationis opiniones per proximos quosque suaviter discurrent, ut quique audientes ad eadem se accendant, & Austro flante, idest Spiritu sancto se infundente, virtutum odores emittant, ut ubique sanctus hortus floreant, & post florem fructus redolentes & reficientes producat. In quem hortum sponsa dilectum invitat, cum subdit:

C A P U T V.

Veniat dilectus meus in hortum suum, ^b ut comedat fructum pomorum suorum.

1. In hortum dilectus venit & fructum comedit, quando Christus mentes visitat, & bonorum operum delectatione se satiat. Unde & idem subjiciens dicit:

Veni in hortum meum soror mea sponsa, messui myrrham meam cum aromatibus meis: comedi favum cum melle meo, bibi vinum meum cum lacte meo.

2. Myrrham dilectus cum aromatibus metit, quando Christus mortificatione vitae ad perfectionem perducta, electum suum ab hac vita succidens, ad coeleste horreum cum sancta opinione inducit. Favum cum melle comedit, quando desiderium sanctum in sanctis operibus latens perficit, & ad Sanctorum convivium sanctam animam sua delectatione impinguandam transigit. Vinum vero suum cum lacte bibit, quando & perfectione quorundam se reficit, & innocentiam aliorum cum pietate diligens, utroque ad æternum convivium ingerit. Ad quorum exemplum quosque remanentes invitat, cum subjungit:

Comedite amici mei, bibite & inebriamini carissimi.

3. Notandum in primis est, quia qui comedunt, amici; qui vero bibunt & inebriantur, carissimi esse perhibentur. In quibus verbis intelligi datur, quia in hoc loco comedere bonum est; sed bibere & inebriari amplius bonum est. Sunt nimirum quidam in sancta Ecclesia, qui sic præcepta divina audiunt, ut coelestia plus quam terrena amare discant, pro eorum desiderio multa pauperibus tribuant, a pravis operibus se custodiant, nulla alicui violenter rapiant, Ecclesiae prædicationem libenter audiant, in fide se instruant, quam & operibus sanctis exerceant; & tamen uxores habeant, pignora nutriant, res suas diligant, quamvis his omnibus Christum præponant. Hi profecto comedunt, & amici sunt; quia sanctam Scripturam audientes, talem sibi refectionem assumunt; ut etsi ad summam perfectionis adhuc non assurgunt, tamen secundum modum suum perfecti, in præceptis divinis sine crimine

Myrrham metit Sanctos mortificatione consummatos coelo inferendo.

Quæ ejus convivia, & delicia.

Ibidem.

In convivio Christi alii solummodo comedunt.

Cap. 5.
Vers. 1.

a

Christus bonis operibus pascitur.

Ibidem.

^a Sic restituimus ex mss. In editis legitur, ut bona quæ desiderant operentur.

^b In excussis, & comedat.

mine vivunt. Quod dum beati Jo-
Luc. 1. hannis parentes, Zacharias videlicet
 & Elizabeth, conservare studuerunt,
 per revelationem angelicam in sen-
 tute sua filium accipere meruerunt,
 quo major inter natos mulierum non
Matt. 23. surrexit, & ipsum Salvatorem mun-
 di digito ostendere & baptizare me-
 ruit. De cujus parentibus dicitur:
Luc. 1. 6. *Erant autem justi ambo ante Deum,*
incedentes in omnibus mandatis &
Alii inebriantur. *justificationibus Domini sine querela.*
 Sunt vero alii qui tanta aviditate di-
 vinam Scripturam audiunt vel le-
 gunt, ut protinus cunctis terrenis
 operibus abdicatis sola cœlestia am-
 biant, parentes, uxores, domos, fi-
 lios etiam & omnia transitoria ab-
 jiciant; solummodo Christum sequi
 & amplecti concupiscant. Ejus de-
 siderio se affligunt jejniis, afficiunt
 lacrymis, exercent meditationibus di-
 vinis, sola quæ sunt æterna cogi-
Philip. 3. tant, contemplationibus vacant, ad
 hoc laborantes, ut ea quæ retro
 sunt obliviscuntur; in anteriora ma-
 gis ac magis se extendant. Quid
 profecto isti, quid aliud agunt, nisi
 bibentes inebriantur: ut dum om-
 nium terrenorum per desiderium ob-
 liviscuntur, jure a Sponso cœle-
 sti non tantum amici, sed & caris-
 simi vocari mereantur? De quibus
 idem sponsus sequitur & dicit:

Verf. 2. *Ego dormio, & cor meum vigilat.*
Hi cor Spon-
si dici pos-
sunt.

4. Hujusmodi quippe electi cor
 Sponsi bene vocari possunt, qui quo
 amplius exteriora quæ sunt in mun-
 do, fugiunt, eo secretius ea quæ
 sunt interiora Sponsi cognoscunt.
 De quibus proculdubio idem spon-
 sus alibi dicit: *Qui diligit me, di-*
Johan. 14. 21. *ligetur a Patre meo: & ego dili-*
Eorum som- *gam cum, & manifestabo ei mei-*
nus vigilan- *psum.* Dormit ergo sponsus, & cor
 ejus vigilat: quia dum Christus
 jam glorificatus, in beatitudine quie-
 scit, quicumque eum perfecte dili-
 git, ut ad ipsum perveniat allabo-

rat. De qua vigilantia sponsa su-
 perius dixit: *Cum esset Rex in ac-* *Cant. 2. 13.*
cubitu suo, nardus mea dedit odorem
suum. Quod enim illud quiescere
 dormire dicatur, id manifestat quod
 alibi legitur: *In pace in idipsum* *Psal. 4. 9.*
dormiam & requiescam. Quod ta-
 men ipsum & ipsa sponsa de sedi-
 cere potest. Dicat ergo: *Ego dor-*
mio, & cor meum vigilat. Ac si
 aperte mens sancta loqueretur, di-
 cens: Dum a mundanis tumultibus
 exterius dormio, interiori cogita-
 tione quæ sint cœlestia vigilans pen-
 so. Sancti etenim viri dum terrena
 omnia despiciunt, dum tumultus
 mundi omnino fugiunt, dum otium
 in via Dei assumunt, nequaquam
 ut torpori vacent, ea dimittunt:
 sed interius laborantes, quæ sint il-
 la ad quæ facti sunt, in corde aspi-
 cere contendunt. Neque enim ut
 torpeant dormiunt, sed ut liberius
 æterna contemplantur, a transitoriis
 rebus quiescunt. Quos tamen ali-
 quando sponsus ad profectum pro-
 ximorum excitat: & ut eis cum
 quibus vivunt proficiant, ab otio
 quod diligunt, revocat. Cujus vo-
 cem audiens, etiam cum dormit,
 sponsa dicit.

Vox dilecti mei pulsantis.

Non ut tor-
 peant, sed
 ut cœlestia
 contemplan-
 tur, dor-
 miunt.

Ibidem.

Quid etiam pulsans dicat, sub-
 jungit:

Aperi mihi a soror mea, amica *Ibidem.*
mea, columba mea, immaculata mea. *a*

Causam etiam clamoris annexit,
 dicens:

Quia caput meum plenum est ro- *Ibidem.*
re, & cincinni mei guttis noctium.

5. Dum sponsa dormit, dilectus
 ut aperiatur ei pulsat: quia dum
 sancta mens sibi ipsi per otium in-
 tendit, Christus multa peccatorum
 opera in hoc mundo tolerat: quæ
 nisi spiritales viri ad doctrinam se
 accingant, nunquam per se ipsos car-
 nales vel agnoscunt, vel corrigere
 curant. Vult ergo sponsus ut ali-
 quan-

A somno eos
 aliquando
 Christus ex-
 citat, ut a-
 liorum salu-
 ti incum-
 bant.

quando otium dimittatur, & ad ædificationem proximorum spirituales quique sollicitentur: quia dum perfecti viri sibi solis per interiorem quietem intendunt, dolet sponsus quod seculares ad peiora magis ac magis corrunt, dum eum propter silentium spiritualium semper minus ac minus congoscunt: quod ipse manifestat cum dicit: *Quia caput meum plenum est rore, & cincinni mei guttis nocturni*. Quid per caput sponsi, nisi Deus, & quid per rorem in hoc loco, ubi lamentando dicitur, nisi frigus mentium accipitur? Scriptum est enim: *Caput Christi Deus*. Et de frigore cujuslibet carnalis mentis iterum scriptum est: *Sicut frigidam facit cisterna aquam, sic frigidam fecit malitiam suam*. Caput ergo Christi plenum est rore; quia multi in Ecclesia positi & Deum eum credunt, & tamen frigidi persistentes, ad ardorem caritatis non accenduntur. ^a Per cinnos autem ejusdem, populos intelligimus, quos in fide divinitatis, quasi in capite Christi pendentes & opprimentes scimus. Sed cinnos pleni esse dicuntur guttis nocturni; quia dum ^b in tempore hujus tenebræ temporalitatis se suspendunt, magis ac magis stillationibus iniquitatum fluunt. Ad hos accendendos sponsa excitatur, dum spiritualis quilibet pro ædificatione plurimorum, ab otio ad prælationem Ecclesiæ vocatur. Sed quoniam metuit ne si ad prælationem venerit, sollicitudinibus mundi occupari necesse sit: sicque dum per occasionem ædificationis plurimorum, temporalibus se inclinaverit, quietem amittat, ^c etiamque sordibus peccatorum inficiat, ideo clamanti sponsa respondet, dicens:

^a Vet. ed. Paris. cui favent omnes mss. nostri, *per cinnos autem eosdem populos*. Alia tamen lectio potior videtur.

^b Eadem vet. ed. Paris. cum omnibus mss. ita habet, ubi in aliis excussis legitur

Exspoliavi me tunica mea; quomodo iterum induar illa? Lavi pedes meos, quomodo iterum inquinabo illos?

Vers. 3.

6. Tunica sua sponsa se exspoliavit, quia omnia exteriora, ^d quibus onerabatur, abiecit. De qua tunica dicitur: *Nunc autem qui habet tunicam vendat eam, & emat gladium*. Gladium quippe vendita tunica emit, qui pro æternis temporalia abdicat: & in sancta conversatione vivens, verbum prædicationis acquirit. De quo dicitur: *Et gladium spiritus, quod est verbum Dei*. Pedes autem suos sponsa lavit; quia dum in sancto otio sancta anima vivit, opera sua studiose ad memoriam reducit: & quid quid in eis sordidum examinando deprehendit, lacrymis quotidianis & gemitibus plangit. Pedes itaque lavit, quia præterita opera, quibus per hunc mundum dissolute ambulaverat, planxit. Pedes lavit, quia peccata abluens lacrymis, munda in conspectu dilecti sui apparere concupivit. Hos pedes iterum inquinare metuit; quia valde sollicita est, ne si in prælatione ponantur, per terrena ambulans, iterum suscipiat quod dimisit. Idcirco ab otio invitata recedit; quia dum a maris fluctibus aliena est, quasi in littore posita securius vivit. Sed dilectus non leviter mortem proximorum tolerat. Ideoque propius accedens, per seipsum eam excitare non dubitat, dum dicitur:

Exteriorum abdicatio-
nem verbum Dei
acquirendum.

Luc. 22. 36.

Ephes. 5. 17.

Qui suos pedes lavant, prælationem metunt, & otium amittunt.

Dilectus meus misit manum suam per foramen, & venter meus intremuit ad tactum illius.

Vers. 4.

7. Manum dilectus ad sponsam mittit per foramen ut surgat, quando per subtilem intellectum quanta sit operationis divinæ virtus, ei inspi-

Divina tamen inspiratione tacti surgunt ad prædicationis laborem.

in corpore, Paulo post Rotomag. pro, stillationibus habet, stillationibus.

^c In vulgatis præter vet. ed. Paris. *eamque*.

^d Vulgati omnes, quibus *onerabatur* &

spirando manifestat : quod videlicet & inter pericula salvere possit ; quod etiam in pace nisi per eum salvus sit nemo ; quod in tumultu certaminis sperantes in se non derelinquit. Ad cuius tactum venter sponsæ intremiscit : quia sancta anima quo amplius divinam potentiam per interiorē visitationem præsentialiter sentit, eo districtius iudicat quidquid in se carnale deprehendit. Quo enim majori caritate in eum ardet, quem mente concupiscit, eo timidius se ei subiecit, & amplius veretur, ne sponsus in ea aliquid inveniat, propter quod eam a se dimittere velit. Idcirco sponso obediens ad laborem se præparat ; ut sicut in quiete familiaris sponso, sic & in labore devote serviens appareat. Ideo subdit, dicens :

Vers. 5. Surrexi ut aperirem dilecto meo.

8. Tacta surgit ut aperiat : quia dum spiritum dilectionis amplius solito accipit, mox de ædificatione proximi cogitat ; & prædicando agit, ut apertis cordibus Sponsus ad inhabitandos proximos veniens aditum intrandi inveniat. Quæ etiam cum prædicatione exempla operum auditoribus demonstrat, dicens :

Ibidem. Manus meæ stillaverunt myrrham, & digiti mei pleni myrrha probatissima.

9. Quid per manus, nisi operationes : quid per myrrham, nisi mortificatio carnis accipitur? ^a Manus ergo sponsæ prædicantis myrrham stillant ; quia quicumque aliis prædicant, necesse est si multis proficere velint, ut in omni opere suo carnalem vitam mortificare contendant. Sed ut hoc cum magna discretionē fiat, manifestat cum subiungit, dicens : *Digiti mei pleni sunt myrrha probatissima*. Sicut enim ab una manu plures digiti dividuntur : sic in una sancta conversatione per

discretionem diversæ virtutes inveniuntur. Alia enim est virtus largitatis, alia virtus paritatis. Aliud opus humilitatis, aliud liberæ increpationis. Aliud vero agimus quando nos sub silentio continemus propter ædificationem propriam ; aliud quando proximis loquimur propter utilitatem suam. Sed digiti myrrha probatissima pleni esse perhibentur ; quia in omni quod agitur, semper necesse est ut mortificatio carnalitatis teneatur. Quæ tunc probatissima esse iure dicitur, quando in omni suggestionē quæ ab hoste ingeritur, sine cessatione voluptas carnalis cavetur ne suscipiatur. Quod quando fit, omnis duritia mentis dissolvitur, & ut Sponsus intret ad cor, aditus præparatur. Hinc est quod sequitur :

Pessulum ostii mei aperui dilecto meo : at ille declinaverat atque transierat. *Vers. 6.*

10. Pessulum ostio facimus, quando per voluptates carnis, aditum cordis contra sponsum obferamus. Pessulum vero aperimus, quando remotis voluptatibus fluxis, cor nostrum in amore Christi, quod prius durum fuerat, solvimus, & Sponso pulsanti ad ostium, introitum liberum facimus. Quod cum in hac carne vivimus, quia repente fieri non potest, restat ut magis ac magis quotidie faciamus. Nemo enim, sicut scriptum est, repente fit summus. Aliquando enim dum in hac corruptione positi Dominum nostrum quærimus, magis nobis elongari quam appropriare videtur. Ideoque sequitur : *At ille declinaverat, atque transierat*. Modo Sponsus dilectam tangit, modo declinat : quia quando nos torpentes conspiciat, ad amorem incitat : quando vero laborantibus nobis posse apprehendi videtur, tunc ne apprehendatur tran-

Quomodo cor nostrum aperire Christo debemus.

Cur modo pulsat, modo declinat.

transit & declinat. Quod maxima in nobis ejus gratia agitur, ut videlicet nec in torpore nostro jacentes, omnino eum amittamus, nec de plena ejus, ut nobis videtur, apprehensione superbiamus. Qui mox tamen ut recesserit, redit: & ne diutius anima sancta a dilecto suo alienetur, verbo inspirationis suæ desideranti animæ se infundit, & eam liquefacit. Unde exsultat sponsa, dicens:

Ibidem.

Anima mea liquefacta est, ut dilectus locutus est.

Ad verbum
sponsi mens
colliquefacta.

11. Ad verbum Sponsi liquefactam se dicit; quia dum Christus se per spiritum suum animæ desideranti infundit, omnem duritiam cordis mox dissolvit: & aliquando mentem in tantas lacrymas liquefacit, ut vix capere possit hoc, quod se capere intra se exsultat: & intus miretur quid fuerit, & quid factam subito seipsam videat. Quem liquorem dum sentit, perfectius apprehendere concupiscit: & aliquando dum hoc ipsum cogitat, hoc quod modo sentiebat, jam non sentit. Unde sollicitatur ad quærendum, ut hoc idem inveniat: sed aliquando cum etiam fatigetur, non invenit, quod modo tam præsens tenebat. Ideo sequitur:

Ibidem.

Quæsi, & non inveni illum: vocavi, & non respondit mihi.

Ne hac suavitatem diu perfruatur, quid obest.

12. Quærit sponsa dilectum, sed non invenit: quia a Deo inspirata mens assidue suavitatem illam intimam perfrui concupiscit, sed corruptio prohibet, quam in hac vita gerit. Vocat ergo & non respondetur ei: quia & orationibus & operationibus suis dulcedine illius præsentiae satiari appetit, sed ad votum suum hoc quod invocatur, non occurrit. Restat ergo ut in se reverens se cognoscat, & per Scripturas sanctas dilectum suum magis il-

lo gustu adjuta perquirat. Et hoc est quod sequitur:

Vers. 7.

Invenierunt me custodes, qui custodiunt civitatem, percusserunt me, & vulneraverunt me: tulerunt pallium meum custodes murorum.

Sponsam
quærens
custodes
adeat.

13. Dum inquisitione dilecti sponsa sollicitatur, in custodes civitatis incidit: quia dum sancta mens desiderio sponsi sui Christi se affligit, prædicatorum verba in Scripturis divinis suscipit, & eis quamdiu a Christo^a exsulat, ejusdem quem quærebat^b amoris intendit. In quibus quid exercitationis inveniat, subiungit: *Percusserunt me, & vulneraverunt me: tulerunt pallium meum custodes murorum.* Custodes percutiunt sponsam & vulnerant; quia prædicatores sancti dum cœlestia loquuntur, amantem animam afficiunt, & majori amore sagittant. Pallium tollunt; quia si quid pompæ secularis residuum erat in corde, exhortationibus suis ab animo auferunt. Pallium tollunt; quia aliquando ante verba prædicatorum nos non cognoscebamur, ipsique omne quod interius latebat dum loquuntur, detegunt. Quod dum fit, amplius diligendi sunt: & ut pro nobis dilecto loquantur, devotius exorandi. Quod agit sponsa dum subiungit:

A quibus
salubriter
vulnerabi-
tur & spo-
liabitur.

Adjuro vos, filie Jerusalem, si inveneritis dilectum meum, ut nuntietis ei quia amore langueo.

Vers. 8.

14. Dum enim sanctis viris cogitationes nostras referamus, dum eis sive viventibus nobiscum, sive jam vitam æternam ingressis desiderium nostrum expandimus, & per Deum oramus, ut Domino Christo pro nobis orando offerant desiderium quo afficimur, quid aliud agimus, quam filias Jerusalem adjuramus, ut dilecto, cui nobis proximiores sunt, nuntient quia amore langueamus? Sed & ipsi Sancti, si adhuc

Sancti quæ-
rantur in-
tercessores.
& amoris a-
pud Deum
internuntii.

no-

^a Rotomag. quem sequitur edit. Gilot. exultat.

^b Nonnulli ed. amore incendit; ceteri amore intendit.

nobiscum sunt ; & oratores suos orant , & qui ut nuntient , orantur , præ humilitate tamquam ignari interrogant , dicentes :

Vers. 9. *Qualis est dilectus tuus ex dilecto , o pulcherrima mulierum ?*

Sed quia quo ardentius diligunt , eo dulcius verba de eo repetunt , idem ipsum iterum dicunt :

Ibidem. *Qualis est dilectus tuus ex dilecto : quia sic adjurasti nos ?*

Dilectus ex dilecto Sponsus dicitur : ut videlicet per repetitionem dilectionis , maximus amor loquentis ostendatur . Vel dilectus ex dilecto bene Christus vocatur ; quia si Filium diligimus , & Patrem ex quo est , consequenter amamus . Respondet sponsa subsequendo , dicens :

Vers. 10. *Dilectus meus candidus est & rubicundus , electus ex millibus .*

Cur Christus dicatur candidus & rubicundus.

15. Candidus & rubicundus Christus esse perhibetur ; quia nullum omnino peccatum faciens , justitiæ pulcritudinem ex integro tenuit , & tamen tamquam peccator esset , ad mortis passionem accessit . Cui per Prophetam dicitur : *Quare ergo rubrum est indumentum tuum ?* Electus vero est ex millibus ; quia ex totius generis humani massa , nullus sine peccato reperitur : ipse vero non solum sine peccato fuit , sed etiam peccatores sua justitia & sanguine redemit . Sequitur :

Vers. 11.

Caput ejus aurum optimum : comæ ejus sicut elatæ palmarum , nigre sicut corvus .

Caput Christi Deus .

16. Caput Christi Deus . Quod caput bene aurum dicitur ; quia ad comparationem Creatoris omnis creatura res vilissima perpenditur . *Comæ ejus sicut elatæ palmarum , nigre sicut corvus .* Quid per comas Christi , nisi fideles quosque intelligimus ? Qui dum fidem Trinitatis in mente custodiunt , & Deo ad-

hærentes ; quod credunt faciunt , quasi in capite pendentes honorem portanti conferunt . Palma autem in altum ascendendo valde proficit , & victoriam significatione sua præ-tendit . Comæ ergo sicut elatæ palmarum sunt : quia electi quique dum semper ad alta virtutum se efferunt , per Dei gratiam quandoque ad victoriam se perducunt . Nigræ autem sicut corvus existunt : quia quamvis virtutibus se erigant , semper tamen peccatores se esse cognoscunt . Sequitur :

Oculi ejus sicut columba super rivulos aquarum , quæ lacte sunt lotæ , & resident juxta fluentia plenissima .

Vers. 12.

17. ² Oculi sponsi sicut columbæ sunt ; quia prædicatores Christi quia viam nobis ostendunt , simplicitate vivunt . Super rivulos autem aquarum esse perhibentur , quia semper in refectione divinarum Scripturarum conversantur . Lacte vero sunt lotæ : quia gratia creatricis sapientiæ tamquam lacte matris , a peccatis per Baptismum sunt mundatæ . Quid autem per fluentia plenissima , juxta quæ resident , intelligimus , nisi sacræ Scripturæ profunda & arcana dicta , quæ discerpimus , quibus nos reficimus , dum ea legendo vel audiendo haurimus ? Ad hoc etiam columbæ juxta fluentia residere solent , ut volantium avium umbram in aqua videant , super quam se projicientes , ungues rapientium sic effugiant . Sic sancti viri in Scriptura sancta fraudes dæmonum perspiciunt , & ex descriptione quam vident , quasi ex umbra hostem cognoscunt . Dumque se consiliis Scripturæ ex toto addicunt , ut videlicet nihil agant nisi quod ex responso Scripturarum audiunt , quasi in aquam se projicientes , hosti illudunt . Quæ fluentia plenissima dicuntur : quia de quibus-

ipsum oculi , prædicatores .

Sancti in Scriptura sacra fraudes dæmonum perspiciunt .

Comæ ejus , fideles omnes .

buscumque scrupulis in Scripturis consilium quæritur, sine minoratione de omnibus ad plenum invenitur.

Verf. 13.

Genæ illius sicut areolæ aromatum, confite a pigmentariis.

Genæ Christi, Martyres.

18. Si per oculos prædicatores designantur, bene per genas ipsi in Ecclesia figurantur, qui in Ecclesia martyrio vitam finisse perhibentur. Dum enim pro fide Christi sanguinem suum fundere non dubitant, quasi genæ in facie Sponsi rubent. Per eos quippe pulchritudo fidei Christianæ publicatur: quia ad quantum fidei præmium tendant, ostendunt, dum pro ea moriuntur. ^a Quæ bene sicut areolæ aromatum esse dicuntur: quia dum in constantia fidei, martyrio electi exerceantur, per cultum virtutum sanctæ opinionis fama, ^b quasi odore aromatum dilatantur. Sed areolæ aromatum a pigmentariis conferruntur; quia Martyres sancti & a præcedentibus prædicatoribus ad confessionem roborantur, & a subsequen-
 a
 b
 tis ad imitationis exemplum populis adducuntur. Ab illis qui præcesserunt, pigmenta virtutum coluntur: ab his vero qui sequuntur, pigmenta exemplorum sumuntur. Unde & sequitur:

Ibidem.

Labia ejus lilia stillantia myrrham primam.

Qui Martyres laudant, labia sunt myrrham primam stillantia.

19. Quid enim per labia Sponsi, nisi ipsos quos dicimus prædicatores Christi, intelligimus? Qui dum mortales Martyrum populis prædicant, quasi myrrham mortificandis carnibus ad condimentum distillant. Quæ myrrha bene prima esse dicitur: quia nullus sic mortificatur, quomodo ille qui pro Christo martyrio finitur. Primam enim dixit non pro tempore, sed pro dignitate. Quid

est quod labia Sponsi lilia esse dicuntur, nisi quod illi per quos Christus loquitur, necesse est ut mundi sint, & per eos bonus odor aspergatur? De quibus erat Apostolus Paulus, qui dicebat: *Bonus odor sumus Deo in omni loco, & in his qui pereunt, & in his qui salvi sunt.* Sed notandum est, quoniam quidquid in Ecclesia justitiæ & fortitudinis habetur, ab ipso Christo per exempla operum illius trahitur. Ideo sequitur.

Manus illius tornatiles, auræ, plenæ hyacinthis.

2. Cor. 1. 15.

Verf. 14.

20. Quid enim per manus Christi designatur, nisi opera sancta quæ in mundo gessit, & quæ nobis imitanda proponuntur? Ipse enim ait: *Qui me diligit, me sequatur.* Et Apostolus: *Qui dicit se in Christo manere, sicut ille ambulavit, & ipse ambulare debet.* Manus vero tornatiles esse perhibentur: quia sancta opera ejus sine impositione iniquitatis ex omni parte in justitia gradiebantur. Quod enim tornatur, in rotunditate sui sine obstaculo volvitur. Sic Christi opera in rectitudinis rotunditateolvebantur: quia nulla culpa ei adhærebat: qua minus justitia ejus in rotundum duceretur. Auræ etiam manus esse dicuntur: quia quidquid exterius inter homines operabatur, interius in divinitatis pulchritudine disponebatur. ^c Manus quoque Sponsi plenæ hyacinthis esse dicuntur: quia quicumque illius opera pio corde imitantur, felicitatis æternæ muneribus in retributione ditantur. Unde & idem Redemptor ait: *Qui mihi ministrat, me sequatur; & ubi ego sum, illic & minister meus erit.* Sequitur.

Manuum Christi descriptio. Forte Johana 12. 26
1. Johana 2. 6

Johana 12. 26.

Venter ejus chburneus, distinctus sapphiris.

Ibidem.

21. Quid

^a In Val-cl. Rem. & Theod. qui (scilicet Martyres) bene sicut.

^b Val-cl. quasi odor.

^c In aliis edit. excepta vet. Paris. post disponebatur, additur: quid vero per hya-

cinthum, qui valde pretiosus lapis est, nisi munus retributionis æternæ designatur? Manus ergo sponsi, &c. Hæc nullis in mss. existant.

Christi
mortalitas
immortalita-
ti juncta,
& miraculis
ornata.

21. Quid per vētrēm, nisi mortalitas? & quid per ebur, nisi corruptio designatur? Ebur quippe valde durabile os habetur, & in ornamenta Regum assumitur. Venter ergo Christi recte eburneus esse dicitur: quia mortalitas Christi ad immortalitatem perducitur, dum per resurrectionem ad gloriam Patris sui, Regis videlicet æterni, in vita æterna collocatur. De quo dicitur: *Christus resurgens ex mortuis, jam non moritur, mors illi ultra non dominabitur*. Qui vere in ornamento Regum assumitur: quisquis carnis suæ rex & dominus esse probatur, ipsius Christi mortalitate & resurrectione, amore cognitionis & spe immortalitatis ornatur. Unde alibi dicitur: *Qui gloriatur, in Domino gloriatur*. Sed venter distinctus sapphiris esse perhibetur: quia in nostra corruptione quam portavit, cœlestia opera per miracula quæ faciebat, passionibus nostris inseruit. Sapphirus enim qui aereum colorem portat, bene cœlestia facta quæ in miraculis ostendebantur, designat. Venter vero Christi sapphiris distinguitur: quia dum inter passiones carnis divina miracula operabatur, quasi incorruptione corruptio variabatur. Qua dispensatione Apostoli in fide eruditi sunt, & ad passiones tolerandas robusti existerunt. Ideo sequitur.

Crura illius columnæ marmoreæ, quæ fundatæ sunt super bases aureas.

22. Per crura enim Apostolos intelligimus, per quos universum mundum circumvit, & fidem eis prædicantibus, populis audientibus sparsit. Quibus ipse in Evangelio ait: *Ite in orbem universum, & prædicite Evangelium omni creaturæ*. Sed crura columnæ marmoreæ esse perhibentur: quia Ecclesiam inflexibiliter sustinent, dum contra omnes adversarios eorum prædicatio-

nibus & exemplis roboratur. Super bases autem aureas columnæ fundatæ sunt; quia a Prophetarum dictis, ut fortes existerent, fidem integram acceperunt. Unde ipse primus Apostolorum ait: *Habemus firmiorem propheticum sermonem, cui bene facitis intendentes tamquam lucernæ ardenti in caliginoso loco*. Ideo enim aureæ dicuntur, quia luce sapientię resplendere sciuntur. Sequitur:

Species ejus ut Libani, electus ut cedri.

23. Libanus quippe mons est in quo sublimes valde & odoriferæ arbores habentur. Interpretatur autem Libanus dealbatio sive candidatio. Et de Christo dicit Apostolus Paulus: *Ipse factus est nobis a Deo sapientia & sanctificatio & justitia*. Bene ergo species ejus ut Libani existit; quia per eum credentes dealbamur: ei si adhæremus radicatus, sublimes efficiamur. A cujus gratia etiam bonæ opinionis odorem, si quem habemus, accipimus. Electus etiam ut cedri esse dicitur; quia de eo Pater loquitur: *Ecce puer meus quem elegi, dilectus meus, complacuit sibi in illo anima mea*. Cedrus autem excelsa est valide arbor & odora & imputribilis. Christus autem excelsior cedris existit: quia quamvis homo sit, tamen Deus esse non desistit. De quo per Isaiam dicitur: *Et sublimis erit valde*. Odorus etiam super omnes est Christus, quia ipse de seipso ait: *Ego flos campi, & lilium convallium*. Et per sponsam ei dicitur: *Curremus in odorem unguentorum tuorum*. De quo hic bene sequitur:

Guttur illius suavissimum, & totus desiderabilis.

23. Per guttur quippe voces transferuntur, & sapor in ventrem hauriuntur. Quid ergo per guttur Sponsi, nisi Testamentum Christi intelligitur, per quod Christus nobis lo-

illa colum-
næ Eccle-
siæ quibus
basibus in-
nixæ.

2. Pet. 1. 19.

Per Chri-
stum deal-
bamur, &
sublimes
efficiamur.

1. Cor. 1. 30.

Isai. 42. 3.

Isai. 52. 14.

Cant. 2. 1.
Cant. 1. 3.

Verf. 16.

Verbum
Christi
quantum
sapiat.

His ad fi-
dem ciudi-
ti & ad pa-
tientiam
confirmati
Apostoli.
Marc. 16. 15.

quitur, & in quo quam suavis sit Dominus a fidelibus gustatur? Totus ergo desiderabilis esse dicitur: quia per hoc quod de eo bona omnia anima sancta audit, magis ac magis semper eum videre concupiscit. Cujus tot bonis enarratis consequenter concludit, & dicit:

Idem.

Talis est dilectus meus, & ipse est amicus meus, filia Jerusalem.

Mutua de Christo col- loquia amoris incenti- vum.

24. Sed enumeratis tot laudibus, ostensis tot muneribus, quis audiens non concupiscit, quis intendens non inardescit? Fidelis quippe anima quæque, quo dulciora & ampliora de Redemptore suo audit, eo ardentius inhiat, & manifestiora de eo cognoscere appetit, dicens:

Vers. 27.

Quo abiit dilectus tuus, o pulcherrima mulierum? Quo declinavit dilectus tuus, & quæremus eum tecum?

Cum enim proximus proximo de Christo loquitur, cum alter ab altero qualiter inveniatur sciscitatur, quid aliud quam quomodo quæri debeat perscrutatur? Quamvis hoc de Synagoga intelligi valeat, ut aliquando conversa Ecclesiam interroget, cui protinus Ecclesia respondet:

C A P U T VI.

*Cap. 6.
Vers. 1.
a*

Dilectus meus ^a descendit in hortum suum ad areolam aromatum, ut pascatur in hortis, & lilia colligat.

Quanto emolamento Christus visitet Ecclesiam.

1. Dilectus in hortum suum ad areolam aromatum descendit; quia Ecclesiam visitans, ad eos majori gratia venit, quos sanctis operibus & virtutum exemplis bonæ famæ odorem ex se proximis emittere cognoscit. In hortis pascitur, cum multarum animarum virtutibus delectatur. Lilia colligit, quando perfectos quosque ab hac vita succidit. Sed quia sancta Ecclesia in filiis suis fide Christo ita conjungitur, spe suspenditur, caritate conglutinetur,

ut nihil extra Christum diligat; & eum sibi familiariter fide & amore inseparabilem teneat, ideo subjungit:

Ego dilecto meo, & dilectus meus *vers. 2.*
mibi, qui pascitur ^b *in liliis.* b

2. Notandum quippe, quod Synagoga per prædicationem Ecclesiæ ad fidem quandoque convertetur, ita ut se abnegans, Christum solum sequatur, & eodem desiderio diligat Christum, quo eum Ecclesia diligit, quem cæteris postpositis solum amat. Quam jam amicam factam, jam sponsam sibi conjunctam Sponsus alloquitur, congratulans & dicens:

Pulcra es amica mea, suavis & decora sicut Jerusalem, terribilis ut *vers. 30*
castrorum acies ordinata.

3. Pulcra & amica, suavis & decora sicut Jerusalem, Synagoga esse perhibetur: quia sancta quatuor Evangelia, aliquando conversa sicut Ecclesia sectabitur. Jerusalem quippe visio pacis interpretatur. Per quam bene sancta Ecclesia figuratur: quia dum in mundo semper pressuram patitur, viam fastidians, quæ sit pax patriæ coelestis currendo contemplatur, confidens in eo qui discipulis suis dicebat: *In mundo quidem pressuram habebitis; sed confidete, ego vici mundum.* Digne autem Synagoga conversa, sicut Jerusalem pulcra & amica & suavis & decora dicitur; quia dum sanctam Ecclesiam imitatur, quatuor Evangeliorum præcepta operatur, a quibus pulcritudinem morum accipit ut placeat, exercitium sanctæ operationis colligit ut in amicitia hæreat, suavitatem mansuetudinis discit ut permaneat, speciem decoræ conversationis ostendit, ut per exemplum trahat. De qua consequenter dicitur: *Terribilis ut castrorum acies ordinata.* Notum expertis est, quod milites cum in procinctu contra ho-

Synagogæ ad Christum futura conversio.

Unde pulcritudinem trahet.

*J. han. 25.
33.*

Ecclesia, ut sit hostibus terribilis, pace se muniat, unitate se vinciat.

stes vadunt, si stridim & concorditer gradiuntur, ab hostibus contra venientibus timentur: quia dum in eis aditum per scissuram non aspicunt, qualiter eos penetrent, hæsitantes non inveniunt. Illisque hoc impenetrabile munimen efficitur, quod concorditer ordinati seipsis semetipsos tuentur. Dum enim de seipsis sibi vallum efficiunt, intrandi ad se aditum hostibus non relinquunt, & ut occidantur appetiti, ipsi facilius occidunt. Sic in multitudine fidelium contingit, quæ dum contra malignos spiritus pugnare non desinit, necesse est ut pace caritatis constringatur, ^a quo salva sit. Si enim pacem tenet, terribilis hostibus apparet. Si per discordiam scinditur, undique ab hostibus leviter penetratur. Pace se itaque muniat, unitate se vinciat, caritate se uniat: ut dum in seipsa per scissuram damnum non patitur, ducem suum semper exultans sine confusione sequatur. In pace quippe oculus mentis mundatur, ut in ipsam beatitudinis visionem intendatur. Quam nemo sicut est, in hac vita conspicit: quia impossibile est patriam tenere, dum in exilio unusquisque nostrum gemit. Ideo sanctæ animæ inardescenti, inhianti, propinquant Sponsus respondet, dicens:

Averte oculos tuos a me, quia ipsi me avolare fecerunt.

4. Oculos ad Sponsum tendimus, dum intuitum mentis ad videndam Christi beatitudinem aliquantulum aperimus. Sed oculos avertere præcipimur, ne videlicet aspicere eam sicuti est, quantumcumque videamus, arbitremur. Ipsi enim oculi eum avolare fecerunt: quia quo amplius videtur, eo magis invisibilis esse cognoscitur. Et a nobis avolat: quia

quantulumcumque ictu mentis apprehensus, incomprehensibiliter super omnem conatum nostrum se exaltatum esse manifestat. Oculi quippe mentis quasi hoc efficiunt ut avolet: quia per hoc tantillum quod videtur, valde longinquus & avolans a nobis, sicut dictum est, apparet. Sequitur:

Capilli tui sicut greges caprarum, qui ascenderunt de monte Galaad. Dentes tui sicut greges tonsarum ovium, quæ ascenderunt de lavacro: omnes gemellis fetibus, & sterilis non est inter eos.

Sicut cortex mali punici, sic genæ tuæ, absque occultis.

5. Hæc omnia dicta de Ecclesia superius, ut potuimus, exposuimus: ideo nunc de Synagoga eadem replicare devitamus. Unum est tamen quod non similiter repetitur: quia ibi sicut fragmenta mali punici, hic autem sicut cortex mali punici dicitur. Quo nihil aliud designari puto, nisi sanguinem Martyrum, qui sub Antichristo morientur: & unitatem fidei, sub qua multi Judæorum stringentur. In cujus constantia dum sanguinis effusionem patientur, fidei tribulatione quasi corticis rubore decorabuntur. Sequitur:

Sexaginta sunt reginæ, & octoginta concubinæ: & adolescentularum non est numerus.

6. Quid per reginas, nisi Sanctorum animæ designantur; quæ dum corpora sua prudenter regunt, & aliis præfunt, regnum sibi æternum acquirunt? Sunt enim nonnulli in sancta Ecclesia qui carnem suam macerant, & propter Deum affligunt, vitia vincunt, dæmones velut tyrannos sibi subjiiciunt, omnes motus suos ut ordinate currant, sapienter regunt, aliis prædicant hoc quod

Ibid. & vers. 5. & vers. 6.

b

c

d

e

Martyres sub Antichristo passuri.

vers. 4.

Christus quo magis videtur, eo magis invisibilis cognoscitur.

^a Val-cl. & Rem. *qua salva sit.*

^b Rotomag. *qua ascenderunt.* Vulgati *qua apparuerunt.*

^c Omittitur *tonsarum*, in excusis.

^d Omnes *autem* nostri *inter eos*, scilicet

greges: editi ut in Vulgata.

^e Hic etiam sequimur unanimem mss. consensum. In editis legitur, *absque eo quod intrinsecus latet.*

Quæ prudenter corpora regunt animæ, reginæ sunt.

quod ipsi faciunt, multos a faucibus dæmonum gladio verbi pugnantes abstrahunt. Quid hujusmodi animæ nisi reginæ existunt, quæ dum Regem Christum sponsum suum valde diligunt, amoris commixtione & libidinis exsecratione, regios filios, id est fideles populos gignunt? Quibus omnibus beatus Petrus Apostolus dicebat: *Vos autem genus electum, regale sacerdotium, gens sancta, populus acquisitionis*. Sed reginæ sexaginta esse perhibentur. Denarius quippe numerus per senarium multiplicatus in sexaginta completur. Et quid per denarium, nisi decem præcepta Legis: & quid per senarium, nisi labor hujus vitæ signatur? Sex enim diebus quod necessarium est operamur; & in septimo quiescere per Legem jubemur. Bene ergo sexaginta reginæ esse dicuntur: quia dum decem præcepta in hoc seculo operantur, seculum autem hoc sex diebus operatoris evolvitur, in eis quasi per senarium numerum, denarius replicatur. Prædicant enim quique decem præcepta Legis, in quorum operatione se exercent in temporalitate hujus corruptionis. Sex igitur decies, vel decem sexies multiplicant: quia universale hoc tempus in explenda decem præcepta Legis spiritualiter esse transigendum, operibus suis manifestant, & verbo prædicant. Quorum laudem in hoc mundo aliquando reprobi aspiciunt: & ut similiter laudentur, vel ut aliquod commodum in hac vita quomodocunque adipiscantur, etiam ipsi per semetipsos prædicatores fiunt. De quibus bene subditur: *& octoginta concubinae*.

Concubinæ
similes muli
prædicatores.

7. Concubinæ quippe non vere, sed fide dominos diligunt, & ab

a Recent. editoribus placuit explicationis gratia interficere, *commodorum*; sic enim legendum exhibent: *sed præsentiam commodorum*; nimirum non intelligentes ad quid referri posset, *præsentiam*. At optimi re-

eis non posteritatem filiorum; a sed præsentiam expectant, nec continentia se exercent, sed libidinem explere concupiscunt. Sic falsi prædicatores in Ecclesia existunt: quia dum non Christum, sed lucrum vel laudem diligunt, non spiritualiter & caste, sed carnaliter & libidinose Christo se conjungunt. Bene ergo concubinæ vocantur; quia Christum quem prædicant, non in spiritu, sed carne sectantur. De quibus Apostolus Paulus dicebat: *b Multi quidem secundum carnem ambulant, sed non secundum Christum*. De quibus idem ipse ait: *Quos saepe dicebam vobis, nunc autem & flens dico, inimicos crucis Christi, quorum finis interitus, quorum deus venter est*. De quibus ipse idem ait: *Hujusmodi non serviunt Domino Jesu, sed suo ventri*. Quæ tamen concubinæ bene octoginta esse dicuntur; quia etsi toto corde terrena diligunt, cœlestia tamen loquuntur. Octonarium quippe numerum per denarium ducimus, & ad octoginta venimus. Per decem autem Decalogus, sicut dictum est, significatur: per octo vero resurrectio, quia octavo die Redemptor noster resurrexisset probatur. Prædicatores vero etsi falsi sunt per desiderium, tamen & Scripturam divinam, & resurrectionem quam credimus, manifestant per verbum. Si enim aliud prædicarent prædicatores, inter Christianos non essent; de quibus in Evangelio Veritas ait: *Super cathedram Moysi sederunt Scribæ & Pharisei: quæ dicunt facite, quæ autem faciunt, facere nolite*.

8. Sed quia & falsorum & verorum prædicatorum prædicatione plurimi ad fidem veniunt, & cum electis multi intrant, qui ad sortem ele-

fertur ad Dominos, quorum præsentiam expectant ut libidinem explant.

b Multa hic ex mss. supplēvimus, quæ in vulgatis desunt.

b
Phil. 3. 18.

Rom. 16. 18.

Etsi recte
prædicent.

Matth. 23.

Cum electis
multi intrant,
qui ad eorum
sortem non
pertinent.

Eccle. 11. 10.
ex Hebr.

electorum non pertingunt; ideo sub-
dicitur: *Et adolescentularum non est
numerus*. Cum enim scriptum sit:

2

Adolescentia & juventus vana sunt:
quid per adolescentulas has, ^a nisi
animas intelligimus, quæ dum vana
hujus mundi sectantur quæ diligunt,
numerus electorum excedunt? De
quibus per Psalmistam dicitur: *An-*

Psal. 39. 6.

nuntiavi & locutus sum, multipli-
cati sunt super numerum. Quodenim
electorum numerus apud Deum sit
constitutus, manifestat Apostolus Pau-
lus qui ait: *Novit Dominus qui sunt*
ejus. Et per semetipsum Dominus
ait: *Ego scio quos elegerim*. Quos
quia non imperfecte scit, sed per-
fecte novit, procildubio & nume-
rum in quo eliguntur, cognoscit.

Rom. 8. 29.

De quibus per Paulum dicitur: *Quos*
enim præscivit, & prædestinavit con-
formes fieri imaginis filii sui. Bene
ergo adolescentularum non est nu-
merus; quia dum per vanitatem
quam diligunt, in numerum ele-
ctorum non currunt, extra rema-
nentes quasi in cognitionem divinam
non veniunt. Quibus ipsa Veritas
in futuro judicio dictura est: *Nescio*
vos; & : Discedite a me omnes qui
operamini iniquitatem. Sed dum re-
probi mundana quærunt, & per
multiplices cupiditates animum divi-
dunt, sancta quælibet anima in nu-
merum electorum se stringit, mul-
ta quæ videt fastidiens, unum quod
non videt, ardentem appetit, quod
quamdiu non tenet, in fide se nu-
trit, in caritate se unit. Et dum
id quod unum & idipsum est se-
quitur, de hujusmodi multis una
Ecclesia conficitur, de qua per
Sponsum dicitur:

Matth. 25.

12.

Psal. 6. 9.

Vers. 8.

Una est columba mea, perfecta
mea, una est matri sue, electa ge-
nitrici sue.

Soli qui in
simplicitate
permanent
& in unitate
sunt electi.

9. Mater nostra est regeneratrix

gratia, apud quam una columba
eligitur; quia illos solos eligit, qui
in simplicitate permanent, & ab
unitate non scinduntur. Multi quip-
pe fideles dum in idipsum inten-
dunt, dum uno desiderio Christi se
invicem nutriunt, dum habentes cor
unum & animam unam, in carita-
te se vinciunt, ex multis membris
corpus efficiunt. Omnesque in uni-
tatis simplicitate viventes, una co-
lumba existunt. Quæ sola perfecta
& electa genitrici suæ dicitur, quia
extra hanc quam dicimus Ecclesiam,
nemo ad perfectionem, nemo ad
vitam, nisi per hanc solam gratia
fovente nutritur. De qua bene sub-
ditur.

Viderunt eam filie Sion, & bea- *Ibidem.*
tissimam prædicaverunt: reginæ &
concubinæ laudaverunt eam.

10. Sion filia, filia sunt Eccle-
siæ, quæ dum vitam æternam in
hac carne contemplantur, a pere-
grinante Ecclesia ad regnantem Ec-
clesiam eriguntur. Vident filie Sion
columbam, & beatissimam prædicant:
quia sanctæ animæ dum virtutes Ec-
clesiæ spectant, in laudem prorump-
punt, & ad ejus beatitudinem in-
hiant. Sancta quippe Ecclesia gra-
tia genitrice nutritur, dum fide eru-
ditur, carne sui Sponsi pascitur,
sanguine lavatur, Scriptura divina
saginatur. Hujusmodi robusta nu-
trimenti dæmones expugnat, vitia
suffocat, carnem domat, spiritum
roborat, vitam exspectat. Hæc o-
mnia quicumque aspicit, recte in
admirationem protinus assurgit, &
beatissimam pronuntiat, quia videt
ad quantam gloriam per tot virtu-
tes exsurgat. Cum reginis etiam con-
cubinæ laudant; quia etsi operibus
falsi prædicatores contradicunt, ser-
monibus tamen eadem quæ & veri
populis ostendunt. De talibus ipsa

Ecclesiæ fe-
licitas, quæ
carne Sponsi
sui pascitur,
sanguine la-
vatur, ver-
bo sagina-
tur.

Ve-

^a Ed. *nisi vagas animas*? Frustra autem additum *vagas*, restituta interpunctione.

Matth. 15.
v. ex 17ai.
27.

Veritas dicit: *Populus hic labiis me honorat, cor autem eorum longe est a me.* Quod aperte manifestat dum

Matth. 23. 3.

iterum dicit: *Dicunt enim, & non faciunt.* De quibus & per Apostolum Paulum dicitur: *Dictis confitentur se nosse Deum, factis autem negant.* Sancti autem viri dictis & factis Deum confitentur; quia quod credunt faciunt, & ad bona quæ faciunt, etiam alios sermonibus & exemplis trahunt. Quorum virtutibus adversarii ad fidem excitantur, dum in eis & pietatem fidei, & constantiam operis admirantur. Unde & Synagoga ad fidem erigitur, cum in Ecclesia quæ sint merita fidei admirans contemplatur, dicens:

Tis. 1. 16.

Quæ est ista quæ progreditur quasi aurora confurgens, pulchra ut luna, electa ut sol, terribilis ut castrorum acies ordinata?

Vers. 9.

Quæ est ista quæ progreditur quasi aurora confurgens, pulchra ut luna, electa ut sol, terribilis ut castrorum acies ordinata?

Cur Ecclesia aurora ac soli comparata.

11. Ecclesia sancta quasi aurora confurgens in iudicio ultimo progreditur, quia relictis tenebris corruptionis, incorruptionis claritate innovatur. Quæ bene ut sol electa dicitur; quia ad eandem gloriam perducitur, ad quam caput ejus Christus, qui sol iustitiæ esse perhibetur. Unde est quod idem sol ait:

Johan. 12.
29. & 17. 24.
In Ecclesia alii fulgent ut aurora.

Volo Pater, ut ubi ego sum, illic & minister meus sit. Quod tamen & de membris ejusdem Ecclesiæ adhuc in hac carne viventibus intelligi potest. Sunt enim nonnulli qui magna intentione quæ sint tormenta reproborum aspiciunt, & quæ sunt facta sua sine palpitatione examinare contendunt. Dumque se peccasse cognoscunt, & per hoc ire ad reproborum tormenta pertimescunt, subito tenebras iniquitatis derelinquunt, & luce iustitiæ accendi concupiscunt. Mox ad sanctam operationem confurgunt; & per bona opera quæ faciunt, clarere quibusque proximis incipiunt. Hi proculdubio velut aurora confurgentes progrediuntur; quia subito noctem pec-

cati evacuantes, ad lucem magis ac magis dilatantur. Sic anima quæ prius erat in tenebris, nunc splendens apparet; & quæ etiam in se ipsa offuscabatur, nunc aliis lumine sanctæ operationis resplendet. De qua bene subditur: *Pulchra ut luna, electa ut sol.* Luna quippe dum noctem illuminat, caligantibus oculis iter, per quod homo gradiatur, demonstrat. Sic nimirum quæque anima, quæ tenebras dimittit, & in sanctam operationem se extendit, dum exemplum bene operandi tribuit proximis, quasi lucem tenebrescentibus oculis spargit. Dum enim peccantes quique bonum opus aspiciunt, et ad idem faciendum se convertunt, quasi errantes in nocte, per lumen lunæ ad viam redeunt. Hæc itaque sancta anima dum peccantibus exempla præbet, quasi luna in nocte lucet. Dum vero magis ac magis crescit, & de die in diem per consuetudinem operis lumen iustitiæ tam perfecte accipit, ut etiam bonis exempla imitationis præbeat, quæ prius solis peccatoribus imitando apparebat, profecto jam luna sol efficitur; quia quæ in nocte errantibus nunc lucebat, modo in die ambulantibus lumen veritatis manifestat. Hinc est quod sequitur: *Electa ut sol.* De qua bene subditur: *Terribilis ut castrorum acies ordinata.* Hoc quia jam dictum est, iterum non necesse est exponi, ne sic videatur fastidium generari. Sequitur ergo Sponsus, & causam dicit unde tanta virtus in Ecclesia ex crescere possit. Visitatione quippe renovatur, & quod in ea tenebrosum est, respectione ejus illuminatur. Et hinc est quod subdens ait:

Descendi in hortum nucum, ut viderem poma convallium: & inspicere si floruisse vineæ, & germinassent mala punica.

Christus perfectorum corda visit.

12. Quid per nuces, nisi perfectos

Alii ut luna.

tas, ut per
eos ad in-
firmiores
veniat.

Etros quosque intelligimus, qui dum divinam sapientiam intra corpora sua retinent, quasi nucleum in fragili testa portant? Sunt enim quamplures in Ecclesia, qui assidue divinæ Scripturæ intendunt, quam suavis sit Dominus gustantes, amplius gustare concupiscunt, sancta gaudia in corde ruminant, & ruminantes magis ac magis convalescunt; & tamen foris nescientibus eos, viles apparent; quia ignoratur quam suavem in suis interioribus cibum portent. Quid isti, nisi nuces existunt, qui nuclei dulcedinem intus ferunt, exterius vero carnis utilitatem prætendunt? De quibus erat Apostolus, qui dicebat: *Habemus thesaurum istum in vasis fictilibus*. Hortus igitur nucum, corda sunt Sanctorum, qui dum diligunt, cœlestem dulcedinem in intimis gerunt. Unde in Psalmo scriptum est: *Quam magna multitudo dulcedinis tuæ, Domine, quam abscondisti timentibus te!* Sed quid est quod in hortum nucum Sponsus descendit, ut poma videat, cum potius nuces videre debeat? Verumtamen sciendum est, quod plerumque corda perfectorum visitat, eisque benignitatis suæ suavitatem manifestat; ut per eos ad infirmiores postmodum veniat, & quantum in augmentum justitiæ profecerint, per illos cognoscat. Unde scriptum est: *Dominus de cælo prospexit super filios hominum, ut videat si est intelligens, aut requirens Deum*. Dum enim divina bonitas corda perfectorum illustrat, eosque ad curam proximorum per caritatis sollicitudinem instigat, quid hoc est aliud; nisi quod ad hortum veniens, poma convallis per illos quibus præsidet, prospectat? Tunc enim Dominus videre, vel cognoscere dicitur, cum Sanctos suos quos illustrat, ad videndum exhortatur. Sed

quid est quod non poma montis, sed poma convallis, ut videat, descendit, nisi quod illis respectum suæ miserationis tribuit, quos in humilitate persistere cognoscit? De quo per Psalmistam dicitur: *Quoniam excelsus Dominus, & humilia respicit, & alta a longe cognoscit*. Et ipse Dominus per semetipsum ex voce Prophetæ dicit: *Super quem requiescet spiritus meus, nisi super humilem & quietum, & tremmentem sermones meos?* Sequitur autem Sponsus, & dicit: *Et inspicerem si floruisse vineæ, & germinassent mala punica*. Vineæ florent, quando in Ecclesia filii recenter in fide generantur, & ad sanctam conversationem, quasi ad fructus soliditatem, præparantur. Mala punica germinant, quando perfecti quique per exempla sua proximos ædificant, & in novitatem sanctæ conversationis per prædicationem & bonorum operum ostensionem^a immutant. Illud quippe malum punicum, videlicet Apostolus Paulus germinaverat, qui dicebat: *Filioli mei, quos iterum parturio, donec formetur Christus in vobis*. Sic etenim in sancta Ecclesia agitur, ut per bonos mali convertantur, per perfectos imperfecti nutriantur, donec & ipsi ad perfectionem veniant, & infirmos quosque sicut ipsi perducti sunt, ad meliora perducant. Hoc Christus Ecclesiæ Sponsus^b visitando prospicit, respiciendo corpus sanctum conjungit: qui ideo corpus infirmitatis assumisse cognoscitur, ut in corpus suæ claritatis tota simul Ecclesia transformetur. Unde beatus Paulus ait: *Qui reformabit corpus humilitatis nostræ, configuratum corpori claritatis suæ*. Hæc omnia in fine mundi Synagoga tandem excitata percipiet, & se tamdiu hæc ignorasse reprehendet, dicens:

Modo in
humilitate
permancant.

Ps. 137. 6.

Isai. 56. 2.

2. Cor. 4. 7.

Ps. 30. 20.

Ps. 15. 2.

Gal. 4. 19.

Philip. 3. 21.

^a Male legerunt edit. *invitant*, pro *immutant*, quod habent mss. omnes.

^b Excusi, *visitando perficit*.

Ne-

Vers. 13.

Nescivi: anima mea conturbavit me propter quadrigas Aminadab.

Synagoga
de præteri-
tis suis te-
nebris, pœ-
nitentia.

13. Ac si diceret: Tot virtutes in sancta Ecclesia fieri videns, quare in tanto tempore non percepi? Quare incredula perstisti? Cur tamdiu per infidelitatem meam in tenebris ignorantie perstisti? Sed propter quadrigas Aminadab conturbatur, quia quandoque per Christi prædicationem ad fidem suscipiendam excitatur. Aminadab enim spontaneus populi mei interpretatur. Et bene proculdubio Christus Jesus a Patre spontaneus populi mei dicitur; quia vere spontanea caritate ad populum salvandum descendit, & ut nos a morte relevaret, pia voluntate & benigna gratia mortem in cruce suscepit. Unde & ipse ad Patrem ait: *Voluntarie sacrificabo tibi*. Et unus ex redemptis ad Christum loquens, agebat: *Exaudi me Domine, quoniam benigna est misericordia tua*. Propter quadrigas ergo Aminadab Synagoga conturbatur; quia quando tandem quatuor Christi Evangelia in mundo currentia, in cordibus hominum ferventia per fidem contemplatur, mox de infidelitatis suæ tenebris confunditur, & oborta confusione salubri, ad pœnitentiam comovetur. Cui Ecclesia benigne loquitur, dicens:

Vers. 22.

Revertere, revertere Sunamitis, revertere revertere, ut intueamur te.

Ad conver-
sionem ab
Ecclesia
provocatur.

14. Sunamitis quippe captiva interpretatur. Sunamitis ergo ut reverteretur vocatur: quia Synagoga in fine mundi fides ab Ecclesia offertur, ut dignitatem pristinam recipiat, quæ sub infidelitatis iugo a dæmonibus captivatur. Et bene quater reverti adinonetur; quia in quatuor mundi patres modo Judæi dispersi sunt, qui ubicumque fuerint, ut dictum est, in fine mundi convertentur, sicut prædictum est per Prophetam: *Si fuerit numerus filiorum Israel velut arena ma-*

Isaï. 10. 22.
Rom. 9.

ris, reliquæ salvæ fient. Revertatur ergo Sunamitis, ut eam intueamur, id est Synagoga ad fidem convertatur, & in pœnitentia sua omnibus ostendat quantum malum faceret, quando Deum suum in cruce configebat. Sed protinus cum Ecclesia fidem Synagoga intueri appetit, Sponsus congratulando quasi interrogans respondet, & dicit:

C A P U T VII.

Cap. 7.
Vers. 2.

Quid videbis in Sunamite, nisi choros castrorum?

1. Caltra quippe militantium sunt. Castra ergo in Sunamite videbantur; quia pro fide, quam modo impugnat, tunc robuste contra perfidos præliabitur. Sed quia hoc per sanctam Ecclesiam fiet ut Synagoga convertatur, quia sermonibus & exemplis prædicatorum ad fidem convertetur, ideo recte ad laudem sponsæ Sponsus se convertit, dicens:

Strenue pro
fide pugna-
tura est.

Quam pulcri sunt gressus tui in calceamentis tuis, filia principis?

Ibidem.

2. Filia principis sancta Ecclesia dicitur, quia prædicatione Christi vitam novam regeneratur, qui per divinitatis potentiam, omni creaturæ quam condidit, principatur. Quid autem sunt calceamenta Ecclesiæ, nisi exempla præcedentium patrum, quibus in via mundi hujus munitur, ut per omnes tribulationes quæ exsurgunt, confidenter calceata gradiatur? Unde alibi prædicatoribus Paulus dicit: *Calceati pedes in præparationem Evangelii pacis*. Calceamenta quippe de mortuis animalibus sunt. Et nos pedes spiritualiter calceamus, quando a patribus sanctis carne mortuis exempla sumimus, ut ad eorum similitudinem mundi hujus tentationes expugnemus. Potest tamen intelligi quod Ecclesia calceatur, quando in prædicatione sua ad præferenda insurgentia mala morte Christi munitur.

Exemplo-
rum Sancto-
rum utilitas.

Ephes. 6. 15.

Pul-

Pulchri ergo sunt sponsæ gressus calceatæ, quæ filia est principis; quia coram divinis oculis placet officium cujuslibet electi secundum exempla patrum prædicantis. Sequitur:

^a
Ibidem.

Junctura^a feminum tuorum, sicut monilia quæ fabricata sunt manu artificis.

Prædicato-
rum concor-
dia Christi
opus.

3. Per duo femina sponsæ, duo populi Ecclesiæ: per juncturam feminum, concordia designatur prædicatorum, quibus populi uniuntur, dum ad Fidem catholicam circumcisio & præputium per eos erudiuntur. Qui ut monilia existunt; quia dum in sapientia, qua resurgent, sancta opera faciunt, quasi in auro lapides gerunt. De quibus sequitur: *Quæ fabricata sunt manu artificis.* Manu artificis monilia fabricantur, quia opere Christi prædicatores pulcri & utiles efficiuntur. Sequitur.

Vers. 2.

Umbilicus tuus crater tornatilis, nunquam indigens poculis.

Quæ aliis
propinat
prædicato-
rum, abun-
dantius
cæteris bi-
bat.

4. Umbilicus etiam sanctorum prædicatorum ordo est: qui bene crater esse dicitur, quia dum per eos populus eruditur, vino spiritali ipsorum officio ebriatur. Qui bene tornatilis nuncupatur; quia juxta mores hominum universos necesse est ut lingua prædicatoris volvatur. Qui poculis non indiget: quia quod aliis propinat, necesse est ut abundantius cæteris bibat, & plenius quod dat, contineat. Sequitur:

Ibidem.

Venter tuus sicut acervus tritici, vallatus liliis.

Exemplis
Sanctorum
muniendi
sumus.

5. Per ventrem, populi latitudo designatur: qui bene sicut acervus tritici liliis vallatur: quia dum operibus sanctis intendens, in cœleste horreum præparatur, exemplis Sanctorum, ut perseveret, undique munitur: de quibus iterum dicitur:

Vers. 3.

Duo ubera tua sicut duo hinnuli capree gemelli.

6. Duo ubera, duo populi existunt: quia dum in amore fraterno semper vivunt, se invicem lacte pietatis in caritate nutriuntur. Qui bene duo hinnuli capree gemelli nominantur: quia dum per prædicationem Synagogæ in fide geniti, in ejus Scripturis nutriuntur, in spem æternitatis intendentes, quasi in montibus concordantes pascuntur. De quibus prædicatores sequitur:

Collum tuum sicut turris eburnea.

Judæorum
& Gentili-
um in fide
genitorum
fraterna
concordia.

Vers. 4.

Collum
sponsæ præ-
dicatores.
Cur.

7. Collum sponsæ sicut turris eburnea dicitur: quia prædicatores Ecclesiæ & alti per contemplationem, & fortes per sanctorum operum exercitationem, & pretiosi per divinam sapientiam habentur. De quibus iterum dicitur:

Oculi tui sicut piscine in Hesebon, quæ sunt in porta filiarum multitudinis.

Ibidem.

8. Hesebon cingulum mœoris interpretatur. Oculi ergo sponsæ sicut piscine in Hesebon dicuntur; quia dum de peregrinatione sua contristantur, & mœore corroborati, contra spirituales hostes accinguntur, lacrymis se levant, ut per eos populi convenienter coram Deo mudentur. In porta autem filiarum multitudinis sunt: quia in fide stant, per quam Ecclesiæ multitudinem ad cœlestia introducunt: Sequitur:

Oculi, qui
lugent &
fiat.

Nasus tuus sicut turris Libani, quæ respicit contra Damascum.

Ibidem.

9. In naso odoris discretio habetur. Per nasum ergo^b ordo prædicatorum designatur: quia per eos nobis virtutum odores, & vitiorum foetores demonstrantur. Sed nasus sicut turris Libani existit: quia dum semel prædicatores aqua Baptismatis lavantur, & quotidianis lacrymis a peccatis quæ contra Deum commiserunt, dealbantur, digni sunt ut ad altiora magis ac magis per fortitudinem erigantur. Sed turris con-

Per nasum;
prædicato-
rum discre-
tio signatur.

^b

tra

^a Ita mss. p̄o femora, femorum quod habent vulgati.

^b Excusi, discretio prædicatorum.

tra Damascum respicit: quia peccatoribus semper sanctus quilibet prædicator contradicit. Damascus quippe sanguineus interpretatur, & peccatrici genti dicitur: *Manus tuæ plenæ sunt sanguine*. Sed quia de membris dixit, dignum est ut de capite loquatur. Ideo subditur:

Isai. 1. 16

Vers. 5.

Caput tuum ut Carmelus, & comæ capitis tui, ut purpura Regis juncta canalibus.

Caput Ecclesiæ Christi.

Isai. 2. 2.
1. Reg. 18.

10. Caput Ecclesiæ Christus: qui bene ut Carmelus dicitur; quia ipse per passionem quam sustinuit, ad gloriam Patris est exaltatus. De quo scriptum est: *Et erit in novissimis diebus preparatus mons domus Domini in vertice montium*. In Carmelo quippe Elias orans pluviam impetravit: & nos in Carmelo orantes pluviam impetramus, quando in Christum credentes, Christum desideramus, & a Patre irrigationem gratiæ suscipimus, quam rogamus. Moraliter autem caput sponsæ mens vocatur: quia sicut a capite membra, sic a mente omnes cogitatus nostri disponuntur. Carmelus autem scientia circumcisionis interpretatur. Caput ergo sponsæ ut Carmelus esse perhibetur; quia quælibet sancta mens novit qualiter digne circumcudatur: novit quia nihil est quidquid in corpore agitur, si mens immunda fuerit; quæ templum Christi si efficitur, ab ipso inhabitatur. Quod quia Pharisei non agebant, ideo dicebat beatus Stephanus eis qui eum occidebat: *Dura cervice, & incircumcis cordibus & auribus, vos semper resististis Spiritui sancto*. Comæ autem capitis ejus ut purpura Regis juncta canalibus esse memorantur. Purpura quippe per fasciculos in canalibus ligatur, super quosdam aqua projicitur, per canales ad vestem quæ supposita est, currit, ut vestis tingatur: & inde nomen ac-

Act. 7. 51.

Capitis hujus quæ sunt comæ.

cipit, ut tincta colore purpureo purpura vocetur; quæ omnia sanctæ menti congruunt, si intelligantur. Comæ quippe capitis sunt cogitationes mentis, quæ in canalibus ligantur, quia in Scripturis divinis ne inutiliter fluant, stringuntur. Super quas aqua projicitur, quæ vestem regiam tingit: ^a quia in cogitationibus sanctæ mentis, gratia cœlestis suscipitur, & totam animam in cœleste ornamentum componit; ut jam tota anima in vitam æternam inardescat, & ad æternum Sponsum etiam per sanguinem martyrii pergere concupiscat. De tota quippe Ecclesia Paulus dicit: *Qui exhibuit sibi Ecclesiam, vestem sine macula & ruga*. Et de singulis Ecclesiæ fidelibus dicitur: *His omnibus velut Isai. 49. 28. ornamento vestieris*. Sic tinctæ ergo, sic pulcræ, sic purpuræ factæ sponsæ adgaudens sponsus loquitur, dicens:

Quam pulchra es, & quam decora carissima in deliciis! Vers. 6.

11. Notandum quod carissima in deliciis dicitur, quia ad caritatem & familiaritatem Christi non pervenit, quisquis Scripturæ sanctæ deliciis ^b abundare non contendit. Inde enim dicitur: *Omni habenti dabitur, & abundabit: ei autem qui non habet, & quod videtur habere, auferetur ab eo*. His enim deliciis qui abundat, reficitur: his refectus, assidue ad majora percipienda præparatur. Unde & huic sponsæ carissimæ dicitur:

Statura tua assimilata est palmæ, & ubera tua botris. Vers. 7.

12. Palma quippe dum crescit, deorsum stringitur, & sursum dilatatur. Sic sancta anima ab imis ad minima incipit, & paulatim ad majora crescendo, usque ad amplitudinem perfectæ caritatis pervenit. Nemo, enim, sicut scriptum est, repente

Ephes. 5. 27.

Isai. 49. 28.

Vers. 6.

Mat. 23. 12.

Initia & progressus caritatis.

^a Hic nonnulla mutavimus, ope cod. mss. et si excusorum lectio non multum a sensu

deflecteret.

^b Val. cl. abundare contendit.

Ps. 91. 13. pēte sit summus. In Psalmo autem de justo homine dicitur: *Iustus ut palma florebit.* Ubera autem sponsæ, duo præcepta caritatis existunt; quæ animam possident, vino cœlesti inebriant & nutriunt. Potest tamen per palmam crux Christi intelligi. Palma enim in sublimē valde crescens, dulcissimos fructus gignit: & crux Christi cœlestem cibum nobis præparavit. Cui statura sponsæ assimilatur: quia pro Christo mori non dubitat, quisquis Christum valde diligens digne imitatur. De palma sequitur Sponsus, dicens:

Vers. 9. *Dixi, Ascendam in palmam, & apprehendam fructus ejus: & erunt ubera tua sicut botri vineæ: & odor oris tui sicut malorum.*

Hanc quasi palmam Christus ascendens, ejus fructus nobis obtulit.

Hinc caritate inebriamur.

Apoc. 28. 17. de scriptum est: *Qui audit, dicat: vini.* Sequitur: *Et odor oris tui sicut malorum.* Mala punica, de quibus superius tam sæpe dictum est, hic rememorantur, quorum odori odor oris sponsæ bene satis assimilatur. Per mala autem punica Martyres designari superius diximus. Per os autem sponsæ hic debere intelligi ejus prædicationem putamus. Quæ dum virtutes Martyrum prædicat, dum ad eorum similitudinem animos

audientium instigat, dum in unius prædicatione fidei multas virtutes esse manifestat, quid aliud quam malorum odorem in ore portat? Quia & ruborem corticis in martyrio ostendit quod prædicat, & in virtutibus multitudinem granorum sub eadem fide quasi sub eodem cortice demonstrat. De quo & subditur:

Guttur tuum quasi vinum optimum, dignum dilecto meo ad potandum, labiisque & dentibus illius ad ruminandum. *Vers. 9.*

14. In gutture quippe vox est. Per guttur ergo ipsa prædicatione iterum designatur: quæ quasi vinum optimum esse dicitur, quia mentes hominum inebriat, ut præteritorum, sicut dictum est, obliviscantur, & in anteriora currentes non lassentur. De quo sponsa, verbum de ore Sponsi suscipiens, adjungit: *Dignum dilecto meo ad potandum, labiisque & dentibus illius ad ruminandum.* Talē est sponsæ vinum, ut dignum sit dilecto ad potandum: quia dum sancta Ecclesia fidem veram prædicat, dum auditores suos ad sancta opera excitat, dum solum Christum diligere, imitari, amplecti, bonum esse, verbis & operibus demonstrat, quid aliud quam vinum suum dignum facit, ut in ore Sponsi sapiat? Quod bene Christus potare dicitur: quia a corpore suo, id est a populis fidelibus amabiliter potatur. De quo notandum est quod omnes potant, sed labia sola & solides ruminant: quia dum Ecclesia per Sanctos suos prædicat, omnes quidem audiunt, sed non omnes quanta sit virtus sententiarum quæ dicuntur, discernunt. Labia vero & dentes ruminant; quia dum perfectiores quique post auditum verba ad memoriam revocant, dum audita quæque exercitatione assidue cogitant, quasi ad os revocantes quod sumserunt, quanta sit virtus cibi quem comedunt, sentiunt. Idē

Quæ prædicatione vinum sit opimum.

Levit. 11.

circo in Lege scribitur, quia animal quod non ruminat, immundum habetur: quia quisquis bona quæ audit sive legit, non recogitat, vacans a sanctis cogitationibus, necessario ^a immundas cogitat. Sequitur sponsa & dicit:

Vers. 10.

Ego dilecto meo, & ad me conversio ejus.

Soli Deo adhaerendum.

15. Ac si diceret: Quoniam fide ac dilectione soli Christo adhæreo, solum sequor, solum cum Patre & Spiritu sancto unum Deum videre concupisco, respectu ejus suavitatem, visitationis benignitatem, ^b conversionis dulcedinem gaudenter experior, experiens proclamo:

Vers. 11. & 12.

Veni dilecte mi, egrediamur in agrum, commoremur in villis: mane surgamus ad vineas, videamus si floruit vinea, si flores fructus parturiunt, si floruerunt mala punica: ibi dabo tibi ubera mea.

Christi & ejus sponsæ de proximi salute sollicitudo.

16. Dum sponsa Sponsi dulcedinem experta se reficit, de proximo etiam cogitat, quem ipsius Sponsi præcepto sicut se diligit: & quia sponsi ^c præcepta intelligit, etiam ut alii intelligant concupiscit, dicens: *Veni dilecte mi, egrediamur in agrum.* Ager quippe, teste Veritate, est hic mundus. In agrum vero cum sponsa sponsus egreditur, ^d quando Verbum Dei carne suscepta, in thalamo Virginis mundo monstratur. In villis commoratur, quando Gentes per fidem visitat, quam recipientibus largitur. Mane ad vineas surgit; quia post resurrectionem suam in gloria Patris sedens, Ecclesias quas construit, etiam defendit. Si floruit vinea conspicit; quia omnem profectum Ecclesiæ districto examine perpendit. Videt si flores fructus parturiunt; quia

perspicit ad quem profectum teneri quique & imperfecti excrescunt. Videt etiam si floruerunt mala punica; quia perfectos quosque respicit, & quid utilitatis in proximis habeant, quasi in floribus fructum cognoscit, de quibus bene sequitur: *Ibi dabo tibi ubera mea.* In malis puniceis dat Sponso sponsa ubera; quia in perfectis vivit caritas gemina, ex qua dum infirma membra in Ecclesia nutriunt, quasi Christum lactant, quem in minimis suis esse præsentem cognoscunt. De quibus bene subditur:

Mandragoræ dederunt odorem suum Vers. 13. *in portis nostris.*

Ex perfectorum virtutibus medela & suavis odor.

17. Quid per mandragoram, herbam scilicet medicinalem & odoriferam, nisi virtus perfectorum intelligitur? Per quam perfecti quique dum imperfectorum infirmitatibus medentur, in fide quam prædicant, id est in portis Ecclesiæ veri medici esse comprobantur. Qui dum exempla bonorum operum circumquaque per sanctam famam tribuunt, quasi odorem quo ægroti sanentur, aspergunt. Sequitur:

Omnia poma, nova & vetera, ibidem dilecte mi, servavi tibi.

18. Hic per poma, sensus Scripturarum sanctarum intelliguntur: quæ dum ex Patribus sanctis ad nos usque perveniunt, & creduntur, quasi ex ardoribus poma exsurgunt, quibus animæ delectantur. Omnia ergo poma, nova & vetera dilecto suo sponsa servat; quia sic novum Testamentum Ecclesia catholica recipit, ut vetus non abjiciat: sic vetus veneratur, ut novum semper in ipsis sacrificiis carnalibus per spiritum intelligat; in novo scilicet Christum venisse congaudens, in

Quid ex utroque Testamento dicendum.

^a Excusi, *Immundas congregat.*

^b Ibidem, *conversionis*. Optime mss. *conversionis*: cum hæc verba exponantur: *& ad me conversio ejus.*

^c In recent. vulgatis, *præcepta vel secreta*; quod in mss. non legimus.

^d Hic non consentiunt mss. In Val. cl. legitur: *quando verbum Dei susceptum in thalamo Virginis in mundo monstratur.* In Theod. Rem & Rotom. *quando Verb. Dei suscepta carne in mundo monstratur.*

veteri autem semper venturum expectans, & dicens:

C A P U T VIII.

Cap. 8.
Vers. 1.

Quis mihi det te fratrem meum sugentem ubera matris meæ, ut inveniam te solum foris, & deosculer, & ^a jam me nemo despiciat?

^a
Veteris Ecclesie Christi-
stium expectantis desi-
deria.

^b

Ps. 43. 25.
Ps. 143. 5.

1. In veteri Lege posita Christum ^b expectabat, & in secreto Patris manentem, foras venire per carnem ad humanos oculos non mediocriter cupiebat. Unde & David desiderans dicebat: *Exsurge, & ne repellas in finem*. Et alibi: *Inclina celos tuos, & descende*. Et Isaias valde cupiens eum videre, dicebat:

Isai. 64. 1.

Utinam dirumperes celos, & descenderes! Vult ergo Sponsus foris sponsa invenire, & deosculari: quia concupiscit sub Lege posita, ut per carnem appareat; ut ei per amorem serviat, cui prius non accepta gratia, plus timore quam amore serviebat. Post cujus osculum jam a nemine despicitur: quia postquam Christus venit, & fidelibus suis spiritum libertatis infundit, ab ipsis etiam Angelis Ecclesia honoratur. Hinc est quod Josue Angelum adoravit; Johanni vero volenti se adorare dixit: *Vide ne feceris, conservus enim tuus sum, & ^c fratrum tuorum habentium testimonium Jesu*. Sed quia venientem Ecclesia suscepit, Synagoga repulit, quæ iterum eum in fine mundi suscipiet & amabit, ideo subsequitur Ecclesia, & dicit:

Vers. 2.

Apprehendam te, & ducam in domum matris meæ, & in cubiculum genitricis meæ. Ibi me docebis, & ibi dabo tibi poculum ex vino conditum, & mustum malorum granatorum meorum.

2. Apprehensum in domum matris suæ ducit, quia Synagogæ in fine mundi Christum, in quem credit, prædicabit: dumque per prædicationem Ecclesiæ susceptus fuerit, ibi Ecclesiam docebit: quia se doceri gaudebit, quando Synagogam jam idem corpus factam erudiri secum videbit. Poculum ex vino conditum Ecclesia dabit, quia ipsi Synagogæ novum Testamentum cum veteri prædicabit: & quasi vino poculum condiet, quia dulcedinem Evangelii testimoniis Legis, quæ aspera est, ut robustius teneatur, cinget. Mustum vero malorum granatorum suorum tribuet, quia fortium virorum qui unitatem Ecclesiæ etiam in martyrio tenuerunt, exempla apponet, ut ad eorum similitudinem Synagoga inardescat, & Antichristi persecutionibus, Martyrum præcedentium exemplis roborata non succumbat. Cum enim fortium pugnantium victorias audierit, ad eorum imitationem pugnam subire non dubitabit. Quod aperte manifestat cum subjungit:

Ecclesia
Christum
apprehen-
sum in do-
mum Syna-
gogæ ma-
tris ductu-
ra est.

Cui novi
Testamen-
ti vinum op-
timum propi-
natura est.

Josue. 5.

Apoc. 22. 9.

^c

Læva ejus sub capite meo, & dextera illius amplexabitur me.

Vers. 3.

3. Læva Christi, vita præfens; dextera vero, vita beata habetur. Caput autem nostrum spiritualiter mens esse perhibetur. Dicit ergo Synagoga prædicationibus Ecclesiæ jam conversa, exemplis roborata, imitatione sublevata: *Læva ejus sub capite meo, & dextera illius amplexabitur me*. Ac si diceret: Quoniam nunc tandem Christi fidem teneo; ejus ineffabilem gratiam experior concupiscibilem, & quam desiderare nesciebam dulcedinem sentio: jam terrena omnia postpono, etiam ipsam vitam carnis pro ejus amore contem-

Gratia ineffabili cum-
cta despiciunt.

^a In Val-cl. Theod. ac Rem. etiam cum me nemo despiciat.

^b In recent. ed. Christum expectabat. In vet. Paris. tantum, Christum expectabat, & Tom. XIV.

in. Superfluit tamen, expectabat, cum paulo post legatur, cupiebat. Alioquin abest ab omnibus mss.

^c In vulgatis, & unus fratrum,

H

no, & ad ejus beatitudinem videntem totis desideriis anhelo. Hoc quippe quod rem aliquam amplectitur, ipsam quam amplectitur rem, ex omni parte intra se habere non ignoratur. Læva ergo sub capite est, & dextera amplexatur, quando sancta anima menti ea quæ videt supponit, & ea quæ non videt, omni conatu & universis suis cogitationibus appetit. Sunt quippe modo nonnulli, qui tanto desiderio cœlestia sectantur, ut omnia visibilia pro nihilo reputent; mentem suam cœlestibus studiis sine intermissione occupent; ut nihil aliud agere libeat; quidquid extra spiritalem actionem est, animus fastidiat, hanc solam diligat, cætera contemnat, nisi forte ea isti necessaria esse cognoscat. Isti vero sub capite lævam habent, ^a quia mente erecta ad beatitudinem Christi, vitam præsentem sub se vident. Et dextera Christi eos amplexatur; quia ex omni parte eos dilectio cœlestis intra se retinens tuetur. Hujusmodi quippe viri sancto otio delectantur, in quo vitæ beatæ dilectione concupiscibiliter per contemplationem perficiuntur. In qua contemplatione oculus cordis mundant, ut Deum adhuc etiam in hac carne positi, quantum humanæ infirmitati datum est, videant, cujus visione se illuminent, suavitatem resciant. Isti illam beatitudinem jam aliquantulum experiuntur, de qua in Evangelio Veritatis voce dicitur: *Beati mundo corde, quoniam ipsi Deum videbunt*. Quod enim futurum est, jam in eis incipit compleri: quia etsi in hoc mundo adhuc in carne vivunt, jam tamen per hoc quod majus est in eis, extra carnem sunt. Ab his impletur quod per Psalmistam divina voce præcipitur: *Vacate & videte, quoniam ego sum Deus*. Hi enim quo sine mundi strepitu vivunt,

eo mentem in Dei visionem per desiderium & contemplationem figunt. Et quoniam tales multi ex Synagoga in fine mundi, ut credimus, per conversionem erunt, bene ad hujusmodi dictum intelligitur: *Læva ejus sub capite meo, & dextera illius amplexabitur me*. De quibus & pro quibus Sponsus loquitur consequenter:

Adjuro vos, filie Jerusalem, ne suscitetis, neque evigilare faciatis dilectam, donec ipsa velit. Vers. 4.

Sed quia hoc superius exposuimus, iterum exponere recusamus. Sed de eadem Synagoga jam facta Ecclesia, filie Jerusalem admirantes interrogant & dicunt: Ad vers. 7. cap. 2. & 6.

Quæ est ista, quæ ascendit de deserto, deliciis affluens, innixa super dilectum suum? Vers. 5.

4. Sancta Ecclesia, vel quælibet sancta anima, de deserto ascendit, quia in exilio hujus peregrinationis posita, ad cœlestia gaudia mente & cogitationibus tendit. Unde & Paulus dicebat: *Nostri conversatio in cælis est*. Deliciis affluit, quia sanctæ Scripturæ meditationibus intendens, cœlesti pabulo assidue mentem pascit. Super dilectum innititur, quia in solius Christi auxilio confidens, eo largiente, ab exilio ad patriam transfertur. Ipsa quippe Veritas omnibus fidelibus ait: *Sine me nihil potestis facere*. Unde vero acceperit, ut ab infimis ad superiora, a deserto ad regnum ascendere possit, manifestat dilectus cum subdit: Ex hoc exilio fidelis anima ad cœlos ascendit super Christum innixa.

Sub arbore malo suscitavi te: ibi corrupta est mater tua, ibi violata est genitrix tua. Philip. 3. 20.

5. Quid per arborem malum; nisi sancta crux designatur? quæ malum illud sustinuit, de quo eadem sponsa in superioribus dicit: *Sicut malus inter ligna silvarum, sic dilectus meus inter filios*. Sed Johan. 15. 5.

Spon-

d. Idem, qui mente erecta ad beatitudinem Christi currentes.

Hi beatæ vitæ felicias gustant.

Matth. 5. 8.

Psalm. 45. 11.

Christus in cruce moriens Ecclesiam suscitavit.

Gen. 2. 3.

sponsam suam Christus sub arbore malo suscitavit, quia in cruce positus, subditam sibi Ecclesiam ad vitam vocavit; ut a somno mortis resurgeret, & cum illo se crucifigens, ad novam resurrectionem properaret. Unde & Apostolus cuius animæ mortuæ dicit: *Surge qui dormis, & exsurge a mortuis, & illuminabit te Christus*. Et quibusdam qui jam surrexerant, alibi dicit: *Si consurrexistis cum Christo, quæ sursum sunt querite*. Sed quia infidelitas Synagogæ Christum crucifixit, ideo sequitur: *Ibi corrupta est mater tua*. Sub arbore malo mater Ecclesiæ corrupta esse dicitur, quia quando Salvatorem suum in ligno fixit, nefando scelere se corruptit. Cujus sceleris magnitudinem inculcat, cum idem replicat, dicens: *Ibi violata est genitrix tua*. Sed quoniam ad hoc cæcitas in Israel facta est, ut plenitudo Gentium intraret, ideo intranti Ecclesiæ dicitur:

Ephef. 5. 14.

Col. 3. 1.

Rom. 11.

Yerf. 6.

Christi signaculum super cor & super brachium ponatur.

6. In corde sunt cogitationes, & in brachio operationes. Super cor ergo & super brachium sponsæ, dilectus ut signaculum ponitur, quia in sancta anima quantum ab ea diligatur, & voluntate & actione designatur. Signum quippe sancta mens interius & exterius Christum portat; quia dum in ejus meditationibus assidue laborat, in exteriori actione eum imitari non cessat, quo ejus dilecta esse dubitari non debeat. De quo signo ipse Sponsus discipulis suis agebat: *In hoc cognoscent omnes quia vere mei discipuli estis, si dilectionem habueritis ad invicem*. De qua dilectione mox subditur:

Johan. 13. 35.

Ibidem.

Quia fortis est ut mors dilectio: dura sicut infernus æmulatio: lampades ejus lampades ignis atque flammarum.

7. Bene proculdubio fortis ut mors dilectio esse perhibetur: quia dum per dilectionem a vitiis mortificamur, quod mors agit in sensibus corporis, hoc agit dilectio in cupiditatibus mentis. Sunt enim nonnulli qui sic diligunt Deum, ut omnia visibilia negligant, & dum mente in æterna tendunt, ad omnia temporalia pene insensibiles fiant. In his nimirum ut mors dilectio fortis existit, quia sicut mors exteriores corporis sensus ab omni proprio & naturali appetitu interficit, sic dilectio in talibus viris omnia terrena desideria contemnere mentem alias intentam compellit. Hujusmodi mortuis & vivis dicebat Apostolus: *Mortui enim estis, et vita vestra abscondita est cum Christo in Deo*. Hi proculdubio vitam suam cum Christo abscondunt; quia dum omnia quæ videmus, postponunt, in his quæ non videmus, in beatitudine scilicet Christi, veraciter & secrete vivunt. Quia enim falsam vitam despiciunt, quæ visibiliter apparet, in vera vita se abscondunt, quæ non nisi invisibilibus oculis se manifestam præbet. Potest tamen intelligi; ut hoc de seipso Christus dicat, inquit: *Pone me ut signaculum super cor tuum, ut signaculum super brachium tuum: quia fortis est ut mors dilectio*. Ac si diceret: Dignum est, ut in mente & actione signum dilectionis meæ meipsum tecum feras, quia in fortitudine dilectionis tuæ mortem subii, ut tu quæ mortua in infidelitate eras, mecum resurgens, in fidei novitate spiritualiter vivas.

Cordi imprimenda est dilectio, quæ fortis est ut mors.

Col. 3. 3.

8. Sed quia in cruce suspensus nequaquam fuisset, nisi ad magnam invidiam cor Synagogæ exarsisset, ideo subditur: *Dura ut infernus æmulatio*. Æmulatio quippe & in bonum & in malum accipitur. In bonum enim accipitur, sicut per Apostolum dicitur: *Æmulamini* ^a *chari-*

Æmulatio in bonum & in malum sumitur.

1. Cor. 13. 11.
a

H 2

ri-

rismata meliora. In malum autem assumitur, ubi per Samuelem Sauli dicitur: *Auferetur a te regnum, & dabitur emulo tuo*. Emulus quippe ejus David dicitur, cui Saul invidere non ignoratur. Dura est ergo ut infernus æmulatio; quia dum Synagoga Christum ad inferos posse transmittere se putavit, ei usque ad mortem corde immisericordi invidit. Ut infernus æmulatio dura existit; quia sicut infernus sine misericordia quos tenet cruciat, sic Judaica plebs Christum apprehendens sine respectu pietatis ad mortem trahebat. De qua bene subditur: *Lampades ejus, lampades ignis atque flammarum*. Sicut enim ignis quæ incendit consumit, sic Judæos ab omni fidei virtute invidia sua destruxit: de quibus bene alibi dicitur: *Et nunc ignis adversarios consumit*. Ac si diceretur: Antequam ad æternum ignem veniant, in præsentem consumuntur, quia in se ipsis ignem invidiæ portant, qui sine portantis combustionem non portatur. Hic ignis invidiæ flammam protulit, quando per exempla in quibus accensus est, etiam in Gentilibus usque ad Christianorum martyria per mundum universum excrevit. Sed quia hinc ignis invidiæ, hinc ignis caritatis se extulit, ideo subditur:

Aqua multa non potuerunt extinguere caritatem, nec flumina obruent illam.

9. Caritate quippe Martyres sancti vivaciter ardebant, quia in Dei & proximi dilectione mirabiliter flagrabant. Hanc caritatem aquæ multæ extinguere non poterant, quia quantæcumque tribulationes eis fierent, ad odium eos transmutare non valebant. Hoc nimirum esset caritatem extinguere, si in tribulationibus quas ingerebant, ad Dei aut proximi odium eos humiliare potuissent. Sed cum aquæ dictæ sint,

quid rursus per flumina, nisi aquarum ipsarum incrementa & vivacitas intelligitur? Flumina quippe vivas aquas solere dici cognoscimus. Flumina ergo maximas tribulationes accipimus; quæ dum per totum orbem super Martyres ebullierunt, ad extinguendum caritatis ignem grandi impetu confluerunt. Sed quia inter flumina ^a adeo caritas vivit, ut potius flumina consumeret, quam se ab illis extinguere permitteret; ideo multi etiam persecutorum, ad eandem caritatem se convertebant, ita ut dimitterent quidquid in mundo possidebant, & se ipsos morti darent, quam prius patientibus crudeliter inferebant. Unde & subditur:

Si dederit homo omnem substantiam domus suæ pro dilectione, quasi nihil despiciet eam.

10. Cum terrenæ substantiæ cupiditate Deus non diligitur, quia terrenus amor oculum cordis sordidat, ne divina claritas videatur. Contra quod in Evangelio dicitur: *Beati mundo corde, quoniam ipsi Deum videbunt*. Et Johannes Apostolus ait: *Si quis diligit mundum, non est caritas Patris in eo*. Nec mirum: quomodo enim eum diligere potest, quem nescit? Aut quomodo eum scit, ad quem sciendam, oculum cordis claudit? Sed homo omnem substantiam domus suæ pro dilectione tribuit, quando quidquid in mundo possidet, pro Christo distribuit; ut abiciens quod impedit, Deum diligat, & terfo pulvere sollicitudinum, oculos aperiat ut videat. Et cum omnem substantiam dederit, quasi nihil eam despiciet: quia postquam oculum tersit, & Deum contempsit, in illius visione quidquid possederat, nihili pendit. Hoc Apostoli fecerunt, qui non solum possessa, sed etiam cupita, ut Christum sequerentur, dimiserunt. Quibus ipse Chri-

1. Reg. 15.
28. & 28. 17.

Dura Judæorum
contra Christum
invidia, quæ ipsi
consumit.

Forte Psal.
96. 3.
sub legimus:
ignis ante
ipsos præcedit
& inflammabit
in circuitu inimicos ejus.

Vers. 7.

Per caritatem
vicerunt Martyres.

^a Editi, adeo caritatis vigor vivit.

Luc. 17. 19. Christus, pro quo omnia dimiserant, dicebat: Cum feceritis omnia quæ præcepta sunt vobis, dicite: Servi inutiles sumus, quod debuimus facere, fecimus. Sed quoniam abjecta terrena substantia non statim ad perfectionem ascenditur, quia rebus abnegatis, restat etiam labor, ut idem ipse homo a semetipso abnegetur, quatenus gradatim proficiat, & quandoque perfectus non solum se, sed & alios secum ad vitam trahat, ideo de nova & tenera adhuc Ecclesia, vel unaquaque anima consequenter dicitur:

Vers. 8. Soror nostra parvula est, & ubera non habet.

Junior Ec- 11. Sororem Christus Ecclesiam
clesia in ca- vocat, quia de ipsis Apostolis di-
gitate fuit cebat: *Infirma.* *Ite, dicite fratribus meis.*
Matt. 20. 10.

Soror autem parvula, ubera non habebat, quando in solis Apostolis Ecclesia erat, in quibus seipsam, vel alios nutrire lacte prædicationis non poterat. Quid enim Petrus alii prædicaret, cum seipsum discipulum Christi in unius ancillæ voce detestando & jurando negaret? Parva ergo Ecclesia, ubera non habebat; quia post resurrectionem in una domo inclusa, inter persecutores suos non dico prædicare, sed & videri timebat. Consequenter ergo dicitur:

Ibidem. Quid faciemus sorori nostræ in die quando alloquenda est?

Act. 2. Allocutus est Christus sororem suam, quando Spiritum sanctum super Apostolos misit, & eis in interioribus loquens, illos omnes mundi loquelas multiplici distributione docuit. Sed a quibus hoc quærere intelligendus est qui omnia novit, nisi a sanctis patribus, quos ad quærendum Spiritu sancto instigavit? Quibus eodem Spiritu quo in quæstionem eos induxit, respondet protinus convenienter, & ait;

Si murus est, ædificemus super eum propugnacula argentea.

12. Dato Spiritu sancto murus sancta Ecclesia efficitur, quia quæ prius timida erat, instructe eodem Spiritu omnipotente, ad resistendum adversariis impenetrabiliter roboratur. Quod manifestat idem Petrus sub ancilla timidus, mox contra principes rigidus, quibus dicebat: *Obedire oportet Deo magis quam hominibus.*

Et iterum: *Si justum est vos potius audire quam Deum, judicate: nos enim non possumus quæ vidimus & audivimus, non loqui.* Et de cæteris discipulis scriptum est: *ibant discipuli gaudentes a conspectu concilii, quoniam digni habiti sunt pro nomine Jesu contumeliam pati.* Ecce qualis murus facta est Ecclesia, quæ modo tenerrima, nec pedem cujuslibet gradientis sine sui læsione gerit, modo vero accepto mirabili artifice Spiritu sancto, a universi exercitus assultantis contumelias illæsa contemnit. Super quam propugnacula ædificantur, quia ut non tantummodo se defendat, sed ut & impugnantes resistendo prosterнат, miracula ei facere conceditur, quæ cum hostes viderint, ab ejus aggressione jacula timentes terreantur. Quæ propugnacula bene argentea esse perhibentur, quia ipsa miracula cum verbi prædicatione donantur. Et quia argentum valde sonorum est metallum, argentea propugnacula existunt, quia per miracula factum est, ut eorum verba per universum mundum convalescerent, & fidei prædicationem inflexibiliter circumquaque diffunderent: quod manifestat Psalmista, dicens: *In omnem terram exiit sonus eorum, & in fines orbis terræ verba eorum.* Sequitur:

Si ostium est, compingamus illud tabulis cedrinis.

13. O.

^a Ita omnes mss. In vet. ed. Paris. legitur: *universi exercitus assultantis illæsa*

pedem contemnit. In recent. *universi exercitus assultus illæsa contemnit.*

Accepto Spiritu sancto Ecclesia, murus efficitur.

Act. 5. 29.
Act. 4. 19.

Act. 5. 41.

Et propugnaculis munita.

Psal. 18. 3.

Ibidem.

Cur etiam
ostium dica-
tur.

13. Ostium etiam bene esse Ecclesiam dicimus, quam ab ipso Christo potestatem aperiendi & claudendi accepisse scimus. Ostium proculdubio in suis prædicatoribus existit, quia per eos aditus ad vitam se nobis aperit. Unde & ipsi primo Pastori Ecclesiæ dicitur: *Quodcumque ligaveris super terram, erit ligatum & in cælis: & quodcumque solveris super terram, erit solutum & in cælis.* Vel ostium in ipso capite suo existit, quia ipse de se veraciter dicit: *Ego sum ostium.* Ostium vero tabulis cedrinis compingitur, quia sancta Ecclesia fidem prædicans, multitudinibus populorum decoratur: & dum populi variis virtutibus asperguntur, ut videlicet alius de rebus quas possidet, indigentibus necessaria tribuat: alius omnia abiciens, etiam a legitimo connubio se abtineat: alius vero tantum proficiat, ut aliorum etiam prædicator fiat: tamquam pictura multis coloribus, sic Ecclesia multis a ditionibus honestatur, quæ sancto Spiritu convalescens hilariter respondit, dicens:

Vers. 10.

Ego murus, et ubera mea sicut turris, ex quo facta sum coram eo quasi pacem reprens.

Cur utera
ejus, turres.

14. Ubera sua sicut turrim habuit, ex quo pacem coram Sponso reperit; quia postquam sub ipso spiritum pacis accepit, prædicatorum contemplatione altos, & robore inflexibiles nutrit. Sed quid est quod non ait pacem, sed quasi pacem reprens: nisi quia dum in hoc mundo sumus, b a peccato omnimodis non desistimus, & quamdiu cum peccato vivimus, pacem perfectam cum illo qui sine peccato in carne vixit, non habemus? Sed quoniam tantillam pacem quam habemus, per ipsum Mediatorem Dei & hominum tenemus, ideo subditur:

Vers. 11.

Vinea fuit pacifico, in ea quæ ha-

bet populos: tradidit eam custodibus: vir affert pro fructu ejus mille argenteos.

15. Ipse vero pacificus nolter esse dicitur, quia per ipsum Deo omne genus humanum reconciliatur. Huic pacifico vinea fuit; quia in labore præceptorum carnalium Synagogam plantavit, de qua dicitur: *Vinea Domini sabaoth domus Israel est.* Quæ vinea in ea quæ habet populos existit; quia in Lege posita est, quæ multos sub se populos collegit. De quibus populis dicitur: *Populi meditati sunt inania.* Hanc videam custodibus tradidit; quia Synagogam Moyse & cæteris patribus custodiendam subjecit. De qua bene subditur: *Vir affert pro fructu ejus mille argenteos.* Hæc vinea fructum protulit, quia ex Synagoga botrus ille magnus qui de terra promissionis allatus est, Christus videlicet Jesus, per humanitatem processit. De quo fructu Pater ad David ait: *De fructu ventris tui ponam super sedem tuam.* Unde & Apostolus scribit: *Quorum patres, et ex quibus Christus.* Per argenteos vero in hoc loco omnem terrenam substantiam intelligimus, de qua Petrus eleemosynam petenti claudio dicebat: *Argentum et aurum non est mihi.* Pro fructu ergo vineæ vir mille argenteos affert; quia quisquis viriliter in fide quam suscepit, se habet, libenti mente & perfecte omnia terrena dimittit, ut Christum veraciter habeat. Millennarius enim perfectus est numerus, ideo per eum perfectio rei cujuslibet demonstratur. Hos ergo argenteos in primitiva Ecclesia illi offerebant, de quibus in Actibus Apostolorum scriptum est: *Quotquot autem possessores agrorum aut domorum erant, vendebant, et afferentes ponebant ad pedes Apostolorum pretia eorum quæ vendebant.* Isti congregati aliam vineam,

Christi so-
lius veri pa-
cifici, quæ
sit vinea.

Isa. 5. 7.

Psal. 2. 1.

Quibus agri
colis locata.

Psal. 131. 18.

Rom. 9. 5.

Act. 3. 6.

Act. 4. 34.

Ab Apostolis
præferim
cultura.

a Sic restituimus ex omnibus mss. cum prius legeretur, multis distinctionibus.

b Edit, maluerunt, a peccatis omnimodis

neam, videlicet sanctam Ecclesiam, ex seipfis construxerunt, & ut boni agricolæ, sanguine suo propagaverunt, & prædicationibus usque ad fines terræ dilataverunt; ut jam mundum pene universum impleat, & fructum gratum locata agricolis, suis temporibus reddat. Unde in Evangelio dicitur: *Malos male perdet, et vineam suam locabit aliis agricolis, qui reddant ei fructum temporibus suis.* De qua vinea jam bonis locata ipse Pacificus dicit:

Matth. 21. 41.

Vers. 12.

Vinea mea coram me est.

Coram ipso vinea sua exsistit, quia perditis malis agricolis, sanctam Ecclesiam bonis doctoribus respectu benigno erudit. Cui dicit:

Abidem.

Mille tui pacifici, et ducenti iis qui custodiunt fructus ejus.

Fructus ejus perseveranter custodientium duplex merces.

16. Qui sunt isti pacifici qui mille dicuntur esse & ducenti, nisi illi superiores argentei, quos dum perfecte dimittimus, pacem per eorum distributionem cum Sanctis nobis ipsis acquirimus? Unde & in Evangelio Dominus dicit: *Facite vobis amicos de mammona iniquitatis: ut cum defeceritis, recipiant vos in æterna tabernacula.* Sed quid per ducentos intelligimus, nisi duplicem retributionem quam acquirimus, dum a eos in hoc mundo perfecte pro Christo contemnimus? Mille ergo & ducenti Ecclesiæ argentei existunt, quia dum fideles quique omnia quæ possident, ex toto relinquunt, & pacem sibi cum Sanctis faciunt, & præsentis vitæ remunerationem cum cœlesti percipiunt. Et hoc est quod

Luc. 16. 9.

a

Dominus in Evangelio ait: *Amen, amen dico vobis, nemo est qui reliquerit domum, aut fratres, aut sorores, aut patrem, aut matrem, aut filios, aut agros, propter me et propter Evangelium, qui non accipiat centies tantum, nunc in tempore hoc, domos, et fratres, et sorores, et ma-*

Marc. 10. 29.
& 30.

tres, et filios, et agros, cum persecutionibus: et in seculo futuro vitam æternam. Sed quibus ista remuneratione sic duplicatur, nisi his qui custodiunt fructus ejus? Qui sunt autem qui fructus vineæ custodiunt, nisi illi qui in sancto opere quod inceperunt, perseverantes existunt? Opus enim quod sancto desiderio incipitur, si constantia mentis usque ad finem non tenetur, sine fructu habetur: quia immature ab hoc unde processerat, vacuatur. Ideoque Dominus in Evangelio ait: *Qui perseveraverit usque in finem, hic salvus erit.* Sequitur Sponsus, & dicit:

Matth. 10. 22.

Quæ habitas in hortis, amici auscultant: fac me audire vocem tuam.

Vers. 13.

17. Sponsa in hortis habitat, quia sancta Ecclesia, vel quælibet sancta anima in fructificationem virtutum mentem versat. Cujus vocem sponsus audire desiderat, quia hoc summopere Christo placet, ut perfectus quilibet vir infirmos quosque verbo sanctæ prædicationis admoneat. Amici enim auscultant, quia fideles in Ecclesia, ut amicus sponsi loquatur, pio desiderio expectant. Et notandum quod amicus est qui auscultat; quia qui Deum mente integra diligit, prædicantem quod diligit, libenter audit. Unde in Evangelio dicitur: *Qui ex Deo est, verba Dei audit.* Sed quia dum Ecclesia veritatem prædicat, multi non intelligunt, multi quod percipiunt, pravo intellectu subvertunt: ideo admonenti ut prædicet, respondet sponsa, & dicit:

Fructus semper ferendus.

Amicus est Dei qui vocem ejus audit.

Johan. 8. 47.

Fuge, dilecte mi, et assimilare caprea hinnuloque cervorum super montes aromatum.

Vers. 14.

18. Dilectus fuit, quia a reprobis cordibus se, ne intelligatur, abscondit. Dum enim reprobæ mentes ad audienda vel legenda verba Dei, perversa intentione accedunt, di-

Qui verbum Dei prava intentione a legunt, veritatem non inveniunt.

a Ita legere cogunt omnes mss. quod editores ita mutandum putarunt: *Dum in*

hoc mundo perfecte pro Christo omnia terræna contemnimus.

Joh. an. 7. 35

digno judicio veritatem non inveniunt, quam digno appetitu non requirunt. Unde & ipsa Dei sapientia dicit: *Quærent me mali & non invenient*. Sed fugiens reprobos dilectus, montes aromatum petit: quia perversos dimittens, sanctas animas visitare non desinit, quæ & per contemplationem excelsæ fiunt, & per confectiones virtutum odoraunguenta ferunt. Super hos montes dilectus capræ & hinnulo cervorum assimilatur; quia in cordibus sanctorum virorum manifestatur, quia pia caritate humanitatem pro nobis assumpsit. Qui dum ex patri-

bus antiquis natus fuit; quasi ex cervis hinnulus, sicut dictum est superius, venit. Qui dum esset dives, pauperem se, ut nos ditaremur, fecit; & dum esset super omnia excelsus, humilitatem nostram ineffabili dignatione suscepit. Cui immensas gratias quoadusque vivimus reddamus: cui pro nobis tradito in mortem, & resurgenti in immortalitatem, nos ipsos, & spiritum, & corpus debemus. Qui vivit & regnat cum Deo Patre in unitate Spiritus sancti Deus, per infinita secula seculorum. Amen.

1. Cor. 8.



DE OPERE SUBSEQUENTI CENSURA.

UTRUM S. Gregorii Papæ primi sit hic in septem Psalmos pœnitentiales Commentarius, an alterius, non levis aut facilis est questio. Illud quidem sancto Doctori tribuit, qui primus e tenebris eruit, et publica luce donavit an. 1512. et iterum an. 1518. Berth. Remboldus; cujus sententiam secuti sunt quotquot deinceps Gregoriana opera ediderunt, excepto dumtaxat uno Petro Gussanvilleo. Quæ autem potissimum ratione adductus sit vir doctissimus, ut tritam ab cæteris viam defereret, ipse proponat.

Argumentum, inquit, aliud jam volo adjungere, & quidem quod, ni fallor, esse debeat hac in causa decretorium. Ducitur autem ex tribus ejusdem Commentarii locis, in quibus multa sunt, quæ cum historia, & cum sancti Gregorii doctrina pietateque pugnant.

Primus est Psalmi 5. versu 9. ubi Auctor in Simonix vitium invehens ita loquitur: „Cujus erroris vesania licet ex tunc damnata fuerit, „postea tamen in Ecclesia germine pestifero pullulavit. Nostri vero maxime temporibus malitiæ suæ virtus exercuit, & totius Ecclesiæ pacem „schismatica infestatione turbavit. Concitavit enim adversus Ecclesiam „Dei non solum innumerabilem populi multitudinem, verum etiam regiam, si fas est dici, potestatem. Nulla enim ratio finit ut inter Reges habeatur, qui destruit potius quam regat imperium, & quoscunque habere potest perversitatis suæ socios, eos a consortio Christi efficit alienos. Qui turpissimi lucri cupiditate illectus, sponsam Christi captivam cupit abducere, & passionis Dominicæ sacramentum ausu temerario contendit evacuare. Ecclesiam quippe, quam sui sanguinis pretio redemptam Salvator noster voluit esse liberam, hanc iste potestatis jura transcendens, facere conatur ancillam. Quanto melius foret sibi dominam suam esse agnoscere, eique religiosorum principum exemplo, devotionis obsequium exhibere, nec contra Deum factum extendere dominationis, a quo suæ dominium accepit potestatis? Ipse enim ait: „Per me Reges regnant. Sed immensæ cæcatus cupiditatis caligine, & divino, ut patet, ingratus beneficio, & contra Deum fastuosus, terminus quos posuerunt Patres nostri, contempto divino timore, transgreditur, & contra catholicam veritatem suæ furore tyrannidis effertur. In tantum autem suæ temeritatem extendit vesaniæ, ut caput omnium Ecclesiarum Romanam Ecclesiam sibi vindicet, & in dominum gentium terrenæ jus potestatis usurpet, &c.“

Secundus in eodem Psalmi vers. 26. in quo imperatoris impietatem sic exaggerat: „Sunt etiam portæ inferi quædam potestates hujus mundi. Quid enim Nero, quid Diocletianus, quid denique iste qui hoc tempore Ecclesiam persequitur? &c.“

Tertius in Proœmio Psalmi 7. ubi in imperatorem tunc regnantem ita invehit: „Persequitur etiam hoc tempore schismaticus corpus Christi, si: impugnat hæreticus Ecclesiam: unitatem infidelis perturbat.“

Quis porro imperator tempore Gregorii Magni Ecclesiam persequabatur? Quis contra catholicam veritatem efferebatur? Quis Ecclesiæ unitatem turbabat? Certe tempore S. Gregorii duo tantum principes Roma-

manum imperium administrarunt, Mauricius & Phocas. De Mauricio hæc dici non possunt, quem historici omnes catholicum imperatorem, religiosissimum, liberalissimum, & in pauperes effusissimum appellant. Gregorius ipsemet piissimum & clementissimum passim nuncupat, & ut ipse diu imperium pro Dei gloria & Ecclesiæ utilitate administret, litteras ad quosvis dirigit. Legantur Epistolæ 62. lib. 2. ind. 10. Epist. 48. lib. 2. ind. 11. Epist. 40. lib. 9. & plures aliæ, in quibus de pietate & bonitate Mauricii multa congerit.

Sed neque tria illa loca, quæ retulimus, ad Phocam pertinere videntur, qui uno tantum anno Gregorii tempore imperavit. Quomodo autem, tem inveheretur in Phocam, cui de adepto imperio ita gratulatus est: „ *Gloria in excelsis Deo, &c.* De qua exultationis abundantia roborati, nos citius credimus, qui benignitatem vestræ pietatis ad imperiale fastigium pervenisse gaudemus? „ Tota Epistola similiter in laudes pietatis & benignitatis Phocæ excurrit, sicut & Epist. 45. ejusdem libri, quam ita concludit: „ In omnipotente Domino confidimus, qui quæ cœpit consolationis suæ nobis bona perficiet: & qui suscitavit in Re- publica pios dominos, etiam exstinguet crudeles inimicos. „

Ex his liquido apparet relata Commentarii loca nec Mauricium nec Phocam attingere. Si quem vero imperatorum spectant, revera Henricum IV. Gregorio VII. æqualem, immo & ipsi insensissimum, utpote qui cum eo graves inimicitias exercuit, ut videre est apud scriptores hujus temporis. Unde & non abs re Gregorio VII. Commentarium istum quidam adjudicant.

In tribus his locis id solum negotium facessit, quod agatur hic de quodam imperatore, qui Ecclesiæ fuit insensissimus, & Simonie ubique grassanti patrocinatus est; quod Gregorium nostrum dixisse vel de Mauricio piissimo principe, vel de Phoca quem ultra modum laudavit, suspicari non licet. Responderi potest primo asperas illas nescio cujus principis insensitates, assutas fuisse Gregoriano Commentario: ut sane plurima sunt hujusmodi assumenta, quæ ex quibuslibet fere S. Gregorii operibus, manuscriptorum codicum ope revulsimus. At desunt hic nobis veteres scripti codices.

Secundo quid vetat hic dicta intelligere de Langobardorum regibus Arianis Ecclesiæ Romanæ hostibus atrocissimis, Ecclesiarum omnium depopulatoribus, & Simonie Patronis; qualis fuit nefandissimus Autharis, sic enim appellatur ab ipso Gregorio Epist. 17. libri primi? De rege aliquo sane non minus quam de imperatore, interpretari licet: Concitavit adversus Ecclesiam Dei non solum innumerabilem populi multitudinem, verum etiam regiam, si fas est dici, potestatem. Nulla enim ratio finit ut inter reges habeatur, qui destruit potius quam regat imperium. In his tamen verbis unicus est difficultatis nodus.

Tertio non omnino absurdum nobis videtur ista de Mauricio imperatore accipere, cujus temporibus passim in Ecclesiis illi subditis invaluerat Simonia, ut ex multis Gregorii Epistolis liquet. Videtis lib. 3. Epistolam 57. Johanni Corinthiorum Episcopo, & 58. universis Episcopis per Helladiam provinciam constitutis. In utraque videlicet Epistola hæc leguntur: Pervenit ad nos quod in illis partibus, nullus ad sacrum ordinem, sine commodi datione perveniat. Consule quoque lib. 4. Epist. 27. lib. 11. Epist. 46. lib. 12. Epist. 28. lib. 13. Epist. 41. Præterea qui Gregorii vitam scri-

scripsit Johannes Diaconus, Mauritium appellat avarissimum & rapacissimum, lib. 3. cap. 50. ubi de funestissima lege ab eo lata loquitur. De ejusdem tyrannide in Gregorium pergit agere Johannes lib. 4. capp. 16. & 17.

De eodem imperatore Gregorius ipse licet modestius ita scribit, lib. 13. Epist. 31. Cum inultorum multorum peccata ferienda sunt, unus imperitus erigitur per cujus duritiam tribulationis iugo subjectorum colla deprimantur. Quod in nostra diutius afflictione probavimus. Et exponens, quomodo sub Mauritio Respublica praeda patuisset, subdit: Cessent testamentorum insidiæ, donationum gratiæ violenter exactæ. Redeat cunctis, in rebus propriis securæ possessio. Et ep. 38. pergit conqueri de iugo tristitiæ asperisque temporibus, quæ regnante Mauricio perpeffus fuerat. Denique ep. 39. easdem iterat querelas, gratulaturque, tam dura longi temporis pondera cervicibus tandem amota esse. Quis igitur adeo miretur Gregorium toties a Mauricio pulsatum, immo graviter vexatum, illa de ipso scripsisse aut dixisse, quæ ex septem Psalmorum Commentario excerptit Gassanvillæus? non eo tamen animo ut vivente Imperatore publica luce Commentarius hic donaretur.

At qua ratione, inquires, Mauricius fidei catholice addictissimus, & hoc nomine laudatus a sancto Pontifice, potuit ab eodem infamari ut hereticus, schismaticus, infidelis? Verum respondeo, ea quæ leguntur in Proæmio septimi & ultimi Psalmi: Persequimur etiam hoc tempore schismaticus, &c. ad quoslibet schismaticos, hereticos, & infideles referri posse. Ecclesiam autem multis schismatibus tempore Gregorii laborasse, multaque ab hereticis, & ab fidei hostibus passam esse, quis nesciat?

Utro tamen concedimus a Gassanvillæo prolata melius convenire Henrico IV. quam Mauricio; quæ consideratio persuasit doctissimo viro Commentarium hunc Gregorii Papæ septimi setum esse. At vero lucubrationem hanc laudato Pontifici prorsus abjudicat stilus omnino diversus. Decem epistolarum a Gregorio VII. scriptarum libros habemus, quæ si conferantur cum Commentario in septem Psalmos, non eundem esse scriptorem palam fiet. Contra vero hoc in Commentario phrasis tota est Gregoriana, unde sancto Doctore potius quam alteri cuiquam tribuendus videtur. De hac tamen controversia judicet prudens lector. Unum tantummodo hic asserimus opus hoc dignum esse quod sanctissimo Patri vindicetur. Ad tuendam conjecturam nostram non usurpavimus quod. lib. 12. epist. 24. scribit ipse Johanni Subdiacono: Dic ei (Mariano Ravennæ Episcopo) ut commenta Psalmorum legi ad vigilias faciat; Et si nonnulli hoc utantur testimonio, ut probent Gregorium Commentarii in septem Psalmos pœnitentiales parentem se prodidisse. Nam quæ sequuntur: Neque enim volo dum in hac carne sum, si qua me dixisse contigit, ea facile hominibus innotesci; satis ostendunt sanctum doctorem non de suo in Psalmos Commentario locutum esse, sed de alio quopiam sive Hieronymi, sive Augustini, sive Ambrosii, &c.

Verum praterendum non est, quedam videri a Paterio, S. Gregorii discipulo, ex hoc Commentario excerpta. Nam quæ ad exponendum versum primum Psalmi 31. ille adhibet, partim sunt desumpta ex primi versus hujus Psalmi expositione. Id etiam agnoscit Gassanvillæus, qui in edendo Paterio, ad hunc locum indicat in margine Commentarium in Psalmos tantum fontem ex quo deprompta Paterii sententia.

Idem observare licet ad cap. 68. Paterii in Psalm. ubi monet Guss. lo-

cum inveniri in explanatione Psal. 4. Pœnit. Id sane probare videtur virum doctum sibi non constituisse, & agnovisse tandem. Commentarium in septem Psalmos pœnitentiales, Gregorio tribuendum. De Commentario quoque in lib. Regum quem Gregorio abjudicavit, melius postea sensisse credendus est. Nam ad cap. 39. Paterii in Psalm. monet in nota margin. illud haberi lib. 1. in cap. 1. Reg.

Hac in editione omisos in aliis omnibus Psalmorum titulos, Proœmiis præfiximus, quod ad eorum explicationem proœmia hæc præmissa fuisse observaverimus: ita ut nisi prius lectis titulis vix intelligi possit mens auctoris qui præfatur. Cætera in aliis Gregorianis operibus edendis observata præstitimus. ²

¹ Expositionem in VII. psalmos pœnitentiales, quam supra inter Gregorii 2. scripta retuli, parum certa conjectura Hildebrando (i. e. Gregorio VII.) aliqui tribuunt, ait Fabricius in eodem Greg. VII. Quare cui potissimum tribuenda sit, divinari me non posse fateor. S. Gregorii M. non esse adjudicandam, præter argumenta quæ ex Gassanvillæo superius allata sunt, nec satis a Sammarthano elisa; item præter illa, quæ generatim, sive ex silentio veterum, sive ex Gregorii infirmitatibus &c. afferri possunt, sunt & alia non nulla, utique non admodum contemnenda. Ac primo ea, quæ de Simoniaca labe conquiritur auctor, videlicet *Nostri maxime temporibus malitiae suæ virus exercuit, & totius Ecclesiæ pacem schismatica infestavit ne turbavit*: hæc inquam ad tempora S. Gregorii M. non nisi violenter trahi possunt. Obrepserrat quidem enim illius temporibus in nonnullas, ecclesias, labe Simoniaca; sed ita per cuniculos agebat, ut tribus prioribus epp. a Sammarthano citatis S. Doctor de illa ex hypothesi loquatur, *Si ita est*: in quarta vero lib. XIII. ubi S. vir rem audit, fateatur obstupuisse sese, atque admiratum fuisse. Quæ certe locum nequaquam habere potuissent, si schismatica infestatione hæc pestis tunc

Ecclesiæ pacem turbasset. Si qua autem Joh. Diac. de Mauricii avaritia & rapacitate locutus est, aut de eo questus S. Gregorius; ea necessario benigne interpretanda sunt, nec admodum urgenda, ne coacti notam falsitatis vel adulationis incurramus. Quod Sammarthanus ait, S. Gregorium edidisse quidem hunc commentarium, *Non eo tamen animo ut vivente Imp. publica luce donaretur* hoc, inquam, nullo modo consistere potest. Phocas enim imperium invasit mente Nov. ann. 602. quo eodem anno mense Januario. vel Febr. literas dederat S. Pontifex ad Subdiac. Ravennæ, ut chartulæ a Claudio eo latæ colligerentur. Intra igitur hos paucos mentes, vix credi potest, ut vacaverit S. Doctori edere comentarios in Reges Cantica, & Psalmos. Nam, ut sæpe jam alibi dictum est, id necessario de omnibus hisce affirmari debet, vel nullo jure potest de alterutro. Paterii loca nihil evincunt, nisi ea ex hujusmodi lucubrationibus accepta in receptum Paterium fuisse introducta. Quare nihil etiam verat affirmare, sibi satis constituisse Gassanvilleum. Certe quæ de Purgatorio hic evolute dicantur, & sermo verbis Sacræ scripturæ velut certo contextu ætatem Gregorii M. non sapiunt. E. V.

S A N C T I G R E G O R I I P A P Æ

I N

SEPTEM PSALMOS POENITENTIALES

E X P O S I T I O.

P R O O E M I U M

*in primum Psalmum poenitentialem.**In finem in Carminibus, Psalmus
David pro octava.*

In David,
sanctæ ani-
mæ fortitu-
do signatur.
2. Reg. 17.



I ille Rex & Propheta
convenienter David, id
est manu forti beatus
est, quia utrumque inter-
fecit, leonem suffocavit,

Goliath fortissimum lapidis unius
ictu prostravit, & Gentes innume-
ras imperii sui ditioni subegit: non
incongrue eodem nomine sanctam
animam accipimus, quæ illum, qui
quali leo rugiens circuit quærens
quem devoret, in se ipsa interfecit.
Et si quando eam sicut fortis arma-
tus aperto certamine aggreditur,
lapis, quem reproba verant, adif-
ficantes, illum ictu prosternit, cor-
poris nihilominus passiones subigit,
atque ad virtutum officia convertit.

2. Petr. 5. 2.

Luc. 11.
2. Petro 2.

Psalterium
quale in-
strumen-
tum, quidve
significet.

Psalterium quoque eandem animam
spiritualibus exercitiis assuetam non
in convenienter nominamus. Sicut
enim musicum illud instrumentum
triangulum decem chordarum infe-
rius quidem percutitur, superius
vero sonare videtur: ita anima san-
ctæ Trinitatis fide formata, decem
Legis præceptis instructa, inferius
percutitur, & superius auditur: quia
cum carnem aliquis perfecte affli-

xit tunc suavissimum Deo in dul-
cedine melos reddit. Per Psalmum
ergo, meditationes & laudes & gau-
dia de Deo in animo concepta acci-
pimus, sicut cantum illius musici
instrumenti Psalmum vocamus. Psal-
mus ergo iste, id est hæc medita-
tio, David, id est fidei animæ vir-
tutibus^a exercitæ attribuitur: a-
nimæ scilicet tendenti in finem, id
est in Christum, qui est initium &
finis. Christus finis dicitur, vel quia
est consummatio Legis & Prophetarum,
sicut ipse pendens in cruce
testatus est, cum aceto & felle po-
tatus dixit: *Consummatum est*. Vel
quia bonorum omnium perfectio
est, quia nullum bonum perficitur
nisi quod in summo bono solidatur.
Sicut enim nobis non sufficit alios
bonos quærere, nisi ad ejus studea-
mus agnitionem pervenire: ita eo
invento nullus jam melior queritur,
quia omnis creatura eo, sub cujus
pedibus a Patre omnia sunt subiecta,
inferior invenitur. Pro octava vero
Psalmus iste factus assuetur, quia
pro consideratione future resurrectionis
Domino decantatur. Omne præ-
sentis vitæ tempus septem diebus
evolvitur; & ideo æterna dies, quæ
expleta horum dierum vicissitudine
futura est, octava vocatur. Et quia
pro consideratione extremi judicii
Psalmus iste concinitur, recte pro
octava intitulatur. Vel quia sequi-
tur.

^a Christus cur
noster finis
Apo. 1. 2.

^b Octava æ-
ternam vi-
tam adum-
brat.

^a Alludit ad Psalmi titulum, in quo se-
gitur: *In finem in Carminibus; Psalmus*

David, pro octava,

^b Vide superiorem notam.

tur finem. carnalis & spiritalis generationis, ideo octava dicitur resurrectionis. Caro enim ex quatuor constat elementis, anima tribus vegetatur naturis. Est enim rationalis ad discernendum, concupiscibilis ad virtutes appetendum, irascibilis ad vitia averfandum. De hac enim ira per eundem Prophetam dicitur:

Psal. 4. 5.

Iraſcimini, & nolite peccare. Quod enim se contra ſeipſum erexit, & zelo rectitudinis inflammatus, contra vitiorum ſe importunitates viriliter commoverit, in conſpectu interni judicis nequaquam deliquit. Vel ſecundum quosdam octava dicitur, quia ſequitur ſex ætates in hoc ſeculo viventium, & ſeptimam dormientium juſtorum. Hunc autem Psalmum in hymnis habendum titulus adſtruit: quia qui tactus dolore cordis, intrinſecus peccata ſua conſitens, cor in pœnitentia conterit, ſuavem ad aures, miſericordis Dei vocem, exultationis reddit. Majus eſt enim Angelis. Dei ſuper uno peccatore pœnitente gaudium, quam de nonagintanovem perfeverantia juſtorum. Et qui pro indulgentiæ deſiderio, iniquitates ſuas annuntiat, in tabernaculis juſtorum dulciter hymniſat. Loquitur ergo in hoc Psalmo fidelis anima, octavam illam, id eſt diem judicii tremendam conſiderans, terrorumque diſtinctionis divini & reproborum damnationem perpetuam prudenti intuitu contemplans. Et quia de hiis meritis diſſidens, in ſe qualiter in illo tremendo examine iram ultionis divini effugere poſſit, non invenit, ruſtaſter quidem, ſed confidenter ad hntem miſericordiæ, faciẽ ejus præoccupans accedit, malens in hac vita per pœnitentiam & flagella conteri, quam in futuro horrendis ſuppliciorum cruciatibus affligi. Quid ergo dicat audiamus, & illius exemplo cum fiducia ad thronum gloriæ Dei adeamus.

Peccatorum
pœnitentia
quam grata
ſit Deo.

Luce. 15.

EXPLANATIO.

PSALMI PRIMI POENITENTIALIS.

Domine ne in furore tuo arguas me, neque in ira tua corripas me. *Psal. 6. v. 1.*

I. Vides quam bonum principium, quam affectuoſum, quam gratiæ plenum. In eo enim quod Dominum eum vocavit, quod ſui jure miſereri deberet oſtendit. Dominorum enim eſt, ſervos alere non negligere: delinquentes corrigere, non necare: fugientes requirere, non abdicare. Domine, ne in furore tuo. Solet fieri, ut qui dominorum iram incurrunt, ſi eis reconciliari appetunt, patronos quærant, interventores adhibeant, advocatos adſciſcant. Sed hæc anima illius terribilis judicii terrore percuſſa, amoris Dei deſiderio accenſa, moras non patitur, dilationem averſatur; & ſi ad horam Deum convenire diſtulerit, damnationem ſe evadere non poſſe arbitratur. Deſiderium enim non ſuſtinet, & in patientia modum non habet. Vires ergo colligit, de miſericordia Conditoris, confidit, & quaſi eum præſentem videat, loqui præſumit. Ac ſi dicat: Scio quidem quia ab oculis tuis, meis excludor meritis: ſed, tamen minor ſum cunctis miſerationibus tuis. Tu igitur, Domine, cujus me ſervum eſſe non abnego, cujus imperiis obtemperare deſidero, cujus ſuave jugum, ferre nequaquam reſuſo, ne arguas me in furore tuo. Hic me potius argue: dum tempus eſt miſericordiæ, corripe: dum dies ſalutis eſt, In furore reprobos arguet. *Deus hic ſemper arguit in miſericordia.*

venia

venia nulla comitatur. Absit ut in Deo furorem credamus. Non enim esset incommutabilis, si eum commovere posset alicujus necessitas passionis. Sed quia aliter de Deo, nisi secundum humanum morem loqui non possumus, infinitæ damnationis sententiam, furorem vocamus. Non ut in illa justitiæ severitate, aliqua omnino perturbatione Deus moveatur, sed quia in eos qui duplici sunt contritione conterendi irremediabiliter vindicatur. *Ne arguas me in furore tuo*: non humano, non transitorio. Furor humanus sicut cito præterit, ita suæ vigorem potestatis nonnisi in corporibus extendit: divinæ vero ultionis animadversio, non solum pœnas in corpore & anima multiplicat, verumetiam in damnatis immobiliter perseverat. *Neque in ira tua corripas me*. Sicut major est furor quam ira, ita arguere majus est quam corripere. Eos corripimus, quos amantes emendamus. Et quia post mortem carnis alii æternis deputantur suppliciis, & alii ad vitam per ignem transeunt purgationis; fidelis anima non solum furorem timet, sed etiam iram abhorret, teste beato Augustino. Hi omnes qui non posuerunt sibi fundamentum Christum, in furore arguuntur, quia æterno igne cruciantur. Qui autem eidem fundamento superposuerunt lignum, fenum, stipulam, in ira corripuntur: quia igne purgati, ad beatitudinis requiem^a deducuntur. Dicat ergo fidelis anima, quid fecit considerans, & quid sit receptura contemplan: *Domine ne in furore tuo arguas me, neque in ira tua corripas me*. Ac si aperte dicat: Hoc solum tota cordis intentione efflagito, hoc indefinenter votis omnibus concupisco, ne me in illo tremendo examine vel cum reprobis ferias,

Vel cum purgandis, flammis ultricibus affligas. Et ut hoc fiat:

Miserere mei Domine, quoniam infirmus sum: sana me Domine, quoniam conturbata sunt ossa mea.

2. In eo quod nomen venerandum repetit, piæ precis affectum se habere ostendit. Quasi dicat: Tu Domine, quem suave videtur mihi sc̃pius^b invocare, miserere mei dum tempus est misericordiæ. Hic me misericorditer corripe: hic per flagella contere: hic igne tribulationis exure. Et ne quid in me post hujus vitæ terminum vindicandum invenias, oro ut per ignem tui amoris omnem in me vitiorum rubiginem consumas. Et hoc opus est ut facias, *quoniam infirmus sum*. Ex peccato primi parentis pœnam contraxi magnæ infirmitatis: non enim quod volo, ago; sed quod odium, illud facio. *Infirmus sum*, quia ad malum pronus sum. Sed tu, Domine, animarum debiliū velox medice, *sana me*, scilicet interius omni vitiorum labe emunda: *quoniam conturbata sunt omnia ossa mea*. Id est, virtutes animæ obscuratæ sunt, & extenuatæ virtutes simul conturbatæ sunt. Caritas enim confunditur, humilitas impingitur, fortitudo dejicitur, castitas impugnatur. Per ossa virtutes accipimus, per quas nimirum animam sustentamus. Sicut enim in ossibus est fortitudo corporum, ita in virtutibus robur invenitur animarum. Et plane debilis omnis comprehenditur anima, nisi quæ fuerit virtutum fortitudine fulta. Postquam enim in ordine culpam incurrit primus humani generis parens, ab illa in qua positus fuerat mentis celsitudine decidit, claritatem visionis divinæ perdidit, suavissimas verborum Dei epulas, quibus interius reficiebatur, amisit: oculos carnis ad obscena & turpia vi-

Deus hic puniendo miseretur.

b

Rom. 7.
Ex primi parentis peccato, infirmitatis pœna.

Jerem. 17.

Furois & iræ discerni.

S. Aug. in hunc vers.

1 Cor. 3.
Ignis purgatorius, iræ Dei signum.

a

a Gilot, & Vatic, *reducuntur*.

b Rembold. Gilot. & Vetic. *invocari*.

videnda aperuit; qui prius aciem mentis, qua lucis summæ fulgor intuebatur, obscuravit.

Vers. 3.

Et anima mea turbata est valde: sed tu Domine usquequo?

Lacrymæ & gemitibus provocanda Dei misericordia.

3. Et quia me infirmum sentio, quia ossa mea conturbata agnosco, *anima mea*, scilicet eo quod mea est, quod per me corrupta est, quod per me debilis & ægra facta est, turbata est ad gemitum, commota est ad compunctionem & lamenta, valde magna scilicet & multimoda turbatione. Turbatur enim, quia peccavit, quia bonum Dominum offendit, ^a quia vitam perdidit, mortem incurrit. *Sed tu Domine usquequo* turbaris contra me, quia peccavi, quia te ad iracundiam delinquendo provocavi? Vel, *tu Domine*. Dæmones quidem invasores non domini, naturaliter malunt meam perditionem quam salutem: sed tu,

2

Ezech. 33. 11.

Domine, qui non vis mortem peccatoris: singulariter Domine, non abusive, sed proprie: usquequo, id est quamdiu differs sanare? Ecce in conspectu boni medici & curare valentis assisto, vulnera detego, preces, dolores augeo, lacrymas. *Ergo dissimulas, cum non* minor potentia, quam voluntas. *Sicet hoc celes in corde tuo: tamen scio, quia universorum memineris. Omnis curatio quanto difficilius acquiritur, tanto acquisita cautius custoditur.*

Vers. 4.

Convertere Domine, & eripe animam meam: saluum me fac propter misericordiam tuam.

Deus impeditos carnalium delectationum vepribus liberat.

5. Ne magis turberis, supplico: ne ultra misereri differas, peto: imo *convertere, Domine*. Sicut anima mea conversa est ad te per turbationem pœnitentis, ita tu convertere ad eam per serenitatem miserationis. Et conversus, *eripe animam meam*. Impediunt eam vepres carnalium delectationum, detinent

Ephes. 3.

illam secularium illecebræ cupiditatum: sed tu, qui potens es omnia facere superabundanter quam petimus, aut intelligimus, eam eripe: igne tui amoris, terrenarum dumeta voluptatum, quibus irretitur, adure; extra omnem peccati appetitum illam tuæ manu fortitudinis trahere. *Saluum me fac propter misericordiam tuam*. Parum est ut animam meam a mundi voluptatibus liberes, nisi me ab hostium tentationibus virtutis tuæ protectione conserves. Boni medici officium est, non solum salutem restituere, sed etiam restitutam custodiæ sedulitate servare. Sic ergo & tu cum animam meam a carnalibus desideriis eripueris, da mihi in bono perseverantiam, ne mihi demissos laqueos iterum tentationum incurram. Et hoc *propter misericordiam tuam*: non de meis meritis confidens, me ut saluum facias supplico, sed de sola misericordia tua præsumens impetrare, quod non de meis meritis spero.

Contra hostis tentationes protegit.

Quoniam non est in morte qui memor sit tui: in inferno autem quis confitebitur tibi?

Jac. 1. Quæ animæ consideranda ut se magno timore concutiat.

5. Peccata consummata generant mortem. Nisi enim conversus fueris, nisi animam meam eripueris, nisi me saluum feceris, in peccatorum me caligine, id est in morte dimitis: quod si in morte fuero, tui proculdubio memoriam perdo. Et inde hoc scio, quod in morte penitus tui memor esse nequibo: *Quoniam non est in morte qui memor sit tui*. Quomodo namque mihi conceditur, quod omnibus denegatur? *In inferno autem quis confitebitur tibi?* Sicut de morte ad infernum peccator pervenit, ita de peccatorum multitudine in desperationis soveam cadit. Unde & scriptum est: *Peccator cum venerit in profundum malorum, contemnit. Fidelis*

Prov. 13. 3.

^a Omittitur in Gess. quia vitam perdidit.

delis anima non exaudiri metuens, miseras quas perlatura est si non exauditur, enumerat; ut se maximo timore concutiat, & Deus citius ad misericordiam flectat. Ait ergo: *In inferno autem quis confitebitur tibi?* Quasi dicat: Dico si non eripueris me, ^a in morte futuram me prœvideo. Et non solum in morte futuram me prœvideo, sed etiam in inferno, idest in desperatione me sepeliendam cognosco. Quod si in inferno fuero, tibi me confiteri non posse perpendo. Nul-
 lus enim in inferno confitebitur tibi. Et hoc est quod ait sub specie interrogantis: *In inferno autem quis confitebitur tibi?* Scilicet nullus. *Non enim est speciosa laus in ore peccato-*
ris. Aliter: *Quoniam non est in*
morte qui memor sit tui, precor ut animam meam liberes a carnalibus desiderijs, quæ militant adversus
 eam. Si enim hoc non feceris, interficient me: quia a te, qui es vita mea, se parabunt me. Cum enim tu sis illud idem animæ, quod
 est anima corpori: si tibi inseparabiliter non inhæsero, necessario mortem incurro. Et si in morte fuero,
 tui memor non ero: *Quoniam non est in morte qui memor sit tui.* Sicut nullius rei meminit caro mortua, ita nec te sentire prævalet a
 te Deo anima divisa. Nulla societas
 luci ad tenebras. Ubi autem tui ingreditur memoria, ibi est lux veritatis immensa. Quod tamen intel-
 ligi & aliter potest, quasi dicat. Immedicabile corpus est recidendum ense, & membri in corpore mortui
 abscissio potius est necessaria, quam medicina. Sed ego non sum ut membrum mortuum, cui medicina
 non proficiat, sedulitas nihil conferrat. Nam sum memor tui, scilicet misericordiæ. Te enim medicum
 scio, misericordem non ambigo,

longanimum agnosco; quod non facerem si in morte essem. Et hoc apparet a toto, quoniam non est in morte.

Laboravi in gemitu meo: lavabo per singulas noctes lectum meum, lacrymis meis stratum meum rigabo.

vers. 6.

6. Dixerat superius, *Salvum me fac*, & tempus est ut facias: nam ego laboravi in gemitu meo. Adest miseria, adsit & misericordia. Miseriam meam ego cognosco, vulnus non dissimulo, peccatum non celo. Nisi enim miserum me agnoscerem, in gemendo non laborarem. Sed ego laboravi, id est studiose egi, ut essem in gemitu, scilicet ut quousque viverem, gendum mihi putarem. Et laboravi in gemitu, id est, modo mihi proprio. Nemini enim sicut mihi ingemiscendum æstimo, quia præ omnibus me peccasse perpendo, & quia non sufficit bene incipere, nisi studeat quis in bono opere perseverare, adjungit: *Lavi per singulas noctes*, id est per singulas tenebrosas cogitationes, *lectum meum*. Per lectum, conscientiam accipimus: quia sicut in lecto jacentes quiescimus, ita in ea vel legi Dei vel legi peccati consentimus. Et sicut laboribus pressi in lecto quiescentes reficimur: ita dum mundi hujus adversitatibus premimur, in bona conscientia interius delectamur, Paulo attestante qui ait: *Gloria nostra hæc*
est, testimonium conscientie nostræ. Lectum ergo per singulas noctes lavat, qui conscientiam a cogitationibus tenebrosis, lacrymis compunctionis emundat. Et non solum conscientiam purificabo, sed etiam *lacrymis meis stratum meum rigabo*. Quia vilis lectus est stratum, per ipsum carnem accipimus. Et quoniam sicut stratum facile concutitur, ita caro ab infirmo animo va-

^a Pœnitens non solum se miserum agnoscat, sed in luctu lavare perseveret.

Eclii. 15, 9.

2. Petr. 2.

Deus animæ
vita.

2. Cor. 6, 14.

1. Cor. 2, 12.

^a Hic multa testuimus ex aliis editis in Cassanv. edit. omissa; unde sensus labefactatus

Tom. XIV.

K

ric versatur, sicut per eundem Prophetam dicitur, *Universum stratum ejus versasti in infirmitate ejus*. Rigat ergo lacrymis stratum suum, quia continuo luctu & dolore, carnis maculas diluit, & cordis durtiam imbre compunctionis emollit: ut sicut hortus recepta suavi pluvia evidenter germinat, ita caro lacrymarum fluentis rigata, bonorum operum & justitiæ germen emittit. Cur autem laboraverit, causam subdit, ac si dicat: Ideo laboravi, ideo ingemui quia

vers. 7.

Turbatus est a furore oculus meus: inveteravi inter omnes inimicos meos.

Gen. 1.
1. x primi parentis peccato poenalis cecitas.

7. Humana natura ad imaginem primitus, & similitudinem Dei condita, per prævaricationis culpam a contemplationis divinæ claritate expulsa, sicut immortalitatis æternæ beatitudinem perdidit, ita interiorem oculum animæ, scilicet rationabilem obscuravit. Et quia postea bonum a malo discernere noluit, volens postmodum quid sibi sequendum, quidve fugiendum esset, scire nequivit. Et quia illum qui lux est, & in quo non sunt ullæ tenebræ, non tenuit, sicut in nocte, sic postea in meridie palpavit. Dicat ergo fidelis anima: *Turbatus est a furore oculus meus*: quia discernendi recte voluntatem non habui, per furem, id est damnationis sententiam, ipsam eligendi potentiam amisi. Vel etiam illius a furore oculus turbatur, quia tremendi diem judicii, damnari metuens, intuetur. Cum enim quod quisque gesserit, quia ibi sit receptus, considerat; mentem quæ hoc prævidet, malorum suorum consciam, ipse judicii terror perturbat. Et quia ad illud iudicium venire non trepidat: nisi quem conscientia de peccatis accusat, ideo adjungit: *Inveteravi inter omnes inimicos meos*. Ac si diceret: Ideo ac illud terribile examen deduci metui, quia per consuetudinem

peccato pe-
jor, peccan-
di consuetu-
do

& perseverantiam pravorum operum, non novum, sed veterem me peccatorem agnosco. Cum enim sum inter inimicos meos, spiritus videlicet malignos; quia eorum a me suggestiones non repuli, illis consentiens in tenebrarum operibus inveteravi, id est in veteris hominis inobedientiam redii. Factus sum comparabilis veteri vesti. Sicut enim vetus vestis nec ornatum adjicit, nec frigus repellit: ita ego nec frigus tentationis expellere valeo, nec proximorum animas per doctrinæ verbum adorno. Vel, inveteravi habitans inter inimicos meos, inimicos scilicet catholicæ Fidei, & Christianæ religionis.

Discedite a me omnes, qui operamini iniquitatem: quoniam exaudivit Dominus vocem fletus mei.

vers. 8.

8. Quæ societas luci ad tenebras? Quæ conventio Christi ad Belial? Aut quæ pars fidelis cum infideli? Sicut enim qui diabolum sequitur, Sanctorum collegium affectu & opere aspernatur: ita qui Deo perfecte adhæserit, impiorum consortium nequaquam admittit. Quia ergo inveteravi conversatus inter inimicos meos, ne amplius aliquid vetustatis in me appareat, ne inimicorum conversatio notam mihi prævaricationis insigat: vos qui operamini iniquitatem, qui culpas vestra confiteri negligitis, qui in malis operibus impoenitentes perseveratis, hic a me affectu discedite, hic vos a me operum dissimilitudine elongate: ut quia a Deo receditis hic animo, & in futuro etiam corpore a me discedatis. Discedite, ut amplius non communicem operibus vestris iniquis: *Quoniam exaudivit Dominus vocem fletus mei*. Lavi pedes meos, quomodo inquinabo illos? Vocem flebilem Dominus exaudivit; quia ab omni inquinamento carnis & spiritus me mundavit. Quomodo autem exauditus sit, ostendit:

2. Cor. 6. 15.
A peccatorum societa-
te recedendum.

can. 5. 3.

Exan-

Vers. 9.

Exaudivit Dominus deprecationem meam: Dominus orationem meam suscepit.

Fletu peccatori Deus parcat, & dat perseverantiam.

9. *Exaudivit Dominus deprecationem meam*, peccata dimittendo. *Dominus orationem meam suscepit*, perseverantiam dando; quasi dicat: Non solum pro peccatis meis fletu delictorum mihi indulgentiam contulit, sed etiam ne eadem ulterius committerem, gratiæ suæ ubertatem concessit. Dixerat superius: *Discedite a me omnes qui operamini iniquitatem*. Sed quia caritas non querit quæ sua sunt: & hinc vera esse ostenditur, cum ille diligitur qui adversatur, ideo subjungit:

1. Cor. 13. 4.

Erubescant & conturbentur vehementer omnes inimici mei: convertantur & erubescant valde velociter.

Vers. 10.

Summa eorum qui de peccatis non erubescunt impudentia.

10. Ille veraciter caritatem habet, qui & amicum diligit in Deo, & inimicum diligit propter Deum. Hinc namque per semetipsam Veritas dicit: *Diligite inimicos vestros*. Ne ergo surda aure præcepta transeat dominica, pro inimicis orat anima exaudita: *Erubescant & conturbentur*. Ergo quia propter peccata quæ perpetraveram, erubui: erubescens vero ut ea diluerem, in gemitu meo laboravi, exaudita veniam impetravi. Et utinam meo exemplo erubescat quicumque quod ad imaginem, & similitudinem Dei sit factus intelligit, & qualiter illam peccando scedavit, agnoscit. Si se circumspiciens, consideret & decorem quem perdidit, & obsecritatem, qua se velut quodam terribilo colore perfudit, de operum suorum qualitate, nisi sit lapis, erubescit. Nobilis anima si quas aliquando peccati notas admiserit, verecundiam tamen a se funditus non repellit. Nam & illud verum est apertæ desperationis indicium, si verecundia non sequitur peccatum. Unde sub

Ps. 1.

Erubescant & conturbentur. Ergo quia propter peccata quæ perpetraveram, erubui: erubescens vero ut ea diluerem, in gemitu meo laboravi, exaudita veniam impetravi. Et utinam meo exemplo erubescat quicumque quod ad imaginem, & similitudinem Dei sit factus intelligit, & qualiter illam peccando scedavit, agnoscit. Si se circumspiciens, consideret & decorem quem perdidit, & obsecritatem, qua se velut quodam terribilo colore perfudit, de operum suorum qualitate, nisi sit lapis, erubescit. Nobilis anima si quas aliquando peccati notas admiserit, verecundiam tamen a se funditus non repellit. Nam & illud verum est apertæ desperationis indicium, si verecundia non sequitur peccatum. Unde sub

Judææ specie contemnentis animæ dicitur: *Frons mulieris meretricis facta est tibi, noluit erubescere*. Qui enim neglecto Dei timore peccata peccatis accumulatur, profecto ut meretrix frontem obdurat.

11. Sed quia minus est de antea-
cta vita erubescere, nisi quis etiam
studeat ea quæ admisit, pœnitendo
corrigere, subjungit; *Et conturbentur vehementer*. Quisquis peccati sui modum considerans, sibi iratus, contra seipsum graviter, quod egit puniendo, invehitur, per compunctionis lacrymas vehementer conturbatur. Quia vero per dolorem pœnitentiæ pervenitur ad conversionem vitæ, protinus additur; *Convertantur*. Ille nimirum ad Deum convertitur, qui tam cogitatus suos, quam etiam operationes ad Deum semper dirigere conatur. Et quoniam tempus breve est, & finis peccatorum mors est; nequis putaret in hominis esse potestate quando vias velit corrigere, repetit: *Erubescant*; se peccasse, erubescant conversionem distulisse. Et hoc faciant *valde velociter*. **DIES enim Domini sicut fur in nocte ita veniet.** Unde & Salomon; *Ne tardes inquit, converti ad Dominum, neque differas de die in diem.*

Emendanda peccata de quibus erubescimus.

20. Petr. 3. 10.

Ecclesi. 5. 8.

P R O O E M I U M

in secundum Psalmum pœnitentialem.

Ipsi David intellectus:

Sicut supra jam diximus; per David, fidelis anima accipitur, cui & nominis interpretatio, & operum magnificentia convenienter aptantur. Fidelis ergo anima, ea quæ in hoc Psalmo dicuntur, intelligat, & ab isto nunquam intellectu recedat: Intellectus vero David in hoc Psal-

K 2 mo:

hæc ad titulum Psalmi referuntur; Ipsi David intellectus.

mo est, ut nemo se ante fidem de meritis suis, quæ nulla sunt, esser- rat: nemo file per gratiam accep- ta, de peccati impunitate præsu- mat: nemo bonum quod facit, si- bi, sed gratiæ Dei attribuat: ne- mo per desidii torporem in bona operatione pigrescat. Videamus nunc quid dicat.

EXPOSITIO

Psalmi Secundi Pœnitentialis.

*Psalm. 31.
Vers. 1.*

BEati, quorum remissæ sunt ini- quitates, & quorum testæ sunt peccata.

Peccata te-
gimus, ea per
confessio-
nem dere-
gendo.

1. Quasi dicat: Cum omnes ve- lint esse beati, diversi de beatitudi- ne diversa sentiunt: & desideriorum suorum errorem sectantes, ad bea- titudinis portum per devia venire proponunt. Sed quidquid illi æstiment, istud est ratum, istud est catholicum, quod illi solum sunt beati, quorum remissæ sunt iniquitates originales per baptismum: & quorum testæ sunt peccata, actualia post baptismum commissa. Si tegit infirmus vulnera, quomodo illi a medico adhibetur me- dicina? Nonne si celare vulnus cœ- perit, latius extensum introrsum putrescit? Sic & peccatum, nisi per confessionem detegatur, lethaliter in- intimis dilatatur. Et sicut vulnus non ostensum etiam sanam carnem putredine inficit: ita peccatum nisi confitendo reveletur, etiam si qua ibi sunt bona corrumpit. Non enim accepta sunt Deo bona, quæ malo- rum admixtionem maculantur. Sed aliud est quod a peccatore homine per obstinationem tegitur, aliud quod miserante Deo per remissionem o- peritur. Tegit medicus vulnus sa- nandum medicamine, tegit Deus pec- catum ea, quæ multitudinem pec- catorum operit, caritate. Si quis er- go peccata sua testæ esse desiderat, Deo ea per vocem confessionis osten-

Nulla Deo
accepta bona
quæ malo-
rum admix-
tione macu-
lantur.

2. *Psalm. 42.*

dat. Sunt tamen quædam peccata quæ quamdiu in hac vita vivitur, etiam a perfectis viris aut vix, aut nullatenus declinantur. Habent enim sancti viri aliquid quod in hac vita operire debeant: quia omnino est impossibile ut in locutione, aut etiam in cogitatione nunquam delinquant. Student igitur viri Dei oculorum linguæque culpas tegere meritis vi- tæ, student pondere bonorum ope- rum premere immoderata verborum. Verum quomodo in electis est possi- bile eorum transgressionem contegi, cum ab illo, cuius oculis nuda & aperta sunt omnia, non possunt abs- condi? Sed quia hoc quod tegitur, inferius ponitur, & aliquid aliud su- perducitur, ut quod est subterposi- tum, tegatur: tegere peccata dici- mus, quæ quasi subter ponentes ab- dicamus. Quibus nimirum quasi te- gmen superducimus, dum bonorum nos indumento vestimus. Peccata ita- que tegimus, si bona facta malis actibus superponamus.

Hebr. 4. 13.

Peccata te-
genda sunt,
bona opera
superin-
duendo.

Beatus vir, cui non imputavit Dominus peccatum, nec est in spiri- tu ejus dolus.

Vers. 2.

2. Si nosmetipsos judicaremus, non utique judicaremur. Si nobis peccata nostra imputaverimus, non ea nobis imputat Deus. Si ea satis- faciendo puniremus, nullum qui nos in futuro puniat, inveniremus. Im- putare sibi Adam peccatum suum no- luit, quando culpam suam in Crea- torem refudit, dicens: *Mulier, quam dedisti mihi sociam, dedit mihi de li- gno, & comedi.* Unde quia se con- fiteri culpabilem renuit, mortiferæ damnationis sententiam ad poste- ros misit. Judicare autem seipsum nemo poterit, nisi qui virilem a- nimum ad vitia persequendum as- sumit, sicut per eundem Pro- phetam dicitur: *Persequar inimicos meos, & comprehendam illis, & non convertar donec deficient. Qui enim mollis est, & dissolutus in o-*

2. *Cor. 11. 31.*
Peccata no-
stra ne nobis
imputentur a-
puniamus.

Genes. 3. 12.

*Psalm. 17. 38.
Prov. 18. 9.
Ad hoc for-
titudine o-
pus est.*

pece

pere suo, frater est opera sua dis-
sipantis. Ideo dixit: *Beatus vir*.
Quasi dicat: Ad hoc opus nemo as-
surgere prævalet, nisi qui sanctæ for-
titudinis vires habet. Quidenim for-
tius, quam omnes animi sui motus
rationi subigere, omnia carnis desi-
deria spiritus virtute frenare, prop-
rias voluntates abjicere, contemptis
visibilibus ea quæ non videntur ama-
re? Unde & Salomon ait: *Melior est*

Prov. 16. 32.

Ac sincera
humilitate.

*patiens, viro forti; & qui domina-
tur animo suo, expugnatore urbium*.
NEC est in spiritus ejus dolus. Illi
quidem peccatum non imputabitur,
in cujus spiritu dolus mendacii non
invenitur: qui se justum esse non si-
mulat, qui ea etiam quæ occulte
deliquit non celat. In spiritu publi-
cani ad templum ascendentis, dolus
non fuit: quia dum illum quem oc-
culte non transeunt, placare voluit
judicem, confiteri se non erubuit

Luc. 18. 13.

peccatorem. Ait namque: *Deus propi-
tius esto mihi peccatori*. Magis ergo
justificatus descendit, quam qui se
de meritorum enumeratione jactabat.

Prov. 18. 18.

Denique & justus in principio ser-
monis accusator est sui. In Pharisei
vero spiritu dolus fuit, qui magis
videri, qua esse justus optavit. Dum
ergo ea quæ clamare debuerat, ta-
cuit, miser quod sibi tacendum ef-
fet, clamavit. Et per superbiam,
si qua in eo fuerant, minuit meri-
ta, qui humiliari contemnens, adau-
xit peccata. Et nos ergo exemplo
hujus publicani, præoccupemus fa-
ciem hujus judicis in confessione, &
effundamus coram illo corda nostra,
levantes puras manus sine ira &
disceptatione, in habitu ordinato,
cum verecundia & sobrietate: ut qui
omni tentationi patentes, manum
effugere non possumus judicis, per
confessionem mundati, clementiam
experiamur misericordis.

Ps. 30.

Quoniam tacui, inveteraverunt

ossa mea, dum clamarem tota die?

4. Ille, in cujus spiritu dolus non
est, beatus est: e contrario ille, in
cujus spiritu dolus est, infelix est.
Et hoc mihi experto credendum est:
nam *inveteraverunt ossa mea, quo-
niam tacui, dum clamarem*. Per os-
sa nimirum virtutes accipimus, quia
per eas animam, sicut corpus per
ossa, sustentamus. Quæ profecto in-
veterantur, quando a statu suæ for-
titudinis infirmantur. Sicut enim mor-
borum infestationes corporis ossa debi-
litant, vitiorum importunæ turbatio-
nes animæ virtutes infirmant. Ait
ergo: *Inveteraverunt ossa mea*. Ac
si dicat: Virtutes & justitia, vel
ratio & intelligentia, ita in me de-
bilitatæ sunt, ut nec per me qui-
dem vitiis resistere, nec animam æ-
gram, & ad ima ruentem, virtutum
valeam fortitudine sustentare. Et
quia per humilitatem confessionis ad
novum hominem pervenire nolui,
per arrogantæ jactantiam in veteris
infirmirate permansi. Quare autem
inveteraverunt, causam aperit, cum
ait: *Quoniam tacui, dum clamarem*
tota die. Cum clamare & tacere in-
ter se repugnent, quomodo potest
fieri ut aliquis taceat, & clamet?
Sed ille tacet nimirum, & clamat;
qui peccata quidem sua silentio con-
tegit, merita vero per vocem ma-
gnificationis extollit. Aut certe ille
tacet, & clamat, qui peccata quidem
præterita per confessionem non an-
nuntiat, & per cor impœnitens alia
committere, accepta peccandi liber-
tate, non cessat. Nam quod pecca-
tum clamor sit, testatur Scriptura
dicit: *Clamor Sodomorum & Gomo-
ræorum ascendit ad me*. Et iterum:
Descendam videre utrum clamorem
qui venit ad me, opere compleverint.
Peccatum quippe cum voce, culpa
est in actione: peccatum cum cla-
more, est culpa cum libertate. Dum

Per super-
biam virtu-
tes atteruntur.Qui pecca-
tor & taceat,
& clamet.Gen. 18. 20.
Ibid. 21.3
1. Tim. 3.
1. & 2.

a Remb. cum Gilot. & Vatic. *deceptione*;
quod pro errore ab una ed. in alias incaute.

translatio, haberi debet,

clamarem tota die. Tota die clamat, qui pro omni bono opere quod agit, laudari affectat: vel etiam tota die clamat, qui publice peccare non trepidat.

vers. 4.

Quoniam die ac nocte gravata est super me manus tua: conversus sum in arumna mea, dum configitur spina.

Manus Dei
super hos
gravis.

4. Sicut per noctem opera tenebrarum, ita per diem, bonarum intelligimus lucem actionum. Qui ergo peccare non desinit, & cæteris se præferens, per bona opera superbit, die ac nocte divinæ potentiæ iram incurrit. Vel *die ac nocte*, id est in prosperitate & adversitate. *Gravata est super me manus tua.* Quia enim & in adversis succubui, & in prosperis me nimis exexi, iram tuæ potentiæ super me provocavi. *Conversus sum in arumna mea, dum configitur spina:* quoniam manus tua, quæ superbos humiliat, humiles exaltat, gravata est super me. Me enim superbum depressit; quia non solum peccatum mihi dominari permisit, sed etiam de qua nimis gloriabar, justitiam mihi difficilem fecit. Ideo *conversus sum in arumna mea.* Qui enim de me præsumens, quasi divitem me prius & nullius egentem credidi; postea ad me rediens, quam sim miser & infelix agnovi. Et hoc feci, *dum configitur spina.* Per spinam, omne peccatum ideo accipitur, quia dum confert delectationem, quasi pungendo lacerat mentem. Tunc autem pœnitentis anima ad lamentum ducitur, cum perpetrata nequitia in memoria fixe retinetur. In translatione non configi, sed confringi spina dicitur: quia nimirum mens ad luctum vertitur, ut peccati compunctio pœnitendo frangatur. Quomodo autem sit conversus, ostendit, dum subdit:

vers. 5.

Delictum meum cognitum tibi feci, & injustitiam meam non abscondi.

5. Quamvis omnia sint nuda &

aperta oculis tuis, tamen quia ore confessio fit ad salutem, feci tibi cognitum delictum, dicens illud esse meum. Mihi enim, quia deliqui imputo, me solum in operum meorum pravitate culpabilem clamo. Plus est delictum cognitum facere, quam delictum manifestare. Ille enim delictum cognitum facit, qui non solum quod fecit annuntiat, sed etiam omnem peccati causam & originem narrat. Qui non superficie tenus peccatum loquitur, sed & quando, & ubi, & quomodo: & si vel ignorantia, vel casu, vel studio deliquerit, confitetur. *Et injustitiam meam non abscondi.* Nullum in corde meo dolositatis scrupulum retinui: injustum esse quidquid a me habeo intimavi. Omne enim datum optimum, & omne donum perfectum desursum est: *Delictum meum cognitum tibi feci, & injustitiam meam non abscondi.* Non solum quod deliqui, quæ mihi facienda fuerant bona prætereundo aperui; sed quidquid commisi, quæ prætereunda fuerant mala faciendo narraui.

Hebr. 4. 13.
Rom. 10. 10.
Ad perfectam confessionem narrandæ sunt omnes peccati circumstantiæ.

Dixi, Confitebor adversum me injustitiam meam Domino; & tu remisisti impietatem peccati mei.

vers. 6.

6. Quod delictum meum cognitum tibi feci, quod injustitias meas non abscondi, non fuit ex necessitate, vel alicujus levitatis occasione, sed ex pœnitendi & confitendi præmeditatione. Nam *Dixi*, id est in corde meo statui: *Confitebor adversum me injustitiam meam Domino.* Adversum se confitetur qui omnino confitetur quod aperit. Qui in peccati confessione sibi non parcat: quidquid peccavit, non Deo imputat, non Deo annotat, non fortunæ attribuit, non diabolo, non constellationi adscribit. In eo autem evasurum se credit, si sibi iratus se sine moderatione accusat. *Et tu remisisti impietatem peccati mei.* Attende quantæ sit indulgentiæ vitalis velocitas,

Non alterius quam sibi peccatum imputandum.

Indulgentiæ divinæ velocitas.

tas,

tas, quanta misericordiæ Dei commendatio, ut confitentis desiderium comitetur venia, antequam ad cruciatum perveniat pœnitentia; ante remissio ad cor perveniat, quam confessio in vocem erumpat. *Tu remisisti impietatem peccati mei.* Tu qui solus parcis, qui solus peccata dimittis, quis enim potest dimittere peccata, nisi solus Deus? *remisisti impietatem peccati mei: projecisti post tergum tuum omnia peccata mea.* Non solum peccatum remisisti, sed etiam ipsam impietatem, pravæ scilicet operationis intentionem; ut jam nulla in corde meo malitiæ radix remaneat, ex qua pestiferæ actionis de cætero germen succrescat.

Luc. 5. 21.
Isai. 38. 17
Isa. 3.

Verf. 7.

Pro hac orabit ad te omnis sanctus in tempore opportuno.

Job. 14. 4
sec. lxx.

7. Scriptum est quia *nemo sine peccato, neque infans cujus est unius diei vita super terram.* Et iterum Job testatur, quia *cæli non sunt mundi in conspectu ejus, & in Angelis suis reperit pravitatem.* Quanto ergo electus quisque majori sanctitate præminet, tanto magis de his, sine quibus hæc vita non ducitur, venialibus peccatis dolet. Quis autem sanctior Paulo, qui cum delectaretur Legi Dei secundum interiorem hominem, & aliam Legem in membris suis, Legi mentis suæ videret repugnantem, miserum se exclamans commemorat, & de se diffidens, de corpore mortis illius per Dei gratiam liberari expectat? Idem nihil sibi conscius fuerat, sed nequaquam in hoc se justificatum credebat. Sancti etenim viri licet magnis jam virtutibus polleant, habent tamen adhuc de culpæ obscuritate quod feriant. Et licet magna jam vitæ claritate luceant, aliquas tamen peccati nebulas, velut quasdam noctis reliquias, nolentes trahunt. Quod divinæ profecto pietatis dispensatione agitur, ut qui

Job. 15. 15.
Eccl. 4. 18.

Orat pro
suis Sanctis, quia
nullus est
peccati ex-
pers.

Rom. 7.

2. Cor. 4. 4.

Psal. 83. 6.

ascensiones in corde suo disposuit; ad humilitatis celsitudinem sua melius infirmitate sublevetur: quatenus unde parva reprehensibilia humiliter patitur, inde verius in justitiæ virtute roboretur; & eo se in virtutis culmine erectus minimum sentiat, quo suis viribus etiam parva quæ eum impediunt, non expugnat. Orat ergo pro remissione peccati omnis Sanctus: quia sine peccati macula solus invenitur homo Jesus Christus. Denique de ipso solo legimus, quod non haberet quotidie necessitatem, quemadmodum sacerdotes, prius pro suis delictis hostiam offerre, deinde ^a pro populi.

Heb. 7. 27.

a

8. Verum ne aliquid intelligas transitorium, appeti in oratione Sanctorum, adjungitur, *Ad te.* Electi etenim Dei orantes ut ad Deum perveniant, infirmitatis suæ incessanter excessus deplorant: quia & inde refectionis intimæ dulcedinem sentiunt, unde vim suavissimi amoris per lacrymas emittunt. *In tempore opportuno.* ECCE nunc tempus acceptabile, ecce nunc dies salutis, dicit Apostolus. Tempus opportunum, tempus gratiæ, dies remissionis, plenitudo temporis: in quo propter nimiam caritatem suam qua dilexit nos Deus, misit filium suum ex muliere, factum sub Lege: ut eos qui sub Lege erant, redimeret, ut adoptionem filiorum reciperemus. Sed quid est, quod dicit: *In tempore opportuno?* Numquid & ante adventum Christi non exstiterunt Sancti, qui orarent pro hac sua & populi ignorantia? Fuerunt plane: sed quia ipsum in carne venturum expectabant, eumque solum Salvatorem suum esse sciebant, per ejus nimirum fidem salvati sunt. Jamque illud tempus opportunum in corde susceperant; quia ad ipsum toto cordis desiderio nihil hæsitantes suspirabant.

Sancti in
oratione
nihil transi-
torium pos-
tulant.

2. Cor. 6. 22.
Ephes. 2. 4.
Gal. 4. 3.
Nunc orandi
tempus
est opportu-
num.

Verum tamen in diluvio aquarum Verf. 7.
mul.

a In Rembol. Vatic. & Gilot. per populo.

multarum, ad eum non approxima-
bant.

Prov. 18. 47.
Prov. 9. 27.
Illud non
inveniunt
insuperbi hz-
retici.

Hebr. 13. 9. 9. *Aqua profunda, verba ex ore viri.* Et de hæreticorum adinventio-
nibus scriptum est: *Aquæ furtivæ dulciores sunt.* Per aquarum ergo di-
luvium, multipliciter intelligimus doctrinarum. A quibus nimirum Pau-
lus nos prohibet, dicens: *Doctrinis variis & peregrinis nolite ab-
duci.* Quisquis enim hæreticas & profanas novitates suscepit, longe a veritate abducitur. Et eo ad li-
tus misericordiæ Dei non approxi-
mat, quo inanum garrulitatum flu-
ctibus raptus, in procellosam sedi-
putationum caliginem omnes reci-
piens ineptias jactat. Illis ergo tem-
pus opportunum non est, qui de
tua stulta sapientia inflati, unde
Deum placare debuerant, inde cum
magis per vanarum assertionum blas-
phemiam irritant. Et excusando ex-
cusationes in peccatis, ut ad Deum
veniant non inveniunt remedium,
quem per compendium confessionis
possent habere placatum.

vers. 9.

*Tu es refugium meum a tribula-
tione quæ circumdedit me: exultatio
mea, erue me a circumdantibus me.*

*Ps. ad Deum
non acce-
dunt.*

10. Quasi dicat: Illi in diluvio a-
quarum, id est in multipliciter do-
ctrinarum & excusationum, ad te
non approximabunt: sed ego, qui
delictum meum cognitum tibi feci,
qui injustitias meas non abscondi,
qui a fidei unitate non exorbits,
qui de me diffidens, de multitudine
inisationum tuarum præsumo, ad
te per humilitatem confessionis ap-
proximo. Nam *tu es refugium meum.*

Jer. 17. 5.

MALEDICTUS homo qui spem suam
ponit in homine: & benedictus ho-
mo qui confidit in Domino. Im-
pugnant me carnis illecebræ, cir-
cumveniunt ignominiosæ passiones,
perturbant inordinati desideriorum
tumultus: sed eo tutius omnia despi-
cio, quo de me vilia sentiens, in
solo virtutis tuæ munimine confido.

*Sed qui de
se vilia sen-
sientes, in
Deum adu-
eriam ha-
bent.*

Exultatio mea, erue me. Indivina
contemplationis claritate electorum
mentes quanto graviore rerum tem-
poralium tumultus tolerant, tanto
in meditatione secuturæ in perpe-
tuum felicitatis suavius exultant.
Et cum cœperint eis mundanæ per-
versitatis inæqualitates amarescere,
tunc primum possunt internæ quie-
tis suavitatem sentire. Et quia ni-
hil de seculo, nisi tristitiæ fructus
colligunt, Deum solummodo suum
esse gaudium ducunt. Cæterum quo-
niam secundum Apostolum, *omnes
qui volunt pie vivere in Christo,
persecutionem patientur:* ideo sub-
jungitur: *Erue me a circumdantibus
me.* Sancta etenim anima divini a-
moris spiculis vulnerata, cum an-
helare in Deum cœperit, cum ad
supernam se patriam per desiderium
extendit, ad tentationem ei vertitur
quidquid in hoc seculo amicum an-
tea blandumque putabatur: quia qui
peccantem amare consueverant, re-
cte viventem crudeliter impugnant.
Voluptates nihilominus pristinae ad
memoriam redeunt, & resistentem
sibi gravi aperti certaminis pertur-
batione affligunt. Orat ergo ut in
his omnibus liberationis præsidium
a Deo habeat, metuens ne ipso fa-
tigationis suæ radio devicta suc-
cumbat.

2. Tim. 3. 12.

*Intellectum tibi dabo, & instruam
te: in via hac qua gradieris, fir-
mabo super te oculos meos.* *vers. 10.*

11. Pendent inferiora ex supe-
rioribus. Dixerat enim Propheta su-
perius: *Remisisti impietatem peccati
mei:* nunc vero ipsius propitiationis
divinae verba interferit, in quibus
significat, non solum de præteritis
adeptum veniam, sed etiam de fu-
turis peccatis divinitus sibi provisam
esse cautelam, dicens: *Intellectum
tibi dabo, & instruam te.* HOMO
cum in honore esset, non intellexit;
comparatus est jumentis insipientibus
& similis factus est illis. Qui na-
turæ

*Deus non
solum præ-
terita pec-
cata dimittit,
sed a
futuris tue-
tur.*

1. Cor. 13. 21.

Intelligen-
tiæ lumen
infunden-
do.

turæ rationalis dignitatem contra au-
ctoris nostri præcepta superbiendo
perdidimus, per infusam cordibus
nostris Spiritus sancti gratiam, quam
in nobis peccatum obscuraverat, in-
telligentiæ lucem confessionis humi-
liatione revocamus. Cum enim ad
secretarium cordis accedimus, &
quam districtus iudex futurus sit,
qui nunc est patiens & longanimis,
consideramus; cum ad intuenda San-
ctorum præmia, & iniquorum da-
mnationem oculos mentis attollimus;
cum de futuris incerti, ne labamur
metuimus; & ea quæ male egimus,
flendo punimus: tunc nimirum sa-
lutari a Deo intellectu accepto, de
cordis nostri habitaculo ignorantiae
tenebras effugamus. Sed quia minus
est recte intelligere, nisi studeat
quis recte intellecta morum honestate
compleri, adjungitur: *Et instruam
te*. Non te permittam perfunctorie
voluntatis meæ arcana cognoscere,
sed & hoc tibi conferam, ut etiam
bonum quod intellexeris, peragas:
& qualiter id agendum sit, cauta
consideratione discernas. Sunt nam-
que nonnulli, qui recte quidem of-
ferunt, sed recte dividere non sciunt:
quia bonum quodlibet recta inten-
tione incipiunt, sed habere in eo-
dem bono opere discretionis virtu-
tem postponunt. Hi nimirum quod
bene incoant, malo plerumque sine
consummant: quia inde reatum in-
currunt criminis, unde fructum ha-
bere potuerunt virtutis.

Et perseve-
rantia do-
num conse-
cundo.

12. Quia vero nihil est bonum
quod incipimus, nisi perseveranti
illud sine compleamus, recte subdi-
tur: *In via hac qua gradieris firma-
bo super te oculos meos*. Quamdiu
hic vivimus, in via sumus, qua
ad patriam tendimus. Maligni au-
tem spiritus iter nostrum quasi qui-
dam latrunculi custodiunt, & operi
nostro insidiantes, deceptionis suæ
ubique laqueos tendunt. Facile ergo
inter laqueos ambulantes labimur,

Tom. XIV.

nisi sapientiæ Dei ducatu guberne-
mur. In hac vero via ille non gra-
ditur, qui temporalium rerum vel
copiam cupiens, vel inopiam me-
tuens, a rectæ operationis studio
revocatur. Sed quoniam is qui spi-
ritu Dei operatur, non desidia cor-
rumpitur, non timore repellitur,
non labore lassatur, non incongrue
subjungitur: *Qua gradieris*; quid ni-
mirum semper de virtute in virtu-
tem graditur, qui a sanctæ opera-
tionis studio nulla antiqui hostis cal-
liditate superatur. Super eum ergo
qui in hac via graditur, Deus ocu-
los suos firmat: quia quicumque
boni propositi intentione non defi-
cit, respectus ab eo divinæ miseri-
cordiæ nunquam recedit: quatenus
eum semper in omnibus adiutorem
habeat, ad quem insufficientis amo-
ris desiderio incessanter anhelat. Unde
& alibi per eundem Prophetam
scriptum est: *Oculi Domini super
iustos*.

Psal. 33. 16.

*Nolite fieri sicut equus & mulus: vers. 17.
quibus non est intellectus.*

13. Sancti viri cum mala sua su-
perant, cum ad superna intuenda
bonorum operum perfectionibus vo-
lant, nihil esse quod faciunt depu-
tant, nisi etiam alios ab errore com-
pescant. Scriptum enim est: *Cari-
tas non querit quæ sua sunt*. Solli-
citiæ ergo discretionis inspectione in
secretis cordium ipsam matrem vir-
tutum caritatem exquirunt, quam
profecto se non habere comperiunt,
nisi omnibus etiam inimicis eadem
velint tribui, quæ sibi optant im-
pendi. Unde sancta anima quæ per
confessionis vocem peccata sibi di-
missa non dubitat; & ipsius promissio-
nis divinæ oraculo roborata, in
eo quod superest viæ hostium insi-
dias incurrere non formidat, ad
proximos alloquendos convertitur,
& ne ipsi ab hac immensitate pie-
tatis Dei inveniantur exsortes, hor-
tatur, dicens: *Nolite fieri sicut e-*

Sancti viri
non de sua
tantum, sed
etiam de a-
liena salute
solliciti
sunt.

1. Cor. 13.

L

quus

quus & mulus. Ac si dicat: Quoniam quidem ad naturæ vestræ statum pietas divina vos revocat, & similitudinis suæ imaginem quam inobedientia destruxerat, benignitas Salvatoris nostri in vobis reformat: nolite divitias bonitatis Dei contemnere: nolite sicut equus alienum sessorem indifferenter portare. Equus enim sicut dominum suum ad portandum recipit, ita etiam sine discretionem alios, qui volunt ascendere, sessores admittit. Qui ergo timore Dei postposito, qui Dominus omnium est, diabolicæ se potestati subjecerit, & animam quæ sedes sapientiæ esse debuerat, fallacis domini ditioni mancipaverit, sine intellectu proculdubio sicut equus existit. Mulus vero sicut onus domini sustinet, ita se cuilibet extraneo onerabilem præbet. Quisquis itaque Domini illius, cuius jugum suave, & cuius onus leve, præcepta rejiciens, gravissimas peccatorum sarcinas ferre non recusaverit, irrationabilem se profecto sicut mulum ostendit.

Alium sessorem non admittamus præ er Deum.

Mat. II. 30.

Vers. 12.

Adversitates peccatoribus precari licet, ut coercean-
tur.

Isai. 22. 29.

In camo & freno maxillas eorum constringe, qui non approximant ad te.

14. Plerumque qui præcepta Dei aure cordis audire renunt, persecutionum verberibus admonentur, ut ad virtutis amorem pœnarum dolores pertrahant, quos æternæ vitæ præmia non invitant. De quibus nimirum scriptum est: *Sola vexatio intellectum dabit auditui*. Sæpe etenim amator præsentis seculi ita ab eodem, quem diligit, mundo despicitur & impugnatur; ut cum eo nequaquam currere valeat, sed fractus adversitate torpescat. Quod divinæ profecto dispensatione miserationis agitur: ^a quia in hoc mundo despectus, tanto celerius trahitur ad Deum, quanto nihil habet in seculo ubi delectetur. Orat igitur fidelis anima, ut lubricos pec-

cantium cursus mundana adversitate virtus divina coerceat: quatenus erroris sui desideria sequi non valeant; & hoc modo ad se reversi, saltem ex difficultate & impotentia peccandi resipiscant. Possumus quoque per camum & frenum verba divinæ Legis accipere: quæ quia peccantibus aliquando graviter minantur de pœna, aliquando suaviter blandiuntur de venia, dum in ora fidelium veniunt, vagos eorum gressus more freni & cami reflectunt. Maxillas constringunt, quia vocem jactantiæ comprimunt; dum qui ex vitio superbiæ solebant jactare merita, per humilitatis virtutem discunt confiteri peccata. Quare autem tantopere pravorum hominum etiam invitam conversionem exoptet, ostendit cum subdit:

Divinæ Legis freno sunt cohibendi.

Multa flagella peccatoris: sperantem autem in Domino misericordia circumdabit.

Vers. 13.

15. Qui enim per superbiam erectus contra Conditorum peccata augere non desierit, & hic curarum adversantium flagellis affligitur, & in futuro duplici nihilominus contritione conteretur. Cui si ad iniquitatis suæ cumulum peccanti contigerit exterius proficere, hoc ipsum sibi est divinæ animadversionis flagella tolerare: quia modo in conspectu Dei eo ipso interius dejicitur, quo falsa gloria in conspectu hominum exterius elevatur. Et illi sua in pœnam vertitur culpa: quia hoc ipsum fuit vere intus cadere, quod foras ostenditur proficisse. Hæc quidem prædicta inconfidentes inveniunt: *Sperantem autem in Domino misericordia circumdabit*. Diligentibus enim Deum, omnia cooperantur in bonum. Qui in amorem cœlestium fixus, seculum perfecte despexerit, nulli omnino vanitati succumbit, nulla hunc adversitas dejicit: nulla prosperitate corrumpitur:

Flagella Dei in reprobos. Jerem. 17.

Erea justos misericordia.

Rom. 8. 28.

tur: flagellis proficit: quippe qui ea aut quæ perpetravit peccata obliterat, aut quæ perpetrare poterat, futura devitat. Et sibi omnia fore existimat prospera, quæ a dilectoribus mundi putantur adversa.

Vers. 14. *Lætamini in Domino, & exsultate justi: & gloriamini omnes recti corde.*

Solis iustis lætati datur. 16. Quasi diceret: quandoquidem sperantes in Domino misericordiæ divinæ clypeo muniuntur: *Lætamini in Domino, & exsultate justi.* Non est impii gaudere, dicit Dominus: quia qui terrenarum rerum amore vincitur, in Deo nullatenus delectatur. Et quanto quis ad temporalia acriore cura exarserit, tanto magis ab æternis damnabili torpore frigeſcit. Iustis ergo solummodo ut in Domino lætentur dicitur: quia qui Deum toto corde non diligunt, in eo lætari, quamdiu secularibus delectantur, non possunt. Scriptum

Jacob. 4. 4. est enim: *Quicumque amicus hujus seculi esse voluerit, inimicus Dei constituitur.* Neque enim possumus hic gaudere cum seculo, & illic regnare cum Christo. Sed iusti tantum in Domino exsultant; quia ita extra mundum sunt facti, ut nec prosperari in mundo cupiant, nec adversa pati nullo tacti præsentium amore pertimescant. Et notandum,

Et omni tristitia care. quia non solum *lætamini* dixit, sed etiam *& exsultate* adjecit: ut intelligas, eos non posse tristari in corpore, quibus divinæ claritas miserationis fulget in mente. *Et gloriamini omnes recti corde.* Illi quidem qui habent cor ad terrena distortum, non gloriantur in Domino: quia spem suam posuerunt in mundo. Vos autem qui cor vestrum secundum Dei voluntatem dirigitis, in spe beatitudinis æternæ gloriari debetis: *ut qui gloriatur, in Domino gloriatur.* Illa namque sine dubio est vera gloria, quam nullius mortis obtenebrat pœna.

P R O O E M I U M

in tertium Psalmum penitentialem?

Psalmus David in rememorationem de Sabbato.

Sabbatum requies interpretatur. *Felix primi hominis status.* Sabbatum humanum genus in primo parente habuit, qui quamdiu in Conditoris sui obedientia perstitit, in suavissimo contemplationis divinæ lecto requievit. In paradiso namque primus homo deliciis potitus, sicut nullam in anima poterat sentire esuriem, ita etiam omnem quæ ex carne nascitur, ignorabat passionem. At postquam divini colloquii peccando familiaritatem perdidit, mortis legibus succumbens, requiem felicitatis æternæ amisit: & in procellosos mundanæ instabilitatis corrui fluctus, quia statum rectitudinis servare contempsit. Fidelis ergo anima requiem in primo homine perditam ad memoriam revocans, & futurum nihilominus vitæ æternæ Sabbatum spiritus agilitate contemplans, ab omni spiritus & carnis optat corruptione eripi, & ad futuram indeficientis beatitudinis requiem, consummato hujus vitæ termino, orat sine cessatione produci. Ait ergo.

E X P L A N A T I O.

Tertii Psalmi Penitentialis.

Psal. 37. Vers. 1.

Domine, ne in furore tuo arguas me, neque in ira tua corripas me. *Ignis purgatorii quam formidandus.* 1. Quasi dicat: Scio futurum esse, ut post hujus vitæ exitum alii flammis expientur purgatoriis, alii sententiam æternæ subeant damnationis. Sed quia illum transitorium ignem omni tribulatione præsentis æstimo intolerabiliorem, non solum in furore æternæ damnationis opto

L. 2.

non.

non argui, sed etiam in ira transeuntis timeo correptionis purgari. Tu ergo, Domine, cui in spiritu meo servio, quem omnium Salvatorem esse cognosco, ne arguas me in furore damnationis perpetuæ, neque corripas me in ira expurgantis vindictæ. De furore & ira, quia

In Psal. 8.

Quoniam sagittæ tuæ infixæ sunt mihi: & confirmasti super me manum tuam.

Vers. 2.

Quæ sagittæ homini peccanti infixæ.

2. Quanto quisque plus cœperit quod amisit intelligere, tanto plus incipit corruptionis suæ sententiam, quam subivit, lugere. Fidelis ergo anima perpendens quod perdidit, considerans quod invenit, videns se a paradisi gaudiis venisse ad miseriae vitæ præsentis, a societate Angelorum transisse ad curas necessitatum: pensat quod subjacet periculis, quæ peccando gloriam perdidit æternæ incorruptionis. Novit etiam quia mortem nulla possit ratione evadere, quæ posset, si non peccasset, semper vixisse. Has ergo sibi sagittas infixas esse conqueritur: quia jam nobis est naturaliter inditum, quod primo homini fuit pro culpæ vindicta illatum. Mortalitas & passibilitas, sunt sagittæ quæ nimirum nobis infixæ sunt; quia quamdiu in præsentī seculo vivimus, ab eis liberari aliqua ratione nequimus. Dicat ergo fidelis anima: Quandoquidem pro originali commissio mortalitatis effectus, magnam hujus seculi miseriā sustineo, pro me autem poenitentiam ago; tu qui visitabis iniquitates in virga, ne impleas amaritudinibus universa: sed cum in hoc seculo peccati poenam lugeam, saltem in futuro districtæ animadversionis terrorem evadam.

Quod ut facere debeas, confirmasti super me manum tuam. Sicut studiosus magister frequenter verberare puerum corripit, ita a metus vindictæ manus nunquam recedit. Per manum Domini, quam super se asserit confirmatam, miseriae frequentiam & assiduitatem intellige. Quam ideo memorat, ut tanto facilius in futuro acquiratur venia, quanto major hic fuit irrogata vindicta. Possumus etiam per sagittas verba Dei intelligere, quæ corda quidem nostra transfodiunt, cum nobis altius infixæ, amoris Dei nos vulnere compungunt. Quomodo autem sit continua hæc poena quam patitur, ostendit, dicens:

Non est sanitas in carne mea a facie iræ tuæ: non est pax ossibus meis a facie peccatorum meorum.

Pœnæ quibus homo subjacet in corpore.

3. Caro humana, ex quo maledictionis promeruit sententiam, portare non destitit peccati continuam poenam. Et quia nos ejus incessanter infirmitas debilitat, iræ Dei faciem nobis indefinenter repræsentat. Portamus namque corpus mortale, doloribus obnoxium, indigentis impeditum: quod nimirum tentationes sollicitant, sollicitudines angustant, angustia contemunt, contritiones affligunt; quodque etiam si aliquando videatur esse validum, ipsa sua valetudine magis invenitur infirmum. Quid enim infirmius, quam assidue fame tabescere, difficultate somni languere, frigore dissolvi, æstu torrerī? Quæ autem sanitas esse potuerit, ubi tot malorum multitudo concurrat? Dicat ergo fidelis anima: Non est sanitas in carne mea. Ut videlicet corpus infirmum esse sentiat, quod tam facile passionum inæqualitas permutat. Ne autem intelligas propter peccati poenam non infirmari in mente, quia dixerat sibi non esse sanitatem in carne, subjungit: Non est pax ossibus meis a facie pec-

Et in mente

cato-

gatorum meorum. Sicut jam dictum est, per ossa virtutes accipimus, quia sine eis nullum in anima robur habemus. Omnes autem virtutes in conspectu Dei vicaria ope se sublevant, nec virtutes veræ sunt, si a se invicem aliqua diversitate discordant. Una enim virtus sine altera, aut omnino nulla est, aut minima. Si enim aut castitatem humilitas deferat, vel humilitatem castitas derelinquat, cum Deus detestetur tam superbiam, quam immunditiam, quomodo oculis ejus accepta erit castitas elata, vel humilitas immunda? Non enim bona accepta sunt Deo, quæ malorum admixtione maculantur; quia *modicum fermentum totam massam corrumpit*: & qui in uno offendit, multa bona perdit: & qui sine humilitate virtutes congregat, quasi in ventum pulverem portat. Quia ergo virtutes animæ aut vitiis impugnantur, aut plerumque elatione deprimuntur, recte nunc dicitur: *Non est pax ossibus meis a facie peccatorum meorum*: quotidieque peccatorum pœnam patior, quam in ipsa peccatorum facie contemplor. Et quia sentio pœnam recogito culpam. Vel: *Non est pax ossibus meis a facie peccatorum meorum*; quia videlicet nullam anima mea potest habere requiem, donec aliquam peccati in se habeat recordationem.

Quoniam iniquitates meæ supergressæ sunt caput meum: & sicut onus grave gravatæ sunt super me.

4. Quasi dicat: Non est mirum si non est pax ossibus meis: nam iniquitates meæ gravatæ sunt super me sicut onus grave. Iniquitas in talento plumbi sedet. Plerumque anima amoris Dei desiderio accenditur, adeo ut etiam ad summa ambienda sustolli videatur: sed quia gravi peccatorum pondere premittur, eo citius ad ima labitur, quo admissorum conscientia interius gra-

vatur. Et quidem ascendere ad Deum ea qua potest virtute nititur, sed ipso suo conamine lassata, relabi compellitur. Causam vero tantæ gravitatis præmisit, cum ait: *Quoniam iniquitates meæ supergressæ sunt caput meum*. Nisi enim iniquitates principale cordis mei superando transcenderent, nequaquam tanta me pravorum operum depressione gravarent. Sancti namque viri, si quando in mente tentationes tolerant, illicitum cordis appetitum magna virtutis dominatione refrenant: ne si in aliquo lapso tentatori consentiant, non jam cogitationum suarum, sed servi crudelium dominorum existant. Cum enim diabolicis anima subesse suasionibus cœperit, quanto se hosti callido crebrius subjicit, tanto eum sibi intolerabilior facit: ut ei jam in nullo resistere valeat, qui in uno sui oblita assensum præstat. Solerter itaque vigilandum est, ut cum pulsare mentem culpa incoat, peractam culpam quis finis sequitur, attendat: ne si malæ suasionis blandimenta non perspiciat, in nequissimæ tenebras perpetrationis nesciens ruat.

Putruerunt & corruptæ sunt cicatrices meæ, a facie insipientiæ meæ. Vers. 5.

5. Fidelis anima quæ in seipsam, sibi non parcens, vehitur, deteriora adhuc de se quam prius dixerat, confitetur, dicens: *Putruerunt & corruptæ sunt cicatrices meæ*. Super curatum vulnus cicatrix obducitur, dum signum præteritæ plagæ in resarcita cute monstratur. Quæ nimirum cicatrix necessario corrumpitur, si caro sanata iterum vulneratur. Ubi quanto magis extenditur inæqualitas corporis, tanto difficilius ostenditur efficacia curationis. Sed quid per vulnus, nisi peccatum exprimitur? Quid vero per cicatricem, nisi pœnitentiæ actio designatur? Qui enim per pœnitenti-

Huius gravitatis causa.

In peccatum relabentium insipientia.

Ps. 5. 6.

Vers. 4.

Peccati pondus & gravitas. Zac. 5. 7.

lamenta peccatum corripit, quasi cicatricem vulneri superducit. Quod si dimissa nequitia mentem iterum ad delectationem pertrahunt, superductæ vulneri cicatrices putrescunt. Cicatrices namque putrescere, est sanata jam peccatorum vulnera rursum in tentationem serpere, atque de eorum iteratione delectationem sentire. Cicatrices computrescere, est ex peccatorum suggestionibus post superductam cutem poenitentia, dolorem iterum culpæ in occulto cordis per putridas cogitationes perpeti, & tandem per opus miserum quasi effuso fœtore corrumpi. Quare autem hoc sibi contigit, ostendit cum ait: *A facie insipientia mea*. Sicut summa prudentia est, aliquem post acceptam poenitentiam sollicitæ sibi circumspeditionis studio in posterum prospicere, ita miserabilis insipientia est in istius vitæ ambiguo quasi accepta securitate dormire. Per insipientiam ergo negligentia, vulnus jam sanatum computruit: quia dum per studium vigilantia mens ingrata sibi in posterum providere noluerit, miserabilius ea quæ prius abdicaverat, mala committit.

Vers. 6.

Miser factum sum, & curvatus sum usque in finem: tota die contristatus ingrediebar.

Nemo infelicior, quam qui suam infelicitatem non cognoscit.

6. Tanto unaquæque anima fit pretiosior ante oculos Dei, quanto fuerit despectior ante oculos suos. Quid autem infelicius, quam infelicitatem suam non cognoscere, & inter ipsa vitæ discrimina nullum infirmitatis dolorem sentire? Sicut enim phrenetici mentis alienationem tolerant, cum se non solum nihil pati, sed etiam incolumes putent: ita qui mortali carne circumdatus, ærumnas præsentis vitæ non senserit, a virtute sapientia alienus exsistit. Innumerabiles namque humanæ dejectionis miseria, sicut corda ju-

storum gravi tristitia dolore concutunt, ita iniquorum mentes ipsa sua importunitate delectant. Cum enim omni vanitati^a patentes, sola quæ carnis sunt cogitant, & lacrymarum causas tripudiantes peragunt, mortis suæ negotium ridentes exsequuntur. De quibus profecto scriptum est: *Quia latantur cum male fecerint, & exsultant in rebus pessimis*. Verum qui ad Sabbathum quietis æternæ pervenire desiderat, circumspeda quas patitur miseriarum multitudinem, seipsum humilians dicat: *Miser factus sum, & curvatus sum usque in finem*. Usque in finem curvatur, qui iniquæ voluntatis studium usque ad effectum pravi operis terrenis inhians, protrahit; & ad cœlestia ambienda non solum non per gradum operis, sed nec per intentionis volatum asurgit.

Prover. 2. 14.

7. Sed quia culpam sæpe sequitur poenitentia, & plerumque qui cadit, adjicit ut resurgat, sequitur: *Tota die contristatus ingrediebar*. Cum sollicito se timore mens humana circumspiciens, modo quæ egit mala enumerat: modo quæ agere neglexit bona ad memoria revocat: modo reprehensibilia esse in quibus versatur, conspicit: modo sibi recta opera adhuc deesse perpendit: quia malorum tantorum in se remedium non invenit, tristitia intolerabilis pondere prægravata tabescit: & tanto se durius in cogitatione dilaniat, quanto terribilius esse quod imminet iudicium pensat. Tota autem die contristatus ingreditur, qui miseriam esse deputat, si quando ei prosperitas seculi fallaciter pernicioseque blanditur, sicut in Canticis canticorum Sponsus ad sponsam loquitur, dicens: *Oculi tui columbarum*. Columba enim pro cantu gemitum habet. Quia ergo sancti viri seculi blandimenta timen-

Sancti blandimenta seculi timent, & cum luce tolerant.

Cant. 4. 13

res

^a Rembol. parentes.

tes & dolentes cum luctu & gemitu tolerant, in quibus amatores mundi securi & gaudentes exultant, sancta Ecclesia columbis assimilatur: quia inde Sanctus omnis cum dolore ingemiscit, unde iniquus quisque cum gaudio hilarescit. Unde per Salomone dicitur: *Risum reputavi errorem, & gaudium dixi, Quid frustra deciperis?* Quare autem contristatus, viam præsentis vitæ ingrediatur, ostendit dicens:

Ecl. 2. 2.

Vers. 7.

Quoniam lumbi mei impleti sunt illusionibus: & non est sanitas in carne mea.

Quot modis
diabolus nobis
illudat.

8. In lumbis carnalis delectatio continetur, & inde nimirum humana generatio propagatur. Possumus ergo per lumbos animam accipere: quia sicut ex lumbis carnales delectationes prodeunt, ita ex anima omnes cogitationes procedunt. Deinde cum illiciti operis tentatio subrepat, per vanarum cogitationum phantasmata spiritus malignus illudit. Sæpe namque sanctorum etiam virorum mentes, cogitationes illicitæ pollunt: & eas jam ad summa tendentes, terrenarum rerum delectationibus tanguat. Sæpe etiam in ipso orationis tempore importune se illis ingerunt; ut hoc ipsum sacrificium aliquo modo commaculare valeant, quod in odore suavitatis Deo acceptum, contrito corde & contribulato spiritu mactatur. Quod nobis aperte illud quod de Abraham scriptum est, innuit: quia circa solis occasum sacrificium offerens, insistentes aves pertulit, quas ne oblatum raperent sacrificium, sollicitè abigere curavit. Nos ergo si quando in ara cordis sacrificium Deo offerimus, a malignis hoc spiritibus sollicitè custodiamus; ne tenebrarum importunitates cogitationum hoc aliquando valeant diripere, quod Deo speramus utiliter offerre. Quod autem sequitur; *Non est sanitas in carne mea*; idem est

Gen. 15. 11.

quod ait Apostolus: *Non invenio in me, hoc est in carne mea, bonum.* Omnia namque corporis membra quæ ad usum vitæ accipimus, ad erroris materiam inclinamus. Oculos enim ad videndum obscena & turpia insecutimur: aures libenter ad audiendas detractiones accomodamus: illecebrosos odoratus naribus haurire concupiscimus: iniquitatem in excelsis loquimur, & inter fratres discordiam seminamus: salutem etiam corporis redigimus in usum vitiorum: omnia tandem quibus uti utiliter possemus ad Dei servitium, in pravi operis convertimus instrumentum. Non est in carne nostra sanitas: quia nulla pars nostri corporis intentata remanet, per quam nos peccati desiderium non titillet. Sequitur.

Afflictus sum, & humiliatus sum nimis: rugiebam a gemitu cordis mei.

Vers. 8.

9. Qui enim dixerat, *Non est sanitas in carne mea*: ne forte in anima nihil pati putaretur, subiecit: *Afflictus sum, & humiliatus sum nimis.* Ut intelligas in anima gravissimo iniquitatis pondere obrutum, quem in carne vides tormentis & passionibus afflictum. Peccatum enim sicut peccantis mentem retibus delectationum illaqueat, ita etiam implicitam quasi mole superposita gravat; ut ad sublimia levare jam non valeat, quoniam iniquitatis eam gravitudo coarctat, sicut per Psalmistam dicitur: *Filii hominum usquequo gravi corde?* Plerumque enim & quæ agenda sunt bona conspiciamus, & ad hæc assurgere cordis desiderio non valemus. Et si forte mens aliquando ad bonum anhelare incipiat, gravitas quam sustinet, cogit ut cadat: quia ex pœna peccati est, ut a bono quod per rationis iudicium clare conspicitur, per vitæ meritum anima infirma pellatur.

Gravissimo
peccati pondere
in corpore & in anima
obrutum.

Psalm. 4. 3.

Unde

Unde sit, ut quia ad supernam lucem intuendam non valet ascendere, peccatis exigentibus delectetur in tenebris jacere: & quam a supernis dejecit necessitas, eam in infimis illicita teneat voluptas. Nimis ergo humiliatus est, qui ex peccati poena non solum coelestia non appetit, sed etiam carnalibus & terrenis cum amore & delectatione intendit. Sed quia plerumque tanto citius ad Deum anima convertitur, quanto longius se ab eo separatam intuetur, adjungitur: *Rugibam a gemitu cordis mei*. Rugitus, gemitus est cordis cum magno dolore: quia quanto vehementius poenitentis animum concutit, tanto velocius ad aures divinae misericordiae conascendit. Et notandum quod dixit: *A gemitu cordis mei*; quia sicut dolorem carnis generat amissio pecuniae & pignorum, ita cordis dolorem confert exterminatio virtutum.

Vers. 9.

Domine, ante te omne desiderium meum, & gemitus meus a te non est absconditus.

Ut ante Deum sit omne desiderium nostrum, terrenam despiciamus, & amemus coelestia.

10. Tale est desiderium meum, ut dignum sit in conspectu tuo. Quia enim requiem pro qua semper est orandum, desidero, esse coram te desiderium meum confido. Sancti viri, quia mundi gloriam contemnentes, supernae claritatis lumine illustrari solummodo cupiunt, divinae majestatis conspectui semper assistunt. Cum enim sola coelestia appetunt, usque ad contemplandum Deum per mentis desiderium ascendunt. Et quia quam dulcis est Dominus interius sentiunt, nunquam ab eo per pravæ voluntatis studium recedunt. Si enim a Deo Elias Propheta aliquo modo discessisset, nequaquam dixisset: *Vivit Dominus, ante cujus conspectum sto*. Quo contra de reprobis dicitur: *Non apparebit in conspectu Dei omnis hypocrita*. Hypocrita enim nequaquam

coelos penetrat; quia per opus bonum non Deum, sed humanas laudes, vel transitorios quæstus affectat. Et quia ad Deum desiderium non dirigit, se ab ejus oculis sub nequitiae latebris abscondit. Qui autem per amorem spiritus coelestia appetit, oculis Dei intentionem suam ostendit. Despiciamus ergo terrena, & amemus coelestia, ut possimus & nos dicere cum Propheta: *Domine, ante te omne desiderium meum*. Qui Deum amat, ipsum solum desiderat. Qui autem eum desiderat, ad ipsum cordis voce clamare non cessat. Nisi enim de corde desiderantis, magnus ad aures misericordis Dei clamor procederet, nequaquam Moyse diceretur: *Quid clamas ad me?* Sicut ergo frigescente caritate cor a bonis fileat: ita clamorem emittit, cum caritas fervet. Et notandum, quia dicturus desiderium, præmisit, *omne*; ut intelligas illud Deo non posse placere desiderium, quod pravæ voluntatis commaculat additamentum. *Et gemitus meus a te non est absconditus*. Omne desiderium in poenam convertitur, si non cito evenierit quod optatur. Desiderium enim non sustinet, quia sicut scriptum est: *Cupiditati ipsa celeritas tarda est, & cupienti animo nihil satis festinatur*. Quisquis ergo de Deo in corde desiderium concipit; quia statim quod optat non obtinet, ingemiscit. Igitur a hoc animo cum præmisisset desiderium, statim adjecit gemitum, dicens: *Et gemitus meus a te non est absconditus*. Quasi dicat: Quia desiderium quod de te concipio, per judicium approbas, ideo dolorem quem inde sustineo, non ignoras. Scire enim Dei, approbare est: sed nescire, est reprobare. Moyse namque dicit: *Novi te ex nomine*. Et reprobis in fine dicturus est: *Nescio vos*. Non ergo a Deo absconditur gemitus, qui

Cordis voce ad Deum clamandum.

Exod. 14. 15.

3. Reg. 17. 2.
Job 33. 26.

Exod. 33. 12.
Mat. 35. 12.

qui illi spiritui qui discretor est cogitationum, exsistit acceptus.

Vers. 10.

Cor meum conturbatum est in me, dereliquit me virtus mea, & lumen oculorum meorum & ipsum nunc est mecum.

A Deo derelictus homo tentationum pulsibus concutitur.

II. Ac si dicat: Non est mirum si doleo, si gemo: nam *cor meum conturbatum est in me*. Latrones enim timeo, temporalia damna formido, cœli motus & terræ perhorresco, undique sollicitudinibus angustor, undique angustiis premor, undique pressuris dejicior. Adversitas me deprimit, successus extollit, convicia commovent, adulationes demulcent. Hæc autem omnia ideo patior, *Quia dereliquit me virtus mea*. Humanum cor ad omnem tentationis impulsus facile concutitur, si virtute constantiæ interius non firmatur. Possumus quoque per hanc virtutem, rationalitatem accipere, quæ ita in nobis per peccatum primi parentis hebetata est, ut Dei in nobis offuscantes imaginem, creaturas sequentes, relinquamus Creatorem. Sequitur: *Lumen oculorum meorum & ipsum non est mecum*. Solet plerumque animæ peccanti contingere, ut mox cum in culpam labitur, & a sui cognitione longius separetur. Peccatum enim ipsum quod peragit, quasi murum quemdam oculis se mentis opponit; adeo ut nec unde ceciderit conspiciere valeat, nec bonum quod sibi quærendum sit, cognoscat. Voluntariis namque tenebris obvoluta, quanto malis tenacius adhæserit, tanto difficilius intelligit bona perpetua, quæ amisit. Lux quippe veritatis pravorum culpas subtiliter examinans, si ab opere repellitur, nequaquam in corde versatur. Distincto enim & occulto agitur iudicio, ut a quo inventa negligitur, ab eo postmodum nec amissa requiratur; & qui illam non servat in opere, notitiam illius non habeat in

Tom. XIV.

corde. Sed tunc homo lumen quodammodo intelligentiæ habere incipit, cum cæcitatibus suis tenebras recognoscit. Quicumque ergo claritate luminis divini illustrari desiderat, ignorantiam suam primitus agnoscens caliginem, dicat: *Lumen oculorum meorum & ipsum non est mecum*. Nec vacat quod ait, *Et ipsum*. Ipsum, sine quo cor humanum in tenebris est, sine quo vivere non valeo, sine quo bonum a malo discernere non queo. Sequitur.

Amici mei & proximi mei, adversum me appropinquaverunt & steterunt.

Vers. 11.

12. Sciendum nobis est, quod hi qui spiritu prophetiæ replentur, sicut aliquando verba de se quasi de aliis proferunt, ita nonnunquam de Deo quasi de seipsis loquuntur: ut

Dei Spiritu pleni, aliquando de ipso loquuntur, tamquam de se ipsis.

in hoc quoque quod unum cum Deo sint innuant, cum Dei opera quasi sint sua narrant. Sic etiam fideles quique, quia in corpore Christi, quod est Ecclesia, positi, membra sunt Christi, de eo quasi de seipsis aliquando loquuntur: ut dum verba capitis sui, Christum induti, quasi sint sua enuntiant; alium esse qui per ipsos profatur, ostendant. Spiritus enim sanctus per eos loquitur, sicut ipsa Veritas Apostolis loquens testatur. Ait enim: *Non enim vos estis qui loquimini, sed spiritus Patris vestri qui loquitur in vobis*. Hinc etiam Paulus ait: *An queritis experimentum ejus, qui in me loquitur Christus?*

Col. 1.

Matth. 20. 20.

Ipse est enim qui dixit: *Aperi os tuum, & ego adimplebo illud*. Ipse etiam ait: *Ego ipse qui loquebar, ecce adsum*. Cum itaque non Prophetas, sed se locutum esse denuntiat; profecto quia ipse in eis loqueretur, affirmat. Non autem admirandum est, si de seipso aliquando loquitur, qui intus præsidet: quandoquidem ipse est qui os & animam per officium obsequentis ad-

2. Cor. 13. 2. Psal. 20. 13. Isai. 52. 9.

M im-

Et tenebris cœcatur.

implet. Sic ergo & in hoc loco, enumeratis aliquibus humanæ infirmitatis miseriis, passionem suam commemorat, ut capiti congruere quod convenit membris ostendat: & fiat nobis magnum consolationis remedium, si illum etiam passionis nostræ fieri participem cognoscimus, quem laborum quos patimur, futurum remuneratorem speramus; sicut etiam alias loquitur: *Si me persecuti sunt, & vos persequentur. Ait ergo: Amici mei & proximi mei, adversum me appropinquaverunt & steterunt. Quasi dicat: Non solum membra mea illis, quibus prædictum est, modis conturbantur; sed etiam ego, ut virtutem in primo parente perditam eis restitutam, conturbationem auferam, lumen nihilominus amissum reddam, solus inter mortuos liber, factus sum obediens Patri usque ad mortem. In qua morte, amici mei & proximi mei, adversum me appropinquaverunt & steterunt. Multi ex Judæis amicos se Christi dicebant, multi eum miracula facientem sequebantur: multi eum Dominum, multi vocabant magistrum; sicut legis doctor, qui cum vellet eum capere in sermone, dicebat: *Magister, scimus quia verax es, & viam Dei in veritate doces. Proximos quoque eosdem appellat Judæos, secundum carnis sibi cognitionem propinquos: Neque enim fratres ejus credebant in eum. Qui omnes appropinquaverunt Christo, non mente, sed corpore: non passibus fidei, sed processu nequitiae: non voluntate sequendi, sed intentione nocendi. Quod factum est, quando congregati in atrio principis sacerdotum, qui dicebatur Caiphas, consilium fecerunt, ut eum dolo caperent, & occiderent. Adversus eum steterunt, quando constanter accusabant eum, & quando clamantes**

dicebant: Crucifige, crucifige eum. Marc. 15. 13.

Et qui juxta me erant, de longe

steterunt: & vim faciebant qui quærebant animam eam.

13. Scriptum est enim: *Tunc discipuli omnes relicto eo fugerunt. Et iterum: Stabant autem noti ejus de longe. ET vim faciebant, qui quærebant animam meam. Volente Pilato Christum dimittere, Judæi clamabant: Si hunc dimittis, non es amicus Caesaris. Omnis enim qui se regem facit, contradicit Cesari. Vim ergo faciebant, qui judicem injuste judicare minis & clamoribus urgebant. Animam Christi Judæi quærebant, non ut in eum crederent, sed ut illum perderent. Vel aliter: Vim faciebant, quia sua vi & potestate Christo mortem inferre putabant. Sed ipse eis dicebat: *Nemo tollit a me animam meam, sed ego pono eam, & iterum sumo eam. Et iterum: Potestatem habeo ponendi animam.**

Et qui inquirebant mala mihi, loquuti sunt vanitates, & dolos tota die meditabantur.

14. Mala Christo principes sacerdotum inquirebant, quando falsum testimonium contra eum, sicut Evangelica lectio testatur, quærebant. Et omnibus inquisitis, locuti sunt vanitates. Dicit enim Evangelista, quia non erat conveniens testimonium ipsorum, sicut illorum qui dicebant: *Hic dixit: Possum destruere templum Dei, & in tribus diebus readificare illud. ET dolos tota die meditabantur.*

Non enim casu aut ignorantia peccaverunt, qui scienter mendacia confinxerunt. Graviori ergo poena plectuntur, quia eorum delicta qui ex præcipitatione corruunt, exquisita per studium peccata transcendunt, sicut in eadem passione sua Veritas ait: *Propterea qui me tradidit tibi, majus peccatum habet. Et alibi: Si non venissem, &*

Marc. 15. 13.

Verf. 12.

Matt. 26. 56. Luc. 32. 49. A suis relicto est, inimicis vim inferentibus. Johan. 19. 12.

Johan. 18. 23

Ibidem.

Verf. 13.

Eorum doli & fidei criminationes.

Marc. 14. 59. Matth. 26. 16

a

Johan. 19. 11.

Johan. 15. 22

lo-

ibid. 24. loquutus ei fuisset, peccatum non haberent: nunc autem excusationem non habent de peccato suo. Et iterum: Si opera non fecissem in eis, quæ nemo alius fecit, peccatum non haberent: nunc autem & viderunt & oderunt, & me, & Patrem meum.

Tribus modis peccatur.

Tribus namque modis peccatum admittitur: aut ignorantia incurritur, aut infirmitate committitur, aut studio perpetratur. Sed sicut gravius est infirmitate, quam ignorantia delinquere, ita pejus est studio, quam infirmitate peccare. Ignoranter quidem Paulus peccaverat, qui dicebat: Qui prius fui blasphemus & persecutor, sed misericordiam consecutus sum, quia ignorans feci. Per infirmitatem vero Petrus cecidit, quando mentis suæ ædificium, fidei fundamento titubante concussit. Et quia subire mortem pertimuit, ad ostiariæ vocem, vitam negavit. Unde post fletum amaritudinis a Domino respicitur: quia electi quique eo citius miserationis divinæ divitias inveniunt, quo se, si quando per carnis infirmitatem deliquerunt, durius & amarius affligunt. Ex industria autem Judæi peccaverunt, qui eum quem inaudita miracula facientem videbant, execrabilis invidiæ facibus accensi, ut morti traderent, consilium quærebant. Unde excusationem de peccato suo non habent: quia etsi malum sit bona non agere, tamen nequius est bonorum acta odisse.

Verf. 14. Ego autem tamquam surdus non audiebam, & sicut mutus non aperiens os suum.

In Christo patientiam discamus.

15. Disce qui maledicta & irrationes pateris, in omnibus servare patientiam, & obtrectantium linguas audire. Dissimula, ne si tu contumeliis convicia retuleris, a doctrina Christi extorris inveniaris. Mediator namque Dei & hominum homo Christus Jesus, qui ad hoc venerat, ut humilitatis & patientiæ

præberet exemplum; non solum injurias sustulit, sed nec conviciantibus respondit: nos in hoc instruens, ut cum perfidorum injuriis impetimur, etiam si vera dicere possumus, ad contumelias reddendas non erumpamus, ne ministerium correptionis in arma vertamus furoris.

Verf. 15. Et factus sum sicut homo non audiens, & non habens in ore suo redargutiones.

16. Sicut homo non audiens erat, cui nihil ad objecta respondenti, Pilatus dicebat: Non audis quanta adversum te dicunt testimonia?

Accusatur filius. *Matth.* 27. 13.

Qui cogitationes iniquorum noverat, blasphemantium voces non audiebat. Nulla enim blasphemia eum movere poterat, qui penitus omnem mutabilitatem ignorat, & qui posset eis vera pro falsis respondere; ut adimpleretur quod de eo per Prophetam scriptum est: Tamquam ovis ad occisionem ductus est, & sicut agnus coram tondente se sine voce, sic non aperuit os suum. Redargutiones enim in ore suo Christus non habebat, qui unde eos reprehenderet, nihil in cordibus, nihil in actibus eorum laudabile videbat. In ore redargutiones non habebat, qui unde eos reprehenderet, in promptu habebat, & in ore suo habebat unde posset eos redarguere, ex quo nullus unquam potuit mendacium audire.

Isai. 53. 7.

Quoniam in te Domine speravi: tu exaudies me Domine Deus meus. *Verf.* 16.

17. Quasi dicat: Ideo omnia patienter sustinui, ideo ad eorum contumelias non respondi, quoniam in te Domine speravi. TIBI enim Domine revelavi causam meam: in te Domine speravi; non in sapientia seculi, non in divitiis mundi, non in viribus corporis, non in nobilitate carnis, non in tutamento principum, non in prædiis amicorum. Verba sunt hæc Christi secundum humanam naturam. Sic ergo & membrum Christi, si quando persecu-

In Deo solo sperandum & confidendum. *Jerem.* 20. 12.

tionibus affligitur, si flagellis atteritur, si conviciis provocatur, illum qui propositus est nobis forma iustitiæ, in omnibus imitetur: non deficiat si causa sua non auditur apud terrenum iudicem, sciens quoniam conscius habet in excelsis regem cœlestem. Speret, quia si in hoc seculo immerito accipit damnationis sententiam, a Deo accipiet in cœlo coronam. Sciat quia retributionis æternæ gaudium nequaquam in cœlo colligitur, nisi prius interra cum fletu & gemitu & amaritudine seminetur, sicut scriptum est:

Job. 16.
Paticariæ.
incautiva.

Psal. 125. 6.

Euntes ibant & flebant, mittentes semina sua: venientes autem venient cum exultatione, portantes manipulos suos. Sicut enim carne quiescente spiritus deficit, ita ea laborante convalescit. Et quemadmodum carnem mollia nutriunt, ita animam dura ad alta sustollunt. Illa namque delectationibus pascitur, hæc amaritudinibus vegetatur. Denique illam lenia refovent, istam vero aspera exercent. Et rursus, sicut carnem dura convulnerant, ita spiritum mollia necant. Et sicut carnem laboriosa attenuant, ita spiritum delectabilia angustant. Nos ergo quanto graviora in hoc mundo tentamenta perferimus, tanto spei nostræ anchoram in Deo immobilius figimus; ut dicere veraciter cum capite nostro possimus: *Quoniam in te Domine speravi, tu exaudies me Domine Deus meus.*

Verf. 17.

Quia dixi, Ne quando supergaudeant mihi inimici mihi: & dum commoventur pedes mei, super me magna locuti sunt.

Christi de
Judæis. vi.
etoria.

18. Gavisi sunt Judæi occiso Christo; sed non sunt ei supergavisi, quia in causa mortis ejus ipso sunt inferiores inventi. Qui enim ut a morte redimeret hominem, mortis legibus subjacuit, tertia mox die victoriosissime a mortuis surrexit. Hoc est quod ante omnia secula

clementissimæ dispensationis moderamine sapientia Dei statuerat: Hoc est quod caro sine contagione peccati assumpta evidenter rogabat, cum diceret: *Pater, clarifica Filium tuum.* Hoc etiam multo ante tempore per Prophetam manifestaverat, dicens: *Non dabis sanctum tuum videre corruptionem.* Ipse enim dixit, & facta sunt. Sequitur: *Et dum commoventur pedes mei, super me magna locuti sunt.* Pedes dicti sunt Apostoli: quia sicut pedes corpus deferunt, ita Apostoli Christum in omnium gentium notitiam detulerunt, juxta quod scriptum est: *In omnem terram exivit sonus eorum.* Qui nimirum commoti sunt, quando eum quem pati viderunt, esse filium Dei dubitaverunt; sicut ille qui dicebat: *Nos sperabamus quod ipse esset redempturus Israel.* Pedibus ergo commotis, super Christum inimici ejus magna locuti sunt; quia Apostolis conturbatis & fugientibus, Judæi illum reum esse mortis judicaverunt.

Johan. 17. 2.

Psal. 15. 10.

Psal. 32. 9.

Ejus pedes
Apostoli.

Psal. 18. 5.

Luc. 24. 23.

19. Possunt quoque hæc verba *Fidelis animæ* *hostes* *interiores &* *exteriore.* *fidelis animæ* convenire. Habet namque fidelis anima inimicos suos in hac vita; habet qui contra eam interius dimicent; habet etiam qui eam extrinsecus impugnent. Sed super eam inimici gaudere non valent: quia consilii spiritus & fortitudinis repleta, & suggestiones diabolicas abdicat, & rabiem persequentium calcit. Cujus affectus, si timore aliquo senserint qui persequantur arcem intentionis, proposito promoveri; vel si cognoverint invisibiles hostes pravis eam suggestionibus delectari, tanto graviore tentationes ingerunt, quanto magis de victoria confidentes, quasi unum ingrediendi aditum invenerunt. Difficile enim inimico resistitur, si per suasionibus illius anima delectatur. Ideo ut non supergaudeant mihi inimici mei, confido.

Quo-

Vers. 18.

Quoniam ego in flagella paratus sum : & dolor meus in conspectu meo semper .

Persecutio-
num quas
patimur utri-
litas .

20. Malo enim occidi, quam vin-
ci. Flagella libenter patior, per-
secutiones amplector, visitationes de-
sidero, correptiones concupisco .
Sancti viri in hac vita flagellari de-
siderant; ut flagellis correcti, & im-
minentes culpas videant, & commis-
sas ante oculos ponant. Sæpe enim
delinquentes oculos flagella aperiant,
quos inter vitia insolentiae & secu-
ritatis tenebrae concludunt. Sæpe tor-
pentis animus persecutionibus tan-
gitur ut excitetur : quatenus qui
statum suæ rectitudinis per securi-
tatem perdidit, in afflictione con-
sideret quo pervenit. Sequitur : *Et
dolor meus in conspectu meo semper .*
Sicut causam reddidit quare visibi-
les inimicos non timeat, quasi im-
putet beneficio quod ipsi inferunt
pro tormento : ita etiam quare ver-
sutas diaboli non timeat, subden-
do manifestat : *Et dolor meus in con-
spectu meo semper .* Scriptum est e-
nim : *Cor quod cognovit amaritudi-
nem animæ suæ, in gaudio illius non
miscbitur extraneus .* Nam qui o-
mnes vitæ præsentis ærumnas fre-
quenter cogitat, quam sunt tran-
quilla quæ perdidit, quam confusa
in quibus incidit, pensat : quia qui
supernæ patriæ desideriis accensus,
mundo nequam & concupiscentiis
ejus moritur, nullis vanitatis mun-
danæ delectationibus occupatur .

Vers. 29.

*Quoniam iniquitatem meam ego
annuntiabo, & cogitabo pro peccato
meo .*

Optimæ
confessionis
ac pœnitentis
leges .

21. Qui peccatum suum confi-
tendo annuntiat, & pro ejusdem
peccati satisfactione cogitare non ces-
sat; quia nullam in mundo invenit
requiem, in conspectu suo semper
habet dolorem. Unde cum dixisset :
Dolor meus in conspectu meo semper;
quasi quomodo hoc fieri possit quæ-
reremus, subjecit dicens : *Quoniam*

iniquitatem meam annuntiabo . Hæc
sunt namque veræ humilitatis testi-
monia, & iniquitatem suam quem-
que cognoscere, & cognitam voce
confessionis nuntiare, & nuntiatam
pœnitentiæ satisfactione delere . At
contra, omne pravorum hominum
vitium est, & peccatum labendo
committere, & commissum negando
abscondere, & vulgatum defenden-
do multiplicare . Sciendum tamen
est, quia peccata sua sæpe & re-
probi confitendo aperiant : sed quia
novæ vitæ habitum immutare de-
spiciunt, ea ipsa quæ confitentur,
 flere obstinati contemnunt . Electi
vero culpas suas non solum voce
confessionis denuntiant, sed etiam
districtæ animadversionis eas fletibus
abolere procurant . Ad pœnitentiæ
namque se lamenta incitantes, oc-
cultas se increpatione dilaniant, &
futuri judicii timore percussi, si
qua in eis adhuc male gesta lateant,
diligenter investigant . Sæpe enim
quod torpentes latuit, fletibus in-
notescit . Et qui reatum suum se-
curi nesciunt, hunc in se contra
se erecti deprehendunt . Cogitemus
ergo & nos pro peccato nostro, &
amara illud pœnitentiæ investitione
persequamur : ne dum culpas no-
stras pensare negligimus, peccati
pondus per negligentiam augeamus .
Sequitur :

*Inimici autem mei vivunt, & vers. 20.
confirmati sunt super me : & multi-
plicati sunt qui oderunt me inique .*

22. Occulti dispensatione consilii, Cur Deus in-
niquos diu
vivere sinat.
Conditor noster & culpas morta-
lium inspicit, & spatia vitæ dispo-
nit; ut diuturnæ vitæ tempora qui-
bus justus utitur ad bene operandi
auxilium, iniquus accipiat ad dam-
nationis augmentum . Si enim ac-
cepta quis pœnitentiæ tempora diver-
tit ad culpam, districtus cum ve-
nerit judex, indulta misericordiæ
spatia convertit ad pœnam . *Et con-
firmati sunt super me .* Ad hoc nam-
que

que omnipotens Deus aliquando per-
versos patitur diutius vivere, ut &
ipsi male viventes prava quotidie
opera augeant, & contemtores se-
culi ex eorum nihilominus persecu-
tione clarescant. Qui fastu superbiæ
tumentes, eo se gravius adversus
electos erigunt, quo in mundo eis
cuncta ad votum succedunt. Nec
intelligunt, quod in vita sua ple-
rumque bona mali recipiant, & i-
deo eos aut raro, aut nunquam
adversa conturbant. Nam & ini-
quitatum suarum fautores, perditos
quosque eo citius ii tales inveniunt,
quo mundi gloriam quæstu & mu-
neribus quærunt. Unde & subdi-
tur: *Et multiplicati sunt qui ode-
runt me inique*. Nihil est iniquius,
quam odium pro dilectione repen-
dere, mala pro bonis retribuere,
pro correptione injurias respondere.
Quod plerumque mali faciunt, cum
justos qui eorum salvationem appe-
tunt, execrabilis nequitiz percussio-
nibus affligunt. Atque ideo sub-
jungit;

Vers. 22a.

*Qui retribuunt mala pro bonis,
detrabant mibi, quoniam sequebar
bonitatem.*

Iniquorum
adversus ju-
stos machi-
namenta.

23. Qui reddit mala pro malis,
bonus non est. Qui non reddit bo-
na pro bonis, ingratus est. Qui au-
tem reddit mala pro bonis, iniquus
est. Solent namque perdit homines
bene viventibus invidiose detrahe-
re, aut notam eis excogitati cri-
minis infigere, aut puræ vitæ in-
nocentiam, simulationem vocare.
Quare autem hoc faciant, ostendit
cum ait: *Quoniam sequebar bonita-
tem*. Bonitatem sequitur qui Chri-
stum imitatur. Cujus imitatores tan-
to in hac vita graviora tentamenta
perferunt, quanto longius corde a
mundo discedunt. Dicit enim A-
postolus: *Omnes qui pie volunt vi-
vere in Christo, persecutionem pa-
tientur*. Et alibi scriptum est: *Mul-
tæ tribulationes justorum*. Justo nam-

2. Tim. 3. 12.

Psalm. 33. 20.

que qui ea quæ Dei sunt, tota in-
tentione desiderant; & supra mun-
dum facti, mundana omnia quadam
virtute dominationis conculcant, non
solum in occulto cordis diabolicas
infestationes tolerant, sed etiam per-
versorum malitiam decore suæ con-
versationis inflammant. Verum quia
ad superandum nullus invenitur i-
doneus, nisi qui fuerit virtutis di-
vinæ fortitudine roboratus: qui per-
secutorum flagellis atteritur, qui
detrahentium dentibus mordetur;
præsentiam & auxilium divinæ ma-
jestatis expostulat, ut ejus fultus
præsidio, contra omnia quæ pati-
tur adversa convalescat. Aut ergo:

*Ne derelinquas me, Domine Deus meus,
ne discesseris a me.* Vers. 22b.

24. Illos proculdubio Dominus. Ut vincan-
tur Dei au-
xilium indige-
mus.
relinquit, quibus constantiam in tri-
bulatione non tribuit. Necessario e-
nim sequitur, ut omni tentationi sit
subditus, quicumque a Deo fuerit
derelictus. Qui ergo tentamenta dia-
boli metuit, qui pati in hoc secu-
lo adversa pertimescit, ad Deum
tota virtute se convertat: clamet
ad Deum medullis cordis, & dicat:
*Ne derelinquas me, Domine Deus
meus*. Quod verbum si cum affectu
& desiderio sæpe replicare studue-
rit, puto quod quamdam in eo dul-
cedinem sentiet, quam sermo no-
ster explicare non valet. Sequitur:
Ne discesseris a me. Sancta anima quæ
solum Deum perfecte desiderat, pre-
catur ut nec ad horam Deus ab il-
la discedat. Novit enim quia inter
inimicos graditur: novit quia omni
tempore diabolus sibi adversatur.
Quia ergo omni tempore intelligit
sibi imminere pericula, etiam mo-
mento temporis non potest esse se-
cura.

*Intende in adjutorium meum, Do-
mine Deus salutis meæ.* Vers. 23a.

25. Quasi dicat: Tu qui es adju-
tor in opportunitatibus in tribula-
tione, noli me velut alienum ne-

Quod assi-
duis preci-
bus impe-
trandum.

gli.

gligere; noli velut extraneum abdicare: immo *intende in adjutorium meum*, tuque me inter lethifera tentationum jacula protege, tu ab omni inimicorum incurfione defende, tu in corde meo intelligentiæ lucem illumina, ^a tu me auxilio tuæ virtutis circumda. Quod bene debes facere; quia *tu es Dominus Deus meus*. Te enim solum habeo Dominum, te solum confiteor Deum. Congruum ergo videtur, ut qui es reitutor salutis in primo parente perditæ, sis & conservator ejusdem in me per gratiam reitutæ.

P R O O E M I U M

in quartum Psalmum pœnitentialem.

Cum venit Nathan Propheta ad David, quando intravit ad Bethsabæe.

2. Reg. 11.
Pœnitentium speculum David.

NOta est historia de qua titulus iste sumtus est. David enim captus pulcritudine Bethsabæe uxoris Uriæ, non solum cum ea carnaliter coit, sed etiam occiso viro eam sibi in conjugem copulavit. Postea vero cum venisset ad eum Nathan Propheta, eumque suo judicio, inducta de ovibus similitudine, condemnasset, non solum peccatum celare vel defendere noluit, sed etiam confessus quod fecerat, ad dura se pœnitentiæ lamenta convertit. In Psalmo tamen nulla fit de historia mentio, sed magna cognoscitur animi dolentis affectio. Admonemur autem in hoc Psalmo prospera metuere, & contra omnem seculi felicitatem acrius vigilare. Sæpe namque præsentia gaudia sequuntur perpetua lamenta. Sicut enim per fletus ad gaudia ducimur, ita per gaudia ad fletum pervenitur. Ille nempe qui dixit: *Beati qui*

Matth. 5. 5.

lugent, quoniam ipsi consolabuntur; ipsemet ait: Væ vobis qui ridetis nunc, quia plorabitis & flebitis.

Luc. 6. 25.
1. Reg. 24.

Quis sanctior David? qui cum Saulis persecutionibus urgeretur, non solum persequentem occidere non voluit, sed ipsi persecutori, cum ipsum occidere posset, pepercit. Tanto enim in Dei misericordia spem suam fixerat, quanto miserabilius infirmitatem suæ tribulationis sentiebat. Verum ubi devictis hostibus, pressuris caruit, homicidium adulterio incaute securus adjecit. Admonemur etiam in hoc Psalmo carnales cupiditates restringere, & de Dei misericordia nunquam desperare. Quisquis ergo desperans de venia, agere pœnitentiam dubitat, David pœnitentiam ad animum reducat. Audiamus & nos David clamantem, & nos cum eo clamemus: gementem, & congemiscamus. Audiamus flentem, & collacrymemur: correctum, & collatemur.

2. Reg. 11.

E X P O S I T I O.

Psalmi quarti pœnitentialis.

Miserere mei, Deus, secundum magnam misericordiam tuam. Psal. 50. Vers. 1.

1. Ponamus ante mentis oculos aliquem graviter vulneratum, & vix jam ultimos hujus vitalis auræ trahentem anhelitus, qui & nudus in sterquilinio jaceat, & vulnus nondum ligatum ostendat, advenientis medici desiderio confici, & agnitum ut sui misereatur precari. Vulnus enim animæ peccatum est: de quo dicitur: *Vulnus, & livor, et plaga tumens, non est circumligata, nec curata medicamine, nec fota oleo.* Agnosce interius, vulneratè, medicum tuum, & ei peccatorum tuorum vulnera detege. Audiat cordis tui gemitum, cui omne patet cogitationis

Peccator graviter vulneratè similis.

Isa. 60. 6.

^a Gilot. & Vatic. *tu me ab omni malo, auxilio, &c.*

nis arcanum. Moveant illum lacry-
mæ tuæ, & quadam illum impor-
tunitate quærendi, semper ad eum
alta de profundo cordis suspiria e-
ducito: perveniat ad eum dolor tu-
us, ut dicatur etiam tibi: *Translu-
lit Dominus peccatum tuum*. Clama
cum David; vide quid ipse dixerit:
*Miserere mei, Deus, secundum ma-
gnam misericordiam tuam*. Quasi di-
ceret: Ingenti vulnere periclitor,
quod nullus medicorum curare va-
leat, nisi medicus ille qui est omni-
potens, succurat. Omnipotenti e-
nim medico nihil est insanabile; qui
sicut medetur sine pretio, ita salu-
tem restituit verbo. Desperarem er-
go de vulnere, si non præsumerem
de omnipotente. *Miserere mei, De-
us, secundum magnam misericordiam
tuam*. Quærant parvam misericor-
diam, qui igneant contrahunt
culpam. Ego autem sicut graviter
cecidì, ita etiam scienter peccavi.
Sed tu, omnipotens medice, & con-
temtores corrigis, & nescientes in-
struis, & consentibus ignoscis.
Utinam, Domine Jesu, ad me mi-
sericordia motus digneris accedere,
qui descendens ab Jerusalem in Je-
richo, proruens scilicet de summis
ad infima, de vitalibus ad infirma,
in Angelos tenebrarum incidi, qui
non solum gratiæ spiritualis mihi
vestimentum abstulerunt, sed etiam
plagis impositis semivivum relique-
runt. Utinam peccatorum meorum
vulnera, data mihi recuperandæ sa-
lutis fiducia, alliges, ne deterius
sæviant si sanari desperent. Utinam
oleum mihi remissionis adhibeas, &
vinum compunctionis infundas. Quod
si in jumentum tuum me imposue-
ris, de terra inopem, pauperem de
stercore suscitabis. Tu es enim qui
peccata nostra pertulisti, qui pro
nobis quæ non rapueras exsolvistì.
Si in stabulum me Ecclesiæ tuæ du-
xeris, corporis & sanguinis tui me
refectione cibabis. Si curam mei e-

geris, nec præcepta tua prætereo
nec frementium rabiem bestiarum
incurro. Custodia enim tua indigeo,
quamdiu carnem hanc corruptibilem
porto. Audi ergo me, Samaritanæ,
spoliatum & vulneratum, flentem
& gementem, invocantem & cum
David clamantem: *Miserere mei,
Deus, secundum magnam misericor-
diam tuam*.

*Et secundum multitudinem mise- Vers. 2.
rationum tuarum, dele iniquitatem
meam.*

2. Peccata mea magna sunt &
multa, & ideo non solum magnam
misericordiam expeto, sed etiam
multitudinem miserationum tuarum
requiro; ne pro aliis quod metuo
subeam supplicium, si unum solum
non deleret peccatum. Per miseri-
cordiam, miserentis affectum intel-
ligimus; per miserationem vero,
ipsam misericordiæ exhibitionem si-
gnamus, juxta quod scriptum est:
Misericors & miserator Dominus.

Superfluum enim esset utrumque po-
nere, nisi esset varietas in significa-
tione. Scire debemus quia nemo est
insanabilior eo, qui sibi sanus vide-
tur. Illud enim est clarum ventu-
ræ salutis indicium, si incipit homo
cognoscere semetipsum. Semetipsum
autem David cognoscebat, cum
multitudinem miserationum quære-
bat. Dicat & peccator cum eo: *Se-
cundum multitudinem miserationum
tuarum, dele iniquitatem meam*.
Immensas & innumerabiles mundo
exhibuisti misericordias, quando
genus humanum de servitute diabo-
licæ tyrannidis eripuisti, & a pec-
catis suis in sanguine tuo electos
tuos lavisti. Lavet sanguis iste pec-
catorum meorum maculas, qui to-
tius mundi potuit delere offensas.
Non postulo a te aurum, non lapi-
des pretiosos, non laboribus & nau-
fragiis exquisita commercia, non
peregrinas merces de remotis terre-
narum regionum multo ad nos di-
scri-

Multis mor-
bis laboran-
ti subveniat
miseratio-
num multi-
tudo.

Misericor-
diæ & mi-
serationis
differentia
& definitio.

Psal. 110. 4.

Apoc. 5.

Quanta in-
digeat mi-
sericordia.

Luc. 10.

Psal. 112.

1. Pet. 2.

crimine delatas, quæ etiam fortium sæpe virorum mentes effeminant, & falsæ pulchritudinis imagine illætas captivant: verum quod omnibus his est præstantius & pretiosius, remissionem peccatorum exspecto. Quæ tunc vera esse probabitur, si addito fructu pœnitentiæ, gratiæ tuæ muneribus cumulat. Quid enim mihi prodest malorum quæ feci impunitas, nisi etiam bene operandi subsequatur facultas?

Vers. 3.

Amplius lava me ab iniquitate mea, & a peccato meo munda me.

Non solum de maximis, sed de minimis etiam peccatis agenda pœnitentia.

3. Quid iniquius, quam alienam contrectare uxorem? Virum ejus nec scientem nec lacrymantem occidere? Et hoc quidem fecerat Propheta de gregibus ovium sublatus, de post fœtantes ad regni gubernacula assumptus, corporis fortitudine præditus, spiritalis gratiæ donis illuminatus. Qui tanto gravius ceciderat, quanto celsius & regni gloria & excellentia virtutum cæteris præminebat. Gloriæ namque præcedentis præconium, sequentis culpæ adauxit reatum. Tanto enim quisque gravius corruit, quanto antequam caderet, in conspectu Dei altius ascendit. Dicat ergo: *Amplius lava me ab iniquitate mea*. Profit mihi, Domine, quod cecidi: laventur cum hac macula notæ delictorum, quas hactenus neglexi. Sæpe namque dum quædam male gesta plangimus, ipsa vi amaritudinis ad discutiendos nos excitati, alia in nobis plangenda invenimus. Quæ admissa eo facilius oblivioni tradimus, quo ea vel nulla vel levissima putamus. Sed succrescens amaritudo pœnitentiæ, non solum majora peccata cordi nostro congerit, sed etiam minima quæque ad memoriam reducit. Quæ omnia tanto obstinatius prosequimur, quanto omne malitiæ germen vigilantius extirpare de corde conamur. Lavatur ergo amplius, cui non solum

Tom. XIV.

quod in se punit peccatum dimittitur, sed etiam alia quæ obduxerat oblivio, nihilominus delentur. Aquæ, quibus diluitur iniquitas, dona sunt sancti Spiritus: quæ quasi torrens de supernis venientia, sicut electorum corda ut germinent irrigant, ita etiam ab omni iniquitamento carnis & spiritus emundant. De hoc quippe torrente scriptum est: *Fluminis impetus latificat civitatem Dei*. Et a peccato meo munda me. Inquinavit me facinorum colluvies, polluit peccati contagium: sed ad fontem confugio misericordiarum. Potens es me & ab iniquitate abluere, & a peccato mundare. Inique egi innocentem opprimens; peccatum feci mihi ipsi non parcens. Sciebat enim Propheta, quia quicumque molitur lædere alium, prius proprio jaculo percutit semetipsum. Quid crudelius, quam semetipsum occidere? Si os mentientis occidit animam, quanto magis gladius ferientis extinguit vitam? Unde scriptum est: *Miserere anime tue, placens Deo*. Et iterum: *Qui sibi nequam est, cui bonus erit?*

Quibus a. quis lavetur peccata.

Psalm. 45. 2.

Eccl. 30. 2.

Eccl. 11. 5. Vers. 4.

Quoniam iniquitatem meam ego cognosco: & peccatum meum contra me est semper.

4. Quasi diceret: Scio quem invocem. Justum invoco, qui & peccata odio habet, & ista impunita non dimittit. Sicut ejus misericordiam exspecto, ita etiam justitiam ipsius attendo. Non sic postulo misericordiam accipere, ut velim ab eo justitiam suam auferre. Nolo ut peccatum meum remaneat impunitum. Sic misericordia est ut peccanti ignoscat; sic justitia est ut peccatum impunitum non transeat. Sed quia peccatum meum ego ipse paveo, ideo ut tu me non punias tam vehementer, exoro. Ideo agnosco, ut tu ignoscas. Ergo misere mei, lava, munda, *Quoniam iniquitatem meam ego agnosco: & pec-*

Ut peccata nostra impunita sint, non rogandus Deus.

N

ca-

catum meum contra me est semper.

Peccatum
non in dor-
sum re-
ciendum, se-
contra pe-
nendum.

Non posui super dorsum quod fe-
ci, non intueor alios oblitus mei.
Non affecto de oculo fratris festu-
cam ejicere, & trabem quæ in o-
culo meo est, non considerare. *Pec-*

catum meum contra me est semper.

Quicumque misericordiam Dei in-
venire desiderat, necesse est ut jam
graviter peccata agnoscat, puniat
culpas fletibus, faciem Domini in
confessione præveniat, ponat ante
cordis oculos & culpas operis, &
ultimæ terrorem animadversionis:
penset ^a quam discretus iudex ve-
niat, qui ideo peccatores sustinet,
ut eis conversis minus inveniat quod
condemnet. Ascendat tribunal men-
tis suæ, constituat se ante se, vi-
deat scditatem suam ut corrigat,
ne volens tandem videat & erube-
scat. Sit sibi iudex incorruptus,
torqueat eum timor, erumpat con-
fessio, ut cum Propheta possit di-
cere Deo: *Iniquitatem meam ego co-*
gnosco.

Verf. 5.

Tibi soli peccavi, & malum co-
ram te feci: ut justificeris in ser-
monibus tuis, & vincas cum judi-
caris.

Deus solus
iuste pecca-
ta ulcisci-
tur.

5. Homo homini non peccat,
quia cum aut par aut gravior cul-
pa inquinat. Deus solus iuste pec-
cata ulciscitur, quia ipse solus est,
in quo non potest inveniri quod puniatur.
Quia ergo solus Deus par-
cit, solus iuste iudicat; ipsum so-
lum ostendit qui peccat. Quo enim
se quisque peccando dissimilem Deo
facit, eo tremendam superni iudicis
majestatem offendit. Clamet ergo
ad Deum peccator, clamet iniqui-
tatum suarum conscius, clamet me-
dullis cordis, & dicat: *Tibi soli pec-*
cavi, quia tu solus es sine pecca-
to: & malum coram te feci. Ab
aliis quidem peccatum meum igno-

rari potuit, te autem latere nequi-
vit. Penetrabilior enim omni gla-
dio ancipiti, penetras usque ad di-
visionem animæ & spiritus, artuum
quoque & medullarum, & dis-
cretor es cogitationum cordis. Nul-
la creatura in conspectu tuo est
invisibilis: quia omnia nuda & a-
perta sunt oculis tuis. In tan-
tum es sine peccato, ut etiam
justificeris in sermonibus tuis, et vin-
cas cum judicaris. Scribit Aposto-
lus, dicens: *Est autem Deus ve-*
rax, omnis autem homo mendax;
sicut scriptum est: ut justificeris in
sermonibus tuis. Si Deus verax est,
necessario in verbis suis iustus est.
Nam si in sermonibus suis falsa ve-
ris infereret, iustus omnino non
esset. Sed absit a fidelium cordibus,
ut esse in Deo mendacium putemus.
Fidelis enim est in omnibus verbis
suis, et sanctus in omnibus operibus
suis, sicut ipse etiam ait: Cælum
et terra transibunt, verba autem
mea non transibunt. Deum ergo ve-
ritas justificat, hominem vero men-
dadium condemnat. Sequitur: *Et*
vincas cum judicaris.

Hebr. 4. 13.

Rom. 3. 4.

Psalm. 144. 13.

Matth. 24. 35

6. Prævidebat Propheta Deum in
carne venturum, qui humano con-
demnandus esset iudicio, ut æternæ
mortis homo careret tormento; id-
eoque ait: *Et vincas cum judicaris.*
Quasi diceret: Omnes qui iudicati
sunt, etiam si multum fuerint in
virtute provecti, non omnino in-
iuste subierunt iudicium; quia an-
tequam judicarentur, aliquo modo
commiserunt peccatum: tu vero cum
mortis injustæ sententiam acceperis,
quia solus homo inter homines ab
omnibus peccatis es immunis, vin-
cis ergo omnes iudicatos, cum ju-
dicaris: vel tu Deus Pater in Fi-
lio, vel tu Deus Verbum in homi-
ne assumpto. Quod tamen intelligi
&

A Davide
prædicta
Verbi incar-
natio.

^a Suspicio legendum, *quam discretus*,
quod centies apud Gregorium legitur, &

huic loco maxime convenit, ubi de seve-
ritate summi iudicis agitur.

& aliter potest, quasi dicat : Ideo ut miserearis precor, ut laves, ut mundes : *ut iustificeris in sermonibus tuis*, id est verax appareas in promissis. Promisisti enim iustis regnum æternum, & virtutum amatoribus vitæ æternæ bravium præparasti. Sed nisi me & alios iustifices, non poteris invenire quos non damnes. Iustifica ergo me, *ut tu iustificeris in sermonibus tuis, et vincas cum judicaris*. Judicant te, qui negant post lapsum reparationem fieri, & remissionem peccatorum nemini dandam adstruunt. Quos, si mihi peccatum remiseris, velut fabricatores mendacii & perversorum dogmatum cultores superabis. Vel iustifica me, *ut iustificeris in sermonibus tuis*. Promisisti enim quod de stirpe mea carnem sis assumpturus : sed si me de tanto non emundes scelere, de cujus semine carnem assumas videor indignus. Tu enim

Psalm. 131. 11.

es qui dixisti : *De fructu ventris tui ponam super sedem tuam*. Lava me ab iniquitate, ne sim fraudatus a promissione. *Et vincas cum judicaris*. Judicatus Dominus vicit, quia unde in passione succubuit, inde majorem sui gloriam resurgendo manifestavit. Judicatus vicit, quia quorum ad tempus iudicium moriendo subiit, eos iusto iudicio condemnatos æterna morte mulctavit.

Vers. 6.

Ecce enim in iniquitatibus conceptus sum, & in peccatis concepit me mater mea.

Peccatum originale per carnalem concupiscentiam propagatur.

7. Opus est, Domine, ut miserearis ; quia ab ineunte vitæ primordio in peccati foveam incidi, & concupiscentiæ carnalis sordibus inquinata natiuitatis meæ initia contraxi. Non in me illa, quam noviter admisi, sola viget iniquitas : habeo in me etiam ex veteri quod ignoscas. *Ecce enim in iniquitatibus conceptus sum*. Non ideo homines in peccatis concipiuntur, quia pec-

catum sit conjugibus commisceri : hoc enim opus castum non habet culpam in conjugē, quia nuptiale fœdus non exorbitat a fide. Deus enim copulam maritalem instituit, quando masculum & feminam in principio creavit. Qui quidem sine peccato filios ederent, si in paradiso positi, in Conditoris obedientia perstitissent. Sed quia a statu rectitudinis primus homo peccando corruit, peccati pœnam ad filios misit. Carnalis enim delectatio pœna peccati est ; quæ ex radice peccati ita contrahitur, ut nullus absque illa in mundo generetur. Sed sicut in Adam omnes moriuntur, ita & in Christo omnes vivificabuntur. Confiteatur ergo pœnitens de culpa a quod meruit, ut consequi valeat de venia quod cupit.

Gen. 1. 28.

1. Cor. 15.

a

Ecce enim veritatem dilexisti : incerta & occulta sapientiæ tuæ manifestasti mihi.

Deus nullum sine vindicta delictum relinquit.

8. Ideo vias meas a principio arguo, peccata mea ego ipse condemno, quia veritatem dilexisti. Veritatem Deus diligit ; quia sine ultione delictum non deserit. Aut enim hoc homo in se puniens persequitur, aut postmodum Deus districto examine ulciscitur. Sive ergo sit magna sive parva iniquitas, nisi puniatur ab homine pœnitente, punietur a Deo judicante ; sicut per quemdam sapientem dicitur : *Sciens quia non parceres delinquenti*. Delinquenti non parcitur, quia sine vindicta peccatum non relaxatur. Veritatem itaque Deus diligit, quia iustum iudicium non prætermittit. *Incerta & occulta sapientiæ tuæ manifestasti mihi*. Qui non est securus de munere veniæ, non est vehemens in executione vindictæ. Et quidem ante adventum Christi incertum fuit, si graviter lapsi posset habere veniam, & peccatorum remissio complures latuit : sed David qui Re-

Job. 9. 28.

Ab eo tamen remissio peccatorum

demtorem mundi ut peccata tolleret, futurum præviderat, de peccatorum indulgentia non dubitat. Non ignorabat opus sapientiæ Dei a seculis absconditum, ante omnia tempora dispositum, exhibitum in fine seculorum. Dei namque sapientia Filius Dei est, de quo scriptum est: *Christum Dei virtutem, & Dei sapientiam.* Ipse est per quem omnia facta sunt, & sine quo factum est nihil.

1. Cor. I. 25.
Johan. I. 3

Psalm. 103. 14

Ipse est de quo Prophetadicit: *Omnia in sapientia fecisti.* Dignum autem fuerat ut per eum fieret remissio, per quem facta fuerat creatio: & ipse esset largitor gratiæ, qui fuerat omnibus auctor naturæ. Quam remissionem sicut in tempore gratiæ contentibus tribuit, ita ante adventum suum eum expectantibus prærogavit. Hæc sunt incerta & occulta divinæ dispositionis consilia, omnibus gentibus per Dei sapientiam ultimis temporibus revelata. Quæ quia David per spiritum cognoverat, de Dei confidenter misericordia præsumebat. An non Ninivitis incerta erant, qui pœnitentiam agentes super prædicatione Jonæ, hæsitando dicebant: *Quis scit si convertatur & ignoret Deus?*

Jona 3. 9.

vers. 8.

Asperges me hyssopo, & mundabor: lavabis me, & super nivem dealbabor.

Christi humilitatem & passionem imitando, veniam consequimur.

9. Hyssopus est herba humilis, saxo quidem adhærens, & parum utilitatis in seipsa sui facie ostendens, quæ tamen pulmonis inflationem deprimit, & virtutis suæ acrimoniam si conteratur, ostendit. Quid ergo per hyssopum, nisi Christi humilitas designatur? Ipsa est enim quæ omnem in nobis reprimat contumaciam, sicuti herba illa pulmoni inflato adhibet medicinam. Quis etenim jam dedignetur in mundo se pro Deo abjicere, cum audiat Dei Filium opprobria & derisiones subijisse? Quis supplicium pro Deo perpeti arbitretur dedecus, cum ipse

Rex regum & Dominus dominantium morte turpissima propter nos sit condemnatus? Præsertim cum ipse sit nobis positus forma iustitiæ, cujus & audire imperia, & sequi debeamus exempla; sicut ipse in Evangelio ait:

Apor. 19.
Sap. 2.

Discite a me, quia mitis sum, & humilis corde. Juxta Legis quoque testimonium inquinatos mundabat

Matth. 23.
29.
Num. 19.

eiusdem herbæ fasciculus, vaccæ rufæ cruore intinctus. Quid autem per vaccam, nisi ad sacrificium assumpta incarnationis Dominicæ infirmitas designatur? Sicut enim per masculinum sexum solet fortitudo intelligi, sic & per femininum potest infirmitas designari: & de eo scriptum est: *Quia etsi mortuus est ex infirmitate, sed vivit ex virtute Dei.*

1 Cor. 13. 4.

Ipse est enim summus Pontifex noster, qui in ara crucis pro totius mundi sanitate, sui corporis hostiam obtulit. Pontifex videlicet futurorum bonorum, qui per proprium sanguinem in sancta, æterna redemptione inventa, semel intravit. Hæc autem vacca rufa dicitur, ut in ea sanguinis Christi robur evidenter demonstraretur. De quo in Canticis canticorum Sponsa loquitur, dicens: *Dilectus meus candidus, & rubicundus.*

Hebr. 9.

Cant. 5. 16.

Candidus nimirum ex divinitatis specie, rubicundus ex passionis cruore. Hac itaque hyssopo ille solum modo aspergitur, qui vias Dominicæ passionis imitatur. Sanctificatur vero aspersus, sicut per Paulum dicitur: *Si enim sanguis hircorum & taurorum & cinis vitulæ aspersus inquinatos sanctificat ad emundationem carnis: quanto magis sanguis Christi, qui per Spiritum sanctum semetipsum obtulit immaculatum Deo, emundabit conscientiam nostram ab operibus mortuis ad serviendum Deo viventi?* Sequitur: *Lavabis me, & super nivem dealbabor.* Quemadmodum corpus aqua lavat a squaloribus sordium, ita gratia sancti Spiritus animam purgat a maculis peccatorum.

Hebr. 9. 13.

Quod.

Quod vero ait: *Et super nivem dealabor*; ostendit quia nullâ pulchritudo quæ inest corpori, valet decori sanctæ animæ comparari. Quid namque in corporibus nive candidius? Et tamen qui vias passionis Christi sequitur, super nivem dealbatur. De Sanctis etenim scriptum est: *Iusti fulgebunt sicut sol in Regno Patris eorum*. Quis vero ignoret solem nive candidiorem? Præterea candor nivis cito præterit, decor autem Sanctorum in æternum manebit.

Matt. 13. 43.

Vers. 2.

Auditui meo dabis gaudium & letitiam, & exultabunt ossa humiliata.

Duplex Sanctorum beatitudo, animæ scilicet ac corporis.

10. Tunc quidem verum & inestimabile gaudium habituri sunt Sancti, cum impiis æterna morte multatis, & in horrendam perpetui cruciatus voraginem per extremæ damnationis sententiam missis, audituri sunt: *Venite benedicti Patris mei, percipite regnum quod vobis paratum est ab origine mundi*. In eo autem quod ait: *Gaudium & letitiam*; duplicem Sanctorum venerationem intellige; qui visionis claritate in illâ die, quantum cogitare non possumus illustrati, sicut animarum perfruuntur beatitudine, ita etiam corporis vestiuntur incorruptione. De ipsis enim scriptum est: *In terra sua duplicia possidebunt*. Sancti etenim viri mundi gloriam mentis despectu calcantes, omnes in se carnales voluptates mortificant, ut in Deo postmodum perenniter vivant. Qui quoniam mundi misérias pro Deo pati minime refugiunt, beatitudinis æternæ retributionem acquirunt. Quæ nimirum beatitudo & animabus eorum ante resurrectionem tribuitur, & corporibus nihilominus post iudicium conferetur: sicut in Apocalypsi Johannes Apostolus scribit, dicens: *Vidi sub altari Dei animas interfectorum propter verbum Dei, & testimonium quod habebant, & clamabant voce magna, dicentes: Usquequo, Do-*

Isai. 61. 17.

Animabus sanctis beatitudo ante resurrectionem conferetur.

Apoc. 6. 9.

mine, sanctus & verus, non vindicas sanguinem nostrum, de his qui sunt in terra? Et datae sunt eis singule stole albae, et dictum est illis, ut requiescerent tempus adhuc modicum, donec impleatur numerus converforum & fratrum ipsorum, qui interficiendi sunt sicut & illi. Quid namque est singulas illis stolas albas tribuere, nisi animabus eorum beatitudinis æternæ immortalitatem conferre? Quid vero est, donec electorum numerus impleatur requiescere, nisi futuræ resurrectionis gloriam expectare? In qua nimirum iterum singulas stolas albas accipient, quia immortalia & incorruptilia corporum suorum vestimenta resument. Quia ergo sancti viri ad æternæ felicitatis præmia non solum animæ sed etiam corpore post iudicium transeunt, recte de eis dicitur, quia in terra sua duplicia possidebunt. Hujus incrementa felicitatis Prophetæ intuens, ait: *Auditui meo dabis gaudium & letitiam & exultabunt ossa humiliata*. Animarum nostrarum ossa virtutes sunt, quæ nimirum in hac vita humiliantur, quia assiduis tentationum impugnationibus insinenter turbantur. Tentatio enim est vita hominis super terram; in æterna autem vita non solum victæ potestatis accipient fortitudinem, sed etiam nullam vitiolorum adversantium sentient impugnationem.

Isai. 61.
Ps. 5. 12.
Ps. 2.
Ps. 3.

Job. 7.

Averte faciem tuam a peccatis meis, & omnes iniquitates meas dele.

Vers. 20.

11. Quia peccata sua semper habet præ oculis, merito rogat ut Deus faciem suam avertat ab ipsis. Superius nempe Prophetæ dixerat: *Peccatum meum contra me est semper*. Qui ergo peccatum suum semper videbat, continuum pro eo dolorem in corde gestabat. Et ideo oculos ab ejus peccato Deus avertit, quia ipse illud sine cessatione animadvertit. Non enim Deus eorum pec-

Peccata nostra præ oculis semper habemus, ut ab ipsis Deus oculos avertat.

cata.

2. Cor. 11. 31.

Psalm. 32. 17.

Isa. 49. 21.

cata ulciscitur, qui in occulto cordis de pravorum operum memoria affliguntur. Qui nimirum ad hoc semetipsos judicant, ut terribile omnipotentis judicium evadant, juxta illud Apostoli; *Si nosmetipsos judicaremus, non utique judicaremur.* At contra reprobi, quia ea quæ commiserunt, nequaquam conspiciunt, actus suos a conspectu judicis non abscondunt. Et quanto magis errores suos ipsi considerare refugiunt, tanto magis eos conspectui divinæ majestatis opponunt. Delinquentium autem mala Deus videt, non ut approbet, sed ut condemnet: non ut foveat, sed ut puniat: non ut semper patiat, sed ut in judicio ulciscatur. Denique *oculi Domini super facientes mala, ut perdat de terra memoriam eorum.* Gravis ultio, non solum de terra mala facientes expellere, sed etiam omnem penitus memoriam eorum abolere. Consideremus ergo mala quæ fecimus, & ea ante nientis oculos sine intermissione ponamus: ne cum ante judicis illius conspectum venerimus, tunc primum quidquid gesserimus, nolentes videamus. Impenitenti enim Deus terribiliter minatus, dicens: *Existimasti inique quod ero tui similis: arguam te, & statuam contra faciem tuam.* Similis tui essem, si peccatum tuum impunitum dimitterem. Tu enim illud non solum non vis punire, sed & post tergum projicis, ne possis videre. Ego autem qui illud video, quid faciam? Numquid impunitum dimittam? Judex sum & justus, judex sum & ultor iniquitatum. Quomodo ergo injuste judicabo? Quomodo veritatem mendacio mutabo? Tacui, numquid semper tacebo? Tacui, quia misericordiam prærogavi. Iniquitatem tuam dissimulavi, tempus pœnitentiæ indulxi. Sed numquid semper tacebo? Immo arguam te, & statuam contra faciem tuam. Arguam quidem

te de mendacio, quando cordium consilia manifestabo. A peccatis tuis avertis oculos tuos, & quamdam tibi vanæ spei securitatem promittis. Et quia ipse te non vides, quod nec ego te videam suspicaris. Putas quod te non videam fornicantem, quem video adulterium cogitantem? Ex hoc itaque te arguam, & statuam contra faciem tuam. Si nos vis hic attendere faciem tuam, faciam ut agnoscas miseriam tuam. *Et omnes iniquitates meas dele.* Per Prophetam Dominus dicit: *Ego sum qui deleo iniquitates tuas, & memor non ero: tu autem memor esto, & judicemur.* Audi qua conditione iniquitatum tuarum se esse immemorem dicat, videlicet si tu immemor fueris. Cave ergo ne umquam quod deliquisti, a memoria tibi excidat, aut aliqua oblivione peccata tua obliteres: ne si carnalium voluptatum illecebris captus, iniquitatum tuarum memor non fueris, dicatur tibi in tempore necessitatis: *Projecisti sermones meos retrorsum.*

Isai. 43. 25.

Is. 49. 18.

Vers. 11.

Cor mundum crea in me Deus: & spiritum rectum innova in visceribus meis.

12. In Evangelio scriptum est: *Beati mundo corde.* Si illum qui ab omni peccato mundus est, in cordis nostri hospitio habere volumus, oportet primo ut illud ab omni vitiorum sorde purgemus. Emundemus ergo interiora mentis nostræ, & diligenter peccatorum nostrorum secreta scrutemur, ne ex affectu nostro peccati delectatio pullulet; ne turpe desiderium cor in occulto titillet, ne passionum ex eo contentiones prædeant, ne perversarum cogitationum dispensationes aliquando erumpant. Templum enim Dei non potest esse pollutum, quia scriptum est: *Templum Dei sanctum est, quod estis vos.* Verum quis gloriabitur mundum se habere cor, aut immanem esse se a peccato? Si

1. Cor. 3. 17.
Prov. 9. 20.
Sec. septuag.
Isai. 6.

Propheta pollutum labiis se esse asserit, cuius os Seraphim carbone quem susceperat de altari, purgavit: quid dicturi sumus nos, quos luxuria inquinat, invidia angustat, ambitio præcipitat, superbia exaltat? Non est enim virtutis humanæ ita ab illicitis motibus mundare animum, ut perstreptentium voces non sentiat cogitationum. Sed quia Deo nihil est impossibile, clamemus ad Deum tota virtute: *Cor mundum crea in me Deus, & spiritum rectum innova in visceribus meis.*

Ecce spiritus
innovandus.

13. Vide ordinem: primo cor mundum deinde spiritum rectum Propheta a Deo requirit. Prius enim abrenuntiandum est tibi omni peccato, & omnis a corde vitiorum scditas eliminanda; ut omne quod agitur aut dicitur, eo purum in conspectu Dei ac lucidum appareat, quo ex bonæ intentionis origine quasi de puro quodammodo fonte manat. Quomodo enim poterit esse perspicuum, quod ipsa origine fuerit vitiatum? Scriptum est enim: *Bonus homo de bono thesauro profert bona, & malus homo de malo thesauro profert mala.* Omnibus igitur carnalibus desideriis a corde exclusis, pete a Deo ut spiritum rectum renover, ne forte spiritus ille immundus inveniens domum de qua exivit vacantem, assumtis aliis septem nequioribus se, cum eis ibi habitet, & fiant novissima tua pejora prioribus. Hæc est autem spiritus recti innovatio, ut omnem mundi gloriam mente despicias, mentem medullitus in Conditoris tui amore infigas, illatis contumeliis patientiam custodias, & custodita patientia dolorem a corde repellas, omnibus te per humilitatem inferiorem deputes, de morte inimici nullatenus exultes, aliena non ambias, propria egentibus distribuas, amicum in Deo, & inimicum propter Deum diligas, in afflictione proximi teipsum per com-

Matt. 12, 35.

761.

passionem affligas. Hæc quidem est illa spiritus innovatio, quam persuadet Apostolus, dicens: *Renovamini spiritu mentis vestræ, & induite novum hominem, qui secundum Deum creatus est, in justitia & sanctitate veritatis.* Et iterum: *Si qua igitur in Christo nova creatura, vetera transierunt, & ecce facta sunt nova.* Ad veterem quippe hominem pertinet, mundi hujus gloriam concupiscere, animum a Deo avertere, patientiam non servare, opportunitatem vindictæ exquirere, melioribus quibusque despectis superbire, aliena diripere, propria retinere, nullum propter Deum diligere, de inimici morte gaudere. Hæc autem omnia ille respuit, qui Deum induit, quique in novitate vitæ ambulare contendit.

Ne projicias me a facie tua, & spiritum sanctum tuum ne auferas a me.

14. A facie Dei projicitur, cui spes veniæ post peccatum negatur. *Qui enim peccaverit in Spiritum sanctum, non remittetur ei neque in hoc seculo, neque in futuro.* Quis est autem qui peccat in Spiritum sanctum, nisi qui non credit remissionem peccatorum? Remissio enim peccatorum, opus Spiritus sancti est. Nam & de baptismo Christi, in quo remissio peccatorum danda erat, dixit Johannes: *Ipse vos baptizabit in Spiritu sancto et igne.* Unde etiam super baptizatum Dominum in columbæ specie Spiritus sanctus descendit; ut ex hoc aperte ostenderet, quia spiritualis gratia per lavacrum baptismatis credentium corda mundaret. An non in Spiritum sanctum Cain peccavit, quando dixit: *Major est iniquitas mea, quam ut veniam merear?* Et quia de venia desperavit, ideo dixit: *Ecce ejicias me a facie tua.* De quo & postea subditur, quod egressus sit a facie Domini. Vides quemadmodum odum ille

Ephes. 4. 23.

2. Cor. 5. 17.

Vers. 22.

Matt. 12. 32.

In Spiritum sanctum peccat, qui de peccati remissione desperat.

Matt. 3. 22.
Ibidem.

Genes. 4. 3.

qui

qui in desperationis foveam labitur, a facie Dei projiciatur. *Et spiritum sanctum tuum ne auferas a me.* Attende qualiter postulat, ne spem veniæ post peccatum amittat. Ubi spiritus sancti præsentia est, ibi desperatio esse non potest. Fides enim in spiritu datur, sicut Apostolus ait: Denique ipse postulat pro nobis gemitibus inenarrabilibus. Et nemo in spiritu Dei loquens, dicit anathema Jesu. Nam in eo clamamus: *Abba pater*; quia scriptum est: *Veri adoratores adorabunt Patrem in spiritu et veritate.*

Redde mihi lætitiā salutaris tui, & spiritu principali confirma me.

15. Lætabatur Propheta de adventu Filii De antequam peccaret, & certus quod de suo nasciturus erat semine, antequam laboraretur, gaudebat. Sed postquam uxoris Uriæ amore deceptus modum in peccando non habuit, ne sibi Deus hoc offensus subtraheret, quod antea placatus promiserat, formidavit. Ideoque ait: *Redde mihi lætitiā salutaris tui.* Salutaris quis est, nisi Dei hominumque Mediator. De quo iste idem Propheta in persona Dei Patris dixerat: *Propter miseriam inopum et gemitum pauperum nunc exurgam, dicit Dominus. Ponam in salutari, fiducialiter agam in eo.* Exurgere enim dicitur Deus Pater, cum Filium mittit: qui quasi jacere visus est, cum fervos misit. Illi enim neminem salvare potuerunt: sed *filius hominis venit querere, et salvum facere quod perierat.* Ideoque perfectam & manentem salvatione in eo se positurum adstruit, & in eo fiducialiter se dicit agere, quem constat nihil omnino peccati habuisse. Qui enim gravium sibi conscius est delictorum, non potest fiducialiter agere: quia poterit eum vel ille quem corripit reprehendere, vel conscientia propria remordere. Redemptor vero noster

eo libere loqui potuit, quo nunquam peccati maculam ex nativitate, vel etiam ex operatione contraxit. Unde turbis Judæorum & principibus sacerdotum invidentibus & detrahentibus ipse dicebat: *Quis ex vobis arguet me de peccato?* Fiducialiter ergo agebat, quem in nullo conscientia accusabat. Nam & de eo scriptum est, quod erat docens tamquam potestatem habens, et non sicut Scribæ et Pharisei. Hujus ergo salutaris sibi reddi lætitiā David postulat, in quo omnis ante adventum ipsius electus sperabat.

16. *Et spiritu principali confirma me.* Solet quibusdam contingere, ut dum se purgatos per satisfactionem reputant, ab internæ mentis custodia animum resolvant. Qui quidem ipsa sua elatione depressi, eo deterius corrunt, quo sibi de indulgentia blandientes, vanæ spei securitatem promittunt. Inde est quod Propheta exorat, dicens: *Lætetur cor meum, ut timeat nomen tuum.* Non dicit lætetur, ut securum sit; sed lætetur, ut timeat. Ac si aperte dicat: Ita me correctum facito gaudere de venia, ut tamen nunquam desinam esse suspectus de culpa. Sic & in hoc loco, postquam sibi reddi salutaris Dei lætitiā petit, ne sibi dimissus ad deteriora prorueret, illico adjunxit: *Et spiritu principali confirma me.* Sciebat enim quia infirma est omnis anima, nisi sancti Spiritus fuerit virtute firmata. Nam & de Apostolis dictum est: *Verbo Domini cæli firmati sunt, & spiritu oris ejus omnis virtus eorum.* Quid enim cælorum nomine, nisi sancti Apostoli designantur? Qui nimirum verborum imbribus terram cordis nostri inebriant, venturi judicii minis & terroribus intonant, miraculorum signis & operum sanctitate coruscant. Denique ipsi sunt, qui enarrant gloriam Dei. Quibus profecto tunc

Johan. 8. 46.

Matt. 7. 29.

De accepta venia sic lætemur, ut de culpa semper formidemus.

Psalm. 85. 11.

Homini inopum, si Dei virtute roboretur.

Psalm. 12. 6.

Psalm. 28.

Mat. 2.

Spi.

Rom. 8. 26.

2. Cor. 12. 3.

Rom. 8. 15.

Johan. 4. 23.

Verf. 13.

David ne sibi propter peccata negaretur promissus Christus, timuit.

2. Reg. 12.

x. Tim. 2.

Psalm. 11. 6.

Luc. 19. 10.

Spiritus virtutem tribuit, cum in igneis linguis apparens, in cordibus eorum divini flammæ amoris accendit. Quod quidem aperte cognoscere possumus, si quales ante, quales post adventum sancti Spiritus fuerunt, perpendamus. Qui enim ad passionem tendentem magistrum fugientes reliquerant, postmodum per

Matth. 26. adjunctam sancti Spiritus gratiam roborati; constanter & publice nomen Christi prædicabant. Nam ut reliquos prætermittamus, ipse Apostolorum princeps qui mori metuens vitam negayerat, cum facto conventu, cæsis Apostolis, sacerdotes & Scribæ ne in nomine Christi loquerentur, prohiberent, aiebat: *Obedi-*

Act. 5. 19. te oportet Deo magis quam hominibus. Cœlorum igitur virtus de Spiritu sancto est, quia per infusam sancti Spiritus gratiam facti sunt in Christi confessione fortes Apostoli, qui prius fuerant ex fragilitate carnis infirmi. Nisi enim promissa charismatum dona illi Dominici gregis Pastores susciperent, eorum corda nullo virtutis decore claruissent. Hæc namque virtus Spiritus, sicut ab omni pœnarum & mortistimore quos repleverit efficit liberos, ita ab omni diabolica reddidit tentationis incursu securos. Merito ergo cui salutaris Dei in remissionem peccatorum lætitia redditur, postulat ut in vera innocentia Spiritus principalis virtute confirmetur.

Vers. 14. Docebo iniquos vias tuas, & impii ad te convertentur.

Peccatores conversi, alios ad pœnitentiam vocare curant.

Act. 9. 15. 17. Illos divina clementia a peccatis per remissionem efficit liberos, quos prævidet utilitati Ecclesiæ post conversionem profuturos. Unde Ananix de Saulo dixit: *Vade, quoniam vas electionis mihi est iste, ut portet nomen meum coram gentibus, & regibus, & filiis Israël.* Magno igitur fructu dimissa sunt illi a Deo peccata. Qui enim prius blasphemus, & persecutor, ac injuriosus existit,

Tom. XIV.

postmodum plus omnibus laboravit. Propheta ergo qui deleri iniquitates suas, & Spiritu sancto confirmari a Domino postulat, quod non sine fructu hoc sit futurum affirmat, dicens: *Docebo iniquos vias tuas.* *Psalm. 24. 11.*

UNIVERSÆ viæ Domini misericordia et veritas. Misericordia est, qua sine ullis præcedentibus meritis, pœnitentibus veniam tribuit: veritas, qua post gratiam vocationis & veniæ, peccata impœnitentium punit. Ille ergo cui peccata dimittuntur; vias Dei iniquos docet, cum peccantibus si relipuerint, exemplo sui spem tribuit veniæ, & inconvertibilibus, nisi ad veniam redeant, infert timorem gehennæ. Et impii ad te convertentur. O quam utilis est peccatorum remissio, quæ conversos non solum a peccatis liberos efficit, sed etiam alios a via impietatis & injustitiæ retrahit, flamma caritatis accendit. Hæc est enim caritatis evidens probatio, ut cui per gratiam Dei contigerit a peccatorum vinculis eripi, ipse ex zelo justitiæ studeat ad spem veniæ delinquentes hortari. Nullum quippe tam gratum Deo est sacrificium, quam zelus animarum. Exerceat ergo se in via Dei, cui Deus peccata dimisit, & exemplo suo peccatores quosque ad pœnitentiæ confugere remedium admoneat. Non sit arbor infructuosa, aut otiosus operarius; sciens quia non solum mane venientibus ad vineam merces promittitur, sed etiam circa undecimam horam vocatis vitæ æternæ denarius præbetur.

Libera me de sanguinibus, Deus Deus salutis meæ: & exultabit lingua mea justitiam tuam.

18. Nisi primitus me a peccatis liberaveris, non potero aliis esse exemplum conversationis. Libera ergo me de sanguinibus, desideriis videlicet carnalibus, quæ militant ad versus animam. Caro enim & sanguis regnum Dei non possidebunt, *1. Cor. 15. 50*

Nullum tam gratum Deo sacrificium, quam animarum zelus.

Matth. 20.

Vers. 16.

Is tantum convenit, qui a peccato sunt liberati.

1. Petr. 2. 1. Cor. 15. 50

O DEUS

DEUS *Deus salutis meæ*. Nota in repetitione nominis magnum affectum cordis, quasi dicat: Merito te ut me salves invoco, quia tu solus es autor salutis meæ. Nam *Domini est salus*. A te solo est salus, quia ab omnibus aliis est infirmitas, vanitas vanitatum, & omnia vanitas. Non salvatur rex per multam virtutem, & gigas non salvabitur in multitudine virtutis suæ. Denique, fallax equus ad salutem. Ex quibus verbis colligitur, quod nec ex divitiis temporalibus, nec ex corporali fortitudine salus acquiratur. *Et exultabit lingua mea iustitiam tuam*. Iustitia Dei, fides est, sicut scriptum est: *Credidit Abraham Deo, & reputatum est illi ad iustitiam*; quia *Iustus ex fide vivit*. Si ergo iusti vita fides est, consequens est eandem fidem esse iustitiam, sine qua quisque esse iustus non potest. Hanc itaque Dei iustitiam ille cum exultatione enuntiat, qui nec mundi hujus copiam cupiens, nec inopiam metuens, omnem hæreticam pravitatem impugnat. Vel iustitia Dei est, quod non vult mortem peccatoris. Homini nempe iustum videtur, ut suam ulciscatur injuriam: Dei vero iustitia est consentienti relaxare offensam.

Vers. 16.

Domine labia mea aperies, & os meum annuntiabit laudem tuam.

Sap. 10.

Deus labia aperit, docendo quid, quando, ubi, & cui loquendum.

19. Non aliter iustitiam tuam proferre potero, nisi ut labia mea aperias. Tu es enim, qui ora superbiorum ostruis, & linguas infantium disertas facis. Hactenus os meum ego ipsa aperui, & ideo ex vaniloquio peccatum contraxi. Nunc vero ut tu aperias desidero, quia nihil nisi quod suggereris loqui concupisco. Illius labia Deus aperit, qui non solum quid loquitur, sed etiam quando, & ubi, & cui loquatur, attendit. Sapientia namque Dei dicit: *Dominus dedit mihi linguam eruditam*, quando scilicet oporteat ser-

Isai. 50. 4.

monem dicere. Merito ergo sapiens est, quia accepit a Domino quo tempore sibi loquendum sit. Unde non inconvenienter ait Scriptura: *Homo sapiens tacebit usque ad tempus*. Hinc rursus scriptum est: *Ori tuo fac ostium & vestem, & in verbis tuis jugum & stateram*. Et fortasse hoc ostium sibi Propheta postulabat a Domino, cum dicebat: *Pone Domine custodiam ori meo, & ostium circumstantiæ labiis meis*. Debemus enim os nostrum claudere, & diligentius observare, ne quis in iracundiam excitet vocem nostram, & contumeliam rependamus contumeliæ. Jugum etiam in verbis nostris esse & statera præcipitur, ut omne quod loquimur, & humilitate condiatur, & mensura ponderetur. Proferamus ergo sermones examinatos libra iustitiæ, ut sit gravitas in sensu, modus in verbis, pondus in sermone. Nec prius loquendo os aperiamus quam expediat; sed examinemus verba nostra, sitacendum hoc, si dicendum adversus hunc, si tempus si sermonis hujus, postremo si a virtute modestiæ non dissentiat. Nihil indecens, nihil inhonestum, nihil invidum sonans erumpat. Verum quia ad hæc omnia idonei esse non possumus, nisi hoc a largitore omnis gratiæ percipiamus, exclamandum est nobis cum Propheta: *Domine labia mea aperies, & os meum annuntiabit laudem tuam*. NON est speciosa laus in ore peccatoris. Ideoque Propheta indulgentiam peccatorum primum a Domino expetit, & postmodum laudem se Dei annuntiaturum esse promittit; nobis patienter innuens, quia illi soli laudis Dei possunt sentire dulcedinem, qui peccatorum suorum meruerint percipere remissionem. Unde scriptum est: *Rectos decet collaudatio*. Quid autem laudabilius in Deo, quam misericordia? Scriptum namque est: *Confiteantur Domino misericordie ejus*.

Eccl. 20. 7.
Eccl. 28. 28.

Psal. 140. 3.

Eccl. 15. 9.

Psal. 32. 1.

Psal. 144. 7.

Deni-

Denique *miserationes ejus super omnia opera ejus*. Quamvis enim laudabile sit quod hominem de limo terræ condidit: laudabilius tamen est, quod perditum proprii filii morte redemit. Denique illud potestatis est, hoc gratiæ. *Et os meum annuntiabit laudem tuam*. Sunt enim plerique qui non suo ore laudant Deum. Numquam suo ore Deum avarus: numquam suo ore laudat luxuriosus. Nonne quasi alienum os tibi videtur assumere, dum ea conatur quæ in corde non sentit proferre? De quibus profecto scriptum est: *Cor eorum longe est a disciplina, propterea non exultabunt*: quia nimirum eorum laus ad omnipotentis Dei aures nequaquam extollitur, quorum cor a semita justitiæ per pravi intentionis studium elongatur. Tales erant illi, de quibus Dominus dicebat: *Populus hic me honorat, cor autem eorum longe est a me*.

Multi ad laudandum Deum alicuius os assumunt.

Job. 17. 4.

Matth. 15. 3.

Verf. 17.

Verum & acceptabile sacrificium quale sit.

Psal. 55. 12.

Psal. 49. 14.

20. Sciebat Propheta per spiritum, quia illa legalium instituta sacrificiorum, ad invisibilis essent oblationis intelligentiam transferenda: quia illud verum & acceptabile est sacrificium, quod aliquis puro corde laudat Deum. Unde & alio in loco dicit: *In me sunt, Deus, vota tua quæ reddam, laudationes tibi*. Et iterum: *Immola Deo sacrificium laudis*. Et rursus: *Sacrificium laudis honorificabit me*. Cum ergo dixisset: *Os meum annuntiabit laudem tuam*, illico subjunxit: *Quoniam si voluisses sacrificium, dedissem utique*. Ac si dicat: *Laudis tibi offeram sacrificium*, sciens quia carnalium nolis observantiam cæremotiarum. *Quoniam si voluisses sacrificium, dedissem utique: holocaustis non delectaberis*. Ideo nolo confidere in carnalis ritu sacrificii, quia scio te hircorum & arietum occisio-

ne non delectari. Tu es enim qui dixisti: *Non accipiam de domo tua vitulos, neque de gregibus tuis hircos*.

Id. 49. 2.

Sacrificium Deo, spiritus contritus: cor contritum & humiliatum Deus non despicies.

Verf. 18.

21. Nequaquam vere pœnitentiam agit, qui ex peccatorum suorum recordatione quamdam spiritus tribulationem non sentit. Quod quidem reprobis familiare est; quia etsi aliquando peccata sua confiteantur, ea tamen districtæ animadversionis fletibus non persequuntur. Electi vero etiam si minima sint quæ in se puniendi inveniunt, zelo rectitudinis contra se erecti, ad pœnitentiæ se lamenta studiosè succendunt. Qui dum sanctæ contemplationis pennis ad cœlestia se intuenda erigunt, eo subtilius si quid in ipsis vitiosum latebat inveniunt, quo ad divinæ lucis claritatem vicinior accedunt. Tantoque eis disciplicet quod infirmum ex carne tolerant, quanto eos delectat quod ex incorruptibilis vitæ suavitate degustant. Unde fit quod gravi in seipso vel pro otiosis verbis, vel pro vanis cogitationibus invectione desæviant; & quæ levia ante crediderant, mox ut gravia & mortifera perhorrescant. Beneficia sibi divinitus collata conspiciunt, culpas nihilominus anteaetas ad memoriam reducunt. Vitæ hujus corruptibilis ærumnosa necessitates enumerant, quanta sit cœlestis gloriæ felicitas, in meditatione pertractant. A qua quia per carnis fragilitatem retrahi se sentiunt, validissimi seipso interiorius vulnere doloris transfigunt. Dum ergo hæc omnia ante mentis oculos intenta consideratione recolligunt, vehementissimæ tribulationis igne intrinsecus inardescunt. Hæc est illa spiritalis Sanctorum tribulatio, quam in cordibus eorum generat pœnitentiæ & desiderii dilati amaritudo. Hanc nimirum Job sentiebat, cum dicebat: *Loquar in tribulatione spi-*

Veram pœnitentiam comitteretur spiritus tribulatio.

Job. 7. 11.

ritus mei. Electorum etenim linguas tribulatio spiritus commovet, ut reatum pravi operis vox confessionis inipagnet. *Cor contritum & humiliatum Deus nos despicies.*

Cor frustra contritum, nisi humiliatum sit.

22. Multi habent cor contritum, qui non habent cor humiliatum. Sunt enim plerique, qui etsi peccata sua fletibus puniant, pauperes tamen opprimere potestatis suæ dominatione non cessant. Hi nimirum nequaquam purum sacrificium Deo offerunt; quia detestabilis superbiæ illud admixtione corrumpunt. Vel sicut beatus Hieronymus hunc locum exponit, illi cor conterunt, sed non humiliant, qui peccata quidem quæ commiserunt desunt, sed tamen eadem committere etiam post fletus non timent. Dum enim errorum suorum consideratione revocati, ad ea quæ dimiserant redeunt; se contra Conditorum suum per opera pravitatis extollunt. Ex superbiæ namque vitio est timorem Dei contemnere, Conditoris præcepta pravæ actionis transgressione calcare, cœlestis vitæ gaudia mansura negligere, damnationis perpetuæ infinita supplicia non timere. Illorum ergo sacrificium Deus non accipit, qui lacrymis quidem se compunctionis abluunt, sed eisdem, a quibus ante mundati esse videntur, peccatorum maculis in idipsum revertentes sordescunt. De talibus scriptum est:

Eccl. 34, 30.

Qui baptizatur a mortuo, & iterum tangit eum, quid prodest lavatio ejus? Ille quippe lavatur a mortuo, qui per poenitentiam mundatur a peccato. Quem si contigerit eadem quæ punierat, iterando peccata committere, nihil contulisse videtur adhibita satisfactionis lavatio, quem maculavit inhonestius iterata facinoris turpitudine. Quia igitur scriptum est: *Deus superbis resistit, humilibus autem dat gratiam*; illos qui superbiendo ad peccata redeunt, divina iustitia respuit. Illos vero qui

continendo & humiliando post tergum non respiciunt, clementia Dei non despicit; quia scriptum est: *Prope est Dominus his qui tribulati sunt corde, & humiles spiritu salvabit.*

Psalm. 33, 19.

Benigne fac Domine in bona voluntate tua Sion, ut adificentur muri Jerusalem.

vers. 19.

23. Sion speculatio interpretatur, per quam sancta significatur Ecclesiæ. Quia in eminentioribus virtutum & scientiæ locata vestigiis, & cœlestem patriam a longe prospicit, & irruentes spiritualium inimicorum cuneos interiori intuitu deprehendit. Cui Deus tunc benigne fecit, quando filium suum in mundum misit. Veniens autem Filius Dei, quam de diabolica potestate eripit, sanctam sibi Ecclesiam in unitate spiritus confederavit. De quo Johannes ait: *Qui habet sponsam, sponsus est.* Quid autem benignius, quam Filium Dei servilem formam induere, mortis legibus subiacere, proprio sanguine nos redimere, æternæ vitæ aditum, quem culpa obstruxerat, aperire; corpore suo nos pascere, & de tenebrarum potestate erutos, ad cœlestem gloriam & ad regnum nos lucis transferre? Quid denique benignius, quam quod Deus tradidit filium, ut redimeret servum? Benignitatem nihilominus Dei quotidie sentit Ecclesia, cum illam Deus claritate suæ cognitionis illuminat, inter seculi turbines fluctuantem spiritus sui virtute confirmat, suavitatis intimæ deliciis reficit, atque per eam peccantibus peccata dimittit. Et notandum quod ait: *In bona voluntate tua, ut intelligas nihil perfectum haberi posse ex meritis, sed tantum conferri gratuito munere divinæ miserationis. Ut adificentur muri Jerusalem.* Per Jerusalem, quæ visio pacis interpretatur, sancta anima accipitur, quæ futuram Sanctorum pacem mentis intuitu conspicit, & omnibus in se mortificatis hostibus,

Christi erga sponsam Ecclesiam benignitas.

Job. 3, 29.
Philip. 2.

Non ex meritis, sed gratuito.

1. Pet. 5, 5.

Omnes aut
Jerusalem,
aut Babylo-
nis cives
sunt.

bus, illicitorum motuum impugna-
tionem non sentit. Cujus muri vir-
tutes sunt: quos ille nimirum ædi-
ficat, qui ex operibus justitiæ & pie-
tatis, spiritale construere ædificium
non cessat. Unusquisque autem Je-
rusalem, aut Babylonis civis est.
Sicut enim per amorem Dei Sanctus
quisque Jerusalem civis efficitur; ita
per amorem seculi, omnis iniquus
in Babylonis structura operatur.

Babylonem
quidam ædi-
ficant.

Gen. 11.

24. Ad construendum autem hu-
jus spiritualis Babylonis ædificium,
perverſi quique illius antiquæ Babel
imitantur exemplum. Cujus, teste
sancta Scriptura, civitatis auctores,
& pro faxis lateres, & pro cæmento
bitumen habuisse leguntur. Per quod
intelligitur quod mundi amatores
carnalis vitæ construunt municipium,
quod ad vim ventorum, & impetus
fluvii, facili impulsu velociter est
subruendum. Notandum vero est,
quia illi de quibus agitur, de O-
riente venisse, & in campo Sennaar
habitasse perhibentur. Cum enim
Christus vere sit Oriens, Propheta
attestante qui ait: *Ecce vir Oriens*
nomen ejus; de Oriente veniunt,
qui a Christi consortio male viven-
do recedunt. Sennaar autem inter-
pretatur excussio dentium, sive sceler
eorum. In campo ergo Sennaar ha-
bitant, qui positi non in celsitudine
virtutum, sed in planitie vitiorum,
& detractionum morsibus proximos
lacerant, & in otiosæ vitæ voluta-
bro jacentes, infamix suæ circum-
quaque scelerem exhalant. Quorum
dentes tunc omnipotens excutit, cum
illorum facta simul & verba confun-
dit. Unde per Prophetam scriptum

Isa. 3. 8. est: *Dentes peccatorum contrivisti.*
Psal. 3. 57. Et iterum: *Dominus conteret dentes*

Jer. 1. 13. est: *Computruerunt jumenta in ster-
core suo.* Computrescere jumenta,
est carnales homines in scelerem lu-

xuriæ vitam finire. Et Isaias ait:
Et erit pro suavi odore sceleris, pro-
zona funiculus. Quia nimirum hi
pravi operis scelerem emittunt, qui
abjecto cingulo castitatis, funiculum
intexunt lasciviæ. De quibus dicitur
per Prophetam: *Vae qui trahit pec-*
cata sicut vestem longam. Merito
ergo qui in Sennaar habitant, de
lateribus civitatem ædificant: quia
qui terrenis dediti sunt, voluptati-
bus carnis inserviunt, de fragili ma-
teria mentis mutationem attollunt.

Isa. 3. 24.

Isa. 1. 13.

Qui Jerusa-
leni.

1. Cor. 10.
Marth. 7.

25. Cæterum qui contempta ter-
renarum opum cupiditate, & car-
nalis vitæ abdicatis illecebris, per
opera sanctitatis virtutum in seipsis
sanctificationem accumulunt, hipro-
fecto lateres in lapides mutant. Et
neque in arena mundanæ confiden-
tiæ spiritalem structuram erigunt,
sed in petra fidei, quæ Christus est,
atria nulli excidio obnoxia, ad si-
militudinem Evangelicæ illius para-
bolæ constituunt. Tales nimirum re-
cte cum Isaias possunt dicere: *La-*
teres ceciderunt, sed quadris lapidi-
bus ædificabimus: sycomoros succide-
runt, sed cedros immutabimus. La-
teribus quippe cadentibus, lapidibus
quadris ædificat, quicumque carnis
lasciviam disciplinæ strictioris rigore
castigat; qui membrorum legem,
mentis lege superat; qui corporis
fortitudinem, spiritus virtute com-
mutat. Hinc namque per Prophe-
tam dicitur: *Qui confidunt in Do-*

Isa. 9. 10.

Isa. 40. 31.

mino, mutabunt fortitudinem. Qui
dum non dixit, accipient, sed mu-
tabunt; aperte ostendit, quia alia
est fortitudo quæ deponitur, & alia
quæ noviter incogatur. Habent enim
sancti viri suam in hac carne posi-
ti fortitudinem, cum vel pro fide
certantes, tormenta omnia constan-
tiæ virtute despiciunt, vel tentatio-
nes diabolicas armis spiritualibus pro-
tecti repellunt. De eis namque per
Salomonem scriptum est: *En lectu-*
rum Salomonis sexaginta fortes am-
biant

Cant. 3. 7.

biunt ex fortissimis Israel. Lectulum quippe Salomonis fortes ambiunt, quia intimam nostri Redemptoris requiem, Sancti quique indefessa desiderii sedulitate contemplantur. Hinc de sancta Ecclesia electorum dicitur: *Fortitudo & decor indumentum ejus*. Qui enim ita se in virtutibus decorum exhibet, ut tamen tentationum impugnationibus non repugnet, hic nimirum decore ad tempus induitur, sed fortitudine nequaquam vestitur. Quia vero Sancti Dei & ex operibus justitiæ fulgidi, & ex adversariorum apparent impugnationibus vestiti, recte de eis sub typo Ecclesiæ dicitur: *Fortitudo & decor indumentum ejus*. Quisquis ergo infirma carnis fortitudine contenta, in virile spiritus robur animam excitat, quasi lateres in faxa, quibus muri Jerusalem ædificentur, commutat. Possumus quoque per Jerusalem, illam sanctam civitatem accipere, quæ ex vivis lapidibus in cælis construitur, & sicut sponsa ornata viro suo a Deo paratur. De illa namque dicit Apostolus: *Illam autem quæ sursum est Jerusalem libera est, quæ est mater nostra*. Quæ merito dicitur libera; quia ab omni corruptionis molestia invenitur aliena. Nec incongrue Jerusalem dicitur, quæ veram in se ipsa pacem sine defectu experitur. Illa est enim civitas pacis, in quam nullus hostium ingreditur, & ex qua nullus civis egreditur. Civitas, inquam, cujus plateæ auro mundo sternuntur, & in qua canticum lætitiæ indefinenter cantatur. Quæ quidem, sicut scriptum est, non eget sole neque luna: quia cum illam Deus præsentia suæ claritatis illuminet, impossibile est ut eam aliqua caliginis obumbratio obscuret. Deus enim lux est, sicut ait in epistola sua Johannes Apostolus; & tenebræ in eo sunt nullæ. Quod si tanta est claritas solis, ut totam ortu suo

terram illuminet; quanta æstimanda est Dei claritas, qui & ipsum solem condidit, & ei ad utilitatem nostram hanc quam cernimus luminis venustatem infundit? Hujus igitur Jerusalem muri ædificantur, cum fideles ad vitam prædestinati, ad perfectionem justitiæ deducuntur. Figuram autem hujus civitatis illud Salomonis templum gestavit, in cujus ædificatione lapidibus extructa, mallei sonitus auditus non fuit. In sacris enim ædificiis permansuri, adhuc foris per flagella tundimur, ut in templo Domini postmodum sine aliqua percussione disciplinæ disponamur: quatenus quidquid in nobis superfluum, aut distortum est, modo percussio refecet, & tunc sola in cælesti ædificio concordia veritatis liget. Nec mirum si templum eadem civitas dicatur, quæ etiam tabernaculum dicitur, sicut scriptum est: *Ecce tabernaculum Dei cum hominibus*.

Tunc acceptabis sacrificium justitiæ, oblationes, & holocausta: tunc imponent super altare tuum vitulos.

26. Ædificata cælesti Jerusalem, sacrificium dumtaxat justitiæ acceptum erit Domino; quia ibi non erit opus offerri sacrificium pro peccato. In hac enim vita quia in multis quotidie delinquimus, oportet ut contriti cordis & contribulati spiritus Deo sacrificium offeramus. In resurrectione autem, cum corruptibile hoc induerit incorruptionem, & mortale hoc induerit immortalitatem, nec ullus Sanctorum peccare postmodum poterit, nec quisquam ad Deum pro peccato orabit. In tantum namque peccatum delebitur, ut etiam pœna peccati omnino destruat, sicut scriptum est: *Absorpta est mors a victoria. Ubi est mors victoria tua? ubi est mors aculeus tuus? Stimulus enim mortis peccatum est*. Necessario ibi peccatum deesse convincitur, ubi mortis aculeus non invenitur. Non igitur oportet ibi offerri pro peccato

Hujus lapidis per flagella tundendi & pollicendi.

Apo. 21. 3.

Vers. 20.

Quale sit Sanctorum sacrificium in cælo.

1. Cor. 15.

Ibid. 15. 55.

cato

cato sacrificium, ubi nec in cogitatione admittitur delictum. Sacrificium itaque iustitiæ Sancti in æterna vita Deo offerent; quia in solo Conditoris amore intenti, indefessas remuneratori suo in lætitia cordis laudes dicent: Unde scriptum est: *Beati qui habitant in domo tua Domine, in secula seculorum laudabunt te.* Et iterum: *Vos exultationis & salutis in tabernaculis iustorum.* Tunc electorum suorum oblationes Deus acceptas habebit; quia sanctas eorum meditationes nullius pravitatis admixtio commaculabit. Holocausta nihilominus eorum accipiet; quia totum quod in eis erit, flamma divinæ caritatis accendet. Et *Tunc imponent super altare tuum vitulos.* Altare, Dei Filius est, de quo ipse Dominus ait: *Altare de terra facietis mihi.* Quid est enim aliud altare de terra facere, nisi de Dei Filii incarnatione non dubitare? Ipse est namque cui in hac vita cordium nostrorum sacrificia imponimus, & in quo cogitationes illicitas ne convalescant macramus. Unde scriptum est: *Beatus qui tenebit et allidet parvulos suos ad petram.* Ad petram quippe parvulos nostros allidimus, cum orientes motus illicitos, imitationis Christi intentione mortificamus. Scriptum est enim: *Petra autem erat Christus.* Ipse ergo est petra, ad quam cogitationes nostras tenemus: ipse altare, cuius clementiæ peccatorum victimas imponere præsumimus. Denique *peccata nostra ipse portavit.* Super ipsum ergo vitulos in æterna vita Sancti seipsum imponent; quia per gratiam Dei liberati a lege peccati & mortis, quod nulli iugo Legis postmodum erunt subditi, totum attribuent gratiæ Filii Dei. Nullus enim hominum in cælum ascenderet, nisi Filius Dei pro salute nostra carnem sumisset. Vel certe vitulos super altare imponent, cum deposita primi hominis

vetustate, & mortalibus exuti exuviis, facti vituli, id est innovati & puri in perpetuum vivent.

27. Quod si, ut præmissum est, secundum moralem intelligentiam ædificationem Jerusalem accipere volumus, hunc quoque versum eidem intellectui hoc modo convenienter aptamus. Dictum est David regi a Domino: *Non tu ædificabis mihi domum, quia vir sanguinum es:* Postea vero filius ejus re & nomine pacificus, & sapientiæ gratiam a Domino ultra morales obtinuit, & templum mirifici operis, sicut liber historiæ attestatur, Deo Israel ædificavit. In quo datur intelligi, quia dum cum hostilibus vitiorum cuneis, virtutum oppositione confligimus, domum sapientiæ nequaquam ædificare valemus: ubi vero superatis adversariorum agminibus, & passionum depulsa barbarie, pacem in nobis factam, omnibus mentis imperiis carne jam obtemperante senserimus; tunc corpus nostrum inviolabile templum Domino construimus: in quo & sacrificium quod ex zelo iustitiæ veritatem prædicantes offerimus, Deus accipit, & oblationes sanctarum meditationum, & igne ferventis desiderii ardentium orationum holocausta assumit. Super altare quoque cordium nostrorum ponimus vitulos, cornua producentes & ungulas, si hæreticorum sententias utriusque Testamenti auctoritate noverimus comminuere, & virtutes a vitiis per studium discretionis separare. Per ungulas enim vitulorum, quæ sinduntur, discretionem accipimus: per cornua vero, utriusque Testamenti præcepta notamus. Vel certe cornua produci mus, si etiam in his quæ carnis sunt, Deo placere studeamus. Cornu namque cum de carne sit, carnem superexcedens durefcit. Quisquis ergo, carnis infirmitate deposita, etiam per carnis obsequium opera virtutis effecerit,

Corpus nostrum, templum Dei: cor, altare.

1. Paral. 17. 2.
3. Reg. 6.

Psal. 63.

Psal. 23. 5.

Psal. 117. 15.

Eorum altare Dei Filius.

Exod. 24. 20.

Psal. 116. 3.

1. Petr. 2. 24.

rit, quasi cornua de carne producit.

PROOEMIUM

In quintum Psalmum penitentialem.

Oratio pauperis cum anxius fuerit, & coram Domino effuderit precem suam.

Psalmus hic oratio Christi est.

1. Cor. 7. 9.

Philip. 2. 7.

1. Cor. 15. 3.

Rom. 4. 25.

Hebr. 10.

Quis est iste pauper cujus in hoc Psalmo notatur oratio, nisi ille de quo ait Apostolus: *Qui cum esset dives pauper pro nobis factus est.* Ipse enim ut nos divitiarum suarum efficeret participes, paupertatis nostrae suscepit necessitates: *Exinanivit namque semetipsum, formam servi accipiens, in similitudinem hominum factus, & habitu inventus ut homo: humiliavit semetipsum, factus obediens usque ad mortem, mortem autem crucis.* Sicut autem pauper pro nobis factus est, ita & pro nobis mortis traditus, & pro nobis in ligno suspensus. *Mortuus est enim,* ut ait Apostolus, *propter delicta nostra, & resurrexit propter justificationem nostram.* Ex humana autem natura habuit ut anxaretur, ex qua habuit etiam ut moreretur. Orat ergo caput nostrum in Psalmo hoc, ut illuc reducamur per gratiam, unde per primi parentis cecidimus culpam. Potest etiam hæc oratio convenire unicuique, qui pauperem se esse intelligit, & suarum miseriam necessitatum agnoscit: qui fallaces esse divitias seculi istius considerat, & quam horrendum sit in manus Dei viventis incidere, pensat. Qui post tergum reductis oculis cogitat unde ceciderit, & circumspicit omnibus quæ imminet, quas invenerit calamitates attendit. Hæc itaque omnia ante mentis oculos omnis pauper congerat, & pauperem Christum pro nobis anxiatum considerans,

miseriarum suarum multitudinem attendat: quanta gloria in Adam fuerit creatus recolligat; & in his omnibus anxius, non in oculis hominum, sed coram Domino precem suam effundat, dicens:

EXPLANATIO.

Quinti Psalmi Poenitentialis.

Domine exaudi orationem meam, Psal. 101.
& clamor meus ad te veniat. Vers. 1.

1. In hac oratione quam exposituri sumus, quædam ipsi attribuuntur capiti, quædam nostræ conveniunt infirmitati. Nec mirandum, si ea quæ nobis solummodo congrunt, quasi sint sua Christus pronuntiat. Unum quippe corpus est tota sancta universalis Ecclesia, sub Christo Jesu, suo videlicet capite, constituta. Unde ait Apostolus: *Ipse est caput corporis Ecclesiæ, qui est principum, primogenitus ex mortuis.* Ipsa est enim quæ per Prophetam jucundatur, & dicit: *Nunc exaltavit caput meum super inimicos meos.* Pater enim Filium, qui est caput Ecclesiæ, super inimicos ejus exaltavit, cum destructo mortis imperio, in suæ illum majestatis æqualitate constituit: cui & dixit: *Sede a dextris meis, donec ponam inimicos tuos scabellum pedum tuorum.* Christus itaque cum tota sua Ecclesia, sive quæ adhuc versatur in terris, sive quæ cum eo jam regnat in cœlis, una persona est. Et sicut est una anima quæ diversa corporis membra vivificat, ita totam simul Ecclesiam unus Spiritus sanctus vegetat & illustrat. Sicut namque Christus, qui est caput Ecclesiæ, de Spiritu sancto conceptus est: sic sancta Ecclesia quæ corpus ejus est, eodem Spiritu sancto repletur ut vivat: ejus virtute firmatur, ut in unius fidei & caritatis compage subsistat. Unde dicit A-

Unum sunt Christus & Ecclesia.

Col. 1. 12.

Psal. 26. 6.

Psal. 108. 1.

Ephes. 5.

Col. 2. 2.

postolus: *Ex quo totum corpus per nexus & conjunctiones subministratum & constructum crescit in augmentum Dei.* Istud est corpus, extra quod non vivificat Spiritus.

Corpus Ecclesie sancto Spiritu vegetatur. Tract. 36. in Joh. 2.

Unde dicit beatus Augustinus: *Si vis vivere de spiritu Christi, esto in corpore Christi.* De hoc spiritu non vivit schismaticus, non vivit excommunicatus: non enim sunt de corpore. Ecclesia autem spiritum vivificantem habet, quia capiti suo Christo inseparabiliter adhæret. Scriptum est enim: *Qui adhæret Domino unus spiritus est cum eo.* Pro membris itaque orat caput in hoc Psalmo, ut corporis sui orationem Deus Pater exaudiat, & ut ejus clamor ad divinæ majestatis aures ascendat. Quotidie enim orat Christus pro Ecclesia, de quo testatur Apostolus Paulus: *Quia sedens ad dexteram Patris interpellat pro nobis.* Denique

2. Cor. 6. 17. Orat Christus pro Ecclesia.

Rom. 8. 34.

2. Johan. 2.

& ipse est propitiatio pro peccatis nostris. Potest autem hæc oratio unicuique convenire fideli, qui a Deo postulat in bono perseverantiam, & tam sancti desiderii, quam etiam irremissæ operationis emittit clamorem. Clamor autem aliquando in bona, aliquando in mala significatione accipitur. Clamat enim iustus, cum operatur justitiam ex desiderio: clamat & impius cum peccatum adjungit peccato. Clamabat Moyses cum populum de Ægyptiaca servitute liberatum, ad terram promissionis per desertum deduceret. Clamabat & populus Gomorrhæus, cum ex frequentissima peccati perpetracione Deum ad iracundiam provocaret. Denique & Moysi tacenti dictum est a Domino: *Quid clamas ad me?* Et de illis ait Dominus: *Clamor Sodomorum & Gomorrhæorum ascendit ad me.* Unde quidam nos admonet, dicens: *Auferatur clamor de medio vestrum.* Hic autem pro irremissa operatione clamor accipitur, cum dicitur: *Clamor meus ad te veniat.* Notandum vero est quod cum præmisisset: *Exaudi orationem meam;* statim adjecit: *Et clamor meus ad te veniat.* Illi enim a Domino exaudiri merentur, qui divini zelo amoris accensi, omnia quæ possunt bona operantur. Nam qui perversis actionibus assuetus, operibus iniquitatis invigilat, nequaquam dignus est exauditione cum orat. Hinc namque per semetipsam Veritas ait: *Non omnis qui dicit mihi, Domine, Domine, intrabit in regnum celorum.* Si volumus igitur ut ad aures Dei nostra perveniat oratio, studeamus necesse est, ut ab omni admixtione pravitatis nostra mundetur operatio, ut possimus Deo cum Propheta dicere: *Clamor meus ad te veniat.*

Eccl. 34. 15. Gen. 18. 20.

Forse Eph. 4. 31. ubi legitur: 407.

Non avertas faciem tuam a me: in quacumque die tribulor, inclina ad me aurem tuam.

Omnis amaritudo & clamor... tollatur a vobis.

Matt. 7. 26.

Perf. 21

2. Ad similitudinem dominorum dictum est, qui cum pro alicujus suorum culpa graviter offenduntur, solent eum a conspectu suo expellere, & a familiarium assistentium collegio separare, a supplicante faciem avertere, roganti veniam denegare. Deus vero, licet cum superbiendo ab eo avertimur, a nobis per justitiam avertatur: tamen cum humiliati ad eum convertimur, ad nos per misericordiam converti non dedignatur. Ipse est enim qui dicit: *Convertimini ad me, & ego convertar ad vos.* Et iterum: *Si impius egerit pœnitentiam de omnibus peccatis suis quæ operatus est, & fecerit iudicium & justitiam, vita vivet, & non morietur: omnium iniquitatum ejus, quas operatus est, non recordabor; & in justitia sua quam operatus est, vivet.* Ecce patet nobis sinus misericordiæ Dei. Quare misericordiam Dei a nobis excludimus? quare vocationem ejus audire dissimulamus? Non enim solum a conversis non avertitur, sed

Dei nos etiam avertit, si nos vocantis misericordia.

Zach. 7. 35. Excc. 18. 26.

Jerem. 3. 1.

etiam averfos ut convertantur, hortatur. Hinc est enim quod per Prophetam dicit: *Si dimiserit vir uxorem suam, & illa recedens duxerit virum alium, numquid revertetur ad eam ultra; numquid non polluta & contaminata erit mulier illa? Tu autem fornicata es cum amatoribus tuis multis: tamen revertere ad me, dicit Dominus.* Mulieris derelictæ & fornicantis similitudinem adducit, ut ejus cognoscamus pietatem, & sciamus eo nos illum gravius offendere, quo non cessat nos etiam post delictum vocare. Hæc autem vocationis Dei clementia a parte exprimitur, cum homini averfo per alium Prophetam dicitur: *Et erunt oculi tui videntes præceptorem tuum, et aures tuæ audient vocem post tergum monentis.* Ille enim coram positus verba Dei percipit, qui antequam peccatum perficiat, voluntatis ejus præcepta cognoscit. Quasi enim adhuc ante faciem ejus stare, est necdum eum peccando contemnere. Cæterum si abjecto timore Dei iniquitatem operari cœperit, quasi tergum in faciem ejus mittit. Sed & post tergum subsequens Deus abscedentem admonet, quia etiam nequitia perpetrata ad se eum reverti persuadet. Audiamus ergo vocem post tergum monentis, & ad invitantem nos Deum, saltem post peccata revertamur: ut si justitiam vindicantis formidare negligimus, saltem vocantis & miserentis pietatem erubescamus.

Christus in
membris
suis iterum
paritur.

Mat. 9. 4.
Hegeschpel 1.
3. 6. 1.

3. *In quacumque die tribulor, inclina ad me aurem tuam.* Ecce jam caput nostrum sedet a dextris Dei, & tamen se dicit tribulari. Ubi ergo tribulatur, nisi in corpore? Nam quod in corpore tribuletur, manifeste ostendit cum Saulo persecutori dixit: *Saule, Saule, quid me persequeris?* Et Petro ait: *Venio Romam iterum crucifigi.* Qui enim in seipso jam pridem crucifixus fuerat, in Pe-

tro iterum se crucifigendum dicebat. Quamvis sit in electorum cordibus etiam alia tribulatio, quam in eis generat continua poenitentiae amaritudo. Qui enim mala quæ commisit, ante mentis oculos congerens, pro singulis quibuscumque compungitur, in arcano cordis magna & amara doloris metus anxietate contribulatur. Solent namque electi viri, ad ea quorum sibi sunt consci peccata, mentis intuitum reducere, & modis eorum cauta singulatim consideratione perspectis, singula quæque deslere; ut hoc modo cordis sui præparent habitaculum, dum per unumquodque erroris sui deplorant excessum. Hinc namque Jeremias ait: *Divisiones aquarum deduxit oculus meus.* Divisas quippe aquas ex oculis deducere, est dispersitas lacrymas unicuique peccato tribuere, & iniquitatis gaudia satisfactionis doloribus compensare; quatenus dum nunc hujus, nunc illius delicti memoria mens acrius tangitur, simul de omnibus singulis commota purgetur. Quod vero ait: *Inclina ad me aurem tuam;* tale est, quasi dicat: *Æger sum, non possum erigere ad te, quia non est hominis dirigere viam suam. Sed tu more fidelis medici, inclina ad me aurem tuam. Inclina aurem, quia ego non erigo cervicem. Scio enim quia si me erexero, longius discedis: si humiliavero, propius accedis. Sicut enim humiliato appropinquas, ita te ab elato elongas. Ideo ergo tribulor, ut ad me inclines aurem tuam.*

In quacumque die invocavero te, velociter exaudi me. Vers. 3.

4. Non jam terrenus terrena desidero, sed a prima captivitate liberatus, cœlestia concupisco. Exaudi ergo me orantem non pro divitiis seculi, non pro gloria temporali, non pro fecunditate pignorum, non pro morte inimicorum. Velociter autem exaudi, ut in me adimpleas quod

Thron. 3. 43.

Quid Deum
rogare de-
beamus.

Isai. 58. 9. quod dixisti: *Adhuc loquente te, dicam: Ecce adsum.* Multi vocant Deum, sed non invocant; quia labiis tantummodo, non cordis affectu orare procurant. Qui vero Deum toto corde desiderat, confidenter clamat:

Ps. 36. 6. *In quacumque die invocavero te, velociter exaudi me.* In die invocant, qui in mentis puritate Deum exorat. Cujus justitia, cum vias suas Domino revelaverit, sicut lumen educitur, et *judicium*, sicut ait Prophetas, *tamquam meridies illustratur.*

Sap. 1. 1.
Simplicitatis
encomium.

Unde & scriptum est: *Sentite de Domino in bonitate, et in simplicitate cordis querite illum.* Cordis enim simplicitas dies est, quam fraus non obnubilat, non obtenebrat mendacium, non obscurat invidia, non obfuscatur dolus: quam lux veritatis illuminat, præsentiæ divinæ claritas illustrat. Scriptum est enim: *Cum simplicibus sermocinatio ejus.* Deo autem sermocinari, est per suæ præsentiæ Illuminationem humanis mentibus voluntatis suæ arcana revelare.

Prov. 3. 32 Cum simplicibus igitur Deus sermocinari dicitur, quia illorum mentes de arcanis cœlestibus suæ inspirationis claritate illuminat, quos nulla caligo duplicitatis obumbrat. Quo contra de non simplicibus dicitur: *Virum sanguinum et dolosum abominabitur Dominus.* Et Salomon ait: *Spiritus sanctus disciplina effugiet stultum, et aufert se a cogitationibus quæ sunt sine intellectu.* Constat ergo quia istos inhabitando illuminat, illos recedendo excæcat.

Psal. 5. 2. *Virum sanguinum et dolosum abominabitur Dominus.* Et Salomon ait: *Spiritus sanctus disciplina effugiet stultum, et aufert se a cogitationibus quæ sunt sine intellectu.* Constat ergo quia istos inhabitando illuminat, illos recedendo excæcat.

Sap. 1. 5. *Stultum, et aufert se a cogitationibus quæ sunt sine intellectu.* Constat ergo quia istos inhabitando illuminat, illos recedendo excæcat.

Verf. 4. *Quia defecerunt sicut fumus dies mei, et ossa mea sicut cremum aruerunt.*

Omnia quæ
caducatum
rerum desi-
derio accen-
si agimus,
evanescent.

5. Spectat hoc ad id quod dixit: *Velociter exaudi me.* Quasi diceret: Opus est ut velociter me exaudias, quia dies mei defecerunt, videlicet ad defectum velut fumus devenerunt. Per dies suos hic vult intelligi omne tempus, quo mandata Dei posuit, & fanestis periturarum re-

rum accensus desideriiis, sibi non Deo militans carnaliter vixit. Habet enim in hac vita diem suum anima perversa, quæ transitorio gaudet in tempore, & lethifera carnalis delectationis perfruitur jucunditate: Hinc est quod Salvator noster prævaricatrici Jerusalem, destructionis suæ justum excidium comminans, ait:

Et quidem in hac die tua, quæ ad pacem tibi. Diem etenim suam ille tunc populus habebat; quia in rerum labentium opulentia confidens, quiete & successu gaudebat. Quorum nimirum oculos prosperitas clauderat; ut nec visitationis suæ tempus cognoscerent, nec imminentium malorum contritionem viderent. Sicut enim cordis oculos flagella aperiunt; sic mentis aciem aliquoties successus prosperi retundunt; adeo ut seipsam mens cognoscere non valeat, quam prosperitatis mundanæ oblectatio captivat. Hinc namque Salomon ait:

Aversio parvulorum interficiet eos, et prosperitas stultorum perdet eos: Israeliticum ergo populum prosperitas perdidit, cujus in die sua oculos ne futuri excidii vastitatem cognoscerent, clausit. Hæc est dies, qua Jeremias ait: *Diem hominis non desideravi.* Dicat & fidelis anima: *Defecerunt sicut fumus dies mei.*

Fumus, sicut est omnibus notum, in altum quidem se in primis erigit, sed cito deficiens, quasi non fuerit evanescit. Sic nimirum sic humana superbia cum rerum opulentia intumescens se in altum extulerit, a statu suæ celsitudinis corruens, ad ima ruit. Hinc namque per semetipsam Veritas ait: *Omnis qui se exaltat, humiliabitur; et qui se humiliat, exaltabitur.* Hinc per Prophetam scriptum est: *Vidi impium superexaltatum et elevatum sicut cedros Libani: et transivi, et ecce non erat: quasiivi eum, et non est inventus locus ejus.* Qua in re-

pensandum est, perversorum poten-

Luc. 19. 42.

Oculos
claudit
prosperitas.

Prov. 1. 32.

Jerem. 17. 15.

Luc. 14. 12.

Ps. 36. 35.

tia qualiter destruitur, quorum nec locus quidem post modicum invenitur. Sequitur: *Et ossa mea sicut cremium aruerunt.*

Qui per ossa Christi, qui per carnem significatur.

6. Per ossa, rationem & intelligentiam possumus accipere: quæ quasi sicca remanent, dum factorum & virtutum pinguedinem non habent.

Isa. 62. 6.

De qua profecto pinguedine dicit Propheta: *Sicut adipe et pinguedine repleatur anima mea.* Vel per ossa, fortiores qui sunt in Ecclesia, accipimus: quia sicut per ossa corpus nostrum vegetatur, ita per illos corpus Christi, quod est Ecclesia, regitur & sustentatur. Habet enim & corpus Christi carnem suam, infirmos scilicet, virtutum carentes fortitudine, qui perfectorum indigent sustentatione. De hac carne in persona Christi recte per Job dicitur: *Pelli mea consumtis carnibus, adhæsit os meum.* Quod nimirum in passione Christi impletum est, quando discipulis fugientibus mulieres pæterunt, & usque ad crucem secutæ sunt. Scimus enim quia in corpore hominis pellis exterius eminet, caro vero ossibus introrsus adhæret. Pelli ergo consumtis carnibus os Christi adhæret, quia fugientibus & dubitantibus Apostolis, qui ei familiaris adstiterant, mulieres quæ quasi remotiores esse videbantur, nec a cruce suspensi, nec a sepulchri monumento discedebant. Quia vero sancti viri imperfectis delinquentibus condolent, & eorum infirmitati compatiuntur, recte nunc dicitur: *Ossa mea sicut cremium aruerunt.* Quod evidenter ostendimus, si unum exemplum ad medium deducamus. Videamus unum, de ossibus Christi quomodo cum infirmantibus infirmetur, cum dolentibus doleat, cum arescentibus arescat. Ait enim: *Quis infirmatur, & ego non infirmor? quis scandalizatur, et ego non uror?* Vides quomodo omnium

Job. 19. 20.

Luce. 23.

2. Cor. 12. 19.

in se infirmitates transfulerat, omnium casus velut proprios deflebat. Ideoque ait: *Ut lugeam omnes qui peccaverunt, & non egerunt penitentiam.* Denique & omnibus omnia factus est, ut omnes lucrificeret. Ossa ergo sicut cremium consumto adipe arent, cum perfecti quique carnalium infirmitatibus condolent, & se quasi spiritali pinguedine æstimant vacuos, dum illos aspiciunt virtutum auxiliis destitutos. Cujus infelicitatis causam manifeste aperit, cum subjungit:

Verf. 5.

Percussus sum ut fenum, & aruit cor meum: quia oblitus sum comedere panem meum.

Isa. 40. 6.
Ib. d. 2.
Cur homo feno comparatur.

7. Scriptum est in Isaia: *Omnis caro fenum; & omnis gloria ejus quasi flos agri.* Et rursum: *Vere fenum est populus.* Homo namque

feno comparabilis est; quia per natiuitatem viret in carne, per iuventutem candescit in flore, per mortem aret in pulvere. Ipse est enim,

Job. 14. 20.

Job attestante, *qui quasi flos egreditur et conteritur.* Hæc autem mors

& contritio, quæ ad omnes homines ex iustæ damnationis sententia pervenit, ex primi hominis peccato descendit. Unde & Apostolus ait:

Roma. 4. 12.

Primum hominem peccatum intravit, et per peccatum mors, et ita in omnes homines mors pertransiit. Homo

ergo qui si in Creatoris obedientia persistisset, posset in æternum vivere, propter inobedientiæ culpam percussus est mortalitate. De qua

nimirum percussione in hoc loco dicitur: *Percussus sum ut fenum et aruit cor meum.* Quia ergo primus

homo peccando in mortem incidit, propagata generis humani successio a rationis intimæ viriditate consequenter exaruit. Quare autem cor

humanum ab illo aruit virore in quo conditum fuit, subdendo manifestat, ait enim: *Quia oblitus sum comedere panem meum.* Panem suum

in

a
Panis homi-
nis quis sit.

Gen. 3.

b

Matt. 4. 4.

Johan. 6.

Idem 52.

Yer. 6.

Hunc pa-
nem come-
dere obli-
vionem, quæ
prosequan-
tur mala.

in paradiso primus homo conditus habuit, quamdiu ^a inconcussio mentis vestigio Conditoris sui præcepta servavit. Panis autem ejus fuit visionis divinæ delectatio, verbi Dei satietas, internæ quietis gaudium, lucis inaccessibilis splendor, sapientiæ refectio, Angelorum societas, amor Dei, jubilum spiritus, contemplationis suavitas, colloquutionis desiderium, securitas mentis, præsentia Creatoris. Quem panem tunc profecto perdidit, cum serpentis suggestioni consensit. Tangens enim vetitum, oblitus est præceptum. Unde factum est ut qui tenebat arcem beatitudinum, in lacum incideret miseriarum: & qui intimæ reficiebatur suavitate dulcedinis, panem postmodum manducaret doloris. Quicumque ergo illius portat imaginem, factus de terra terrenus, panem suum comedere obliviscitur; quia terrenæ voluptatis captus illecebris in verbo Dei ^b non delectatur. Panis etenim noster, verbum Dei est. Hinc namque per semetipsam Veritas ait: *Non in solo pane vivit homo, sed in omni verbo quod procedit de ore Dei.* Sequatur ergo oblivionem commemoratio, & esuriem refectio comitetur: ut panem illum qui de cœlo descendit, manducantes, & pœnam evadamus mortis perpetuæ, & vitæ participemus æternæ, sicut Dominus ait in Evangelio: *Si quis manducaverit ex hoc pane vivet in æternum.*

A voce gemitus mei adhæsit os meum carni meæ.

8. Arescente corde propter panis & vini inopiam & oblivionem, vox gemitus emittitur: quia ubi a desiderio vitæ æternæ defecerit intentio, consequenter de corde procedit malarum cogitationum vociferatio. In qua nimirum vox gemitus dicitur, quia per eam ad tristitiam pervenitur. Aut enim in hac vita generat dolorem pœnitentiæ, aut in futuro

cruciatum parit vindictæ. Possumus quoque per vocem gemitus, vocem serpentis accipere, quia primis hominibus ut de interdicto gustarent persuasit, eosque deos futuros fraudis suæ doloitate promisit. Illa est enim vox gemitus, per quam omnes peccavimus, per quam mortales & passibiles facti sumus: vox per quam a cœlestibus gaudiis cecidimus, & in felle lacrymarum exulamus. Per hanc vocem os carni adhæsit, quia Adam Evæ consensit. Habet in se unusquisque Adam & Evam. Sicut enim in illa prima hominis transgressione suggestit serpens, delectata est Eva, consensit Adam: sic & quotidie fieri videmus, dum suggerit diabolus, delectatur caro, consentit spiritus. Nos quippe cum tentamur, plerumque in delectationem, aut etiam in consensum labimur. Sicut autem peccatum illud subsecuta est mors, sic & peccato consentiens moritur anima: quia a vita sua, quæ Deus est, separatur. Mortui enim sumus, quando implemur ossibus mortuorum. Mortuus est sermo malus, qui ex ore nostro procedit. Scriptum namque est: *Sepulcrum patens guttur eorum.* Habemus autem portas, per quas mortui efferimur, corporis videlicet sensus, de quibus ait Propheta: *Qui exaltas me de portis mortis.* Hæ sunt enim portæ, per quas mors ingreditur, & per quas mortuus effertur. Nam quod per illas mors ingrediat, testatur alius Propheta, qui ait: *Intravit mors per fenestras nostras.* Qui enim vidit mulierem ad concupiscendum eam, mortem per oculorum fenestras admisit. Qui vero seminat inter fratres discordias, & iniquitatem in excelsoloquitur, per oris portam mortuus effertur. Et quidem mihi hoc significare videtur juvenis extra civitatis portam delatus, quem suscitavit Jesus. Signat enim

Gen. 3.
Et interdictum de fructu scientie non comedendo contemnerem.

In nobis Adamum & Evam habemus.

Pf. 5. 17.

Pf. 9. 15.

Jer. 9. 12.
Matt. 5.

Luc. 7.

enim hominem delectatione mortuum & per pravi operis judicia jam extra portas perlatum. Obsecro, Domine Jesu, ut cunctas meæ civitatis portas justitiæ facias, ut ingressus in eas confitear nomini tuo, tuæque majestati, cum justis per eas intrantibus, ut mors ibi aditus ingressum non habeat, passio non dominetur, sed occupet salus muros ejus, & portas illius laudatio.

Vers. 7.

Similis factus sum pelicano solitudinis, & factus sum sicut nycticorax in domicilio.

Carnales pelicanus & nycticorax adumbrant.

9. Pelicanus avis est amans solitudinem, in qua venenatis animalibus vescitur: & ideo per eam peccator designatur, qui in deserto hujus mundi corde habitans, ærumnosis istius vitæ captus illecebris, veneno delectatur diabolicæ persuasionis. Nycticorax, qui alio nomine bubo dicitur, in dirutarum domuum ædibus moratur. Solet autem nocte tantum cantare: per quod notantur hi, qui in tenebroso tripudiant opere, & in mentium suarum exultant destructione. Sed quia sagena Ecclesiæ missa in mare præsentis seculi, non solum malos pisces colligit, sed etiam bonos trahit, recte nunc dicitur:

Matt. 13.

Vers. 8.

Vigilavi, & factus sum sicut passer solitarius in tecto.

Solitudine delectari debemus, & in ipsa nidum ponere ac gemere. Apoc. 16. 15.

10. Vigilat qui ad aspectum veri luminis mentis oculos apertos tenet. Vigilat qui servat operando quod credit, sicut scriptum est: *Beatus qui vigilat & custodit vestimenta sua.* Vestimentum tuum, fides tua est: custodi ergo, ne diripiant alieni laborem tuum: ne denuderis, & appareat ignominia tua. Esto sicut passer solitarius in tecto. Per passerem quæ cauta & querula avis est, & in domibus nidificat, recte homo intelligitur, qui in excelsis habitans, & solitudinem incolens, pro peccatis suis clamare non cessat.

Prudentis enim & circumspecti viri est, in alto nidum ponere, & pro peccatis plorare, & solitudinem inhabitare: quatenus in opere terrena non appetat, & in lamentis veniam acquirat, & in habitatione inanium strepitus cogitandum effugiat, ut possit dicere cum Propheta: *Elongavi fugiens, & mansi in solitudine.* Vel etiam caput nostrum, pelicanus fuit solitudinis, quando natus est in Judæa, quæ erat sola civitas plena populo, Prophetis videlicet & justis orbata, & Spiritus sancti virtute destituta. Nycticorax exstitit, quando his qui in tenebris erant, regnum Dei evangelizavit. De illo namque scriptum est: *Lux in tenebris lucet, & tenebræ eam non comprehenderunt.* SI ENIM cognovissent, numquam Dominum gloriæ crucifixissent. Per domicilium, Judæos intelligimus, qui ex parte diruti erant, & ex parte stare videbantur, pro eo quod circumcisionem tenentes. Legem & Prophetas habebant, sed in eum quem Prophetæ in carne venturum prædixerant, nequaquam credebant. Stabant quidem in eis parietes carnalis observantiæ, sed corruerat tectum fidei & disciplinæ. Occiderunt ergo vitam mortui, & lucem tenebræ extinxerunt. Sed quid ultra fecerit audiamus: *Vigilavi, & factus sum sicut passer solitarius in tecto.* Vigilavit, quia a mortuis resurrexit. Qui enim dormivit in morte, vigilavit in resurrectione. Hinc namque ait: *Ego dormivi & somnum cepi, & resurrexi.* Hinc Jacob in benedictione ait: *Catulus leonis Juda, ad prædam, fili mi, ascendisti: requiescens accubivisti ut leo & quasi leona: quis suscitabit eum?* Qui est iste catulus leonis, nisi ille de quo in Apocalypsi ad Johannem dicitur: *Sicut leo de tribu Juda?* Qui ad prædam ascendit; quia fortem armatum fortior superveniens expugnavit. Arma ejus astulit, quia jure illo quod

Ps. 54. 8.

Tren. 1.

Johan. 1. 5.
1. Cor. 2. 8.

Christus in morte dormivit, vigilavit in resurrectione.

Psalm. 3. 6.

Gen. 49. 9.

Apoc. 5. 5.
Luc. 11.

in hominibus habere videbatur, eum privavit. Ille enim dum ambiit illicita, perdidit acquisita. Spolia quoque ejus distribuit; quia vasa iræ fecit vasa misericordiæ. Hinc ergo leo requiescens accubuit; quia mortem sponte subivit. Sed nullus eum suscitavit: quia per divinitatis suæ potentiam ipse a mortuis resurrexit. Et quia post resurrectionem suam in cœlum ascendit, recte cum præmisisset, *Vigilavi*; subjecit: *Et factus sum sicut passer solitarius in tecto*. Quia solus inter mortuos liber, cum Pater regnat in cœlo. Unde & ait: *Nemo ascendit in cœlum, nisi qui descendit de cœlo, Filius hominis qui est in cœlo*.

II. Ferunt Philosophi quod pellicanus filios suos statim ut nati sunt, interficit: postea vero per triduum multo dolore se afficit, eisque quodammodo naturæ affectum ostendit. Postea vero mater seipsam vulnerat, eosque sanguine suo resuscitat. Quis vero pater noster & mater, nisi Mediator Dei & hominum homo Christus Jesus? qui occidit in nobis omnem iniquitatem, ut meliorem inveniamus resurrectionem, sicut ipse ait: *Ego occidam, & ego vivere faciam*. Et de eo per Prophetam scriptum est: *Vivificabit nos post duos dies, in tertia suscitabit nos*. Clamat adhuc in solitudine caput nostrum vel membrum ejus, cum eos vocat, qui nondum agnoverunt veritatem. Clamat in domicilio, dum eos ad pœnitentiam qui ceciderunt invitat. Clamat in tecto, cum admonet ut foras mittamus timorem. Unde in Evangelio discipulis ait: *Quæ in aure auditis, prædicate super tecta*.

Tota die exprobrabant mihi inimici mei: & qui laudabant me, adversum me jurabant.

12. Quid iniquius? Venerat Filius hominis quærere & salvum facere quod perierat. Venerat inquam, ut auferret gemitum do-

lentium, ut reconciliaret nos Deo: sed Judæi, quos iniquitatis suæ caligo cæcaverat, pro nobis mala retribuentes, illum quasi hostem odebant, eique maledictionis convicia exprobrantes inferebant, cum dicerent: *Demonium habes*, & cætera. *Johan. 8. 44.* insanix deliramenta quæ Evangeliorum liber continet. Qui etsi ei aliquando extrinsecus blandirentur, intrinsecus sæviebant, sicuti hi qui eum capere in sermone volentes dicebant: *Magister scimus quia verax es*, & *viam Dei in veritate doces*, & non est tibi cura de aliquo. Magistrum eum vocabant, qui venerant non discendi intentione, sed nocendi cupiditate. Nam quod ita se res habeat, Veritas manifestat, cum tentatores eos & hypocritas vocat. Quasi ergo adversum eum juraverant, qui ex consilio contra eum mendacia configebant. Toto etiam vitæ hujus tempore veritatis inimici Ecclesiæ Dei exprobrant, cum eam hæretica pravitate, aut morum dissimilitudine impugnant.

13. Plerique autem in causa Dei subdole & fallaciter intendentes, & esse se in corpore Christi simulant, & pacem Ecclesiæ Dei occulta machinatione perturbant. De quibus profecto hic dicitur: *Qui laudabant me, adversus me jurabant*. Hi sunt qui veniunt ad vos in vestimentis ovium, intrinsecus autem sunt lupi rapaces. Qui in verbis quidem socialem videntur habere mansuetudinem, in corde vero hostilem gestant furorem. Talis erat ille Simon Magus ab Apostolis baptizatus, sed postea ab Apostolorum principe propter nefandæ venalitatis ambitionem reprobatus. Unde & dictum est ei: *Non est tibi pars in sermone isto*. Dum enim Spiritus sancti gratiam pretio comparare voluit, a doctrina Christi miser se alienavit. Ipse namque præceperat,

Et hy poeitarum subdola consilia.

Matt. 7. 15.

Simonis magis hypocrisis.

Act. 8. 22.

Rom. 9.

Johan. 3. 13.

Christus pellicano similis.

2. Tim. 2.

Gen. 32. 39

osée 6. 3.

Marc. 10. 27

vers. 9.

Luc. 19. Judæorum probra in Christum.

Matt. 10. 8.

dicens: *Gratis accepistis, gratis date*. Hæc est, inquam, hæresis, quæ ipsa nascentis Ecclesiæ rudimenta tentavit, & ante alias hæreses prima apparuit. Cujus erroris vāsania licet ex tunc damnata fuerit, postea tamen in Ecclesia germine pestifero pullulavit. Nostri vero maxime temporibus malitiæ suæ virtus exercuit: & totius Ecclesiæ pacem schismatica infestatione turbavit. Concitavit enim adversus Ecclesiam Dei non solum innumerabilem populi multitudinem, verumetiam regiam, si fas est dicere, potestatem. Nulla enim ratio fuit, ut inter Reges habeatur, qui destruit potius quam regat imperium; & quocumque habere potest per-

Ejus hæresis quantum in Ecclesia pullularit.

Regia præfertur potestate regia.

Prov. 15.

versitatis suæ socios, eos a confortio Christi efficit alienos. Qui turpissimi lucri cupiditate illectus, sponsam Christi captivam cupit abducere, & passionis Dominicæ sacramentum ausu temerario contendit evacuare. Ecclesiam quippe, quam sui Sanguinis pretio redemptam Salvator noster voluit esse liberam, hanc ille, potestatis regię jura transcendens, facere conatur ancillam. Quanto melius foret sibi, dominam suam esse agnoscere, eique, religiosorum Principum exemplo, devotionis obsequium exhibere; nec contra Deum fastum extendere dominationis, a quo suæ dominium accepit potestatis. Ipse est enim qui ait: *Per me reges regnant*. Sed immensæ cæcatus cupiditatis caligine, & divino, ut patet, ingratus beneficio, & contra Deum fastuosus, terminos quos posuerunt patres nostri, contempto divino timore transgreditur, & contra catholicam veritatem suæ furore tyrannidis effertur. Intantum autem suæ temeritatem extendit vāsaniæ, ut caput omnium Ecclesiarum Romanam Ecclesiam sibi vindicet, & in domina gentium terrænæ jus potestatis usurpet. Quod o-

mnino ille fieri prohibuit, qui hanc beato Petro Apostolo specialiter commisit, dicens: *Tibi dabo Ecclesiam meam*. Obstruatur ergo os loquentium iniqua, & omnis hæreticorum acies obmutescat: quia nullas vires habet mendacium, quod ipsius voce veritatis invenitur destructum. Sequitur.

Matt. 16. 18.

Quia cinerem tamquam panem manducabam: & poculum meum cum fletu miscebam:

Vers. 10.

14. Ex hoc maxime Scribæ & Pharisei Redemptorem nostrum criminabantur, quia publicanos & peccatores non solum non respuebat, sed etiam cum illis in cibo & potu communicabat. Unde quidam eorum indigne ferente dicebant: *Quare cum publicanis & peccatoribus manducat & bibit magister vester?* Sed ille qui non justos, sed peccatores vocare venerat, quid dicebat? *Non est opus sanis medicus, sed male habentibus*. O immensam Dei clementiam! O inæstimabilem gratiæ caritatem! Illos volebat curare, qui salutem nolebant habere, qui adversus salutem suam armati, & phreneticorum more medicum incusantes, volebant potius ex infirmitate mortem incurrere, quam vitam ex salute invenire. Sed cineres Redemptor noster manducabat, quando in corpus suum eos trajiciebat. Cineres namque erant; quia dum principem tenebrarum magis quam auctorem sequerentur luminis, in eorum cordibus quasi extinctus fuerat divini prorsus ignis amoris. Cineres, inquam, erant, videlicet nullo apti usui, & sine caritatis glutino omnino dissoluti. Quis non has miretur misericordiæ Dei divitias? Quis jam de remissione peccatorum desperet? Quis non credet se, si convertatur, veniam consequi, cum audiat etiam incredulos tanta benignitate admittit? Unde ait Apostolus: *Si enim cum inimici essemus, reconciliati sumus*

Peccatores cineris similes.

Matt. 9. 11.

Ibidem 12.

Hunc cinerem quomodo Christus manducet.

Rom. 5. 10.

Deo per mortem Filii ejus, multo magis reconciliati salvi erimus ab ira per ipsum. Quia ergo Redemptor noster in mundum veniens, vasa iræ fecit vasa misericordiæ, & omnibus ad se venientibus pietatis suæ sinum aperuit, recte nunc dicit: *Quia cinerem tamquam panem manducabam, & poculum meum cum fletu miscebam.*

Christi ci-
bus & potus. 15. Quæ autem esuries ejus, vel
Johan. 4. 34. sitis fuerit, ipse evidenter ostendit,
Ehan. 9. 4. cum ait: *Meus cibus est ut faciam voluntatem Patris mei, qui misit me.* Et iterum: *Me oportet operari opera Patris mei, qui me misit, donec dies est: venit nox quando nemo operari potest.* Quæ sunt hæc Patris opera, quæ in die dicit & non in nocte operanda, nisi salutifera agri intellectualis cultura; Ipse est enim homo qui seminavit bonum semen in agro suo: ad cuius culturam postea operarios destinabat, cum diceret: *Messis quidem multa, operarii autem pauci.* Rogate ergo dominum messis, ut mittat operarios in messem suam. Quis sit ergo iste ager, ipse ostendit, cum agrum mundum, & semen dixit esse verbum Dei. Seminavit ergo ut meteret, messuit ut manducaret. Hujus agri fructum quotidie colligit, & quasi eo pascitur, cum electorum profectibus delectatur. Unde sponsus in Canticis canticorum dicit: *Comedi farum cum melle meo.*

Ejus vinea, Ecclesia. 16. Habet iste homo & vineam,
Marth. 20. sanctam videlicet Ecclesiam, ad quam excolendam primo mane operarios misit, & postea singulis quibusque temporibus mittere non cessavit. Patet ergo quia sicut agrum excoluit ut comedat, ita vineam plantavit ut bibat. Bona vinea, quæ uvarum decorata coloribus, & dilectionis ac perseverantiæ palmitibus propagata, Regi omnium suavem in fructibus suis haustum præbet.

Tom. XIV.

Bona inquam vinea, quæ potest dicere: *Vinea fui pacifico, in ea quæ habet populus.* Quæ est illa quæ habet populos, nisi sancta Ecclesia per totum orbem diffusa? Illa namque habet populos, quia ex omni parte terrarum recte credentes continet. In hac ergo solummodo electus quisque vinea efficitur; quia nullum aliquando fructum ferre poterit, qui ab unitate Ecclesiæ discedit. Eo enim Deo poculum subtrahit, quo hæreticorum ineptæ garrulitati consentit. Quid enim fitit Deus, nisi fidem nostram? Unde & a muliere Samaritana quæsit bibere, de cujus eum non legimus aqua bibisse: sed spiritalem potum ei mulier obtulit, cum mundi eum Salvatorem agnovit. In cruce quoque positus sitiebat, & pœnitentiam peccantium, & fidem exoptabat perfidorum. Sed vinea Domini sabaoth in patribus a Deo plantata, & doctrinæ aratro & verbi ligonibus per manus Prophetarum exculta, novissime in amaritudinem versa, dum ei vinum lætitiæ ferre debuit, feralis invidiæ acetum porrexit. Plerumque etenim bonum vinum corrumpitur, & in acetum mutatur. Quia ergo ille populus & in patribus sanctus, & in filiis nequam exstitit; quasi primo vinum, postmodum vero acetum fuit. Fuerunt tamen aliqui etiam inter illos, qui hunc omnium Salvatorem crediderunt: fuerunt & qui de peccatorum profundo ad misericordiarum se patrem levaverunt. Quis enim pluribus aut majoribus criminibus umquam obligatus exstitit, quam mulier illa peccatrix, de qua septem, ut ait Evangelista, dæmonia ejecit? Nam & Zachæus publicanis & raptoribus publicanus ipse & raptor præfuit, & tamen ad ipsius hospitium Dei Filius divertit. Sed & Simon indigne tulit de admissione mulieris: & turba mur-

Cant. 8. 11.

Johan. 4.

Johan. 19.

Marc. 15.
Luc. 19.
Luc. 7.
Luc. 19.

Q

mu-

muravit de hospitio peccatoris. Poculum namque suum cum fletu miscuerat, & ideo sibi inimicorum protervitas exprobrabat. Quod quotidie in Ecclesia fieri cernimus, cum peccatores pro peccatis suis plangentes, Christum indui, & ad ipsius intrare unitatem videmus. Vel certe poculum Deo cum fletu miscere, est alios ab exterioribus introrsus trahere, alios ab interioribus exterius jactare. Scimus enim, quia potus ab exterioribus interius trahitur, fletus ab interiori exterius derivatur. Quia ergo Conditor noster occulta nostra examinat, & non solum opera, verumetiam intentiones redicibus pensat, occulto ejus judicio fit, ut quosdam qui in oculis hominum justii esse videntur, reprobet; quosdam criminibus reos per poenitentiam correctos salvet. Et cum juxta

Rom. 9. 16.

ta Apostoli sententiam, *neque volentis, neque currentis, sed misere-
rentis sit Dei*, alios qui corruerant, misericorditer erigit; alios qui stare videbantur, cadere juste permittit.

Ex peccato
originali fit
ut in justitia
non stemus.

Ex peccato namque primi parentis accepimus, ut nec in ipsa justitia stabiles esse possimus, sed aut contra Deum, nobis bonum quod facimus imputando, erigimur, aut contra proximos in superbiam levamur, unde & subditur:

Vers. 11.

A facie iræ & indignationis tuæ, quia elevans allisisti me.

Homo in
honore pos-
tus, per pec-
catum dejec-
tus est.

17. Quia enim justæ damnationis sententiam primus homo peccando pertulit, quam postmodum nepotum successio consequenter incurrit; ideo Christus Jesus venit in mundum peccatores salvos facere, & ab ea qua tenebantur damnatione liberare. Ecclesia vero quæ corpus ejus est, cui claves regni cælorum tribuit, & ligandi atque solvendi potestatem dedit, ideo peccatores quotidie suscipit, quia illam iræ Dei sententiam agnoscit. Quia enim per fa-

ciem personam agnoscimus hominis, recte per faciem iræ, damnationis intelligimus cognitionem. Nam quod iram indignationis agnoscat, manifeste ostendit cum subjungit: *Quia elevans allisisti me*. Creatis cæteris animalibus, homo præ cunctis elevatus fuit: quia & libertate exstitit arbitrii præditus, & rationis lumine illustratus. Cui etiam datum est ut non sicut cætera animantia terram semper aspiceret, sed ut ipso situ corporis cælos erectus videret: ut ex hoc quoque aperte cognosceret, quia & intentionem ad summa dirigere, & mentem deberet ad Deum levare. Nam & terror ejus & tremor omnibus animantibus incubuit, quia divina voce eis prælatus fuit. Mortem quoque nequaquam incurreret, si divinis præceptis obediens numquam peccaret. Sed Conditoris sui mandata transgrediens, tanto gravius corruit, quanto antequam caderet, altius stetit. Cadens igitur allisus est; quia peccare non metuens, & pro salute infirmitates pertulit, & pro vita mortem suscepit.

Dies mei sicut umbra declinaverunt: & ego sicut fenum arui. Vers. 12.

18. Gravis allisio, per quam lux in tenebras vertitur, & in ariditatem viror mutatur. Diem namque sicut umbram primus homo habuit, quando se a facie Conditoris abscondit. Nam inter opaca nemorum latere voluit, ut ex hoc quoque patenter ostenderet quas cæcitatibus umbras interius pertulisset. Si enim in umbra non esset, Deum esse localem non crederet, nec ab ejus oculis putaret se abscondi, a quo sciret etiam cordis occulta videri. Quæsit ergo umbram corporis, qui prius incurrit umbram mentis. Dies namque ejus inclinata fuerat, & ideo illi lumen sapientiæ interius non fulgebat. Sol etenim dum inclinat, majores umbras efficit, & calo-

Gravis ejus
allisio.

Genes. 3.

Ibidem.

caloris sui magnitudinem paulatim subtrahit. Unde post meridiem Adam a Deo vocatus esse describitur, ut ab exterioribus agnoscamus quid interius gereretur. In meridie enim lux est purior, aer limpidior, æstus ferventior. Quasi ergo meridies in Adam pectore inerat, dum lumine divinæ contemplationis illustratus, amoris summi facibus ardebat. Sed hunc miser meridiem perdidit cum peccavit. Ibi enim amoris refriguit incendium, caligavit claritas, defecit visio. Veniens autem in mundum lux verax Dei Filius hanc nobis claritatem reddidit, cum cordis nostri tenebras præsentis suæ illuminatione fugavit.

Isai. 90. 2. Unde scriptum est: *Populus qui ambulabat in tenebris, vidit lucem magnam.* Magna lux remissio peccatorum, donum gratiæ, intelligentiæ claritas, contemplationis gaudium, collatio virtutum. *Dedit enim*

2. Cor. 5. 5. *Hebr. 6.* nobis, ut ait Apostolus, *pignus spiritus*: gustavimus bonum Dei verbum, virtutesque seculi superventuri. Hi sunt dies gratiæ, quos nobis contulit excellentia bonitatis Dei. In quibus si noctem nequitie contemnimus, ad cœlestis regni hereditatem inoffenso itinere ambulamus.

Johan. 1. 9. Hinc etiam Salvator ait: *Si quis ambulaverit in die, non offendit, quia lucem hujus mundi videt.* Sed hi dies in nobis sicut umbra declinant, cum peccatorum nostrorum nebulas propitiationi divinæ opposcentes, & mentis patimur caliginem, & divinæ extinguimus caritatis ardorem: Scimus autem quia sole ad occasum vergente, umbræ crescunt donec nox veniat, & lumen omnino diei deficiat. Sic nimirum cum in reproborum cordibus sol justitiæ occidere cœperit, cæcitatibus umbra vehementer excrescit; adeo ut divino non illuminentur lumine,

sed mortifera noctis involvantur obscuritate. Sequitur:

19. *Et ego sicut fenum arui.* Nemo est qui nesciat, quod quantumlibet tenera aut delectabilis herba sit, si apposita falce succiditur, ^a & coloris venustate confestim exuitur, & a radicis humore siccatur. Sic profecto quicumque per opera pravitatis a Deo recessit, necessario a virtutis intimæ humore arefcit. Hinc etenim Salvator discipulis ait: *Sicut* *Johan. 15. 4.* *palmes non potest ferre fructum a semetipso, nisi manserit in vite; sic & vos nisi in me manseritis.* Nam etsi florere in hac vita peccatores plerumque videantur; ariditatem tamen suam in fine recognoscunt, dum simul amittunt & ridentis vitæ dulcedinem, & temporalis gloriæ dignitatem. In sapientiæ quippe suæ vanitate confisi, dum sperant facile sibi cuncta suppetere, arbitrantur utique se religionis virtute non egere. Et dum de inani sapientia se jactant, insipienter vivere nequaquam formidant. Et quia a veræ sapientiæ radice præcisi sunt, in stulta sua sapientia aruerunt. Qui si voluerint in ipsa sapientiæ vitalis radice revivisci, summopere studeant ad fontem vitæ, mentis processu propere.

Tu autem, Domine, in æternum *vers. 13.* *permanes, & memoriale tuum in generationem & generationem.*

20. Spectat hoc ad id quod ait: *Ut hanc ea-* *veamus,* *Christo in-* *hærendum.* *Ego sicut fenum arui.* Quasi dicat: Qui diligens vanitatem, & sequens mendacium, in æternitate & stabilitate persistere noluit, temporalis & instabilis factus, mortis ariditatem incurrit. Sed tu, Domine, in æternum permanes. Hæc ergo est unica spes salutis meæ, ut tibi inhæream: ut sicut per me factus sum aridus, ita per te fiam æternus: & in te vivens mortem effugiam, a quodi-

Q 2 sce-

1. Cor. 15. scedens perdidit vitam. Nos quoque
 Rom. 6. scientes quia primus homo factus
 est de terra terrenus, secundus de
 cælo cælestis: sicut terreni imaginem
 portavimus, ita cælestis imaginem
 portemus, & cum eo unum efficiamur,
 qui resurgens a mortuis, jam
 non moritur, & mors illi ultra non
 dominabitur. Ipse est enim qui factus
 est in spiritum vivificantem: cuius si
 membra fuerimus, quo caput nostrum
 præcessit, pariter ascendemus. Cujus
 ascensus spem ipse
 Johan. 17. 4. nobis contulit, quia ait: *Pater, volo
 ut ubi ego sum, & ipsi sint mecum.*
 Quod si ab ejus separati fuerimus
 corpore, velut abscissa membra participatione
 carebimus vitæ, nec cum eo in cælum
 ascendemus. Cum eo ergo unum sumus,
 quia sicut ipse
 Johan. 3. 13. ait: *Nemo ascendit in cælum, nisi
 qui descendit de cælo, filius hominis
 qui est in cælo.* Et notandum quia
 non dixit, vivis, sed, permanes in
 æternum. Homo etiam si multo tempore
 vivat, non tamen uno die permanet:
 quia ut semper mutetur, ex conditione
 mortis habet. De quo quidam sapiens
 perhibet, dicens:
 Job. 14. 2. *Qui quasi flos egreditur & coneritur,
 & fugit velut umbra, & nunquam
 in eodem statu permanet.* Deus vero
 qui solus vere æternus, vere immortalis
 est, in æternum permanet: quia in eo
 nihil est transitorium, nihil mutabile,
 nihil quod alienum sit a sempiterna ejus
 divinitate. *Memoriale tuum in generatione
 & generationem.* Quid magis memoriale
 in Deo, quam misericordia? De illa namque
 scriptum est: *Miserationes ejus super omnia
 opera ejus.* Et *miser cordia Domini ab æterno
 & usque in æternum super timentes eum.*
 Licet enim hominem mirabiliter condiderit,
 mirabilius tamen perditum per Filii sui
 mortem redemit. Hæc memorialis Dei
 misericordia in generatione & generationem
 permanet, quæ

omnibus per temporum curricula viventibus usque in finem sæculi patet.

Tu exurgens misereberis Sion, quia Vers. 14.
tempus miserendi ejus, quia venit tempus.

21. Si Sion ad litteram accipimus, In Judæos
 Gentiles- que.
 Judæorum in hoc loco & Gentium vocationem notare valemus. Et videbitur hoc modo quasi præcedentis verbi expositio; ut cum duas generationes nominat, qualiter in generatione & generationem misericordia Dei sit permansura, ostendat. Ait ergo: *Tu exurgens misereberis Sion.* Per Filium Deus Pater exsurrexit; quia qui antea non cognoscebatur, per eum in hominum notitiam venit. Unde & Verbum Patris & splendor dicitur; quia per eum & voluntas Dei agnoscitur, & ipsa divinitatis essentia declaratur. Sion vero, id est Judaici populi misertus est, quando de eorum progenie nasci voluit, & prius eos ad fidem vocavit. *Tempus miserendi*, tempus plenitudinis intellige; quia juxta Apostoli sententiam, *ubi venit plenitudo temporis, misit Deus Filium suum natum ex muliere, factum sub lege, ut eos qui erant sua lege redimeret.* Quod vero ait: *Quia venit tempus*; tempus nimirum gratiæ vult intelligi, de quo Dominus per Prophetam dicit: *Tempore accepto exaudivi te, et in die salutis adjuvi te.* Quod exponens Apostolus, ait: *Ecce nunc tempus acceptabile, ecce nunc dies salutis.*

Quoniam placuerunt servis tuis lapides ejus, et terræ ejus miserebuntur. Vers. 15.

22. Per lapides Sion, Apostolos Apostoli, lapides Ecclesie.
 intelligere possumus, qui de Judaico nati populo, Ecclesiam demum ex seipsis ædificaverunt. Qui profecto lapides servis Dei placuerunt, cum quales futuri essent, Prophetæ per spiritum viderunt. Nisi enim Prophetis Apostoli placuissent, nequaquam de eis Isaias diceret: *Qui sunt isti* Isai. 60. 2.

Misericordia Dei quanta.

Psal. 144. 9.

Psal. 102. 17.

illi qui ut nubes volant, et quasi columbæ ad fenestras suas? Et iterum: *Rom. 10. 15. Quam speciosi pedes evangelizantium pacem, evangelizantium bona?* Qui sunt pacem evangelizantes, nisi Apostoli Christum prædicantes? Ipse est enim pax nostra, ut ait Apostolus, *Luc. 2. 14. qui fecit utraque unum*. Unde etiam ipso nato, hominibus pacem redditam Angeli Pastoribus nuntiaverunt, quam postea Apostoli omnibus Gentibus publice prædicaverunt. Per pedes vero evangelizantium, affectus intelligimus Apostolorum; qui quidem speciosi erant, quando non sua commoda, sed auditorum utilitatem quærebant. Speciosi, inquam, erant, qui terreni lucri inquinamenta ex ipso operationis suæ incessu non contrahebant. Tunc namque corporeos pedes habere speciosos dicimur, quando nulla cœnosæ viæ labe scdamur. Quia ergo ex prædicationis officio terrenas divitias Apostoli non quærebant, recte de eis dicitur, quia pedes eorum speciosi erant. Hinc namque Anna de Deo prophetavit, dicens: *1. Reg. 2. 9. Pedes Sanctorum suorum servabit*. Quia ergo quales futuri essent Apostoli, per Spiritum sanctum Prophetæ viderunt, recte nunc dicitur, quia servis Dei lapides Sion placuerunt. Qui porro lapides terræ miserti sunt; quia pœnitentiam agentes a peccatis absolverunt. Per terram quippe peccatores accipimus. Unde serpenti a Domino dictum est: *Gen. 3. 14. Terram comedes omnibus diebus vitæ tuæ*. Antiquus enim hostis terram comedit, quia peccatores quosque in ventrem suæ malitiæ abscondit: isque hominum perditionem desiderans quodammodo reficitur, dum pravis eorum operationibus delectatur. Terræ ergo Sion Apostoli miserti sunt, quando Judæos ab errore conversos a peccatis absolverunt. Ecce constructus est unus paries domus Dei, quæ est Ecclesia; paries, inquam, ex circumcisio-

Christus vero, lapis angularis.

ne: veniet paries ex præputio, ut duo parietes in unum juncti lapidem angularem, unam construant civitatem. Videamus ergo quid sequatur:

Et timebunt Gentes nomen tuum, Domine, & omnes Reges terræ gloriam tuam. *vers. 16.*

23. Quasi dicat: Non solum misereberis Sion, Judæos vocando, sed etiam Gentium, eas ad fidem convertendo. Quæ quidem non resistent Evangelio, sed agnita veritate, timebunt nomen tuum, Domine. Timebunt, inquam, non timore servili, sed casto & filiali. Timuerunt Gentes Deum, quando spreta idolorum cultura, & antiquæ contemti superstitionis erroribus, baptismo sunt mundatæ pœnitentiæ, & Christianæ susceperunt instituta doctrinæ. In quibus verbis notandum, quia non ait: Sion timebit nomen tuum, Domine; sed, *Gentes timebunt nomen tuum*: quia etsi missus sit Christus ad oves quæ perierunt domus Israel, tamen illis verbum Dei repellentibus, & indignos se æternæ vitæ judicantibus, conversi sunt ad Gentes Apostoli, quæ nomen Christi cum gaudio susceperunt. Hinc namque Apostolus ait: *Matt. 23. 13. Dico Christum Jesum ministrum fuisse circumcisionis, propter veritatem Dei, ad confirmandas traditiones patrum. Gentes autem super misericordia honorare Deum, sicut scriptum est: Propterea confitebor tibi in Gentibus, & nomini tuo cantabo*. Hinc rursus ait: *Quod quærebat Israel, non est consecutus, electio autem consecuta est*. *1. Cor. 10. 1. Et omnes Reges terræ gloriam tuam*. Infirma mundi elegit Deus, ut confunderet fortia. Ignobiles vocavit, ut nobiles vinceret; piscatores elegit, ut Reges subjugaret. Ecce impletum est quod de Christo prædictum est: *Omnes Reges terræ timebunt gloriam tuam*. Omne enim culmen seculi, ad reverentiam Christi flectitur: omnis dignitas humanæ

Miseretur tum Judæorum, tum Gentium.

Matt. 23.

Act. 13.

Rom. 15

Rom. 11. 7. 1. Cor. 10.

Per piscatores, Reges subjugavit.

Phil. 2. 8.

conditionis ad obsequium Christi inclinatur, sicut ait Apostolus: *Christus factus est pro nobis obediens usque ad mortem, mortem autem crucis: propter quod & Deus exaltavit illum, & donavit illi nomen quod est super omne nomen: ut in nomine Jesu omne genu flectatur, cœlestium, terrestrium, & infernorum. Gloria Christi, resurrectio est, per quam a diabolo regnum abstulit, & mortis destruxit imperium: Qui enim in morte visus est infirmus, in resurrectione apparuit gloriosus. Unde dicit Apostolus: *Et si mortuus est ex infirmitate, sed vivit ex virtute.**

2. Cor. 13. 4.

Vers. 17.

Quia edificavit Dominus Sion, & videbitur in gloria sua.

Ex utroque
populo ædi-
ficata est
Ecclesia.

24. Causa est quare Gentes & Judæi ad fidem vocentur. Ex utroque enim populo ædificata est Sion spiritualis, quæ in celsitudine virtutum posita, terrena deserit, cœlestibus intendit, futura prævidet, hostium incursus non timet. Hujus fundamenta in montibus sanctis sunt, quia sicut ait Apostolus: *Jam non sumus hospites & advenæ, sed cives Sanctorum & domestici Dei, superædificati super fundamentum Apostolorum & Prophetarum.* In hac civitate Deus homini conjungitur, sicut scriptum est: *Ecce tabernaculum Dei cum hominibus, & habitabit cum eis.* Synagogam enim reprobavit, Ecclesiam elegit. Ideoque scriptum est: *Diligit Dominus portas Sion super omnia tabernacula Jacob.* Illa nempe Deus tabernacula deseruit, Sion vero, id est Ecclesiam, præsentia suæ habitationis illustravit. Unde & illic nequaquam conspicitur, hic autem ab his qui mundo sunt corde, mentis intuitu videtur; nam subditur: *Et videbitur in gloria sua.* In gloria sua Christus videtur in Ecclesia, qui in infirmitate visus est in Synagoga. In qua infirmitate nequaquam a morte videbitur, qui immortalis & impassibilis factus,

Psal. 86.

Ephes. 2. 19

Apos. 22. 3.

Psal. 86. 5.

cum Patre Deus in illa jam cœlesti fede gloriatur. Unde dicit Apostolus: *Et si novimus Christum secundum carnem, sed jam non novimus.* Possumus quoque per id quod superius dictum est: *Tu exurgens misereberis Sion, remissionem peccatorum quæ in Ecclesia datur, intelligere, & multiformis dona gratiæ, quæ quotidianis divinitus incrementis consequitur. Quæ in illis Deus multiplicat, quibus Sion placent lapides, id est qui & Apostolorum doctrinam recipiunt, & eorum pro posse exempla imitantur. Sed jam ad sequentia revertamur.*

Respexit in orationem humilium, et non sprexit preces eorum. Vers. 18.

25. In humilium Deus orationem respexit, quando ad humanam naturam reformandam Filium in mundum misit. Hoc enim justorum requirebat oratio, hoc Prophetarum expectabat desiderium, ut ille in mundum veniret, qui & a diabolica servitute hominem redimeret, & vitæ aditum, quem culpa obstruxerat, gratuito pietatis suæ munere referaret. Hinc namque Isaias ait: *Clamabunt ad Dominum a facie tribulantis, & mittet eis Salvatorem & propugnatorem, qui liberet eos.* Ex quibus verbis liquido colligitur, quia in eorum respexit orationem, quibus in tribulatione clamantibus non solum Salvatorem contulit, sed etiam propugnatorem misit. Idem vero qui fuit Salvator, fuit & propugnator. Salvator namque Dei Filius est, de quo scriptum est per Prophetam: *Deus ipse veniet, & salvabit nos.* Unde etiam Jesus priusquam in utero conciperetur, vocatus est ab Angelo. Nam quod propugnator sit, ipse ostendit cum per Prophetam ait: *Ego qui loquor justitiam, et propugnator sum ad salvandum.* Ex hoc preces non sprexit: quia eis quod deprecabantur indulgit. Si enim preces eorum sprevisset, ne-

1. Cor. 5. 16.

Christus ju-
storum desi-
deriis & pre-
cibus con-
cessus.

Isai. 15. 20.

Isai. 35. 4.
Luc. 1. & 2.

Isai. 63. 1.

qui-

quaquam ad eos liberandos Filium misisset. Hinc namque Moyses ad *Exod. 4. 13.* Dominum ait: *Obsecro, Domine, mitte quem missurus es.* Hinc Prophetam alius exclamavit, dicens: *Utinam dirumperes cœlos, et descenderes.* *Isai. 64. 1.* Hinc etiam David dixit: *Deus iudicium tuum Regi da.* Iudicium suum Regi Deus Pater dedit, quando Dei Filius carnis humanæ substantiam assumpsit. Hinc namque ad Filium *Psal. 71. 1.* ipse Pater ait: *Postula a me, et dabo tibi Gentes hereditatem tuam, et possessionem tuam terminos terræ: reges eos in virga ferrea, et tamquam vas figuli confringes eos.* Pater ergo quia iudicium suum illi dedit, cui & bonorum regnum, & inconvertibilium tradidit comminationem. Vas enim figuli postquam semel confringitur, nullo modo postmodum reparatur. Quid ergo per confractionem vasorum figuli, nisi extrema damnatio designatur? Ibi enim per iudicii severitatem quicumque confringitur, nequaquam ulterius per pœnitentiæ remedium reparabitur. Quod profecto iudicium per Dei & hominum Mediatorem fiet, quia scriptum est: *Pater non iudicat quemquam, sed omne iudicium dedit Filio.* In humilium nihilominus orationem Deus respicit, cum pro se vel aliis exorantes fideles exaudit.

Verf. 19. *Scribantur hæc in generatione altera, & populus qui creabitur, laudabit Dominum.*

In fidei unitate colliguntur carnales & spirituales. 26. Sicut ex duobus populis primitiva est constructa Ecclesia; ita gemina est generatio in fidei unitate collecta, carnalis scilicet, & spiritalis. Sive ergo Sion, & ea quæ sunt supradicta, ad litteram intelligamus; sive per intellectum mysticum ad Ecclesiam cuncta referantur, conveniunt superioribus sequentia, & prælibatis exponenda concordant. Dictum est enim: *Tu exurgens, Domine, misereberis Sion.* Et iterum;

Quia edificavit Dominus Sion. Nunc vero ait: *Scribantur hæc in generatione altera.* Quod enim Judæis fuit promissum, hoc in Gentibus videtur impletum. Si vero juxta spiritalem intelligentiam per Sion Ecclesiam accipimus; per generationem alteram, spiritalem intelligimus, in qua nimirum divinæ scriptæ sunt promissiones: quia quidquid de remissione peccatorum, quidquid de æternitate felicitatis Scriptura sacra asserit, hoc in cordibus suis per amorem spiritus spiritualis generatio inscribit. Cui & dicitur: *Audi Israel præcepta Domini, et ea in corde quasi in libro scribe.* De hac præceptorum Dei inscriptione per Prophetam Dominus dicit: *Hoc est testamentum quod testabor eis: dabo leges meas in cordibus eorum, in sensibus eorum scribam eas.* Bonus pater, qui filiis non terrenæ hereditatis jura, non luto aut lateribus constructas domos, non auri argenteive præscribit acervos, quæ livoris plerumque & invidiæ seminarium sunt, & superbiæ ac luxus existunt fomenta; sed caritatis & dilectionis gratiam, justitiæ & pietatis proponit edicta, & veritatis legem non in lapide, vel ligno, vel cera, sed in tabulis cordis præscribit; ut æternæ filii promissionis vanis numquam cogitationibus occupentur, sed semper omnipotentis patris testamentum quasi præ oculis habentes, quid timere, quidve sperare debeant cogitent, & in exequendis mandatis cœlestibus, votis omnibus elaborent. De his quippe ait Prophetam in Psalmo: *Hæc est generatio quærentium Dominum, quærentium faciem Dei Jacob.* Quid nobilius generatione divina? Quid sublimius cœlesti? Quid castius conceptione spiritali? Voluit immaculatus Dominus ut homo sine macula nasceretur peccati, & absque vitio carnalis delectationis humanæ sobolis propagaretur successio. Et ideo talem fecit

Spirituum Status.

Deut. 6. 4. 3. & 7.

Jerem. 3. 31.

Psal. 25. 6.

Adam,

Adam, ut absque peccato filios ederet, si in Conditoris obedientia perstitisset. Posset namque fieri ut sicut absque delectatione fructus suos terra germinat, ita sine peccato filium mulier pareret: & sicut ipse a Deo Adam pure conditus fuerat, ita homo hominem pure procrearet. Quod homini cur esse incredibile videatur, cum apibus etiam hoc ipsum conferatur? Sed quia Domino suo obedire humana anima renuit, animæ imperio caro obtemperare contempsit. Nam & rebellis ei semper postmodum exitit, et adversus eam cujus ancilla fuerat, se in superbiam erexit. Plerumque autem usque adeo erigitur, ut ipsa dominæ suæ versa vice dominetur. Unde fit, ut in filiorum procreatione per delectationem in peccatum incidat, & bonum opus male operando, delinquat.

27. Sed Dei hominumque Mediator, sicut nobis quam perdideramus vitam contulit, ita etiam hanc in nobis generationem reparavit. Unde et de Virgine, et sine peccato nasci voluit: ut ex hoc patenter ostenderet, quia hoc etiam nobis inter innumera beneficiorum suorum dona conferret. Ideoque ait: *Propter hoc dabit Dominus ipse vobis signum: Ecce virgo concipiet & pariet filium.* Quam Virginis conceptionem nequaquam signum esse diceret, nisi aliquid nobis in ipsa sua nativitate quod credere deberemus signaret. Unde rursus scriptum est; *Oradix Jesse, qui stas in signum populorum.* Signum enim fuit populis illa Christi sine virili commixtione nativitas, quod his qui credunt in nomine ejus, daturus erat *potestatem filios Dei fieri: his videlicet qui non ex sanguinibus, neque ex voluntate carnis, neque ex voluntate viri, sed ex Deo nati sunt.* Sicut namque beata Maria Christum peperit virgo, et post partum incorrupta permansit: ita et mater Ec-

clesia filios Deo sine dolore generat, et virgo semper illibata perseverat. Qui in hoc quoque quod Deum toto corde diligunt, patrem se Deum habere evidenter ostendunt. Filiorum enim est diligere, non timere. Porro in hac dilectione nequaquam torpescunt otio, aut operibus insolescunt, sed et in mandatis cœlestibus voluntatem Dei custodiunt, et ex virtutum operatione nullam ab hominibus laudem quarunt. Unde et subditur: *Et populus qui creabitur, laudabit Dominum.* In operibus nempe suis Deum laudant, qui bonum quod faciunt, nequaquam sibi, sed gratiæ Dei attribuunt. Unde et Paulus cum plus omnibus se laborasse dixisset, subjecit atque ait: *Non autem ego, sed gratia Dei mecum.* Sed quæ in nobis sunt sanctitatis opera, ita sunt ad proximorum ædificationem exterius trahenda, ut in eis non favor aut gratia humana requiratur, sed ipse, a quo hæc sunt hominibus collata, Deus laudetur. Hinc namque per semetipsam Veritas Apostolis ait: *Sic luceat lux vestra coram hominibus, ut videant opera vestra bona, & glorificent Patrem vestrum qui in cælis est.*

Quia prospexit de excelso sancto suo: Dominus de cælo in terram aspexit.

28. Nec nova post creationem nasceretur, nec Deum perfecte Sanctorum vita laudaret, nisi per eum nos divina misratio respexisset, qui nos in Nicodemo denuo nasci docuit, dum aliter in regnum intrare non posse, nisi ex aqua & spiritu renasceremur, monstravit. Unde dum populum creandum Dominum benedicturum esse Prøpheta dixisset, causam illico nostræ redemptionis adjecit, velut qui indubitanter sciret, aliter novum non posse creari populum, nisi Dominus & redemptor noster novus homo veniret in mundum. Nec posse quemquam amplius de vera

Et carnalium.

Hominem carnalem factum, Christum ex Virgine natus reparavit.

Isai. 7. 14.

Isai. 11. 10.

Johan. 1. 12.

Ecclesia Virgo filios Deo generat.

1. Cor. 15. 10.

Mat. 5. 16.

Vers. 20.

Non solum in Judæos qui prope erant, sed etiam in Gentiles qui longe, effusa Dei misericordia. Johan. 3.

sa-

salute ambigere, cum sciret omnipotentem medicum ad infirmos descendisse. Dicatur ergo: *Quia prospexit de excelsa sancto suo*. Prospicere dicimur, cum a longe intuemur. Quia ergo per Verbi Dei incarnationem non solum Judæa, quæ juxta esse videbatur, sed etiam Gentilitas liberanda erat per misericordiam, recte nunc dicitur: *Quia prospexit de excelsa sancto suo*, juxta quod scriptum est: *Pacem iis qui longe, & pacem iis qui prope*. Redemptor noster non immerito excelsus dicitur; quia divinitatis ejus potentiam nemo mortalium intuetur: denique & sanctus exstitit, & Dei per omnia fuit. Hinc namque ipse de se in Evangelio ait: *Quem Deus sanctificavit, & misit in mundum*. Nam quod Dei per omnia fuerit, ipse testatur cum ait: *Non potest Filius a seipso facere quidquam, nisi quod viderit Patrem facientem*. Idem autem qui excelsus exstitit, ipse etiam cœlum fuit: sed excelsus propter sublimitatem, cœlum vero propter divinam inhabitationem. *In eo enim, sicut testatur Apostolus, habitat omnis plenitudo divinitatis corporaliter*. Et per Prophetam quoque Dominus ait: *Cœlum mihi sedes est*. Quæ autem major sedes Dei, quam Christus? Cœlum igitur Dei Christus est, de quo Dominus in terram aspexit, ut cum peccantibus quibusque spem per eum veniæ tribuit, de cœlo in terram aspexit, ut cœlum fieret qui terra fuit. Quod aperte ostenditur, cum illico subjungitur.

Ut audiret gemitus compeditorum, ut solveret filios interemtorum.

29. Sancti viri non incongrue compediti dicuntur; quia ligati vinculis disciplinæ Dei, nequaquam ad ea quæ exteriora sunt vagantur, & quasi gressum operis immobiliter figunt, dum a Conditoris desiderio nusquam discedunt. De his namque compedi-

Tom. XIV.

bus scriptum est: *Injice pedes tuos in compedes ejus, & in terques illius collum tuum*. Quia profecto cujus a pravitate gressus compescitur, ejus fides sanctarum varietate virtutum adornatur. Collum namque fides est, per quam Deo fidelis quisque conjungitur, & quasi per collum capiti suo Christo Ecclesia, quæ ejus est corpus, unitur. Unde in laudem sponsæ in Canticis canticorum dicitur: *Collum tuum sicut monilia*. Quia enim, sicut Jacobus ait: *Fides sine operibus mortua est*; quasi collum sponsæ monilibus circumdatur, dum fides sanctæ animæ operibus decoratur. Gemunt continue compediti; quia dum exilii sui tenebras electi considerant, ad claritatem visionis Dei indefinenter suspirant. Sed eorum gemitus nequaquam Deus audiret, nisi Mediatorem nobis Filium suum dedisset. Unde dicit Apostolus: *Per quem accessum habemus ad Patrem, & ipse est propitiatio pro peccatis nostris*. Constat ergo quia nullius audiret gemitum Deus, nisi ille venisset, per quem ad Patrem habemus accessum. *Ut solveret filios interemtorum*. Filii interemtorum sunt imitatores Martyrum, eorum scilicet, qui vel pro testamento Dei sua corpora tradiderunt, & in sanguine Agni laverunt stolas suas: vel qui membra sua super terram mortificantes, carnem suam cum vitiis & concupiscentiis crucifixerunt. Possumus quoque per compeditos, eos accipere, qui mortalitatis & passibilitatis vinculis se adstrictos intelligunt, & miseriis humanæ necessitatis afflicti indefinenter gemunt.

Ut annuntient in Sion nomen Domini, & laudem ejus in Jerusalem.

30. Soluti a peccatorum vinculis, eo magis in Ecclesia nomen Dei annuntiant, quo eis dimissum est de peccatorum excessibus quod timebant. Quid vero aliud est nomen Domini

Ezech. 6. 25.

Cant. 1. 13.
Jacob. 2. 26.

Ephes. 2. 18.

Duplex
martyrii
genus.
Apoc. 7.

Gal. 5.

Verf. 22.

Nomen Domini, misericordia.

R

an.

Sancti qui compediti dicuntur.

annuntiare, nisi Dei misericordiam in Ecclesia prædicare? Dominorum enim est misereri. Hinc namque de

Matth. 21.
ex Ps. 117.
26.

Christo dicitur: *Benedictus qui venit in nomine Domini*. Scimus enim quia Mediator Dei & hominum homo Christus Jesus iudex est humani generis; juxta quod scriptum est:

Johan. 5. 22. *Pater non judicat quemquam, sed omne judicium dedit Filio*. Qui si in primo adventu venisset in nomine judicis, nemo profecto foret, qui pœnam æternæ evaderet damna-

Rom. 3. 23. *tionis: Omnes enim, ut ait Apostolus, peccaverunt, & egent gloria Dei*. Venit ergo in nomine Domini, qui venit ut peccata dimitteret, non ut peccatores damnaret. Venit, inquam, in nomine Domini primo, qui in nomine judicis in adventu veniet secundo. In Sion ergo nomen Domini annuntiant, qui Dei misericordiam populis prædicant. Sequitur: *Et laudem ejus in*

Ecclesiæ va-
ria nomina.

Jerusalem. Unam Ecclesiam propter diversas causas diversis appellat nominibus: Sion eam nominans, sicut quæ ad alta sustollitur: Jerusalem vero, quæ quasi jam mortificatis hostibus, veram in se pacem in-tuetur. Notandum vero quia nomen Domini prius annuntiandum, postea vero posuit esse laudandum. Agnitionem enim nominis, laus sequitur confessionis. Quomodo enim credent ei quem non audierunt? Quæ autem major laus Dei, quam quod mundus in unitate fidei collectus, non solum opera ejus annuntiat, sed etiam vita eum & operibus laudat? Unde & subditur:

Vers. 23.

In conveniendo populos in unum, & Reges ut serviant Domino.

Vers. 24.

Respondit ei in via virtutis sue, paucitatem dierum meorum nuntia mibi.

Ecclesia ex
multis & di-
versis una.

31. In unum convenerunt populi

in Ecclesia per totum orbem diffusa, quæ Christum credit esse filium Dei. De hac unitate dicit Apostolus: *Unus Deus, una fides, unum baptisma*. Extra hanc nemo laudat Deum, nemo annuntiat. Hanc designabat ille unus qui post motionem aquæ in piscinam descendens sanabatur. Nemo namque est qui veræ possit invenire salutis remedium, nisi ad unitatem fidei veniat, & per sanctificationem vitæ Christum induens, unum cum eo fiat. Hinc namque per semetipsam Veritas ait: *Hæc est vita æterna, ut cognoscant te solum verum Deum, & quem misisti Jesum Christum*. Per reges, eos intelligas qui animorum suorum motus secundum Dei voluntatem dirigunt, eisque regum more dominantur, dum in rationis eminentia quasi in regali solio præsidentes, repugnantia quæque servituti subji-ciunt, & pacatis omnibus, æquitatis leges, innocentiae jura, in seipsis disponunt: sive etiam eos, qui populis præfecti, in rerum culmine stare videntur, dum divitiis affluunt, honoribus cumulantur, terreni præ eminent dominatione imperii, & gloria mundanæ potentiae extolluntur, non absurdum videbitur, cum & illi in ipsa cordium suorum directione Domino serviant, & isti religionis Christianæ documenta tenentes, orthodoxæ fidei jugo mentis colla supponant.

32. In hoc igitur populorum & regum conventu quilibet fidelis respondit Deo in ^a via veritatis positus, videlicet in Christo, qui viam se nobis proposuit dicens: *Ego sum Via, Veritas, & Vita*. Responsio autem hæc non voce æstimatur, sed opere. Non enim respondent Domino, qui vocati perverse vivunt, qui post illud divinum semen inter-

Deo non
verbis, sed
operibus
responden-
dum.

^a
Johan. 14. 6.

ra

^a Autumat Gussany. legendum, *virtutis*. Secus legitur in editis omnibus, & quidem optime, quia consequitur: *Ego*

sum via Veritas, &c. In Psalmo sane legitur, *In via virtutis*; at nondum hic locus explicatur.

Matth. 13. ra rationabili susceptum, spinas per-
versitatis, aut tribulos producant
nequitiae; sed qui in omni bono se
apantes, & de sua vocatione gra-
tias Deo referunt, & fructum Deo
centesimum, vel sexagesimum, aut
etiam trigesimum in cordis innocentia
ferunt. Notandum vero quod
Johan. 15. dicit: *In via virtutis.* Virtus nam-
que Christi, est gloria resurrectionis
ejus. Licet enim opera fecerit
quæ nemo alius fecit, & miraculo-
rum signa divinitatis ejus fidem ad-
struant, credendi tamen in eum nul-
la potentior aut condecensior via
existit, quam quod mortuus & se-
pultus tertia die resurrexit. In via
ergo virtutis Dei respondet Ecclesia,
cum de gloria resurrectionis Chri-
sti nihil asserens ambiguum, nihil
sentiens obscurum, studet in mem-
bris suis Christo per baptismum &
pœnitentiam commori, & per novi-
tatem vitæ Christum induens, eidem
convivificari. Cum enim nihil in se
lucidum, nihil vitale conspiciat, a
solo Deo se putat posse acquirere
& luculentarum virtutum plenitudi-
nem, & desideratam vitæ indeficien-
tis æternitatem. Quæ etiam non-
nisi per gratiam Dei potest advertere
quot sit obnoxia defectibus, quot
infirmis subdita, quot miseriis
vallata. Ideoque dicit: *Paucitatem
dierum meorum nuntia mihi.* Quasi
dicat: Qui ex meis viribus hoc
consequi non valeo, ut quam pauci
sint dies mei intelligam, fac ut per
gratiam tuæ inspirationis, & virtu-
tum defectum, & hujus vitæ brevi-
tatem agnoscam; quatenus vitæ hujus
velocem considerans transitum, nul-
lum in corde sentiam de amore il-
lius affectum.

Verf. 23.

*Ne revoces me in dimidio dierum
meorum, in generatione & generatio-
nem anni tui.*

Illorum qui
amore vitæ
præsentis te-
nentur, pe-
riculosa
mors.

33. Per dimidium dierum, imper-
fectionem vitæ accipimus, in qua se
fidelis quisque non revocari de mun-

di hujus exorat exilio; nè si in die exi-
tus sui transitoriae adhuc vitæ amore
occupatus fuerit, ad illam æternitatis
vitam transire minus possit. In hac
vita dimidium tantum dierum acci-
pimus; quia etsi nos assidue solis
hujus materialis splendor illuminet,
sequitur tamen nox, quæ assidue il-
luminatos obscuret. Roget ergo u-
nusquisque, ut dum in vitæ hujus
cursu mentis amore defigitur, ante-
quam de adipiscendis æternis fa-
tagat, a Deo non revocetur. San-
cti viri etsi sunt mortali carne
circumdati, nequaquam sunt in di-
midio dierum; quia perfecti desi-
derii amore a terrenis suspensi, illa
beatæ vitæ æternitate jam in spe
perfruuntur. Hinc namque Paulus
dicit: *Spe salvi facti sumus.* Hinc
rursus ait: *Nostre conversatio in*
cælis est. Sic namque inoffenso cur-
su ad æternitatis statum perveniunt:
sic ante hujus vitæ terminum, in
æternitatis desiderio mentem fixerunt.
Quod quidem evidenter ostenditur,
cum protinus subditur: *In genera-
tione & generationem anni tui.* No-
ta quod vitam suam dierum pauco-
rum appellatione significat, æternam
verò annorum in generatione & ge-
neratione permanentium: ut per hoc
quoque prudens lector intelligat, &
infinitam illius futuræ felicitatis lon-
gitudinem, & labentem temporalis
gloriæ breviter. Quis enim nesciat
annos diebus multo longiores? Quia
vero etiam in annis finis potest in-
telligi, in generatione & generatio-
ne eos permanfuros dicit. Sapientia
dicit: *Generatio vadit, & generatio
venit, terra autem in æternum stat.*
Hæc est namque instabilis vitæ istius
permutatio, ut decedentibus aliis alii
succedant, quibus postmodum simili
modo deficientibus, alii non æquali
conditione oriantur. Ex quibus ta-
men omnibus, quæ in seculo fuerunt
vel futuræ sunt generationibus, viva
illa & divina generatio perficitur,

*Rom. 8. 24.
Philip. 3. 20.*

Vitæ præ-
sentis & æ-
ternæ di-
scrimen.

Eccles. 1. 4.

quæ in æternum claritatis Dei confortio perfruetur. In hac itaque nos, id est æternitatem Dei permanfuram dicit Propheta: tunc videlicet, cum generatio quæ præcedit & quæ sequitur, una facta fuerit, novissima utpote morte destructa, quæ antequam in victoria absorbeatur, nihil stabile, nihil solidum, nihil dimittit illæsum.

1. Cor. 15.

Christo pro nobis passio, compatendo respondendum.

34. Quæ tamen intelligi & aliter possunt, ut ad superiora hoc modo referantur. Dictum namque est superius: *Populus qui creabitur, laudabit Dominum*. Quomodo ergo laudet, ostendit cum ait: *Respondit ei in via virtutis sue, & laudem ejus annuntiabunt in Jerusalem*. Jerusalem vero non quæ servit cum filiis, (illa enim vocata nequaquam in laude respondet) sed illa cui dictum est:

Galat. 4.

Hec. 54. 1.

Letare sterilis quæ non paris, erumpe & clama quæ non parturis; vocata respondet Domino posita in via virtutis suæ. Via virtutis Christi, est imitatio constantiæ ejus. In hac via populus creatus, vel Jerusalem intelligibilis respondet Domino: quia sicut pro nobis Christus animam posuit, ita constantiam Christi sequens, pro fratribus animam ponere in filiis suis non recusavit. Quid vero responderit, ostendit cum ait: *Paucitatem dierum meorum nuntia mihi*. Rogat innovatus populus, vel secunda filiorum spiritualium mater, ut breve sibi videatur hujus tempus tribulationis, . comparatione æternæ felicitatis: ne dum nimis extendi quas patitur persecutiones autumat, pro dilatione præmiorum quasi tædio victa, quam imitari proposuit Christi constantiam amittat. Tunc nobis Deus quid sequi debeamus annuntiat, cum voluntatis suæ arcana nobis inspirat. Numquid non paucitatem dierum suorum illi Deus annuntiaverat, qui dicebat: *Existimo quod non sunt condignæ passiones hujus temporis, ad futuram gloriam,*

Rom. 8. 18.

quæ revelabitur in nobis? Noverat enim quia temporalium pressura passionum veloci sine concluditur, gloriæ vero cœlestis felicitas nullo termino angustatur.

35. Possumus per paucitatem dierum, etiam aliud intelligere. Fuerunt namque hæretici qui dicerent Ecclesiam non esse generalem, sed in tempore Donati & ante finem seculi consummandam: non attendentes quod ei Dominus in Apostolis promisit, dicens: *Ecce ego vobiscum sum omnibus diebus usque ad consummationem seculi*. Contra eos nunc dicitur: *Paucitatem dierum meorum nuntia mihi*. Constat, quia per multiplicitatem dierum, perennis vita accipitur: per paucitatem vero, cursus istius seculi designatur. Scriptum quippe est: *Longitudo dierum in dextera ejus*. Quid enim per dexteram, nisi perpetua vita designatur? Quia ergo Sanctorum requies nullo clauditur termino, recte in dextera Dei dierum dicitur esse longitudo. Nam quod hic dicitur: *Paucitatem dierum meorum nuntia mihi*, tale est ac si dicat Ecclesia: Sunt qui insipientiæ suæ caligine & perfidiæ detestabilis induti erroribus asserant me in brevi finiendam, & usque in finem seculi inhabitatorem non habituram: sed tu, de cujus non diffido promissionibus, nuntia paucitatem dierum meorum mihi. Futura dierum paucitas, inquam, data est Ecclesiæ, quia toto istius vitæ tempore debet fides Christiana in mundo vigere. Ne revoces me dimidio dierum meorum. Per dimidium dierum, imperfectionem accipe temporum transeuntium, in qua quasi Deus revocari permetteret, si huic sententiæ hæreticorum faveret. Hoc autem ideo postulat, ne ab illis annis qui sunt in generatione & generatione, alicujus eam erroris perversitas abducatur.

Ecclesia usque ad mundi finem permanens.

Matt. 28. 20.

Prov. 3. 16.

Initio tu, Domine, terram fundasti,

vers. 25.

sti, & opera manuum tuarum sunt cæli.

Quia in
Christo fun.
data.

36. Initium Dei Filius est, de quo scriptum est: *Ipse est initium omnis creaturæ.* Quod etiam ipse evidenter ostendit, cum se principium nominavit. Denique & in Apocalypsi ad Johannem idem ipse ait: *Ego sum*

Johan. 8.
Apoc. 1. 2.
& 21. 13.

α & ω, primus & novissimus, initium & finis. In hoc initio fundata est terra, quia in ipso fundata est Ecclesia. Hinc namque Apostolus dicit: *Fundamentum aliud nemo potest ponere præter id, quod positum est, quod est Christus Jesus.* Hinc ipse Dei & hominum Mediator, ad Aposto-

1. Cor. 3. 11.

Matt. 16. 18.

lorum principem ait: *Tu es Petrus, & super hanc petram ædificabo Ecclesiam meam.* Ipse est enim petra, a qua Petrus nomen accepit, & super quam se ædificaturum Ecclesiam dixit. Terra autem dicta est Ecclesia, tum quia in messe fidelium populorum spiritali fecunditate exuberat, tum quia in soliditate Fidei perpetua firmitate immobiliter perseverat. Unde per Salomonem dicitur: *Terra in æternum stat.* Terra

Eccle. 1. 4.

quippe in æternum stare dicitur, quia sancta Ecclesia in hoc seculo a catholica Fide nequaquam deficiet, & in futuro cum Deo æterna stabilitate permanebit. Nam quod in hac vita nullis adversitatibus frangenda sit, nullis persecutionibus superanda, ipse super quem ædificata est, evidenter ostendit cum ait: *Portæ inferi non prævalebunt adversus eam.* Portæ inferi hæreses sunt, quæ

Matt. 16. 18.

dum multos in fide infirmos fucata verborum calliditate decipiunt, quasi infernorum eis aditum pandunt. Sunt etiam portæ inferi quædam potestates hujus mundi. Quid enim Nero, quid Diocletianus, quid denique iste, qui hoc tempore Ecclesiam persequitur, numquid non omnes portæ inferi? Quis cogitare sufficiat quanti promissionibus eorum devorati sunt? Quanti eorum metu per-

territi? Quanti afflictionibus eorum superati? Quos omnes perpetuæ mortis profundum absorbit, & ad cruciatum damnationis æternæ infernus admisit. Sed Ecclesia in illius, de qua dictum est, petræ soliditate fundata, minarum ventis concutitur, nec persecutionum fluminibus movetur, nec corporalium poenarum incommodis titubat, nec mortis ipsius timore vacillat. Illi vero qui inferni aditum sequacibus suis utpote portas aperiant, eam impugnare & persequi modis omnibus non desistunt. In quo quid aliud faciat, nisi quod veritatis verba evacuare contendunt? Non prævalebunt adversus eam portæ inferi, dicit Dominus; & tamen ut ei prævaleant, conantur. Sed fidelis Dominus in omnibus viis suis, & sanctus in operibus suis. *Initio* enim terram fundavit, & opera manuum ejus sunt cæli. Quid per cœlos, nisi prædicatores sanctos accipimus? Qui terram istam, de qua dictum est, verborum imbribus prædicantes inebriant, subiectis fidelium populis perpetuæ damnationis exitium comminantes intonant, ad adstruendam verborum fidem miracula facientes coruscant. Nam quod prædicantis verba pluviam sint, testatur Dominus, cum per Prophetam dicit: *Quomodo descendit inber et nix de cælo, et illuc non revertitur, sed inebriat terram et infundit eam, et germinare eam facit, et dat semen serenti, panem comedenti: sic erit verbum quod egreditur de ore meo.* Quid apertius? Ecce sicut de cælo descendunt pluviam, ita de prædicatoribus verba emanant doctrinæ. Isti sunt nimirum qui enarrant gloriam Dei. De quibus etiam hic dicitur, quia opera manuum ejus sunt cæli. In præcedentibus dicit Prophetæ: *Videbo cælos tuos, opera digitorum tuorum,* hic vero ait: *Opera manuum tuarum sunt cæli.* Quid est quod ibi vocantur opera digito-

Ps. 101. 26.

Terra est apostolica prædicationis imbribus fecunditatem consecuta.

Isai. 55. 10.

Cæli sancti Apostoli.

Ps. 8. 4.

rum.

rum, hic vero manuum: nisi quod diversa ibi dona sancti Spiritus doctorum infundenda cordibus intelliguntur? Hic vero ipsa virtutum opera, ex eisdem tamen donis in hominum prodeuntia notitiam vocantur. Quia enim per manus omne opus agitur, ipsarum virtutum operationes per manuum opera signantur. Primum namque humanis mentibus gratia spiritalis infunditur, postmodum vero in mente quid spiritus egerit, in operibus demonstratur. Caeli etiam doctores Ecclesiae dicti sunt, quia Dominus in eis praesidet, dum per eos sua iudicia exercet. Quibus namque regni caelorum claves tribuit, eis ligandi atque solvendi potestatem dedit. Per eos ergo iudicat, quia quodcumque ab eis ligatum fuerit, ligat. Scimus autem quia sedere iudicantis est, & ipse Dominus per Prophetam dicit: *Caelum mihi sedes est*. Si ergo sedes Dei caelum est, et in Rectoribus Ecclesiae Dominus iudicat, cum sedere iudicantis sit, necessario consequitur quod Ecclesiae Rectores caeli dicuntur. Qui profecto caeli opera manuum sunt Dei; quia hoc ipsum quod caeli sunt, ex gratia virtutis acceperunt, sicut scriptum est: *Verbo Dei caeli firmati sunt, & spiritu oris eius omnis virtus eorum*. *Ipsi peribunt, tu autem permanes, & omnes sicut vestimentum veterascent*.

In Sanctis
perit quod
ex carnali
generatione
est, non
quod ex Deo
habent.

37. Nemo jam spem suam ponat in homine. Ipsi enim caeli etsi sint opera manuum Dei, peribunt tamen. Quomodo autem peribunt, nisi secundum corpus? Quod si secundum corpus perituri sunt, ubi resurrectio? Quam non solum negare scelus est, sed etiam de ea dubitare, summum nefas est. Patet itaque quia non sic peribunt ut non resurgant, sed ut eas quas in hac vita patiuntur, necessitates corporis evadant. In ipsa, enim corporis eorum resurrectio-

ne quodammodo perisse videbuntur, cum pereunte in eis corruptione, destruetur quod animale est, ut quod spiritale est vivat: & jam quasi non sint quod fuerant, dum in aliam mutati naturam, in lumine claritatis Dei perenniter exsultant. Solus namque Deus vere immortalis est, quia solus aeternus & incommutabilis est. Unde dicit beatus Augustinus: Vera aeternitas & vera immortalitas non est nisi in Deitate Trinitatis, cui quod est esse perfectum est: quia natura initio carens, incremento non indigens, sicut nullum finem, ita nullam recipit mutabilitatem. Creaturae autem etiam illarum quibus Deus aeternitatem dedit, vel daturus est, non penitus omnis finis alienae sunt, quia non sunt extra commutationem. Inter haec sciendum est, quia hi, de quibus agitur, caeli peribunt & non peribunt: quia morietur in eis illa, quam ex carnali generatione contraxerunt, corruptio. Et tamen in eis plenior erit, quam in hac vita per speculum & in aenigmate acceperunt, divina inhabitatio. Caeli hoc modo esse non desinent, dum ad recipiendum in semet ipsis Deum, sinum cordis amplius laxent. Unde cum eos perituros Prophetam dixisset, subiecit atque ait: *Tu autem permanes*. Ac si patenter dicat: Peribit quidem quidquid in eis ex humana habetur corruptione, sed permanebit in illis quod ex tua acceperunt virtute. Tu enim permanes. Liquet ergo, quia in eis non moritur quidquid de divinitatis participatione in ipsis habetur. Caro tamen in pulverem redigetur, ut postmodum per resurrectionem in melius reformetur. Unde & subditur: *Omnes sicut vestimentum veterascent*. Vestimenta Sanctorum, sunt corpora eorum. Unde de quibusdam scriptum est: *Isti sunt qui non inquinaverunt vestimenta sua*. Et iterum: *Laverunt stolae suas, et deal-*

1. Cor. 13.

Eorum vestimenta, id est corpora veterascent.

Apoc. 3. 4. & 7. 14.

dealbaverunt eas in sanguine Agni. Quæ profecto vestimenta tunc veterascunt, cum animabus eorum ad cælum tendentibus, ipsa eorum corpora in terræ essentiam deducuntur. Quia vero mortalitatem corporis immutatio sequitur resurrectionis, consequenter adjunxit, dicens:

Vers. 28.

Et sicut opertorium mutabis eos, et mutabuntur: tu autem idem ipse es, et anni tui non deficient.

Duplex futura est Sanctorum commutatio.

38. Non prætereundum nobis est, quod cum dixisset eos sicut opertorium mutandos, subjunxit: *Et mutabuntur*. Signavit enim his verbis duplicem illam Sanctorum in futura vita commutationem: in qua non solum corpora corruptioni in hoc seculo & morti obnoxia perpetuam percipient incorruptionem, sed etiam animæ eorum & corda in æternam transibunt stabilitatem, ut sicut mori non poterunt, ita & peccare quidem non possint: & appareat in eis multiplicis bonitatis Dei beneficium, cum & mortale induerit immortalitatem, & affectus non sentiet tentationem. Notandum quod opertorium Dei, Sancti dicuntur. Sicut enim homini nihil est vicinius quam vestis, ita Deo nihil est vicinius Sanctis. Sicut enim vestimentis suis homo circumdatur, ita Sanctis suis Deus vestitur. Hinc namque per Prophetam scriptum est: *Vivo ego, dicit Dominus, quia in sublimatione tua omnibus his velut vestimento vestieris*. Hinc rursus Deo per alium Prophetam dicitur: *Myrrha et gutta & casia a vestimentis tuis*. Quia enim omnium virtutum odora menta a Sanctis prodeunt, recte dicitur quia a vestimentis Dei myrrha & gutta & casia procedunt. Hinc namque Apostolus ait: *Christi bonus odor sumus Deo*. Vestimenta ergo Dei mutantur; quia Sancti post mortem corporis, in felicitatem transeunt vitæ cœlestis. Sequitur:

39. *Tu autem idem ipse es*. Hæc est

vera Dei æternitas, & vera ejusdem immortalitas, quod non solum nullius finis limite sempiterna ejus virtus & divinitas concluditur, sed quod potestas ac voluntas ipsius nullatenus imperfectionis cujusque, aut inconstantiae varietate permutatur. Unde ad Moysen de seipso ait: *Ego sum qui sum*. Et iterum: *Hæc dices filiis Israel: Qui est, misit me ad vos*. Ideo hic dicitur: *Tu autem idem ipse es*. Homo namque etsi ipse sit, non tamen idem est: quia hoc ex suæ mortalitatis corruptione accepit, ut in eodem statu diu permanere non possit. Quod de Deo sentire nimis absurdum est. Sicut enim est æternus, ita incommutabilis, non diminutionem sentiens, nec augmentis excreescens, non mutans propositum, non improbens quod semel est approbatum. Unde & subditur: *Et anni tui non deficient*. Si per annos Dei, æternitatem accipimus, qualiter anni ejus non deficient, aperte videmus. Quod si per annos ipsam Sanctorum multitudinem intelligere volumus, anni non deficient, quia cum illo qui nunquam deficiet, unum fient. Revolutionem enim quamdam dierum, annum vocamus. Quid autem sunt Sancti, nisi dies; & quid peccatores, nisi nox? Hinc etenim scriptum est: *Dies dicitur et rursus verbum, et nox nocti indicat scientiam*. Anni ergo non deficient; quia Sanctorum chori postquam illam incomprehensibilem semel in semetipsis acceperint lucem, nullam amplius sentient ignorantiae vel tentationis obscuritatem. Tunc enim dies videtur deficere, cum aut nubium, aut noctis tenebris obscuratus cœperit non lucere. Quod ab illa vita alienum erit; quia verax lux, quæ obscurari non potest, in Sanctis fulgebit.

Filii servorum tuorum habitabunt, et semen eorum in seculum dirigitur.

40. *Qui sunt filii in annis, id est*

in

Exod. 3. 14.
Ibidem.

Psal. 118. 5.

Isa. 49. 18.
Sec. lxx.

Psal. 44. 9.

2. Cor. 2. 15.

Dei æternitas explicatur.

Vers. 29.
Qui sint in æternitate Dei habitaturi.

in æternitate Dei habitaturi, nisi Apostolorum imitatores, cum Deo in cœlesti regno perenniter mansuri? Omnes enim fideles, Apostolorum dicuntur filii; quia ab eis fuerunt in fide generati. Hinc namque ad

Galat. 4. 19. Galatas Apostolus ait: *Filioli mei, quos iterum parturio*. In eo quod dicit filios illic & non servos habituros, ostendit, quod ad cœlestem regnum aliquis pervenire non valeat, nisi prius vetustate abjecta, per novitatem vitæ filius fiat. Nam & ipsi quos servos vocat, Apostolorum filii fuerunt, veterem videlicet conversationem abdicantes, & in novitate vitæ per Christum ambulantes. Fuerunt igitur servi, fuerunt & filii: servi, propter laborem operis, filii, propter mutationem novitatis.

Exod. 14. Hinc est quod ex filiis Israel, qui ex Ægyptiaca servitute liberati sunt, & mare Rubrum prævio ductore Moyse transierunt, nullus terram promissionis, exceptis duobus, intravit: sed filii eorum postea intraverunt, & patribus eorum repromissa divinæ largitatis beneficia acceperunt. Significabatur namque per hoc, quod ad promissam nobis æternæ hereditatis terram nemo potest ascendere, nisi qui prius per amorem spiritus in novitate vitæ didicerit ambulare. Duo, Caleb videlicet & Josue, caput designant & corpus, Christum scilicet & Ecclesiam, qui soli ingrediuntur illam viventium terram.

Josue 14.

41. Quod vero ait: *Semen eorum in seculum dirigetur*; electorum voluit opera intelligi, quæ tunc profecto diriguntur in seculum, cum omnia spectant ad Deum. Semen quippe suum nequaquam dirigit, qui ex operibus suis aliquid transitorium quærit. Opera autem nostra idcirco semen dicta sunt; quia sicut ex semine fructum colligimus, sic ex operibus nostris mercedem expectamus. Hinc namque Apostolus ait:

Quaecumque seminaverit homo, hæc et metet. Qui enim in hac vita semen boni seminaverit operis, in futura fructum æternæ consequetur remunerationis. Per seculum vero, illius beatæ vitæ intelligitur æternitas, quæ quia per varias temporum mutationes nullatenus dividitur; unius seculi appellatione non inconvenienter signatur. In illud ergo seculum dirigamus semen nostrum, & cibum operemur non qui perit, sed qui permanet in æternam vitam. Dum tempus habemus, operemur bonum: ut cum ad indeficientem viæ illius beatitudinem pervenerimus, perpetuos fructus in cœlo coligamus. Ille enim vere perpetuus est fructus, per quem perpetuo vivimus, & perenni panis & vini satietate gaudemus. Perpetuus, inquam, quia & mandendo non minuitur, & vetustate non deterioratur.

Gal. 6. 2.

PRO O E M I U M

in sextum Psalmum penitentialem.

Canticum graduum.

INter innumeras & rutilantium operum & eminentium structurarum varietates, quibus templum Salomonicum adornatum fuit, hoc quoque fuisse describitur, quod quindecim ad illud gradibus ascendebatur. Quod quidem non casu vel sine causa factum credendum est. Salomon quippe cœlestium scrutator secretorum, & divinæ receptaculum sapientiæ, sic templum illud manufactum edidit, ut exinde templum aliud non manufactum signaret; quatenus ex corruptibili terrenæ domus ædificio, incorrupta cœlestis templi quodammodo imaginaretur pulchritudo. Ad illud namque templum quod ex vivis in cœlo lapidibus construitur, non plana aut spatiosa pervenitur via, vel gressu ascenditur

3. Reg. 6.

Plana & spatiosa non est via ad cœlum.

cor-

corporeo, sed processu fidei & caritatis ascensu. Hinc namque Propheta dicit: *Beatus vir cuius est auxilium abs te, ascensiones in corde suo disposuit.* Dixit ascensiones in corde beati viri dispositas: & unde ascendere debeamus ostendit, cum ait: *In valle lacrymarum.* In eam namque exilii nostri damnationem deplangimus, & innumerabiles corruptionis humanæ deflemus molestias. Quis enim immunis a molestiis? Hinc etenim Job dicit: *Si impius fuero, ve mihi est: si autem justus, non levabo caput, saturatus afflictione & miseria.* Et iterum: *Tentatio est vita hominis super terram.* Quia enim in hac vita omnia vidit esse plena laqueis & tentationibus, non in ea tentationes esse dixit, sed ipsam esse tentationem memoravit. Laboriosa enim est vita temporalis, lævior fabulis, velocior cursore, instabilitate fluctuans, imbecillitate nutans: cuius habitatio in luteis domibus, immo ipsa in luto subsistens, cui nulla est fortitudo, nulla propositi constantia, nulla a turbationibus requies, nulla a laboribus reclinatio. Quis denique est quem non excruciet dolor, sollicitudo non urgeat, non subruat timor? Ritus fletum sequitur, gaudium tristitia comitatur: esurie succedit saturitas, saturitatem iterum excludit esuries: in nocte dies optatur, in die nox quaeritur: in algore calor, in æstu refrigerium: ante cibum suspiria, post cibum tribulatio: iræ, indignationes exagitant, & innumerabiles miseros homines motus perturbant. Hæc est vallis, de qua sancti viri mentis affectibus indefinenter exire disponunt, & ad illud inefabile bonum, ad illud inestimabile gaudium ascendere, quod nec oculus vidit, nec auris audivit, nec in cor hominis ascendit. Quia etsi corpore quidem inter homines esse videantur, animas tamen suas ad cœlestia elewant: & illi puro & summo bo-

Tom. XIV.

no atque immortalis & perpetuo adherentes, temporalia & corruptibilia deserunt, & mundo superiores facti, in sinu divinæ contemplationis quiescunt. Ibi in illo cœlesti templo cordis oculis Deum conspiciunt, immo & in ejusdem templi structura ipsi quoque lapides sunt. Per quindecim vero illius templi gradus, spiritalis Sanctorum signatur ascensus. Numerus enim iste in septem & octo dividitur, & ideo per eum gemina justorum vita signatur, activa videlicet, & contemplativa. Activa namque in mundo versatur, contemplativa vero ad cœlestia erigitur. Quia vero septenario numero temporalis, octonario vero perpetua vita signatur, recte per eosdem numeros & contemplativa vita exprimitur & activa. Hinc namque prædicti templi auctor Salomon Dominum exorans, ait: *Da mihi, Domine, partes septem, nec unam & octo.* Optabat enim regis dignitatis potentia præditus, ita sibi subditos populos regere, ut tamen contemplationis divinæ non defraudaretur perfectione. Ipsa namque officii administrativa necessitate constrictus, cogebatur temporali actioni insistere, sed suavis eam contemplationis divinæ dulcedo reficiebat in mente. Potest etiam intelligi quod ille quindecim gradus ad illud divinæ illuminationis templum ascendit, qui sempiternæ virtutis Dei amore correptus, temporalibus, quæ per septenarium numerum designantur, gradatim contemnis, per scalas octo beatitudinum ad sublimia provehitur, donec Deus deorum in Sion mentis oculis videatur. *Sed videmus nunc, sicut ait Apostolus, per speculum in enigmate.* Impossibile est enim ut quis lutei hujus corporis ergastulo inclusus, aut mortalis carnis circumseptus volutabro, ascendentem super Cherubim, & super pen-

Quot & quibus gradibus ad cœlestium ascendendum.

Eccl. 1. 2.

1. Cor. 13. 12.

Psal. 17.

S di.

divinitatis agnoscat. Unde per Jo-
 2. Jo. 4. 12. hannem dicitur: *Deum nemo vidit*
unquam. Et Moysi Deum videre
 Exod. 33. 20. quærenti, responsum est a Domino:
Non videbit me homo & vivet.
 Quod si tanta claritas est solis, ut
 oculis in eum corporalibus non va-
 leamus intendere; quanta est illius
 claritas qui fecit solem, ut eum
 possimus in hac qua sumus corrup-
 tione videre? Ipsum vero per spec-
 culum in ænigmate intueri, quod
 humili adventu Sponsi accepit Ec-
 clesia, illius æternæ visionis signum
 est, & futuræ perfectionis imago,
 in qua non jam per fidem, sed per
 speciem ambulabimus, & revelata
 facie ipsam divinæ majestatis gloriam
 irreverberatis oculis conspiciemus.
 Quia ergo hi quindecim Psalmi
 quamdam spiritalis ascensus continent
 formam, recte sub eodem titulo o-
 mnes prænotati sunt: ut sicut ad il-
 lud materiale templum per gradus
 ascendebatur lapideos, ita cœleste
 illud templum hæc nobis cantica
 præferant, per quæ in Deo exultans
 anima, quasi per quosdam gradus
 ascendat. Ascensuri ergo non cor-
 pore sed spiritu, non passibus sed
 affectibus, hunc Psalmum decante-
 mus; & in eo studeamus Dei me-
 ditatione appropinquare, dicentes
 cum Propheta:

EXPOSITIO

PSALMI SEXTI POENITEN-
TIALIS.

Pf. 109.
Vers. 1.

DE profundis clamavi ad te, Do-
 mine: Domine, exaudi vocem
 meam.

Ut ad Deum
 oratio per-
 veniat, de
 humilitatis
 profundo as-
 cendat.

1. Attendat unusquisque in quo
 profundo jaceat, & quam longe a
 Deo perverse agens effectus sit. Cla-
 met ad eum totis viribus qui intue-
 tur abyssos, & sedet super Cheru-
 bim, donec de profundi tenebris

erutus, superno illustretur lumine;
 & claritate perfruatur cognitionis di-
 vinæ. Clamavit Jonas ad Deum de Jonæ 2.
 ventre ceti, de altitudine maris, de
 profundo inobedientiæ, & ad aures
 Dei oratio illius pervenit: qui eum
 eruit a fluctibus, eripuit a bestia,
 absolvit a culpa. Clamet & pecca-
 tor, quem a Deo recedentem cupi-
 ditatum tempestas contrivit, quem
 malignus hostis absorbit, quem præ-
 sentis seculi fluctus involvit; agnoscat
 se esse in profundo, ut ad Deum
 sua perveniat oratio. Quia vero 2
 Psalmus iste ^a ad ascendentes per-
 tinet, videamus qualiter ad Deum
 justus de profundo clamet. Quomo-
 do enim non profundus est, qui a-
 scensiones suas in corde suo dispo-
 suit, qui intentionem cordis ad eum
 dirigit, qui laboris studium ad cœlos
 attollit? Sed sciendum, quod sancti
 viri eo se magis infirmos & abjectos
 sentiunt, quo per mentis desiderium
 erecti, vicinius ad Deum accedunt.
 Tunc enim primum miseriam suam
 incipiunt perfecte cognoscere, cum
 Dei præsentiam cœperint in corde
 sentire. Hinc est quod Abraham,
 qui colloctionis divinæ gratiam me-
 ruit, pulverem se esse & cinerem
 memorat, dicens: *Loquar ad Domi-*
num, cum sim pulvis & cinis. Hinc Gen. 27. 18.
Gen. 32.
 Jacob postquam Dominum vidit,
 nervo femoris emarcescente, uno
 pede claudicavit: quia profecto de-
 biles se esse & infirmos reputant,
 qui se ad videndum Deum per stu-
 dium sanctæ contemplationis levant.
 Qui dum spem suam in carne po-
 nere desinunt, quasi unius cruris vi-
 res amittunt. Eoque assuescunt cœ-
 lesti dumtaxat desiderio inniti, quo
 senserint se a spe rerum temporalium
 debilitari. Et quasi nervum non
 habent in femore, dum non confi-
 dunt in carnali generatione. Omnia
 quæ sub cœlo sunt, vanitatem æ-
 stimant: & cum præsentis vitæ mi-
 se-

^a Quia est de numero Psalmorum graduum.

feriis plenos se esse & obritos circumquaque conspiciunt, quasi de profundis ad Deum clamant. Magna profunditas vita mortalis, in qua nihil est certum, nihil vitale, nihil tutum, nihil tranquillum. Magna, inquam, profunditas, in qua peccator obruitur, impius immergitur, justus turbatur. Ideo namque clamat & dicit: *De profundis clamavi ad te Domine.*

In oratione
perseveran-
dum.

2. In quo notandum, quia non ait, clamo, sed clamavi. Habes in hoc perseverantiæ documentum, ut si primo non exaudiris, ab oratione non deficias, immo precibus & clamori insistas. Vult Deus rogari, vult cogi, vult quadam importunitate vinci. Ideo tibi dicit: *Regnum Dei vim patitur & violenti rapiunt illud.* Esto ergo sedulus in oratione, esto in precibus importunus, cave ne ab oratione deficias. Si dissimulat audire quem rogas, esto raptor, ut regnum cœlorum accipias: esto violentus, ut vim etiam ipsis inferas cœlis. Quid hac rapina locupletius? quid hac gloriosius violentia? Bona violentia, qua Deus non offenditur, sed placatur: proximus non læditur, sed juvatur: peccatum minuitur, non multiplicatur. Bona, inquam, violentia, qua non quæritur lucrum cito periturum, sed regnum acquiritur sine fine mansurum. Discant qui res alienas, divino postposito timore, diripiunt, & rapinis pauperum magis peccata cumulare, quam lucra augere non cessant, aliquid rapere quo & veras sibi vindicent divitias, & gloriam laudis perpetuæ acquirant: ne in hoc quoque stultitiæ arguantur, si cum possint pretiosa & æterna diripere, vilia solum & transitoria videantur auferre. Inferant & ipsis cœlis violentiam, & regnum cœlorum quadam orationis vi rapiant. Sint in precibus importuni, ut ex longo clamoris usu di-

cere possint: *De profundis clamavi ad te Domine, Domine exaudi vocem meam.* Nominis venerandi repetitio, precandi adauget affectum. Moveretur enim desiderium, si nomen quod diligitur, replicatur. Videtur hic qui loquitur quamdam exauditionis causam prætere, cum se insinuat causasse, ut quasi jure debeat exaudiri, qui dudum institit clamori. Hanc & Apostoli causam Domino dedisse leguntur, cum Chananæa rogante, dixerunt; *Dimitte eam, quia clamat post nos.* Ideo namque a Domino exaudiri meruit, quia prima Domini responsione repulsa, clamare nequaquam cessavit. Fide quippe & dilectione accensa, a clamore non antea destitit, quam optatam filiae salutem acquisivit.

Matth. 23. 23.

Fiant aures tuæ intendentes in vocem deprecationis meæ. Vers. 2.

3. Ascendens iste majus aliquid rogare aggreditur, & in ipsa etiam sua oratione ascendit, cum hoc a Deo expostulat, ut quasi quodammodo aures inclinans orationi suæ Deus intendat: ne forte sit mora in exauditione, si longe sint aures ab oratione. Videtur enim quemdam divinæ miserationis præcipuum precari affectum, cum rogatum quodammodo ad audiendum affectari: ut cum vocem velit audire supplicantis, opus non differat exercere miserationis, humanæ in hoc sequens locutionis modum: quasi hujusmodi Deus affectione indigeat, quam non effugit cogitatio, non latet voluntas, dum ei nec intentio fileat, nec desiderium tacet. Nam dum potens quilibet supplicantem aliquem audire negligit, quasi primo aditu repulsus, exaudiri qui supplicat diffidit. Si vero qui rogatur, primolibenter audire cœperit, & aliis postpositis negotiis, verbis solummodo rogantis intendere, continuo ille qui rogaturus advenit, quamquam concipit impetrandi fiduciam, & ipsa quo-

Enixe a Deo
postulan-
dum.

dammodo spe animatus, suam libe-
rius proloquitur causam. Magnum
quippe bonæ voluntatis suæ Dominus
illi dedit indicium, cum loquenti se
præbuit incunctanter intentum. Sic
& nos cum dari nobis veniam a Deo
querimus, & cœlestis gratiæ vitalia
dona conferri, si nobis Deum præ-
sentem aliquibus suavitatis & dulce-
dinis suæ senserimus indicium, ad i-
psiū desiderium studiosius animamur,
super his quæ cupimus adipiscendis
aliquatenus certiores effecti, cum il-
le quem anima nostra desiderat, de-
siderantibus nobis per misericordiam
appropinquat. Ascendens igitur iste,
qui ad illius incorruptibilis celsitudi-
nem mentem levare proposuit, au-
res Dei deprecationi suæ intentas de-
poscit: ut quia oratio sua ad Deum
per rectæ studium intentionis dirigitur,
circa eum quem rogat, veloci-
ter exaudiatur. Ascendenti autem
& provecto viro a Domino per Pro-
phetam dicitur: *Adhuc loquente te*
dicam: Ecce adsum. Inter orationem
& deprecationem hoc interest: quia
oratio pro virtute perseverantiæ, de-
precatio vero fit pro peccatorum im-
punitate. Ideo qui ad celsitudinis
arcem ascendere contendit, dicit:
Fiant aures tue intendentes in vo-
cem deprecationis meæ. Deprecatur
enim Deum ut peccatorum
suorum obliviscatur, ut pater ef-
se velit, non iudex. Ideoque sub-
jungit, dicens:

Mal. 58. 9.

Quid differant oratio & deprecatio.

Vers. 30.

Constituenda peccata & emendanda.

Rom. 3. 23.

Si iniquitates observaveris, Domine, Domine, quis sustinebit?

4. Nomen repetit, ut affectum excitet. Iniquitatem Deus observaret, si peccatoribus veniam negaret. Si solummodo ostenderet severitatem, non etiam adhiberet pietatem. Quod si faceret, nemo æternæ gloriam felicitatis exspectaret: nemo ad patiendum iusti examinis pœnam sufficeret.

Omnes enim peccaverunt, ut ait Apostolus, & egent gratia Dei. Verum quia pœnitentibus ex corde

ignoscit, & peccatorem converso omnium iniquitatum ejus obliviscitur, *Ezech. 18.*
quis jam de misericordia dubitet? quis jam de venia desperet? Hæc etenim per Prophetam Dominus pollicetur, dicens: *Ego sum, ego sum, qui deleo ut nebulam iniquitates tuas, ut justificeris.* Attende qualiter peccati confessio peccata oblitteret, quæ justificat iniquum, tollit a Deo memoriam peccatorum. Confiteamur ut deleantur nostra peccata, nec post confessionem ad ea revertamur, sed juxta Apostolum, in anteriora nos extendentes, quæ retro sunt obliviscamur. Non gestiamus reverti in Ægyptum, aut sedere super ollas carniū; nec simus concupiscentes malorum, nec idola mentis veneremur, nec Deum tentemus, nec in deserto mundi hujus murmuremus. Confiteamur de præteritis peccatis nos accusantes, confiteamur de peccatorum indulgentia Deum laudantes. Est namque confessio peccati, & confessio laudis. Si enim confessio laudis non esset, Salvator noster nequaquam dixisset: *Confiteor tibi, Pater Domine cœli & terræ.* Nam quomodo peccatum confiteretur, qui peccatum non fecit? Præcedat itaque confessio, ut laudatio sequatur, sicut scriptum est: *Rectos decet collaudatio.* Habemus enim Pontificem, qui possit compati infirmitatibus nostris, de quo & aperte sequitur:

Philip. 3. Exod. 16. 1. Cor. 10.

Matt. 11. 25. 1. Petr. 2.

Psal. 32. 1. Hebr. 4.

Quia apud te propitiatio est, & propter legem tuam sustinui te, Domine.

5. Quis est propitiatio nisi Christus Jesus, qui se obtulit sacrificium Deo, ut nos redimeret ab omni iniquitate, & mundaret sibi populum acceptabilem, sectatorem bonorum operum? Denique Johannes ait: *Ipse est propitiatio pro peccatis nostris.* Qui est apud Deum, quia sedet ad dexteram Dei, sicut dicit Propheta: *Dixit Dominus Domino meo, Sede a dextris meis, donec ponam inimicos*

Hebr. 9. Christi propitiatio pro peccatis nostris. Tit. 2.

1. Johan. 2. 2.

Psal. 109. 1.

Rom. 8. tuos scabellum pedum tuorum. Apostolus quoque perhibet quod ad dexteram Patris sedens pro nobis interpellat.

Lex Dei misericordia. 6. Et propter legem tuam sustinui te, Domine. Lex Dei, misericordia est, qua peccantibus veniam contulit, revertentibus æternæ vitæ aditum patefecit. Hanc legem pro crucifixoribus suis Patrem exorans Christus implevit, hanc nobis tenendam verus magister indixit. Aitenim: *Luc. 23.*

Luc. 6. 27. Diligite inimicos vestros, benefacite his qui vos oderunt, et orate pro persecutentibus et calumniantibus vos, ut sitis filii Patris vestri qui in cælis est. In quo profecto ostendit, quia filii Dei aliter esse non possumus, nisi misericordiæ legem servantes, inimicos diligamus. Hanc etiam nobis Paulus tenendam insinuat, cum ait: *Gal. 6. 1.*

Quam tenemur observare. Fratres, etsi præoccupatus fuerit homo in aliquo delicto, vos qui spirituales estis, hujusmodi instruite in spiritu lenitatis, considerans teipsum, ne et tu tenteris. Alter alterius onera portate, et sic adimplebitis legem Christi. Quis autem portat alterius onera, nisi qui caritatem habet? Qui enim veraciter diligit, læsus non lædit, contumeliis vicem non reddit, detrahentibus sibi non detrahit, qui eum oderunt, non odit. Scriptum namque est: *2. Cor. 13. 4.*

Caritas pateriens est, benigna est. Patiens quidem, ut aliena mala toleret: benigna vero, ut ipsos etiam quos portat, amet. Qui ergo illata mala æquanimiter tolerat, quasi infirmi fratris onera portat. Hæc lex misericordiæ, per quam perpetuam evadere damnationem confidimus, per quam etiam Salvatorem Dominum nostrum Jesum Christum expectamus. Qui si, ut supra dictum est, iniquitates observaret, nemo sustinere sufficeret. Sustinemus autem eum propter legem suam, qui peccantibus in nos idcirco dimittimus, ut peccatorum nostrorum ab eo ve-

Philipp. 3. niam percipiamus. Hinc namque per semetipsam Veritas ait: *Luc. 6. 37.* Dimittite, et dimittetur vobis. Sustinuit anima mea in verbo ejus, *vers. 5.* speravit anima mea in Domino. 7. Vide perfectæ caritatis ordinem. Ascendens iste & in amore divino proficiens, qui fide & dilectione introrsus accenditur, desiderio ad æternam erigitur, spe ad summa levatur, proximorum non negligit curam, non postponit salutem: ad eos inter ipsa divinæ gaudia contemplationis convertitur, & ut gradibus eisdem ad Deum accedant, hortatur: eis nimirum exemplum se proponens, ut si infirmitate aliqua impediatur a desiderio proficientis, jam & pervenientis promoveantur exemplo. Ideoque ait: *Sustinuit anima mea in verbo ejus.* Nolite diffidere, nolite dubitare, ponite corda vestra in virtute ejus; quia *sustinuit anima mea in verbo ejus.* Qui manet in verbo, non fraudatur a regno. Aliter namque fructum facere non possumus, nisi in eo maneamus. Ideoque ait: *Manete in me, et ego in vobis.* Ubi enim manendum, nisi in ipso? Deficient domus, palatia corruent, destruentur civitates, ab imis sedibus turres evellentur: postremo, cælum & terra transibunt, verbum autem Domini manet in æternum. Non sequamur vanitatem, deferentes veritatem: nec contristemur sicut ceteri, qui spem non habent, sed sustineamus eum. Et si moram fecerit, expectemus, ne contingat nobis quod per prophetam dicitur: *Eccl. 2. 16.* Ne his qui perdiderunt sustinentiam. Unde & subditur: *Speravit anima mea in Domino.* Quicumque mundanæ adversitatis fractus molestiis, diabolicæ tentationis infestatione dejectus, a spe cœlestium promissionum deciderit, sustinentiæ quam prius habuerat, mercedem amittit. Qui vero sustinebit, magnam reportabit remunerationem. *Fidelis enim*

Pf. 144. 13. Dominus in omnibus viis suis. Pro-
misit in hac vita pœnitentibus ve-
niam. Manifestum est ergo quia
sicut confitentibus remissionem tri-
buit peccatorum, ita a spe non de-
cidentibus dabit regnum cœlorum.
Ideo qui in verbo ejus sustinuit, in
Jerem. 17. Domino sperare se dicit. Sicut e-
Psal. 39. nim maledictus homo, qui confidit
in homine; ita & beatus cujus est
nomen Domini spes ejus, & non
respexit in vanitates & insanias fal-
sas.

Vers. 6. A custodia matutina usque ad no-
ctem speret Israel in Domino.

Resurrectio
spei nostræ
fundamen-
tum est.
Rom. 8. 25.

8. Si ad litteram hoc accipiamus,
dehortari nos potius quam monere
videtur. Quis enim tam pusillanimis,
ut una tantum die speret in Domi-
no? Ubi jam erit illa Pauli senten-
tia, qua ait: Si autem quod non
videmus, speramus, per patientiam
expectamus? Quam parva unius diei
patientia, & quam brevis expectatio!
Sed ut hunc locum melius intelliga-
mus, ad vicesimi primi Psalmi titu-
lum curramus. Intitulatur enim,
Psal. 21. 1. Pro assumptione matutina. Quæ est
assumptio matutina, nisi resurrectio
a Deo mane facta? Ibi nempe &
custodia facta fuit, ad hoc usque
prorumpente Judaicæ perfidiæ cæcita-
te, ut quem viderant mortuum,
crederent non resurrecturum: & ne
eum discipuli nocte raperent, custo-
dibus sepulcrum munierunt. Alia
translatio habet, *A vigilia matutina:*

Matt. 27. per quod aptius ipsa Domini resur-
rectio exprimitur. Qui enim dormi-
vit in morte, vigilavit in resurre-
ctione. Ideoque dicit: *Ego dormivi,*
Psal. 3. 6. & soporatus sum, & surrexi. Et
Pf. 101. 2. iterum: *Vigilavi, & factus sum*
sicut passer solitarius in tecto. Hæc
itaque resurrectio spei nostræ funda-
mentum est: quia illuc nos perven-
turos speramus, quo caput nostrum
præcessisse cognoscimus. Multos enim
ante hanc resurrectionem legimus
resuscitados, & tamen dicit Aposto-

lus: *Quia primitiæ dormientium Chri-*
stus. Johannes quoque primogenitum
mortuorum eum nominat. Quotquot
enim ante eum resurrexerunt, ite-
rum mortui sunt: *Christus vero re-*
surgens a mortuis, jam non moritur.

Christi ergo resurrectio spei nostræ
fundamentum est: quia in illa vita
resurrecturos nos credimus, in qua
nos cum eo victuros sine fine spera-
mus. Nec debet jam homo de re-
surrectionis veritate ambigere, cum
sciat verum hominem Christum a
mortuis resurrexisse. Ad hoc enim
mortuus est, ut viveremus; accepit
a nobis, ut offerret pro nobis. Mo-
riendo itaque mortem destruxit,
resurgendo vitæ aditum nobis pate-
fecit. Hinc est quod eidem Ecclesia
dicit: *Notas mihi fecisti vias vitæ.* Ante
adventum quippe ejus, vitæ
via omnibus ignota fuerat, tenden-
tibus cunctis ad mortem, & ad in-
feros descendantibus etiam electis,
donec ille veniret, qui & impios
ad justificationem, & mortuos vo-
caret ad vitam; veram fidem ad-
struens mortis & resurrectionis suæ
indiciis, & doctrinæ novæ nos for-
mans institutis, per quæ nimirum
& mortem possemus evadere, & in
novitate vitæ per adjunctam Spiri-
tus sancti gratiam ambulare.

9. Possumus quoque per custodiam
matutinam ipsa fidei nostræ rudimen-
ta accipere, ut a tempore accepti
baptismatis, post illustrationem gra-
tiæ salutaris, intentionem suam unus-
quisque ad eum dirigat, & spem
suam in eo singulariter ponat. Quasi
enim matutinam lucem recipit ani-
ma, cum tenebris infidelitatis expul-
sis, & vitiorum deterfa caligine, &
emundatis peccatorum maculis per
lavacrum regenerationis, paulatim
incipit Deum agnoscere, & in lu-
mine jucundari cognitionis divinæ. Est
enim lumen cognitio Dei, de qua
scriptum est: *Illuminate vobis lumen*
cognitionis. Magnum lumen, quod

1. Cor. 15. 20.

Apo. 1.

Rom. 6. 9.

Psal. 15. 10.

Per bap-
tismum, lu-
men recepi-
mus.

Osee 10. 12.
sec. septuag.

tenebras cordis evacuat, mentis oculos purgat, animos erigit, corda accendit, edocet semitas iustitiæ, desiderium virtutis adauget! Magnum lumen, per quod vitamus offendicula, præcipitia præcavimus, evadimus pericula, pertransimus laqueos, non timemus prospera, sustinemus adversa, respuimus errorem, sequimur veritatem! Quis non desideret hoc illuminari lumine? quis non hoc fulgore illustrari exoptet? Hinc est quod Propheta nos admonet, dicens: *Accedite ad eum, & illuminamini*. Qui accedit per fidem, illuminatur per cognitionem. Statim autem post illuminationem, gratiæ spem sequi oportet. Hoc enim monet qui dicit: *A custodia matutina usque ad noctem speret Israel in Domino*. Quæ est hæc custodia? Numquid auri vel argenti? Num monili-um, vel lapidum pretiosorum? Num vestium, vel pecuniarum? Nonne hæc sunt quæ mergunt hominem in interitum? Sed est his multo pretiosius, quod illuminatum custodiri oporteat. Dicit enim Propheta: *Judicia Domini vera, justificata in semetipsa: desiderabilia super aurum & lapidem pretiosum multum*. Denique de Sapientia dictum est, quia est pretiosior cunctis opibus, & omnia quæ desiderantur, huic non valent comparari. Hæc sunt ergo divitiæ, quas custodire debet qui de nocte ad matutinum pervenit, multo pretiosiores terrenis, & temporalibus veriores, quas nec ignis exurere, nec tineæ comedere, nec prædo potest auferre. Hæc etiam mihi videtur Propheta sensisse cum in præcedentibus quæreretur: *In quo corrigit adolescentior viam suam?* Ne si hoc sine discussione assereret, videretur quod adjunctum est, magis præcipatione prolatum, quam ex iudicio definitum. Et ut consilium eo salubrius crederetur, quo propensiori medita-

tione examinatum videretur, secutus adjunxit: *In custodiendo sermones tuos*. Conversus autem ad Deum, ad interrogata respondet, ut divinæ pietatis remedium crederetur, quod esset inventum non præsumptione humana, sed inspiratione divina. Hinc Jeremias ait: *Bonum est viro cum portaverit jugum ab adolescentia sua. Sedebit solitarius, & tacebit*. Jugum est verbum Dei, mentis nostræ collo impositum, ut nec alta cervice, aut nutibus procedamus oculorum, nec de accepta qualibet gratia inflemur, nec extollamus in altum cornu nostrum, nec adversus Deum iniquitatem loquamur: sed in omnibus sicut Dei ministros nosmetipsos exhibentes, animas nostras humiliemus, & juxta Apostolum, imitatores Dei sicut filii carissimi existamus.

10. Portandum autem hoc jugum ab adolescentia, ut juventutis annos congrua disciplinæ correctione unusquisque præveniat: ne si post decur-
tæ juventutis annos jugum tulerit, suorum stimuletur rememoratione peccatorum, & erroris usu & peccandi consuetudine exagitetur, & novis semper insurgentibus præliis, eos in seipso sentiat impugnationum tumultus, per quos quotidie aut victor existat, aut victus. Nam si ab ipsis adolescentiæ primordiis cervicem verbi jugo subdiderit, omnibus in seipso rite compositis, in pace sedebit. Sedebit quidem, animæ carnem subjiciens, & de tribunali rationis, quasi de judiciaria sede omnibus internis motibus velut quibusdam civibus edicta proponens. Sedebit, inquam, nullum metuens hostem, nullam sentiens impugnationem. Stare namque pugnantis est, sedere vero feriat. Sedebit quoque solitarius, id est ab omni carnalium desideriorum tumultu remotus. De hac solitudine David dicit: *Elongavi fugiens, & mansi in solitudine*. Neque enim rex po-

1^{hr}o 3. 27. 28.

Isa. 3.

Psal. 74.
2. Cor. 6.

Ephes. 5.

Portandum
ab adole-
scentia Dei
jugum.

Psal. 54. 8.

ten-

Psal. 33. 6.

Illud sequi-
tur spes gra-
tiæ.Psal. 18. 10.
Et iudicio-
rum Dei cu-
stodia.
Prov. 3.

Matth. 6.

Ps. 113. 9.

Ad id soli-
tarii sedea-
mus & ta-
ceamus.

Prov. 11. 12.

Deuter. 6. 3.

Exch. 2. 1.

Psal. 24.

Isa. 2.

Psal. 47. 9.

Rom. 8.

Vers. 7.

Divinarum
promissio-
num certitudo
contra
diffidentiam
munit.

* Initium
est Responso-
rii 8. in offi-
cio nobis. De-
minica 1.
Quadragesi-
mæ.

tentissimus qui tot millibus populo-
rum præerat, in solitudine habita-
bat. Habebat autem in solitudine
cordis sui, in qua nullos hostium
spiritualium impetus, nullos perversarum
cogitationum strepitus, nullos
pateretur clamoris iniqui tumultus.
Qui vero solitarius sedet, tacet; in-
telligens melius esse silere, quam lo-
qui incaute. Hinc etenim scriptum
est: *Homo sapiens tacebit usque ad
tempus*. Prius namque oportet di-
scere, quam docere. Ideo dictum
est: *Audi Israel*. Neque enim prius
dixit, loquere, sed audi. Sed Pro-
phetæ dictum est a Domino: *Fili
hominis, sta super pedes tuos, &
audi quaecumque loquar ad te*. Qui
audit, tacet. Tacet ergo qui in le-
ge Dei meditatur die ac nocte, &
audit quid loquatur in eo Dominus
Deus, qui loquitur pacem in eos qui
convertuntur ad cor. Restat ergo ut
dicamus, quid sit quod usque ad
noctem sperandum in Domino dicit.
Quis dubitat noctem finem esse diei?
Sic & unicuique homini finis, illius
vitæ mors sua est. Potest quoque
per noctem intelligi illa extremi ju-
dicii dies, quam Propheta diem no-
minat tenebrarum & caliginis, in
qua ad cæleste regnum vocantur
electi, ubi jam spes eorum termi-
nabitur, receptis omnibus quæ in
hac vita speraverunt, & ad laudem
Dei concinentibus Sanctis: *Sicut au-
divimus, sic vidimus in civitate
Domini virtutum*. Quod enim videt
quis, quid sperat? Speravimus ergo
in hac vita, ut quod hic in spe
concepimus, ibi in re habeamus.

*Quia apud Dominum misericordia,
& copiosa apud eum redemptio.*

11. Commendat nobis Dei carita-
tem, ut nos ad sperandum hortetur.
Ex hoc enim usque ad noctem spe-
ramus; quia eum misericordem cre-
dimus, longanimum scimus. Unde
non incongrue per quemdam sapien-
tem dictum est: * *Tribularer, si*

*non scirem misericordias tuas, Do-
mine*. Tribulationi quippe cordis
nostri remedium miserationis divinæ
occurrit: & contra diffidentiam malum
firmissimæ spei adhibet consolatio-
nem, promissionum divinarum certa
nobis proponens exempla, quibus
peccantium salutem se malle asserit
quam perditionem: quorumdam quo-
que correctionem ad animum redu-
cens, quos etsi a statu rectitudinis
error subruit, Conditoris tamen gra-
tia in melius reformavit. Ecce gra-
vium delictorum mole obrutus, & de-
meritorum qualitate diffusus aspicio
Zachæum, intueor Mariam, confi-
dero Petrum, perpendo latronem:
in quibus miserationis divinæ splen-
dor apparuit, atque per eos spem
veniæ peccantibus dedit. Hæ sunt
inæstimabilis miserationis Dei divitiæ,
humano quidem generi a seculis ab-
fconditæ, novissimis vero temporibus
per mediatorem Dei & hominum
declaratæ. Quæ pro sui immensitate
adeo incomprehensibiles sunt, ut in
explantione eorum manus torpeat,
fatiscant ingenia, eloquentiæ conti-
cescant. Superant enim sensum, ser-
monem transcendunt, intellectum
excedunt. Quis enim digne enarra-
re sufficiat quantæ misericordiæ fuit;
unigenitum Dei Filium de sinu Pa-
tris ad publicum nostrum descende-
re, carnem mortalem assumere,
irrationes pro nobis, vincula, flagel-
la, crucem, mortemque tolerare?
Quis cogitare valeat quantæ fuerit
gratiæ, ovem perditam quære-
re, quæsitam invenire, inventam
in humeris portare? Quis expo-
nere queat, quantæ fuerit mi-
serationis, sacratissima pretiosi san-
guinis effusione genus humanum re-
dimere, & sacrosanctum vivifici cor-
poris & sanguinis sui mysterium
membris suis tribuere? cujus perce-
ptione corpus suum, quod est Ec-
clesia, pascitur & potatur, ablu-
itur, & sanctificatur? Ideo & pleni-

Exe. 33.

Miserationis
divinæ mi-
racula.

Luc. 19.

Luc. 6.

Matth. 23.

Luc. 23.

1. Tim. 2.

tu.

tudo temporis tempus gratiæ nominatur, in quo juxta Pauli vocem
Tit. 2. 11. *Apparuit gratia Salvatoris nostri Dei omnibus hominibus, erudiens nos, ut abnegantes impietatem & secularia desideria, sobrie & juste & pie vivamus in hoc seculo.* Et iterum :
Tit. 3. 4. *Apparuit benignitas & humanitas Salvatoris nostri, non ex operibus justitiæ quæ fecimus nos, sed secundum suam misericordiam salvos nos fecit.*
Zach. 13. 1. Hinc per Zachariam Prophetam dicitur : *In die illa erit fons patens domus David inhabitantibus Jerusalem, in ablutione peccatorum & menstruata.* Quis est iste fons, nisi unigenitus Dei Filius? de quo per Prophetam dicitur : *Apud te est fons vita.* Qui nimirum tunc patens exstitit, quando in mundo visibilis apparens, pro liberatione nostra carnem suscepit. Qui etiam domus David dictus est; quia ex femine David secundum carnem natus est. Jerusalem vero visio pacis interpretatur. Hi ergo Jerusalem inhabitant, qui ad amorem cœlestium mentem levant. Peccator vero & menstruata, est velis qui delinquit in opere, vel mens quæ labitur in prava cogitatione. Menstruata namque mulier ita in seipsa polluitur, ut aliena carne minime tangatur. Quasi ergo menstruata illa est anima, quæ etsi in pravi operis effectum non ducitur, in immundarum tamen cogitationum delectatione versatur. Quia igitur jam patet nobis fons misericordiæ Redemptor noster, toto hunc pectore hauriamus, ut extinguere sitim carnalium desideriorum valeamus. Lavemus in eo maculas criminum, notas diluamus carnalium cogitationum. Et qui fontem misericordiæ, si clausus esset, quærere debuimus, saltem apertum & patentem non negligamus. Sperandum namque nobis est, quia ibi pœnitentiæ nostræ locus non deerit, ubi innumerabilium hominum compunctio locum invenit. Ad hoc
Tom. XIV.

enim patet ut lavet; ad hoc fluit ut lætificet, ad hoc redundat ut purget. Nam subditur:

Et ipse redimet Israel ex omnibus vers. 8. iniquitatibus ejus.

12. Restat igitur ut Israel efficiamur, & omnem transcendentem creaturam, in eum qui omnia creavit, mentis aciem dirigamus. Disponamus ascensiones in corde nostro, & per eas ad Conditorem Angelorum puro & simplici intellectu ascendamus. Quid enim tam suave & tam jucundum, quam mentis oculis & cordis desiderio contemplari Deum, atque ejus suavissimam degustare dulcedinem, dulcissimamque sentire suavitatem? Adest nobis gloria Redemptoris nostri, quæ nos a terrenis ad cœlestia erigat, oculos cordis nostri ad videndum solem justitiæ aperiat, ac per hoc ex omnibus nos iniquitatibus nostris redimat: Qui vivit & regnat Deus per omnia secula seculorum. Amen.

In Deum, mentis acies dirigenda.

P R O O E M I U M

In septimum Psalmum pœnitentialem.

Psalmus David, quando persequeretur eum Absalom filius ejus.

DE Psalmi centesimi quadragesimi secundi titulo, juxta quod pietas divina contulerit, locuturus, prius volo modos aperire prophetiæ: quatenus dum ejus diversitas ostenditur, ejus & intelligentia facilius acquiratur. Sciendum namque est, quia prophetia tribus modis fit: videlicet verbis, factis, somniis. Quicumque enim Propheta futura innotuit, aut verbis, aut factis, aut somniis prophetavit. Verbis namque futura prædixit Isaias, cum ait: *Ecce virgo concipiet & pariet filium, & vocabitur nomen ejus Emmanuel.* Somniis vero Nabuchodonosor futura prævidit, quæ Spiritu sancto Daniel

Quot modis fiat prophetia.

Isai. 7.

Dan. 2.

repletus enodavit. Factis Abraham futura nuntiavit, quando unicum filium suum ad sacrificia obtulit.

Gen. 22.

Quem nimirum, quem in hoc opere designat, nisi eum qui proprio filio suo non pepercit, sed pro nobis omnibus tradidit illum? Ipsa enim antiquorum patrum gesta nobis prophetiæ sunt, qui dum aliud agunt, & aliud innuunt, occulta nobis quasi per operis linguam produnt. Quod hoc in loco evidenter ostenditur, cum Absalom facta ad memoriam

Rem. 8.

2. Reg. 19.

reducuntur. Absalom namque patrem persequens, ad hoc usque livore feralis prorupit invidiæ, ut in seipso destrueret jura naturæ. Quem enim naturaliter amare debuerat ut patrem, eum inhumane persequabatur ut hostem. Absalom autem pax patris interpretatur: non quod ei pax ulla cum patre fuerit, sed quia quantæ pacis & patientiæ existit, in ejus perversitate pater ostendit. Quis autem per Absalom, nisi Judaicus populus: quis vero per David, nisi Redemptor noster signatur? Hinc namque per Prophetam Veritas ait: *Filii alieni mentiti sunt mihi, filii alieni inveterati sunt*. Denique ipse est filius senior, qui adolescentioris inventioni invidens & saluti, domum renuit intrare Ecclesiæ. Qui profecto canticum non cantat lætitiæ, nec concinentium admiscetur choris, & annulo carens fidei, nec stola immortalitatis induitur, nec vituli saginati alimento satiatur. Qui etiam hœdum quærit; quia agnum qui tollit peccata mundi, non sequitur: & ideo inter hœdos in judicio statuitur, nec ad cœnam nuptiarum ejus vocatur. Patrem ergo Absalom persecutus est; quia Judaicus populus dum monita salutis respuit, in propria venientem Dei Filium recipere recusavit. In tantum autem vœsanæ suæ extendere conatus est rabiem, ut suum occidere præsumeret Creatorem. In quo nimirum fa-

Absalom Judaici populi, David Redemptoris figuram gerebat.

Psal. 17. 46.

Lus. 15.

Johan. 3.

cto patientia Christi declarata est, qui non solum eis malum pro malo non reddidit, verumetiam ad mortem ductus pro eis oravit, dicens: *Pater ignosce illis: quia nesciunt quid faciunt*. Unde & Apostolus admonet, dicens: *Christus pro nobis passus est, relinquens nobis exemplum, ut sequamur vestigia ejus, qui peccatum non fecit, nec inventus est dolus in ore ejus; qui cum malediceretur, non maledicebat; cum pateretur, non comminabatur*. Orat autem caput in hoc Psalmo pro membris, Christus pro Ecclesia, virtus pro infirmitate. Orat quippe ut non severe judicentur, sed misericorditer exaudiantur. Persequitur etiam hoc tempore schismaticus corpus Christi, impugnat hæreticus Ecclesiam, unitatem infidelis perturbat. Sed clamat ad Deum Ecclesia, capiti suo Christo in unitate spiritus conjuncta. Quæ etsi omni tempore ad Deum clamat, præcipue tamen in tribulatione se ad orandum excitat, unde & dicit: *In die tribulationis meæ clamavi ad te*. Sed videamus quid dicat:

Luc. 17. 14.

1. Pet. 2. 21.

Pf. 85. 7.

EXPOSITIO.

Psalmi quarti Pœnitentialis.

Domine, exaudi orationem meam, Ps. 142.
auribus percipe obsecrationem meam in veritate tua, exaudi me in tua justitia. Vers. 1.

1. Sancta universalis Ecclesia secundum digniorem partem sui in specie celestium præmiorum roborata, sicut in electis habet quod conservari desideret, ita in infirmis invenit quod sibi dimitti exoret: sciens omnes divino egere auxilio, quos infelicitis vitæ conditio angustat, cum & justus inter pericula securus esse non valeat, & peccantem non nisi sola gratia divinæ miserationis absolvat. Utrobique ergo pavidam, utrobique suspectam, & pro currentibus

Pro justorum perseverantia, & pro peccatorum conversione orant Christus & Ecclesia.

bus orat ut perveniant, & pro regressis obsecrat ut currant. Inter orationem autem & obsecrationem hoc interest, quod oratio pro perseverantia virtutum, obsecratio vero fit pro indulgentia peccatorum. Orat ergo caput vel Ecclesia, ut & bene operantes in justitia roborentur. In eo vero quod ait: *Auribus percipe obsecrationem meam*, delinquentium designat debilitatem, qui ad similitudinem ægrotantium quadam omnipotentis medici indigent condescensione, cum se non valeat ad eum peccator levare. Vel auribus percipe, id est obsecrationibus intende. Hoc namque per Prophetam pollicetur, dicens: *Convertimini ad me, & ego convertar ad vos*. Unde & subditur: *In veritate tua*. In hoc enim vera apparet promissio: quia converso tribuitur remissio peccatorum, juxta quod scriptum est: *Justificeris in sermonibus tuis; & vincas cum judicaris*. EXAUDI me in tua justitia. Qui gloriatur in se, non exauditur. Non exaudiuntur illi qui ignorantes Dei justitiam, & suam volentes statuere, justitiæ Dei non sunt subjecti. Denique Phariseus justitiam suam in templo statuere voluit, & ideo a Domino reprobatus fuit. Gloriamur ergo in justitia Dei, si exaudiri quærimus, ut nos cum Propheta dicere possimus: *Exaudi me in tua justitia*. Quis autem gloriatur in justitia Dei, nisi qui nihil boni suis meritis tribuit, & justum esse quidquid adversi tolerat, sentit? Gloriabatur Paulus in infirmitatibus suis, nihil boni non accepti se habere testabatur, humilitatis nobis exempla proponens, ut qui gloriatur, in Domino gloriatur.

Et non intres in judicium cum ser-vo tuo: quia non justificabitur in conspectu tuo omnis vivens.

2. Qui contra Conditoris flagella murmurat, quasi cum eo in judicium intrat. Dei namque accusat ju-

dicium, qui se æstimat injuste percussus. Et quasi cum Deo in judicio contendit, qui inter flagella innocentem se ostendit. Hinc etenim Dominus ad beatum Job loquitur, dicens: *Numquid qui contendit cum*

Deo, tam facile conquiescit? Utiq; qui arguit Deum, debet & respondere illi. Tunc beatus Job quasi Deum arguit, cum de percussione sua an fuerit justa dubitavit. Nullius quippe delicti sibi conscius, injuste se percussus credidit; quia merita sibi augeri ex percussione nescivit. Sed qui multa de operatione sua locutus, audita Sanctorum vita tacuit, quasi cum Deo contendens facile conquievit. Vel certe ille cum Deo in judicium ingreditur, qui cum oraverit, murmurat si non exauditur. Quibus dicitur: *An vultis mecum judicio contendere?* Quasi enim judicio contendebant, qui dicebant: *Quare jejunavimus, & non aspexisti? humiliavimus animas nostras, & nescisti?* Siquidem stultum est ab oratione deficere, si Deus differat, cum rogatur, exaudire: & iniquum arguere Conditorum, si effectus non sequitur orationem, præsertim cum quid oremus sicut oportet, nesciamus. Nonnullis quippe impatientibus Dominus quod petebant sæpe concessit iratus: sicut e contra Apostolo negavit propitius. Dedit enim regem petentibus secundum desideria cordis eorum: dedit etiam postulanti diabolo, ut Job simplicem & rectum & timentem Deum tentaret. Malignos spiritus exaudivit, & in porcorum gregem dæmonum concessit legionem intrare. Non igitur pro magno quis habeat si fuerit exauditus, cum aliquid petat quod non impetrare plus profit. Quod si postulata non obtinet, non se abiciat, aut de divina erga se miseratione desperet, cum forte ea peteret, quibus acceptis vel affligatur atrocius, vel inutilius prosperetur. Scriptum

Jerem. 2. 29.

Isai. 58. 5. 30.

Rom. 8.

Deus sæpe postulata concedit iratus. 1. Cor. 9. 2.

1. Reg. 8. Job. 1. 6. 2.

Matth. 3.

Zac. 1. 3.

Ps. 50. 6.

Qui gloriatur in se non exauditur. Luc. 18.

2. Cor. 12.

1. Cor. 1. 31.

Verf. 2.

Cum Deo in judicio contendunt, qui vel se flagellatos ab eo

Prov. 3. 32.

Nemo in
conspetu
Dei perfecte
justus.

quippe est: *Aversio parvulorum interficiet eos, & prosperitas stultorum perdet eos. QUA non justificabitur in conspectu tuo omnis vivens.* Scio multos in conspectu hominum justos videri, & ad spem cœlestium promissorum evectos innocenter in mundo vivere: qui etsi non delinquant in opere, labuntur tamen aliquando vana aut perversa cogitatione. Cujus enim mentem cogitationes vanæ non laniant? cujus cor tentationes non vexant? cujus animum desideria carnis non turbant? Non ergo in conspectu Dei justificatur qui corde delinquit, quod intuetur Deus.

Vers. 3.

Quia persecutus est inimicus animam meam: humiliavit in terra vitam meam.

Quibus arti-
bus diabolus
nos decipiat
Mat. 31. 32.
Luc. 8.
1. Pet. 5. 8.

3. Quis sit generis humani inimicus, ostendit qui parabolam zizaniorum exponens, ait: *Inimicus autem diabolus est.* Et Apostolus Petrus ait: *Inimicus vester diabolus tamquam leo rugiens circuit, querens quem devoret.* Ipse enim est qui animas persequitur, qui mortem inferre perpetuam molitur. Ipse est, inquam, qui incautos decipit, & in via hujus vitæ gradientibus laqueos tendit. Ideo Propheta ait: *In via hac qua ambulabam, absconderunt laqueum mihi.* Rursum de eo scri-

Psalm. 141. 4.

Job. 13. 10.

ptum est: *Abscondita est in terra pedica ejus, & decipula illius super semitas.* Dum enim humanæ saluti invidens perdere innocentem appetit, prius ei aliquid quod libeat ostendit: quod dum appetere incautus nititur, occulto peccati mucrone transverberatur. Quasi ergo in terra pedica absconditur, dum in terrenis commodis peccatum occultatur. Decipula quoque ab antiquo hoste super semitam ponitur, cum in actione hujus mundi quam mens appetit, peccati laqueus paratur. Ita namque in terra decipula ponitur, ut exposita esca ipsa non videatur. Sic nimirum sic antiquus hostis dum

subruere aliquem cupit; quasi escam in muscipula, lucrum in culpa ponit. Ad quod dum aviditatis amore viator inhiat, ex improvise eum peccati laqueus suffocat. Quis hujus hostis versutias non metuat, qui tanto est perniciosior, quanto occultior? Non enim quæ extra nos sunt auferre nititur, sed diripere thesauros interiores conatur. Nulla sibi temporalium bonorum cupiditas, nulla divitiarum ambitio, nullum dignitatis desiderium, sola interiora appetit, solas virtutes diripit, solam animam occidit. Quod si aliquando exteriora tetigerit, non ea aufert ut habeat, sed ut ea auferendo animam evertat. Novimus quomodo multos quotidie fraudibus suis occupet, quomodo vestimentis gratiæ exspoliet, deceptos virtutum privet ornatu, divitiis opum defraudet, livoribus infuset tentationum, vulneribus peccatorum transfigat. Hæc est namque perversitatis ejus intentio, ut omnibus noceat, omnes dejiciat. Denique quos in viis Dei ambulantes viderit, & in proposito justitiæ cognoverit fortiores, eos gravius persequitur, a statu rectitudinis subruere conatur. Ideoque ait: *Persecutus est inimicus animam meam, humiliavit in terra vitam meam.* Gravis persecutio! Qui cœperam amore cœlestium terrena relinquere, & contentis divitiis secularibus, in cœlis conversari, jam impulsione diabolica cogor summa & æterna despicere, & de mundi hujus providentia incerta cogitare. Terrenarum rerum curis aggravor: carnalium voluptatum captus illecebris, ad ima deducor. *Deprimit enim terrena habitatio sensum multa cogitantem.* HUMILIAVIT in terra vitam meam. Qui contentis cœlestibus, ad ima solummodo appetenda deducitur, ejus vita in terra humiliatur. Unde fit, ut eo morti fiat proximus, quo a Deo factus est per-

Sap. 9. 13.

dis.

2. Tim. 4. 9. dissimilitudinem longinquus. Hinc namque Apostolus ait: *Qui volunt divites fieri, incidunt in tentationem, & in laqueum diaboli, & desideria multa inutilia, quæ mergunt homines in interitum.* Unde & apte subditur:

Vers. 4. *Collocavit me in obscuris sicut mortuos seculi, & anxius est super me spiritus meus, in me turbatum est cor meum.*

Infelix Peccatoris status. 4. Quid infelicius? Vivebam olim Deo, mortuus seculo: nunc e contrario mortuus Deo, mundo vivo. Quid est enim peccatum, nisi mors?

Psal. 6. 6. Hinc etenim scriptum est: *Non est in morte qui memor sit tui.* Et iterum: *Intravit mors per fenestras nostras.* Mors namque est quæ animam a Deo separat, sensuum internorum intercludit officia, divinam deturpat imaginem, lucis adimit claritatem.

In sepulcro ligatus & a conspectu Dei projectus jacet. Denique qui Christo moritur, in sepulcro conscientiæ tumultatur, ligatur concupiscentiarum institis, a conspectu Dei projicitur, duritie operitur, lapide iniquitatis intus clauditur. De talibus scriptum est: *Prodiit quasi ex adipe iniquitas eorum.*

Psal. 72. 2. Hos tamen aliquando resuscitat Jesus, & sublato impœnititudinis lapide, a tenebris ad lucem revocat. Et cum pro eis Ecclesia intercesserit, per ministerium eos sacerdotum absolvit. Venit ipse ad monumentum, ad lacrymas Ecclesiæ commovetur: jubet ut ad justitiam resurgat, qui pridem in iniquitate jacuerat. Tantummodo opus est ut per confessionem foras veniat, sentiat cordis dolorem, timeat judicium Dei, ab iniquitate recedat. Habet etiam in hoc Prophetæ documentum. Nam subditur: *Anxius est super me spiritus meus, in me turbatum est cor meum.* Pœnitentis viri spiritus anxietur, cum superna desiderans, carnis corruptione deprimitur. Cum enim terrenæ labis pondere prægravatus, sustolli ad altiora nititur,

ipso suo conamine fatigatus lassatur. Sed eo enixius superiora desiderat, quo verius sarcinam agnoscit quam portat. Turbatur vero cor peccatoris in recordatione peccati, cum primum cœperit seipsum cognoscere, & quam longe a Deo recesserit cogitare. Nec vacat quod addidit, *In me.* Quasi enim extra se fuerat, qui spretis salubribus & æternis, de noxiis & temporalibus cogitabat: qui ægritudinis suæ molestias non sentiebat: qui se videre cum cæcus esset, putabat. Sed eo in se rediit, quo seipsum qualis fuerat, recognovit. Scriptum namque est: *Redite pravaricatores ad cor.* *Isai. 46. 8.* Sed de filio prodigo narravit Dominus, quia cum distractis & profusis paternis bonis, vitæ cœlestis alimentum egeret, in se reversus sit. Non enim in se reverteretur, nisi a se prius exisset. Ideoque & pater ejus ait: *Hic filius meus mortuus fuerat, & revixit: perierat, & inventus est.* *Ibidem. Luc. 15. 24.* Si ergo a patre, a quo per inobedientiam discesseras, inveniri desideras, & deliciose in domo illius epulari, ad teipsum statim revertere, & discussis actibus tuis, unde excideris recordare; ut eo magis movearis ad pœnitentiam, quo incipies cognoscere quod amiseris, & perdere quod inveneris. Sequitur:

Memor fui dierum antiquorum, menditatus sum in omnibus operibus tuis, & in factis manuum tuarum meditabar. *Vers. 5.*

5. Felices antiqui dies, nihil tenebrarum, nihil caliginis præferentes! Quos divinitatis illustrabat præsentia, securitatis purgabat serenitas, lætitiæ immensitas decorabat. Dies gaudiorum & luminis, dies virtutum & pacis, dies deliciarum & suavitatis: quos non perturbabat mœror, non infestabat angustia, non obumbrabat infirmitas. Hos dies in paradiso habuit anima, antequam a statu rectitudinis per culpam caderet.

Quas animo res volvere pœnitens debeat.

ret prævaricationis: sed eosdem tunc infelicitè perdidit, cum præcepta Conditoris servare contempsit. Potest quoque intelligi per antiquos dies, primorum parentum transgressio, per quam oculos eorum apertos testatur Scriptura. Vel etiam illecebrosa istius mundi prosperitas, fraudulenta quadam amœnitate stultis arridens, cui maledicit iustus, dicens: *Pereat dies in qua natus sum*. Sancti etenim viri mundi huius prospera magis quam adversa metuentes, in ipsis successibus suis seipsos discutunt, & quam cito transeat mundanæ felicitatis fumus, attendunt, revolventes quod scriptum est: *In die malorum ne immemor si honorum*. Si quem vero in mundo prosperari viderint, & in gloria divitiarum suarum exultare; non culmen dignitatis ejus considerant, sed finem illius mente pertractant; ut tanto obnixius vera bona considerent, quanto apertius bona non esse quæ transeunt, vident. Hinc namque Job dicit: *Ego vidi stultum firma radice, & maledixi pulcritudini ejus statim*. Qui enim in multitudine divitiarum suarum confidit, quasi in terra radicem firmavit. Sed vir sanctus ejus maledicit pulcritudini, cum illius derogat prosperitati. *Meditatus sum in omnibus operibus tuis*. Qui mundi huius divitias fallaces esse agnoverit, & amore cœlestium contemserit terrena, meditatur in operibus bonis, quæ vita hac transcunte permaneant, & æternæ vitæ præmia ferant. Neque enim tempore utiliter vivitur, nisi ad comparandum meritum quo in æternitate vivatur. Sequitur: *Et in factis manuum tuarum meditabar*. Loquitur Propheta ad Deum: *Opera manuum tuarum sunt cæli*. Et alibi: *Cæli enarrant gloriam Dei*. Illi sunt cæli, qui enarrant gloriam Dei: qui opus manuum Dei dicuntur, quia divinam in se non deformant ima-

ginem, charismatum non excludunt dona, animæ speciem non demoliuntur. Qui nihil boni sibi, sed totum gratiæ Dei tribuunt, scientes se nihil habere quod non acceperunt. Hoc enim operatus est in eis, qui vasa misericordiæ fecit eos, qui illos ante mundi constitutionem in seipso elegit, ut in se non gloriantur, nec altum sapiant, sed timeant, nec dicant in abundantia sua; *Non movebor in æternum*. In his meditabitur; qui de Babylone reversus, exempla eorum sibi ad imitandum proponens, ne deceptus conversatione eorum qui terrena sapiunt, in eadem quæ dimiserat relabatur, & fiat deterior erroris confusio, si post acceptum aratrum cœperit retro aspicere, aut ad tollendam tunicam in domum remeare. Eorum itaque exemplo se ad bene operandum excitat, & cum eis absens corpore, mente conversatur. Gloriam ergo beatitudinis æternæ quam receperunt, aut recepturi sunt, attendit; ut eo magis ad opus bonum animetur, quo cœperit agnoscere quod egerunt, & sperare quod acceperunt.

Expandi manus meas ad te: anima mea sicut terra sine aqua tibi.

6. Non sufficit bene velle, nisi sequatur & facere. Ideo qui in operibus bonis meditatum se dixerat, & in meditatione laudis Sanctorum immoratum, secutus adjunxit: *Expandi manus meas ad te*. Hinc namque Propheta nos admonet, dicens: *Levemus corda nostra cum manibus ad Deum*. Quid est manus ad Deum expandere, nisi operationem ad omnipotentem levare? Denique ille manus suas contrahit, qui indigentibus nihil tribuit, qui vocem pauperis non exaudit. Hinc quidam sapiens admonet, dicens: *Non sit manus tua ad dandum contracta, & ad accipiendum porrecta*. Docuit ille manus expandere, qui dixit: *Date*

1. Cor. 1.

Rom. 9.
Ephes. 1.

Ps. 29. 7.

Luc. 9.
Ibid. 23.

Vers. 6.

Manus ad Deum expandere, est pro Deo bene operari.

Tren. 3. 43.

E. clef. 4. 36.

Luc. 11. 42.

elect.

Gen. 3.

Job 3. 3.
Prospera
magis me-
tuenda,
quam ad-
versa.

Eccl. 27. 11.

Job 5. 3.

Temporalis
vita uten-
dum ad æ-
ternam com-
parandam.
Ps. 101. 26.Ps. 18. 1.
Qui cœlo-
rum nomine
intelligen-
di.

*eleemosynam, & ecce omnia munda sunt vobis. Et Propheta testatur, dicens: In die tribulationis meæ Deum exquisivi manibus meis. Quid est enim manibus Deum exquirere, nisi operibus sanctis Salvatorem invocare? Nec otiose additum est, Ad te: quia sunt plerique qui in eo quod bene agunt, laudari ab hominibus appetunt. Hi manus suas ad Deum non expandunt, quia per opera sanctitatis non Deum, sed mundi gloriam quæ-
runt. De talibus dicit Dominus:*

Amen dico vobis, receperunt mercedem suam. Expandamus ergo manus nostras ad Deum, ne justitiam nostram faciamus coram hominibus: nec cum fatuis virginibus lampades vacuas accipiamus; sed in vasis nostris oleum sumentes, venienti sponso occurramus, ut dicere cum Apostolo possimus: Gloria nostra hæc est, testimonium conscientiæ nostræ.

7. Anima mea sicut terra sine aqua tibi. Hoc est propter quod magis timoratus quisque se ad bene operandum excitat, si se non extollat de meritis, si in se superbiam humanæ præsumptionis extinguat, si nihil se esse reputet, si virtutis incrementum a Conditor exspectet. Ideoque ait: Anima mea sicut terra sine aqua tibi. Quasi enim terra sine aqua, est anima sine gratia. Sicut enim terra quæ imbre non perfunditur, non vestitur herbis, non venustatur floribus, non abundat messe: sic anima gratia carens non operitur virtutibus, non cogitat de cœlestibus, non insistit utilibus. Vitiato namque in primo parente libero arbitrio, jam nec velle quidem bonum possumus, nisi illius gratia adjuvemur, apud quem gressus hominis diriguntur. Scriptum quippe est: Preparatur voluntas a Domino. Et Dominus discipulis ait: Non vos me elegistis, sed ego elegi vos. Et Apostolus: Deus est, inquit, qui operatur in vobis &

velle & perficere, pro bona voluntate. Et iterum: Gratia Dei salvati estis, per fidem. Si ergo fidem sine gratia Dei nemo habet, quis se facere fructum æstimet sine adjutorio illius, qui ait: Posui vos ut eatis, & fructum asseratis, & fructus vester maneat? Quicumque enim plantet aut riget; incassum vox correptionis exterius perstrepat, nisi ille incrementum dederit, sine quo nihil possumus facere.

Velociter exaudi me, Domine, defecit spiritus meus.

8. Non incongrue a quodam sapiente dictum est: *Cupiditatis ipsa celeritas tarda est.* Parum enim est desiderantis justificatione Dei ut exaudiatur, nisi etiam velociter exaudiatur. Addit etiam causam, quare exaudiri debeat: quasi instantem jam spiritum non habeat, qui spem suam omnino in Deo ponit. Dicendo enim: *Defecit spiritus meus*, pauperem spiritu se esse testatur, & de seipso non præsumere, sed sacrificium Deo spiritum contribulatum offerre. Agnoscit hoc etiam se ex gratia Dei habere quod humiliatus est, confidens se ejus auxilio erigendum, cujus gratia se sentit elisum. Hinc namque Propheta Dominum exorans, ait: *Auferes spiritum eorum, & deficient, & in pulverem suum revertentur: emittes spiritum tuum, & creabuntur.* Non enim receptaculum spiritus Dei quisquam efficitur, nisi spiritu suo primitus evacuetur. Nam nec requiescit spiritus Dei nisi super humilem & quietum, & trementem sermones Dei. Denique qui tremit, deficit. Hinc Propheta ait: *Defecit in salutare tuo anima mea.* Nisi enim quis a semetipso deficiat, ad eum qui supra ipsum est, non appropinquat. Hinc de regina Saba scriptum est, quod audita sapientia Salomonis, & visis ministris domus ejus non habebat ultra spiritum: quia electorum Ecclesia de Gentibus con-

Ephes. 7. 1.

Johan. 15. 16.

1. Cor. 3.

Verf. 7.

Ut orantes exaudiamur, humilitas præstat.

Gratiz Dei adscribendum quod humilemur

Is. 103. 19.

Isai. 66.

Ps. 118. 81.

3. Reg. 10.

*Prov. 8. 35
sec. lxx.
Johan. 15. 16
Philip. 2. 13*

gregata, cognita Christi gratia, & Evangelicæ doctrinæ inventis magistris, abjecto superbiæ spiritu, omni-que elationis fastu deposito, didicit de seipsa diffidere, & in Regis sui misericordia magna sperare.

Verf. 8.

Non avertas faciem tuam a me, & similis ero descendantibus in lacum.

Dei erga
pœnitentes
misericor-
dia.

9 Solent domini irati ab his quibus offensi sunt servis oculos avertere, & si quando illi pro gratia supplicaverint, in partem aliam faciem declinare. Et quia recto eos intuitu conspiciere nequeunt, animorum suorum motus in ipso corporis habitu ostendunt. Deus quoque idem delinquentibus avertitur: quia turpitudinem eorum sereno vultu inspicere dedignatur. Sed qui abjicit delinquentem, convertitur ad pœnitentem, vocat etiam averfos, donat peccata converfis, hortatur pigros, consolatur afflictos, docet studiosos, adjuvat dimicantes, confirmat laborantes, exaudit corde clamantes. Ipse namque per Prophetam dicit: *Convertimini ad me, & ego convertar ad vos.* Sed quia converti ad eum sine ipso non possumus, quotidie cum Propheta clamemus: *Ne avertas faciem tuam a me, & similis ero descendantibus in lacum.*

Zac. 1. 3.

Nisi Deus
misericordi-
er nos res-
piciat in
desperatio-
nem labi-
mur.

Avertente Domino faciem, peccator in lacum descendit; quia nisi illum Deus misericorditer respexerit, post multa perpetrata scelera in desperationis foveam cadit. Nam & Petrus amare non flevisset, nisi eum Dominus respexisset. Est enim pœnitentia unum de perfectis donis descendantibus a Patre luminum. Nisi ergo benigna Dei misericordia mentem hominis illuminaverit, impossibile est ei in novam naturam mutari, cum scriptum sit: *Non potest a se facere quidquam, nisi datum fuerit desuper.* Et Apostolus: *Fiduciam, inquit, talem habemus per Christum ad Deum, non quod sufficientes simus cogitare aliquid a nobis quasi ex no-*

Jac. 1.

Johan. 15. 11.

2. Cor. 3. 4.

bis, sed sufficientia nostra ex Deo est. Si ergo nec cogitare aliquid a nobis sufficimus, quomodo sine respectu misericordiæ Dei pœnitentiam agemus? Sunt enim tenebræ ubi Chri-

Johan. 1.

stus non respicit, ubi lux illa vera non ingreditur; quæ sic lucet in tenebris, ut tamen non comprehendatur a tenebris. Ideoque Propheta Domini exorans dicebat: *Faciem tuam*

Ps. 118. 135.

illumina super servum tuum. Quid est autem facies Dei, nisi quædam claritas cognitionis ejus? Hanc cognitionis ejus claritatem non vident, qui misericordiam ipsius ignorant, qui de peccatorum suorum venia desperant. Illi denique in lacum descendunt, ubi lumen non videant misericordiæ, intentionem cordis non dirigant ad cœlos, carnis satisfaciant desideriis, Deum contemnant, sicut scriptum est: *Peccator cum in pro-*

Prov. 18. 3.

fundum venerit, contemnit. De talibus per Amos Prophetam Dominus intonat, dicens: *Si celaverint se ab*

Amos 9. 3.

oculis meis in profundo maris, ibi mandabo serpenti, & mordebit eos. Quid est enim celari in profundo maris, nisi in altitudine delitescere desperationis? Celat vero se, qui non confitetur peccata sua. Non confitetur autem, qui desperat de misericordia Dei. Vel certe ille se ab oculis Dei celat, qui a mandatis ejus avertitur. Oculi enim Domini, spiritus Dei, qui legem, id est mandata dedit. Qui ergo se ab oculis Dei in profundo desperationis celaverint, potestatem accipit diabolus ut eos mordeat, & in ventrem eos suæ malitiæ inducat. Ipse est enim serpens, cui dictum est: *Terram comedas omnibus diebus vitæ tuæ.*

Genes. 3. 14.

Auditam fac mihi mane misericordiam tuam: quia in te speravi.

Verf. 9.

10. Quid est mane, nisi sequentis diei initium? Quæ autem dies, nisi illa de qua Propheta dicit: *Melior est dies una in atriis tuis super*

Vita præ-
sens, nox
est; futura,
dies.
Ps. 38. 11.
Rom. 13. 12.

millia? Et Apostolus: *Nox, inquit, præ-*

præcessit, dies autem appropinquavit, abjiciamus ergo opera tenebrarum, & induamur arma lucis: sicut in die honeste ambulemus. Illa est enim dies, quam verus ille sol illuminat, qui nescit occasum, quem non obtenebrat nubes, non obscurat nebula, non obumbrat turbo. Quæ recte una dicitur, quia nullius finis termino angustatur. In hac quippe vita diem non habemus, in qua per fidem, non per speciem ambulamus. In qua cæcitatibus nostris patimur tenebras, & erroris humani defleamus caliginem. In qua assiduus mœroris & angustiae premimur nebulis, & per devia trahimur, quasi captivi lumen sapientiæ non habentes, & in cogitationibus nostris evanescentes. Cum autem Christus apparuerit vita nostra, & revelata facie Deum videre cœperimus, tunc omnis effugiet caligo tenebrarum, omnis evanescet ignorantiae fumus, omnis dissipabitur tentationis nebula: quia & corruptibile hoc induet incorruptionem, & mortale hoc induet immortalitatem. Illa erit claritatis & lucis dies, quam electis omnibus præparavit, qui eripuit nos de potestate tenebrarum, & transtulit in regnum filii dilectionis suæ. Hujus diei mane, est futura resurrectio, juxta quod scriptum est: *Mane adstabo tibi & videbo, quoniam non Deus volens iniquitatem tu es, neque habitabit juxta te malignus.* Et iterum: *Bonum est confiteri Domino, & psallere nomini tuo, Altissime, ad annuntiandum mane misericordiam tuam.* In ea quippe justorum luceſcet felicitas, apparebit gloria, videbitur exultatio; ubi absterget Deus omnem lacrymam ab oculis Sanctorum; ubi novissima destruetur mors; ubi justi fulgebunt sicut sol in regno Patris eorum.

vibus scilicet ab hædis; dicit his qui a dextris ejus erunt: *Venite benedicti Patris mei, percipite regnum quod vobis paratum est ab origine mundi.* Ibi nota fiet misericordia Dei, quam in præſenti vita mens humana capere non potest. Præparavit enim Dominus diligentibus se, quod oculus non vidit, nec auris audivit, nec in cor hominis ascendit. Ideo qui per bonam conversationem a gratia Dei venientem, ad desiderium æternæ vitæ erigitur, dicit: *Auditam fac mihi mane misericordiam tuam, scilicet æternam.* Misericordia enim Domini ab æterno usque in æternum super timentes eum. Quod si illa Sanctorum felicitas misericordia est, & non meritis acquiritur, ubi erit quod scriptum est: *Et tu reddes unicuique secundum opera sua?* Si secundum opera redditur, quomodo misericordia æstimabitur? Sed aliud est secundum opera reddere, & aliud propter ipsa opera reddere. In eo enim quod secundum opera dicitur, ipsa operum qualitas intelligitur, ut cujus apparuerint bona opera, ejus sit & retributio gloriosa. Illi namque beatæ vitæ in quam cum Deo & de Deo vivitur, nullus potest æquari labor, nulla opera comparari, præſertim cum Apostolus dicat: *Non sunt condigne passionibus hujus temporis ad futuram gloriam, quæ revelabitur in nobis.* Quamquam & ex hoc quoque misericordia jure possit nominari: quia pro illis operibus datur, quæ sine præventu misericordiæ Dei nemo assequitur. Unde in Psalmis dicitur: *Deus meus, misericordia ejus præveniet me.* Nisi enim vasa iræ fecisset vasa misericordiæ, neminem ab illa perditionis massa conversatio sancta discerneret, neminem a pœna perpetuæ mortis justitia propria liberaret. Constat ergo quia quibus misericorditer tribuit ut in hac vita bene operentur, eis misericordius lat-

redditur, & Dei misericordia tribuatur, Matt. 25. 34.

1. Cor. 2.

Pf. 102. 17.

Pf. 61. 7.

Rom. 8. 12.

Pf. 57. 21. Bona opera, gratia prævenit.

Col. 3.

1. Cor. 15.

Pf. 55.

Pf. 91. 1.

Apoc. 21. Matt. 13.

Quæ æterna felicitas, quæ secundum opera

11. In illo autem mane auditam faciet Dominus misericordiam suam, cum segregatis justis ab impiis, o-

Tom. XIV.

V

gi.

gitur ut in æterna beatitudine multiplicato fructu remunerentur. Hæc est gratia, quam pro gratia dandam sanctus Dei Apostolus perhibet, ut quibus in hac vita divinitus datur gratia sanctificationis, eis ex hac quoque in futuro detur gratia æternæ felicitatis. Quod vero ait: *Quia in te speravi*, quasi causa est justæ petitionis: quia cum spem suam quis in Deo posuerit, ad exorandum Deum confidentior erit. Dixerat quoque superius: *Defecit spiritus meus*; nunc vero in Deo sperare se dicit. In quo majoribus usus confidentiæ remediis, spei nostræ saluberrimum adhibet documentum, ut discamus parum esse quod a nobis deficimus, nisi nos transcendentem, in Deo proficiamus.

Ps. 10. Notam fac mihi viam, in qua ambulem: quia ad te levavi animam meam.

Ut in Deo proficiamus, a nobis deficientium.

Ps. 118. 27. 12. Quis est qui pervenire possit ad audiendam mane vocem misericordiæ, nisi ambulaverit in via justitiæ? Hinc Propheta Dominum exorans, ait: *Viam justificationum tuarum instrue me*. Et illud: *Dirige me in semitam rectam propter inimicos meos*. Et, *Dirige in conspectu tuo viam meam*. Sciebat enim viam esse quæ recta videtur hominibus, cujus novissima ad mortem ducunt. Ideoque ait: *Notam fac mihi viam, in qua ambulem: quia ad te levavi animam meam*. Vide ordinem. Primum est ut a teipso deficias, nec super te causa jactantiæ rapiaris, sed omnibus inferiorem te sentias, & sic in te spiritum superbiæ extinguas. Non te generis nobilitas extollat, non erigat honor, non inflat prudentia. Qui enim confidit in homine, maledicto subiacet. Deinde sequitur ut in Deo speres; ut derelictus, (juxta Prophetam,) a patre & matre, assumaris a Domino, & ejus præsidio gubernaris inter fluctus mundanæ tentationis. Po-

Ps. 26. 11. *Ps. 5. 9.* *Prov. 14.* *Jerem. 17.* *Ps. 26.*

stremo ut animam ipsam leves ad Deum, & omni vanitate expulsa, in cœlestibus converteris; ubi deliciarum Dei reficiaris dulcedine, & visionis ejus persuariis claritate. Non tibi subrepat terrenarum delectatio cupiditatum, non vanitatum phantasmata mentem occupent, quæ cum animum in diversa traxerint, tantam inducunt caliginem negligentia, & cæcitatibus tenebras opponunt, ut cum appetere cœperit infima, nullatenus erigatur ad summa. Si amore cœlestium accensus fueris, & per istos ascenderis humilitatis gradus, poteris & tu dicere cum Propheta: *Ad te, Domine, levavi animam meam*. Beatus qui hoc potest dicere. Beatus plane quem iniquitas non onerat, non revocat delectatio, non inclinat voluptas, quem non gravat cupiditas, non deprimit opulentia, non trahit ambitio, sicut scriptum est: *Beatus vir cujus est auxilium abs te, ascensiones in corde suo disposuit*. *Ps. 24. 5.* *Ps. 83. 5.*

Eripe me de inimicis meis, Domine, ad te confugi: doce me facere voluntatem tuam, quia Deus meus es tu. *Ps. 11.*

13. Qui in via ambulat, insidias metuit, hostium timet incursum, prædonum impetus perhorrescit. Ideo qui viam nosse salutis desiderat, ut etiam ab inimicis eripiat exorat. Novit quia inter inimicos graditur, in medio laqueorum, undique pericula imminet, undique ponuntur insidiæ, undique incauti præcipitantur. *Adversarius enim noster diabolus tamquam leo rugiens circuit, quaerens quem devoret.* *1. Petr. 5. 8.* Occupat incautos, inermes fauciat, incautos expoliât. Alios necat, alios captivat, alios suffocat. Aliquando transfigurât se in Angelum lucis, & incautæ menti quædam agenda bona proponit: ut dum a proposito tentatus deciderit, & tentationum ventis velut arundo cœperit agitari, facilius ad

In hac via ambulantes quæ circumstant pericula.

1. Cor. 12.

In fortiores
parantur
graviores.
aculei.

ad delicti inducatur consensus. Inferit inutiles cogitationes, vana adhibet desideria, virtutum figmenta depingit. Si quem vero invenerit fortiozem, in bono proposito perseverantem, eum acrius persequitur, & gravioribus admotis tentationum aculeis, extinguere conatur. Habet quoque secum nequitie ministros, duces & satellites suos, cum quibus adversus humanam fragilitatem congregitur; ut ea tanto facilius superetur, quanto non ab uno, sed a multis impugnatur. Contra hunc potentem adversarium ejusque plurimos apparatus nos instruebat Paulus, cum diceret: *Non est nobis colluctatio adversus carnem & sanguinem, sed adversus mundi rectores tenebrarum harum, contra spiritalia nequitie in cœlestibus*. Quis tot inimicorum catervas evadere, eorumque insidias investigare potest? Non gravantur carne, nullis occupantur curis, sed sunt ad nocendum parati. Quis hominum adversus eos dimicans illæsus abire potest, nisi auxilio divinæ gratiæ vallatus fuerit, & scuto bonæ voluntatis ejus coronatus? Etiam si bonæ operationis studio floreant, si lumine polleant virtutum, non poterit inimici rugientis superare nequitiam, nec potestatis iniquæ reprimere vires, nisi illius fuerit fretus præsidio, qui sic manet in nobis, ut etiam pugnet pro nobis.

Ut a tantis
periculis
eruemur,
quid præ
standum.

Pf. 142. 2.

Pf. 26. 1.

14. Restat ergo ut in omnibus divinæ gratiæ auxilium postulemus, & ad illud inexpugnabile occurramus semper refugium, in quo nullius hostis timeamus incursum. Ad illud nempe refugium confugerat qui dicebat: *Eripe me de inimicis meis Domine, ad te confugi*. Et alibi: *Domine, refugium factus es nobis*. Notandum vero quia non ait, *protege me*, sed *eripe me*, quasi dicat: Jam me fraudum suarum laqueis implicant, jam deceptionum astringunt nodis, jam retibus iniqui-

tatum involvunt. Quis autem ad eripiendum idoneus, nisi ille, cui cum Propheta cantamus: *Anima nostra sicut passer erepta est de laqueo venantium: laqueus contritus est, & nos liberati sumus*? Et ne quis sibi placens de ereptione sua gloriatur, adjunctum est: *Adjutorium nostrum in nomine Domini, qui fecit cœlum & terram*. Ambulantes itaque in via hac in qua absconderunt laqueos nobis, totis ad Deum medullis cordis clamemus: *Eripe me de inimicis meis, Domine, ad te confugi: doce me facere voluntatem tuam, quia Deus meus es tu*. Justum est ut Deus omnis homo serviat, creatura obediat Creatori, Domini sui mandata servus non transgrediatur. Contendat Christiana anima facere voluntatem Dei sui, agnoscat Creatorem suum, audiat vocem ejus, dirigat viam ejus, obediat præceptis ejus. Oret ut doceatur, postulet ut dirigatur, supplicet ut confirmetur. Hoc quippe sine auxilio divinæ inspirationis assequi nemo potest, sed in omnibus divina nobis est exoranda clementia: ut infuso cordibus nostris spiritu, cujus unctio docet nos de omnibus, discamus quæ sit voluntas Dei bona, beneplacens & perfecta.

Pf. 123. 7.

Ibidem 2.

1. Johan. 10.
Rom. 12.

Ps. 12.

Spiritus tuus bonus deducet me in terram rectam: propter nomen tuum, Domine, vivificabis me in æquitate tua.

15. Qui a spiritu suo defecit, a spiritu Dei deducitur. Dixerat autem superius, suum spiritum defecisse. Constat itaque quia ad malum eum suus spiritus deduxerat. Et fortasse deduxerat eum in regionem longinquam, in qua substantiam suam dissipasset, in qua fames esset verbi Dei, in qua uni civium, videlicet diabolo, qui princeps est mundi hujus nuncupatus, adhærens, ad porcos mitteretur pascendos: ubi porcorum cibis ventrem suum cuperet

Cum spiri-
tus noster
defecerit, a
Dei spiritu
assumpti de-
ducemur in
vivendum
terram.
Luc. 15.
Johan. 14.

implere, id est malignorum spirituum suggestionibus carni suæ satisfacere. Jam vero malo spiritu deficiente, a Dei bono assumptus, in terram rectam speret introduci: quæ tribulos non germinet & spinas, nec deserta sit, vel invia, vel inaquosa; sed centenis exuberet fructibus,

Rom. 8. 15. & deliciis abundet æternis. *Qui enim spiritu Dei aguntur, hi, juxta Apostoli vocem, filii Dei sunt.* Si autem filii, & heredes: & si heredes, hereditatem possidentes. Quæ est autem hereditas, nisi terra viventium? Hinc namque Propheta

Is. 35. 11. ait: *Mansueti hereditabunt terram, & delectabuntur in multitudine pacis.*

Ibid. 3. 22. Hinc rursus ait: *Benedicentes ei, hereditabunt terram.* Et ne quis crederet terram illam quæ transitura est, benedicibus & mansuetis hereditatem promitti, subjunxit atque

Ibid. 4. 29. ait: *Iusti autem hereditabunt terram, & inhabitabunt in seculum seculi super eam.* Et: *Novit Dominus dies*

Ibid. 5. 18. *immaculatorum, & hereditas eorum in æternum erit.* Si ergo hereditas filiorum est, & illi sunt filii Dei, qui aguntur spiritu Dei, cum hereditas terra viventium sit; qui spiritu Dei illuminantur, in terram rectam deducuntur. Ad quam quicumque deducitur, in multitudine pacis delectatur. Hanc pacis multitudinem Dominus per Prophetam pollicetur, dicens: *Dabo illis solatium verum, pacem super pacem.* Super pacem enim quam dilectis suis in hac vita tribuit, in æterna felicitate aliam divina miseria dabit; ut jam caro non repugnet spiritui, nec aliqua ullius tentationis subrepat occasio, omnibus jam compositis: ut reformata in melius humana natura, nemo jam cadere, nemo possit peccare. Hæc est pax Christi, quam Apostolis ipse promisit, dicens: *Pacem relinquo vobis, pacem meam do vobis.* In quo notandum, quia cum bis eis suam pacem promisit, intel-

ligamus Sanctos Dei quamdam in hac vita pacem habere, sed veram perfectamque pacem ibi solummodo inventuros, ubi eos jam nulla vana movebit cogitatio, nulla turbabit illusio, cum eripuerit Deus animas eorum de morte, oculos eorum a lacrymis, pedes eorum a lapsu. Hanc pacem Christus solus habuit, quia solus inter mortuos liber, peccati aculeum in corde non sensit. Nos vero quamdiu corruptibili carne premimur, & corporis innectimur nodis, integræ illius perfectæque pacis ignari vane conturbamur, irrepentibus nobis terrenarum illecebris cupiditatum, & cogitationibus vanis, quæ frequenter quasi facto agmine ex improvviso erumpentes, mentem confundunt, atque alio quam proposuerimus, animum trahunt. Non enim in potestate nostra est cor nostrum; non ad Deum secundum voluntatem nostram erigitur, deducitur ad ima, trahitur ad devia. Si ergo terram rectam cupimus ingredi, a spiritu Dei bono optemus deduci.

16. *Propter nomen tuum, Domine, vivificabis me in aequitate tua.* Non vivit iustitiæ, nisi qui moritur iniquitati. Sicut autem quod seminavimus non vivificatur, nisi moriatur prius: sic qui mundo & concupiscentiis ejus non moritur, in fructu bonorum operum non multiplicatur. Superest ergo ut mortificemus membra nostra quæ sunt super terram, quatenus vivificet nos auctor vitæ. Ad hoc enim ipse mortuus est, & resurrexit, ut nos peccatis mortui, iustitiæ vivamus. Hinc Propheta dicit: *Vivificabit nos post duos dies, & in die tertia suscitabit nos.* Illa nempe resurrectio, nostra vita fuit, per quam a morte animæ liberati sumus, atque vitæ restituti perpetuæ. *Si enim credimus quod Jesus mortuus est & resurrexit, ita & Deus eos qui dormierunt per Jesum,*

Ut vivamus iustitiæ quid agendum.

Col. 2.

1. Petr. 2.

Os. 6. 3.

1. Thes. 4. 13.

ad.

Hic tantum multitudo pacis.

Isa. 57. v. 18. 19. sec. se. phuag.

Johan. 14. 17

Rem. 6. 5.
Aliud vivifi-
cari in æ-
quitate,
aliud vivifi-
cari æqui-
tati.

adducet cum eo. Vides quia qui Chri-
sto commoritur, cum eo convivifi-
catur, sicut testatur Apostolus, di-
cens: *Si enim complantati facti su-
mus similitudini mortis ejus, simul
& resurrectionis erimus.* Plus est au-
tem vivificari in æquitate, quam
vivificari æquitati. Denique qui in
æquitate vivificatur, in ipsam æ-
quitatem introducit, ut nihil ini-
quum sapiat, nihil impium agat.
Potest etiam per æquitatem ipse Chri-
stus intelligi, in quo vivificatur qui
mundo moritur. Denique corpore
suo & sanguine pascimur & vivifica-
mur, alimur & saginamur. Nec otio-
se additur: *Propter nomen tuum.* Ad
omne enim bonum quod agimus,
non nostram, sed Domini gloriam
querimus. In eo namque opus bo-
num Deo acceptum efficitur, si ex
virtute operis, non servi, sed Do-
mini nomen glorificetur.

Vers. 13.

*Educes de tribulatione animam
meam: & in misericordia tua disper-
des inimicos meos.*

Nulla major
afflictio,
quam quæ
ex conscien-
tia delicto-
rum.

17. Inter multiplices humanæ a-
nimæ tribulationes, & innumerabi-
les afflictionum molestias, nulla est
major afflictio, quam conscientia de-
lictorum. Cum enim exterius pati-
tur homo, ad Deum confugit, ad
virum fortitudinis recurrit. Singula-
re namque & saluberrimum est con-
solationis remedium, tribulationes
exterius patienti: ut si eum contri-
stat orbitas, si angit paupertas, si
venit infirmitas, recedat ab eo qui
foris est strepitu, & ingressus in in-
teriora mentis penetralia, ibi Deum
invocet, ubi nemo videt. Restat
quoque ut ostium cordis contra il-
latas claudat molestias, ut sævientium
exterius non sentiat impetus, sed in
spe cælestium promissorum exultans
postponat damna, molestias negli-
gat, seculi blandimenta contemnat,
humiliet se in confessione peccati,
magnificet & laudet Deum corri-
pientem & consolantem. Quod si

Quia in ar-
cano cordis
Deus conso-
lator non in-
venitur.

malæ conscientie tribulationem per-
ferens, in arcano cordis Deum non
invenit, quoniam forte recessit ab
hospitio cordis pro abundantia ini-
quitate, quid facturus est homo?
ubi consolationem inveniet? ubi re-
quiem perquiret? Grandistribulatio,
ubi nullus evadendi aditus, ubi nul-
la libertatis spes, ubi nulla ereptio-
nis fiducia! Si ad exteriora recurrit,
si in transitoriis consolationem quæ-
sierit, ibi animi afflictio urgebit,
solicitudinum stimulatibit calamitas,
miseriarum turba vallabit. Quæ e-
nim in temporalibus consolatio?
quale in divitiis gaudium? Numquid
nobiscum permansuræ sunt? Nonne
illæ sunt spinæ, quæ semen verbi
suffocant? Quæ sicut acquisitæ læti-
fificant, sic etiam amissæ contristant?
Superest itaque ut in tribulatione
positus peccator ad eum recurrat in
quo solo vera est consolatio, & per
iltius vitæ noctes in lectulo cordis
Deum quærat. Quem si primo non
invenit, magis ad quærendum ani-
metur, surgat ad amorem cælestium,
civitatem circumeat exultatione uni-
versæ terræ fundatam, interroget
vigiles qui custodiunt Ecclesiam,
nudetur pallio secularis ornatus, &
caritatis sagitta interius vulneretur.
Nec prius a quærendo desistat, quam
mœrentium consolatorem inveniat.
Inventum autem summopere teneat,
donec redemptus ope adjutricis gratiæ, a
conscientiæ eripatur tribulatione. Si
enim naufragus cupiens vitam in un-
dis servare, semel adeptam tabulam
non ante dimittit, quam fractus la-
bore sævientium procellarum defi-
ciat, aut vehiculi præsidio adjutus,
optatum littus attingat: quis in hu-
jus maris magni & spatiosi naufra-
gio Dei non amplectatur sapientiam,
cujus gubernetur præsidio, regimine
deducatur? De ipsa namque scri-
ptum est: *Lignum vitæ est his qui
apprehenderint eam: & qui tenuerit
eam, beatus.* Quæ est autem Dei
sa-

Luc. 8.

Ideo omni
solicitudi-
ne quæren-
dus est.

Prov. 3. 13.

sapientia, nisi Christus? secundum
1. Cor. .II. 25. quod Apostolus ait: *Christum Dei
virtutem, & Dei sapientiam*. Te-
neamus ergo lignum salutis in pela-
go procellosæ tempestatis, per quod
possimus & a periculo horrendæ mor-
tis eripi, & de tribulatione diabo-
licarum tentationum educi. Dat no-
bis magnam ereptionis nostræ fidu-
ciam quod subditur: *Et in miseri-
cordia tua disperdes inimicos meos*.
Qui sint inimici humani generis,
& Christianæ animæ impugnatores,
fatis expositione declaratum est.
Quos tunc clementia divina disper-
dit, cum eis vires nocendi adimit;
cum adversus jacula tentationis dia-
bolicæ scutum opponit suæ protec-
tionis. Quasi enim confusi abscedunt,
cum se ad prævalendum impotentes
agnoscunt.

1715. 14. Et perdes omnes qui tribulant animam meam: quoniam ego servus tuus sum.

Ut duplex
est Dei ti-
mor, ita du-
plex servi-
tus.

Ut duplex
est Dei ti-
mor, ita du-
plex servi-
tus.

18. Justum est ut bonus servus
a bono domino adjuvetur, contra
hostiles muniatur incurfus, a peri-
culo liberetur. Sed quid est quod se
nominat servum, cum servus non
maneat in domo in æternum? Hinc
Johan. 15. 15. ipsa Veritas discipulis ait: *Jam non
dicam vos servos, quia servus nescit
quid faciat dominus ejus. Et Apo-
stolus: Non accepistis, inquit, spi-
ritum servitutis. iterum in timore,
sed accepistis spiritum adoptionis fi-
liorum, in quo clamamus, Abbapa-
ter. Sed sciendum, quoniam sicut
sunt duo timores, ita etiam sunt duæ
servitutes. Est enim timor pœnam ha-
bens, quem perfecta caritas foras mit-
tit. Est & timor Domini sanctus per-
manens in seculum seculi; de quo
etiam scriptum est: *Initium sapientie
timor Domini.* Et iterum: *Timen-
tibus Deum nihil deest.* Ille igi-
tur timor qui a caritate exclusi-
tur, ad servum non manentem in
domo pertinere videtur. Timor vero
sanctus servo illi convenire noscitur.*

cui voce Dominica dicitur : *Engē* Matth. 25. 2.
serve bone, & fidelis, quia super
pauca fuisti fidelis, super multa te
constituam, intra in gaudium domini
tui.

19. Quod vero ait: *Perdes omnes qui tribulant animam meam*, ad illam beatæ vitæ felicitatem referendum est, in qua nullum habebimus adversarium, nullum metuemus inimicum, cum absorbebitur mors in victoria, cum illa novissima inimica destruetur mors, cum immutati fuerimus, & æquales Angelis effecti. Modo enim nihil quietis aut securitatis invenire possumus, dum adhuc in nobis ipsis ingemiscimus gravati, adoptionem expectantes, redemptionem corporis nostri. Cum autem mortale hoc induerit immortalitatem, tunc nulla erit diabolicæ fraudis impugnatio, nullum hæreticæ pravitatis dogma, nulla infidelis populi impietas, omnibus ita pacatis & compositis, ut in tabernaculis justorum sola audiat vox exultationis & salutis. Ibi Sancti sine fine laudabunt Deum, & in lumine claritatis ejus exultabunt, cives effecti illius civitatis, quæ libera est, & æterna in cælis. Quam non obscurant tenebræ, non obumbrat nox, non consumit vetustas, non in ea rutilat lumen solis, aut lunæ splendor, aut stellarum jubar, non ibi lucerna quæritur, non lampas accenditur, non lychnus aptatur. Claritas quippe divina eam illuminat, sol clarificat justitiæ, lux vera illustrat, lux, inquam, inaccessibleis, quæ non clauditur loco, non finitur tempore, non obumbratur tenebris, non variatur nocte. Hoc immenso & indeficiente & lucidissimo lumine illustrata Jerusalem sancta, quæ est mater nostra, filios abdicat tenebrarum, cives recipit pacificos; filios videlicet lucis & diei, filios adoptionis, consortes supernæ hereditatis. Nullus in eam ingreditur impius, nullus ha-

Sanctorum
in eterna vi-
ta felicitas •

1. Cor. 150

2. Cor. 50.
1. Cor. 150.

Galat. 4th.

Apoc. 21.

habitat iniquus, nullus intrat immundus. Muri ejus ex lapidibus construuntur vivis, portæ ejus ex optimis adornantur margaritis, plateæ ejus ex auro purissimo sternuntur, & canticum lætitiæ sine fine in ea cantatur. Ibi est lux sine defectu, gaudium sine gemitu, desiderium sine pœna, amor sine tristitia, satietas sine fastidio, sospitas sine vitio, vita sine morte, salus sine languore. Ibi sancti & humiles corde, ibi spiritus & animæ justorum, ibi cuncti cœlestis patriæ cives & beatorum spirituum ordines Regem in decore suo videntes, & in gloria virtutis ejus exsultantes. Perfecta viget in o-

Dan. 3.

mnibus caritas, una omnium lætitia, una jucunditas.

BONE Jesu, Verbum Patris, splendor paternæ gloriæ, in quem desiderant Angeli prospicere, doce me facere voluntatem tuam, ut a spiritu tuo bono deductus, ad beatam illam perveniam civitatem, ubi est dies æternus, & unus omnium spiritus: ubi est certa securitas, & securæ æternitas; & æterna tranquillitas, & tranquilla felicitas; & felix suavitas, & suavis jucunditas: ubi tu Deus cum Patre & Spiritu sancto vivis & regnas per infinita seculorum secula. Amen.



DE SEQUENTI OPUSCULO MONITUM.

QUOD hic damus Opusculum non aspernandum, S. Gregorii Papæ nomen in codicibus manu scriptis præfert; at in paucissimis exstat. In unico sane, qui est majoris Monasterii prope Turones, nobis occurrit. In Bibliotheca quoque Vaticana unum dumtaxat repertum est Concordiæ hujus exemplar manu exaratum, ut suis litteris Romæ datis xvj. Kalend. Aprilis 1699. nobis significavit D. Claudius Estiennot; qui simul nos admonuit, sibi dictum a viro Clariss. & Doctiss. D. L. de Zacagnis Vaticanæ Bibliothecæ Custode, vix aliud in totius Italiæ Bibliothecis inveniri posse. Codicem hunc Romam ex Bibliotheca Palatina fuisse asportatum id nobis persuadet, quod in editione Romana Vaticanis typis jussu Sixti V. diu ante adornata, quam Bibliothecæ Pontificiæ ex Palatina, tanta librorum manu exaratorum suppellectilis fieret accessio, nulla Concordiæ hujus mentio injiciatur. Si enim in hoc Opusculum nomine Sancti Gregorii munitum & insignitum, neque quod ipsi tribuatur indignum, incidissent Editores accuratissimi, ab eo vel edendo, vel saltem connumerando nullatenus abstinuissent.

Inter Clariss. viri Jacobi Sirmondi Opuscula, legitur Epistola Alexandri Wiltthemii societatis Jesu, qua diligentissimo huic codicum mss. investigatori ac exploratori peritissimo inventam a se in Bibliotheca Collegii Luxemburgici ejusdem societatis, illam de qua hic agimus Concordiam indicat his verbis: Incidi in Opusculum D. Gregorii de Concordia testimoniorum, quod Pamelius in fine operum Patris illius promissum non repræsentat. Titulus in nostro codice, scripto, ut opinor, Othonibus Imperatoribus, hic est: Incipit de Concordia testimoniorum S. Gregorii Papæ urbis Romæ. Quod Opusculum, cum capita quædam de prædestinatione, aut ei disputationi affinia delibet, judicavi Reverentiæ vestræ indicandum, si forte mitti velit. Ex epistola quam rescripsit Sirmondus liquet, cum sibi mitti codicem peroptasse; quod utrum consecutus sit, aut quale de hoc Opusculo judicium rulerit vir doctissimus, nobis incognitum.

Quid de illo senserit Johannes Gilotius, vir multarum litterarum, qui cum cæteris S. Gregorii operibus tam genuinis quam spuris illud edidit Partf. an. 1571. publico testimonio, quod hic exhibendum duximus, declaravit: „dum evolveremus codices antiquos, ut ad illorum collationem hujus doctoris scripta quæ exstant, restitueremus, invenimus hunc librum in exemplari quodam pervetusto Bibliothecæ D. Dionysii, quem minime dubitamus esse D. Gregorii: non tantum quia ejus habebat nomen, sed etiam quia stilus facilis, popularis, simplex illius est: & quod nos magis movet mens ipsa atque sententia tota Gregorii. In responsione ad primam interrogationem agit de duplici timore iisdem prope verbis ac certe sententiis, quibus lib. 34. Moral. * cap. 15. In quarta interrogatione eodem modo de prædestinatione loquitur, atque lib. 1. Reg. cap. 14. Quid distet inter crimen & peccatum iisdem verbis interrogatione 10. & lib. 21. Moral. * cap. 9. Quod si de authore dubitarem, dignum tamen judicarem, ut in lucem ederet, quod tam exiguo volumine tam multam doctrinam contineat.“

Certe inficias ire non possumus stilum ac doctrinam hujus auctoris, qui-

cum-

* Immo potius
cap. 17 nunc
num. 40.
nunc
num. 29.

cumque sit, Gregorium redolere. In interrogatione quarta, eo modo qui sancto Doctore familiaris est & fere singularis, laudat libri Sapientiae scriptorem: Quia quidam Sapiens dixit, Raptus est, &c. Verum neque ex hac observatione nostra, neque ex Gilotianis continuo sequitur, Gregorio vindicandam hanc Concordiam. Quidni enim quispiam in illius Operibus evolvendis assiduus, potuerit ex ejusdem tum sententiis, tum etiam verbis Opusculum hoc contexere & confarcinare?

In Bibliotheca veteri Hispaniae, Martino cuidam Presbytero Legionensis Ecclesiae circa finem XII. seculi adscribitur Liber sic nuncupatus, Concordiae veteris & novi Testamenti. Quo nomine utrum intelligi debeat nostra Concordia dubitare licet. In ea enim non solum veteris Testamenti testimonia cum aliis ex novo specietenus pugnantibus conciliantur; verum etiam plerumque ejusdem novi Testamenti loca quae videntur opposita componuntur, & ab omni contradictione solvuntur.

Editum Johannis Gilotii cura hoc Opusculum denuo contulimus ad ms. codicem majoris Monasterii 800. fere annorum; cujus ope multa in Gilotiana editione corrupta sanavimus, nec tamen omnia: mendorum enim expers non est hic codex, neque alterius ms. codicis copiam habere potuimus. Nostris vero conjecturis plus aequo indulgere metumini, cum inde corruptellam editorum librorum maximam effluxisse nobis pene constet.

S A N C T I G R E G O R I I P A P Æ

C O N C O R D I A

Q U O R U M D A M T E S T I M O N I O R U M

S A C R Æ S C R I P T U R Æ :

Vers. 6.
Vers. 15.

Ad Rom. I. *Paulus servus Jesu Christi.*

In sancto Evangelio secundum Jo-
hannem xv. ^b

*Non dicam vos servos, sed a-
micos.*

INTERROGATIO I.

Quid est, quod Magister Chri-
stus in alio loco Apostolos non
dixit servos, sed amicos: & ejusdem
magistri discipulus, immo Apostolus,
in quo Christus loquebatur, nomi-
navit se servum? Et dum utrumque
a Christo dictum est, quomodo in-
telligi debeat, solerter intuemum
est, maxime cum idem Dominus ac
Salvator noster ad eosdem Apostolos

Luc. 17. 10. secundum Lucam dixerit; *Dicite,*
Matt. 25. 22. *servi inutiles sumus, quia quod de-*
Luc. 23. *buiimus facere, & fecimus.* Et iterum:

Luc. 19. 17. *Euge serve bone & fidelis.* Et ite-
Matt. 24. 46. *rum: Beatus ille servus, quem, cum*
Luc. 12. 37. *venerit Dominus, invenerit sic fa-*
cientem.

RESPONSIO.

Sine præjudicio alterius sententiæ
melioris sciendum est duo genera es-
se bonæ servitutis: unum timoris,
aliud dilectionis: unum timentium
ancillarum & servorum, aliud dili-
gentium & placentium filiorum: ti-
met enim ancilla, ne flagelletur;
timet matrona, ne offendat animum
viri sui. Sed servitutis timor, qui
habet pœnam, ^d foras mittit perfe-

ctam caritatem. Perfectus autem ser-
vitutis timor non solum non habet
pœnam, sed ad ipsam pervenit læ-
titiā, Psalmista attestante, qui ait:

Lætetur cor meum, ut timeat nomen ^{Psal. 85. 17.}
tuum. Et iterum: *Timor Domini* ^{Psal. 118. 22.}
sanctus permanens in seculum seculi.

Hunc namque timorem habent &
sancti Angeli, quem profecto ha-
buerunt & sancti Apostoli, per ad-
ventum scilicet Spiritus sancti, *per*
quem & diffunditur caritas in cordi-
bz nostris. Idcirco & a Domino non
dicti sunt servi, sed amici, qui ta-
men & a semetipsis, & a Domino
dicti sunt servi: nimirum non ex ti-
more, sed ex amore Deo placendi.

Ad Rom. I. *Segregatus in Evan-*
gelium Dei.

Et secundum Johannem xvij. Pa-
ter sancte, ^{Vers. 1.} *serva eos quos de-*
^f *dixisti mihi, in nomine tuo, ut* ^{Vers. 11.}
sint unum.

INTERROGATIO II.

ET dum se sanctus Paulus unum
effectum cum servatis credidit,
quid est quod se segregatum esse
fatetur? Nam dicitur segregatus, ^g
qui a grege separatus est: maxime
cum Dominus dixerit: *Et erit unus* ^{Johan. 10. 16.}
grex, & unus Pastor. Et sanctus
Spiritus in Actibus Apostolorum im-
perando locutus est: *Segregate mihi* ^{Act. 13. 2.}
Paulum & Barnabam ^h *in opus, ad*
quod vocavi eos.

RE-

^a In Ms. Incipit Concordia testimonio-
rum S. Greg. Papa vobis Roma.

^b Ms. non dico sed amicos meos.

^c Ms. non fecimus.

^d Ms. foris mittit perfectam caritatem.

^e Ms. descendit.

^f Ms. conserva eos in nomine tuo; quos
dedixisti mihi, ut sint unum.

^g Ms. quasi a grege separatus est.

^h Ms. in opus quod vocavi.

RESPONSIO.

Sciendum profecto in primis est, quia ista testimonia non solum a semetipfis non discrepant, verumetiam sibimetipfis in unitate concordant. Nam Paulus & Barnabas a grege non erant separati, sed gregati, hoc est ad opus apostolatus fuerant electi. Quibus enim cor unum & anima una cum grege erat, nulla separatio usquam esse poterat. Attamen a grege separati fuerant qui ad Apostolatatum electi erant. Nam & manus ad operandum porriguntur, sed tamen ab unitate corporis non separantur.

Vers. 1.

Ad Rom. ix. Testimonium mihi perhibente conscientia mea in Spiritu sancto: quoniam tristitia est mihi magna, & continuus dolor ^a cordi meo.

Vers. 210.

In parabolis Salomonis xij. Non contristabit iustum quidquid ei acciderit.

INTERROGATIO III.

Quid ergo? numquid Paulus Apostolus iustus non erat, qui non contristari iustum, quidquid ei acciderit, noverat: etsi contristari, cum iustus erat, debuerat, ut quid iterando Philippensibus gaudium commendabat, dicens: *Gaudete in Domino semper, iterum dico, gaudete?* Sed & sanctus Jacobus gaudere in variis tentationibus imperat. Et ipse etiam Paulus in suis ^b tribulationibus gloriatur, & sanctus Matthæus Evangelista testatur de Domino ac Redemptore nostro, dicens: *Tunc cœpit contristari, & mœstus esse: tristis est anima mea usque ad mortem.*

Philip. 4. 4.
Jacob. 1. 2.
2. Cor. 12. 9.

Matt. 25. 37.
Marc. 14. 33.

RESPONSIO.

Sciendum profecto est, aliud esse contristari secundum Deum, aliud secundum seculum, eodem Paulo dicente, qui ait: *Contristari secundum Deum salutem stabilem o-*

2. Cor. 7. 10.

*peratur: seculi autem tristitia mortem operatur: ista desperabilis, illa laudabilis est: ista repletus Judas * Scarioth, laqueo se suspendit: illam se habuisse sanctus Paulus ad Corinthios scripsit, dicens: Si quis contristavit ^c me, non me contristavit, sed ex parte. Ac si apertius diceret: Non ego solus zelum Dei habeo, sed me contristatum cum vestra tristitia ex mea parte cerno. Et nisi ista tristitia non vitium sed virtus esset, nequaquam illam Dominus in Evangelio beatificaret, dicens: Beati qui lugent, quoniam ipsi consolabuntur; & seipsum dixit tristem secundum humanitatem, profecto non secundum impassibilem divinitatem.*

1. Cor. 11. 5.

Matt. 5. 5.

Ad Rom. ix. De Jacob & Esau.

Cum nondum nati fuissent, aut aliquid egissent boni aut mali, ut propositum quod per electionem Dei factum est, permaneret, non ex operibus, sed ex vocante dictum est, quia major serviet minori.

Vers. 11.

In Psal. lxj. *Quia tu reddes unicuique secundum opera sua.*

Vers. 11.

INTERROGATIO IV.

Cum non ex operibus, sed ex vocante dictum est: *Quia major serviet minori*, quomodo reddet Deus unicuique secundum opera sua? Cur ergo Paulus dixerit: *Non ex operibus?* Nos proculdubio credimus, quia nec utique ex futuris: nec eum quisquam existimat tantum dixisse de præteritis, qui utique non erant, cum supradicti distincti fuerant. Si enim hominem præsentem futura adhuc bona iustificanc, & futura adhuc mala ulterius damnant. Sed hoc credere absit a nobis: quia quidam sapiens dixit: *Raptus est iustus, ne malitia mutaret intellectum ejus.* Et enim iste nec iustus diceretur, si de futura adhuc malitia damnaretur.

Sap. 4. 11

X 2

RE-

a ms. in corde meo.

b ms. infirmitatibus gloriatur.

c Deest me in ms.

RESPONSIO.

Antequam aliquid de ista quaestione dicamus, Prophetam & Apostolum eodem spiritu locutos fuisse credamus. Contrarius enim sibi ipsi esse non poterat idem spiritus, qui utrumque implebat, & ipse spiritus, qui Deus est, per Prophetam locutus est: *Jacob dilexi, Esau autem odio habui*. Electio ergo Dei numquam defuerat, ^a ea quæ in temporibus facta fuerant discernebat: quia futura tempora non electionis divinæ, sed ipsa omnium futurorum naturalium causa erat. Hinc Redemptor noster ad Ananiam de Saulo, *non adhuc de Paulo dixit: Noliti mere eum, quia vas electionis mihi est*. Intuere quod dixit: Est, non autem, erit. Nam non ideo electus est, quia Apostolus esset: sed ideo Apostolus erat, quia electus est. Deus ergo noster bonorum omnium Creator est, majorum autem justissimus ordinator. Tanto enim bonus omnibus est, ^b ut beneficiat etiam de malis. Nam si mali non essent, nullæ rei utique prodesse. Reddet ergo Deus unicuique secundum opera sua: quia vasis præparatis in honorem, reddet vitam eternam: & aptis in contumeliam, debitam damnationem. Nam & mali si velent, boni utique esse potuissent. Boni autem qui ex Adam nati sunt, contrariam legem in membris suis vident: ut isti non consentiendo per misericordiam ad præmia perveniant: & illi consentiendo per justum judicium ad supplicium pertrahantur.

Ad Rom. x. *Omnis quicumque invocaverit nomen Domini, salvus erit.*

Et secundum Matthæum vij. *Non*

omnis qui dicit mihi, Domine, Domine, intrabit in regnum celorum.

INTERROGATIO V.

Ista ^c dissona videntur, sed scire volumus quomodo intelligantur. Nam ibi dixit, Omnis: Hic dixit, Non omnis. Si ergo omnis quicumque invocaverit nomen Domini, salvus erit, quomodo non omnis qui ingeminat nomen Domini, salvus erit?

RESPONSIO.

Aliud est, invocare nomen Domini, aliud ingeminare. Nam illud semper invocant boni, ingeminant autem mali: quia eandem fidei vocem, quam loquendo ^d proferunt, moribus destruunt. Hinc de quibusdam Paulus ait: *Deum se ^e confitentur nosse, factis autem negant*. Bonis nomen Domini invocare, est in omnibus illi placere. Idcirco *omnis quicumque invocaverit nomen Domini, salvus erit*.

Ad Rom. iv. *Si Abraham ex operibus justificatus est, habet gloriam, sed non apud Deum.*

In Epistola Jacobi ij. *Abraham, pater noster, nonne ex operibus justificatus est?*

INTERROGATIO VI.

Et si Abraham ex operibus justificatus est, apud quem habet gloriam, si non apud Deum, cujus amicus per Jacobum dictus est? & si nulla vera gloria est, nisi apud Deum, & nulla vera justificatio, nisi ab illo, quis justificatus habet gloriam sine Deo?

RESPONSIO.

Paulus Apostolus contra Saducæos scripsit, sanctus vero Jacobus de justitia fidei dixit. Illi ex operibus Legis semetipsos justificabant, nam Saducæi latino sermone dicuntur justificati. Per ^f justitiam autem fidei,

^a Ms. & ea quæ.

^b Præter hanc lect. ms. hanc aliam exhibet. ut bonos faciat.

^c Ms. dissonare.

^d Ms. adstrahunt. Fortasse quia non

spontaneæ, sed timore coacti proferunt.

^e Ms. se confitentes.

^f Gilot. per justitiam ergo fidei qui justificabantur fide, per caritatis opera demonstrantur. Quibus nihil obscurius.

dei, qui iustificantur fide; per caritatem, opera demonstrantur. Nam ut idem Jacobus ait: *Mortua est fides sine operibus caritatis, non Legis.*

Jacob. 2. 26.

Sanctus autem Paulus contra habentem gloriam, sed non apud Deum: & contra Saducæum semetipsum iustificantem dirigit sermonem, dicens:

Rom. 3. 27.

Ubi est ergo gloriatio tua? exclusa est. Per quam Legem factorum? non, sed per Legem fidei: arbitramur enim hominem justificari operibus Legis. Ac si aperte diceret: Abraham pater noster, ante tempora Legis fuerat, sed tamen apud Dominum iustificatus erat, quia fidem, quam corde tenebat operibus demonstrabat.

Vers. 29.

Ad Rom. xj. *Sine pœnitentia enim sunt dona, & vocatio Dei.*

Vers. 7.

In Genes. vj. *Pœnitet me fecisse hominem.* Et in Samuele. i. Reg.

Vers. 12.

xv. *Pœnitet me unxisse Saul in regem.*

INTERROGATIO VII.

CUM unus idemque Dominus in patribus & in Apostolo locutus est, quomodo pœnituisse & non pœnituisse ab his dictus est?

RESPONSIO.

Solenter intuendum nobis est, quia patres locuti sunt de Deo incommutabili mutabilia faciente. Et Apostolus protulit sermonem de incommutabili prædestinatione. Hinc de eodem Domino sanctus Jacobus ait: *Apud quem non est transmutatio, nec vicissitudinis obumbratio.* Sed Deus præter ^a prædestinationem mutabilia facit. Per convenientem etenim usum loquendi, & iratus & pœnitens, & zelans & præsciens Dominus dicitur: sed sine ira iratus, sine pœnitentia pœnitens, sine zelo zelans, sine provisionibus præsciens intelligitur.

Jacob. 1. 27.

i

Ad Rom. xij. *Non est potestas nisi a Deo: quæ autem sunt a Deo ordinata sunt.*

per. 3.

^a Ms. *destinationem.*

^b Ed. & *nonnisi in bonis esse possunt*; lectio ms. quam sequimur obscuritatem loci hujus sanat, ipsique favet Augustinus.

In Propheta de quibusdam regibus, Osee viij. *Ipsi regnaverunt, & non ex me.*

Vers. 4.

INTERROGATIO VIII.

SI nulla potestas nisi a Deo, quomodo dictum est veraciter ab ipso: *Ipsi regnaverunt & non ex me?* Item si ipsi reges ex Deo non erant, quomodo reges per se regnasse dixerat: *Per me*, inquit, *reges regnant?*

re- Prov. 8. 15.

RESPONSIO.

Ex illo, & non ex illo reges regnant, qui & potestatem a Deo datam habent, & tamen se ab eo accepisse stulte denegant. Hinc per Prophetam scriptum est: *Qui regnare facit hominem hypocritam propter peccata populi.* Propterea ergo isti reges ex Deo non sunt, qui non ex bono, sed propter peccata populi regnare permisi sunt. Item, Omnis potestas nonnisi a Deo est: quia non per se mala, sed utique bona est. Mala autem sine bonis, ^b & nisi in bonis esse non possunt, & idcirco nonnisi in rationabilibus creaturis fiunt. Bonis ergo regibus Spiritus sanctus comminando loqui dignatur; cum ad eosdem Psalmistæ voce dicitur: *Et nunc reges intelligite, & rudimini qui judicatis terram.*

Job 34. 30.

b

Ps. 2. 10.

Ad Rom. xiv. *Scimus autem quia nihil commune per ipsum.*

Vers. 20.

In Actibus Apostolorum xv. *Ut abstineatis vos ab immolatis simulacrorum.*

Vers. 29.

INTERROGATIO IX.

SI nihil rerum per ipsum est commune, quid ^c de morticino, & sanguine, & suffocato, & de idolis immolato debemus sentire? Nam ista non solum in veteri testamento immunda esse leguntur, sed & in novo Gentes credentes ab his abstinere, ab Apostolis præcipiuntur. Intellectu igitur satis opus est, quo pacto ista

c

^c Gilot. *de mortuo.* Legendum, *morticino*; & sic habetur in responsione: *non propter morticinum.*

ita dissonantia solvi possit.

RESPONSIO.

Dominus ac Redemptor noster secundum Marcum dixit quando de his sermonem habere voluit: *Nihil est, inquit, extra hominem quod possit eum coinquinare.* Et hoc non intelligentibus discipulis, increpando subintulit dicens: *An & vos sine intellectu estis? nondum intelligitis, quia omne quod in os intrat, in ventrem vadit, & in secessum emittitur?* Ergo rudes adhuc Apostoli & necdum a Spiritu sancto illuminati, sensu Judaico credebant, quod hominem non prohibitiones, sed res coinquinarent. Res autem non coinquinant hominem, quæ in ventrem vadunt, & exeunt: sed prohibitionis transgressio, & quæ de ipsa procedunt. Nam & primus homo non propter morticinum, aut sanguinem, aut suffocatum, sed propter poma immundus factus est, cum mandatum Dominicum suadente sua conjugate transgressus est. Sed sancto Petro quod dictum est audiamus, ut de his quid sentire debeamus, intelligamus. *Surge, inquit, Petre, macta & manduca.* Huic dicto Petrus intuendo litteram respondit, dicens: *Absit a me, Domine, quia omne commune & immundum nunquam intravit in cor meum.* Cui subtestificationis prohibitionis protinus responderetur: *Quod Deus, inquit, purificavit, id ne commune aut immundum dixeris.* Hinc data est licentia Christianis, exceptis in novo Testamento prohibitis, ut manducant quod velint cum moderatione, & gratiarum actione. Non ergo per se morticinum aut sanguis ex natura immunda sunt, sed quia prohibita sunt, manducata hominem coinquinant. Et pomum nullam immunditiam naturalem habuit, sed mandu-

care prohibitum, hominem coinquinavit. ^a

1. Ad Corinthios 1. *Qui & confirmabit vos usque in finem sine crimine* ^b *in adventu Domini.* ^a

In epist. 1. Johan. 1. *Si dixerimus, quia peccatum non habemus, ipsi nos seducimus, & veritas in nobis non est.* ^b

INTERROGATIO X.

Cum seductio sit, æstimare se esse sine peccato, quomodo confirmamur a Domino sine crimine in adventu ejus, maxime cum etiam infans unius diei non possit esse sine peccato? Numquid ergo & crimen peccatum est, sine quo quis confirmatus a Domino fieri potest?

RESPONSIO.

Sciendum profecto nobis est, quia non omne peccatum crimen est, attamen omne crimen peccatum est: sicut omnis impius peccator est, non autem omnis peccator, impius. Minima ergo & levia, peccata dicuntur: crimina autem nisi magna minime leguntur. ^c

1. Ad Corinth. iij. *Dei enim sumus adjutores, Dei agricultura estis.* ^c

Et in Job xxvj. *Cujus adjutor es? numquid imbecilli?* ^c

INTERROGATIO XI.

Numquid sanctus Paulus approbando justificat, quod beatus Job in Eliu damnat? *Cujus adjutor es? numquid imbecilli?* Apostolus autem dixit, Dei sumus adjutores. Si ergo bonum est esse adjutores Dei, quid Eliu reprehenditur de adjutorio Dei?

RESPONSIO.

Nimirum scire nos convenit, quia nonnulli defendendo Deum offendunt. Isti veraciter prædicando Dei adjutores sunt: illi increpando fallaciter spiritus pro Deo satagunt, sed

^a In ms. legitur; *Explicit epistola ad Romanos, incipit epistola ad Corinthios.*

^b Ms. in adventum ejus.

^c In ms. additur, *Quia nimirum vita*

humana, Deo confirmante, potest esse sine crimine: sine peccato vero nullatenus potest, nec uno die.

fatagendo offendunt. Isti non ignoti sed cogniti de Deo loquuntur: illi etiam vera loquentes a Deo minime cognoscuntur, Domino de Eliu dicente: *Quis est iste involvens sententias sermonibus imperitis?* Quid est quod Dominus de illo interrogat, dicens: *Quis est iste involvens sententias?* Et tamen interrogando reprobatur subiungens, *sermonibus imperitis?* Ille ergo sententias veras dicebat, sed eas sermonibus imperitis involvebat: quia dicta sancti Spiritus de reprobis in Job retorquebat: de quo quia sine querela erat, Dominus testimonium dederat. Non eodem modo esse dicimus, *Deus adiutor noster in æternum*,^a quo dicimus: *Dei adiutores sumus*. Ille enim non eget adiutorio nostro: nos autem nihil possumus sine illo.

Ps. 61. 9.
a

Vers. 13.
b

Vers. 28.

1. ad Corinth. iij. *Opus uniuscujusque, quale sit, ignis^b probabit.*
Secundum Matth. xix. *Cum sederit filius hominis in sede maiestatis suæ, sedebitis & vos super sedes duodecim judicantes duodecim tribus Israel.*

INTERROGATIO XII.

ET dum uniuscujusque opus quale sit, ignis probabit, numquid & ipsi Apostoli per ignem probabuntur, qui non judicandi, sed etiam judicaturi duodecim tribus Israel dicuntur? aut etiam illos ignis probabit, cum quibus seipsum numeravit sanctus Paulus dicens: *Nos autem qui relinquimur, simul cum illis rapiemur in nubibus obviam Christo in aera, & sic semper cum Domino erimus?*

2. Thess. 4. 16

RESPONSIO.

Si vim dictorum Christi pensemus, hanc obscuritatem, ipso illuminante, ad lucem perducimus, Nam ipse dixit: *Ignem veni mittere*

Luc. 12. 49.

in terram, & quid volo nisi ut accendatur? Spiritus quoque sanctus super Apostolos descendens in specie ignis apparuit, qui in signo^c apparens in fidelibus, fideles intus ut ignis probavit. Opus ergo uniuscujusque quale sit, ignis probabit: quia quos ignis spiritualis in presenti tempore non examinat, in futuro

Rom. 2. 14.

judicio per ignem probat. *Quicumque ergo spiritu Dei aguntur, hi filii Dei sunt*, qui licet per ignem probati, examinati sunt. Nam illum per impositionem manuum Episcopi accipientes, nullatenus ab eo deviarunt, sed etsi in aliquo delinquant, cognoscendo & confitendo corriguntur.^d Omnis enim, inquit Dominus, per ignem salvabitur: aut enim, hic per spiritalem, aut illic per corporalem ignem probabitur. Nimirum ergo sicut non omnis in die iudicii per ignem probabitur, ita in ipsa eademque die non omnes omnino judicabuntur, Domino testante, qui ait: *Qui credit in Filium, non judicabitur, qui autem incredulus est, jam judicatus est.* Quosne ergo ignis futurus probabit, si

Johan. 3. 18.

Deus nec credulos, nec incredulos judicabit? Sed quasi a nobis interrogaretur: Quod ergo erit iudicium? protinus subjunxit dicens: *Hoc est iudicium, quia lux venit in mundum, & dilexerunt homines magis tenebras, quam lucem.* Hi ergo soli in die iudicii judicabuntur, qui licet lucem scirent venire, sed tamen magis tenebras diligere dicuntur. Nam qui in tenebris manent, jam iudicati sunt: qui autem nihil tenebrarum habent, sine ullo iudicio ad lucem pertinent. Illi vero qui licet baptizati sunt, in futuro judicandi erunt. De illis ergo solis iudicium habebitur, ut aut ad lucem, aut ad

Ibidem.

te-

a ms. quod dicimus.

b ms. ignis probat.

c ms. apparens in fidelibus.

d Ubi hæc leguntur? fortasse Ecclesiasti-

ci 36. 11. *In ira flamma devoretur qui salvatur.* In ms. Tur. lego: *per ignem salietur*, quod referri potest ad Marc. 9. 48. *omnis enim igne salietur.*

tenebras plus pertinere debeant, demonstraretur. Resurgent ergo isti, ^a ut judicentur, iusti ut judicent, impii ut damnentur: quia & illiresurgent, sed non in iudicio, Psal.

Psal. 1. 5.

Vers. 5.

Vers. 18.

1. ad Corinth. iv. *Nolite ante tempus judicare.*

Ad Philipp. iij. *Multi ambulant, quos sepe dicebam vobis, nunc autem & flens dico inimicos crucis Christi, quorum finis interitus.*

INTERROGATIO XIII.

Dum Paulus Apostolus ad Corinthios loquens, prohibuit ante tempus judicare, cur ipse quasi ante tempus iudicando de quibusdam videtur dicere: *Quorum finis interitus?*

RESPONSIO.

Christus in Paulo locutus futura jam quasi præterita agnoscit, & idcirco, etiam Paulo dicente, nihil ante tempus iudicavit. Nam & sanctus Spiritus per Apostolum Petrum ad Simonem Magum ait: *Non est tibi pars, neque sors in hac vita:* quia Simonis Magi futura, quasi præterita, Petro in Spiritu sancto fuerant revelata: a quibus autem futura ut præterita minime videntur, a Domino ante tempus iudicare prohibentur: de quibus & per

Act. 8. 21.

Eze. 13. 17.

Vers. 6.

Vers. 14.

1. ad Corinth. vij. *Voloomnes homines esse sicut meipsum.*

Et ad Timoth. j. cap. v. *Volo autem juniores nubere, filios procreare, matresfamilias esse.*

INTERROGATIO XIV.

Numquid duas voluntates sibimet ipsis contrarias habuit sanctus Paulus, qui aliter ad Corinthios,

aliter ad Timotheum se voluisse dixit? Nam de non nubendo videtur dixisse ad Corinthios: de nubendo vero scripsit ad Timotheum. Ibi de omnibus hominibus, sicut ille erat, ut essent, voluit: hic, adolescentioribus ut nubant, se voluisse scribit.

RESPONSIO.

Nobis solerter intuendum est, sanctum Paulum concionatorem Ecclesie fuisse, & ex multorum personis sermones diversos jam protulisse. Nam ibi ex persona virginum dixit: *Volo omnes homines esse sicut meipsum.* Hic ex persona volentium nubere scripsit: *Volo juniores nubere, filios procreare, matresfamilias esse.* Sicut & Salomon ex multorum personis in Ecclesiaste loquitur, qui latino sermone concionator exprimitur. Nam ibi ex persona quorundam dicentium, scripsit: *Nonne melius est manducare & bi-*

Ecl. 2. 4.

Ibidem 7. 3

Luc. 2. 34

Quod ergo unusquisque nostrum in semetipso agit voluntarius, hoc recipiet a Domino, quasi de omnibus hominibus. Sed & malevolus econtra cogitet, ne quasi de malis omnium iniquorum damnetur: quia sicut misericors, ita & iustus est. Matrimonium igitur & virginitatem Paulus laudavit, sed virginitatem matrimonio præ-

^a Deservimus hic Gilot. ut sequeremur mss. ccd. qui licet nonnihil adhuc habeat

obscuritatis; præferendus est tamen edit. Gilot. ex quo nullus sensus potest extundi.

1. Cor. 7. 38. prætulit, dicens: Qui matrimonio virginem suam jungit, bene facit: qui autem non jungit, melius facit. Quia ergo utrumque bonum vidit in spiritu, utrumque profecto fieri voluit.

Verf. 10. & 12. 1. Ad Corinth. vij. Ceteris ego dico, non Dominus: Uxorem a viro non discedere, sed etsi discefferit, manere innuptam.

Verf. 3. Et 2. ad Corinth. xij. An experimentum queritis ejus qui in me loquitur Christus?

INTERROGATIO XV.

Si continue in Paulo Apostolo loquebatur Christus, quid ergo fatetur se aliquid dicere, & non Dominum?

R E S P O N S I O.

Si duos Prophetas in medium proferamus, hanc nimirum dissonantiam cito solvemus. David quippe quia non continue spiritum prophetiæ habuit, interrogando alterum Prophetam demonstravit. Et Nathan de constructione templi, quia & ipse in illa hora spiritum prophetiæ non habuit, hoc dicendo declaravit: *Omnia, quæ sunt in corde tuo, fac; Dominus enim tecum est in omnibus.* Sed Spiritus sanctus adveniens, construere templum a sanguinario, bellisque dedito prohibuit, & hoc a Davide fieri per eundem Nathan contradixit. Consilia ergo non continue habentium spiritum prophetiæ, aliquando prætermittenda sunt, ^a aliquando non sunt. Nam consilium Nathan a David debuit prætermitti: consilium autem Apostoli Pauli a Christianis debuit semper observari. Aliqua namque consilia infra mandata qui implet, tantum justus est: qui vero transcendit, jam perfectus est. Nam

^a Adjecimus ex ms. Tur. aliquando non sunt.

^b Gilot. consilium dedit non Dominus: De Virg.

^c Ms. Sed supra mandata majora præm. Tom. XIV.

consiliando Dominus ait: Si vis perfectus esse, vade, vende omnia quæ habes, & da pauperibus, & veni, sequere me, & habebis thesaurum in cælo. Et idem Paulus eundem habens spiritum, ^b consilium dedit: De virginibus autem præceptum Domini non habeo, consilium autem do.

Ista consilia in mandatis utique non sunt, ^c sed supra mandata: ideoque majora præmia acquirunt.

1. Ad Corinth. x. Fidelis Deus, qui non patietur vos tentari supra id quod potestis. Verf. 13.

Et 2. Corinth. 1. Nolumus autem ignorare vos, fratres, de pressura nostra, quæ nobis facta est in Asia: quoniam supra modum, & supra virtutem gravati sumus. Verf. 8.

INTERROGATIO XVI.

Et si supra virtutem gravamur, quomodo gravari nos Deus non patitur? Item, si supra virtutem non gravamur, quomodo supra virtutem gravari dicimur?

R E S P O N S I O.

Ut istam dissonantiam celerius dissolvamus, ad aliud propheticum testimonium recurramus, ubi ait:

Quia vana salus hominis, in Deo faciemus virtutem. Ps. 95. 2.

Frequenter ergo gravari dicimur supra humanam fragilitatem, quia vana salus hominis est: sed nunquam gravamur supra Dei virtutem, quia ille medicus est.

Ægrotus ergo sub manibus medici aliquando plorat: quia quo pacto ad salutem perveniat, ignorat; sed sapiens medicus plerumque fecat, ut ægrotum quoque ad salutem perducatur. Paulus ergo intuendo fragilitatem suam, gravari se dixit supra virtutem; ^d sed ulterius ait: *Omnia possum in eo qui me confortat.* Phil. 4. 13.

2. Ad Corinth. v. ^e Et si cognovimus

adquirunt.

^d Ms. Nihilominus ait: Omnia.

^e Hic multa restitui ex ms, quæ in ed. Gilot, deerrant.

*mus secundum carnem Christum ,
sed nunc jam secundum carnem
non novimus .*

Vers. 39.

Secundum Luc. xxiv. *Palpate & vi-
dete , quia spiritus carnem & ossa
non habet , sicut me videtis habere .*

INTERROGATIO XVII.

Quomodo concordant verba discipuli verbis Christi magistri sui? Hoc Christum dixisse post resurrectionem legimus, & de ipso eodemque tempore Paulus ait: *sed nunc jam non novimus .* Quid ergo? Numquid hoc quod confitetur Christus, hoc nosse se denegat Apostolus?

RESPONSIO.

Deum ac Redemptorem nostrum secundum carnem cognovimus vixisse, hoc est absque ullo peccato verum hominem se in omnibus demonstrasse: sed post resurrectionem idcirco non novimus, quia carnem illius in æternum victuram sine alimentorum sustentaculis manere credimus. Esurientem ergo & sitientem, & ab itinere fatigatum ante passionem, & ipsa passione minortum ab Angelis legimus: sed subjectis sibi Angelis & Potestatibus & Virtutibus, eum hæc operari nunc jam non novimus. Confitetur ergo Dominus se habere veram carnem post resurrectionem, sed Paulus nunc jam non novit, ut erat ante passionem. Sed hoc testimonium idcirco Paulus protulit, veteri homine deposito, ut renovationis formam nobis insinuaret, dicens: *Ut sicut Christus resurrexit a mortuis, ita & nos in novitate vite ambulemus .*

Rom. 6. 4.

Vers. 5.

2. Ad Corinth. xj. *Existimo enim me nihil minus fecisse a magnis Apostolis .*

Vers. 3.

1. Corinth. xv. *Ego sum minimus Apostolorum , qui non sum dignus vocari Apostolus .*

INTERROGATIO XVIII.

Dum minimum Apostolorum Paulus se esse confitetur, quid nihil minus fecisse a magnis Apostolis se testatur?

RESPONSIO.

Sciendum est quod crimina præsentia Paulus non habuit, & idcirco peccata jam dimissa humilitatis gratia ad memoriam reduxit: *Ego sum minimus Apostolorum , qui non sum dignus vocari Apostolus , quoniam persecutus sum Ecclesiam Dei .* Habens autem sermonem de hæreticis & pseudo-apostolis, profitetur se nihil minus a magnis Apostolis fecisse. Bene agentium ergo Apostolus per humilitatem erat minimus, sed contra delinquentium pseudo-apostolorum vitia per zelum justitiæ erectus.

Ad Galat. i. *Paulus Apostolus non ab hominibus , neque per hominem , sed per Jesum Christum , & Deum Patrem , qui suscitavit eum a mortuis .*

Vers. 1.

1. Ad Timoth. ij. *Mediator Dei , & hominum homo Jesus-Christus .*

Vers. 5.

INTERROGATIO XIX.

Numquid non per hominem Jesum Christum Paulus vocatus est in Apostolatam, qui se non ab hominibus neque per hominem vocat Apostolum?

a

RESPONSIO.

Hoc est, non per præsentiam humanitatis ante passionem, sed ex vocante Apostolus electus est post resurrectionem, Domino ad Ananiam dicente: *Noli timere eum , quia vas electionis est mihi .*

Act. 9. 15

Ad Galat. i. *Si adhuc hominibus placerem , Christi servus non essem .*

Vers. 10.

1. Corinth. x. *Sicut per omnia omnibus placeo .*

Vers. 33.

INTERROGATIO XX.

SI Paulus per omnia omnibus placet, quomodo placendo hominibus,

bus,

a Gil. Numquid per. & in respons. hoc est per præf. ubi omnia in utroque loco ne-

gatione, sensus mutilus erat.

bus, Christi servus ^a non esset?

R E S P O N S I O.

Placet Paulus, & non placet: placet namque in rebus non prohibitis, sed in prohibitis minime placuit: *factus est enim omnia omnibus, ut omnes lucrificaret.*

1. Cor. 9. 19.

Ad Ephes. ij. *Et eram natura filii iræ, sicut & ceteri.*

Ad Genes. i. *Et vidit Deus omnia quæ fecit, & erant valde bona.*

INTERROGATIO XXI.

Cum sint benedicta & omnia valde bona, quæ Deus creavit, quomodo homines filios iræ ex natura Paulus scripsit?

R E S P O N S I O.

Omnipotens Deus omnium naturarum Creator est; & omnis natura, in eo quod natura est, bona est. Mos namque confirmatus longo tempore, vim quodammodo obtinet naturæ. Hinc Paulus ait: *Eram natura filii iræ*; ac si aperte diceret: Cum eram sani, devenimus ægroti, & ex ipsa pessima consuetudine, eram quasi ex natura filii iræ.

Ad Ephes. iij. *Mihi minimo omnium Sanctorum data est gratia hæc inter Gentes, evangelizare investigabiles divitias Christi.*

Verf. 8.

In Psalm. ix. *Confitebor tibi, Domine, in toto corde meo, narrabo omnia mirabilia tua.*

Verf. 1.

INTERROGATIO XXII.

Quid est hoc? Numquid omnia mirabilia Dei poterant ab ipso etiam Propheta narrari; cum Paulus Apostolus scripserit investigabiles esse divitias Christi? Sed & ipse Paulus quomodo non est sibimetipsi contrarius in eo quod ait, evangelizare investigabiles divitias Christi?

R E S P O N S I O.

Et narrantur ergo omnia mirabi-

lia Domini, & investigabiles sunt divitiæ Christi: quia & narrando omnia, in brevi simul complectuntur, & tamen in ænigmate videntibus ex parte cognoscuntur. Nam cum de Deo aut de præsentis seculo, vel de futuro aliquid narratur, omnia in brevi simul sermone complectuntur, & hæc quia sunt, ab auditoribus audiuntur. Quomodo autem aut qualia sint, etiam a prædicatoribus non intelliguntur. Hinc prædicator egregius ait: *O altitudo divitiarum sapientiæ & scientiæ Dei! quam inscrutabilia sunt judicia ejus, & investigabiles viæ illius.* Psalmista autem ut omnia simul narraret, de Domino ait: *Omnia quæcumque voluit fecit*: non solum de Creatore, sed etiam de ipsis creaturis quales sunt, narravit.

Rom. 11. 33

Psalm. 113. 36

Ad Philip. iij. *Unum autem quæ quidem retro sunt obliviscens, & in futurum convalescens.*

Verf. 13.

b

2. Ad Timoth. iij. *Certamen bonum certavi, cursum consummavi, fidem servavi.*

Verf. 7.

INTERROGATIO XXIII.

ET dum ista præterita Apostolus ad memoriam reduxit, quomodo ea quæ retro sunt oblivisci se dixit?

R E S P O N S I O.

Quo magis temporibus & rationi congruunt quæ proferuntur, eo celerius ab auditoribus intelliguntur. Nam Paulus Apostolus causa confirmationis suæ ista enumeravit, quia tempus ^c resolutionis suæ proprius instabat. Scriptum quippe est: *In die bonorum ne immemor sis malorum: & in die malorum ne immemor sis bonorum.* Paulus ergo præterita obliviscens, non erat immemor malorum, quando dixit: *Non sum*

Eccl. 1. 27.

1. Cor. 15. 96

Y 2

sum

^a Expungenda videtur particula negativa, quæ tamen legitur tam in ms. quam in edit.

^b In Vulgata, *ad ea quæ sunt priora extendens me ipsum* Græce. *ἐμπροσθεν ἐπέτεινόμενος*, *ad ea quæ a fronte sunt eni-*

zens, quibus correspondent quæ hic legimus: nam futura dicit quæ sunt a fronte, quæque opponuntur præteritis jam retro positis. Et pro *enitens*, posuit quod æqui-
poller convalescens.

^c Ms. resolutionis ipsius.

sum dignus vocari Apostolus, quoniam persecutus sum Ecclesiam Dei. Iterum, appropinquante die resolutionis suæ, immemor non erat

^a Tim. 4. 7. bonorum, dicens: Certamen bonum certavi, cursum consummavi, fidem servavi. Solent quippe sancti

^a viri hoc proprium habere ^a & prospera in adversis, & in prosperis adversa commemorari. Hinc beatus

Job in prosperis cum erat, sic timuisse se dixit: Semper enim quasi tumentes super me fluctus, timui Deum. Item cum erat in adversis,

bona præterita, quæ egerat, ad memoriam revocavit, dicens: Oculus fui cæco, & pes claudō: pater eram pauperum, & causam, quam nesciebam, diligentissime investigabam. Sancti ergo viri utrumque alternatim dicunt, quatenus nec extollantur in prosperis, nec desperatione frangantur in adversis.

^{Vers. 8. & 9.} -Ad Philip. iv. Si qua virtus, si qua laus disciplinæ, hæc cogitate, quæ & didicistis, & accepistis, & audistis, & vidistis in me.

^{Vers. 2.} In Parabolis Salomonis xxvij. Laudet te alienus, & non os tuum: extraneus, & non labia tua.

INTERROGATIO XXIV.

SI nulli laudare seipsum ore proprio licuit, cur Paulus bona enumerans de seipso dixit: Quæ & vidistis in me?

RESPONSIO.

Aliter est loqui de corde proprio, aliter in Spiritu sancto. Nam Paulus in adversis carceris bona se egisse in spiritu meminit, & idcirco non ore proprio dixit: quia prospera in adversis commemorari debent. De semetipso autem loqui laudanti, & propriam gloriam quærenti Veritas ait: Qui a semetipso loquitur, gloriam propriam querit:

qui autem querit gloriam ejus, qui misit eum, hic verax est. Sed idem Paulus: Non, inquit, qui semetipsum commendat, ille probatus est. Ille ergo nimirum commendatur, qui nec in Spiritu sancto, nec in adversis prospera de se narrat.

Ad Philip. iv. Ubique & in omnibus institutus sum: scio & saturari & esurire.

In sancto Evangelio secundum Lucam vj. Væ vobis qui saturati estis, quia esurietis.

INTERROGATIO XXV.

CUM væ saturatis Dominum dixisse Evangelista narraverit, cur Paulus Apostolus saturari se scire dixit? aut quid magni est, scire saturari & esurire, cum hoc omnium animantium videatur esse commune?

RESPONSIO.

Omnipotens & verax ^b Deus væ saturatis dixit: quia saturari nescientes, nec gratias agentes, eos intemperatos vidit. Magnæ namque discretionis est saturari scire, hoc est cum moderatione & gratiarum actione alimenta percipere. Qui enim, inquit Paulus, manducat, Domino manducat, gratias enim agit Deo. Ipsi ergo saturari nesciunt, qui tunc solum manducare desinunt, quando carne imperante, manducare nolunt. Et isti econtrario Domino manducant, qui semper temperati, largitori gratias agunt.

1. Ad Thess. ij. Ego quidem Paulus & semel et iterum volui venire ad vos, sed impedit nos satanas.

Secundum Lucam xxij. Simon, ecce satanas expetivit vos ut cribraret sicut triticum: ego autem rogavi pro te ut non deficiat fides tua.

IN-

^a Corruptum Giloticum textum ex ms. emendavimus: prius enim legebatur contra mentem auctoris: ut prospera in adversis,

& in prosperis adversa pertimescant.
^b Ms. Judex,

INTERROGATIO XXVI.

Quomodo isdem satanas cribrare sanctum Petrum, sicut voluit, non permittitur: & quasi per se potuisse impedire, a Paulo scribitur? Et si Paulus Apostolus Dei voluntati in hoc congruit, ^a cur iterum illum satanas impedivit?

RESPONSIO.

Indubitanter nobis sciendum est, quod diabolus voluntatem tentandi semper habet: quomodo autem, & quantum, & quando faciat, potestate caret. In tantum enim eum Creator aliquid in seculo agere permittit, quantum ante secula sine termino in prædestinatione habuit; & quia Sanctos suos Dominus plerumque per satanam probat, idcirco quasi ipse ^b satanas impediatur, Paulus indicat. Sed inter hæc sciendum est, quia plerumque omnipotens Deus facit voluntatem consilii sui, etiam per malevolam voluntatem ^c servi sui. Aliquando autem boni servi ea desiderare conceduntur, quæ ita, ut desiderant, a Domino non permittuntur. Abraham quippe præcepto Dei obedire voluit, sed decollari Isaac idem Dominus non permisit, & hanc voluntatem omnino perfectam remuneravit dicendo: *Quia non pepercisti filio tuo unigenito, benedicam tibi, et multiplicabo semen tuum.* Et David de voluntate construendi templi laudatus fuit, licet ad hoc construendum in ea re pervenerit. Et dum ista specialiter locuti sumus, quomodo fiunt generaliter videamus. Plagæ namque generis humani ^d a Iusto iudice dispensatæ sunt, sed electi Dei caritate jam pleni, eas fieri nolunt. Et contra Deum ergo volunt, & ab ipso non discedunt, quia de omnibus plagis gratias agunt. Sed ut manifestius sit quod loquimur, per exempla demonstrando gradiamur. Verbi gratia: Aliquis filius suo ministrat pa-

tri, quem, quia pius est, non vult etiam mori. Sed & cum ægrotos, quos Dominus castigat, visitamus, ut sani deveniant, satis desideramus. Ista ergo cum volumus, quasi discordando Dei voluntati discordamus. Item, cum Dominus humano generi bona fieri jubet, nostra voluntas non contraria, sed congratulans esse debet, quatenus est perfecta, sed idcirco pii Domini & iustitia Judicis laudanda sit.

1. Ad Thess. iv. *Et in tuba Dei descendet de cælo.*

Vers. 15.

In Apocal. viij. *Et septem Angeli qui habebant septem tubas, præparaverunt se, ut tuba canerent.*

Vers. 6.

INTERROGATIO XXVII.

Et dum in tuba Dei de cælo descendet Christus, in qua de iis septem creditur descensurus? Si in septima, quomodo præcesserunt cæteræ? Si in prima, quomodo secuturæ sunt aliæ?

RESPONSIO.

Idcirco septiformis Spiritus descendit in Apostolos, ut quasi septem tubis acceptis, intonarent in populos, & Christus ad eorum posteros sub illorum persona promisit, quod apud ipsos usque ad consummationem seculi mansurus sit, dicens: *Ecce ego vobiscum sum omnibus diebus usque ad consummationem seculi.* Septima ergo prædicatio, quasi septima tuba ad consummationem seculi pertinet: quia finita senaria prædicatione, novissima tuba canet. *Canet enim, inquit Paulus, tuba, et mortui resurgent incorrupti.* Et licet credere per novissimam tubam, significari septimam prædicationem, tamen attendimus Evangelicam lectionem, ubi ait de filio hominis: *Et mittet Angelos suos cum tuba et voce magna, et congregabunt electos ejus, a quatuor ventis, a summis cælorum usque ad terminos eorum.* Sciendum etenim est, quia & vox quasi tuba audita est in monte Sinai, quando populus Israel

Matth. 28. 20.

1. Cor. 15. 52.

Matth. 24. 31.

^a Ms. cur iter illius.

^b Ms. Satanas impedire Paulus indi-

^c Ms. maliferi.

^d Ms. iusto iudice dispensante; sunt.

Israel accepit decalogum verborum Dei, quam qui audierunt, ^a excusaverunt se, ne eis iterum fieret. Sed tunc omnino locutus est per subjectam creaturam, profecto non per propriam naturam, sicut & ad filium suum locutus est, postquam a Johanne idem filius baptizatus est, dicente Patre: *Hic est filius meus dilectus, in quo mihi bene^b complacuit.* Qui quod significabatur in voce, omnino paternæ divinitatis est: syllabæ autem & sonitus syllabarum profecto creaturarum erat. Cum ergo talem consuetudinem habeant sancti Angeli, aeriis corporibus vestiri, sicut potuerunt ab aliquantis patribus videri: nihil nimirum obstat intelligi, ^c quia tali tuba tunc cantaturi sunt, quando novissime in die ultimo intonabunt, quando mortuorum dormientium corpora resuscitabuntur.

Vers. 13.

1. Ad Timoth. 1. *Sed misericordiam sum consecutus, quia ignorans feci in incredulitate.*

Vers. 15.

Ad eundem ibid. *Fidelis sermo, et omni acceptione dignus: quia Christus Jesus venit in hunc mundum peccatores salvos facere, quorum primus ego sum.*

INTERROGATIO XXVIII.

d

Quid te excusas, sancte Paule, in uno, & ^d accusas in altero, dum per ignorantiam erat quidquid commisisti, quia cum venia omnium peccatorum primus fuisti, maxime cum nec tempore, nec magnitudine peccatorum inveneris ita fuisse?

RESPONSIO.

Sciendum est quod tribus modis peccatum admittitur; aut enim ignorantia, aut infirmitate, aut studio perpetratur: & gravius quidem infirmitate, quam ignorantia: similiter studio gravius, quam infirmitate.

^a Ms. duplicem suppeditat lectionem excusaverunt & excusaverunt; quasi dare voluisset etymologiam verbi excusare, quod idem est, inquit Grammatici, ac ex causa detrudere & absolvere.

^b Ms. complacui.

Excusas ergo teipsum, sancte Paule, per veram rationem, & nihilominus accusas per humilem confessionem. Ut veraciter justus, accusator tui fuisti in uno, & gratias agens de Domini misericordia, Dominum laudasti in altero.

1. Ad Timoth. ij. *Qui omnes homines vult salvos fieri, & ad agnitionem veritatis venire.* Vers. 4.

In Psalm. cxij. *Deus autem non ster in celo & in terra, omnia quaecumque voluit fecit.* Vers. 3.

INTERROGATIO XXIX.

Cum Deus omnia quaecumque voluit, fecit, numquid totum genus humanum ad salutem perduxit; aut si hoc agere noluit, quomodo sanctus Paulus voluisse scripsit, dicens: *Qui vult omnes homines salvos fieri?*

RESPONSIO.

Indubitanter credendum est, quia non alia Deus in temporibus fecit, quam quæ ante tempora præscivit, & prædestinavit. Sed hoc nimirum intelligendum est, quia omnipotens Deus aliquid in sacra Scriptura se agere dicit, quod non per propriam naturam, sed per creaturam profecto agit. Sicut ad patrem Abraham dixerat, cum occidi Isaac omnino nolebat, dicens: *Nunc cognovi quia tu times Deum:* hoc est, nunc cognoscere te feci, quod sine ullo termino ego cognovi. Et sicut in Ezechiele de impio ait: *Nolo mortem impii:* hoc est, feci nolentem mori, licet hoc ipse agat unde ad mortem perveniat, in natura ejus posui, quod nequaquam velit mori. Vult ergo Dominus omnes homines salvos fieri, qui in hoc utique sunt conditi quod volunt, licet indigni, semper esse salvi. Seu Deus omnes homines vult salvos fieri, quia sal-

vos

^c Ms. quia talia tubantur canitur sunt quia novissima tuba in die ult. intonabunt. d Mendose Gilot. & Christianos accuses. Ac infra, Christianos accusas per hum. conf. Quid enim hic de Christianis, ubi de solo agitur Paulo?

Gen. 22. 15.

Eze. 33. 11.

vós fecit ex omni ordine generis humani, scilicet reges ex regibus, duces ex ducibus, & ex viris & ex mulieribus, & ex omnibus omnino hominibus. Hoc ergo genere locutionis loqui poterat Paulus cum diceret: *Qui vult omnes homines salvos fieri*. Quoniam secundum * Marcum ^a Evangelistam locutus est etiam ipse Dominus dicens: *Vae vobis Scribæ & Pharisei, qui decimatis mentham, & omne olus*: hoc est, omne olerum genus. Unde enim poterant universa decimare, qui omnino non valebant cuncta simul congregare?

1. Tim. 2. 4.
* Lucam.

a

Luc. 11. 42.

Vers. 14.

Vers. 3.

1. ad Timoth. ij. *Docere autem mulieri non permitto*.

Ad Tit. ij. *De mulieribus: Bene docentes, ut prudentiam doceant*.

INTERROGATIO XXX.

CUM Paulus Apostolus docere mulieri omnino non permittat, quid de mulieribus scribens, bene docentes dixit, *ut prudentiam doceant*?

RESPONSIO.

In planioribus non debemus diutius impediri, ut aliquanto latius in obscurioribus libeat immorari. Bene docentes ergo dictæ sunt mulieres, non viros, sed suas juniores. Ut prudentiam, inquit, doceant, quatenus cum filiabus suis doctrina sua agant, unde ad æternam vitam perveniant.

Vers. 20.

Vers. 13.

1. Ad Timoth. v. *Peccantes, coram omnibus argue, ut & cæteri videntes, timorem habeant*.

Secundum Matth. xvij. *Si peccaverit in te frater tuus, vade & corripe eum inter te, & ipsum solum*.

INTERROGATIO XXXI.

DUM discipulo distante peccans coram omnibus arguendus est, quid ipse magister veritatis *inter te & ipsum solum* locutus est?

RESPONSIO.

Hanc quæstionem celerius absolvetur, si vim dictorum diligentius consideremus. Ibi dixit, *Peccantes*, sed non addidit, in quem: hic dixit, si peccaverit in te. Si ergo occulte in te peccaverit frater tuus, & tu vis coram omnibus arguere, non es corrector sed proditor. Peccantes autem in Deum coram omnibus increpa, ut illud verbum *argue*, ad sequentem vocem adjungas. Hinc Paulus ait: *Cum venisset Petrus Antiochiam*, Gal. 2. 21, *in faciem illis restiti, eo quod non recte incederet ad fidem Evangelii*. Et post pauca: *Dixit Petro coram omnibus*; ac si dixisset, eo quod simulationem coram omnibus habuisset: *Si tu, inquit, Judæus cum sis, gentilititer vivis, & non judaice, quomodo gentes cogis judaizare?* Occulta ergo peccata possunt occulte corripui, & publica peccata coram omnibus debent argui, ut & cæteri timorem habeant. Quidquid enim mentem movet aliorum, nequaquam reticendum est, sed cum magna humilitate proferendum est.

1. Ad Timoth. vj. *Quem vidit* Vers. 24. *nullus hominum, sed nec videre potest*.

Et 1. Johan. iij. *Scimus quia cum apparuerit, similes ei erimus, quoniam videbimus eum sicuti est*.

INTERROGATIO XXXII.

CUM Paulus Apostolus dixerit quod nullus hominum Deum vidit, sed nec videre potest, quomodo sanctus Johannes scripsit: *quoniam videbimus eum sicuti est?*

RESPONSIO.

In his duobus testimoniis sancti duo Apostoli omnino dissonant, sed dissonando veraciter concordant. Sed inter hoc sciendum est, quia omnipotens Deus antiquis patribus non in sua propria natura monstrabatur, sed

e Ita legitur in Gil. & in nostro ms. licet mendose nomen *Marcæ* pro *Lucæ* irre-

pserit.

sed etiam per creaturam cum Moyse, quasi amicus cum amico loquebatur. *Nemo enim*, inquit, *videbit me, & vivet*. Hoc utique congruenter convenit ad illud quod Paulus Apostolus ait: *Quem nullus hominum vidit*. Quod autem ait: *Sed nec videre potest*, ad illud convenit, quod sanctus Johannes dixit: *Quoniam videbimus eum sicuti est*. In ista ergo vita posteriora sua Dominus per creaturas monstravit: quia adhuc peregrinantibus filiis naturæ propriæ veritatem occultat, eodem Johanne attestante, qui ait: *Carissimi, nunc filii Dei sumus, & nondum apparuit, quid erimus: scimus quoniam cum apparuerit, similes ei erimus, quoniam videbimus eum sicuti est*. Ex hoc testimonio intuentum est quod Paulus ait: *Sed nec videre potest*; ac si aperte diceret: Tandiu unusquisque filius cœlestem patrem videre non potest, quamdiu in hac vita peregrinus, patri utique dissimilis est. Sed unusquisque electus Deum, non per creaturas, sed sicuti est, videre poterit, cum quid erit, apparuerit, & similis ei fuerit. Vel certe ut idem Johannes Evangelista ait: *Deum nemo vidit unquam*; quasi manifestius diceret: Sicut est, videt in se. Nulla enim creatura firme intelligit Deum, quemadmodum Deus intelligit semetipsum.

2. ad Timoth. 1. *In quo positus sum ego prædicator, & Apostolus & Magister Gentium*.

Secundum Matth. xxij. *Vos autem nolite vocari Rabbi, unus*

est enim Magister vester, qui in cœlis est.

INTERROGATIO XXXIII.

Cum Dominus Apostolis suis dixerit: *Nolite vocari nomine magistrorum, quid Paulus Apostolus Christi constitetur se Magistrum fuisse Gentium?*

RESPONSIO.

^a Numquid sermo Domini prohibentis a Paulo Apostolo contemnebatur? Sed ab eo omnibus credentibus insinuabatur, ne sub nomine Apostolorum a pseudo apostolis seduceretur; sed eum Magistrum, in quo Christus loquebatur, sequeretur.

2. Ad Timoth. iij. *Alexander & rarius multa mala mihi ostendit: reddat illi Dominus secundum opera sua*.

Et post pauca: *In prima mea, inquit, defensione, nemo mihi adfuit, sed omnes me dereliquerunt: non illis imputetur*.

INTERROGATIO XXXIV.

Quid Paulus de Alexandro scribens optando dixit, reddat illi Dominus secundum opera sua. Et aliorum misertus, optando locutus est, non illis imputetur?

RESPONSIO.

In uno eodemque spiritu Paulus prævidit, qui tam utraque diversa ad Timotheum scripsit, quod Alexander duricors ad Deum nunquam converteretur: & aliis gentibus per veram præsentiam antea acta non imputarentur.

^a Apud Gilot. mendosissime, *nunquam sermo Domini prohib. . . . contemnebatur: sed ab omnibus*. Codex noster remedium at;

tulit.

^b Ms. *secundum opera ejus*.

LIBER
S. PATERII

Tom. XIV.

Z

PRÆFATIO

IN LIBRUM SANCTI PATERII

DE EXPOSITIONE VET. ET N. TESTAMENTI;

I. **S**ANCTUM Paterium Gregorii Magni discipulum, immo alterum veluti *Gregorium hic offerimus tibi, studiosè lector, non mutilum, qualis hucusque prodiit, sed majori sui parte auctum ac prorsus integrum.* verus & integer Paterius hic exhibitus.

II. Paterii meminit S. Gregorius lib. v. Epist. 29. Hanc autem Epistolam Paterio Notario Ecclesiæ nostræ subscribendam dictavimus. Et in facultate testandi Probo Abbati concessa, quæ olim in serie Epistolarum legebatur lib. ix. num. 22. nunc autem ad calcem est amandata, idem Paterius dicitur Secundicerius. Eundem inter Clericos sanctissimi Pontificis familiares, ejusque consiliorum participes aut adiutores in sacrarum litterarum studiis, tertio loco commemorat Johannes Diaconus lib. ii. cap. ii. duplicique Notarii & Secundicerii titulo donat; ejus insuper collectanea & excerptiones ex sancti Gregorii operibus laudat. De Paterio S. Gregorii testimonium. Et Johannis Diaconi.

De eodem ac de ipsius lucubratione ita scribit Sigebertus Gemblacensis lib. de illustribus viris: Paterius Romanæ Ecclesiæ Notarius & Secundicerius, colligens omnia divinæ Scripturæ testimonia, per quæ Gregorius obscura suæ Expositionis dilucidavit, tres Libros edidit, duos de testimoniis veteris Testamenti, & unum de testimoniis novi Testamenti; ipsumque codicem appellavit librum Testimoniorum. Eadem fere dicit Johannes Trithemius lib. de Scriptoribus Ecclesiasticis, additque Paterii opus ab iis verbis incipere: Dum beatissimi atque apostolici, &c. quæ verba leguntur initio Præfationis Paterii. Ex his veterum de Paterio testimoniis, ubi de ejus episcopali dignitate nihil dicitur, fides Arnoldi Wion, eum Brixie fuisse Episcopum asserentis, nutans videtur & valde dubia; maxime cum in inscriptione codicum mss. qui ejus opus exhibent minime dicatur Episcopus. At sancti titulum longe præstantiorem tam in his veteribus membranis, quam in Martyrologio Romano consecutus est. Necnon Sigeberti, & aliorum.

III. Caterum Paterii lucubratio eo pluris est facienda, quod sancto Gregorio auctore ac hortatore incepta & absoluta, ipsum etiam habuerit approbatorem, ut ex ejus Proæmio intelligimus. De methodo vero in hoc opere servata, & de cæteris ad ipsum spectantibus legendum est Proæmium, unde præsertim liquet in tribus hoc voluminibus esse dispositum, ut duo veteris (Testamenti) tertium novi dicta contineret. Verum ex tribus quibus constat partibus, unica dumtaxat publicam lucem aspicere cæpit an. 1553. Deinceps recusa sapissime, nimirum prior in vetus Testamentum; posteriore in idem vetus Testamentum, nec non tertia, quæ novi Testamenti expositionem complectitur, adhuc in Bibliothecarum pulvere latitanibus & sordentibus. Opus suum S. Gregorio adhorrente aggressus est. Quæ methodus in ipso servata. Sola operis prior pars hucusque edita.

IV. In editione tamen Vaticana Sixto V. jubente adornata, & in aliis deinceps, maxime in novissima Parisiensi, quæ cura & studio Petri Gussanvillæi publici juris facta est an. 1675. legitur sub nomine sancti Paterii Liber de expositione novi Testamenti. Verum hoc opus cum veteribus Paterii mss. conferentes, probavimus omnino diversum esse. Codices quibus ad Expositio novi Testamenti sub nomine Paterii edita non est ejus opus. Aliud exhibent mss. quod edidimus.

collationem hanc faciendam usi sumus, sunt Vaticanus optimæ notæ, Beluacensis ex Bibliotheca majoris Ecclesiæ sancti Petri, Valle-Clarensis, seu monasterii Vallis-Clare Ordinis Cisterciensis, Beccensis, & Michaelinus seu celeberrimi cœnobii sancti Michaelis in periculo maris. Hi codices omnes, qui vel 600. vel 500. annorum ætatem præ se ferunt, aliud sancti Paterii opus in novum Testamentum exhibent, quam quod in vulgatis legimus, unde illo reprobato & rejecto, edendam potius judicavimus illam expositionem in novum Testamentum, quæ tot codicum manu exaratorum consensu, Paterio asseritur & vindicatur. Cujus igitur, inquires, fetus sunt illæ quas libri excusi Paterio tribuunt Gregorianorum testimoniorum exceptiones ad explicandum novum Testamentum?

Alulsi est
expositio
sub nomine
Paterii vul-
gata.

V. Cum ex veteribus plurimos, qui legendis Gregorianis operibus maxime delectabantur, ex ipsorum verbis & sententiis varios contexuisse fasciculos exploratum habemus, visis tot codd. mss. in quibus hæc leguntur collectanea, sed dissimulato plerumque excerptoris nomine; cui tribui deberet insigne hoc opus statim assequi non fuit expeditum. Suberat tamen non levis conjectura, parentem nobilis fetus esse Alulsum sancti Martini Tornacensis Monachum, sua ætate celeberrimum. Nec fefellit; subinde enim offendimus in manuscriptos codices optimæ fidei, quales sunt Longipontanus, & Regiomontanus, in quibus hæc eadem prorsus Expositio novi Testamenti continetur, præfixo Alulsi nomine. Nec tamen id nobis satis fuit, nam ad ipsam fontem recurrentes, consulere curavimus codices laudati monasterii Tornacensis, id benigne concedente religiosissimo & illustrissimo Abbate.

Long. Pont.
Regiomont.

VI. Quatuor exstant qui autographi creduntur, hoc est ipsius Alulsi manus exarati.

De Alulsi
lucubratio-
ne differe-
tur.

In primo codice, de veteri Testamento, cui præfigitur Alulsi nomen hæc leguntur: Prologus incipit in sequens opus. Post restaurationem sancti Martini Tornacensis anno M. XCII. Dominicæ Incarnationis, cum ego frater ALULFUS ejusdem loci Monachus beatissimi atque apostolici Gregorii dicta sæpius lectione percurrerem, & in libris ejus legendis aliquantum intentus, & avidus essem propter luculentissimam verborum ejus satisfactio- nem, quiddam in eis reperi sine comparatione potissimum, quod mirabiliter meum excitavit & accendit animum. Dum enim sancti viri, hoc est beati Job, historiam abstrusissimam mysteriorum opacitatibus tectam sub triplici indice, Typica, Morali, atque Historica studui expositione discutere, ac repulso ignorantie nubilo, in aperto cunctis luce clarius patefactione serena monstrare: pene totam veteris ac novi Testamenti seriem rerum explanandarum necessitate coactus sum exponere, &c.

In secundo codice præmittitur: ^a Gregorialis de Psalmis & Prophetis.

Præsertim
de tertia
parte novi
Testamenti
expositio-
nem conti-
nente.

VII. Tertius codex continens Expositionem in novum Testamentum incipit ab hac Præfatione: Per sancta quatuor animalia, quæ Ezechieli Prophætæ ostenduntur, &c. ut in editis Vatic. & Gussanv. Titulus tertiæ partis est: De quatuor Evangeliiis. Postea: Incipit expositio super Matthæum. I. Generatio Jesu Christi filii David, filii Abraham. Dominus noster Jesus Christus ad redemptionem humani generis veniens, velut quamdam, &c. II. Et post transmigrationem Babylonis. Psalmista de Domino dicit: Lapidem, &c. III. Accepit Joseph Mariam; non cognovit eam donec peperit Filium suum primogenitum, ita dictum debet intelligi, &c. Cætera sunt

^a Titulus est quam integro operi, & singulis ejus partibus affixit Alulfus, ut videre est tam in laudatis mss. quam in Regiomont. & Longipont.

sunt prorsus similia cum editis sub Paterii nomine, nisi quod in codice sunt capita 97. Expositionis in Matth. & in excusis 104.

Quartus codex inscribitur: Gregorialis de Sententiis; absolviturque his auctoris versibus.

Hæc de Gregorii qui traxit opuscula libro
Gregorii precibus in pace quiescat Alulfus.

Quæ ex laudatis codicibus observavimus, testimonio Herimanni mox edendo mire confirmantur.

His visis, non fuit ultra dubitandi locus, quin Paterio ab editoribus incaute adscriptum hoc opus in novum Testamentum, Alulfo restituendum esset in editione nostra; cui post Paterii lucubrationem, ipsum inseruimus tum quod luce dignum sit, tum quod nihil prætermittere decreverimus ex his quæ jam aliis in excusis publicata & vulgata sunt.

VIII. Jam duas tripartiti Pateriani operis assignavimus partes, primam & tertiam; nunc de secunda hætenus inedita est agendum.

De secunda
parte operis
Paterii a nobis
reperita.

Ipsam in codice RR. PP. Cælestinorum Parisiensium contineri audieramus & legeramus; unde curæ nobis fuit codicem propriis & attentis oculis usurpare. At in ipso Prologo, quem subjiciemus, deprehensum statim, lucubrationem non esse Paterii, sed studiosi cujuscumque viri, qui ad resarciendam jacturam secundæ partis operis Paterii, simile quid magna sane fide & diligentia consarcinavit ex S. Gregorii sententiis, ut ipse profitetur.

Tandem cum assidue omnes Bibliothecarum forulos excuteremus, exploraturæ præsertim num aliubi latitaret hæc collectionis Paterianæ altera Pars in vetus Testamentum, quam desiderari a viris doctis non ignorabamus, inventa est in codice Michaelino jam a nobis commemorato; ubi absoluto priori volumine, quod expositione Cantici canticorum clauditur, immediate sequitur. Exceptiones ex Opusculis beati Gregorii Papæ in subjectis capitulis libri Sapientiæ. Desinit hæc secunda Pars in explicatione Zachariæ Prophætæ. Adjiciuntur tamen in fine pauca Gregorianæ Sententiæ, quibus nonnulli Psalmorum versus exponuntur. His consequenter annectitur tertia Pars operis Paterii in novum Testamentum, subjiciturque: Capitula sumpta ex Evangelio secundum Matthæum, sicut in aliis manuscriptis Vatic. Beluac. Beccen. Val-Clar. jam laudatis, ex quibus tertiam Paterianæ collectionis partem desumimus. Fruere itaque, christiane & pie Lector duplici hac laborum Paterii parte, quam ope codicum veterum antea non satis curiose inspectorum tibi restituimus.

IX. Ut pauca nunc dicamus de prima parte, a qua edendi Paterii sumimus exordium, licet jam sæpius sive seorsim, sive simul cum omnibus Gregorianis operibus excusa fuerit, attamen cum infinitis eam scatere mendis adverteremus, ipsi recensendæ & expurgandæ adhibuimus plurimos mss. codices, scilicet Michaelinum, de quo jam diximus, Vaticanum etiam supra commemoratum, Uticensem S. Ebrulphi, ac Gemeticensem; denique Sagiensem cænobii S. Martini, quo tantum usi sumus ad restituendas Expositiones in libros Regum & Proverbia. His codicibus obsecuti, omnium fere capitulorum exordia mutavimus, Aliorum autem erratorum a nobis expunctorum & emendatorum specimen hic accipe.

Super librum Numerorum cap. 5. legitur tam in editione Vaticana, quam in Gussanvilleana, ut enim exterioribus vitiis inoffense deserviant. O mon-

De priori
parte a nobis
ad varias
recensita co-
dices.

Et multis
expurgata
mendis.

strum.

strum! At legendum, exterioribus officiis. Cap. 2. in eisdem Numeros, juxta utramque editionem ab his verbis incipit: ex quibus virga Aaron floruit. Ubi sensus? Legendum vero ut in veteribus codicibus: de virgis duodecim in tabernaculo positis ex quibus, &c. Capite sequenti occurrit in iisdem editis: & spargit contra fores tabernaculi nisi tota simul Synagoga accipitur. Intelligis-ne? Sed omissa sunt plurima verba, scilicet post tabernaculi addendum: Quid hoc loco tabernaculum, nisi tota simul Synagoga accipitur. Eodem capite: Quæ tamen (hyssopus) inflationem admovent pulmonis. Optima sane causa plantæ hujus commendandæ! Sed restituimus: Quæ tamen inflammationem amovet pulmonis. Paulo post legitur: Illum imitetur a quo est, nisi extra imitationem passionis aliquid agimus, non tam, &c. Queris sensum, sed quo pacto extundes? mutando nisi in ne si, hoc modo Imitetur illum... ne si extra imitationem ejus aliquid agimus, non tam virtutem quam vitium agamus, ut habent mss. Non longe ab his verbis integram periodum plurium linearum restituimus in utraque editione prætermittam. Sexcenta hujusmodi errata sustulimus, de quibus non semper admonendum censuimus lectorem: piget enim censoria virga toties notare, quæ ab aliis & quidem viris doctis delinquantur.

Neque vero miramur in priores editiones Romanis typis factas operarum incuria hujusmodi menda irrepsisse. Sed Guffanvilleum eadem retinuisse, licet hærens & luxatus omnino sensus corruptelæ certum foret argumentum, cui ex Paterii mss. aut etiam ex ipsa sancti Gregorii lectione mederi facillimum, id sane non parum stuporis nobis movet.

Nec tamen ita oscitanter vulgari debuit antiquissimus hic scriptor, ex cujus Excerptiõibus magis ac magis illustrari potest noster Gregorius, genuina opera dignoscuntur, confirmanturque optimæ lectiones, aut plurimæ variantes haud spernendæ suppeditantur.

Quandoque
Paterius in-
terpolatSan-
cti Gregorii
sententias.

X. Nihilominus observandum est non omnia quæ apud Paterium aliter leguntur, quam in locis operum S. Gregorii assignatis, pro variis & diversis lectionibus habenda esse. Placuit enim aliquando discipulo magistri sententias tantisper mutare. Sic cap. 37. in Genesim legimus apud Paterium: Cum Apostolus dicat; neque qui plantat est aliquid, &c. At cap. 28. in Job num. 43. unde Paterius prolatam sententiam depromsit, habes: Cum Veritas dicat; Quis conclusit ostiis mare, &c. quæ sunt similia. Sepe etiam inverso ordine Gregorianas profert sententias, & distitas conjungit; unde ut eas in sancti Gregorii operibus inveniremus, multum a nobis laboratum est & sudatum; maxime cum in assignandis locis ex quibus excerptæ sunt sæpe fallant mss. codices, excusi sæpissime. Paucissima tamen sunt quorum verum fontem non indicaverimus.

Plurima in Vulgatis capita nobis occurrerunt, quæ mss. non exhibent. Ea tamen rejicienda non duximus, sed de mss. silentio monere satis nobis fuit; maxime cum apud Gregorium contextus laudatos exstare compertum foret.

De opere
Alulfi & de
ipso audio-
re.

XI. Quandoquidem Paterio ita restituto judicavimus attextendam tertiam operis Alulfi partem in novum Testamentum, quæ sæpe sub nomine Patricii fuit vulgata, operæ pretium est admonere, hac in collectione liberius adhuc quam in Pateriana, Gregorii sententias immutatas esse ac interpolatas; adeo ut sæpius Excerptor solum sensum retinuerit, de verbis minime curans.

Floruit Alulfus initio seculi XII. De ipso hæc habet Herimannus in historia restaurationis monasterii sancti Martini Tornacensis tomo II. Spicilegii num. 38. pag. 395. & seq. Is primum Clericus, deinde Monachus, in

præ-

præfato mōnasterio Armarii seu Cantoris officium 47. annis tenuit; omnesque libros beati Gregorii sæpius relegens, imitatus Paterium, universas tam veteris quam novi Testamenti sententias ab eo expositas excerpens, tres exinde codices composuit, & quartum de valde utilibus sententis superaddidit, eisque Gregorialis nomen indidit. ^a

^a Quæ sit de Pateriano hocce Opere sententia nostra, satis exposuimus in Animadversionibus ad Præf. PP. Maurinorum præmissam Commentariis in Cantica cant. Ea ducti opinione Prologum in secundam & tertiam partem, quem ex MS. Cœlestino heic subicit P. Dionysius, nos partibus illis præponendum censuimus. Præterea data opera Alulianam lubricationem a nobis fuisse omisam, jam sciunt Lectores.



S A N C T I P A T E R I I L I B E R

D E E X P O S I T I O N E V E T E R I S A C N O V I T E S T A M E N T I D E D I V E R S I S L I B R I S

Sancti Gregorii Papæ concinnatus.

P R O O E M I U M .



UM beatissimi, atque Apostolici Gregorii, Pontificis nostri, vestri quoque, addam nutritoris, dicta sæpius lectione percurrerem, avidiusque mihi eis assiduam esse ipsa luculentissima verborum ejus satisfactio suaderet: quidam in eis reperi sine comparatione potissimum. Dum igitur unius sancti viri, hoc est beati Job historiam abstrusis mysteriorum opacitatibus tectam, sub triplici, id est typica, morali, atque historica studuit expositione discutere, ac repulso ignorantiae nubilo, in aperto cunctis luce clarius ferena patefactione monstrare: pene totam veteris, ac novi Testamenti seriem rerum explanandarum necessitate est coactus exponere. Ubi enim occultæ nimis rei dilucidandæ necessitas imminebat, ne aut obscurum quid apud audientium

animos remaneret, aut ipse non liquidissima satisfactione obscuritatis, interna ad lucem videretur ejicere: non solum disertissimis verborum assertionibus, quod clausum erat, aperuit; sed ita esse prolatis quoque testimonii assertionem firmavit: ne non intellecta, si inesset forsitan obscuritas rei explanandæ, angeret potius, quam auferret caliginem. Idque testimonium studuit addita expositionis explanatione differere. In quibusdam namque locis in expositione etiam testimonii, non solum verborum satisfactionem sibi posse sufficere judicavit, nisi alterius iterum deducti ad medium testimonii evidenti interpretatione, latius edoceret. Actumque est, ut hac occasione, sicut præfatus sum, veteris Testamenti tota pene series occulta patefceret: quæ divini nutus aspiratione referata famis nostræ esuriam fu-

a In mss. diversi leguntur tituli. Cod. Vatic. habet: *In nom. sancta Trinitatis: incipit Prologus Paterii*. Consentit Gemegicensis, nisi quod post, *Paterii*, additur, *discipuli S. Gregorii Papæ*. Præterea legitur *S. Paterii*. In Uticensi: *In. nom. Græc. incipit liber S. Paterii discipuli B. Gregorii Papæ*. In Michaelino: *Incipit Prologus Paterii de testimoniis novi & veteris Testa-*

menti a beato Papa Gregorio expositis.

b Utic. & Gemet. internam ad lucem. In Vatic. aut ipsa non liquidissima satisfactione interna videretur scire.

c Locum hunc corruptum in editis & in plerisque mss. restitimus ope ed. Vatic. Abest a cæteris sere: *assertione firmavit, ne*. In edit. pro *esse*, legitur *a se*.

superni pabuli copia satiaret. Hujus ergo rei ardenti nimis desiderio provocatus, quædam de eisdem testimoniis cœperam sub quadam brevitate decerpere, aliqua vero negligendo transire. Quod dum fieret, sicut conscientia mea mihi testis est, me volente, atque hoc cautius providente, ne a quoquam aliquo modo nosceretur, per quosdam ad ejusdem Apostolici notitiam Pontificis nostri usque pervenit. Qui me verbis mox, quibus Beatitudo vestra novit, suavoriis, atque ad superna trahentibus, hortando cœpit accendere, quatenus hoc quod neglecte cœperam, exple-re studiosius debuissim; ita ut & opus, & librum in quo testimonium positum legeretur, vel ex qua reortum esset, in tituli ejus prænotatione designarem. Cujus rei pondus, mearumque virium impossibilitatem pensans, in ancipiti deprehensus, sicuti nauta gravi fluctuum procella turbatus, ad orationum ejus portum, pavens, fateor, fidensque confugi: sciens impossibile non fore, quod a tanto mihi præfule, ut res ad multorum ædificationem profutura fieret, juberetur. Moxque hoc imperantis suffragio provocatus assumens, quo valui studio, veteris ac novi Testamenti in unum testimonia congesta collegi. Et jam non solum de beati Job expositione, sed nec de aliis ejus Opusculis quidquam curavi, sicut prius facere cœperam, neglectum relinquere. Quæ dum disperse sicut quippe reperta fuerant, in schedis suis relata transcurrerem, visum mihi est, licet esset laboris immodici, ut uniuscujusque rei testimonia, juxta quod in suis ex ordine sunt sita codicibus, per libros suos ordinando componerem. Quatenus studiosi lectoris desiderium, ad dilucidandam sibi quam

velit obscuritatem, invento libri quem requireret titulo, nihil moræ, vel ad parum, aliquo modo præpediret. Hoc autem lectorem hujus operis præ omnibus nosse commoneo, ut quia quædam testimonia diversis locis sita reperi, ^a & in quibusdam, sicut res expetit, typica, in quibusdam historica in expositione perducta: quæ prædictis modis exposita comperi, ita & seorsum sequentia siquidem invicem translata composui: in quibusdam vero locis, quia ita satisfactionis norma poscebat, hoc idem de eodem testimonio retexui, quod dudum explanasse relegitur. Allicubi autem quædam quæ de eo minus pridem dixerat, ^b inter repetita addens verba supplevi. Quod ego de jam dictis excerpens, eidem testimonio ubi poposcit locus, inferendum aptavi, quia res non erant, quæ separatim poni utiliter possent, dum ex præcedentibus, quæ dicta fuerant, subsequenterque penderent. Si enim propter novitatem parvæ rei, rursus dicta ponerentur, facerent etiam repetita fastidium proculdubio. Ut ^c ergo expositionis, unde hæc excerpta sint, recurrens ordinem, plus in quibusdam hujus operis locis aliquid, quam in textu libri est positum minusve reperi, causæ fecit ratio, quam præmissi. Perpendens autem, quod si utriusque Testamenti in unum vellem testimonia redacta colligere, & voluminis normam excederet, & legentis desiderium impediret; in tribus hoc voluminibus Domino est cooperante dispositum: ut duo veteris, tertium novi dicta contineat. Quæ Beatitudini vestræ, non temeritatis ausu, sed amore vestri provocatus studii, quod in inquisitione divini olim fervet eloquii, sciens maxime in dictis præ-

^a Multa hoc loco vel omissa vel addita in vulgatis, inextricabilem obscuritatem generant. Sequimur mss.


^b Excusi, *item repetita ... supplevi*. Et Tom. XIV.

paulo post, *idem Testimonium*.

^c In vulgatis & in mss. Gemet. ac Vatic. legitur, *ne pro, ut*.

prædicti Pontificis nostri quanta noscendi vestra sit aviditas mentis, ex multis voluminibus pauca componens, studui destinare: humili obsecrans prece, qua valeo, ut dum vobis, vel quisquis legerit, in hoc

opere laboris mei cura placuerit, pro me ad Dominum intercessores esse dignentur, quatenus hoc pondere corruptionis exuto, a meorum absolutus inveniri merear vinculis peccatorum.



C A P I T U L A

L I B R I P R I M I I N G E N E S I M .

- 1 **D**E creato cælo, quod postmodum vocavit firmamentum.
- 2 Item unde supra.
- 3 Facta est lux, & paulo post: factum est vespere.
- 4 Protulit terra herbam virentem, & afferentem semen juxtagenus suum.
- 5 Item unde supra.
- 6 Item unde supra.
- 7 Faciamus hominem ad imaginem, & similitudinem nostram.
- 8 Requievit Deus die septimo.
- 9 Item unde supra.
- 10 Istæ sunt generationes cæli & terræ, quando creata sunt.
- 11 Quod quatuor fluminibus de paradiso egredientibus terra rigatur.
- 12 Tulit Dominus Deus hominem, & posuit eum in paradiso voluptatis, ut operaretur, & custodiret illum.
- 13 Quod ex latere Adam dormientis Eva processit.
- 14 Cur præcepit vobis Dominus Deus, ut non comederetis de omni ligno paradisi?
- 15 In quacumque die comedetis ex eo, aperientur oculi vestri, & eritis sicut dii.
- 16 Item unde supra.
- 17 Vidit mulier quod bonum esset lignum ad vescendum, & pulchrum oculis, aspectuque delectabile.
- 18 De consensu Adæ in acceptione pomi.
- 19 Quod Adam post peccatum inobedientiæ pudenda contexit.
- 20 Cum audisset Adam vocem Domini Dei ambulantis in paradiso ad auram post meridiem.
- 21 Vocavit Adam & dixit, ubi es?
- 22 Mulier quam dedisti mihi sociam, dedit mihi de ligno, & comedi.
- 23 Item unde supra.
- 24 Pectore & ventre repes.
- 25 Inimicitias ponam inter te, & mulierem.
- 26 Maledicta terra in opere tuo.
- 27 Terra es, & in terram ibis.
- 28 Collocavit ante paradisum veluti Cherubim, & flammeum gladium atque versatilem.
- 29 Respexit Dominus ad Abel & ad munera ejus: ad Cain autem, & ad munera ejus non respexit.
- 30 In foribus peccatum tuum aderit.
- 31 Si recte offeras, recte autem non divides, peccasti.
- 32 Quod Cain primum filium Enoch vocat, atque ex ejus nomine civitatem, quam condidit, appellat.
- 33 Item unde supra.
- 34 Videns Deus, quod multa malitia hominum esset in terra, pœnituit eum quod hominem fecisset.
- 35 De arca diluvii quod ampla in inferioribus, angusta in superioribus fuit.
- 36 Item unde supra.
- 37 Sensus & cogitatio humani cordis in malum prona sunt ab adole.

- adoleſcentia ſua.*
 38 *Crefcite, & multiplicamini, & replete terram.*
 39 *Arcum meum ponam in nubibus.*
 40 *De Noe ebriſtate.*
 41 *Maledictus Channan puer, ſervus erit fratrum ſuorum.*
 42 *Venite, descendamus, & confundamus ibi linguas eorum.*
 43 *De Abraham quod cum ad occaſum ſolis ſacrificium offerret, inſiſtentes aves expellit.*
 44 *Quod Abraham tribus viſis Angelis extra oſtium occurrit, Sara vero poſt oſtium ſubſtitit.*
 45 *De tribus viris Sodomam pergentibus.*
 46 *Clamor Sodomorum & Gomorrhæorum multiplicatus eſt.*
 47 *Loquar ad Dominum meum cum ſim pulvis & cinis.*
 48 *Vim faciebant Loth vehementiſſime.*
 49 *Loth ardentem Sodomam fugiens, ſed tantum Segor veniens, nequaquam mox montana conſcendit.*
 50 *Dominus pluit ſuper Sodomam ſulphur & ignem.*
 51 *De Abrahamæ conjuge in ſepulcro duplici ſepulta.*
 52 *Puer ad Rebeccam in Iſaac conjugio mittitur.*
 53 *Pone manum tuam ſubter ſemur meum, ut adjurem te per Deum cæli.*
 54 *Deprecatus eſt Iſaac Dominum pro uxore ſua, eo quod eſſet ſterilis, qui exaudivit eum.*
 55 *Factus eſt Eſau vir gnarus vendendi, & agricola.*
 56 *De Eſau quod ob lenticulam vendidit primogenita.*
 57 *De Iſaac qui apud alienigenam gentem puteos fodit.*
 58 *Item unde ſupra.*
 59 *De benediſtionibus Jacob, & Eſau.*
 60 *De Iſaac quod caligantibus oculis filium neſciens benedixit.*
 61 *Egreſſus Jacob de Bersabee pergebat Haram.*
 62 *Item unde ſupra.*
 63 *De Lia, & Rachel.*
 64 *De virginis Jacob in canalibus poſitis.*
 65 *De Laban, qui perſequens cum furore Jacob, ſua apud eum idola requirit.*
 66 *De luſtatione Jacob cum Angelo.*
 67 *Item unde ſupra.*
 68 *Vidi Dominum facie ad faciem, & ſalva facta eſt anima mea.*
 69 *Egreſſa eſt Dina, ut videret mulieres regionis illius.*
 70 *De talari tunica Joſeph.*
 71 *Ecce ſomniator noſter venit, venite occidamus eum.*
 72 *Ecce Dominus meus, mihi omnibus traditis, ignorat quod habet in domo ſua.*
 73 *De Joſeph, qui reſiſto in manu dominæ pallio, fugit.*
 74 *Intravit Jacob in Ægyptum cum animabus.*
 75 *Quod Ægyptii propter urgentem famem ſeſe Pharaoni in ſamulos vendiderunt.*
 76 *Iſachar aſinus fortis accubans inter terminos.*
 77 *Fiet Dan coluber in via, cerastes in ſemita.*
 78 *Item unde ſupra.*
 79 *Benjamin lupus rapax mane comedit prædam, & vespere dividet ſpolia.*

P A R S P R I M A

DE EXPOSITIONE VETERIS TESTAMENTI.

2

2 L I B E R P R I M U S

DE TESTIMONIIS LIBRI GENESEOS.

CAPUT PRIMUM.

Genes. I. 1. 3. De creato cælo, quod postmodum vocavit firmamentum.

b *Num. 65.* **B**eatiss^b Papa Gregorius in expositione beati Job, libro vicessimo septimo loquens de Angelis, inter cætera ait: VIRTUTES Angelicæ, quæ in divino amore fixæ peristere, lapsis superbientibus Angelis, hoc in munere retributionis accipere, ut nulla jam rubigine surripientis culpæ mordeantur, ut in contemplatione Conditoris sine felicitatis sine permaneant, & in hoc quod sunt conditæ, æterna stabilitate subsistant. Quod bene apud Moysen ipsa de mundi origine historiarum verba testantur, cum & prius factum cælum dicitur, & hoc idem postmodum firmamentum vocatur: quia videlicet natura angelica, & prius subtilis est in superioribus condita, & post, ne unquam potuisset cadere, mirabilius confirmata.

CAPUT II.

Item unde supra.

Num. 18.

In Commentariis Ezechielis, homil. 7. TALES creati sunt Angeli, ut si vellent, in beatitudinis luce peristerent, si autem nollent, etiam labi potuissent. Unde & Satan cum sequacibus legionibus cecidit. Sed post ejus lapsum ita confirmati sunt Angeli qui peristere, ut cadere omnino non possent. Quod bene in ipso exordio Geneseos libri ex historica descriptione signatum est: quia creavit Deus cælum, & ter-

ram; quod postmodum vocavit firmamentum. Cæli ergo suere ii, qui prius bene sunt conditi: sed postmodum firmamentum appellati sunt, quia ne omnino jam caderent, virtutem incommutabilitatis accipere.

CAPUT III.

Facta est lux. Et paulo post:

Gen. I. 3.

Factum est vespere.

DUM de electorum tentationibus tractaretur, in expos. B. Job, lib. 8. adjunctum est: *Facta est lux.* Et paulo post: *Factum est vespere:* NEQUAQUAM in hac vita per exercitationem justitiæ peccatum deseritur, ut in eadem justitia inconcusse maneat; quia etsi jam a cordis habitaculo culpam rectitudo eliminat, ipsa tamen culpa quæ repellitur, cogitationis nostræ foribus assidens, ut sibi aperiatur, pulsatur. Quod Moyses spiritualiter innuit cum facta corporaliter temporum momenta narravit, dicens: *Facta est lux;* atque paulo post subjiciens: *Factum est vespere:* Creator quippe omnium, humanæ culpæ præsciens, tunc expressit in tempore, quod nunc versatur in mente. Lux quippe ad vespem ducitur: quia nimirum lumen rectitudinis umbra sequitur tentationis. Sed quia electorum lux tentatione non exstinguitur, nequaquam nox, sed vespere facta perhibetur: quia tentatio sæpe in corde Rectorum lumen justitiæ abscondit, sed non interimit: & quasi ad pallorem trepidationis pertrahit, sed funditus non exstinguit.

Num. 21.

CA-

^a In edit. legitur: *Incipit expositio super Libros Genesios, Exodi, Levitici, Numeri, Deuteronomii, Judicum, ac Regum, & super Psalmos.* Cur Psalmis non adduntur Proverbia & Cantica? Sane hic titulus in

nullis legitur mss. Quem præfiximus supplevit maxime codex Michaelinus.

^b Hæc usque ad *virtutes*, in editis & plerisque mss. prætermissa, eruimus ex mss. Michael. omnium absolutissimo.

CAPUT IV.

Gen. 1. 12. Protulit terra herbam virentem, & afferentem semen juxta genus suum, lignumque faciens fructum, & habens unumquodque sementem secundum speciem suam.

Num. 29. **D**Um de virtutibus Ecclesiæ, in expof. B. Job, l. 19. tractaretur, adjunctum est: Protulit terra herbam virentem, &c. HOC quod testatur historia sic est veraciter factum, ut significaret aliquid veraciter faciendum. Per terram quippe figuratur Ecclesia, quæ & verbi nos pabulo reficit, & patrocini umbra-culo custodit, quæ & loquendo pascit, & opitulando protegit: ut non solum herbam refectionis proferat, sed etiam cum fructu operis arborem protectionis adhibeat.

CAPUT V.

Gen. 1. 12. Item unde supra: Lignumque faciens fructum.

Num. 54. **D**Um de dilectione proximi, in expof. B. Job, lib. 6. tractaretur, adjunctum est: Lignumque faciens, &c. LIGNUM secundum suam speciem semen producit, cum mens nostra ex sui consideratione se in alium colligit, ut recti operis germen pariat. Hinc quidam sapiens dixit: Quod tibi non vis fieri, ne feceris. Hinc in Evangelio Dominus dicit: Quæcumque vultis ut faciant vobis homines, & vos eadem facite illis. Ac si aperte diceret: Speciem vestram in alterutrum respicite, atque ex vobismetipsis agnoscite, quid vos oporteat aliis exhibere.

CAPUT VI.

Gen. 1. 12. Item unde supra: Protulit terra herbam virentem.

Num. 52. **D**Um de Ecclesiæ operationibus tractaretur, in expof. B. Job, lib. 29. adjunctum est: Protulit terra, &c. QUID hoc loco per herbam, nisi bona operatio ponitur. Licet in conditione mundi ita-historice factum teneamus; terram tamen Ecclesiam figurasse non inconvenienter accipimus, quæ in eo germinavit herbam

virentem, in quò ad verbum Dei secunda misericordiæ opera protulit.

CAPUT VII.

Faciamus hominem ad imaginem, & similitudinem nostram. Gen. 1. 26.

Num. 75. **D**Um de conditione primi hominibus tractaretur, in expof. B. Job, l. 9. adjunctum est: Faciamus, &c. LICET per coæternum patris Verbum cuncta creata sint: in ipsa tamen relatione creationis ostenditur, quantum cunctis animalibus, quantum rebus vel cœlestibus, sed tamen insensibilibus homo præferatur. Cuncta quippe cum faceret; Dixit, & facta sunt: cum vero facere hominem decernit, hoc quam reverenter pensandum est, præmittit, dicens: Faciamus hominem ad imaginem & similitudinem nostram. Neque enim de eo sicut de rebus cæteris scriptum est: Fiat, & factum est, neque ut aquatilia, vel volatilia, sic contra hominem protulit: sed priusquam fieret, Faciamus dicitur: ut videlicet, quia rationalis creatura condebatur, quasi cum consilio facta videretur. Quasi per studium de terra plasmatur, & inspiratione Conditoris in virtute spiritus vitalis erigitur: ut scilicet non per jussionis vocem, sed per dignitatem operationis existeret qui ad Conditoris imaginem fiebat.

CAPUT VIII.

Requievit Deus die septimo ab omni opere quod patrarat. Gen. 2. 2.

Num. 18. **D**Um de perfectione septenarii numeri tractaretur, in expof. Job, l. 1. adjunctum est: Requievit Deus, &c. QUID in septenario numero, nisi summa perfectionis accipitur? Ut enim humanæ rationis causas de septenario numero taceamus, quæ asserunt quod idcirco perfectus sit, quia constat ex primo pari qui dividi potest, & ex primo impari qui dividi non potest; certissime scimus quod septenarium numerum Scriptura sacra pro perfectione ponere consuevit. Unde & septi-

primo die Dominum requievisse ab operibus asserit. Hinc est enim quod septimus dies in requiem hominibus, id est in Sabbatum datus est. Hinc est quod jubilæus annus in quo plena requies exprimitur, septem hebdomadibus consummatur, qui, monade addita, nostræ actionis summa impletur. Hinc est enim quod perfectione septiformis gratiæ implendi duodecim sunt Apostoli electi. A septenario itaque numero in duodenarium surgitur: nam septenarius suis in se partibus multiplicatus, ad duodenarium tendit. Sive enim quatuor per tria, sive tria per quatuor ducantur, septem in duodecim vertuntur. Unde & sancti Apostoli quia Trinitatem in quatuor partibus mundi prædicare mittebantur, duodecim sunt electi; ut etiam numero perfectionem ostenderent, quam vita & voce prædicarent.

CAPUT IX.

Unde supra.

a
Ibidem.

IN expositione B. Job ^a SEPTENARIO numero perfectio æternitatis innuitur, cum dies septimus in requiem Domini sanctificatus vocatur. Cui jam non vespera dicitur: quia æternæ beatitudinis requies nullo termino coarctatur.

CAPUT X.

b
Gen. 2. 4. *Iste sunt generationes cæli & terre, quando creata sunt.*

Num. 16.

IN expof. B. Job, l. 32. QUÆRENDUM nobis est quomodo Deus simul cuncta condidit, dum isdem Moyses sex dierum mutatione variante distincte creata describit. Quod tamen citius agnoscimus, ^c si ipsas causas originum subtiliter indagamus. Rerum quippe substantia simul creata est, sed simul per species formata non est; & quod simul exstitit per substantiam mate-

riæ, non simul apparuit per speciem formæ. Cum enim simul factum cælum terraque describitur, simul spiritualia atque corporalia, simul quidquid de cælo oritur, simul factum quidquid de terra producit, indicatur. Sol quippe, Luna, & sidera quarto die facta in cælo perhibentur; sed quod quarto die processit in speciem, primo die in cæli substantia exstitit per conditionem. Primo die creata terra dicitur, tertio arbusa condita, & cuncta terræ virentia describuntur: sed hoc quod die tertio se in speciem protulit, nimirum primo, in ipsa de qua ortum est terræ substantia, conditum fuit. Hinc est quod Moyses & distincte per dies singulos condita omnia retulit, & tamen simul omnia creata subjunxit, dicens: *Istæ generationes cæli & terre, quando creatae sunt in die quo fecit Dominus cælum & terram, & omne virgultum agri, antequam oriretur in terra, omnemque herbam regionis.* Qui enim diversis diebus creatum cælum, & terram, virgultum, herbamque narraverat, nunc uno die facta manifestat; ut liquido ostenderet, quod creatura omnis simul per substantiam exstitit, quamvis non simul per speciem processit. Hinc illic quoque scriptum est: *Creavit Deus hominem ad imaginem, & similitudinem suam, ad imaginem Dei creavit illum, masculum & feminam fecit eos.* Necdum enim facta Eva describitur, & jam homo masculus, & femina perhibetur. Sed quia ex Adæ latere erat proculdubio scæmina processura, in illo jam computatur per substantiam, a quo producenda fuerat per formam. Considerare tamen hæc & in minimis possumus, ut ex minimis majora pensemus. Herba namque

Gen. 1. 27.

a In Gemet. assignatur lib. 25. In Michael. lib. 35. In editis lib. 6. ubi num. 43. quædam leguntur affinia. Sed longe similia sunt lib. 1. num. 18.

b Caput hoc in mss. cum superiori coale-

scit & unicum conficit.

c Gemet. ac Utic. si istius causa originem indagamus.

d In vitis mss. excusi, creata sunt.

quæ cum créatur ; necdum in illa fructus, necdum fructus sui semen ostenditur. Inest vero ei etiam cum non apparet fructus, & semen : quia nimirum simul sunt in radicis substantia, quæ non simul prodeant per temporis incrementa.

CAPUT XI.

Gen. 2. 10. *Quod quatuor fluminibus de paradiso egredientibus terra rigatur.*

Num. 76. **D**UM de quatuor virtutibus tractaretur, in expos. B. Job, lib. 2. adjunctum est : **SOLIDUM** mentis nostræ ædificium prudentia, temperantia, fortitudo, iustitia continet : quia in his quatuor virtutibus tota bona operis structura confurgit. Quatuor ergo paradisi flumina terram irrigant : quia dum his quatuor virtutibus cor infunditur, ab omni desideriorum carnalium æstu temperatur.

CAPUT XII.

Gen. 1. 15. *Tulit Dominus Deus hominem ; & posuit eum in paradiso voluptatis, ut operaretur, & custodiret illum.*

Num. 34. **D**UM de servanda custodia boni operis tractaretur, in expos. B. Job, l. 19. adjunctum est : *Tulit Dominus Deus hominem &c.* **PENSANDUM** magnopere est, quia bona prodesse nequeunt, si mala quæ subrepunt, non caventur. Perit omne quod agitur, si non sollicite in humilitate custoditur. Unde bene quoque de ipso primo parente dicitur : *Posuit eum Dominus in paradiso voluptatis, ut operaretur, & custodiret.* Operatur quippe qui agit bonum quod præcipitur, sed quod operatus fuerit non custodit, cui hoc subrepat, quod prohibetur. * Unde magnopere oportet & bona semper agere, & ab ipsis nos bonis operibus caute in cogitatione custodire. Nam si mentem elevent, bona non sunt, quia non auctori militant, sed

elationi. * De qua re non inordinate agimus, si ex libris, licet non canonicis, sed tamen ad ædificationem Ecclesiæ additis, testimonium proferamus. Eleazar namque in prælio elephantum feriens stravit, sed sub ipso quem extinxit, occubuit. Quos ergo iste significat, quem sua victoria oppressit, nisi eos qui vitia superant, sed sub ipsa quæ subjiciunt, superbiendo succumbunt? Quasi enim sub hoste quem prosternit, moritur, qui de culpa quam superat, elevatur.

CAPUT XIII.

Ex latere Adam dormientis Eva processit.

Gen. 2. 22. 23.

DUM de vacatione mentis ad Dominum tractaretur, in expos. B. Job, l. 30. adjunctum est : *Ex latere Adam, &c.* **SCIENDUM** est, quia nequaquam culmen contemplationis attingimus, si non ab exterioris curæ oppressione cessemus. Nequaquam nosmetipsos intuemur, ut sciamus aliud in nobis esse rationale, quod regit; aliud animale, quod regitur, nisi ad secretum silentium recurrentes, ab omni exterioris perturbatione sopiamur. Quod silentium nostrum bene Adam dormiens figuravit, de cujus mox latere mulier processit : quia quisquis ad interiora intelligenda rapitur, a rebus visibilibus oculos claudit ; & tunc in seipso vel quæ præesse viriliter debeant, & vel quæ subesse possent infirma distinguit ; ut aliud in ipso sit quod regere valeat tamquam vir : aliud tamquam femina, quod regatur.

Num. 54.

CAPUT XIV.

Cur præcepit vobis Deus, ut non comederetis de omni ligno paradisi?

Gen. 3. 2.

IN expos. B. Job, l. 24. ^b dum de cavendis inimici tentationibus tractaretur, adjunctum est : *Cur præ-*

Num. 74.

cc.

^a Vatic. *Quare non inordinate agimus.*

^b In editis assignatur l. 34. c. 5. post med. ubi tamen nihil invenimus, In Uticensi, nul-

lum Gregorii opus laudatur. Gemet. indicat lib. 34. in Job. Exstat id loco a nobis as- signato.

*cepit vobis Deus, ut non comedere-
tis &c.* CALLIDUS humani gene-
ris inimicus quod in paradiso egit,
hoc quotidie agere non desistit.
Verba quippe Dei de cordibus ho-
minum inolitur evellere, atque in
eis ficta promissionis suæ blandimen-
ta radicare: quotidie id quod Deus
minatur, levigat; & ad hoc traden-
dum quod falso promittit, mutat.
Falso enim pollicetur temporalia,
ut mentibus hominum ea supplicia
leviget, quæ Deus minatur æterna.
Nam cum præsentis vitæ gloriam
spondet, quid aliud dicit, quam,
Gustate, & eritis sicut dii? Ac si
aperte dicat: Temporalem concupi-
scientiam tangite, & in hoc mundo
sublimes apparete. Et cum timorem
divinæ sententiæ amovere conatur,
quid aliud loquitur, quam id quod
primis hominibus dixit: *Cur præce-
pit vobis Deus, ut non comederetis
de omni ligno paradisi?* Sed quia di-
vino munere redemptus homo iusti-
tiam recepit, quam dudum conditus
amisit, robustior se jam contra blan-
dimenta callidæ persuasionis exercet:
quia experimento didicit, quantum
obediens esse debeat præcepto. Et
quem tunc culpa duxit ad pœnam,
nunc pœna sua restringitur a culpa:
ut tanto magis delinquere metuat,
quanto cogente supplicio, & ipse
jam quod perpetravit, accusat.

2

CAPUT XV.

*In quocumque die comederetis ex eo,
aperientur oculi vestri, & sicut
dii eritis.*

DUM de diei perditione tractaretur,
in expof. B. Job, l. 4.
adjunctum est: *In quocumque die,
&c.* DIES itaque est illata promissio
meliorum, sed nox est exhibita ipsa
experientia calamitatum. Antiquus
hostis dies est per naturam bene
conditus, sed nox est per meritum
ad tenebras dilapsus. Dies est cum
pollicendo bona, humanis aspectibus

lucis se Angelum simulat, Paulo
attestante, qui ait: *Ipse enim Sata-
nas transfigurat se in Angelum lucis:*
sed nox est cum mentes consentien-
tium per erroris tenebras obscurat.

CAPUT XVI.

Item unde supra.

IN codice homiliarum Evangelii
primæ partis homil. 16. ANTI-
QUUS hostis contra primum homi-
nem parentem nostrum, in tribus
se tentationibus crexit: quia hunc,
videlicet gula, & vana gloria, &
avaritia tentavit, sed tentando su-
peravit: quia sibi eum per consen-
sum subdidit. Ex gula quippe ten-
tavit, cum cibum ligni vetiti osten-
dit, atque ad comedendum suavit.
Ex vana gloria tentavit eum cum
diceret: *Eritis sicut dii.* Ex prove-
ctu avaritiæ tentavit, cum diceret:
Scientes bonum, & malum. Avari-
tia enim non solum pecuniæ est,
sed etiam altitudinis: recte enim a-
varitia dicitur, cum supra modum
sublimitas ambitur. Si enim non ad
avaritiam honoris ambitio pertine-
ret, nequaquam Paulus de unigeni-
to filio diceret: *Nec rapinam arbi-
tratus est, esse se æqualem Deo.* In
hoc ergo diabolus parentem nostrum
ad superbiam traxit, quando eum
ad avaritiam sublimitatis excitavit.
Sed quibus modis primum hominem
stravit, eisdem modis secundo homi-
ni tentando succubuit. Per gulam
tentavit, qui dixit: *Dic ut lapides
isti panes fiant.* Per vanam gloriam
tentavit, cum dixit: *Si filius Dei es
mitte te deorsum.* Per sublimitatis
avaritiam tentavit, cum regna o-
mnia mundi ostendit, dicens; *Hæc
tibi omnia dabo, si procidens adora-
veris me.* Sed eis modis a secundo
homine victus est, quibus primum
hominem se vicisse gloriabatur: ut
a nostris cordibus ipso aditu captus
exeat, quo nos aditu intromissus te-
nebat.

C A-

3 Caput hoc in mss. nostris omittitur.

CAPUT XVII.

Gen. 3. 6. Vidit mulier quod bonum esset lignum ad vescendum, & pulcrum oculis, aspectuque delectabile.

Num. 4. Dum de restringenda visus concupiscentia tractaretur, in expos. B. Job, lib. 21. adjunctum est: Vidit mulier quod, &c. Ne quædam lubrica in cogitatione versemus, providendum nobis est: quia intueri non debet, quod non licet concupisci. Ut enim munda mens in cogitatione fervetur a lascivia voluptatis suæ, deprimentur sunt oculi, quasi quidam raptore ad culpam. Neque enim Eva lignum vetitum contigisset, nisi hoc prius incauta respexisset. Hinc ergo pensandum est, quanto debemus moderamine erga illicita visum restringere, nos qui mortaliter vivimus, si & mater viventium per oculos ad mortem venit. Hinc etiam sub Judææ voce, quæ exteriora videndo concupiscens, bona interiora perdiderat, Thren. 3. 51. Propheta dicit: Oculi mei depredatus est animam meam: concupiscens enim visibilia, invisibiles virtutes amisit. Quæ ergo interiorum fructum per exteriorum visum perdidit, per oculum corporis pertulit prædam cordis. Unde nobis ad custodiendam cordis mundiciam, exteriorum quoque sensuum disciplina servanda est. Nam quantalibet virtute mens polleat, quantalibet gravitate vigeat, carnales tamen sensus puerile quiddam exterius perstrepunt: & nisi interioris gravitatis pondere, & quasi juvenili quodam vigore refrenentur, ad fluxa quæque & levia mentem enervem trahunt.

CAPUT XVIII.

Gen. 3. De consensu Adæ in acceptione pomi a muliere.

Admon. 70. Dum de vitandis vitiorum incentivis tractaretur in codice Regulæ Pastoralis, par. 3. c. 29. adjunctum est: IN primo parente didicimus, quia tribus modis omnis

Tom. XIV.

culpæ nequitiam perpetramus, suggestione scilicet, delectatione, consensu. Primum itaque per hostem, secundum vero per carnem, tertium per spiritum perpetratur. Insidiator enim prava suggerit, caro se delectationi subjicit, atque ad extremum spiritus victus delectatione consentit. Unde & serpens prava suggestit: Eva autem quasi caro se delectationi subdidit: Adam vero velut spiritus, suggestione, ac delectatione superatus adfensit. Suggestione itaque peccatum agnoscimus, delectatione vincimur, consensu etiam ligamur. * Unde excludendum nobis cum Apostolo est: *In-felix ego homo, quis me liberabit de corpore mortis hujus!* Et audiamus subsequenter nos consolationem: *Gratiam Dei per Jesum Christum Dominum nostrum.*

Gen. 3.

** Hæc desunt in loco indicato.*

Rem. 7. 24. Ibidem 25.

CAPUT XIX.

Gen. 3. 7. Adam post peccatum inobediencie mox pudenda contexit.

Num. 28. Dum de servanda mentis custodia tractaretur, in expos. B. Job, l. 26. adjunctum est: PER humilitatis custodiam servanda semper est munditia castitatis. Si enim pie spiritus sub Domino premitur, caro illicite contra spiritum non levatur. Habet quippe spiritus commissum sibi dominium carnis, si tamen suo Domino recognoscit jura legitimæ servitutis. Nam si auctorem suum superbiendo contemnit, jure & in subiecta carne prælium suscipit. Unde & ille primus homo inobediens, mox ut superbiendo peccavit, pudenda contexit. Quia enim contumeliam spiritus Domino intulit, mox contumeliam carnis invenit. Et qui auctori suo esse subditus noluit, jus carnis subditæ, quam regebat, amisit: ut in seipsum videlicet inobediencie suæ confusio redundaret, & superatus disceretur, quod elatus amisit.

B b

C A-

CAPUT XX.

Gen. 3. 8. *Cum audisset Adam vocem Domini Dei deambulantis in paradiso, ad auram post meridiem, abscondit se inter ligna paradisi.*

Num. 6. **D**Um de modo divini colloquii tractaretur, in expos. B. Job, l. 28. adjunctum est: *Cum audisset Adam, &c. NONNUNQUAM* per Angelos verbis simul & rebus loquitur Deus, cum quibusdam motibus insinuat hoc quod sermonibus narrat. Neque enim Adam post culpam in divinitatis substantia videre Dominum potuit, sed increpationis verba per Angelum audiuit, de quo scriptum est: *Cum audisset vocem Domini Dei deambulantis in paradiso ad auram post meridiem, abscondit se inter ligna paradisi.* Quid est enim quod post peccatum hominis in paradiso Dominus non jam stat, sed deambulat, nisi quod irruente culpa, se a corde hominis motum demonstrat? Quid est quod ad auram post meridiem: nisi quod lux ferventior veritatis abscesserat, & peccatricem animam culpæ suæ frigora constringebant? Ad auram namque post meridiem primus homo post culpam absconditus invenitur. Quia enim meridianum caritatis calorem crediderat, jam sub peccati umbra, quasi sub frigore auræ torpebat. Sicut de eodem peccante homine scriptum est: quia secutus est umbram. Calorem enim caritatis fugiens, veritatis solem homo deseruit, & sub umbra se interni frigoris abscondit. Unde & voce ejusdem veritatis dicitur: *Abundavit iniquitas, refrigescet caritas multorum.* Increpavit ergo Adam, deambulans, ut cæcis mentibus nequitiam suam non solum sermonibus, sed etiam rebus aperiret: quatenus peccator homo & per verba quod fecerat audiret, & per deambulationem amisso æternitatis sta-

tu, mutabilitatis suæ inconstantiam cerneret, & per auram fervore caritatis expulso torperem suum animadvertet, & per declinationem solis cognosceret, quod ad tenebras propinquaret.

CAPUT XXI.

Vocavit Dominus Deus Adam, &c. Gen. 3. 9. dixit ei: Ubi es?

CUm de delinquentium reprobatione tractaretur, in expos. B. Job, l. 2. adjunctum est: *Vocavit Dominus Deus Adam, &c. QUID* est quod Dominus Adam post lapsum requirit: *Ubi es?* Numquidnam divina potentia nesciebat post culpam, servus ad quæ latibula fugerat? Sed quia vixit in culpa lapsum, jam sub peccato velut ab oculis veritatis absconditum, quia tenebras erroris ejus non approbat, quasi ubi sit peccator ignorat, eumque & vocat, & requirit, dicens: *Adam ubi es?* Per hoc quod vocat, signum dat, quia ad poenitentiam revocat. Per hoc quod requirit, aperte insinuat, quia peccatores jure damnandos ignorat.

CAPUT XXII.

Mulier quam dedisti mihi sociam, Gen. 3. 12. dedit mihi, &c. comedi.

CUm de vitanda peccati excusatione tractaretur, in expos. B. Job, l. 4. adjunctum est: *Mulier Num. 39. 49. quam, &c. SCILICET* excessus sui vitium in auctorem latenter retorquens. Ac si diceret: Tu occasionem delinquendi præbuiisti, qui mulierem dedisti. Quatuor modis peccatum perpetratur in corde: quatuor consummatur in opere. In corde namque suggestionem, delectationem, consensu, & defensionis audacia perpetratur. Fit enim suggestio per adversarium, delectatio per carnem, consensus per spiritum, defensionis audacia per elationem. Culpa enim quæ terrere mentem debuit, extollit, & dejiciendo elevat: sed gravius.

vius elevando supplantat. Unde & illam primi hominis rectitudinem antiquus hostis quatuor his ictibus fregit. Nam serpens suasit, Eva delectata est, Adam consensit: qui etiam requisitus confiteri culpam per audaciam noluit. Hoc vero in humano genere quotidie agitur, quod actum in primo parente nostri generis non ignoratur. Serpens suasit: quia occultus hostis mala cordibus hominum latenter suggerit. Eva delectata est: quia carnalis sensus ad verba serpentis mox se delectationi subternit. Assensum vero Adam mulieri præpositus præbuit: quia dum caro in delectationem rapitur, etiam a sua rectitudine spiritus infirmatus inclinatur. Et requisitus Adam, confiteri culpam noluit: quia videlicet spiritus quo peccando a veritate disjungitur, eo in ruinæ suæ audaciam nequius obduratur. Per timorem quidem Adam semetipsum absconditurus fugerat: sed tamen requisitus innotuit, quantum etiam timens tumebat. Cum enim ex peccato præsens poena metuitur, & amissa Dei facies non amatur, timor ex tumore est, non ex humilitate. Superbit quippe, qui peccatum, si liceat non puniri, non deferit. Eisdem etiam quatuor modis peccatum consummatur in opere. Prius namque latens culpa agitur, postmodum vero etiam ante oculos hominum sine confusione reatus aperitur: dehinc & in consuetudinem ducitur: ad extremum quoque vel falsæ spei seductionibus vel obstinatione miseræ desperationis, enutritur.

CAPUT XXIII.

Item unde supra.

Num. 30. 31.

IN expof. B. Job, l. 22. VERÆ humilitatis testimonia sunt, & iniquitatem suam quemque congoscere, & cognitam voce confessionis aperire. At contra ulitatum humani generis vi-

tium est, & labendo peccatum committere, & commissum negando defendere, & convictum defendendo multiplicare. Ex illo quippe lapsu primi hominis hæc augmenta nequitiae ducimus, ex quo ipsam radicem traximus culpæ. Sic namque ille dum lignum vetitum contigisset, abscondit se a facie Domini inter ligna paradisi. In qua absconsione scilicet quia Deum latere non poterat, non latendi effectus describitur, sed affectus notatur: quod cum argueretur a Domino, quod de ligno vetito contigisset, illico respondet: *Mulier quam dedisti mihi* *Gen. 3. 12.* *sociam, ipsa mihi dedit de ligno; & comedi.* Ipsa quoque mulier inquisita, respondit: *Serpens decepit me, & comedi.* Ad hoc quippe requisiti fuerant, ut peccatum quod transgrediendo commiserant, confitendo delerent. Unde & serpens ille persuasor, qui non erat revocandus ad veniam, non est de culpa requisitus. Interrogatus itaque homo est ubi esset, ut perpetratam culpam respiceret, & confitendo cognosceret, quam longe a Conditoris sui facie^a abesset. Sed adhibere sibi utrique defensionis solatia, quam confessionis elegerunt: cumque excusare peccatum voluit vir per mulierem, mulier per serpentem, auferunt culpam, quam tueri conati sunt: oblique Adam Dominum tangens, quod ipse peccati eorum auctor exstiterit, qui mulierem fecit: Eva culpam ad Dominum referens, qui serpentem in paradiso posuit. Qui enim ore diaboli fallentis audierant, *Eritis sicut dii*, quia esse *Ibid. v. 5.* similes in divinitate nequiverunt, ad erroris sui cumulum Dominum sibi facere similem in culpa conati sunt. Sic ergo reatum suum, dum defendere moliuntur, addiderunt: ut culpa eorum atrocior discussa fieret, quam fuerat perpetrata. Unde

B b 2 nunc

^a In Gemet, ac Utic, *abilisset.*

nunc quoque humani generis rami ex hac adhuc radice amaritudinem trahunt, & cum de vitio suo quisque arguitur, sub defensionum verba quasi sub quædam se arborum folia abscondit: & velut ad quædam excusationis suæ opaca secreta faciem Conditoris fugit, dum non vult cognosci quod fecit. In qua videlicet occultatione non se Domino, sed Dominum abscondit sibi. Agit quippe ne omnia videntem videat, non autem ne ipse videatur. Quo contra cuique peccatori jam exordium illuminationis est, humilitas confessionis: quia sibi metipsum jam parcere renuit, qui malum non erubescit confiteri quod fecit; & qui defendendo accusare potuit, accusando se celerrime defendit. Unde & mortuo Lazaro qui mole magna premebatur, nequaquam dicitur, revivisse, sed, *Veni foras*. Ex qua scilicet resurrectione, quæ gesta in illius est corpore, signatur qualiter nos resuscitemur in corde, cum videlicet mortuo dicitur: *Veni foras*, ut nimirum homo in peccato suo mortuus, & mole malæ consuetudinis jam sepultus, quia intra conscientiam suam absconditus jacet per nequitiam, a seipso foras exeat per confessionem. Mortuo enim, *Veni foras*, dicitur, ut ab excusatione atque occultatione peccati, ^a ad accusationem suam ore proprio exire provocetur. Unde David Propheta ab illa tanti morte facinoris reviviscens, ad vocem Domini quasi foras exiit, dum per Nathan correptus, quod fecerat, accusavit.

CAPUT XXIV.

Pectore & ventre repes.

DUM de virulentis callidi persuasoris operationibus tractaretur, in expof. B. Job, lib. 21. adjun-

ctum est *Pectore, & ventre repes*. MALUM luxuriæ aut cogitatione perpetratur, aut opere. Callidus namque adversarius noster cum ab effectu operis expellitur, secreta polluere cogitationibus molitur. Unde & serpenti a Domino dicitur: *Pectore, & ventre repes*. Serpens videlicet ventre repit, quando hostis lubricus per humana membra sibi met subdita usque ad expletionem operis luxuriam exercet. Serpens autem repit pectore, quando eos, quos in opere luxuriæ non vallet pertrahere, polluit in cogitatione. Alius itaque luxuriam jam perpetratur actione: huic serpens repit ex ventre. Alius autem perpetraturam versat in mente: huic serpens repit ex pectore. Sed quia per cognitionem ad opera explenda pervenitur, recte serpens prius pectore, & postmodum repere ventre describitur.

CAPUT XXV.

Inimicitias ponam inter te, & mulierem, & semen tuum, & semen illius. ^b *Ipsa conteret caput tuum, & tu insidiaberis calcaneo ejus.*

CUM de præcavendis inimici suggestionibus tractaretur, in expof. B. Job, l. 1. adjunctum est: *Inimicitias ponam inter te, &c.* CAPUT serpentis conterere, est initium suggestionis ejus aspicere, & manu sollicitæ considerationis a cordis aditu funditus extirpare. Qui tamen cum ab initio deprehenditur, percutere calcaneum molitur: quia etsi suggestionem prima intentionem non percutit, decipere in finem tendit. Si autem semel cor in intentione corrumpitur, sequentis actionis medietas, & terminus ab hoste callido secure possidetur: quo-

^a Corrupte in edit. ad excusationem suam, &c.

^b Ita mss. omnes, non ipsum conteret, scilicet semen. Ergo non fraude Neoterico.

rum immaculatæ Deiparæ conceptioni faventium irrepsit, ipsa conteret, scilicet mulier; quod clamant nonnulli critici.

Johan. 11. 43.

2

Gen. 3. 24.

Num. 5.

Gen. 3. 15

b

Num. 53.

quoniam totam sibi arborem fructus ferre conspicit, quam veneni dente in radice vitiavit.

CAPUT XXVI.

Maledicta terra in opere tuo.

Gen. 3. 17.

Num. 2.

DUm de maledicti distinctione tractaretur, in exposit. B. Job, l. 4. adjunctum est: *Maledicta terra in opere tuo*. CUM maledictionis jaculum divina vox gravi instruat ultione plectendum, ita ut regni quoque coelestis aditum claudat, quid est quod nunc peccanti homini in terrae maledictione, divina voce hoc, quod homo facere prohibetur, infertur? Sed sciendum est quod Scriptura sacra duobus modis maledictum memorat: aliud videlicet quod approbat, aliud quod damnat. Aliter enim maledictum profertur iudicio iustitiae, aliter livore vindictae. Maledictum quippe iudicio iustitiae, ipso primo homine peccante prolatum est, cum audivit:

Gen. 3. 17.

Gen. 22. 3.

Rom. 12. 14.

2. Cor. 6. 10.

Maledicta terra in opere tuo. Maledictum iustitiae iudicio profertur, cum ad Abraham dicitur: *Maledicam maledicentibus tibi*. Rursum quia maledictum non iudicio iustitiae, sed livore vindictae promittitur, voce Pauli praedicantis admonemur, qui ait: *Benedicite, & nolite maledicere*. Et rursus Veritas dicit: *Neque maledici regnum Dei possidebunt*. Deus ergo maledicere dicitur; & tamen maledicere homo prohibetur: quia quod homo agit malitia vindictae, Deus non facit nisi examine & virtute iustitiae. Nam & sancti viri cum maledictionis sententiam proferunt, non ad hanc ex voto ultionis, sed ex iustitiae examine erumpunt. Intus enim subtile Dei iudicium aspiciunt, & mala foras exsurgentia, quia maledicto debeant ferri, cognoscunt; & eo in maledicto non peccant, quo ab interno iudicio non

discordant. Hinc est, quod Petrus in offerentem sibi pecunias Simonem, sententiam maledictionis intorsit, dicens: *Pecunia tua tecum sit in perditione*. Qui enim non ait, est, sed sit; non indicativo, sed optativo modo se haec dixisse signavit. Hinc Elias duobus quinquagenariis ad se venientibus dixit: *Si homo Deisum, descendat ignis de caelo, & consumat vos*. Quorum utrorumque sententia a quanta veritatis ratione convaluit; terminus causae monstravit. Nam & Simon aeterna perditione interii, & duos quinquagenarios desuper veniens flamma consumpsit. Virtus ergo subsequens testificatur, qua mente maledictionis sententia promittitur. Cum enim & maledicentis b innocentia permanet, & tamen eum qui maledicatur usque ad interitum maledictio absorbet, ex fine utriusque patris colligitur, quia ab uno & intimo iudice in reum c sententia sumpta jaculatur.

Mat. 8. 20.

4. Reg. 1. 10.

a

b

c

CAPUT XXVII.

Terra es, & in terram ibis.

Gen. 3. 19.

CUM de immortalitate primi hominis, ejusdemque lapsu tractaretur, in exposit. B. Job, lib. 25. adjunctum est: *Terra es, & in terram ibis*. PRIMUS homo ita conditus fuit, ut manente illo decederent tempora, ne cum temporibus ipse transfret. Stabat enim momentis decurrentibus, quia nequaquam ad vitae terminum per dierum incrementa tendebat: stabat tanto robustius, quanto semper stanti arctius inharebat. At ubi vetitum contigit, mox offenso Creatore coepit ire cum tempore; unde & ei dictum est: *Terra es, & in terram ibis*. Statu videlicet immortalitatis amisso, cursus eum mortalitatis absorbit: & dum juventute ad senium, senio traheretur ad mortem, transeundo di-

Num. 4.

a Excusi, invitis miss. quanta severitatis.

b Utic, ignoscencia permanet.

c Vulgati imendose, sententiam sumpta jaculatur.

didicit, stando quid fuit. Cujus quia de propagine nascimur, radicis amaritudinem, quasi in virgulto retinemus. Nam quia ex illo originem ducimus, ejus cursum nascendo formatur: ut eo ipso quotidiano momento, quo vivimus incessanter a vita transeamus, & vivendi nobis spatium unde crescere creditur, ^a inde decrescat. Quia dum infantia ad pueritiam, pueritia ad adolescentiam, adolescentia ad juventutem, juvenus ad senectutem, senectus transit ad mortem, in cursu vitæ præsentis, ipsis ^b suis augmentis ad detrimenta impellitur, & inde semper deficit, unde se proficere in spatium vitæ credit. Fixum etenim statum hic habere non possumus, ubi transitori venimus: atque hoc ipsum nostrum vivere, quotidie a vita transire est. Quem videlicet lapsum primus homo ante culpam habere non potuit, quia tempora eo stante transibant. Sed postquam deliquit, in quodam se quasi lubrico temporalitatis posuit, & quia cibum comedit vetitum, status sui protinus invenit defectum.

CAPUT XXVIII.

Gen. 3. 24. Collocavit ante paradysum voluptatis Cherubim, & flammeum gladium atque versatilem.

Num. 13.

DUM de reparatione paradisi per Mediatoris adventum tractaretur, in expos. B. Job, l. 12. adjunctum est: *Collocavit ante paradysum, &c.* QUIA ante adventum Mediatoris Dei & hominis, omnis homo quamvis mundæ probatæque vitæ fuerit ad inferni claustra descendit, dubium non est: quoniam homo qui per se cecidit, per se ad paradisi requiem redire non potuit, nisi veniret ille, qui suæ incarnationis mysterio, ejusdem nobis paradisi iter aperiret. Unde & post culpam hominis ad paradisi aditum romphæa

flammea posita esse memoratur; quæ & versatilis dicitur, pro eo quod quandoque veniret tempus, ut etiam removeri potuisset.

CAPUT XXIX.

Respexit Dominus ad Abel, & ad munera ejus; ad Cain vero, & ad munera ejus non respexit. *Gen. 4. 4.*

CUM de exhibenda cordis munditia tractaretur, in expos. B. *Num. 27. in fine & n. 28.* Job, l. 22. adjunctum est: *Respexit Dominus, &c.* AB omnipotente Deo munus ex manu non accipitur, quod corde obligato in malitia profertur. Mundari etenim debet prius animus, qui munus offerre vult Deo: quia omne quod datur Deo, ex dantis mente pensatur. Cuncta itaque malitiæ macula ab interiori nostro homine cogitationis immutatione tergenda est, quia iram judicis placare nescit oblatio, nisi ex munditia placeat offerentis. Unde scriptum est: *Respexit Deus ad Abel, & ad munera ejus; ad Cain autem & ad munera illius non respexit.* Neque etenim sacrum eloquium dicit, respexit ad munera Abel, & ad Cain munera non respexit, sed prius ait: *Quia respexit ad Abel*, ac deinde subjungit, *& ad munera ejus*. Et rursum dicit, *quia non respexit ad Cain*, ac deinde subdidit, *nec ad munera ejus*. Ex dantis quippe corde id quod datur accipitur. Idcirco non Abel ex muneribus, sed ex Abel munera oblata placuerunt. Prius namque ad eum legitur Dominus respexisse qui dabat, quam ad illa quæ dabantur: ut audito scilicet narrationis hujus ordine, discamus quia exteriora munera ex interna cordis munditia condiuntur, & discretionis virtus lectorem doceat, qualis apud se esse debeat: cum exteriora bona non solum Deo, sed etiam proximis subministrat.

C A-

^a Utic. inde decrescimus.

^b Cemet, & Utic, ipsis suis senectus: augmentis.

mentis.

CAPUT XXX.

Gen. 4. 7. 8. *In foribus peccatum tuum aderit ,
sed sub te erit appetitus ejus ,
& tu dominaberis illius .*

Num. 36.

DUM de refrenando illicito cordis appetitu tractaretur , in expos. B. Job , l. 4. adjunctum est : *In foribus , &c.* IN foribus peccatum adest , cum in cogitationibus pulsatur . Cujus appetitus subter est , eique homo dominatur , si cordis nequitia inspecta citius premitur , & priusquam ad duritiam crescat , reluctanti menti subigatur .

CAPUT XXXI.

Gen. 4. 7. *Si recte offeras , recte autem non
sec. septuag. divides , peccasti .*

Num. 23.
& 24.

DUM de discretionem in bonis operibus habenda tractaretur , in expos. B. Job , l. 3. adjunctum est : *Si recte offeras etc.* RECTE offertur cum recta intentione quid agitur : sed recte non dividitur , si non hoc quod pie agitur , etiam subtiliter discernatur . Oblata enim recte dividere , est quælibet bona nostra studia sollicitè discernendo pensare : quod nimirum qui agere dissimulat , etiam recte offerens peccat . Sæpe namque & quod bono studio gerimus , dum discernere caute negligimus , quo judicetur sine , nescimus . Et nonnunquam hoc fit reatus criminis , quod putatur causa virtutis . Recte ergo offerimus , cum bono studio bonum opus agimus ; sed non recte dividimus , si habere discretionem in bono opere postponamus .

CAPUT XXXII.

Gen. 4. 17. *Cain primum filium Enoch vocat ,
atque ex ejus nomine civitatem
quam condidit , appellat .*

Num. 92.

CUM de cavenda vitæ præsentis gloria tractaretur , in expos. B. Job , l. 8. adjunctum est : **JU-
STI** viri quanto in cœlestibus per contemplationis radium inhærere de-

refugiunt , ubi se peregrinos & hospites noverunt , Paulo attestante , qui ait : *Nostra autem conversatio in cœlis est .* Et iterum : *Vos autem ædificamini domum non manufactam æternam in cœlis .* Quia enim sancti viri in propriis gaudere desiderant , esse in alieno felices recusant . Injusti autem quanto longius ab æternæ patriæ hereditate divisi sunt , tanto in terra altius fundamenta cogitationis figunt . Hinc est quod ab ipso humanæ conditionis exordio , in electa prole , Enoch septimus nascitur . Hinc est quod Cain primum filium Enoch vocat , atque ex ejus nomine civitatem , quam condidit , appellat . Enoch quippe , *dedicatio* dicitur . Iniqui ergo se in primordiis dedicant : quia in hac vita quod ante est , cordis radicem plantant , ut hic ad votum floreat , & a sequenti patria arecant . Unde & econtra in electorum parte Enoch septimus oritur , quia eorum vitæ festa dedicatio in fine servatur . Hinc est , quod attestante Paulo , *Abraham in casulis habitat :* quia habentem fundamenta civitatem , quam supernus artifex construxit , expectat .

CAPUT XXXIII.

Item unde supra .

IN expos. beati Job , l. 16. **INI-
QUI** dum corde transire ad æterna negligunt , & cuncta præsentia fugitiva esse non intuentur , mentem in amorem vitæ præsentis figunt , & quasi longæ habitationis in ea sibi fundamentum construunt : quia in terrenis per desiderium solidantur . Unde & primus Cain civitatem construxisse describitur ; ut aperte monstraretur , quia ipse in terra fundamentum posuit , qui a soliditate æternæ patriæ alienus fuit . Peregrinus quippe a summis , fundamentum in infimis posuit , qui stationem cordis in terrena delectatione collocavit . Unde & in ejus stirpe Enoch , qui dedicatio interpretatur , primus

na-

Philip. 3. 20.
2. Cor. 5. 1.

Mor. 1. 16.
n. 15.

Hebr. 11. 19.

Num. 15.

nascitur: in electorum vero progenie Enoch septimus fuisse perhibetur. Quia videlicet reprobi in hac vita quæ ante est, semetipsos ædificando dedicant. Electi vero ædificationis suæ dedicationem in fine temporis, id est in septimo tempore, exspectant. Videas namque plurimos temporalia sola cogitare, honores quærere, ambiendis rebus inhære, nil post hanc vitam requirere. Quid itaque isti nisi in prima se generatione dedicant? Videas electos nil præsentis gloriæ quærere, libenter inopiam sustinere, mala mundi æquanimiter perpeti, ut possint in fine coronari. ^a Electis ergo Enoch in septima generatione nascitur: quia sui dedicationem gaudii in extremæ retributionis gloria requirunt.

C A P U T XXXIV.

Gen. 6. 6. *Videns Deus quod multa malitia hominum esset in terra, & cuncta cogitatio cordis intenta esset ad malum omni tempore, pœnituit eum quod hominem fecisset in terra.*

Num. 12.

Cum de modo divini eloqui per cassueta hominibus verba tractaretur, in expos. B. Job, l. 9. adjunctum est: *Videns Deus quod multa malitia hominum esset in terra, &c.* QUID est quod omnipotens Deus, qui nulla mutabilitate humanæ conditionis astringitur, nec ei quod esse est, desit ex tempore, pœnituisse de sua conditione describitur, nisi quod plerumque in sacro eloquio sicut sapientes Dei sermonem trahunt a sapientibus seculi, sic nunc pro utilitate hominis vocem in se humanæ passionis ipse Conditor hominum sumit Deus, ut videlicet dicatur, *pœnituit eum, quod hominem fecisset in terra?* Cum profecto constet, quia is qui cuncta prius quam veniant conspicit, nequaquam postquam aliquid fecerit

pœnitendo resipiscit. Ut ergo mirum non est, si spirituales plerumque utantur verbis carnalium: sic neque si ipse sub se ineffabilis, & Creator omnium spiritus, ut ad intellectum suum carnem pertrahat, in seipso carnis sermonem format.

C A P U T XXXV.

De arca diluvii, quæ ampla in inferioribus, & angusta in superioribus fuit. Gen. 6. 15.

Cum de reproborum multitudine specie tenus intra Ecclesiam positorum, & electorum paucitate tractaretur, un exposit. Evang. homil. 38. adjunctum est: ARCA in undis diluvii, quæ hujus Ecclesiæ typum gessit, & ampla in inferioribus, & angusta in superioribus fuit. Quæ in summitate etiam sua ad unius mensuram cubiti excrevit. Inferius quippe quadrupedia atque reptilia, superius vero aves, & homines habuisse credenda est: ibi lata exstitit, ubi bestias habuit; ibi angusta, ubi homines servavit: quia nimirum sancta Ecclesia in carnalibus ampla est, in spiritualibus angusta. Ubi enim bestiales hominum mores tolerat, illic latius sinum laxat. Ubi autem eos habet, qui spirituali ratione suffulti sunt, illic quidem ad summum ducitur. Sed tamen quia pauci sunt, angustatur: *Lata quippe via est, quæ ducit ad perditionem, & multi sunt qui vadunt per eam. Et angusta porta est quæ ducit ad vitam, & pauci sunt qui inveniunt eam.* Eo autem usque arca angustatur in summis, quousque ad mensuram unius cubiti perducatur: quia in sancta Ecclesia quanto sanctiores quique sunt, tanto pauciores. Quæ in summo ad illum perducitur, qui solus homo in hominibus, & sine ullius comparatione natus est sanctus. Qui juxta Psalmistæ vocem: *Factus est sicut pas-*

Num. 8.

Matth. 7. 13.

Psal. 101. 8.

^a In Gemet. ac Uic? legitur, *Electus* ergo: In excusis mendose, *electio*. Sequi-

mur Michael. qui mss. Moral. consensit.

passer unicus in ædificio. Tanto ergo magis mali tolerandi sunt, quanto etiam plus abundant: quia & in aræ tritura pauca sunt grana quæ servantur horreis, & grandes accervi palearum, qui ignibus comburuntur.

CAPUT XXXVI.

Item unde supra.

IN Commentario Ezechielis, homil. 4. ultimæ partis. ARCA quæ trecentis cubitis fieri in longitudine iussa est, ^a quinquaginta vero in latitudine, triginta autem in altitudine, in uno est cubito consummata. Quid enim per arcam, nisi sancta Ecclesia figuratur? Quæ inferius ampla est, superius angusta, quæ & ccc. & xxx. ac L. cubitis ad unum cubitum colligitur, quia ab ea latitudine quam sancta Ecclesia in membris suis adhuc infirmantibus habet, paulisper angustata, in altum proficiens ad unum tendit. Ipsa enim ratio exigit ut credamus, quod in illa aræ latitudine omnes bestię, cunctaque quadrupedia atque reptilia in inferioribus fuerunt: homo vero atque volatilia nimirum in superioribus; juxta superiorem etenim partem fenestra fuit in latere, de qua corvum & columbam dimisit homo, ut si jam diluvii transisset aqua, cognosceret. Et quia arca eadem in uno fuit cubito consummata, homo & volatilia juxta cubitum fuerunt. Recte itaque per arcam universa Ecclesia designatur, quæ adhuc in multis suis carnalibus lata est, in paucis spiritualibus angusta, & quia ad unum hominem, qui est sine peccato, colligitur, quasi in uno cubito consummatur. Videmus etenim multos intra ejusdem sanctæ Ecclesiæ finem in superbia erigi, in carnis voluptatibus dissolvi, acquirendis

terrenis rebus inhiare; imperante avaritia maria transire, deservire iracundiæ, jurgiis vacare; proximos, quos prævalent, lædere: sed quia eos adhuc sancta Ecclesia tolerat, ut convertantur: quasi in aræ latitudine deorsum bestię morantur. Videmus alios jam aliena non quærere, illatam injuriam æquanimiter portare, rebus propriis esse contentos, humiliter vivere: sed quia isti jam pauci sunt, angustatur arca. Alios autem conspiciamus etiam possessa relinquere, nullum terrenis rebus studium dare, inimicos diligere, carnem a cunctis voluptatibus domare, motus omnes sub rationis judicio premere, per cœleste desiderium contemplationis ^b penna sublevare. Sed quia tales quique valde sunt rari, jam juxta cubitum ducitur, ubi homines & volatilia continentur. Quæratur tamen si quis in eis esse valeat sine peccato, & nullus invenitur. Quis itaque homo sine peccato est, nisi ille qui in peccatis conceptus non est? In uno ergo cubito consummatur arca: quia unus est auctor, & Redemptor sanctæ Ecclesiæ sine peccato, ad quem & per quem omnes proficiunt, qui se esse peccatores noverunt.

CAPUT XXXVII.

Sensus enim & cogitationes humani cordis in malum prona sunt ab adolescentia sua. Gen. 8. 21.

DUM de reprimenda ex bonis operibus gloria tractaretur, in expof. B. Job, l. 28. adjunctum est: CORRUPTIONIS malum quod unusquisque nostrum ab ortu desideriorum carnalium sumit, in propectu ætatis exercet. Et nisi hoc citius divinæ formidinis manus reprimat, omne conditæ naturæ bonum repente culpa in profundum vorat. Nemo igitur sibi cogitationum

sua-

^a Vitiōssime in excusis sexaginta vero. Quod sane contra sacræ Scripturæ testimonio. Tom. XIV.

nium pugnat.

^b Excusi, pennas sublevare.

Cor. 3. 2. uatum victoriam tribuat, cum Apostolus dicat: *Neque qui plantat est aliquid: neque qui rigat, sed qui incrementum dat Deus.*

Gen. 9. 1. C A P U T XXXVIII.
Crescite, & multiplicamini, & implete terram, & terror vester ac tremor sit super cuncta animalia terræ.

Nuñ. 22. & 23. Et Reg. Past. p. 2. cap. 6. CUM de servanda doctoribus secreta qualitate cum subditis tractaretur, in expositione B. Job, lib. 21. adjunctum est: *Crescite, &c.* POTENTIBUS viris magna est virtus humilitatis, considerata æqualitas conditionis. Omnes namque homines natura æquales sumus, sed accessit dispensatorio ordine, ut quibusdam prælati videamur. Si igitur hoc a mente deprimimus, quod temporaliter accessit, invenimus citius quod naturaliter sumus. Plerumque enim se animo accepta potestas objicit, eumque tumidis cogitationibus fallit. Manu ergo humillimæ considerationis deprimendus est tumor elationis. Si enim apud semetipsam mens descendit de vertice culminis, citius planitiem invenit naturalis æqualitatis. Nam ut præfati sumus, omnes homines natura æquales genuit; sed variante meritorum ordine alios aliis occulta dispensatio postponit. Ipsa autem diversitas quæ accessit ex vitio, recte est divinis judiciis ordinata: ut quia omnis homo inter vitæ æque non graditur, alter ab altero regatur. Sancti autem viri cum præsumunt, non in se potestatem ordinis, sed æqualitatem conditionis attendunt; nec præesse gaudent hominibus, sed prodesse. Sciunt enim, quod antiqui patres nostri non tam reges hominum, quam pastores pecorum fuisse memorantur. Unde & cum Noe Dominus filiisque ejus post diluvium diceret: *Crescite, & multiplicamini*, subdidit: *Et terror vester, & tremor sit super cuncta ani-*

malia terræ. Homo quippè animalibus irrationabilibus, non autem natura cæteris omnibus prælatus est; & idcirco ei dicitur ut ab animalibus, & non ab homine timeatur, quia contra naturam superbire est, ab æquali velle timeri. Cuncti ergo qui præsumunt, non in se potestatem debent ordinis, sed æqualitatem penfare conditionis. Nam sic, ut diximus, antiqui patres nostri pastores pecorum, & non reges hominum fuisse memorantur. Et tamen necesse est, ut rectores a subditis timeantur, quando ab eis Deum minime timeri deprehendunt: ut humana saltem formidine peccare metuant, qui divina judicia non formidant. Nequaquam namque præpositi ex hoc quæsito timore superbiunt, in quo non suam gloriam, sed subditorum justitiam quærunt. In eo autem quod metum sibi a perverse viventibus exigitur, quasi non hominibus, sed animalibus dominantur, quia videlicet ex qua parte bestiales sunt subditi, ex ea debent etiam formidini jacere substrati.

C A P U T XXXIX.

Arcum meum ponam in nubibus, & erit signum fæderis inter me, & inter terram. *Gen. 9. 13.*

CUM de significatione divinæ pollicitationis post diluvium tractaretur, in commentariis Ezechielis lib. 1. homil. 8. adjunctum est: *Arcum meum ponam in nubibus, &c.* ^{*Nuñ. 29.*} ARCUM omnipotens Deus inter se atque homines in signo posuit, ut ultra mundum diluvio non deleret. Unde & in arcu eodem color aquæ & ignis simul ostenditur: quia ex parte est cæruleus, & ex parte rubicundus, ut utriusque judicii testis sit: unius videlicet facti, & alterius faciendi; id est, quia mundus judicii igne cremabitur, nam aqua diluvii non delebitur.

C A-

² Ista in al. ed. in loco assignato minime leguntur, sed sunt in homilia indicata.

CAPUT XL.

Gen. 9. 21. De Noe inebriato, cujus nudata ver-
ecunda boni filii aversi veniendo
22. texerunt.

Num. 37. CUM de præpositorum reverentia
custodienda a subditis tractaretur, in expos. B. Job, lib. 25. adjunctum est: AVERSARI dicimur, quod reprobamus. Quid est ergo quod filii verecunda patris superjecto dorsis pallio aversi venientes operiunt: nisi quod bonis subditis sic præpositorum suorum mala displicent, ut tamen hæc ab aliis occultent? Operimentum aversi deferunt, quia dijudicantes factum, & venerantes magisterium, nolunt videre quod regunt.

CAPUT XLI.

Gen. 9. 25. Maledictus Chanaan puer, servus
erit fratrum suorum.

Num. 37. CUM de maledictionum distinctio-
nibus tractaretur, in expos. B. Job, lib. 26. adjunctum est: Maledictus Chanaan puer, &c. NEQUA-
QUAM severitas inulta remanere peccata permittit, sed ira iudicii a nostra hic correptione incoat, ut in reproborum damnatione conquiescat, sicut scriptum est: Tempus est
ut iudicium incipiat de domo Dei. Si autem primum a nobis, quis finis eorum qui non credunt Dei Evangelio? Eant ergo nunc reprobi, & voluptatum suarum desideria inulta iniquitate consumment; atque eo temporalia flagella non sentiant, quo ætæra eos supplicia expectant. Bene autem eorum inulta nequitia Cham peccante signata est, cui a patre dicitur: Maledictus Chanaan puer; servus erit fratribus suis. Chanaan videlicet Cham filius fuit. Et quid est quod, Cham peccante, Chanaan ejus filius sententiam ultionis accipit? Quid est quod non in se, sed in posteritate percutitur, nisi quod reproborum nequitie hic quidem

inultæ proficiunt, sed in posterum feriuntur?

CAPUT XLII.

Venite, descendamus, & confundamus Gen. 11. 7.
ibi linguam eorum.

Num. 9. CUM de modo divini eloquii tractaretur, in expos. B. Job l. 2. adjunctum est: DICITUR eis^a qui adhærent, Venite: quia nimirum hoc ipsum nunquam a divina contemplatione decrefcere, in divina contemplatione semper adcrefcere est: & nunquam a corde recedere, quasi quodam stabili motu est semper venire. Quibus & dicit: Descendamus, & confundamus ibi linguam eorum. Ascendunt Angeli in eo quod Creatorem conspiciunt: descendunt Angeli in eo quod creaturam se se in illicitis erigentem examine districtio-
nis premunt. Dicere ergo Dei est, Descendamus, et confundamus ibi linguam eorum, in seipso eis hoc quod recte agatur ostendere, per vim internæ visionis, eorum mentibus exhibenda iudicia^b occultis motibus inspirare.

CAPUT XLIII.

Abraham, dum ad occasum solis sacrificium offerret, insistentes aves perculit, quas et abigebat. Gen. 25. 15.

Num. 53. DUM de cavendis superfluis cogitationibus tractetur, in expos. B. Job, lib. 16. adjunctum est Abraham, dum ad occasum solis sacrificium offerret, etc. SÆPE corda justorum subortæ cogitationes pol-
luunt, & terrenarum rerum delectationibus tangunt. Sed dum citius manu sanctæ discretionis abiguntur, festine agitur, ne cordis faciem caligo tentationis operiat, quæ hanc jam ex illicita delectatione tangebat. Nam sæpe in ipso rationis nostræ sacrificio importune se cogitationes ingerunt, quæ hoc rapere vel maculare valeant, quod in nobis Deo stentes immolamus. Unde & Abra-

C c 2 ham

^a Ita mss. nostri; at in excusis, qui aderant. Lectio nostra in loco Moralium assi-

gnato reperitur.

^b Corrupte excusis, oculis mentibus?

ham cum ad occasum solis sacrificium offerret, & insistentes aves perculit, quas studiose, ne oblatum sacrificium raperent, abegit. Sic nos dum in ara cordis holocaustum Deo offerimus, ab immundis his volucris custodimus, ne maligni spiritus & perversæ cogitationes rapiant, quod mens nostra offerre se Deo utiliter sperat.

CAPUT XLIV.

Gen. 18. 2. Quod Abraham tribus visis Angelis occurrisse se memoratur, quibus ipse venientibus extra ostium occurrit, Sara vero post ostium stetit.

Dum de censura spiritus qualiter cura carnis postponenda sit tractaretur, in expos. B. Job, l. 9. adjunctum est: DISCRETIONE magni moderaminis cura carnis refrenanda est, ut serviat, & minime principetur, ne quasi domina animum vincat, sed subacta dominio, quasi ancilla famuletur: ut iussa adsit, atque ad nutum cordis repulsa dissiliat; ut vix a tergo sanctæ cogitationis appareat, & nunquam contra faciem recta cogitantis obstitat. Quod bene nobis historia sacræ lectionis innuitur, cum Abraham tribus Angelis occurrisse memoratur. Ipse quippe venientibus extra ostium occurrit: Sara vero post ostium substitit. Quid ergo per hunc nobis Abraham occursum innuitur, nisi quod videlicet ut vir ac dominus domus spiritualis, noster scilicet intellectus, debet in cogitatione Trinitatis claustra carnis excedere, & quasi habitationis infimæ januam exire? Cura autem carnis ut femina non appareat, & videri jactanter erubescat: ut quasi post tergum viri sub discretionem spiritus solis necessariis intenta, nequaquam sciat procaciter detegi, sed verecunde moderari. Cui tamen sæpe cum dicitur ut de se minime præsumat, & totam se in divinæ spei

fiduciam transferat, despiciat; & cessante studio, adesse sibi vitæ subsidia posse diffidit. Unde & hæc eadem Sara promissiones Dei audiens ridet, sed ridens corripitur, correpta autem protinus fecundatur. Et quæ in juventute vicens fecundari non potuit, 2 annis fracta senilibus utero marcescente concepit: quia cum cura carnis, sui confidentiam habere desierit, contra spem ex divina promissione accipit, quod habere a se ex humana ratione dubitavit. Unde bene Isaac, id est risus dicitur, qui generatur: quia cum supernæ spei fiduciam concipit, quid mens nostra aliud quam gaudium parit?

CAPUT XLV.

De tribus viris Sodomam pergentibus ab Abraham susceptis. Gen. 18. 15.

Cum de modo divini colloquii per angelica officia ministrandi tractaretur, in expos. B. Job, lib. 28. adjunctum est: ALIQUANDO imaginibus ante corporeos oculos ad tempus ex aere assumptis per Angelos loquitur Deus, sicut Abraham non solum tres viros videre potuit, sed etiam habitaculo terreno suscipere: & non solum suscipere, sed eorum usibus etiam cibos adhibere. Nisi enim Angeli quædam nobis in terra nuntiantes, ad tempus ex aere corpus assumerent: exterioribus profecto nostris obtutibus non apparerent, nec cibos cum Abraham sumerent: nisi propter nos solidum aliquid ex cœlesti elemento gestarent. Nec mirum quod illi ipsi qui suscepti sunt, modo Angeli, modo Dominus vocatur: quia Angelorum vocabulo exprimuntur, qui exterius ministrabant, & appellatione Domini ostenditur, qui eis interiorius præerat: ut per hoc præidentis imperium, & per illud claresceret officium ministrandi.

CA-

CAPUT XLVI.

Gen. 18. 20. Clamor Sodomorum & Gomorrhæorum multiplicatus est, & peccatum eorum aggravatum nimis: descendam, & videbo utrum clamorem, qui venit ad me, opere compleverint, an non est ita, ut sciam.

DUM de cavenda ex non approbatis rebus credulitate tractaretur, in expof. B. Job, lib. 19. adjunctum est: *Clamor Sodomorum & Gomorrhæorum multiplicatus est, &c.*

Num. 46.

PECCATUM cum voce, est culpa in actione: peccatum vero etiam cum clamore, est culpa cum libertate. Sed quid hoc exemplo nisi nos admonemur, ne ad proferendam sententiam unquam præcipites esse debeamus, ne temere indiscussa judicemus? Nec quælibet mala audita nos moveant, nec passim dicta sine probatione credamus. Quod profecto perpetrare pertimescimus, si auctoris nostri subtilius facta pensamus. Ipse quippe, ut nos a præcipitata sententiæ prolatione compesceret, cum omnia nuda, & aperta sint oculis ejus; mala tamen Sodomæ noluit audita judicare, qui ait: *Descendam & videbo utrum clamorem, qui venit ad me, opere compleverint, an non est ita, ut sciam.* Omnipotens itaque Dominus & omnia sciens, cur ante probationem, quasi dubitat, nisi ut gravitatis nobis exemplum proponat, ne mala hominum ante præsumamus credere, quam probare? Et ecce per Angelos ad cognoscenda mala descendit, moxque facinorosos percutit, atque ille patiens, ille mitis, ille de quo scriptum est: *Tu autem, Domine, cum tranquillitate judicas,* ille de quo rursus scriptum est: *Domine, cum tranquillitate judicas,* in tanto crimine involutos inveniens, quasi patientiam prætermisit, & diem extremi judicii expectare ad vindi-

Gen. 18. 28.

Decli. 5. 4.

^a Hæc proculdubio caput aliud incoare debent. In excusis tamen & in mss. nostris

etiam noluit, sed eos igne judicii ante judicii diem prævenit. Ecce malum quæ cum difficultate credidit cum audivit, & tamen sine tarditate percussit, cum verum cognoscendo reperit: ut nobis videlicet daret exemplum, quod majora crimina, & tarde credenda sunt cum audiuntur, & citius punienda cum veraciter agnoscuntur.

Loquar^a ad Dominum meum, cum sim pulvis et cinis. *Gen. 18. 27.*

²

Moral. 138. n. 82.

Sancti omnes quando in Dei visione proficiunt: quanto magis divinitatis interna conspiciunt, tanto magis se nihil esse cognoscunt. Nusquam quippe legitur, quod Abraham cinerem & pulverem se esse professus est, nisi cum habere Dei meruit colloquutionem, dicens: *Loquar ad Dominum meum, cum sim pulvis, et cinis.* Esse enim se aliquem fortasse crederet, si veracem essentiam, quæ super ipsum est, minime sensisset. At vero ubi ad incommutabile contemplandum^b super se raptus est, impletus tantæ contemplationis potentia, dum videret illum, nihil se esse nisi pulverem, vidit. Unde & Propheta repletus eadem sapientia exclamavit, dicens: *Memento, Domine, quod pulvis sumus.* *Psal. 104. 4. 7*

^b

CAPUT XLVII.

Loquar ad Dominum, cum sim pulvis et cinis. *Gen. 18. 27.*

IN expositione Job libro decimo. *Num. 49.* SUNT nonnulli quos sensus per tumorem non elevat, sed misericordiæ opera exaltant. Et sunt nonnulli, qui dum se terrenis opibus abundare conspiciunt, veras Dei divitias non requirunt, atque æternam patriam non amant: quia hoc sibi sufficere, quod rebus temporalibus fulciuntur, putant. Non est ergo census in crimine, sed affectus. Cuncta enim quæ Deus condidit bona sunt,

eadem serie leguntur.

^b Editi mendose, *super se captus.*

sunt, sed qui bonis male utitur, profecto agit ut quasi per edacitatis ingluviem, eo per quem vivere debuit pane, moriatur. Pauper ad requiem Lazarus venerat, superbum vero divitem tormenta cruciabant: sed tamen dives Abraham fuerat, qui in sinu Lazarum tenebat. Qui tamen auctori colloquens, dicit: *Loquar ad Dominum meum, cum sim pulvis et cinis*. Quid itaque iste divitias suas aestimare noverat, qui semetipsum pulverem cineremque pensabat? Aut quando hunc res possessæ extollerent, qui de se quoque earum videlicet possessore, tam abjecta sentiret? Aperte enim cernimus in quo loco se posuerat, qui pulverem se ac cinerem, etiam cum Deo loqueretur, aestimabat. Si igitur ita se despicit qui usque ad honorem divinæ colloquutionis ascendit, sollicita intentione pensandum est, qua poena illi ferendi sunt, qui & ad summa non proficiunt, & tamen de minimis extolluntur.

CAPUT XLVIII.

Gen. 19. 9. Vim faciebant Loth vehementissime, et jam proximum erat ut frangerent fores: et miserunt manum viri, et introduxerunt ad se Loth, clausuruntque ostium, et eos qui erant foris percussere cecitate a minimo usque ad maximum, ita ut ostium invenire non possent.

*Num. 38. C*um de electorum innocentia contra pravorum insidias munita tractaretur, in expos. B. Job, lib. 6. adjunctum est: *Vim faciebant Loth vehementissime, &c.* QUID est quod malis adversantibus intra domum Loth reducitur & munitur, nisi quod iustus quisque dum pravorum insidias sustinet, ad mentem revertitur, & imperterritus manet? Sodomitæ autem viri in domo Loth invenire ostium nequeunt: quia cor-

ruptores mentium contra vitam iusti nullum accusationis aditumprehendunt. Percussi enim cecitate, quasi domum circumcunt, qui, invidentes, facta dictaque perscrutantur. Sed quia eis de vita iusti fortis undique ac laudabilis actio obviat, errantes nil aliud quam parietem palpant.

CAPUT XLIX.

Et Lot ardentem Sodomam fugiens, Gen. 19. 20. sed tamen Segor inveniens, nequaquam mox montana conscendit. 30.

Dum de continentium celsitudine, & conjugatorum venia tractaretur, in cod. Regulæ Pastor. 3. part. adjunctum est: *Et Loth ardentem Sodomam fugiens, etc.* ARDENTEM Sodomam fugere, est illicita carnis incendia declinare: altitudo vero montium, est munditia continentium. Vel certe quasi in monte sunt, qui etiam carnali copulæ inhærent: sed tamen extra suscipiendæ prolis admixtionem debitam nulla carnis voluptate solvuntur. ^a In monte quippe stare, est fructum propaginis in carne non querere: in monte stare, est carni carnaliter non adhærere. Sed quia multi sunt qui scelera quidem carnis deserunt, nec tamen in conjugio positi, usus solummodo debiti jura conservant; exiit quidem Loth Sodomam, sed tamen mox ad montana non pervenit; quia jam damnabilis vita relinquitur, sed adhuc celsitudo conjugalitatis continentie subtiliter non tenetur. Est vero in medio Segor civitas, quæ fugientem salvet & infirmum: quia videlicet cum sibi per incontinentiam miscentur conjuges, lapsus scelerum fugiunt, & tamen venia salvantur. Quasi parvam quippe civitatem inveniunt, in qua ab ignibus defendantur: quia conjugalitatis hæc vita, non quidem in

— vir-

^a In Utic. & Gemet. hæc omittuntur. Leguntur iisdem verbis in Michael. Negativa tamen particula tollenda nobis videtur.

In Reg. Past. legitur: *in monte stare est, nisi fructum propaginis in carne non quæres.*

Ibidem.

virtutibus mira est, sed tamen a suppliciiis secura. Unde idem Loth ad Angelum dicit: *Est civitas hic juxta, ad quam possum fugere, parva, & salvabor in ea. Numquid non modica est, & vivet in ea anima mea?* Juxta igitur dicitur, & tamen ad salutem tuta perhibetur: quia conjugalitatis vita nec a mundo longe divisa est, nec tamen a gaudio salutis aliena. Sed tunc in actione hac vitam suam conjuges, quasi in parva civitate custodiunt: quando pro se assiduis deprecationibus intercedunt. Unde recte per Angelum ad eundem Loth dicitur: *Ecce etiam in hoc suscepi preces tuas, ut non subvertam urbem pro qua locutus es: quia videlicet cum Deo deprecatio funditur, nequaquam talis conjugum vita damnatur. De qua deprecatione* Paulus quoque admonet, dicens: *Nolite fraudare invicem, nisi forte ex consensu ad tempus, ut vacetis orationi.*

CAPUT L.

Gen. 19. 24. *Igitur Dominus pluit super Sodomam & Gomorrhæ sulphur & ignem.*

Num. 23.

Cum de iniquorum in malis perseverantia tractaretur, in exposit. B. Job, lib. 14. adjunctum est: *Igitur Dominus, &c.* QUID in sulphure nisi fœtor carnis; & quid per ignem nisi ardor carnalis desiderii exprimitur? Cum ergo habitantium Sodomis vel Gomorrhæ, carnis scelera punire Dominus decrevisset, in ipsa qualitate ultionis, notavit maculam criminis. Sulphur quippe fœtorem habet, ignis ardorem. Qui itaque ad perversa desideria ex carnis fœtore arserant, dignum fuit ut simul igne & sulphure perirent: quatenus ex justa pœna discerent, ex injusto desiderio quid fecissent.

CAPUT LI.

De Abrahamæ conjugis in sepulcro duplici sepulta. Gen. 23. 19.

Cum de activa contemplativaque vita tractaretur, in expositione B. Job, lib. 6. adjunctum est de Abrahamæ conjugis. QUID nobis per Abrahamæ duplex sepulcrum innuitur, nisi quod perfectus quisque prædicator extinctam a præsentis vitæ desiderii animam suam, sub bonæ operationis tegmine & contemplationis abscondit? Ut a carnali concupiscentia sub activa contemplativaque vita quasi insensibilis lateat, quæ prius mundi desideria sentiens, mortaliter vivebat. Unde & per egregium prædicatorem dicitur: *Mortui enim estis, & vita vestra abscondita est cum Christo in Deo.* Activa quippe vita sepulcrum est: quia a pravis nos operibus mortuos tegit. Sed contemplativa perfectius sepelitur: quia a cunctis mundi actionibus funditus dividit. Quisquis ergo jam in se contumelias carnis edomuit: superest ut mentem per studia sanctæ operationis exerceat. Et quisquis jam mentem per sancta opera dilatat: superest ut hanc usque ad intimam contemplationis extendat. Neque enim perfectus prædicator est, qui vel propter contemplationis studium operanda negligit, vel propter operationis instantiam contemplanda postponit.

CAPUT LII.

^a Ad Rebeccam in Isaac conjugio deducendam puer mittitur. Gen. 24. 7.

IN Expositione beati Job, lib. 2. AD Rebeccam in Isaac conjugio deducendam puer mittitur: Quia videlicet ad desponsandam Ecclesiam Domino, interposita prophetia famulatur.

CA-

^a Hoc caput prætermittitur in Gemet. Utic. Michael & mss. & nobis visis.

CAPUT LIII.

Gen. 24. 3. *Pone manum tuam subter femur meum, ut adjurem te per Dominum Deum celi & terræ, ut non accipias uxorem filio meo de filiabus Chananæorum inter quos habito; sed ad terram, & ad cognationem meam profiscaris, & inde accipias uxorem filio meo Isaac.*

Cum de mysteriis sacramenti ad Abraham per puerum, & requirendæ uxoris Isaac filio tractaretur, adjunctum est: *Pone manum tuam subter femur meum, &c.*^a LIBET perstrictim quædam de Abraham & Isaac historia ad medium deducere, ut possimus in ipsis, quæ secundum allegoriam intelligenda sunt, apertius demonstrare, Abraham quippe puerum vocat, & subter femur ejus manum ponere præcipitur, ut sicut habet vetusta translatio, per Dominum Deum celi jusjurandum præberet. Cui statim ne Isaac filio suo uxorem de filiabus Chananæorum accipiat, jubet; sed ut ad ejus cognationem pergat, atque inde ei uxorem deducat. Qui itaque ut præceptum est, manum sub femore posuit Abraham & juravit, atque ex bonis omnibus Domini sui tulit, & Mesopotamiam perrexit. Sive qui stans juxta fontem aquæ orando proposuit quod puella cui diceret: *Inclina hydriam tuam ut bibam, & illa responderit; Bibe quin & camelis tuis dabo potum*; ipsa esset uxor Domini sui Isaac. Protinus Rebecca egreditur. Quæ puero aquam petenti respondit: Bibe, Domine mi. Et celeriter hydriam subter ulnam deposuit, potum dedit, quin etiam camelis aquam hausit & præbuit. Cui puer, protinus inaures aureas appendentes ficos duos, & armillas pondus fidorum decem præbuit. Quæ requisita, & genus dixit, & quia in domo patris ejus es-

set locus spatiosus ad manendum; & quod palearum ac feni plurimum haberet indicavit. Cui Rebecca frater erat nomine Laban, qui festinus egressus est, & inaures, ficos atque armillas sorori videns, intus puerum vocavit, eique paleas & fenum dedit. Aquam ad lavandos pedes camelorum & virorum qui cum eo venerant præbuit. Panem in conspectu ejus apposuit: sed puer comedere recusat, nisi prius causam conjugii filio domini sui obtineat. Qui mox ut causam obtinuit, prolatis vasis aureis & argenteis ac vestibus Rebecca munera auxit, fratribus autem & matri munera obtulit. Rebecca autem & puellæ illius ascensis camelis virum secutæ sunt, qui festinus ad Dominum suum reversus est. Eo autem tempore, Isaac deambulabat per viam quæ ducit ad puteum, cujus nomen est viventis & videntis. Habitabat vero in terra australi. Egressus fuerat ad meditando in agro inclinata jam die. Sed mox ut Rebecca Isaac vidit, de camelo descendit, puerum requirit, dicens: Quis ille homo esset, qui per agrum veniret? Cui ille respondit: Ipse est dominus meus. At illa tollens pallium, sese operuit: quam Isaac in tabernaculum Saræ matris introduxit, & accepit uxorem, atque in tantum dilexit, ut dolorem, qui ex morte matris accesserat, temperaret.

Quid est, quod Abraham puerum jubet sub femore suo manum imponere, & per celi Dominum jurare: nisi quod illius caro per illud membrum descensura erat, qui & Abraham filius esset ex humanitate, & Dominus ex divinitate? Sic itaque puero dicitur: *Pone manum tuam sub femore meo, et jura per Deum celi.* Ac si aperte diceret: Tange filium meum, & jura per Do-

^a Quæ sequuntur nullibi reperiuntur apud Gregorium. Hinc in mss. Michael Gomet.

& Utic. &c. non indicatur unde hæc sint sumta. Gregorianum tamen stylum sapient.

Dominum meum . Unde nec super femur , sed sub femore manum ponere jubetur : quia ex illo femore ille descensurus erat , qui homo quidem , sed super homines veniret . Unde dignum non fuit , ut manum super femur poneret : quia nulla caro super illam carnem est , quam in redemptione nostra sibi Patris unigenitus univit . Quid est , quod Isaac dilecto filio uxor de filiabus Chananæorum duci prohibetur , nisi quod ille de quo scriptum est , *Hic est filius meus dilectus , in quo mihi complacui* , nulli reprobæ animæ conjungitur ? De cognatione autem uxorem filio deducere servus præcipitur : quia sola sancta electorum Ecclesia , unigenito filio copulanda erat , quam ipse unigenitus ex prædestinatione jam , & præsentia extraneam non habebat . Quis vero est puer , qui ad deducendam uxorem mittitur , nisi Prophetarum ordo atque Apostolorum omniumque Doctorum ? Qui dum verbum prædicationis bonis mentibus faciunt , ad unamquamque animam unigenito filio conjungendam , quasi provisores fiunt . Qui pergens secum de bonis omnibus domini sui detulit : quia in his quæ de Domino loquuntur , in semetipsis virtutum divitias ostendunt ; & tanto citius ad sequendum Deum pertrahunt , quanto auditoribus suis in semetipsis monstrant , quod enarrant . Atque idem puer juxta fontem stetit , atque ex præfixa sententia , quæ puella eligenda esset , proposuit , quia prædicatores sancti , sacri eloquii fluenti considerant , atque ex ipsis colligunt , quæ vel quibus prædicationis suæ verba committant , & ex quibus auditoribus fiduciam certitudinis sumant . Potum vero petiit , quia prædicator omnis animam sui auditoris sitit . Sed Rebecca potum præbuit , quia sancta electorum Ecclesia prædicatorum suorum desiderio ex

Tom. XIV.

virtute suæ fidei satisfecit . Quia enim Deum quem auditit confessus est , prædicatori suo aquam refecutionis obtulit , ejusque animum refrigeravit . Et notandum quod hydriam ab humero in ulnas posuit , quia illa est placita confessio , quæ a bono opere procedit . Vel certe aquam præbuit , quia in eo quod credidit , vacua non remansit . Nam mox prædicare studuit quod audivit , & docendo , multos ex se prædicatores protulit . Aqua quippe in hydria est prædicationis scientia in mensura : quia sancta Ecclesia studet non plus sapere quam oportet , *Rom. 12. 3.* sed sapere ad sobrietatem . Et hydria aquæ in ulna , est doctrina prædicationis in opere . Quæ non solum ejus comitibus , sed potum etiam camelis præbet ; quia verbum vitæ non solum prudentibus , sed etiam stultis prædicat , juxta Pauli vocem dicentis : *Sapientibus et insipientibus debitor sum* . *Rom. 1. 14.* Vel certe aqua etiam jumentis datur , quando cura carnis quomodo sit habenda disponitur ; & ex voluptate impendi non debeat , & tamen in necessitatibus non negetur , sicut scriptum est : *Carnis curam ne feceritis in desideriis* . *Rom. 13. 14.* Qui enim hanc in desideriis fieri prohibet , proculdubio in necessitate concedit , juxta hoc quod rursus dicitur : *Nemo carnem suam odio habuit , sed nutrit et fovet eam* . *Ephes. 5. 29.* Puer autem Rebecca in aureas & armillas dedit : quia prædicator quisque & auditum sanctæ Ecclesiæ per obedientiam , & manus per bonæ operationis meritum exornat . Sed in aureas duorum scilorum sunt , armillæ autem scilorum decem : quia prima virtus obedientiæ , in caritate est ; quæ videlicet caritas in duobus præceptis distinguitur , ut Deus & proximus diligatur . Et recta operatio ex decalogi completionem perficitur , ut cum bona agi cœperint , mala jam nulla perpe-

D d

tren-

2. Cor. 7. 2.
ibid. 6.

1. Cor. 9. 11.

a

b

trentur. Rebēcca autem cum esset in domo patris sui, locum spatiosum ad manendum perhibuit: quia priori jam populo naturæ legem sancta Ecclesia se scisse monstravit, & prædicationis verba in amplo caritatis gremio suscepit. Doctori enim spatiosus ad manendum locus est in auditoris corde latitudo bonitatis. Unde & quibusdam dicitur: *Capite nos; neminem læsimus, neminem corrupimus. Non angustiamini in nobis, angustiamini autem in visceribus vestris.* Ac si eis aperte diceretur: Ad suscipiendam doctrinam spatiosum locum mentis facite, sed ad cogitanda carnalia angustii remanete. Quod palearum ac feni plurimum haberet, indicavit: quia sancta Ecclesia verba vitæ audiens, terrena stipendia prædicatoribus reddidit, quæ dum Paulus quasi pro nihilo acciperet, dixit: *Si nos vobis spiritualia seminavimus, magnum est si a vobis carnalia metamus?* Frater autem Rebēccæ erat Laban, qui concite egressus, in aures & armillas forori aspiciens, intus puerum vocavit: quia sunt carnales quique fidelibus conjuncti, qui dum spiritualium dona conspiciunt, ^a in admiratione suspensi, etsi non usque ad opera, tamen in animam usque ad suscipiendam fidem, verbum prædicationis admittunt. Quia enim bonos sæpe miraculis fulgere considerant, ea quæ de æternitate audiunt non recusant. Quamvis sanctam electorum Ecclesiam moribus non sequentes, in carnali operatione remaneant. Qui Laban paleas, fenum, aquam, panem ^a dedit: sed puer nisi causam prius conjugii obtineret, accepturum se esse recusavit. Quia sunt plerique qui doctores suos ex temporalibus ^b stipendiis contine-

re parati sunt; sed prædicatores sancti percipere nolunt temporalia, nisi prius obtineant æterna: Si enim in animabus fructum non inveniunt, sumere stipendia corporalibus contemnunt. ^c Nec pedes aqua lavant: quia laborem sui desiderii nulla consolatione relevant. Mox vero ut causam conjugii domino suo puer obtinuit: vasa aurea atque argentea ac vestes protulit, quas Rebēccæ dedit; quia doctores sanctæ Ecclesiæ tot ornamenta præbent, quot virtutum bona docuerunt. Quæ enim prius in aures, armillas acceperat, jam nunc vasa aurea & argentea ac vestes accepit; quia sancta Ecclesia quæ ante per fidem, obedientiam, & operationem percepit, excresecens postmodum etiam ad spiritualia dona convalescit: ut prophetiæ spiritu & virtutum gratia repleta, ampliatis jam muneribus ditescat. Puer vero matri ejus ac fratribus dona obtulit: quia gentilitas ex quo Ecclesia ad fidem venit, post conversionem ejus in gloria temporali convaluit, sicut & nunc cernimus: quia plerumque Christiani afflictionem sentiunt, & Gentiles quique in terrena virtute gloriantur. Sed & fratres ejus dona percipiunt: quia ii qui eam fidem verbotenus tenent, sed tamen professionem suam moribus non sequentes, carnaliter vivunt, benigne a fidelibus honorari solent, pro eo quod esse fideles videntur. Mater ergo & fratres dona percipiunt, a sorte tamen hereditatis alieni; quia sive infideles seu carnaliter qui intra fidei professionem tenentur, ad hereditatis æternæ sortem non veniunt; sed tamen supernæ largitatis gloriam ^d temporalem consequuntur. Rebēcca autem cum puellis suis virum sequuta est; quia

^a Excusi corruptissime, in admiratione hospes. Multa similia menda hic correximus ope mss.

^b Excusi, contemnere. Sæpe in Epistolis, per continentiam, necessariorum subministra-

tio intelligitur. Vide l. i. Ep. 5.

^c Vulgati, hi pedes aqua lavant: invito sensu, reluctancibus mss.

^d Excusi temporaliter non sequuntur.

quia sancta Ecclesia habet secum minoris meriti animas sodales suos.

2

Nam in quibusdam per ascensum mentis, in thoro contemplationem non habent, quæ videlicet tales animæ quasi puellæ Rebeckæ sunt: quia sequuntur moribus, sed tamen ad contemplationis thorum minime ascendunt. Nam & idem puer quosdam habuit in comitatu; quia & cum sanctis Prophetis fuerunt quidam qui bene viverent, & prophetiæ spiritum non haberent; & cum sanctis Apostolis atque Doctoribus fuerant plerique, qui vitam moribus tenerent, sed prædicationis verba non promerent. Festinus autem puer ad dominum redit, quia prædicatores sancti cum prædicando vitam audientium obtinent, illi mox gratias reddunt de cujus hoc munere perceperunt, ut sibi in ea operatione nil tribuant, sed auctori. *Gen. 24. 62.*

autem tempore Isaac deambulabat per viam quæ ducit ad puteum, cujus nomen est viventis, & videntis. Quis est vivens & videntis, nisi omnipotens Deus; de quo scriptum

Deut. 32. 40.

est: Vivo ego in æternum, dicit Dominus; De quo rursus dicitur: Omnia nuda & aperta sunt oculis ejus?

Hebr. 4. 13.

Puteus vero viventis & videntis, est sacræ Scripturæ profunditas: quam nobis ad irrigationem mentis præbuit omnipotens Deus. Quæ est autem via quæ ducit ad puteum videntis & viventis, nisi humilitas passionis unigeniti, per quam nobis apertum est hoc, quod prius latenter Scripturæ fluente loquebantur? Nisi enim unigenitus Dei filius incarnatus, tentatus, apprehensus, colaphis cæsus, sputis illitus, crucifixus ac mortuus fuisset, nobis hujus putei, idest Scripturæ sacræ profunditas non pateret. Quid ergo fidelibus humilitas passionis ejus facta est, nisi clavis operationis, per quam mysteriorum Dei puteum invenimus,

ut aquam scientiæ de profundo bibereamus? Incarnationem quippe, passionem, mortem, resurrectionem, atque ascensionem illius, sacri eloqui paginæ loquuntur. Quæ quia facta cognovimus, jam nunc intelligamus audita; hæc autem prius legi poterant, sed quia necdum venerant, intelligi non valebant. Unde & per Johannem dicitur: *Vicit leo de tribu Juda aperire librum; & solvere signacula ejus.* Ipse enim librum aperuit, & signacula illius solvit, qui nascendo, moriendo, resurgendo, atque cælos ascendendo, Scripturæ sacræ nobis arcana patefacit. Et notandum, quod non dicitur, ambulabat per viam quæ ducit ad puteum, sed deambulabat. Deambulat quippe, qui viam per quam ambulat eundo, & redeundo conculcat. In humilitatem autem passionis Dominus deambulavit: quia modo a Judæis verborum contumelias, modo contra se falsum testimonium, modo alapas, modo sputa, modo spineam coronam, modo crucem tolerando sustinuit. Deambulasse ergo in humilitate passionis, est tot adversitates & probra diversis modis iterando pertulisse. Qui Isaac, Rebecca veniente, in terra australi habitat, quia unigenitus Dominus ac Redemptor noster veniente ad se Ecclesia in illorum mentibus mansit, quos ex Judæa editos non torporis frigus, sed fervor caritatis tenuit. Ex illo quippe populo Anna prophetissa, ex illo Simon exstitit, qui in ulnas Dominum accepit. Egressus autem fuerat ad meditandum in argo. Quia ager mundus accipitur, ipse per se Dominus exponit, dicens: *Ager autem est mundus.* Qui in hoc egressus est, quod visibilis apparere dignatus est, sicut scriptum est: *Existi in salutem populi tui, ut salvos facias christos tuos.* Solent autem exercitati juve-

*Apoc. 5. 5**Matth. 13. 38.**Habac. 3. 13.*

D d 2

nes,

a Multa hic corrupta restituimus ope mss. Michael.

nes, in armorum usum meditari. Isaac ergo ad meditandum in agro exit, quia Redemptor noster se sequentibus formam humilitatis præbens, per exercitium longanimitatis suæ passionis in se, & patientiæ exempla monstravit. Meditatio quippe armorum, est frequentatio passionum. Qui enim verba, manum, lanceam, crucem pertulit, passionem suam usque ad mortem in se frequentari permisi. Passiones vero arma dicimus, quia per ipsas ab adversario occulto liberamur, sicut per seipsum Dominus dicit: *In patientia vestra possidebitis animas vestras.* Qui ad meditandum in agro, inclinata jam die, exiit: quia passionum exercitia juxta finem mundi suscepit, sicut per Psalmistam de crucifixionis suæ expressione loquitur, dicens: *Elevatio manuum mearum sacrificium vespertinum.* Quid est autem quod Rebecca ad Isaac dorso cameli deducitur, nisi quod per Rebeccam, sicut præfati sumus, Ecclesia, & per camelum cui præsidet, tortus moribus atque onustus idolorum cultibus Gentilium populus designatur? Qui enim ex semetipsis sibi invenere deos quos coleret, quasi a semetipsis eis onus in dorso excreverat, quod portarent. Rebecca ergo ad Isaac veniens, dorso cameli deducitur: quia ad Christum ex gentilitate Ecclesia properans in tortis vitiosisque vitæ veteris conversationibus invenitur. Quæ ut vidit Isaac, de camelo descendit, quia sancta Ecclesia, quanto Redemptorem suum subtilius agnoscit, tanto carnalis vitæ studia humiliter deserit, atque in semetipsa fortitudinem vitiosam contradicit. Isaac igitur viso descendit, quia Domino cognito vitia sua gentilitas deseruit, & ab elatione celsitudinis ima humilitatis petiit. Quid est autem quod Isaac in camelo sedens Rebecca conspexit, nisi quod Re-

demptorem suum Ecclesia ex gentibus veniens, dum adhuc vitis esset, innixa, & necdum spiritualibus, sed animalibus moribus inhæreret, ascendit? Nec movere debet quod puer quoque cum camelis venerat, in quibus sui domini divitias ferebat: quia ipsi quoque prædicatores sancti, quamvis jam ad superiora intelligenda atque proferenda intellectu & vita micant, adhuc tamen in semetipsis contradictionem carnis sentiunt. Nam vident aliam legem in membris suis repugnantem legi mentis suæ, & captivum se ducentem in lege peccati. Et divitias in camelis portant: quia ne magnitudo revelationum extollat eos, datus est eis stimulus carnis suæ. Habent enim thesaurum istum in vasis fictilibus, ut sublimitas sit virtutis Dei, & non eorum. Qui ergo per carnem cœlestia loquuntur, & tamen adhuc in carne contradictionem de vitio sentiunt, quid aliud quam super tortuosa camelorum dorso divitias ferunt? Rebecca vero Isaac viso, quis ille homo sit, requisito puero, cognoscit: quia quotidie sancta Ecclesia adhuc Prophetarum atque Apostolorum dicta, quid de Redemptore suo credere debeat, intelligit. Quæ se mox pallio operuit, quia quanto subtilius Salvatoris sui mysteria penetrat, tanto altius de antea facta sua vita confunditur. Et quia perverse egerit, verecundatur, pallio se aperire curavit: quia viso Domino infirmitatem suæ actionis erubuit, & illa quæ prius in camelo libere gestabatur, descendens postmodum verecundia tegitur. Unde eidem Ecclesiæ a priore elatione conversæ per Apostolicam vocem quasi Rebecca de camelo descendenti sibi que pallium superducenti dicitur: *Quem enim fructum habuistis tunc in illis, in quibus nunc erubescitis?* Quam Isaac in tabernaculum suæ matris introducit, atque uxorem accipit: quia

Rom. 7.

1. Cor. 22.

Rom. 6. 21.

quia loco Synagogæ Dominus, ex qua per carnem natus est, sanctam Ecclesiam diligit, eamque sibi in amore & contemplatione conjungit: ut quæ prius proxima ex cognatione, eidem cognita per prædestinationem fuerat, postmodum jam conjuncta in amore continuo uxor fiat. Quam in tantum dilexit, ut dolorem qui ex morte matris accesserat, temperaret: quia ex lucro sanctæ Ecclesiæ Redemptor noster in eam, quæ ex perditione Synagogæ accidere potuit, tristitiam decessit. Dum enim Rebecæ conjungitur, dolor de matris morte amputatur, quia dum sancta Ecclesia ex Gentilitate veniens, usque ad thorum contemplationis perducitur, Judæa pro nihilo habetur. Quod si interpretari ipsa eorum nomina curamus, Isaac risus, Rebecca autem patientia, dicitur. Risus vero ex lætitia est, patientia autem de tribulatione. Et quamvis sancta Ecclesia jam in cœlestis sit gaudii contemplatione suspensa, habet tamen adhuc quod triste de mortalis carnis pondere toleret. Isaac vero & Rebecca junguntur, id est risus & patientia permiscentur: quia fit in sancta Ecclesia hoc quod scriptum est: *Spe gaudentes, in tribulatione patientes*, ut hanc & prospera de contemplatione lætificent, & adhuc adversa de tribulatione perturbent.

CAPUT LIV.

Gen. 25. 2. *Deprecatus est Isaac Dominum pro uxore sua, eo quod esset sterilis: qui exaudivit eum, & dedit conceptum Rebecca.*

cap. 8.

Dum de effectu prædestinationis tractaretur in codice Dialogorum lib. 1. adjunctum est: *deprecatus est Isaac Dominum pro uxore sua, &c.* Ea quæ sancti viri orando efficiunt, ita prædestinata sunt, ut precibus obtineantur. Nam ipsa quoque perennis regni prædestinatio ita est ab omnipotente Deo dis-

posita, ut ad hoc electi ex labore perveniant: quatenus postulando mereantur accipere, quod eis omnipotens Deus ante secula disposuit donare. Quod utrum ita sit, concite valet probari. Certe etenim novimus, quod ad Abraham Deus dixit: *In Isaac vocabitur tibi semen.* Cui etiam dixerat: *Patrem multarum Gentium constituite;* cui rursus promisit, dicens: *Benedicam te: et multiplicabo semen tuum sicut stellas cœli, et velut arenam quæ est in litore maris.* Ex qua re aperte constat, quia omnipotens Deus semen Abrahæ multiplicare per Isaac prædestinaverat, & tamen scriptum est: *Deprecatus est Isaac Dominum pro uxore sua, eo quod esset sterilis; qui exaudivit eum, et dedit conceptum Rebecca.* Si ergo multiplicatio generis Abrahæ per Isaac prædestinata fuit, cur conjugem sterilem accepit? Sed nimirum constat quia prædestinatio precibus impletur, quando Isaac in quo Deus multiplicari semen Abrahæ prædestinaverat, oratione obtinuit ut filios habere potuisset.

CAPUT LV.

Factus est Esau vir gnavus venandi, et homo agricola: Jacob autem vir simplex habitavit in tabernaculis, vel sicut in alia translatione dicitur, habitabat domi.

sep. septuag.

Cum de reproborum vitiis, & electorum profectibus tractaretur, in expos. B. Job., l. 5. adjunctum est: *Factus est Esau vir gnavus venandi, etc.* QUID enim per venationem Esau, nisi eorum vita figuratur, qui in exterioribus volupstatibus fusi carnem sequuntur? Qui etiam agricola esse describitur: quia amatores hujus seculi tanto magis exteriora colunt, quanto interiora sua inculta derelinquunt. Jacob vero simplex in tabernaculis vel in domo habitare perhibetur: quia nimirum omnes qui in curis exterioribus spargi refugiunt, simplices in

Gen. 21. 13.

Ibid. 17. 4.

Gen. 22. 17.

Num. 20.

cogitatione atque in conscientia suae habitatione consistunt. In tabernaculis enim, aut in domo habitare, est se intra mentis secreta restringere, & nequaquam exterius per desideria dissipare: ne dum ad multa foris inhiant, a semetipsis alienati cogitationibus recedant.

C A P U T LVII.

Gen. 25. 30.

De Esau, quod ad lenticulam primogenita sua fratri vendidit.

Num. 60. & 61.

CUM de refrenanda gula concupiscentia tractaretur, in expof. B. Job, lib. 30. adjunctum est: *De Esau, etc.* SCIENDUM est, quia quinque nos modis gula vitium tentat. Aliquando namque indigentiae tempora praevénit: aliquando vero tempus non praevénit, sed cibos lautiores quaerit: aliquando quaelibet sumenda sint, praeparari accuratius expetit: aliquando autem & qualilitati ciborum & temporis congruit, sed in ipsa quantitate sumendi mensuram moderatae refectiois excedit: nonnunquam vero & abjectius est quod desiderat, & tamen ipso aestu immensi desiderii deterius peccat. Quae vitiorum tempora melius ostendimus, si hoc exemplis evidentioribus approbemus. Mortis quippe sententiam patris ore Jonathas meruit; quia in gustu mellis constitutum edendi tempus anteceffit. Et ex Aegypto populus eductus in eremo occubuit: quia despecto mannae cibos carniū petiit, quos lautiores putavit. Et prima filiorum Heli culpa suborta est, quod ex eorum voto sacerdotis puer non antiquo more coctas vellet de sacrificio carnes accipere, sed crudas quaereret, quas accuratius exhiberet. Et cum ad Jerusalem dicitur: *Hac fuit iniquitas Sodomae sororis tuae, superbia, saturitas panis, et abundantia*, aperte ostenditur quod idcirco salutem per-

didit, quia cum superbiae vitio mensuram moderatae refectiois excessit. Hinc primogenitorum gloriam Esau amisit: quia magno aestu ^a vilem cibum, id est lenticulam concupivit, quam dum venditis etiam primogenitis praetulit, quo in illam appetitu anhelaret, indicavit. Neque enim cibus, sed appetitus in vitio est. Unde lautiores cibos plerumque sine culpa sumimus, & abjectiores non sine reatu conscientiae degustamus. Hic quippe quem diximus Esau, primatum per lenticulam vendidit, & Elias in eremo per virtutem spiritus carnes edendo servavit. Unde & antiquus hostis, quia non cibum, sed cibi concupiscentiam esse causam damnationis intelligit: & primum sibi hominem non carne, sed poma subdidit, & secundum non carne, sed pane tentavit. Hinc est quod plerumque Adae culpa committitur, etiam cum abjecta & vilia sumuntur. Neque enim Adam solus ut a vetito se poma suspenderet, praecipuum prohibitionis accepit. Nam cum alimenta quaedam salutis nostrae Deus contraria indicat: ab his nos quasi per sententiam vetat, & dum concupiscentes noxia attingimus, profecto quid aliud quam vetita degustamus? Ea itaque sumenda sunt, quae naturae necessitas quaerit, & non quae edendi libido fugerit, ^b ne si hoc moderata discretio minus caute prospexerit, in illicita se concupiscentiae quis voraginem vergat.

C A P U T LVIII.

De Isaac qui apud alienigenam gentem puteos fodit, quos Allophyli insidiantes humo implentes replent.

Gen. 26.

Exech. 16. 49.

Jerusalem dicitur: Hac fuit iniquitas Sodomae sororis tuae, superbia, saturitas panis, et abundantia, aperte ostenditur quod idcirco salutem per-

DUM de persistendo in bono opere, & cavendis ex hoc inimici subreptionibus tractaretur, in expof. B. Job, l. 31. adjunctum est:

Num. 53.

De

^a Corrupte editi, desiderabilem cibum.

^b Excusi, nisi hoc illicita se concupiscentia quis voraginem vergat, corrupto

sensu. In Utic. legitur: *illicita se concupiscentia quis voragine mergat.*

De Isaac qui apud alienigenam gentem puteos fodit, etc. QUID nobis per effossos ab Isaac puteos atque ab Allophylis repletos innuitur, nisi ut in hac peregrinationis ærumna positi, cogitationum nostrarum profunda penetremus; & quousque nobis veræ intelligentiæ aqua respondeat, nequaquam nostræ inquisitionis manus ab exhaurienda cordis terra torpescat? Quos tamen puteos Allophyli insidiantes replent: quia nimirum immundi spiritus cum nos studiose cor fodere conspiciunt, congestas nobis tentationum cogitationes ingerunt. Unde semper mens evacuanda est, incessanterque fodienda, ne si indiscussa relinquitur, usque ad tumorem perverforum operum, cogitationum super nos terra cumuletur. Unde & Ezech. 8. 8. ad Ezechielem dicitur: *Fillii hominis, fode parietem*, idest cordis duritiam crebris perscrutationum ictibus rumpe.

CAPUT LVIII.

Item unde supra.

Num. 23. IN exposit. Job libro decimo sexto. SÆPE dum eloquiis sacris intendimus, malorum spirituum insidias gravius toleramus: quia menti nostræ terrenarum cogitationum pulverem aspergunt, ut intentionis nostræ oculos a luce intimæ visionis obscurent. Quod etiam in Isaac opere, Allophylorum pravitæ cognoscimus designari, qui puteos quos Isaac foderat, terræ congerie replebant. Hos enim nos nimirum puteos fodimus, cum in Scripturæ sacræ abditis sensibus alta penetramus: quos tamen occulte replent Allophyli, quando nobis ad alta tendentibus immundi spiritus terrenas cogitationes ingerunt, & quasi inventam divinæ scientiæ aquam tollunt. Quod nimirum Psalmista pertulerat cum dicebat: *Declinate a me maligni, et scrutabor mandata Dei mei*: videlicet patenter insinuans, quia mandata Dei perscrutari non pote-

rat, cum malignorum spirituum insidias in mente tolerabat.

CAPUT LIX.

De benedictionibus Jacob, & Esau. Gen. 27. v. 27. & 28.

Num. 2. & 129. CUM de mysteriis benedictionum Jacob & Esau tractaretur, in comment. Ezech. lib. 1. hom. 6 adjunctum est: QUIS namque parvulorum in facto Esau & Jacob, quod alter ad venatum mittitur, ut benedicatur, alter vero per suppositionem matris a patre benedicatur, nisi juxta sacræ lectionis historiam pascitur? In qua videlicet historia si ad intellectum paulo subtilius astringatur, videtur quia Jacob primogeniti benedictionem non per fraudem subripuit, sed ut sibi debitam accepit, quam concedente fratre de lentis mercede comparavit. At vero si quis altius sentiens utrorumque facta velit per allegoriæ arcana discutere, protinus ab historia in mysterium surgit. Quid est enim quod Isaac de majoris filii sui venatione vesci concupiscit, nisi quod omnipotens Deus Judaici populi bona operatione pasci desiderabat? Sed illo tardante, minorem Rebecca supposuit: quia dum Judaicus populus bona opera foris quærit, Gentilem populum mater gratia instruxit, ut omnipotenti Patri cibum boni operis offerret, & benedictionem majoris fratris acciperet, qui eisdem cibos ex domesticis animalibus præbuit: quia Gentilis populus placere Deo de exterioribus sacrificiis non quærens, per vocem Prophetæ dicit: *In me sunt, Deus, vota tua, quæ reddam laudationes tibi*. Psal. 55. 12. Quid est quod idem Jacob manus ac brachia & collum hœdinis pellibus texit; nisi quod hœdus pro peccato offerri consuevit? Et Gentilis populus dum se peccatorem confiteri non erubescit, carnis in se peccata mactavit. Quid est quod vestimentis fratris majoris induitur; nisi quod Sacræ Scripturæ præceptis, quæ ma-

jori populo data fuerant, in bona operatione vestitus est? & eis minor in domo utitur, quæ major foras exiens intus reliquit: quia ille Gentilis populus præcepta tenet in mente, quæ Judaicus populus habere non potuit, dum solam in eis litteram attendit. Et quid est, quod Isaac eundem filium nescit, quem benedicit; nisi hoc quod de Gentili populo Dominus per Psalmistam dicit: *Populus, quem non cognovi, servivit mihi: ob auditum auris obedivit mihi*. Quid est quod præsentem non videt, & tamen quæ in futuro venient, videt; nisi quod omnipotens Deus cum per Prophetas suos prædiceret Gentilitati gratiam prærogandam, eam & in præsentem per gratiam non vidit, quia tunc in errore dereliquit, & tamen quia hanc quandoque collecturus erat benedictionis gratiam, prævidit? Unde & idem Jacob Gentilis populi figuram tenet, eique in benedictione dicitur: *Ecce odor filii mei sicut odor agri pleni cui benedixit Dominus*. Sicut enim in Evangelio Veritas dicit: *Ager est hic mundus; & quia Gentilis populus ad fidem perductus, per electos suos in universo mundo virtutibus redolet: odor filii, odor est agri pleni*. Aliter namque olet flos uvæ: quia magna est virtus, & opinio prædicatorum, qui inebriant mentes audientium. Aliter flos olivæ: quia suave est opus misericordiæ, quod more olei refovet & lucet. Aliter flos rosæ: quia mira est fragrantia quæ rutilat & redolet ex cruore Martyrum. Aliter flos lilii: quia candida vita carnis est de incorruptione virginitatis. Aliter flos violæ: quia magna est virtus humilium, qui ex desiderio loca ultima tenentes, se per humilitatem a terra in altum non sublevant, & cœlestis regni purpuram in mente servant. Aliter redolet spica cum ad maturitatem perducitur,

quia bonorum operum perfectio ad satietatem eorum, qui iustitiam esuriunt, præparatur. Quia ergo Gentilis populus in electis suis ubique per mundum sparsus est, & ex eis virtutibus quas agit, omnes qui intelligunt odore bonæ opinionis replet, dicatur recte: *Ecce odor filii mei sicut odor agri pleni*. Sed quia easdem virtutes ex semetipso non habet, adjungit: *Cui benedixit Dominus Deus*. Et quoniam electorum populos per quosdam etiam in contemplationem surgit, per quosdam vero in activæ vitæ solummodo opere pinguescit, recte illic additur: *Det tibi Deus de rore cæli, & de pinguedine terræ*. Ros enim desuper subtiliter cadit, & toties de rore cæli accipimus, quoties per infusionem contemplationis intimæ de supernis aliquid tenuiter videmus. Cum vero bona opera etiam per corpus agimus, de terræ pinguedine ditamur. Quid est autem quod Esau tarde ad patrem redit, nisi quod Judaicus populus ad placandum Dominum sero revertitur? cui & hoc in benedictione dicitur: *Tempusque erit cum solvatur jugum de collo tuo: quia a servitute peccati Judaicus populus in fine liberabitur, sicut scriptum est: Donec plenitudo gentium introiret, & sic omnis Israel salvus fieret*.

C A P U T LX.

De Isaac qui caligantibus oculis, dum Jacob filium suum nesciens benediceret, quæ in futuro ventura erant, prævidebat; & qui coram eo præsens assisteret, nesciebat.

DUM de ignorantia Judæorum & Redemptoris nostri præsentia tractaretur, in expof. B. Job. l. 35. adjunctum est: *De Isaac qui caligantibus oculis, &c.* LIQUIDO constat quod nullus Judæorum qui plene Legem didicit, adventum Redemptoris nostri ignoravit. Unde & Herodes rex, Magorum occurrione per-

Psalm. 17, 23.

Gen. 27. 27.

Matth. 13. 38.

Gen. 27. 28.

Gen. 27. 40.

Rom. 11. 25.

Gen. 27. v. 27
10. 31.

Num. 26.

Matth. 2. 6.

Num. 26.

perterritus, sacerdotes ac principes studuit solerter inquirere, ubi Christum nasciturum esse præscirent. Cui protinus responderunt: *In Bethlehem Judæ*. Prius ergo noverunt, quem passionis tempore dum despicere, ignorabant. Quorum & notitia prior, & ignorantia posterior, bene ac breviter Isaac caligantibus oculis signatur: qui dum Jacob benediceret, & quid eveniret in futuro prævidebat, & quis illi præsens assisteret, nesciebat. Sic quippe Israelitarum populus fuit, qui prophetiæ mysteria accepit, sed tamen cæcos oculos in contemplatione tenuit: quia eum præsentem non vidit, de quo multa in futuro prævidit. Ante se enim positum nequaquam cernere valuit, cujus adventus potentiam longe ante nuntiavit.

CAPUT LXI.

Gen. 28. 11.

Igitur egressus Jacob de Bersabee pergebat Aram, cumque venisset ad quemdam locum, & vellet in eo requiescere post solis occubitum, tulit de lapidibus qui jacebant, & supponens capiti suo dormivit in eodem loco: viditque in somnis scalam stantem super terram, & cacumen illius tangens cælos; Angelos quoque ascendentes & descendentes super eam, & Dominum innixum scale.

Num. 54.

DUM de doctorum ad auditores suos condescensione tractaretur in expos. B. Iob, l. 5. adjunctum est; *Igitur egressus Jacob de Bersabee pergebat Aram, &c.* In itinere quippe dormire, est in hoc præsentis vitæ transitu a rerum temporalium amore quiescere. In itinere dormire, est in dierum labentium cursu ab appetitu visibilium mentis oculos claudere, quos primis hominibus seductor aperuit, qui dixit: *Scit enim*

Gen. 3. 5.

Deus quia in quacumque die comederitis ex eo, aperientur oculi vestri.

Ibid. v. 9.

Unde & paulo post subditur: Tulit

Tom. XIV.

*de fructu illius & comedit, & aperti sunt oculi amborum. Culpa quippe oculos concupiscentiæ aperuit, quos innocentia clausos tenebat. Angelos vero ascendentes & descendentes cernere, est cives supernæ patriæ contemplari vel quanto amore auctori suo super semetipsos transcendendo inhæreant, vel quanta compassione caritatis nostris infirmitatibus condescendant. Et notandum valde est, quod ille dormiens Angelos conspicit, qui in lapide caput ponit. Quia nimirum ipse ab exterioribus operibus cessans æterna penetrat, qui intenta mente, quæ principale est hominis, imitationem sui Redemptoris observat. Caput quippe in lapide ponere, est mente Christo inhærere. Qui enim a præsentis vitæ actione remoti sunt, sed ad superna nullo amore rapiuntur, dormire possunt, sed videre Angelos nequeunt: quia caput in lapide tenere contemnunt. Sunt namque nonnulli, qui mundi quidem actiones fugiunt, sed nullis virtutibus exercentur. Hi nimirum torpore non studio dormiunt, & idcirco interna non conspiciunt: quia caput non in lapide, sed in terra posuerunt. Quibus plerumque contingit, ut quanto securius ab externis actionibus cessant, tanto latius immundæ in se cogitationis strepitum per otium congerant. Unde sub Judææ specie, per Prophetam torpens otio anima defletur, cum dicitur: *Viderunt eam hostes, & deriserunt Sabbata ejus.* Præcepto enim Legis ab exteriori opere in Sabbato cessatur. Hostes ergo videntes Sabbata irrident, cum maligni spiritus ipsa vocationis otia ad cogitationes illicitas pertrahunt: ut unaquæque anima, quo remota ab externis actionibus Deo servire creditur, eo magis eorum tyrannidi illicita cogitando famuletur. Sancti autem viri, qui a mundi operibus non torpore*

Throc. 5. 7.

E c

sed

sed virtute sopiuntur; laboriosius dormiunt quam vigilare potuerunt: quia in eo quod actiones hujus seculi deferentes superant, robusto conflictu quotidie contra semetipsos pugnant: ne mens per negligentiam torpeat, ne subacta otio per desideria immunda refrigescat: ne ipsis bonis desideriis plus justo inferveat, ne sub discretionis specie sibi met parcendo a perfectione languescat. Agit hæc, & ab hujus mundi inquieti concupiscentia se penitus subtrahit, ac terrenarum actionum strepitum deserit, & per quietis studium virtutibus intenta vigilans dormit. Neque enim ad contemplanda interna perducitur, nisi ab his, quæ exterius impleant, studiose subtrahatur. Hinc est enim quod per semetipsam Veritas dicit: *Nemo potest duobus dominis servire*. Hinc Paulus ait: *Nemo militans Deo, implicat se negotiis secularibus; ut ei placeat, cui se probavit*. Hinc per Prophetam Dominus admonet, dicens: *Vacate & videte, quoniam ego sum Dominus*.

CAPUT LXII.

Item unde supra.

Epist. olim
24. nunc 25.

a

IN ep. Ex regi. l. i. ^a **Q**UID per Jacob, nisi prædicatorum persona designatur? Prædicatores quippe perfecti, solum sursum caput Ecclesiæ, videlicet Dominum contemplando appetunt, sed deorsum quoque ad membra illius miserando descendunt. Quod videlicet Angeli ascendentes demonstrant. Unde & Moyses crebro tabernaculum intrat & exit, & quod intus in contemplationem rapitur, foris infirmitatum negotiis urgetur. Intus Dei arcana considerat, foris onera carnalium portat. Qui de rebus quoque dubius semper ad tabernaculum recurrit, coram testamenti arca Do-

minum consulit: exemplum procul dubio Rectoribus præbens, ut cum foris ambigunt quid disponant, ad mentem semper quasi ad tabernaculum redeant; & velut coram testamenti arca Dominum consulant, si de his de quibus dubitant apud semetipsos, intus sacri eloquii paginam requirant.

CAPUT LXIII.

De Lia & Rachel; & quod Jacob pro Rachel serviens prius *Gen. 29. 24. 25.*

Liam accepit.

CUM de contemplativa activaque vita tractaretur in Ezech. l. 2. hom. 2. adjunctum est: *De Lia, & Rachel, &c.* ^b **Q**UIDNAM his duabus Jacob uxoribus Lia videlicet & Rachel, nisi activa & contemplativa vita signatur? Lia quippe interpretatur laboriosa: Rachel vero ovis, vel visum principium. Activa autem vita laboriosa est, quia defudat in opere: contemplativa vero simplex ad solum videndum principium anhelat, videlicet ipsum qui ait: *Ego sum principium, propter quod & loquor vobis*. Beatus autem Jacob *Num. 10. b* Rachel quidem concupierat, sed in nocte accepit Liam; quia videlicet omnis qui ad Dominum convertitur, contemplativam vitam desiderat, quietem æternæ patriæ appetit. Sed prius necesse est ut in nocte vitæ præsentis operetur bona, quæ potest; defudet in labore, id est Liam accipiat, ut post ad videndum principium in Rachel amplexibus requiescat. Erat autem Rachel videns & sterilis, Lia autem lippa sed fecunda: quia nimirum mens cum contemplando otia appetit, plus videt, sed minus filios Deo generat: cum vero ad laborem se prædicationis dirigit, minus videt, sed amplius parit. Contemplativa vero vita speciosa est in animo, sed dum quie-

Johan. 8. 25.

^a In Utic. subricetur unde hæc descripta. In Michael. vero assignatur l. 5. in expof. Job.

^b Si credimus ms. Michael. excerpta sunt ista ex l. 6. in Job.

quiescere in silentio appetit, filios non generat ex prædicatione. Videt, & non parit: quia quietis suæ studio minus se in aliorum collectione succendit, & quantum introrsum aspicit, aperire aliis prædicando non sufficit. Lix vero lippa & secunda est: quia activa vita, dum occupatur in opere, minus videt, sed dum modo per verbum, modo per exemplum ad imitationem suam proximos accendit, multos in bono opere filios generat. Et si in contemplatione mentem tenere non valet, ex eo tamen quod agit exterius, gignere sequaces valet. Post Lix ergo complexum ad Rachelem Jacob pervenit: quia perfectus quisque ante activæ vitæ ad secunditatem jungitur, & post contemplativæ ad requiem copulatur.

CAPUT LXIV.

Gen. 30. 37. *Tollens Jacob virgas populeas virides & amygdalinas & ex platanis,*

ex parte decorticavit eas, detrahitque corticibus, in his quæ exspoliata fuerant candor apparuit: Illa vero quæ integra erant, viridia permanserunt, atque in hunc modum color effectus est varius. Posuitque eas in canalibus, in quibus effundebatur aqua, ut cum venissent greges ad bibendum, ante oculos haberent virgas, & in aspectu earum conciperent. Factumque est ut ipso calore coitus oves intuerentur virgas, & parerent maculosa & varia, & diverso colore respersa.

Num. I.

CUM de perscrutandis allegoriis in historia tractaretur, in expos. B. Job, lib. 21. adjunctum est: *Tollens Jacob virgas populeas virides, &c.* INTELLECTUS sacri eloquii inter textum & mysterium tanta est libratione pensandus, ut utriusque partis lance moderata, hunc neque nimix discussionis pondus deprimat, neque rursus torpor incuriæ vacuum relinquat. Multæ quippe ejus sen-

tentiæ tanta allego-
ne sunt gravidæ, ut quisque eas ad
solam tenere historiam nititur, earum
notitia per suam incuriam pri-
vetur. Nonnullæ vero ita exterioribus
præceptis inserviunt, ut si quis
eas subtilius penetrare desiderat, in-
tus quidem nihil inveniat, sed hoc
sibi etiam quod foris loquuntur ab-
scondat: unde quoque bene narra-
tione historica per significationem
dicitur: *Tollens Jacob virgas populeas
virides & amygdalinas & ex platanis;*
ex parte decorticavit eas, & re-
liqua. Quid est virgas virides & a-
mygdalinas atque ex platanis ante
oculos gregum ponere, nisi per Scri-
pturæ sacræ seriem antiquorum pa-
trum vitas atque sententias in exem-
plum populi præbere? Quæ nimirum
quia juxta rationis examen rectæ
sunt, virgæ nominantur. Quibus &
ex parte corticem subtrahit, ut in
his quæ exspoliantur intimus candor
appareat; & ex parte corticem ser-
vat, ut sicut fuerant exterius, in
viriditate permaneant: variusque vir-
garum color efficitur, dum cortex
& ex parte subtrahitur, & ex parte
retinetur. Ante considerationis enim
nostræ oculos præcedentium patrum
sententiæ quasi virgæ variæ ponun-
tur: in quibus dum plerumque in-
tellectum litteræ fugimus, quasi cor-
ticem subtrahimus; & dum plerum-
que intellectum litteræ sequimur,
quasi corticem servamus. Dumque ab
ipsis cortex litteræ subducitur, al-
legoriæ candor interior demonstratur:
& dum cortex relinquitur, exteriora
intelligentiæ virentia exempla
monstrantur. Quas bene Jacob in a-
quæ canalibus posuit: quia & Redem-
tor noster in libris ea sacræ scientiæ,
quibus nos intrinsecus infundimur,
fixit. Has aspicientes arietes
cum ovibus coeunt: quia rationales
nostri spiritus, dum in earum inten-
tione defixi sunt, singulis quibusque
actionibus permiscuntur, ut tales fe-

tus operum pōcreent, qualia exempla præcedentium in vocibus præceptorum vident, & diversum colorem proles boni operis habeat: quia & nonnunquam substracto litteræ cortice acutius interna considerat, & reservato nonnunquam historiæ tegmine bona in exterioribus format.

CAPUT LXV.

Gen. 31. 2. De Laban qui persequens cum furore Jacob, sua apud eum idola requisiuit.

Num. 72.

Cum de diaboli tentationibus, & Ecclesiæ virtutibus tractaretur, in expos. B. Job, l. 30. adjunctum est: *De Laban qui persequens cum furore Jacob, &c.* LABAN quippe interpretatur dealbatio: dealbatio autem diabolus non inconvenienter accipitur, qui cum sit tenebrosus ex merito, transfigurat se in Angelum lucis. Huic servivit Jacob, id est ex parte reproborum Judaicus populus, ex cujus carne incarnatus Dominus venit. Potest etiam per Laban mundus hic exprimi, qui cum furore Jacob persequitur: quia electos quoque, qui Redemptoris nostri membra sunt, persequendo opprimere conatur. Hujus filiam, id est sive mundi sive diaboli, Jacob abstulit, cum sibi Christus Ecclesiam ex Gentilitate conjunxit: quam & de domo patris abstulit, qui ei per Prophetam dicit: *Obliviscere populum tuum, & domum patris tui.* Quid vero in idolis, nisi avaritia designatur? unde & per Paulum dicitur: *Et avaritia, quæ est idolorum servitus.* Laban ergo veniens apud Jacob idola non invenit: quia ostensis mundi thesauris, diabolus in Redemptore nostro vestigia concupiscentiæ terrenæ non reperit. Sed quæ Jacob non habuit, ea Rachel sedendo cooperuit. Per Rachel quippe quæ & ovis dicitur, Ecclesia figuratur. Sedere autem, est humilitatem pœnitentiæ appetere, sicut scriptum est: *Surgite postquam sederitis.* Rachel

Psal. 44. 32.

Colos. 3. 5.

Is. 12. 2. Surgite postquam sederitis. Rachel

ergo idola sedendo operuit: quia sancta Ecclesia Christum sequens terrenæ concupiscentiæ vitia pœnitendo texit. De hac coopertione vitiorum per Prophetam dicitur: *Beati quorum remissa sunt iniquitates, & quorum tecta sunt peccata.* Nos igitur Rachel illa signavit, qui idola sedendo premimus, si culpas avaritiæ pœnitendo damnamus. Quæ utique avaritia illis non solet evenire, qui in via Domini viriliter currunt; quibus dicitur: *Viriliter agite, & confortetur cor vestrum:* sed his maxime qui quasi effeminato gressu gradientes, per blandimenta seculi resolvuntur; unde & illic ejusdem Rachelis hæc verba sunt: *Juxta consuetudinem feminarum nunc accidit mihi.* Apud Jacob ergo idola Laban non reperit: quia exactor callidus quid in Redemptore nostro reprehenderet non invenit.

CAPUT LXVI.

De luctatione Jacob cum Angelo. Gen. 32. 40.

Dum de virtute & utilitate contemplationis tractaretur, in comment. Ezech. l. 2. hom. 2. adjunctum est: *De luctatione Jacob cum Angelo.* MAGNA est in contemplativa vita mentis contentio, cum se se ad cœlestia erigit, cum in rebus spiritualibus animum tendit, cum transgredi nititur omne quod corporaliter videtur, cum se se angustat, ut dilatet. Et aliquando quidem vincit, & reluctantes tenebras suæ cæcitatatis exsuperat: ut de incircumscripto lumine quiddam furtim & tenuiter attingat. Sed tamen ad semetipsam protinus reverberata revertitur, atque ab ea luce, ad quam respirando transit, ad suæ cæcitatatis tenebras suspirando atque lamentando redit. Quod bene sacra historia designat, quæ beatum Jacob cum Angelo luctatum narrat. Cum enim ad parentes proprios rediret, in via Angelum invenit, cum quo in lucta magnum certamen habuit. Is enim

Num. 12.

nim

nim qui cernat in luctamine, aliquando superiorem se, aliquando vero eum, cum quo contendit, inferiorem invenit. Designat ergo Angelus Deum, & Jacob qui cum Angelo contendit, uniuscujusque perfecti viri & in contemplatione positi animam exprimit: quia videlicet anima, cum contemplari Deum nititur, velut in quodam certamine posita, modo quasi exsuperat, quia intelligendo & sentiendo de incircumscripto lumine aliquid degustat: modo vero succumbit, quia & degustando iterum deficit. Quasi ergo vincitur Angelus, quando intellectu intimo apprehenditur Deus. Sed notandum quod idem victus Angelus nervum femoris Jacob tetigit, eumque marcescere statim fecit, atque ab eo tempore Jacob uno claudicavit pede: qui scilicet omnipotens Deus cum jam per desiderium & intellectum cognoscitur, omnem in nobis voluptatem carnis arefacit. Et qui prius quasi duobus pedibus innitentes, & Deum videbamus querere & seculum tenere, post agnitionem suavitatis Dei, unus in nobis pes sanus remanet, atque alius claudicat: quia videlicet necesse est ut debilitato amore seculi, solus in nobis amor convalescat Dei. Si ergo tenemus Angelum, uno claudicamus pede: quia dum crescit in nobis fortitudo amoris intimi, infirmatur proculdubio fortitudo carnis. Omnis quippe qui uno pede claudicat, soli illi pedi innititur, quem sanum habet: quia & si cui desiderium terrenum jam arefactum fuerit, in solo pede amoris Dei tota virtute se sustinet, & in ipso stat: quia pedem amoris seculi quem ponere in terra consueverat, jam a terra suspensum portat. Et nos ergo, si ad parentes proprios, id est ad spirituales patres redimus, teneamus in via Angelum, ut suavitate intima

apprehendamus Deum. Contemplativæ etenim vitæ amabilis valde dulcedo est, quæ super semetipsum animum rapit, cœlestia appetit, terrena autem debere esse contemptui ostendit, & spiritualia mentis oculis patefacit, corporalia abscondit. Unde bene Ecclesia in Canticis canticorum dicit: *Ego dormio, & cor meum vigilat*. Vigilanti etenim corde dormit, qui per hoc quod interiorius contemplando proficit, a pravo foris opere quiescit.

CAPUT LXVII.

Item unde supra.

IN Expositione beati Job, lib. 4.^o **J**ACOB qui Angelum tenuit, uno pede mox claudicavit: quia qui vero amore sublimia respicit, jam in hoc mundo duplicibus incedere desideriis nescit. Uno enim pede innititur, qui solo amore Dei roboratur. Et necesse est, ut alius marcescat: quia mentis virtute crescente, oportet proculdubio ut carnis fortitudo torpescat. Unde & Propheta cum visionem Dei conspexisset se diceret, adjungit: *Elangui & ægrotavi per dies plurimos*: quia cum ad virtutem Dei mens stringitur, a fortitudine propria caro lassatur.

CAPUT LXVIII.

Vidi Dominum facie ad faciem, & salva facta est anima mea. Gen. 32. 306

DUM de visione Dei qualiter intelligenda sit tractaretur, in expof. B. Job, l. 24. adjunctum est: *Vidi Dominum facie ad faciem, &c.* **D**UM ipsa per se Veritas dicit: *Nemo vidit faciem meam umquam*, quomodo Jacob testatur, dicens: *Vidi Dominum facie ad faciem*? Humanæ etenim mentis oculo interiori purgato, dum vitiorum omnium tribulationis igne ærugo fuerit concremata, tunc mundatis oculis cordis, illa lætitia patriæ cœlestis aperitur: ut prius purgemus lugendo quod fecimus, & postmodum manifestius

Cant. 5. 2.

Num. 67.

2

Daz. 8. 27.

Num. 11. 12.

Exod. 33. 23.

con.

contemblemur per gaudia, quod quæramus. Prius a mentis acie, exuriente tristitia, interposita malorum caligo detergitur, & tunc resplendente raptim coruscatione incircumscripti luminis illustratur. Quo utcumque conspecto, in gaudium cuiusdam securitatis absorbetur, & quasi post defectum vitæ præsentis ultra se rapta aliquo modo in quadam novitate vitæ recreatur. Ibi mens ex immenso fonte infusione superni roris aspergitur, ubi non se sufficere ad id quod rapta est contemplatur, & veritatem sentiendo, videt, quia quanta est ipsa veritas non videt. Cui veritati tanto magis se longe existimat, quanto magis appropinquat: quia nisi illam utcumque conspiceret, nequaquam eam conspiciere se non posse sentiret. Adnissus ergo animi dum in illam intenditur, immensitatis ejus coruscante circumstantia reverberatur. Ipsa quippe cuncta implens, cuncta circumstat: & idcirco mens nostra nequaquam se ad comprehendendam incircumscriptam substantiam dilatat, quia eam inopia suæ circumscriptio- nis angustat. Unde & ad semetipsam citius labitur, & prospectis quasi quibusdam veritatis vestigiis ad sua ima revocatur. Hæc ipsa tamen per contemplationem facta, non solida & permanens visio, sed ut ita dixerim, quasi quædam visionis imitatio Dei facies dicitur. Quia enim per faciem quemlibet cognoscimus, non immerito cognitionem Dei faciem ejus vocamus. Hinc ergo Jacob postquam cum Angelo luctatus est, ait: *Vidi Dominum facie ad faciem*, ac fidiceret: Cognovi Dominum, quia me cognoscere ipse dignatus est. Quam cognitionem plenissime fieri Paulus in fine testatur, dicens: *Tum cognoscam sicut & cognitus sum.*

CAPUT LXIX.

Gen. 34. 1. *Egressa est Dina, ut videret mulieres regionis illius; quam cum videret*
2. & 3.

Sichem filius Emor Ewei, princeps terræ illius, adamavit, & rapuit; et dormivit cum illa, vi opprimens virginem; et conglutinata est anima ejus cum ea tristemque blanditiis delinivit.

CUM de cavenda mentis vagatio- ^{3 part. c. 29.}
ne tractaretur, in codice Re- ^{Adm. 30.}
gulæ Pastoralis, adjunctum est: *Egressa est Dina, etc.* DINA, ut mulieres videat alienæ regionis, egreditur, quando unaquæque mens sua studia negligens, actiones alienas curans, extra habitum atque extra ordinem proprium vagatur. Quam Sichem princeps terræ opprimit, quia videlicet inventam in curis exterioribus diabolus corrumpit. Et conglutinata est anima ejus cum ea: quia unitam sibi per iniquitatem respicit. Et quia cum mens a culpa resipiscere atque admissum flere conatur, corruptor autem spes ac securitates vacuas ante oculos revocat, quatenus utilitatem tristitiæ subtrahat, recte illic adjungitur: *Tristemque blanditiis delinivit.* Modo enim aliorum facta graviora, modo nihil esse quod perpetratum est, modo misericordem Dominum loquitur, modo adhuc tempus subsequens ad pœnitentiam pollicetur: ut dum per hæc decepta mens ducitur, ab intentione pœnitentiæ suspendatur; quatenus tunc bona nulla percipiat, quam nunc mala nulla contristant: & tunc plenius obruatur suppliciis, quæ nunc etiam gaudet in delictis.

CAPUT LXX.

De talari tunica Joseph.

CUM de perseverando in bono opere tractaretur, in expof. ^{Gen. 37. 24.}
B. Job, l. 1. adjunctum est: *De talari tunica Joseph.* JOSEPH qui inter fratres undecim usque ad finem justus perseverasse describitur, solus talaris tunicam habuisse perhibetur. Quid est ergo talaris tunica, nisi actio consummata? quasi enim protensa tunica talum corpori ope- ^{Num. 55.}
rit,

Exod. 29. &
Levit. 3.

rit, cum bona actio ante Dei oculos usque ad vitam nos terminum tegit. Unde & per Moysen cauda bestiae in altari offerri praecipitur, ut videlicet omne bonum cum incipimus, etiam perseveranti sine compleamus.

C A P U T LXXI.

Gen. 37. 7.

Ecce somniator noster venit; venite occidamus eum, & videamus quid illi proderunt somnia sua.

Num. 22.
& 29.

Dum de perversis cogitationibus reprobarum mentium, contra dispositionis internae praescientiam tractaretur, in expos. B. Job, l. 6. adjunctum est: *Ecce somniator noster venit, &c.* SAepe nonnulli humana sapientia inflati, dum desideriis suis divina iudicia contraire conspiciunt, astutis eis reluctari machinationibus conantur, & quo ad votum suum vim supernae dispositionis intorqueant, callidis cogitationibus insistant, subtiliora consilia exquirunt. Sed inde voluntatem Dei peragunt, unde hanc immutare contendunt; atque omnipotentis Dei consilio dum resistere nituntur, obsequuntur: quia saepe & hoc ejus dispositioni apte militat, quod ei per humanum studium frivole res-

Job 5. 13.

sultant, sicut scriptum est: *Qui comprehendit sapientes in astutia eorum.* In astutia namque sua sapientes comprehendit, quando ejus consiliis humana facta, etiam tunc congrue serviunt cum resistunt. Unde & per

Psal. 93. 11.

Psalmistam dicitur: *Novit Dominus cogitationes hominum, quoniam vanae sunt.* Quod melius ostendimus, si pauca ad medium gestarum rerum exempla proferamus. Joseph somnium viderat, quod suo manipulo fratrum ejus se manipuli prosternebant: somnium viderat quod sol ac luna se cum reliquis stellis adorabant. Quae quia pure fratribus retulit, eorum corda protinus futurae damnationis invidia pavorque percussit. Cumque ad se hunc venire

conspicerent, malitia saeviente dixerunt: *Ecce somniator ille venit; venite occidamus eum, & videamus quid illi proderunt somnia sua.* Cumque se ejus dominio subijci metuunt, somniatorem in puteum deponunt, eumque Ismaelitis transeuntibus vendunt. Qui in Aegypto ductus, servituti subditus, luxuriae accusatione damnatus, castitatis merito adjutus, Prophetiae iudicio ereptus, omni Aegypto praelatus est: per supernam vero sapientiam providus, frumenta congeffit, & futuro periculo necessitatis obviavit. Cumque in orbem fames inhorruit, de alimentorum praeparatione sollicitus, Jacob filios in Aegyptum misit, qui frumentorum dispensationi praepositum Joseph nescientes inveniunt, atque ut mererentur alimenta percipere, ejus dispensatorem compulsi sunt, pronis in terram cervicibus, adorare. Pensamus ergo quomodo cogitationes hominum in ipsa sua provisione vis divina comprehendat. Ideo ab eis Joseph venditus fuerat, ne adoraretur: sed ideo est adoratus, quia venditus. Astute namque aliquid agere ausi sunt, ut Dei consilium mutaretur: sed divino iudicio, quod declinare conati sunt, renitendo servierunt. Inde quippe coacti sunt Dei voluntatem peragere, unde hanc moliti sunt astute commutare. Sic sic divinum consilium dum devitatur, impletur: Sic humana sapientia dum reluctatur, comprehenditur. Timuerunt fratres ne Joseph super eos excresceret: sed hoc quod divinitus dispositum fuerat, cavendo actum est ut eveniret. Humana ergo sapientia in seipsa comprehensa est, quae voluntati Dei unde per intentionem restitit, inde ejus impletioni militavit. Sic Saul dum David subjectum quotidiano succrescere virtutum successu conspiceret, suam ei in conjugium filiam sponpondit, atque in ejus dotem

centum dari ab eo Philistinorum præputia petiit, ut cum provocatus miles, ultra se excrefcere quæret, inimicorum gladiis traditus vitam finiret, sicut scriptum est: *Non habet necesse rex sponsalia, nisi tantum centum præputia Philistinorum, ut fiat ultio de inimicis regis*. Porro Saul cogitabat tradere David in manus Philistinorum, sed David dispositionis intimæ favore roboratus, centum se dare perhibuit, & ducenta præputia reprobat. Cujus nimium operis Saul argumento superatus, superna providentia in sapientiæ suæ est consilio comprehensus: quia unde succrescentis militis vitam se extinguere credidit, virtutis ejus gloriam inde cumulavit. Sed quia nonnunquam astute se aliquid sapere etiam electi moluntur, libet ad medium alium sapientem deducere, & quo sinu interni consilii astutia mortalium comprehenditur, demonstrare. Prudenter quippe Jonas sapere voluit, cum ad prædicandam Ninivitarum pœnitentiam missus: quia electis Gentibus Judæam deferi timuit, prædicationis officium implere recusavit, navem petiit, fugere Tharsis elegit; sed protinus tempestas exoritur, fors mittitur, ut videlicet cognoscatur, cujus culpa mare turbetur. Jonas in culpa deprehenditur, in profundum mergitur, Ceto sorbente devoratur, atque illuc gestante bellua pervenit, quo ire sponte contempsit. Ecce fugitivum Dei tempestas invenit, fors ligat, mare suscipit, bellua includit: & quia auctoris voci obedire renittitur, ad locum quo missus fuerat, suo reus carcere portatur. Jubente Deo ministrare homo prophetiam noluit, aspirante Deo bellua Prophetam vomuit. Intorquet ergo Deus prudentiam hominum ad ministerium suum, quando & hoc in usum suæ voluntatis redigit, per quod sibi voluntas humana contradicit. Per-

scrutemur adhuc Hebræorum sapientiam, & videamus quid providendo, aut quid prohibendo provocavit. Certe cum ad Redemptoris nostri miracula credentium turba conflueret, cum sacerdotes populi invidiæ facibus accensi mundum post eum ire cernerent, & proclamarent, dicentes: *Videtur quia nihil proficimus; ecce mundus totus post eum abiit*; ut ab illo vim tantæ concursionis abscinderent, finire ejus potentiam morte conati sunt, dicentes: *Expedit ut unus homo moriatur, & non tota gens pereat*: sed Redemptoris mors ad conjunctionem sui corporis, id est Ecclesiæ valuit, non ad separationem. Redegit ergo & hoc ad pietatis suæ obsequium, quod contra illum humana crudelitas exarsit. Justus namque & misericors mortalium acta disponens, alia concedit propitius, alia permittit iratus; atque ea quæ permittit, sic tolerat, ut hæc in sui consilii usum vertat. Unde miro modo fit, ut & quod sine voluntate Dei agitur, voluntati Dei contrarium non sit: quia dum in bonum usum mala facta vertuntur, ejus consilio militant etiam, quæ ejus consilio repugnant. Hinc per Psalmistam dicitur: *Magna opera Domini, exquisita in omnes voluntates ejus*. Sic quippe ejus opera magna sunt, ut per omne quod ab hominibus agitur, ejus voluntas exquiratur: nam sæpe inde perficitur, unde repelliputabatur. Hinc rursus dicitur: *Omnia quæcumque voluit Dominus, fecit in celo & in terra*. Hinc Salomon ait: *Non est sapientia, non est prudentia, non est consilium contra Dominum*. Restat ergo ut in cunctis quæ agimus, vim supernæ voluntatis inquiramus: cui videlicet & cognitæ, debet nostra actio devote famulari, & quasi ducem sui itineris persequi, ne ei etiam nolens serviat, si hanc superbiens de-

clinat. Vitari enim vis superni consilii nequaquam potest, sed magna sibi virtute hanc temperat, qui se sub ejus nutibus refrenat, eique sibi pondera levigat, qui hæc ex subiecto cordis humero volens portat.

CAPUT LXXII.

^a *Ecce Dominus meus, omnibus mihi traditis, ignorat quid habet in domo sua, nec quidquam est quod non in mea sit potestate.*

^a **I**N ^a expōs. B. Job, l. 30. **Q**UIS. **Q**UIS mundi hujus successibus elevatus, lenocinante cordis lætitia, tentari se luxuriæ stimulis sentit, Joseph factum ad memoriam revocet, & in arce se castitatis servet. Qui dum sibi a domina conspiceret pudicitiae damna suaderi, ait: *Ecce Dominus meus, omnibus mihi traditis, ignorat quid habet in domo sua, nec quidquam est quod non in mea sit potestate, vel non tradiderit mihi, præter te, quæ uxor ejus es.*

^b *Quomodo ergo possum hoc malum facere, & peccare in dominum meum?* Quibus verbis ostendit, quia bona quæ assequutus fuerat, repente memoriæ intulit, & malum quod pulfabat, evicit. Et quia perceptæ gratiæ meminit, vim culpæ imminutis fregit. Cum enim voluptas ^b lubrica tentat in prosperis, hæc ipsa sunt prospera aculeo tentationis opponenda: ut eo erubescamus prava committere, quo nos a Deo meminimus gratuito bona percepisse, & illatam gratiam exteriorum munerum vertamus in arma virtutum, ut sint ante oculos quæ percepimus, & quæque nos illiciunt, subigamus. Quia enim voluptas ipsa ex prosperitate nascitur, ejus prosperitas est consideratione ferienda: quatenus hostis noster unde oritur, indemoniatur.

^a In nostris mss. non habet alium titulum hoc caput, nec aliud præmittitur sententiæ Gregorianæ.

^b In excusis corruptissime; *voluntas lubrica tentat in prospera aculeo tentationis op-*

Considerandum quippe est, ne acceptum munus vertamus in vitium, ne per favorem vitæ nos absorbeat vorago nequitiae. Iram namque contra nos superni judicis inextinguibiliter accendimus, si contra benignitatem illius etiam ex ipsa sua largitate pugnamus.

CAPUT LXXIII.

At ille relicto in manus ejus pallio fugit, & egressus est foras.

DUM de permanenti in Judæorum cordibus velamine tractaretur, in expōs. B. Job, l. 2. adjunctum est: *At ille relicto in manus ejus pallio fugit, &c.* **C**UM mulier adultera Joseph male uti voluisset, relicto pallio fugit foras: quia dum Synagoga Dominum, purum hominem credendo, quasi adulterino complexu constringere voluit: ipse tegmen litteræ ejus oculis reliquit, & ad cognoscendam suæ divinitatis potentiam, conspicuum se gentibus præbuit. Unde & Paulus dicit: *Usque hodie cum legitur Moyses, velamen est super cor eorum.* Quæ videlicet mulier adultera apud semetipsam pallium retinuit, & quem male tenebat, nudum amisit.

CAPUT LXXIV.

Intravit Jacob in Ægyptum cum animabus septuaginta.

^c **I**N expositione B. Job, libro tertio. **SÆPE** sacra Scriptura partem pro toto ponere consuevit, sicut: intravit Jacob in Ægyptum cum animabus septuaginta. Quæ nimirum cum animas memorat constat quia intrantium corpora comprehendit.

CAPUT LXXV.

Quod Ægyptii, Joseph gubernante; priusquam Pharaoni inopia jure servitii subderentur, ad esum frumenta perceperunt: postquam vero semetipsos urgente fame in famu-

los ponenda; & infra, a deo pro, a Deo. Hæc vicia editionis Vaticanæ retinuit Gussanvilæus, & auxit.

^c Hoc caput in mss. nostris desideratur.

los vendiderunt, tunc frumenta ad semen acceperunt.

Num. 55.

DUm de remuneratione fixe servientium tractaretur, in expos. B. Job, lib. 6. adjunctum est: *Quod Aegyptii, Joseph gubernante, &c. AEGYPTII* servitio publico, Joseph dispensante, subjecti, cum juri regis semetipsos tradentes humilant, frumenta etiam ad semen reportant. Frugem quippe ad esum etiam liberi accipimus, cum & sacro eloquio pascimur, & tamen ad quædam quæ in hoc mundo appetimus, in nostris voluptatibus vacamus. Sed servi facti & ad semen frumenta percipimus: quia dum plene Deo subdimur, etiam verbo prædicationis replemur.

C A P U T LXXVI.

Gen. 49. 14.

Issachar asinus fortis accubans inter terminos, vidit requiem quod esset bona, & terram quod optima; & supposuit humerum ad portandum.

Num. 24.

DUm de Gentilitatis operibus tractaretur, in expos. B. Job, l. 1. adjunctum est: *Issachar asinus fortis accubans inter terminos, &c.* INTER terminos accubare, est præstolato mundi sine requiescere, nihilque de his, quæ nunc in medio versantur, quærere, sed ultima desiderare. Et fortis asinus requiem ac terram optimam videt, cum simplex Gentilitas idcirco se ad robur boni operis erigit, quia ad æternæ vitæ patriam tendit. Quæ ad portandum humerum apponit: quia confecta superna requie, præceptis etiam gravibus in operatione Deo se subicit, & quidquid intolerabile pusillanimitas asserit, hoc ei leve ac facile spes remunerationis ostendit.

C A P U T LXXVII.

Gen. 49. 17.

Fiat Dan coluber in via, cerasces in semita, mordens ungulas equi, ut cadat ascensor ejus retro.

Num. 43.

DUm de adventu & operationibus Antichristi tractaretur, in expos. B. Job, lib. 31. adjunctum

est: *Fiat Dan coluber in via, cerasces in semita, &c.* QUID hoc loco equi nomine, nisi præsens seculum designatur? quo in testimonio quid equus significet, cujus ungulas coluber mordet, melius ostendimus, si & ea quæ circumstant, paulo subtilius exponamus. Nonnulli enim de tibu Dan venire Antichristum ferunt, pro eo quod hoc loco Dan & coluber asseritur, & mordens. Unde non immerito dum Israeliticus populus terras in castrorum partitione susciperet, primus Dan ad Aquilonem castrametatus est, illum scilicet signans, qui in corde suo dixerat: *Sedebo in monte testamenti, Isa. 14. 13. in lateribus Aquilonis, ascendam super altitudinem nubium, similis ero Altissimo*, De quo & per Prophetam dicitur: *A Dan auditus est fremitus equorum ejus*. Qui non solum coluber, sed etiam cerasces vocatur: cerasces enim græce cornua dicuntur. Serpens hic cornutus esse perhibetur, per quem digne Antichristi adventus asseritur: quia contra vitam fidelium cum morsu pestiferæ prædicationis armatur etiam cornibus potestatis. Quis autem nesciat semitam angustiores esse quam viam? Fit ergo Dan coluber in via, quia in præsentis vitæ latitudine eos ambulare provocat, quibus quasi parcendo blanditur: sed in via mordet; quia eos, quibus libertatem tribuit, erroris sui veneno consumit. Fit cerasces in semita: quia quos fideles reperit, & se se ad præcepti celestis angusta itinera constringentes; non solum nequitia callidæ persuasionis impetit, sed etiam terrore potestatis premit, & in persecutionis angore, post beneficia fidei dulcedinis, exercet cornua potestatis. Quo in loco equus hunc mundum insinuat, qui per elationem suam in cursum labentium temporum spumat; & quia Antichristus extrema mundi apprehendere nititur, cerasces iste equi

Num. 2. 25.

Isa. 14. 13.

Jerem. 8. 16.

un.

unguals mordere perhibetur. Unguals quippe equi mordere, est extrema seculi feriendo contingere, ut cadat ascensor ejus retro. Ascensor equi est quisquis extollitur in dignitatibus mundi. Qui retro cadere dicitur & non in faciem, sicut Saulus cecidisse memoratur. In facie enim cadere, est in hac vita suas unumquemque culpas cognoscere, easque poenitendo deslere. Retro vero quo non videtur cadere, est ex hac vita repente decedere, & ad quæ supplicia ducatur ignorare. Et quia Judæa erroris sui laqueis capta, pro Christo Antichristum expectat, bene Jacob eodem loco repente in electorum vocem conversus est, di-

Gen. 49. 18. cens: *Salutare tuum expectabo, Domine*; id est, non sicut infideles Antichristum, sed cum, qui in redemptionem nostram venturus est, verum credo fideliter Christum.

CAPUT LXXVIII.

Item unde supra.

DUm de reproborum interitu, & electorum humilitate tractaretur, in comment. Ezechielis lib. 1. hom. 9. adjunctum est: **QUÆRENDUM** nobis est, cur Paulus pergens Damascum, superno illustratus lumine in faciem cadit, & de ascensore equi, id est hujus mundi gloria elato dicitur: *Ut cadat*

ascensor ejus retro: quia de persecutoribus Domini scriptum est: *Ab. Jeron. 18. 6. iere retrorsum, & cecidere in terram*. Quid est hoc quod electi in faciem, & reprobi retrorsum cadunt, nisi quod omnis, quid post se cadit, ibi proculdubio cadit, ubi non videt? Iniqui ergo quia in invisibilibus cadunt, post se cadere dicuntur, quia ibi corruunt, ubi quid eos sequitur modo videre non possunt. Justi vero, quia in istis visibilibus semetipsos sponte dejiciunt ut in invisibilibus erigantur, quasi in faciem cadunt, quia timore compuncti videntes humiliantur.

CAPUT LXXIX.

Benjamin lupus rapax mane comedit prædam, & vespere dividet spolia.

Gen. 49. 17.

DUm de persecutione & doctrina Pauli Apostoli tractaretur, in expof. B. Job, lib. 18. adjunctum est: *Benjamin lupus rapax mane comedit prædam, &c.* **QUIS** hoc Benjamin nomine, nisi Paulus Apostolus designatur? De Benjamin stirpe genitus, qui mane comedit prædam: quia in primordiis suis fideles quos potuit rapiens, crudelitati propriæ satisfecit; vespere spolia dividit, quia fidelis postmodum factus, sacra eloquia exponendo distribuit.

Num. 25.

^b *Finis Libri Genesim.*

^a Gravissimo errore in ed. *verendum*; cum in mss. cum Paterij tum Hom. in Ezech. legatur *quærendum*, alia autem lectio nullum sensum patitur.

^b In Michael. legitur, *Explicit lib. primus de testimoniis libri Genesim. Incipiunt Capitula secundi libri de testimoniis libri Exodi.*

C A P I T U L A

LIBRI SECUNDI IN EXODUM.

1. **Q**uia timuerunt obstetrices Deum, adificavit eis domos.
2. De Moyse, quod, occiso Ægyptio dum in desertum secessisset, visionem vidit.
3. Item unde supra de flamma in rubo.
4. Item unde supra.
5. Quod plebi Israeliticæ Chanaan terrâ promittitur.
6. Item unde supra.
7. Quod Angelus, qui Moyse apparuisse describitur, modo Angelus, modo Dominus memoratur.
8. Quod Moyses ad liberandum populum missus est, cum Pharao duris operibus ad opprimendum fuerat excitatus.
9. De virga in colubrum versa.
10. Videat Dominus & iudicet, quomodo fœtere fecistis odorem nostrum coram Pharaone, & servus ejus.
11. Item unde supra.
12. Ecce constitui te Deum Pharaonis.
13. Abominationes Ægyptiorum immolabimus Domino Deo nostro.
14. Item unde supra.
15. Quod Ægyptus muscarum plaga percussa sit.
16. Ventus urens levavit locustas.
17. Induravit Dominus cor Pharaonis.
18. De vasis aureis & argenteis ex Ægypto sublatis.
19. Sument de sanguine Agni, ac ponent super utrumque postem.
20. Primogenitum asini mutabis ovæ.
21. Cum emisit Pharao populum, non eos eduxit Dominus per viam terræ Philistiim.
22. Quod columna, quæ in eremo populum praibat, per diem in nubem, & per noctem in ignem apparuit.
23. Quid clamas ad me?
24. De manna filiis Israel desuper data.
25. Manus Moyse erant graves.
26. Quod legem daturus Dominus in igne fumoque descendit.
27. Quod Israel verba Dei in monte audire non valens, præcepta in campatribus accepit.
28. Quod Moyses ascendit, & Dominus in monte descendit.
29. Stetit populus de longe, Moyses autem accessit ad caliginem, in qua erat Dominus.
30. Altare de terra facietis.
31. Si emeris servum Hebraum, sex annis serviet tibi, in septimo egredietur liber.
32. Si quis aperuerit cisternam, & non operuerit eam:
33. Cum debet tibi quidpiam frater tuus, cum abstuleris pignus ab eo, ante occasum pignus restitue.
34. Quod Moyses accepturus Legem; in montem ascendit.
35. Facies quatuor circulos aureos, quos pones per quatuor partes anguli.
36. Duos quoque Cherubim aureos & productiles facies, ex utraque parte oraculi.
37. Item unde supra.
38. Parabis & acetabula ac phialas, thuribula, & cyathos.
39. Item unde supra.
40. Facies & candelabrum ductile ex auro mundissimo.
41. De decem cortinis tabernaculi, & sagis cilicinis xi.
42. Item unde supra.
43. Quod cum Dominus tabernaculi tabulas erigi præcepit, fundi earum bases argenteas jubet.
44. Quod columnarum quatuor esse

- bases argenteas praecepit.*
45. Quod in constructione tabernaculi, ut columnæ argenteæ interius starent, paxillos erigi per circuitum exterius iussi sunt.
46. Facies & humerale de auro, & hyacintho, ac purpura.
47. Rationale iudicii facies opere polymito.
48. Quod sacerdos, cum in tabernaculum ingreditur, duodecim lapides in pectore portare jubetur.
49. Facies etiam & mala punica.
50. Facies etiam tintinnabula aurea in summitate pallii.
51. Sume tibi aromata, stacten, & onycha.
52. Sedit populus manducare & bibere, & surrexerunt ludere.
53. Descende: peccavit populus tuus.
54. Dimitte me, ut irascatur furor meus contra eos.

55. Si quis est Domini, jungatur mihi; ponat vir gladium super femur suum.
56. Cum egrederetur Moyses ad tabernaculum, surgebat universa plebs, & stabat unusquisque ad ostium papilionis sui.
57. Non poteris videre faciem meam: non enim videbit me homo & vivet.
58. Est locus apud me, & stabis supra petram.
59. Item unde supra.
60. Qui reddis iniquitatem patrum filiis, ac nepotibus.
61. Quidquid in cultum ad vestes sanctas necessarium erat, viri & mulieres praebuere.
62. Fecit & labrum æneum cum base sua de speculis mulierum, quæ excubabant in ostio tabernaculi, in quo lavarentur Aaron, & filii ejus.

LIBER SECUNDUS

DE TESTIMONIIS LIBRI EXODI.

CAPUT PRIMUM.

Exod. 1. 21. Quia timuere obsestrices Deum, edificavit illis domos.

Num. 5. & 6. CUM de cavendo mendacio tractatur, in exposit. B. Job, l. 18. adjunctum est: Quia timuere obsestrices Deum &c. SUMMOPERE cavendum est omne mendacium, quamvis nonnunquam sit aliquod mendacii genus culpæ levioris, si quisquam vitam præstando mentitur. Sed quia scriptum est: Os quod mentitur, occidit animam. Et: Perdes omnes, qui loquuntur mendacium: hoc quoque mendacii genus perfecti viri summopere fugiunt, ut nec vita cujuslibet per eorum fallaciam defendatur, ne suæ animæ noceant, dum præstare vitam carni nituntur alienæ: quamquam hoc ipsum peccati genus facillime credimus rela-

xari. Nam si quælibet culpa frequentius solet pia operatione purgari, quanto magis hæc facile aspergitur, quam mater boni operis pietas ipsa comitatur? Nonnulli vero ex obstetricum fallacia conantur asserere hoc mendacii genus non esse peccatum: maxime quod illis mentientibus scriptum est: Quia edificavit eis Dominus domos. In qua magis recompensatione cognoscitur, quid mendacii culpa mereatur. Nam benignitatis earum merces, quæ eis in æterna potuit vita retribui, pro admissa culpa mendacii, in terrenam est recompensationem declinata: ut in vita sua, quam mentiendo tueri voluerunt, ea, quæ fecerunt bona reciperent, & ulterius quod expectarent, mercedis suæ præmium non haberent. Nam & si subtiliter perpendatur, amore vitæ præ-

22. quæst. 2.
cap. 20. § 1.
Quælibet.

fen-

sentis mentitæ sunt, non intentione mercedis. Parcendo quippe conatæ sunt infantium vitam tegere: mentiundo, suam.

CAPUT II.

Exod. 2. De Moyse, quod, occiso Ægyptio, dum in desertum recessisset, visionem vidit de flamma in rubo.

Num. 37. **D**UM de appetenda mentis quiete, & vitando tumultu curarum secularium tractaretur, in expos. B. Job, l. 23. adjunctum est: De Moyse quod occiso Ægyptio dum in desertum recessisset, &c. MOYSES admixtus Ægyptiis quasi vigilabat: & idcirco vocem Domini in Ægypto positus non audiebat. Sed extincto Ægyptio postquam in desertum fugit, illic dum quadraginta annis degit, quasi ab inquietis terrenorum desideriorum tumultibus obdormivit, atque idcirco divinam vocem percipere meruit; quia per supernam gratiam quanto magis ab appetendis exterioribus torpuit, tanto verius ad cognoscenda interiora vigilavit. Cum ab externis actionibus mens sopitur, tunc plenius mandatorum Dei pondus agnoscitur. Tunc verba Dei mens vivacius penetrat, cum ad semittere curarum secularium tumultus recusat. Male autem homo vigilat, quando eum secularium negotiorum ætus insolenter inquietat. Aurem quippe cordis terrenarum cogitationum turba dum perstrepat, claudit; atque in secretarium mentis, quanto minus curarum tumultuantium sonus compescitur, tanto amplius vox præsentis iudicis non auditur. Neque enim perfecte homo sufficit ad utraque divisus; sed dum sic interius erudiri appetit ut tamen exterius implicetur, unde exterius auditum aperit, inde interius obsurdescit.

CAPUT III.

² Item unde supra.

² *Num. 10.* **E**X hom. 7. in Ezechielem. MOYSES enim cum de ardenti ru-

bo vocatus fuisset, accessit propius ut videret visum, & ecce rubus ardebat, & non consumebatur. Magnum est hoc miraculum. Si solam in eo historiam requiras, est unde legentis nutriatur animus, ut videas quod in ligno ignis ardeat & non consumat. At vero si typicam intelligentiam quæras, quid flamma nisi Legem, de qua scriptum est: *In dextera ejus ignea lex?* & quid rubus ille, nisi Judacium populum designavit, peccatorum suorum spinis obfitum? Sed rubus ardens consumi non potuit, quia Judaicus populus & ignem quidem Legis accepit, & tamen peccatorum suorum spinas non deseruit, nec ejus vitia divini sermonis flamma concremavit. Fortasse in hoc facto alius majora per typum contemplari desiderat. Hujus quia sensus excrevit, elevantur pariter & rotæ. Inter homines enim pariter perfectus homo factus est unicus Dei filius, qui sua peccata non habuit, sed spinas nostræ nequitie suscepit; atque usque ad passionem pro nobis se humiliare dignatus est, & in semetipsum ignem tribulationis nostræ suscipere. Sed arsit, quia etsi ex humanitate est mortuus, tamen immortalis ex divinitate permansit: Suscepit a nobis unde sacrificium fieret pro nobis, & tamen impassibilis atque incommutabilis permansit in propriis, ut nos commutaret a nostris.

CAPUT IV.

De flamma in rubo.

DUM de divinis mysteriis per significationem gestis tractaretur, in expos. B. Job. lib. 28. adjunctum est: *De flamma in rubo.* *Exod. 3.* *Num. 3.* SÆPE simul & terrenis cœlestibus jactis substantiis per Angelos loquitur Deus, sicut ad Moysen in monte, cum jussionis suæ verba edidit, ignem rubumque sociavit, atque aliud superius, aliud inferius junxit. Quod tamen tunc solum a-

gi.

¹ In mss. nostris caput hoc minime legitur.

gitur, cum ex ipsa aliquid conjunctione signatur. Nam per succensum rubum Moysen alloquens, quid aliud ostendit nisi quod ejus populi ductor fieret, qui & Legis flammam perciperet; & tamen peccatis spinam nequaquam vitaret? Vel quod ex illo populo exiret, qui in igne deitatis, carnis nostræ dolores quasi rubi spinas acciperet, & inconsumtam humanitatis nostræ substantiam, etiam in ipsa divinitatis flamma fervaret?

C A P U T V.

Exod. 3. 8. *Quod plebi Israeliticæ Chanaan terra promittitur.*

Cap. 26. Admon. 27. **D**Um de dispensatoria invitatione ne noviter ad fidem venientium, in cod. Reg. Past. part. 3. tractaretur, adjunctum est: *Quod plebi Israeliticæ Chanaan terra promittitur.* CONSIDERANDUM est, quod præsentis vitæ prosperitas aliquando idcirco datur, ut ad meliorem vitam provocet, aliquando vero ut in æternum plenius damnet. Hinc est enim quod plebi Israeliticæ Chanaan terra promittitur, ut quandoque ad æterna speranda provocetur. Neque enim rudis ille populus promissionibus Dei in longinquum crederet, si a promissore suo non etiam a vicino aliquod percepisset. Ut ergo ad æternorum fidem certius roboretur, nequaquam solummodo spe ad res, sed rebus quoque ad spem trahitur. Quod liquido Psalmista testatur, dicens: *Dedit eis regionem gentium, & labores populorum possederunt; ut custodiant justificationes ejus, & legem ejus requirant.*

C A P U T VI.

Item unde supra.

Num. 60. **I**N exposit. Evangelii homilia 32. ISRAELITICO populo ex Ægypti terra liberando, repromissionis terra promittitur: & tunc vocandus esset, ad dona cœlestia terrenis promissionibus suadetur. Cur hoc?

a In Mich. cod. de divinis ministratiis per Angelum ministerii.

Nisi cum esset aliquid quod e vicino perciperet illud jam fidelius crederet, quod de longinquo audire potuisset. Quod tamen si subtiliter attendamus, quanta dispensatione pietatis sit actum, agnoscimus. Rudi enim populo etiam de præsentis vita aliquid promittendum fuit, ut possit robustius in futuro solidari. Carnalis etenim populus si parva non acciperet, magna non crederet. Omnipotens ergo Deus largiendo terrena, suadet ad cœlestia, ut percipiens quod videret, sperare disceret quod minime videbat. Et tanto solidior de invisibilibus fieret, quanto eum ad spei certitudinem visibilia promissa fulcirent.

C A P U T VII.

Quod Angelus qui Moysi apparuisse describitur, modo Angelus, modo Dominus memoratur. Exod. 3.

DUm de a administrato per angelum ministerio tractaretur, in expositione B. Job, adjunctum est: *Quod Angelus qui Moysi apparuisse describitur, &c.* QUID est hoc quod visio quæ Moysi in eremo apparuisse describitur, modo Angelus, modo Dominus memoratur: b Nisi hoc Angelus, propter quod exterius loquendo serviebat; Dominus autem quia interius præsidens, loquendi efficaciam ministrabat? Cum ergo loquens ab interiore regitur, & per obsequium Angelus, & per inspirationem Dominus memoratur.

C A P U T VIII.

Quod Moyses tunc ad liberandum populum missus est, cum jam Pharaon duris operibus ad opprimendum fuerat excitatus. Exod. 7. 7. 8.

CUm de cavendis prosperitatibus, appetendo tentationum exercitio tractaretur, in exposit. B. Job, lib. 26. adjunctum est: *Quod Moyses tunc ad liberandum populum missus est &c.* SPARSIS foris mentibus ad semetipsas redire difficile est, quia prava itin-

b Ibid. nisi quod hoc Angelus.

nera semel capta, tanto delectabiliter tenent, quanto in eis, omne quod libuerit, licet. Nullus quippe disciplinæ murus obviat qui constingat, nulla retributionis prospicitur pœna, quæ terreat: sed clausis oculis cordis, eo anima præcipitatur in infimis, quo obscuratur a summis: & tanto securius mala temporalia perpetrat, quanto durius bona æterna desperat. Sed ista reproborum nequitia, trituræ more electorum vitam, quasi grana a paleis separans, premit, ut purget. Mali enim bonos magis ab hujus mundi desideriiis expediunt, dum affligunt: quia dum multa eis hic violenta ingerunt, festinare illos ad superna compellunt. Quod bene Israelitico populo Moyse vocante, & Pharaone rege sæviante signatum est. Tunc namque Moyses ad vocandum missus est, cum jam Pharaonis duris operibus ad opprimendum fuerat excitatus: ut Israelitarum mentes Ægypto deformiter inhærentes alius dum vocaret, quasi traheret, alius quasi impelleret dum sæviret: & plebs in servitio turpiter fixa, vel provocata bonis, vel malis impulsæ moveretur. Hoc quotidie agitur, dum prædicatis cœlestibus præmiis sævire in electos reprobi permittuntur: ut si ad promissionis terram vocati exire negligimus, pressuris saltem sævientibus impellamur: atque hæc Ægyptus, videlicet vita præsens quæ nos oppressit blandiens, adjuvet premens: & quæ dum fovit, servitutis jugo conterat; libertatis viam, dum cruciat, ostendat. Hæc itaque causa est, quod ab iniustis iusti sinuntur affligi: ut scilicet dum futura audiunt bona quæ cupiant, patiantur etiam mala præsentia quæ perhorrescant: atque ad faciliorem exitum dum amor provocat, cruciatus impellat.

^a In mss. Michael. non assignatur quota humilia. Certe in hom. 10. in editis indi-

CAPUT IX.

Quid est quod tenes in manu tua? Exod. 4. 2. 3.

Respondit: Virga. Ait: Projice eam in terram. Projecit, & versa est in colubrum, ita ut fugeret Moyses. Dixitque Dominus: Extende manum tuam, & apprehende caudam ejus. Extendit & tenuit, versaque est in virgam.

Dum de miraculorum mysteriis per virgam in deserto a Moysese exhibitis tractaretur, in comment.
^a Ezech. adjunctum est: *Quid est quod tenes in manu tua?* &c. QUID per Moysen, nisi populus Judaicus? & quid virga, nisi potestas divinitatis? quid per serpentem, nisi mortalitas nostri Redemptoris exprimitur? Quia enim per serpentem mors, recte mortalitas in serpente signatur. Vel certe cum scriptum sit: *Estote prudentes sicut serpentes.* Et quia ipsa summa prudentia, id est Dei sapientia incarnari dignata est, recte ejus mortalitas in serpente figuratur. Unde & in Evangelio de passionem suam loquitur, dicens: *Sicut* Matt. 10. 16.
exaltavit Moyses serpentem in deserto, ita exaltari oportet filium hominis. Moyses ergo virgam tenuit, quia Judaicus populus ante Redemptoris adventum, in divina potestate confusus est. Sed virgam in terram projecit, quia idem populus per Patriarchas ac Prophetas Deum incarnandum esse nuntiavit. Virga vero in colubrum vertitur, quia Redemptor noster Deus in se permanens, mortalis inter homines factus est. Sed Moyses colubrum conspiciens pertimuit, & fugit; quia Judaicus populus dum Redemptorem humani generis mortalem vidit, Deum credere expavit. Cur jubetur ut colubrum cauda teneat? Quia perfidus ille populus qui modo credere recusabat, in extrema parte Domini corporis, id est posteriori tempore san-

ctæ

cata, non reperitur; nec in homilia quarta quam laudat ms. Gemes,

Et Ecclesiæ, videlicet in fine mundi, se se ad fidem recolligit & colubrum cauda tenet : quia eum, quem mortalem ante despexerat, Redemptorem suum in ultima jam parte Ecclesiæ confitetur. Sed mox serpens in virgam redit : quia statim ut Judaicus populus in Redemptore nostro crediderit, idem Redemptor ad Judaicum populum in potestate suæ divinitatis apparebit, ut ei jam serpens virga sit : quia is, qui in terra homo despectus est, de cælo veniens, super Angelos videbitur Deus.

C A P U T X.

Exod. 5. 21. Videat Dominus, & judicet, quoniam scetere fecistis odorem nostrum coram Pharaone, & servis ejus.

Num. 44.

CUM de incrementis tentationum tractaretur, in expos. B. Job, l. 29. adjunctum est : *Videat Dominus, & judicet, &c.* CUM lux divinitus missa humanum cor fuerit illustrare dignata, mox ab occulto adversario contra fulgentem mentem tentamenta succrescunt. Nam callidus hostis quos luce justitiæ enitescere conspicit, eorum mentes illicitis desideriis inflammare contendit, ut plerumque plus se urgeri tentationibus sentiant, quam tunc cum lucis internæ radios non videbant. Unde & Israelitæ postquam vocati sunt, contra Moysen & Aaron de excrescenti labore conqueruntur, dicentes : *Videat Dominus, & judicet, quoniam scetere fecistis odorem nostrum coram Pharaone, & servis ejus, & præbuitis ei gladium ut interficeret nos.* Volentibus quippe ex Ægypto discedere, Pharaon paleas subtraxerat, & tamen ejusdem mensuræ opera requirebat. Quasi ergo contra legem mens submurmurat, post cujus cognitionem, tentationum stimulos acriores portat. Et cum sibi

labores crescere conspicit, in eo quod adversario displicet, quasi scetere se in oculis Pharaonis dolet.

C A P U T XI.

Item unde supra.

^a I N expos. Ezech. lib. 1. hom. 12. In Moysenim & Aaron Lex & Prophetæ figurati sunt. Et sæpe apud se infirmus animus quasi contra sacra eloquia murmurat : quia postquam verba cœlestia audire, & sequi cœperit, Regis Ægyptii adversitas, id est maligni spiritus tentatio excrescit. Debet ergo vigilanter doctor proficienti animæ, quæ illam tentationes sequantur, innotescere, ut caute se valeat contra maligni spiritus insidias præparare.

C A P U T XII.

Ecce constitui te Deum Pharaonis : DUM de Dei vocabulo tractaretur, l. 1. hom. 8. in Ezechielem, adjunctum est : *Ecce constitui te Deum Pharaonis.* In Scriptura sacra aliquando Deus nuncupative, aliquando vero essentialiter dicitur. Nuncupative enim dicitur, sicut nunc ad Moysen dictum est : *Ecce constitui te Deum Pharaonis.* Et sicut iterum Moyses ait : *Si quis homo hoc vel illud fecerit, applica illum ad Deos, videlicet ad Sacerdotes.* Qui rursus dicit : *Diis non detrahes,* id est Sacerdotibus. Et sicut Psalmista : *Deus stetit in Synagoga Deorum, in medio autem Deos discernit.* Essentialiter autem Deus dicitur, sicut ipse ad Moysen dicit : *Ego sum Deus patris tui, Deus Abraham, Deus Isaac, Deus Jacob.* Unde Paulus Apostolus, volens nuncupativum Dei nomen ab essentiali discernere ait : *Quorum patres, ex quibus Christus secundum carnem, qui est super omnia Deus benedictus in secula.* Qui enim nuncupative dicitur Deus, inter omnia : qui vero essentialiter est Deus, super

^a Num. 24.

Exod. 7. 2.

Num. 3.

Exod. 22. 7.

ibidem.

Psal. 82. 7.

Rom. 9. 5.

^a Omittitur in nostris mss, hoc caput.
Tom. XIV.

per omnia est. Ut ergo ostenderet Christum naturaliter Deum, non hunc Deum tantummodo, sed Deum super omnia esse memoravit: quia & iustus quislibet Deus est, sed inter omnia, quia nuncupative Deus: Christus autem Deus est super omnia, quia naturaliter Deus.

CAPUT XIII.

Exod. 8. 26.

Abominationes Ægyptiorum immolabimus Deo nostro.

Num. 4. 9.

DUm de appetenda mentis innocentia, quam reprobi ut sibi adversam respuunt, tractaretur, in expos. B. Job, l. 10. adjunctum est: *Abominationes Ægyptiorum immolabimus Deo nostro.* OVES Ægypti edere dedignantur: sed quod abominantur Ægyptii, hoc Israelitæ Deo offerunt: quia simplicitatem conscientiæ, quam iniusti quique velut infimam abjectamque despiciunt, hanc iusti in virtutis sacrificium vertunt, & excolentes recti puritatem ac mansuetudinem Deo immolant, quam abominantes reprobi fatuitatem putant.

CAPUT XIV.

Item unde supra.

Prov. 29. 27.

IN commentario Ezechielis, homilia 10. Perversis hominibus sunt quædam abominationes bonorum operum. Unde Moyses, quia oves Domino mactaturus erat, Ægyptiis dicit: *Abominationes Ægyptiorum immolabimus Domino Deo nostro.* Sancti quippe viri Domino oves offerunt, quia simplicitatem suam esse omnipotentis Dei sacrificium ostendunt. Sed oves abominantur Ægyptii, quia cives huius seculi aspernantur & despiciunt simplicitatem bonorum. Sicut ergo sunt abominationes malorum operum, quas detestantur boni, ita bonorum operum causæ abominationes sunt reprobis. Unde scriptum est; *Abominantur iusti virum impium; abominantur impii eos, qui in recta sunt via.*

CAPUT XV.

Quod Ægyptus muscarum plaga percussa sit. Exod. 8. 22.

DUm de appetenda quiete mentis, & vitando curarum secularium strepitu tractaretur, in expos. B. Job, l. 18. adjunctum est: *Num. 63. Quod Ægyptus muscarum plaga percussa sit.* QUID in hac vita laboriosius, quam terrenis desideriis æstuarere? Aut quid hic quietius, quam huius seculi nihil appetere? Hinc est, quod Israeliticus populus custodiam Sabbati accepit in munere: hinc econtra est Ægyptus muscarum multitudine percussa. Populus namque, qui Deum sequitur, accepit Sabbatum, id est requiem mentis: ut nullo in hac vita desideriorum carnalium appetitu fatigetur. Ægyptus vero, quæ huius mundi speciem tenet, muscis percutitur. Musca enim nimis insolens & inquietum animal est. In qua quid aliud, quam insolentes curæ desideriorum carnalium designantur? Unde alias dicitur: *Muscæ morientes perdunt suavitatem unguenti:* quia cogitationes superflue, quæ assidue in animo carnalia cogitante & nascuntur & deficiunt, eam suavitatem, qua unusquisque intrinsecus per spiritum unctus est, perdunt: quoniam integritate ejus perfrui non permittunt. Ægyptus ergo muscis percutitur: quia eorum corda, qui terrenam vitam diligunt, dum desideriorum suorum inquietudinibus feriuntur, turbis cogitationum carnalium ad ima depressa sunt, ut ad quietis intimæ desiderium non levantur. Unde cum mira opera pietatis ad cor veritas venit, prius ab eo cogitationum carnalium æstus ejicit, & post in eum virtutum dona disponit. Quod bene nobis sacra Evangelii historia innuit, in qua dum ad resuscitandam filiam principis invitatus Dominus duceretur, protinus additur: *Et cum ejecta esset turba,* Matth. 9. 23.

intravit, & tenuit manum ejus, & surrexit puella. Foras ergo turba ejicitur, ut puella susciteretur: quia si non prius a secretioribus cordis expellitur importuna secularium multitudo curarum, anima, quæ intrinsecus jacet mortua, non resurgit. Nam dum se per innumeras terrenorum desideriorum cogitationes spargit, ad considerationem sui se se nullatenus colligit. Nullus quippe sapientiam, quæ Deus est, plene recipit, nisi qui ab omni se abstrahere actionum carnalium fluctuatione contendit. Unde alias dicitur:

Ecclesi. 3. 25. Sapientiam scribe in tempore otii, & qui minoratur actu, ipse percipiet eam. Et rursus: Vacate & videte, quoniam ego sum Dominus.

CAPUT XVI.

Exod. 10. 13. Ventus urens levavit locustas, quæ ascenderunt super universam terram Ægypti, operueruntque universam superficiem terræ, vastantes omnia. Devorata est igitur herba terræ, & quidquid pomorum arboribus fuit.

CUM de cavendis noxiis adulantium laudibus tractaretur, in expos. B. Job, l. 31. adjunctum est: *Ventus urens levavit locustas, &c.* EXHIBITÆ cœlitus Ægyptiæ plagæ exigentibus meritis corporaliter semel illatæ sunt, sed quæ mala pravas mentes quotidie friant, spiritualiter signaverunt. Eis enim Ægyptus plagis affecta est, in quibus exteriore percussione commota dolensque perpenderet, quæ devastatæ damna interius negligens tolleraret: ut dum foris perire minima, sed amplius dilecta cerneret, per eorum speciem, quæ intus pertulerat, graviora sentiret. Quid ergo per significationem locustæ portentunt, quæ plusquam cætera minuta quæque animantia humanis frugibus nocent: nisi linguas adulantium, quæ terrenorum hominum mentes, si

quando bonâ aliqua præferre conspiciunt, hæc immoderatus laudando corrumpunt? Fructus quippe Ægyptiorum, est operatio cenodoxorum, quam locustæ exterminant, dum adulantes linguæ ad appetendas laudes transitorias cor operantis inclinant. Herbam vero locustæ comedunt, quando adulescentes quique verba loquentium favoribus extollunt: Poma quoque arborum devorant, quando vanis laudibus quorundam jam quasi fortium & opera enervant.

CAPUT XVII.

2 Induravit Dominus cor Pharaonis. *Exod. 10.*

IN expositione B. Job, lib. 31. Non quod ipse duritiam contulit, sed quod exigentibus ejus meritis, nulla illud desuper infusi timoris sensibilitate molliuit.

CAPUT XVIII.

De vasis aureis & argenteis ex Ægypto sublati. *Exod. 12. 35.*

DUM de exhibenda condescensione rudibus ad virtutum sublimia vocandis tractaretur, in expos. B. Job, lib. 28. adjunctum est: *De vasis aureis & argenteis ex Ægypto sublati.* MENTES usui vitæ carnalis inhærentes, evelli ab infimis non possunt, nisi gradatim ducta prædicatione proficiant. Hinc quippe est quod in Ægypto positæ, pio justoque moderamine, latenti eorum concupiscentiæ condescenditur, & vicinorum suorum vasis aureis argenteisque sublati, discedere jubentur. Qui ad Sinam montem ducti, accepta Lege mox audiunt: *Non concupisces rem proximi tui.* *Exod. 20. 17* Hinc est quod in eadem lege, oculum pro oculo, dentem pro dente præcipiuntur exigere, & quandoque tamen revelata gratia, percussa maxilla alteram jubentur præbere. Quia enim plus semper ira in vindicta exigit, quam injuria accepit; ut dum discunt mala non multiplicius red-

G g 2 de-

dere, quandoque discerent ea & multiplicata sponte tolerare. Hinc est quod eundem rudem populum a quibusdam prohibuit, quædam vero ei in usum pristinum servavit. Sed hæc ipsa tamen in melioris vitæ figura composuit. Bruta namque animalia idolis in Ægypto mactabant: eisque in usum postmodum animalium mactationem retinuit, sed idolorum cultum vetavit: ut dum de usu suo aliquid amitteret, consolaretur ejus infirmitas per hoc quod de usu suo aliquid haberet. Mira autem dispensatione consilii, quod eis Dominus de consuetudine carnali retinuit, hoc in figuram spiritus potentius vertit. Quid enim sacrificia illorum animalium, nisi unigeniti mortem designant? Quid sacrificia illorum animalium, nisi extinctiones carnalis nostræ vitæ significant? Unde ergo imbecillitati populi rudis condescenditur, inde per umbratas allegoriarum species major fortitudo spiritus nuntiatur.

CAPUT XIX.

Exod. 13-7.
et seq.

Sument de sanguine agni, ac ponent super utrumque postem, & in superliminaribus domorum, in quibus comedent illum, & edent carnes nocte illa assas igni, & azymos panes cum lactucis agrestibus. Non comedetis ex eo crudum quid, nec coctum aqua: sed assum tantum igni. Caput cum pedibus ejus & intestinis vorabitis, nec remanebit ex eo quidquam usque mane. Si quid residuum fuerit, igne comburetis. Sic autem comedetis illum: Renes vestros accingetis, calceamenta habebitis in pedibus vestris, tenentes baculos in manibus; & comedetis festinanter.

Anum. 7.
usque ad finem.

Dum de Paschali mysterio quod in figura futuræ hujus, quæ nunc est, solemnitatis præmissum tractaretur, in hom. 22. in Evang.

adjunctum est: *Sument de sanguine agni, ac ponent super utrumque postem, &c.* HÆC videlicet cuncta magnam nobis ædificationem pariunt, si fuerint mystica interpretatione discussa. Quis namque sit sanguis agni, non jam audiendo, sed bibendo didicimus, Qui sanguis super utrumque postem ponitur, quando non solum ore corporis, sed etiam ore cordis hauritur. Nam qui sic Redemptoris sui sanguinem accipit, ut imitari passionem illius necdum velit, in uno poste sanguinem posuit: qui etiam in superliminaribus domorum ponendus est. Quid enim spiritaliter domos, nisi mentes nostras accipimus, in quibus per cogitationem inhabitamus? Cujus domus superliminare, est ipsa intentio, quæ præminet actioni. Qui igitur intentionem cogitationis suæ ad imitationem Dominicæ passionis dirigit, in superliminare domus, agni sanguinem ponit. Vel certe domus nostræ, ipsa sunt corpora, in quibus quousque vivimus, habitamus. Et in superliminari domus agni sanguinem ponimus, qui crucem passionis illius in fronte portamus. De quo adhuc agno subditur: *Et edent carnes nocte illa assas igni.* In nocte quippe agnum comedimus: quia in sacramento modo Dominum corpus accipimus, quando adhuc ad invicem nostras conscientias non videmus. Quæ tamen carnes, igni assandæ sunt; quia nimirum dissolvit ignis carnes, quas aqua coxerit: quas vero ignis sine aqua excoquit, roborat. Carnes itaque agni nostri ignis coxit: quia eum ipsa vis passionis illius ad resurrectionem valentior reddidit, atque ad incorruptionem roboravit. Qui enim ex morte convaleuit, videlicet carnes illius ab igne duruerunt. Unde etiam per Psalmistam dicit: *Exaruit velut testa virtus mea.* Quid namque est testa ante ignem, nisi mol-

Ps. 21. 16.

molle lutum? Sed ei ex igne agitur ut solidetur. Virtus ergo humanitatis ejus velut testa exaruit: quia ab igne passionis ad virtutem incorruptionis crevit, sed sola Redemptoris nostri percepta sacramenta ad veram solemnitatem mentis non sufficiunt, nisi eis quoque & bona opera jungantur. Quid enim prodest, corpus & sanguinem illius ore percipere, & ei perverfis operibus contraire? Unde bene adhuc ad comedendum subditur: *Et axymos panes cum lactucis agrestibus*. Panes quippe sine fermento comedit, qui recta opera sine corruptione vanæ gloriæ exercet, qui mandata misericordiæ sine admixtione peccati exhibet, ne perverse diripiat quod quasi recte dispensatur. Hoc quoque peccati fermentum bonæ suæ actioni miscuerunt, quibus Prophetæ voce per increpationem Dominus dicebat: *Venite ad Bethel, & impie agite*. Atque post pauca: *Et sacrificate de fermento laudem*. De fermentato namque laudem immolat, qui Deo sacrificium de rapina parat. Lactucæ vero agrestes valde amaræ sunt. Carnes vero agni cum lactucis agrestibus sunt edendæ, ut dum corpus Redemptoris accipimus, nos pro peccatis nostris in fletibus affligamus; quatenus ipsa amaritudo poenitentiae abstergat a mentis stomacho perverfæ humorem vitæ. Ubi & subditur: *Non comedetis ex eo crudum quid, nec coctum aqua*. Ecce jam nos ipsa verba historiæ ab intellectu historico repellunt. Numquid Israeliticus populus ille in Ægypto constitutus comedere agnum crudum consueverat, ut ei Lex dicat: *Non comedetis ex eo crudum quid*? Ubi & additur: *Neque coctum aqua*. Sed quid aqua, nisi humanam scientiam designat? Juxta hoc quod per Salomonem sub hæreticorum voce dicitur: *Aquæ furtivæ dulciores sunt*. Quid crudæ agni carnes, nisi inconsidera-

tam, ac sine reverentia cogitationis, relictam illius humanitatem significant? Omne enim quod subtiliter cogitamus, quasi mente coquimus. Sed agni caro nec cruda edenda est, nec aqua cocta: quia Redemptor noster neque purus homo æstimandus est, neque per humanam sapientiam, qualiter incarnari Deus potuit, cogitandus. Omnis enim qui Redemptorem nostrum purum hominem credit, quid est aliud, quam agni carnes crudas comedit? Quas videlicet coquere per divinitatis ejus intelligentiam noluit. Omnis vero qui incarnationis ejus mysteria juxta humanam sapientiam discutere conatur, carnes agni vult aqua coquere, id est dispensationis ejus mysterium per dissolutam vult scientiam penetrare. Qui igitur Paschalis gaudii solemnitatem celebrare desiderat, agnum nec aqua coquat, nec crudum comedat: ut neque per humanam sapientiam, profunditatem incarnationis illius penetrare appetat, neque in eum tamquam in hominem purum credat: sed assas igni carnes comedat; ut dispensari omnia per sancti Spiritus potentiam sciat. De quo adhuc recte subjungitur: *Caput cum pedibus ejus & intestinis vorabitis*. Sicut supra jam prædiximus, Paulo attestante didicimus; quod caput Christi Deus est. Caput ergo agni vorare, est divinitatem illius fide percipere. Pedes vero agni vorare, est vestigia humanitatis ejus amando & imitando perquirere. Quid vero sunt intestina, nisi verborum illius occulta & mystica mandata? Quæ tunc voramus, cum verba vitæ cum aviditate sumimus. In quo devorationis verbo, quid aliud quam pigritiæ nostræ torpor reprehenditur? Qui ejus verba atque mysteria, & per nosmetipsos non requirimus, & dicta ab aliis inviti audimus. *Non remanebit ex eo quidquam usque mane*: Quia ejus dicta magna sunt

Amos 4. 4.
ibid. 5.

1. Cor. 12. 5.

Prov. 9. 27.

sunt sollicitudine discutienda, quatenus priusquam dies resurrectionis appareat, in hac presentis vite nostre omnia mandata illius intelligendo, & operando penetrentur. Sed quia valde est difficile, ut omne sacrum eloquium possit intelligi, & omne ejus mysterium penetrari, recte subjungitur: *Si quid autem remanserit, igne comburentis*. Quod ex agno remanet, igne comburimus, quando hoc, quod de mysterio incarnationis ejus intelligere, & penetrare non possumus, potestati sancti Spiritus humiliter reservamus: ut non superbe quis audeat vel contemnere vel denunciare quod non intelligit, sed hoc igni tradit cum sancto Spiritui reservat. Quia igitur qualiter edendum sit Pascha cognovimus, nunc a qualibus edi debeat, agnoscamus. Sequitur: *Sic autem comedetis illum: Renes vestros accingetis*. Quid in renibus, nisi delectatio carnis accipitur? Unde & Psalmista postulat dicens: *Ure renes meos*. Si enim voluptatem libidinis in renibus esse nesciret, eos urimime petiisset. Unde quia potestas diaboli in humano genere maxime per luxuriam praevaluit, de illo voce Dominica dicitur: *Potestas in lumbis ejus*. Qui ergo Pascha comedit, habere renes accinctos debet: ut qui solemnitate resurrectionis atque incorruptionis agit, corruptioni jam per vitia nulla subiaceat, voluptates edomet, carnem a luxuria restringat. Neque etenim cognovit quæ sit solemnitas incorruptionis, qui adhuc per incontinentiam corruptioni subjacet. Hæc quibusdam dura sunt, *sed angusta porta est quæ ducit ad vitam*. Et habemus jam multa exempla continentium. Unde bene adhuc subditur: *Calceamenta habebitis in pedibus*. Quid sunt etenim pedes nostri, nisi opera? Quid vero cal-

ceamenta, nisi pelles mortuorum animalium? Calceamenta autem pedes muniunt. Quæ vero sunt mortua animalia, ex quorum pellibus nostri muniuntur pedes, nisi antiqui patres, qui nos ad æternam patriam præcessere? Quorum dum exempla conspicimus, nostri operis pedes munimus. Calceamenta ergo in pedibus habere, est mortuorum vitam conspiciere, & nostra vestigia a peccati vulnere custodire. *Tenentes baculos in manibus*. Quid Lex per baculum, nisi pastorem custodiam designat? Et notandum quod prius præcipimur renes accingere, postmodum baculos tenere: quia illi debent curam pastorem suscipere, qui jam in suo corpore sciunt fluxus luxuriæ edomare: ut cum aliis fortia prædicant, ipsis desideriiis mollibus enerviter non succumbant. Bene autem subditur: *Et comedetis festinanter*. Mandata Dei, mysteria Redemptoris, cælestis patriæ gaudia, cum festinatione cognoscite, & præcepta vitæ cum festinatione implere curate. Quia enim adhuc hodie licet bene agere, scimus: utrum cras liceat, ignoramus. Festinantes ergo Pascha comedite, id est ad solemnitatem patriæ cælestis anhelate. Nemo in hujus vitæ itinere torpeat, ne in patria locum perdat. Nemo moras ad appetenda bona studia innectat, sed cæpta perficiat, ne minime liceat implere quod incoat. Si ad amorem Dei pigri non sumus, adjuvat ipse quem amamus.

CAPUT XX,

Primogenitum asini mutabis ove.

Cum de ^a refutatione præterita-
rum sordium, & de innovanda
cordis innocentia tractaretur, in ex-
pos. B Job, l. 27 & hom. 8. in
Ezech. adjunctum est: *Primogenitum
asini mutabis ove*. Quid per asinum,
nisi immunditia? Et quid per ovem,
nisi

dium. Sequimur unanimem mss. censum.

^a In excusis legitur, de revocanda cordis innocentia, ex refutatione præteritarum for-

Exod 13. 13.

^a

Num. 38.

Is. 25. 2.

Job 40. 11.

Mat. 7. 13.
14.

nisi innocentia designatur? Afini ergo primogenita ovis mutare, est immundæ vitæ primordia in innocentiam simplicitatis convertere: ut postquam illa peccator egit, quæ ut immunda Dominus respuit, ea jam agendo proferat, quæ Dei sacrificio imponat. * Omnes enim homines nati in peccatis sumus, atque ex carnis delectatione concepti, culpæ nobiscum originem traximus. Unde fit ut etiam ex voluntate nostra peccatis implicemur. Sed quisquis post malitiam carnis ad innocentiam convertitur cordis, primogenitum afini mutat ove: quia prioris vitæ immunditiam ad innocentiam convertit. Qui enim qualis prius fuerit, esse desinit, apprehensa carnis munditia, innocentiam custodit, in oblationem Dei primogenitum afini ad ovem mutavit.

C A P U T XXI.

Exod. 13. 17. Cum emisisset Pharaon populum, non eos eduxit Deus per viam terræ Philisthiim, quæ vicina est: reputans ne forte sum pœniteret, si vidisset adversum se bella consurgere & reverteretur in Ægyptum.

Num. 29. **D**UM de dispensatoria mutatione, noviter ex interno moderamine ad conversionem venientium tractaretur, in expof. B. Job, lib. 24. adjunctum est: Cum emisisset Pharaon populum, &c. SÆPE conversi quoque in ipso adhuc aditu incoationis suæ, vel tranquillitatem pacatissimam carnis, vel dona prophetiæ, vel prædicamenta doctrinæ, vel signorum miracula, vel gratiam curationis accipiunt: post hæc autem duris tentationum probationibus fatigantur, a quibus tentationibus adhuc cum inciperent, valde liberos se esse crediderunt. Quod divinæ gratiæ dispensatione agitur, ne incoatione sua, tentationum asperitate frangantur: quia si eorum initia amaritudo tentationis exciperet, tam facile ad ea, quæ reliquerant,

redirent, quam nec longius discesferant: nam contentis prius vitiis quasi juxta positis * replicarentur. Unde scriptum est: Cum dimisisset Pharaon populum, non eos duxit Dominus per viam terræ Philisthiim, quæ vicina est, reputans ne forte pœniteret eum, si vidisset adversum se bella consurgere, & reverteretur in Ægyptum. Ex Ægypto itaque exeuntibus e vicino bella subtrahuntur: quia derelinentibus seculum, quædam prius tranquillitas ostenditur: ne in ipsa sua teneritudine atque incoatione turbati, ad hoc territi redeant quod evaserunt. Prius ergo suavitatem securitatis sentiunt, prius pacis quiete nutriuntur; post cognitam vero dulcedinem tanto jam tollerabilius tentationum certamina sustinent, quanto in Deo altius cognovere quod ament.

C A P U T XXII.

Dominus autem præcedebat eos ad ostendendam viam per diem in columna nubis, & per noctem in columna ignis. Exod. 13. 21.

Num. 57. Num. 3. **D**UM de qualitate futuri judicii tractaretur, in expof. B. Job, l. 2. & in ho. 21. in Evang. adjunctum est: Dominus autem præcedebat eos, &c. QUID in igne nisi terror est? In nube autem visionis lenæ blandimentum. Dies vero vita justis, & nox accipitur vita peccatoris. Unde & conversis peccatoribus Paulus dicit: Fuiſtis aliquando tenebræ, nunc autem lux in Domino. Ephes. 5. 8. In die ergo per nubem columna monstrata est, & in nocte per ignem: quia omnipotens Deus & blandus justis, & terribilis apparet injustis. Justos in judicio veniens per lenitatis mansuetudinem demulcet; illos vero per justitiæ distinctionem terret. Rursum de hac columna ignis & nubis subtili investigatione discussum intelligi & aliter potest. Quid est ergo quod columna nubis quæ inderemo populum præ-

* Id est replicarentur, seu iterum implerentur.

præibat, splendore ignis non in die sed in nocte radiabat? nisi quia Redemptor nolter suæ conversationis exemplo, ducatum sequentibus præstans, de justitia sua confidentibus, nulla luce claruit: peccatorum vero suorum tenebras agoscentibus, ignem sui amoris intulit.

CAPUT XXIII.

Quid clamas ad me?

Exod. 24. 15.

Num. 43.

DUM de accendendo cordis desiderio in Deum tractaretur, in expof. B. Job, l. 22. adjunctum est: *Quid clamas ad me?* VOCES apud secretissimas aures Dei non faciunt verba nostra, sed desideria. Aeternam etenim vitam si ore petimus, nec tamen corde desideramus, clamantes tacemus. Si vero desideramus ex corde, etiam cum ore conticescimus, tacentes clamamus. Hinc est quod in eremo populus vocibus perstrepat, & Moyses a strepitu verborum taceret: & tamen silens aure divinæ pietatis auditur, cum dicitur: *Quid clamas ad me?* Intus est ergo in desiderio clamor secretus: quia ad humanas aures non pervenit, & tamen auditum Conditoris replet.

CAPUT XXIV.

Exod. 26. 15. *De manna filiis Israel desuper dato.*

Num. 42.

CUM de præparando animo ad percipiendam supernæ compunctionis dulcedinem tractaretur, in expof. B. Job, l. 27. adjunctum est: *De manna filiis Israel desuper dato.* QUID per manna quod populo desuper datum est, nisi admiratio supernæ dulcedinis designatur? Dulcis enim cibus, qui de supernis accipitur, *manhu* vocatur. Manhu enim dicitur, quid est hoc? Et, quid est hoc, dicimus, quando hoc quod cernimus, nescientes admiramur. Supernum igitur manna anima percipit, cum per vocem compunctionis elevata, novam speciem internæ refectionis obstupefcit, ut divina dulcedine repleta, jure respondeat, quid est hoc. Quia dum ab infima co-

gitatione suspenditur, ea quæ de supernis conspicit, insolite miratur. Et cum hac voce torporis nostri surditas rumpitur, vetustæ vitæ protinus usus mutatur: ut anima superno spiritu afflata, & in summis appetat, quæ contemserat, & contemnat in infimis, quæ appetebat.

CAPUT XXV.

Manus autem Moysi erant graves. Exod. 17. 30.

Sumentes igitur lapidem, posuere subter eum, in quo sedit. Aaron autem & Hur sustentabant manus ejus.

CUM de Mediatoris adventu, & de levigata per intellectum spiritus Legis duritia tractaretur in homil. 33. in Evag. adjunctum est: *Manus autem Moysi erant graves &c.* MOYSES sedit in lapide, cum Lex requievit in Ecclesia. Sed hæc eadem Lex manus graves habuit: quia peccatores quosque non misericorditer pertulit, sed severa distractione percussit. Aaron vero mons fortitudinis, Hur autem ignis interpretatur. Quem itaque iste mons fortitudinis signat, nisi Redemptorem nostrum, de quo per Prophetam dicitur: *Erit in novissimis diebus præ-* Isai. 2. 2.
paratus mons domus Domini in vertice montium? Aut quis per ignem nisi sanctus Spiritus figuratur, de quo idem Redemptor dicit: *Ignem* Luc. 12. 49.
veni mittere in terram? Aaron ergo & Hur graves manus Moysi sustinent, atque sustentando leviores reddunt: quia Mediator Dei & hominum cum igne sancti Spiritus veniens, mandata Legis gravia, quæ dum carnaliter tenerentur, portari non poterant, tolerabilia nobis per spiritualem intelligentiam ostendit. Quasi enim manus Moysi leves reddidit: quia pondus mandatorum Legis ad virtutem confessionis reiecit. Hanc nobis frequentis misericordiæ promissionem innuit, cum per Prophetam dixit: *Nolo mortem peccatoris, sed ut convertatur & vivat.*

Hinc

Jerem. 3. 1.

Hinc iterum sub Judææ specie uniusque peccatrici animæ dicitur: *Si dereliquerit vir uxorem suam, & illa recedens duxerit virum alium, numquid revertetur ad eum ultra? Numquid non polluta & contaminata erit mulier illa? Tu autem fornicata cum amatoribus multis, tamen revertere ad me, dicit Dominus.* Ecce paradigma turpis mulieris dedit, ostendit quod post turpitudinem recipi non possit. Sed hoc ipsum paradigma quod protulit, per misericordiam vincit, cum dicit fornicantem mulierem recipi nequaquam posse, & tamen ipse fornicantem animam, ut recipiat, exspectat. Pensamus pondus tantæ pietatis. Dicit quod fieri non potest, & demonstrat, quia hoc ipse facere etiam contra morem potest. Ecce vocat, & quos inquinatos denuntiat, hos etiam amplecti quærit, a quibus desertum esse se queritur. Inflexit ergo ad misericordiam duritiam Legis: quia quos iuste illa damnat, ipse misericorditer liberat.

C A P U T XXVI.

Exod. 19. 2. *Quod Legem daturus Dominus in igne fumoque descendit.*

CUM de exstirpando primum desideriorum carnalium appetitu, & tunc ad intuenda sublimia, dirigenda mentis acie tractaretur, in expof. B. Job, l. 6. adjunctum est: *Quod Legem daturus Dominus in igne, &c.* Quid est quod Legem daturus, in igne fumoque descendit, nisi quia & humiles per claritatem suæ ostensionis illuminat, & superborem oculos per caliginem erroris obscurat? Prius igitur mens ab appetitu gloriæ temporalis, atque ab omni carnalis concupiscentiæ delectatione tergendenda est, & tunc ad aciem contemplationis erigenda. Unde & cum Lex accipitur, populus a monte prohibetur, ut videlicet qui infirmis adhuc mentibus terrena desiderat, considerare sublimia non præsumat. Ubi

Tom. XIV.

recte dicitur: *Si bestia tetigerit montem, lapidabitur.* Bestia etenim montem tangit, cum mens irrationalibus desideriis subdita, ad contemplationis alta se erigit. Sed lapidibus percutitur, quia summa non sustinens, ipsis superni ponderis ictibus necatur. Qui igitur culmen apprehendere perfectionis nituntur, cum contemplationis arcem tenere desiderant, prius se in campo operis per exercitium probent, ut sollicitè ferant si nulla jam mala proximis irrogant: si irrogata a proximis æquanimiter portant; si objectis bonis temporalibus nequaquam mens lætitia solvitur; si subtractis non nimio mærore sauciatur: ac deinde perpendat, si cum ad semetipsos interiorius redeunt, in eo quod spiritualia rimantur, nequaquam secum rerum corporalium umbras trahunt; vel fortasse tractas, manu discretionis abigunt: si incircumscriptionis suæ imagines deprimunt, & in eo quod super se contingere appetunt, vincunt quod sunt.

C A P U T XXVII.

Exod. 19. 19a. *Quod Israel verba Dei in monte audire non valens, precepta in campis accepit.*

CUM de intelligendis Scripturæ mysteriis, pro rerum qualitatibus temporeque expressione dispositis tractaretur, in expof. B. Job, lib. 2. adjunctum est: *Quod Israel verba, &c.* IN TULERI libet quomodo sacra eloquia in exordiis narrationum, qualitates exprimunt terminosque causarum. Aliquando namque a positione loci, aliquando a positione corporis, aliquando a qualitate aeris, aliquando a qualitate temporis signant quid de ventura actione subjiciant. A positione quippe locorum divina Scriptura exprimit subsequens merita finisque causarum, sicut de Israel dicit: quia verba Dei in monte audire non po-

H h

luit,

Num. 59. & 59.

Num. 25

tuit, sed præcepta in campestribus accepit: subsequenter nimirum infirmitatem populi indicans, qui ascendere ad summa non valuit, sed semetipsum in infimis negligenter vivendo laxavit. A positione corporis futura denuntiatur: sicut in Apostolorum Actibus Stephanus Jesum, qui a dextris virtutis Dei sedet, stantem se vidisse manifestat. Stare quippe, adjuvantis est. Et recte stare cernitur, qui in bello certaminis opitulatur. A qualitate aeris res subsequens demonstratur, sicut Evangelista, cum, prædicante Domino, nullos tunc ex Judæis credituros diceret, præmisit, dicens: *Hieremias autem erat*. Scriptum namque est: *Abundabit iniquitas, refrigescet caritas multorum*. Idcirco hiemis curavit tempus exprimere, ut inesse auditorum cordibus malitiæ frigus indicaret. Hinc est quod de negaturo Petro præmittitur: *Quia frigus erat, & stans ad prunas calefaciebat se*. Jam namque intus a caritatis calore torpuerat, & ad mortem præsentis vitæ, quasi ad persecutorum prunas, infirmitate æstuante recalebat. A qualitate quoque temporis, finis exprimitur actionis, sicut non rediturus ad veniam, ad traditionis perfidiam nocte Judas exiisse perhibetur, cum, egrediente illo, ab Evangelista dicitur: *Erat autem nox*. Hinc enim & iniquo diviti dicitur: *Hac nocte repetent animam tuam abs te*. Anima quippe, quæ ad tenebras ducitur, non in die repeti, sed in nocte memoratur. Hinc est quod Salomon, qui sapientiam non perseveraturus accepit, in somnis hanc in nocte accepisse describitur. Hinc est quod Angeli ad Abraham meridie veniunt, punituri autem Sodomam, ad eam vespere venisse memorantur.

CAPUT XXVIII.

Moses ascendit, & Dominus in montem descendit. Exod. 19. v. 3. & 5.

DUM de aspiratione supernæ gratiæ per meritum contemplationis assumptæ tractaretur, in exposit. B. Job, lib. 5. adjunctum est: *Moses ascendit &c.* QUID per montem, nisi ipsa nostra contemplatio designatur, in quam nos ascendimus, ut ad ea, quæ ultra infirmitatem nostram sunt videnda, sublevemur? Sed in hanc Dominus descendit, quia nobis multum proficientibus, parum de se aliquid nostris sensibus aperit, si tamen dici in illo vel parum vel aliquid potest; qui unus semper & idem permanens, intelligi partiliter non potest; & tamen a suis fidelibus participari dicitur, cum in ejus substantia pars nullatenus admittatur. Sed quia hunc exprimere perfecto sermone non possumus, humanitatis nostræ modulo, quasi infantia imbecillitate præpediti, eum aliquatenus balbutiendo resonamus.

CAPUT XXIX.

Stetit populus de longe, Moses autem accessit ad caliginem, in qua erat Deus. Exod. 20. 21.

CUM de discretionem tenendæ allegoriæ, ac historiæ tractaretur, hom. 9. ^a in Ezechielem, adjunctum est: *Stetit populus de longe, &c.* IN sacro eloquio intelligentiæ magna discretio est. Sæpe enim in quibusdam locis illius, & historia servanda & allegoria, & sæpe in quibusdam sola exquirenda est allegoria, & aliquando vero sola necesse est ut teneatur historia. Nam in quibusdam locis, sicut diximus, historia simul tenenda est & allegoria: ut & tardiores pascantur per historiam, & velociores ingenio per allegoriam. Unde cum, loquente Domino, populus lampades & sonitum buccinæ & montem fumi-

gan-

gantem cerneret, perterritus petiit, ut eis per Moysen Dominus loqueretur. Et scriptum est: Stetit populus de longe, Moyses accessit ad caliginem, in qua erat Deus. Turba quippe populi, allegoriæ caliginem non valet penetrare: quia valde paucorum est spiritualem intellectum rimari. Quia enim mentes carnalium ola sæpe historia pascuntur, loquente Deo, longe populus stetit. Quia vero spirituales quique allegoriarum nubem penetrant, ut spiritualiter Dei verba cognoscant; Moyses accessit ad caliginem, in qua erat Deus.

CAPUT XXX.

Exod. 20. 24.

Altare de terra facietis mihi.

Num. 51.

CUM de incarnatione Dominica tractaretur, in expos. B. Job, lib. 3. adjunctum est: *Altare de terra facietis mihi*. ALTARE de terra Deo facere, est incarnationem Mediatoris sperare. Tunc quippe a Deo nostro munus accipitur, quando in hoc altari nostra humilitas, id est super Dominicæ incarnationis fidem posuerit quidquid operatur. Ponimus ergo in altari de terra oblatum munus, si actus nostros Dominicæ incarnationis fide solidamus.

CAPUT XXXI.

Exod. 21. v. 2. & seq.

Si emeris servum Hebræum, sex annis serviet tibi: in septimo egredietur liber gratis. Cum quali veste intravit, cum tali exeat: si habet uxorem, & uxor egrediatur simul. Sin autem dominus dederit illi uxorem, & peperit filios & filias, mulier & liberi ejus erunt domini sui, ipse vero exibat cum vestitu suo. Quod si dixerit servus: Diligo dominum meum, & uxorem, ac liberos, non egrediar liber; offerat eum dominus diis, & applicabitur ad ostium, & postes; perforabitque aurem ejus subula, & erit ei servus in seculum.

DUM de activa, contemplativaque vita tractaretur, hom. 3. in Ezech. adjunctum est: *Si emeris*

Num. 10. 21. 22. & 23.

servum Hebræum, &c. SCIENDUM est, quia cum activa vel contemplativa vita ex dono sint gratiæ, quamdiu tamen inter proximos vivimus, una nobis in necessitate est, altera in voluntate. Quis enim cognoscens Deum, ad ejus regnum ingreditur, nisi bene operetur? Sine contemplativa ergo vita intrare possunt ad cælestem patriam, qui bona quæ possunt operari non negligunt. Sine activa autem intrare non possunt, si negligunt bona operari, quæ possunt. Illa ergo in necessitate, hæc in voluntate est. Illa in servitute, ista in libertate est. Unde & ad Moysen dicitur: *Si emeris servum Hebræum, sex annis serviet tibi: in septimo egredietur liber gratis, & reliqua quæ sequuntur.* Hebræus, transiens interpretatur. Et servus Hebræus emitur, quando unusquisque, qui jam ab hoc seculo mente transit, servitio omnipotentis Domini subditur. Ille etenim vere Deo servire appetit, qui ab hoc seculo mente transire didicerit. Sic Moyses transivit in deserto ut videret visum. Sic David cum videret impium exaltatum & elevatum super cedros Libani, transivit & ecce non erat; quia iniquorum potentiam esse magnum aliquid fortasse credimus, nisi ad permanens seculum mente transeamus. Servus vero Hebræus emitur sex annis servire præcipitur, itaut in septimo liber exeat gratis. Quid enim per senarium numerum, nisi activæ vitæ perfectio designatur? Quid per septenarium, nisi contemplativa exprimitur? Sex ergo annis servit, & septimo egreditur, qui per activam, quam perfecte exhibuerit, ad contemplativæ vitæ libertatem transit. Et notandum quod gratis liber egreditur, quia hi, qui postquam omnia fecerint, dicunt se inutiles servos: eis proculdubio sicut ipsa activa fuit ex munere, ita erit ex gratia etiam contemplativa. Cum

Exod. 21. 2.

Exod. 3. Psal. 36.

Luc. 27.

quali veste intraverit, cum tali ex-
rat, quia omnino necesse est ut u-
nusquisque nostrum in hoc, quod
incipit, perseveret, atque usque ad
finem operis in ea, qua incoavit,
intentione perduret. Illequippe bene
ad contemplativam transit, qui in
activa vita intentionis suæ vestem
ad deteriora non mutaverit. Et sunt
nonnulli, qui priusquam omni-
potentis Dei servitio socientur, jam bo-
na operari diligunt. Sunt vero alii,
qui bona opera postquam ad servi-
tium omnipotentis Dei venerint, di-
scunt. Qui ergo operationem bonam,
priusquam ad Dei servitium veniret,
habere studuit, Hebræus servus cum
uxore emtus est. Et plerumque is,
qui talis est, potest ad contempla-
tivam vitam transire, & tamen a-
ctivam non deferere. Unde & illic
subditur: *Si habet uxorem, & uxor
egredietur simul.* Cum eo enim ad
libertatem & uxor egreditur, quan-
do is, qui ad contemplationem per-
venit, etiam foris actionem boni o-
peris, qua prodesse possit aliis, non
relinquit. Sin autem dominus de-
derit illi uxorem, & peperit filios
ac filias, mulier & liberi ejus erunt
domini sui, ipse vero exhibit cum
vestitu suo. Servo emto dominus
dat uxorem, cum prædicator quisque
eum, quem juri omnipotentis Dei
mancipaverit, bonæ actioni conjun-
git. Nam & prædicatores domini
vocantur, sicut Elifæ Prophetæ de
prædicatore suo dicitur: *Sois quod
dominus tuus tollatur a te?* Uxor
vero servi emittit filios & filias pa-
rit, quando ei bona actio fortes vel
tenuiores fructus generat. Sed mu-
lier, quæ a domino data est, eidem
domino cum filiis remanet: ipse
vero servus cum vestitu suo exit,
quia bona actio, vel ejusdem bonæ
actionis fructus prædicatoris merce-
de reputantur. Ipse vero in desiderii
sui intentione perdurans, per su-
pernam gratiam ad contemplatio-

nem liber egreditur. Quod si dixe-
rit servus: *Diligo dominum meum,
et uxorem, ac liberos; non egrediar
liber.* Servus dominum suum dili-
git, quando prædicatoris verba soli-
licita intentione custodit. Uxorem
quoque amans & liberos, liber e-
gredi recusat, quando activam vitam
ejusque fructum diligens, transire
ad contemplativam non voluit, quia
bona se opera habere in ministerii
sui servitute considerans, ad liberta-
tis quietem renuit transire. Sed,
*offerat eum dominus diis, et appli-
cetur ad ostium et postes, et perforet
aurem ejus subula, ut sit ei servus
in seculum.* Is enim, qui in activa
disposuit vita perdurare, a domino
diis offertur, quando a prædicatore
suo antiquorum patrum dictis im-
buitur, qui nobis in via omni-
potentis Domini Sacerdotes fuere. Atque
ad ostium & postes tabernaculi du-
citur, ut de ingressu æterni taber-
naculi altius aliquid audiat, & tre-
mendi judicii diem subtiliter agno-
scat; ne per bona opera, quæ fa-
cit, placere hominibus appetat. Sic-
que auris ejus subula perforatur, dum
mens illius timoris Dei subtilitate
percutitur; ut & verbi acumine
transfixa, per omne, quod agit, no-
verit ingressum regni semper atten-
dere, & quasi ab ostio & poste ta-
bernaculi perforatam aurem portare.
Qui erit servus in seculum; ut esse
post seculum liber possit. In secu-
lum etenim servus est, qui per acti-
vam vitam hominibus servire dis-
posuit, ut post præsens seculum ad
libertatem veram valeat pervenire.
De qua per Paulum dicitur: *Quia* Rom. 8. 21.
*et ipsa creatura liberabitur a servi-
tute corruptionis in libertatem glorie
filiorum Dei.* Tunc etenim vera in
nobis libertas erit, cum ad gloriam
filiorum Dei adoptio nostra perve-
nerit. Nunc vero non solum activa
in servitute est; sed ipsa quoque
contemplatio, qua super nos rapi-
mur,

mur, libertatem mentis adhuc perfecte non obtinet, sed imitatur: quia illa quies intima in ænigmate videtur.

C A P U T XXXII.

Exod. 21. 33. *Si quis aperuerit cisternam et foderit, et non operuerit eam, cecideritque bos vel asinus in eam, Dominus cisternæ reddet pretium iumentorum.*

DUM de tenenda sacri verbi mensura, secundum qualitatem audientium tractaretur, in expof. B. Job, l. 17. adjunctum est: *Si quis aperuerit cisternam et foderit, etc.* QUID est aperire cisternam, nisi intellectu valido Scripturæ sacræ arcana penetrare? Quid autem per bovem & asinum, id est mundum immundumque animal, nisi fidelis quisque vel infidelis accipitur? Qui ergo cisternam fodit, cooperiat, ne illic bos vel asinus, ruat; id est qui in sacro eloquio jam alta intelligit, sublimes sensus coram non capientibus per silentium tegat, ne per scandalum mentis, aut fidelem parvulum, aut infidelem, qui credere potuisset, interimat. Ex morte enim iumentorum debet pretium: quia illud scilicet amisisse convincitur, unde ad agendam poenitentiam reus tenetur. Quisquis namque ad alta scientiæ fluentia perveniens, cum hæc apud bruta audientium corda non contexerit, poenæ reus addicitur, si per verba ejus in scandalum, sive munda, seu mens immunda capiatur. Operienda est itaque cisterna: quia coram parvulis mentibus tegenda est alta scientia, ne unde cor docentium ad summa attollitur, inde infirmitas auditorum ad ima dilabatur.

C A P U T XXXIII.

Exod. 22. 26. *Cum debet tibi quidpiam frater tuus, & abstuleris pignus ab eo, ante solis occasum pignus restitue.*

DUM de utilitate confessionis tractaretur, in expof. B. Job, l.

16. adjunctum est: *Cum debet tibi quidquam frater tuus, &c.* QUID hoc loco pignoris nomine, nisi peccati confessio datur intelligi? Frater etenim noster debitor nobis efficitur, cum quilibet proximus in nos aliquid deliquisse monstratur. Peccata quippe, debita vocamus. Unde peccatori servo dicitur: *Omne debitum dimisi tibi.* Et in Dominica quotidie oratione precamur: *Dimitte nobis debita nostra, sicut & nos dimittimus debitoribus nostris.* A debitore autem nostro pignus accipimus, quando ab eo qui & nobis peccasse cognoscitur, peccati ejus jam confessionem tenemus, per quam relaxare peccatum, quod in nobis perpetratum est, postulamus. Qui enim peccatum, quod commisit, fatetur, & veniam petit, jam quasi pro debito pignus dedit. Quod nimirum pignus ante solis occasum reddere jubemur, quia priusquam in nobis per dolorem cordis sol justitiæ occidat, debemus ei confessionem veniæ reddere, a quo confessionem accipimus culpæ: ut qui se deliquisse in nos meminit, a nobis mox relaxatum sentiat quod deliquit.

C A P U T XXXIV.

Quod Moyses accepturus Legem in montem ascendit.

Exod. 23. 40

DUM de appetenda quiete interna, & cordis munditia tractaretur, in expof. B. Job, adjunctum est: *Quod Moyses accepturus Legem in montem ascendit.* ^a QUID est, quod Moyses, ut sublimia Dei præcepta perciperet, alta conscendit; atque ut interna penetraret, ab externis tumultibus occultatur? nisi quod sancti viri, qui exterioribus ministeriis deservire officii necessitate coguntur, studiose semper ad cordis secreta refugiunt: ibique cogitationis intimæ cacumen ascendunt, & Legem quasi in monte percipiunt: dum post-

^a In mss. non assignatur quo ex loco fuerit id sumtum. Certe non invenitur lib.

24. in Job, cap. 12. ut in editis legitur;

Num. 6.
Vide et infr.
Deut. 6. 17

Matt. 18. 32.

Matth. 6. 22.

positis tumultibus actionum temporalium, in contemplationis suæ verticem, supernæ voluntatis sententiam perscrutantur.

C A P U T XXXV.

Exod. 25. 25. & seq. **Facies quatuor circulos aureos, quos pones per quatuor arcæ angulos. Duo circuli sint in latere uno, & duo in altero. Facies quoque vestes de lignis Sethim, & operies auro, inducesque circulos, qui sunt in arcæ lateribus, ut portetur in eis; qui semper erunt in circulis, nec unquam extrahentur ab eis.**

Part. 2. c. 11. **C**um de prædicatione doctorum Ecclesiæ tractaretur, in cod. Reg. Past. adjunctum est: *Facies quatuor circulos aureos, etc.* **QUID** per arcam, nisi sancta Ecclesia figuratur? Cui quatuor circuli aurei per quatuor angulos iubentur adungi: quia in eo quod per quatuor mundi partes dilatata tenditur; procul dubio sancti Evangelii libris accincta prædicatur. Vestesque de lignis Sethim fiunt, qui iisdem ad portandum circulis inferuntur: quia fortes perseverantesque doctores velut imputribilia ligna quærendi sunt, qui instructioni sacrorum voluminum semper inhærentes, sanctæ Ecclesiæ unitatem denuntient, & quasi intromissis circulis arcam portent. Vestibus quippe arcam portare, est bonis Doctoribus sanctam Ecclesiam ad rudes infidelium mentes prædicando deducere. Qui auro quoque iubentur operiri, ut dum sermone aliis insonant, ipsi etiam vitæ splendore fulgeant. De quibus apte subditur: *Qui semper erunt in circulis, nec unquam extrahentur ab eis*: quia nimirum ne cesse est, ut qui ad officium prædicationis excubant, a sacræ lectionis studio non recedant. Ad hoc namque vestes esse in circulis semper iubentur, ut cum portari arcam opportunitas exigit, de inmittendis vestibus portandi tardi-

tas nulla generetur: quia videlicet cum spirituale aliquid a subditis Pastor inquiritur, ignominiosum valde est, si tunc quæriri discere, cum quæstione non debet enodare. Sic circulis vestes inhæreant, ut doctores semper in suis cordibus eloquia sacra meditantes, testamenti arcam sine mora elevent, si quidquid necesse est protinus doceant. Unde bene primus Pastor Ecclesiæ Pastores cæteros admonet, dicens: *Parati semper ad satisfactionem omni poscenti vos rationem de ea, quæ in vobis est, spe.* Ac si aperte dicat: ut ad portandam arcam mora nulla præpediat, vestes a circulis nunquam recedant.

C A P U T XXXVI.

Exod. 25. 22. **Duos quoque Cherubim aureos, et productiles facies ex utraque parte oraculi. Cherubim unus sit in latere uno, et alter in altero; utrumque latus propitiatorii tegant expandentes alas, et operientes oraculum, respiciantque se mutuo versis vultibus ad propitiatorium.**

Dum de concordia novi ac veteris Testamenti, & de Mediatoris adventu tractaretur, homil. 6. in Ezechielem, adjunctum est: *Duos quoque Cherubim aureos, et productiles facies, &c.* **QUID** per propitiatorium, nisi Mediator Dei & hominum designatur? De quo per Paulum dicitur: *Quem posuit Deus propitiationem per fidem in sanguine ipsius.* Quid vero, per duo Cherubim, qui plenitudo scientiæ dicitur, nisi utraque Testamenta signata sunt? Ex quibus unum a summitate una propitiatorii, aliud vero a summitate altera stat: quia quod Testamentum vetus de incarnatione nostri Redemptoris cœpit prophetando promittere, hoc Testamentum novum perfecte narrat expletum. Duo autem Cherubim ex auro mundissimo facta sunt: quia utraque Testamenta pura ac simplici veritate describuntur. Expandunt vero alas,

& ora-

& oraculum opériunt: quia nos, qui omnipotentis Dei oracula sumus, a culpis imminetibus, Scripturæ sacræ ædificatione protegimur. Cujus dum sententias sollicitè aspicimus, ab errore ignorantiae ejus alis velamur. Duo vero Cherubim se mutuo respiciunt versis vultibus in propitiatorium; quia utraque Testamenta nulla à se varietate discrepant. Et quasi ad semetipsa vicissim facies tenent: quia dum quod unum promittit, hoc aliud exhiberet, interpositum Mediatorem Dei & hominum vident. Facies quippe a semetipsis Cherubim averterent, si quod unum Testamentum promitteret, aliud negaret. Sed dum concorditer de Mediatore Dei & hominum unum loquuntur, vicissim ut se respiciant, in propitiatorium intendunt. Quod enim designavit Testamentum vetus, hoc Testamentum novum exhibuit. Ut enim pauca de multis loquar. Quid est quod, Adam dormiente, Eva producit, nisi quod moriente Christo, Ecclesia fidelium nascitur? Quid est quod Isaac ad immolandum ducitur, & ligna portat, aræ superimponitur, & vivit, nisi quod Redemptor noster ad passionem ductus, lignum sibi crucis ipse portavit, & sic ex humanitate est mortuus, ut tamen immortalis maneret ex divinitate? Vera ergo Testamenta ita sibi in Mediatorem Dei & hominum congruunt, ut quod unum signat, hoc alterum exhibeat.

CAPUT XXXVII.

Item unde supra.

IN expositione Evangelii hom. 25. **CHERUBIM**, plenitudo scientiæ dicitur. Et quid per duo Cherubim, nisi utraque Testamenta signantur? Quid vero per propitiatorium, nisi incarnatus Dominus figuratur? De quo Johannes ait: *Ipse est enim propitiatio pro peccatis nostris.* Et dum Testamentum vetus hoc faciendum denuntiat, quod Testamentum no-

vum de Domino factum clamat, utraque quasi Cherubim se invicem aspiciunt, dum vultus in propitiatorium vertunt: quia dum inter se positum incarnatum Dominum vident, a suo aspectu non discrepant, quæ dispensationis ejus mysterium concorditer narrant.

CAPUT XXXVIII.

Parabis & acetabula, ac phialas, & cyathos, in quibus offerenda sunt libamina. Exod. 25. 35.

CUM de discrete tenenda a doctoribus prædicationis mensura tractaretur, in expos. B. Job, l. 20. adjunctum est: *Parabis & acetabula, &c.* Num. 9. QUID per phialas, & cyathos, nisi mensura prædicationis accipitur, qua oportet ut exhortationis gratia singulis juxta capacitatem ingenii conferatur? Debet enim is subtiliter qui docet perspicere ne plus studeat, quam ab audiente capiatur, prædicare. Debet & ad infirmitatem audientium semetipsum contrahendo descendere, ne dum parvis sublimia, & idcirco non profutura loquitur se magis curet ostentare, quam auditoribus prodesse. Jubente autem Domino, non solum phialæ ad mensam tabernaculi, sed etiam cyathi præparantur. Quid enim per phialas, nisi larga prædicationis? quid enim per cyathum, nisi minima ac tenuis de Deo locutio designatur? In mensa igitur Domini, & phialæ præparantur, & cyathi: quia videlicet in doctrina sacri eloquii, non solum exhibenda sunt magna, & arcana, quæ incumbant; sed etiam parva & subtilia, quæ quasi per gustum notitiam præstant.

CAPUT XXXIX.

Item unde supra.

IN expositione Evangelii homil. 6. QUID per phialas, nisi doctrina exuberans? & quid per cyathos, nisi parva atque angusta scientia designatur? Alius namque doctri-

Num. 6.

Num. 3.

3. Johan. 2. 2.

eterna veritatis plenus; audientium mentes inebriat: per hoc ergo quod dicit, profecto phialam porrigit. Alius explere quod sentit, non valet: sed quia hoc utcumque denuntiat, profecto per cyathum gustum præbet. In Dei ergo tabernaculo, id est in sancta Ecclesia positi, si per doctrinam sapientiæ ministrare phialas minime possunt, in quantum pro divina largitate sufficiunt, proximis suis boni verbi dare cyathos debent.

CAPUT XL.

Exod. 25. 31. *Facies et candelabrum ductile de auro mundissimo, hastile ejus, et calamos, et scyphos, et spherulas, ac lilia ex ipso procedentia.*

Nam. 8. **C**UM de mysterio incarnationis Dominicæ, deque membris ei per fidem adhærentibus tractaretur, l. i. in hom. 6. in Ezech. adjunctum est: *Facies et candelabrum ductile de auro mundissimo, ec.* QUIS in candelabro, nisi Redemptor humani generis designatur? qui in natura humanitatis insulsi lumen divinitatis, ut mundi candelabrum fieret, quatenus in ejus lumine omnis peccator, in quibus jaceret tenebris, videret. Qui pro eo quod nostram naturam sine culpa suscepit, candelabrum tabernaculi de auro purissimo fieri jubetur. Ductile autem feriendo producit, quia & Redemptor noster, qui ex conceptione & nativitate perfectus Deus & homo exstitit, passionum ictus pertulit, & sic ad resurrectionis gloriam pervenit. Ex auro ergo mundissimo ductile candelabrum fuit, quia & peccatum non habuit, & tamen ejus corpus per passionis contumelias ad immortalitatem profecit. Nam juxta animæ meritum, quo percussione potuisset proficere, omnino non habuit. In membris autem suis, quæ

nos sumus, quotidie percussione proficit: quia dum nos tundimur, & afficimur, ut ejus corpus esse mereamur, ipse proficit, de cujus corpore scriptum est: *Ex quo totum* *Col. 2. 19.* *corpus per nexus, et conjunctiones subministratum et constructum crescit in augmentum Dei.* ^a Corpus quippe illius nos omnes sumus, per nexus vero & conjunctiones corpus ligatur, quia dum capiti pectus, dum pectori brachia, dum brachiis manus, digiti manibus sunt conjuncti, & membra cætera membris inhærent, corpus omne perficitur: sic sancti Apostoli qui Redemptori nostro propinqui steterunt, quasi pectus capiti inhæserunt. Quos quia Martyres sunt secuti, quasi conjuncta brachia pectori fuerunt. Quibus dum Pastores & Doctores subjuncti sunt per bona opera, manus brachiis inhæserunt. Hoc vero omne corpus Redemptoris nostri quotidie per nexus & conjunctiones subministratur in cælo, quia cum ad eum illuc electæ animæ ducuntur, ei sua membra colligantur; de quo benedicitur: *Subministratum et constructum crescit in augmentum Dei;* quia Deus omnipotens Redemptor noster, qui in se quo proficiat non habet, adhuc per membra sua quotidie augmentum habet. Unde rursus scriptum est: *Donec occurramus omnes* *Ephes. 4. 13.* *in mensuram plenitudinis Christi.* Hastile vero ejus ipsa Ecclesia debet intelligi, quæ corpus ejus est: quia inter tot adversa, libera stat. Calami autem, qui de hastili prodeunt, prædicatores sunt, qui dulcem sonum in mundo ediderunt, videlicet canticum novum. Scyphi autem vino repleti solent. ^b Quid ergo mentes auditorum nisi scyphi sunt, quæ a sanctis prædicatoribus vino scientiæ replentur? ^c Quid ergo ora

^a Quæ sequuntur usque ad: *Hastile etc.* in excusis omiſſa, restitimus ex omnibus mſſ. nostris.

^b Nescio cur hic in excusis inferatur; in

nonnullis Gregorii exemplaribus ita legunt:

^c Hoc loco mſſ. cod. dissentiunt, Lectio-
ni vulgatæ, quam retinemus, suffragatur cod.
Michael. non alii.

doctorum nisi scyphi sunt, qui vino nos scientiæ ebriant, ut oblectamenta mundi, quæ amavimus, obliviscamur? Sphæra enim quid est aliud, nisi volubilitas prædicationis? Sphæra enim ex omni parte volvitur, & prædicatione quæ nec adversitate retineri potest, nec prosperitatibus elevatur, sphæra est: quia inter adversa fortis, & inter prospera humilis, nec timoris habet angulum, nec elationis. In cursu ergo suo figi non valet: quia per cuncta se volubiliter trahit. Ut autem hoc quod exempli causa protulimus, exsequamur, bene post calamos, scypos, & sphæras, in candelabro lilia describuntur: quia post hanc, quam diximus, prædicationis ebrietatem atque volubilitatem, illa virens patria sequitur, quæ animabus sanctis, id est floribus vernat æternis. Scyphi ergo, & sphæra ad laborem pertinent, lilia ad retributionem.

C A P U T XLI.

Exod. 26. 1.

Tabernaculum vero ita fiet: decem cortinas de bysso retorta, et hyacintho, variatas opere plumario facies. Et paulo post: Facies et saga cilicina undecim, ad operiendum testum tabernaculi. Et iterum Facies et operimentum aliud de pellibus arietum.

DUM de cavendis murmurationibus contra Rectores suos quibuslibet spiritualibus subditis tractaretur, in expof. B. Job, lib. 25. adjunctum est. *Tabernaculum vero ita fiet, etc.* QUID per pelles & cilicia, quibus tabernaculum tegitur, nisi grossas hominum mentes accipimus, quæ aliquando in Ecclesia, occulto Dei judicio, quamvis duræ sint, præferuntur? Quæ quia servire curis temporalibus non timent, oportet ut tentationum ventos & pluvias de hujus mundi contrarieta-

tibus portent: Quid vero per hyacinthum, coccum, byssumque signatur, nisi Sanctorum vita tenera, sed clara? Quæ dum caute in tabernaculo sub ciliciis & pellibus absconditur, sua integra pulcritudo servatur. Ut enim in interiora tabernaculi byssus fulgeat, coccus coruscet, hyacinthus cæruleo colore resplendeat: desuper pelles & cilicia, imbres, ventos, & pulverem portant. Quæ igitur magnis virtutibus in sanctæ Ecclesiæ sinu proficiunt, præpositorum suorum vitam despiciere non debent, cum vacare eos rebus exterioribus vident: quia hoc, quod ipsi securi intima penetrant, ex illorum adiumento est, qui contra procellas hujus sæculi exterius laborant. Quam enim candoris sui gratiam retineret, si byssum pluvia tangeret? aut quid fulgoris atque claritatis coccus, vel hyacinthus ostenderet, si hæc susceptus pulvis fœdaret? Sit ergo desuper textuta cilicii fortis ad pulverem: sit inferius color hyacinthinus aptus ad decorem. Ornent Ecclesiam, qui solis rebus spiritualibus vacant; tegant Ecclesiam, quos & labor rerum corporalium non gravat. Nequaquam ergo contra Rectorem suum exteriora agentem murmuretis, qui intra sanctam Ecclesiam jam spiritualiter fulget. Si enim tu secure interius, ut coccus rutilas, cilicium, quo protegeris, cur accusas?

C A P U T XLII.

Item unde supra.

IN^a expositione Evangelii hom. 38. CORTINIS tabernaculi intexti coccus bis tinctus jubetur. Vos estis, fratres, vos estis cortinæ tabernaculi, qui per fidem in vestris cordibus secreta cælestia velatis. Sed cortinis tabernaculi bis tinctus coccus debet inesse. Coccus quippe ignis speciem tenet. Quid vero est

Num. 10.

ca-

a Nullus mss. nostrorum hæc habet.

Tom. XIV.

caritas nisi ignis : sed ista caritas esse binstincta debet , ut tingatur per amorem Dei , tingatur & per amorem proximi . Qui enim sic amat Deum , ut per contemplationem ejus negligat proximum , coccus quidem est , sed bis tinctus non est . Rursum qui sic amat proximum , ut tamen contemplationem Dei per ejus amorem derelinquat , coccus est , sed bis tinctus non est . Ut ergo caritas vestra bis tinctus coccus esse valeat , & ad amorem Dei , & ad amorem proximi se accendat : quatenus nec ex compassione proximi , contemplationem relinquat Dei , nec plusquam debet inhærens contemplationi Dei , compassionem abjiciat proximi . Omnis itaque homo inter homines vivens , sic ad eum anhellet , quem desiderat , ut tamen hunc non deferat cum quo currebat : & sic huic adiutorium ferat , ut ab illo nullatenus torpeat , ad quam festinabat .

CAPUT XLIII.

Exod. 26. 16. Quod cum Dominus tabernaculi tabulas erigi præcepit , fundi earum bases argenteas jubet.

DUM de mysterio prænuntiatur Prophetarum atque Apostolorum celsitudinis tractaretur , in expof. B. Job , l. 28. adjunctum est : *Quod cum Dominus tabernaculi tabulas erigi præcepit , &c.* QUID per tabularum bases argenteas , nisi Prophetarum potest ordo signari ? Qui dum primi aperte de Dominica incarnatione locuti sunt , quasi quasdam bases , eos conspiciamus a fundamentis surgere , & superpositæ fabricæ pondera sustinere . Ad Moyfen ergo Dominus cum tabernaculi tabulas erigi præcepit , fundi earum bases argenteas jubet . Quid enim per tabulas , nisi Apostoli extensa in mundum prædicatione dilatati ? Quid per bases argenteas , nisi Prophetæ signantur ? Qui superimpositas tabu-

las ipsi firmi & fusiles sustinent : quia Apostolorum vita dum eorum prædicatione instruitur , eorum & auctoritate solidatur . Unde & conjunctæ binæ bases singulis tabulis supponuntur : quia cum Prophetæ sancti in verbis suis de Mediatoris incarnatione concordant , subsequentes prædicatores Ecclesiæ indubitanter ædificant : ut cum a semetipsis non discrepant , illos robustius figant . Nec immerito bases , quibus Prophetæ signantur , ut ex argento debeant fundi præcipitur . Argenti quippe claritas ex usu servatur : sine usu autem in nigredinem vertitur . Prophetarum quoque dicta ante Mediatoris adventum , quia in usum spiritualis intelligentiæ non erant , dum conspici præ obscuritate non poterant , quasi nigra remanebant . At postquam Mediator adveniens , ea ante oculos nostros incarnationis suæ manu terfit , quidquid lucis in eis latebat , inclaruit : sensusque patrum præcedentium in usum dedit , quia verba rebus exposuit .

CAPUT XLIV.

Quod columnarum quatuor , ante quas velum pendere præcipitur , esse bases argenteas Dominus jubet. *Exod. 26. 16.*

CUM de mysterio prædicationis Doctorum Ecclesiæ tractaretur , in expof. B. Job , l. 28. adjunctum est : *Quod columnarum quatuor , &c.* CUM in typo Ecclesiæ tabernaculum^a figeretur , ad Moyfen dicitur , ut columnarum quatuor interiorum positarum bases esse argenteæ debeant . In argento enim quid aliud quam claritas divini sermonis accipitur , sicut scriptum est : *Eloquia Domini , eloquia casta : argentum igne examinatum , probatum terræ ?* Bases ergo argento vestitæ , quatuor columnas tabernaculi sustinent : quia prædicatores Ecclesiæ divino eloquio decorati , ut in cunctis se exemplum præ-

^a Excusi figurentur , reluctantibus miss.

præbeant, quatuor Evangelistarum dicta & ore & operibus portant.

CAPUT XLV.

Exod. 26. 36. In constructione tabernaculi ut columnæ argenteæ interius starent, paxilli ærei per circuitum exterius iussi sunt, in quibus religatum tabernaculum teneretur.

Num. 16. 17. **C**Um de veteris novique Testamenti unita per spiritum concordia tractaretur, ex hom. 15. in Ezechielem, adjunctum est: *In constructione tabernaculi ut columnæ argenteæ interius starent, ec. ^a* De quibus & paulo post scriptum est: *Facies paxillos tabernaculi, et atrii cum funibus suis.* Patres veteris Testamenti, quia ab ipsa incarnatione Redemptoris nostri per intervalla temporum longius constitierunt, foris esse iussi sunt. Et quidem in Abel sanguine, passio jam cœpit Ecclesiæ. Et una est Ecclesia electorum præcedentium atque sequentium. Sed tamen quia discipulis dicitur: *Multi Reges & Prophete voluerunt videre quæ videtis, & non viderunt*, antiquis Patribus quasi foris stetisse, est Redemptoris nostri præsentiam corporalem non vidisse. Exterius igitur, sed tamen non divisi a sancta Ecclesia fuere: quia mente, opere & prædicatione, ista jam fidei sacramenta tenuerunt, istam sanctæ Ecclesiæ celsitudinem conspexerunt, quam nos non adhuc præstolando, sed jam habendo conspiciamus. Sicut enim nos in præterita passione Redemptoris nostri, ita illi per fidem in eadem post ventura salvati sunt. Illi ergo foris non extra mysterium, sed extra tempus fuerunt. Unde & in constructione tabernaculi, ut columnæ argenteæ interius starent, paxilli ærei in circuitu figi per circuitum exterius iussi sunt, in quibus religatum tabernaculum æneretur. Columnæ itaque argenteæ

interius, paxilli verò ærei in circuitu figuntur, atque in ipsis funes ligati sunt, ut tabernaculum fixum maneret: quia videlicet ut sancti Apostoli in luce sermonis sui solidi starent, ut totum tabernaculum, id est sancta Ecclesia, in fidei integritate consisteret, tamquam paxilli ærei Patres veteris Testamenti ac Prophetæ exterius fixi sunt, quatenus verborum suorum funibus prædicatorum mentes in soliditate stringerent, atque hoc Dei tabernaculum in statu fidei ligarent. Extra ergo paxilli sunt, qui ante tempus hujus sanctæ Ecclesiæ fuere. Sed tamen ligant eos qui in ipsa sunt: quia dum cœlestia mysteria ventura prædicant, hæc postquam ostensa sunt, credibilia omnibus fecerunt. Ut ergo intus columnæ immobiles stent, foris paxilli funes continent: quia ut sancti Apostoli perfecte incarnationis Dominicæ mysterium crederent, illorum prædicatio obtinuit, qui hoc, priusquam fieret, videre & prædicare potuerunt. Nec immerito columnæ argenteæ, paxilli vero ænei facti sunt: quia quod clare jam Apostoli prædicant, hoc Prophetæ sub intellectu mystico obscure locuti sunt. Recte ergo per æris metallum signati sunt, qui clari in suis prædicationibus non fuere. Sancti vero Apostoli quia de Redemptoris nostri mysterio lucem prædicationis habuerunt, argenteis columnis expressi sunt. Et notandum quod argentum sonat & lucet; æs vero sonat, & non lucet: quia Prædicatores novi Testamenti aperte locuti sunt, quæ etiam monstrare potuerunt: Prædicatores vero Testamenti veteris, quia per allegoriarum umbras de cœlesti mysterio obscura dicta protulere, quasi sine luce sonitum derunt.

CAPUT XLVI.

Exod. 28. 4. Facient autem superhumeral de auro & hyacintho, ac purpura, cocco- que bis tincto, & bysso retorta.

CUM de ^a bona qualitate sacerdotum, eorumque exhibendi operis claritate tractaretur, adjunctum est: *Facient autem superhumeral de auro & hyacintho. &c.* SUPERNÆ vocis imperio in utroque humero sacerdos velamine superhumeralis astringitur: ut contra adversa ac prospera, virtutum semper ornamento muniatur, quatenus juxta vocem Pauli: *Per arma justitiæ a dextris sinistrisque gradens*, cum ad sola, ^b quæ anteriora sunt, nititur, in nullo delectationis infimæ latere flectatur. Non hunc prospera clevent, nec adversa conturbent: non blanda usque ad voluptatem demulceant, non aspera ad desperationem premant: ut dum nullis passionibus intentionem mentis humiliat, quanta in utroque humero superhumeralis pulcritudine tegatur, ostendat. Quod recte etiam superhumeral ex auro, hyacintho, purpura, bis tincto cocco, & torta fieri bysso præcipitur: ut quanta sacerdos clarescere virtutum diversitate debeat, demonstraretur. In sacerdotis quippe habitu ante omnia aurum fulget, ut in eo intellectus sapientiæ principaliter emicet. Cui hyacinthus, aereo cæruleo colore resplendens, adjungitur: ut per omne quod intelligendo penetrat, non ad favores infimos, sed ad amorem cœlestium surgat; ne dum in suis incautus laulibus capitur, ipso etiam veritatis intellectu vacuetur. Auro quoque ^c ac hyacintho purpura permiscetur: ut videlicet sacerdotale cor cum summa quæ prædicat sperat, in semetipso etiam suggestiones vitiorum reprimat, eique velut ex re-

gia potestate contradicat: quatenus nobilitatem semper intimæ regenerationis aspiciat, & cœlestis regni sibi habitum moribus defendat. De hac quippe nobilitate spiritus per Petrum dicitur: *Vos autem genus electum, Regale sacerdotium.* De hac etiam potestate, qua vitia subigimus, Johannis voce roboramur, qui ait: *Quotquot receperunt eum, dedit eis potestatem filios Dei fieri.* Hanc dignitatem fortitudinis Psalmista considerat, dicens: *Mibi autem nimis honorificati sunt amici tui Deus, nimis confortatus est principatus eorum:* quia nimirum Sanctorum mens principaliter in summis erigitur, cum exterius perpeti abjecta cernuntur. Auro autem & hyacintho, ac purpuræ bis tinctus coccus adjungitur, ut ante interni judicis oculos, omnia virtutum bona ex caritate decorentur, & cuncta quæ coram hominibus rutilant, hæc in conspectu occulti arbitri flamma intimi amoris accendat. Quæ scilicet caritas, quia Deum simul ac proximum diligit, quasi coccus ex duplici tinctura fulgescit. Qui igitur sic ad auctoris speciem anhelat, ut proximorum curam negligat; vel sic proximorum curam exsequitur, ut a divino amore torpescat, (quia unum horum quodlibet negligit) in superhumeralis ornamento habere coccum bis tinctum nescit. Sed cum mens ad præcepta caritatis tenditur, restat proculdubio ut per abstinenciam caro maceretur. Unde & bis tincto cocco torta byssus adjungitur. De terra etenim byssus nitenti specie oritur. Et quid per byssum, nisi cadens decor munditiæ corporalis exprimitur? Quæ videlicet torta pulchritudini superhumeralis innectitur, quia tunc castimonia ad perfectum munditiæ decorem ducitur, cum per abstinenciam caro fatigatur. Cum- que

1. Pet. 2. 9.

Johan. 1. 12.

Ps. 138. 17.

^a In Gem. & Michaelino codd. assignatur Reg. Past. titulus decimus quartus. Hæc autem repertiuntur loco a nobis signato.

^b Excusi, Interiora sunt.

^c Utic. ac bysso purpura permiscetur.

que inter virtutes cæteras, etiam afflictae carnis meritum proficit, quasi in diversa superhumeralis specie byssus torta candescit.

C A P U T XLVII.

Rationale quoque iudicii facies opere polymito.

Exod. 28. 15.

Part. 2.
Cap. 2.

Cum per promissi sacerdotalis indumenti mylterium, de exhibenda pulcritudine doctrinae doctorum sequentium tractaretur, in Regul. Pastor. adjunctum est: *Rationale quoque iudicii facies opere polymito.* DIVINA voce præcipitur ut in Aaron pectore rationale iudicii vittis ligantibus imprimatur, quatenus sacerdotale cor nequaquam cogitationes fluxæ possideant, sed ratio sola constringat, ne indiscretum quid vel inutile cogitet. Qui est ad exemplum aliis constitutus, ex gravitate vitæ semper debet ostendere, quantum in pectore rationem portet. In quo etiam rationali vigilanter adjungitur, ut duodecim Patriarcharum nomina describantur. Adscriptos etenim patres semper in pectore ferre, est antiquorum vitam sine intermissione cogitare. Nam tunc sacerdos irreprehensibiliter graditur, cum exempla patrum præcedentium indefinenter intuetur, cum Sanctorum vestigia sine cessatione considerat, & cogitationes illicitas deprimat, ne extra ordinis limitem operis pedem tendat. Quod bene etiam rationale iudicii vocatur: quia debet Rector subtili examine bona malaque discernere, & quæ vel quibus, quando vel qualiter congruant, studiosè cogitare: nihilque proprium quærere, sed sua commoda propinquorum bona reputare. Unde illic scriptum est: *Pones autem in rationale iudicii doctrinam & veritatem, quæ erunt in pectore Aaron, quando ingreditur coram Domino, & gestabit iudicium filiorum Israel in*

Ibid. v. 30.

pectore suo in conspectu Domini semper. Sacerdotem quippe iudicium filiorum Israel in pectore coram Domino conspectu gestare, est subditorum causas pro sola interni iudicis intentione discutere: ut nihil se ei humanitatis admisceat in hoc quod divina positus vice dispensat, ne correctionis studia privatus dolor exasperet. Cumque contra aliena vitia æmulator ostenditur, quæ sua sunt exsequatur; ne tranquillitatem iudicii aut latens invidia maculet, aut præceps ira perturbet. Sed dum consideratur terror ejus qui super omnia præsidet, videlicet iudicis intimi, non sine magno regantur timore subiecti.

C A P U T XLVIII.

Quod sacerdos cum in tabernaculum ingreditur, duodecim lapides in pectore portare jubetur, sculptis nominibus filiorum Israel.

Exod. 28. 17.

Unde primorum prædicatorum significationibus tractaretur, in expos. B. Job, lib. 28. adjunctum est: *Quod sacerdos cum in tabernaculum ingreditur, &c.* CUJUS per hunc Pontificem, nisi Redemptoris nostri persona figuratur? Quia videlicet semetipsum pro nobis sacrificium offerens Pontifex noster, dum fortes in ipso exordio prædicatorum exhibuit, duodecim lapides sub capite in prima sui corporis parte portavit. Sancti itaque Apostoli, & pro prima ostensione ornamenti, lapides sunt in pectore, & pro prima soliditate ædificii in solo, fundamenta.

Num. 24.

C A P U T XLIX.

Deorsum ad pedes tunicae per circuitum quasi mala punica facies.

Exod. 28.

Cum de servanda a doctoribus unitatis concordia per discretum prædicationis mysterium tractaretur. ^a Regist. lib. 1. adjunctum est: *Deorsum ad pedes tunicae per circuitum quasi mala punica facies:*

Ep. 25.
Olim. 240

CUM

^a Indicatur in Michel. liber Reg. Pastor. 15. & in Gemet. tit. 3. Vide lib. 2.

c. 4. ubi hæc leguntur.

CUM Rector se ad loquendum præparat, sub quantæ cautelæ studio loquatur attendat: ne si inordinate ad loquendum rapitur, erroris vulnere audientium corda feriantur: & cum fortasse sapiens videri desiderat, unitatis compagem insipienter abscindat.

Marc. 9. 49. Hinc namque Veritas dicit: *Habete sal in vobis, & pacem habete inter vos.* Per sal quippe verbi sapientia designatur. Qui igitur loqui sapienter nititur, magnopere metuat, ne ejus eloquio audientium unitas confundatur. Hinc Paulus ait: *Non plus sapere quam oportet sapere, sed sapere ad sobrietatem.* Hinc in sacerdotis veste, juxta divinam vocem, tintinnabulis mala punica conjuguntur. Quid enim per mala punica, nisi fidei unitas designatur? Nam sicut in malo punico uno exterius cortice multa interius grana muniuntur, sic innumeros sanctæ Ecclesiæ populos unitas fidei contegit, quos intus diversitas meritorum tenet. Ne igitur Rector incautus, ad loquendum proruat, hoc quod jam præmisimus, per semetipsam discipulis Veritas clamat: *Habete sal in vobis, & pacem habete inter vos:* ac si figurate per habitum sacerdotis dicat: Mala punica tintinnabulis jungite: ut per omne quod dicitis, provida mente unitatem fidei, & dilectionem pacis in vobis, cauta observatione teneatis.

CAPUT L.

Exod. 28. 33. Quod divina voce in extremitate tunice sacerdotis malis punicis tintinnabula jubentur misceri.

CUM de exhibenda doctoribus, prædicationis instantia tractaretur, in ^a Reg. Past. tit. 15. adjunctum est: *Quod divina voce in extremitate tunice sacerdotis, &c.* MOYSI præcipitur, ut tabernaculum sacerdos ingrediens, tintinnabulis ambiatur: ut videlicet voces prædicationis habeat, ne superni inspe-

ctoris judicium ex silentio offendant: Scriptum quippe est: *Audiatur sonitus quando ingreditur vel egreditur sanctuarium in conspectu Domini, & non moriatur.* Sacerdos namque ingrediens vel egrediens moritur, si de eo sonitus non auditur: quia iram contra se occulti judicis exigit, si sine prædicationis sonitu incedit. Aptè autem tintinnabula vestimentis illius describuntur inserta. Vestimenta etenim sacerdotis, quid aliud, quam bona opera debemus accipere? Propheta attestante, qui ait: *Sacerdotes tui induantur justitiam.* Vestimentis itaque illius tintinnabula inhærent, ut vitæ viam cum linguæ sonitu, ipsa quoque opera sacerdotis clament.

CAPUT LI.

Sume tibi aromata, & stacten, onycha, galbanum boni odoris, & thus lucidissimum: equalis ponderis erunt omnia, faciesque thymiamma compositum opere unguentarii, mixtum diligenter & purum. *Exod. 30. 34.*

CUM de boni operis exhibitione per distinctam mentis custodiam tractaretur, in expof. B. Job, lib. 1. adjunctum est: *Sume tibi aromata, & stacten, &c.* THYMIAMA ex aromatibus compositum facimus, cum in altari boni operis virtutum multiplicitate redolemus. Quod mixtum & purum fit: quia quanto virtus virtuti jungitur, tanto incensum boni operis sincerius exhibetur. Ubi & bene subjungitur: *Cumque in tenuissimum pulverem universa aromata contuderis, pones ex eo ceram testimonii tabernaculo.* In tenuissimum pulverem universa conterimus, cum bona nostra quasi in pila cordis, occulta discussione tundimus, & si veraciter bona sint, retractamus. Aromata ergo in pulverem redigere, est virtutes recogitando terere, & usque ad subtilitatem occulti examinationis revocare. Et notandum quod de

Ibid. v. 36. eodem pulvere dicitur: *Pones ex eo coram testimonii tabernaculo*. Quia tunc nimirum bona nostra veraciter in conspectu iudicis placent, cum hæc mens subtilius recogitando conterit, & quasi de aromatibus pulverem reddit, ne grossum durumque sit bonum quod agitur: ne si hoc arcta retractationis manus non comminuat, odorem de se subtilius non aspergat.

C A P U T LII.

Exod. 32. 6. *Sedit populus comedere & bibere, & surrexerunt ludere.*

Num. 21. CUM de gulæ vicio restringendo tractaretur, *Moral.* l. 10. adjunctum est: *Sedit populus comedere, &c.* ESUS potusque ad lulum impulit, lusus ad idololatriam traxit; quia si voracitatis culpa nequaquam caute compescitur, ab iniquitate protinus mens incauta devoratur, Salomone attestante, qui ait: *Qui modica spernit, paulatim decedit*. Si enim curare parva negligimus, insensibiliter seducti, audenter etiam majora perpetramus.

C A P U T LIII.

Exod. 32. 7. *Descende, peccavit populus tuus.*

Num. 14. DUM de tenendo Rectoribus erga subditos discretionis ac severitatis moderamine tractaretur, in expof. B. Job, l. 20. adjunctum est: *Descende, peccavit populus tuus*. **ÆDIFICARE** lectorem valde etiam juxta historiam potest, si perpendat, quomodo bonis Rectoribus mixta sit & regendi auctoritas, & benignitas consolandi. Disciplina enim vel misericordia multum destituitur, si una sine altera teneatur. Sed circa subditos suos inesse Rectori debet & iuste consulens misericordia, & pie sæviens disciplina. Intueri namque libet in Moyfi pectore misericordiam cum severitate sociatam. Videamus amantem pie, & districte sævientem. Certe cum Israeliticus populus ante Dei oculos pene inveniabilem contraxisset offensam, itaut

Exod. 32. 7. ejus Rector audiret: *Descende, peccavit populus tuus*. Ac si ei divina vox diceret: Qui tali peccato lapsus est, jam meus non est; atque subjungeret: *Dimitte me ut irascatur furor meus contra eos, & deleam eos, faciamque te in gentem magnam*. Ille semel & iterum pro populo, cui præerat, obicem se ad impetum Dei irascentis opponens, ait: *Aut dimitte eis hanc noxam, aut si non facis, dele me de libro tuo, quem scripsisti*. Pensemus ergo quibus visceribus eundem populum amavit, pro cuius vita de libro vitæ deleri se petiit. Sed tamen iste, qui tanto ejus amore populi constringitur, contra ejus culpas pensemus, quanto zelo rectitudinis accendatur. Mox enim ut petitione prima, culpæ veniam (ne delerentur) obtinuit, ad eundem populum veniens ait: *Ponat vir gladium super femur suum, & redite de porta usque ad portam, per medium castrorum, et occidat unusquisque fratrem, et proximum, et amicum suum. Cecideruntque in die illo, quasi viginti tria millia hominum*. Ecce qui vitam omnium etiam cum sua morte petiit, paucorum vitam gladio exstinxit. Intus arsit ignibus amoris, foris accensus est zelo severitatis. Tanta fuit pietas, ut se pro illis coram Domino morti offerre non dubitaret. Tanta severitas, ut eos quos divinitus feriri timuerat, ipse iudicii gladio feriret. Sic amavit eos, quibus præfuit, ut pro eis nec sibi parceret: & tamen delinquentes sic persecutus est, quos amavit, ut eos etiam Domino parcente prosterneret. Utrobique legatus fortis, utrobique mediator mirabilis, causam populi apud Deum precibus, causam Dei apud populum gladiis allegavit. Intus amans divinæ iræ supplicando obstitit: foris sæviens culpam feriendo consumpsit. Succurrit citius omnibus, offensa morte paucorum. Et

idcirco omnipotens Deus fidelem famulum citius exaudivit, agentem pro populo: quia vidit quid super populum acturus esset ipse pro Deo. In regimine ergo populi utrumque Moyses miscuit: ut nec disciplina decilet misericordiae, nec misericordia disciplina.

CAPUT LIV.

Exod. 33. 16.

Dimitte me, ut irascatur furor meus contra eos.

Num. 23 ordine nonnihil inverso.

Cum de extinguenda divina iracundia tractaretur, in expos. B. Job. lib. 9. adjunctum est: *Dimitte me, etc.* OMNES sancti qui irae Dei obviant, ab ipso accipiunt ut contra impetum percussione ejus opponantur: atque, ut ita dixerim, cum ipso eriguntur contra ipsum, eosque vis divina sibi opponit secum: quia in eo quod adversum se favientis iram foris obtinent, intus eos gratia irascentis fovet: & famulantes interius levat, quos quasi adversantes exterius tolerat. Portat ergo contradictionem deprecantium, quam aspirat; & velut nolenti imponitur quod ab ipso ut fiat imperatur. Moyse ergo dicit: *Dimitte me, ut irascatur furor meus contra eos, faciamque te in gentem magnam.* Quid est servo dicere: *Dimitte me*, nisi deprecandi ausum præbere? Ac si aperte diceretur: *Pensa quanti apud me valeas, & cognosce quia obtinere poteris quidquid pro populo exoras.* Sed cum hæc ita sint, nimis legentis animum movet, quid est quod econtra in B. Job historia per eundem sanctum virum dicitur:

Job 22. 25.

Deus cujus resistere ira nemo potest. Mirum valde, quod irae Dei nullum posse resistere dicatur, cum multos indignationis supernae animadversionis obviasse eloquia divina testentur. Annon irae Dei idem Moyses restitit, qui pro cadente populo erectus, ipsum supernae percussione impetum mortis suae oblatione restrinxit, dicens: *Dimitte illis hanc noxam, a-*

Exod. 32. 31.
Num. 16. 47.

loquin dele me de libro quem scripsisti? Annon irae Dei Aaron restitit, cum inter viventes ac mortuos iheribulum sumit, atque animadversionis ignem incensi fumo temperavit? Annon Phinees irae Dei restitit, qui luxuriantes cum alienigenis in ipso coitu trucidans, zelum suum divinae indignationi obtulit, & furorem gladio placavit? Annon David irae Dei restitit, qui Angelo ferienti se offerens, placationis gratiam & ante tempus propositum exegit? Annon Elias irae Dei restitit, qui longo jam tempore terrarum arida subductas de caelo pluvias verbo revocavit? Quomodo igitur irae divinae nullum posse resistere dicitur, cum multos sæpe resistisse exemplis existentibus demonstratur? Sed si subtiliter & beati Job eloquia & illorum facta pensamus; & verum cognoscimus, quia divinae irae non resistitur: & verum, quia multi sæpe restiterunt. Namque plerique Sanctorum irae Domini, sicut uniuscujusque superius ordo narratus edocuit, resistere. Resistere autem irae Dei non potest, cum ejus indignatio se se, ut ita dixerim, medullitus movet. Quæ dum se moverit, hanc oppositio humana non retinet; nec se utiliter cujuslibet deprecatio objicit, cum semel Deus aliquid ab intimis irascendo disponit. Hinc est enim quod Moyses, qui reatum totius plebis apud Deum suis precibus terfit, dumque se obicem obtulit, divinae iracundiae vim placavit: ad petram Oreb veniens, & pro aquae exhibitione diffidens, Domino irascente, non potuit. Et sæpe hac de re affligitur, sæpe desiderio se excitante turbatur, & dispositæ ultionis iracundiam repellere a semetipso non valuit, qui hanc, volente Domino, & a populo amovit. Hinc David quia prostrata plebe postmodum Angeli gladium prece com-

Num. 25. 11.

2. Reg. 24. 23.

3. Reg. 18. 43

Num. 20. 22.

2. Reg. 24. 10

3. Reg. 17.

pescuit, prius plorans & jejunans, nudis pedibus filium fugit: & quousque perpetrati facinoris ultionem ad plenum receperit, iram Dei nequaquam valuit pro semetipso temperare. Hinc Elias, ut sicut homo parum aliquid quasi de divina animadversione sentiret: qui verbo cœlos aperuit, ante indignationem mulieris territus per desertum fugit, & pro semetipso infirmatur in formidine, qui furorem Dei placat aliis per interventionem. ^a Iræ igitur Dei & resisti valet, quando ipse qui irascitur, opitulatur; & resisti omnino non valet, quando se ad ulciscendum excitat, & ipse precem, quæ ei funditur, non aspirat.

CAPUT LV.

Exod. 32. 27.

Ponat vir gladium super femur suum: Ite et redite de porta usque ad portam per medium castrorum, et occidat unusquisque fratrem, et amicum, et proximum suum.

Part. 3. c. 25.
Adrian. 26.

Cum de prædicatorum vita atque doctrina tractaretur, in Regul. Past. adjunctum est: *Ponat vir gladium super femur suum, etc.* GLADIUM quippe super femur ponere, est prædicationis studium voluptatibus carnis anteferre: ut cum sancta quis studet dicere, curet necesse est illicitas suggestiones edomare. De porta usque ad portam ire, est a vitio usque ad vitium, per quod ad mentem mors ingreditur, increpando discurrere. Per medium vero castrorum transire, est tanta æqualitate intra Ecclesiam vivere, ut qui delinquentium culpas redarguit, in nullo se debeat favorem declinare. Unde & recte subjungitur: *Occidat vir fratrem, et amicum, et proximum suum*; fratrem scilicet, & amicum, & proximum interficit, qui cum punienda invenit, ab increpationis

gladio, nec eis, quos per cognationem diligit, parcit. Si ergo ille Dei dicitur, qui ad ferienda vitia zelo divini amoris excitatur: profecto esse se Dei denegat, qui, in quantum sufficit, increpare vitam carnalium recusat.

CAPUT LVI.

^b *Cum egrederetur Moyses ad tabernaculum, surgebat universa plebs, et stabat unusquisque in ostio papilionis sui: aspiciebantque tergum Moysi, donec ingrederetur tentorium: ingresso autem illo tabernaculum fœderis, descendebat columna nubis, & stabat ante ostium; loquebaturque cum Moysse, cernentibus universis, quod columna nubis staret ad ostium tabernaculi; stabantque ipsi, & adorabant per fores tabernaculorum suorum.*

^b
Exod. 33. 8.

Dum de dono Spiritus per illuminationem supernæ gratiæ considerantibus dato tractaretur, in comm. Ezech. hom. 1. secundæ part. adjunctum est. *Cum egrederetur Moyses ad tabernaculum, &c.* HERÆUS populus de Ægyptia servitute liberatus, cum loquente Domino columnam nubis cerneret, unusquisque in tabernaculi sui foribus stabat, & adorabat, de quibus & dicitur: *Cum egrederetur Moyses ad tabernaculum, surgebat universa plebs, & stabat unusquisque in ostio papilionis sui.* Quid est enim populum columnam nubis aspicere, & in tabernaculi sui foribus stare, atque adorare: nisi quod humana mens cum superiora illa atque cœlestia utcumque in ænigmate conspicit, jam claustra habitationis corporeæ per sublevatam cogitationem exit, atque illum humiliter adorat? Cujus etsi videre substantiam non valet, jam tamen ejus potentiam per illumini-

Num. 17.

^a Hæc in edit. defunt; quæ ex mss. Vaticano Michael. Gemet. Utic. &c. revocavimus.

^b Multa hic excusorum errata, & quidem gravissima correximus ope mss. qui ab invicem non dissentiant.

minationem spiritus miratur. Et cum Moyses tabernaculum ingreditur, ejus tergum populus aspicit, & in papilionum suorum ostiis consistit; quia cum sanctus quisque prædicator alta de Domino loquitur, supernæ habitationis jam utcumque tabernaculum ingreditur. Cujus prædicationis infimi quique etsi veritatem plene pensare non possunt, tamen velut terga aspiciunt: quia postrema, quæ prævalent; per intellectum sequuntur. Sed in ipsis quoque minimis quæ capere sufficiunt, jam de suis papilionibus quasi exeunt, atque in ostiis stant: quia & habitacula carnis relinquere, & ad illa æternæ vitæ gaudia, quæ audiunt, progredi conantur.

CAPUT LVII.

Exod. 33. 20. Non poteris videre faciem meam.

Non enim videbit me homo,
& vivet.

DU^a de visione scientiæ tractaretur, in expos. B. Job, l. 18. adjunctum est: Non poteris videre faciem meam, &c. HUIUSDOMINICÆ sententiæ, qua ad Moysen dicitur: Non enim videbit me homo, & vivet, Johannem audi concordantem, qui ait: Deum nemo vidit unquam. Sed cum Testamenti veteris patres intueor, multos, teste ipsa sacra lectionis historia, Deum vidisse cognosco. Vidit quippe Jacob Deum, qui ait: Vidi Dominum facie ad faciem, & salva facta est anima mea. Vidit Moyses Dominum, de quo scriptum est: Loquebatur Dominus ad Moysen facie ad faciem, sicut loqui solet homo cum amico suo. Vidit Job Deum, qui dicit: Auditu auris audiivi te, nunc autem oculus meus vide te. Vidit Isaias Dominum, qui ait: Anno, quo mortuus est rex Ozias, vidi Dominum sedentem super solium excelsum & elevatum. Vidit Michæas Dominum, qui dicit: Vidi

Dominum sedentem super solium suum, & omnem exercitum cæli assistentem ei a dextris, & a sinistris. Quid ergo quod tot Testamenti veteris patres Dominum se vidisse testati sunt, & tamen ipse dicit: Non enim videbit me homo, & vivet? Et Johannes ait: Deum nemo vidit unquam: nisi hoc quod patenter datur intelligi: quia quamdiu hic mortaliter vivitur, videri per quasdam imagines Deus potest, sed per ipsam naturæ suæ speciem non potest: ut anima gratia spiritus afflata, per figuras quasdam Deum videat, sed ad ipsam vim ejus essentiæ non pertingat. Hinc est enim quod Jacob, qui Deum se vidisse testatur, hunc nonnisi in Angelo vidit. Hinc est quod Moyses, qui cum Deo facie ad faciem loquitur, sicut loqui solet homo ad amicum suum, ei inter ipsa verba suæ locutionis dicit: Si

1. Johan. 4. 12

Exod. 33. 13.

ve-

vero a quibusdam potest in hac adhuc corruptibili carne viventibus, sed tamen inestimabili virtute crescentibus, quodam contemplationis acumine æterna Dei claritas videri, hoc quoque ejusdem veritatis sententia non abhorret, qua dicitur: *Non enim videbit me homo & vivet*: quoniam quisquis sapientiam, quæ Dei est, videt, huic vitæ funditus moritur, ne jam ejus amore teneatur. Nullus quippe eam vidit, qui adhuc carnaliter vivit: quia nemo potest amplecti Deum simul & seculum. Qui enim Deum videt, eo ipso moritur, quo vel intentione cordis, vel affectu operis, ab hujus vitæ delectationibus tota mente separatur. Nemo ergo Deum vidit & vixit; ac si aperte diceretur: nullus unquam Deum spiritualiter vidit, & mundo carnaliter vivit. Sciendum vero est quod fuere nonnulli, qui Deum dicerent etiam in illa regione beatitudinis, in claritate quidem sua conspici, sed in natura minime videri: quos nimirum minor inquisitionis subtilitas fetellit. Neque enim illi simplici, & incommutabili essentiae aliud claritas, aliud natura; sed ipsa ei natura sua claritas, ipsa claritas natura est. Quia etenim suis dilectoribus hæc Dei sapientia se quandoque ostenderet, ipse pollicetur, dicens: *Qui diligit me, diligetur a Patre meo; & ego diligam eum, & manifestabo me ipsum illi*. Ac si patenter dicat: Qui in vestra me nunc cernitis, restat ut in mea me natura videatis. Hinc rursum ait: *Beati mundo corde, quoniam ipsi Deum videbunt*. Hinc Paulus dicit: *Nunc videmus per speculum in enigmate, tunc autem facie ad faciem. Nunc cognosco ex parte, tunc cognoscam sicut & cognitus sum*. Sed quia de Deo per primum Ecclesiæ prædicatorem dicitur: *In quem desiderant Angeli prospicere*: sunt nonnulli qui nequaquam Deum videre,

vel Angelos suspicantur. Et tamen dictum per Veritatis sententiam sciimus: *Angeli eorum in cælis semper vident faciem Patris mei, qui in cælis est*. Numquid ergo aliud veritas, aliud prædicator insonat veritatis? Sed si sententia utraque confertur, quia sibi nequaquam dispar sit, agnoscitur. Deum quippe Angeli & vident, & videre desiderant, & intueri sitiunt, & intuentur. Si enim sic videre desiderant, ut effectui sui desiderii minime perfruantur, desiderium sine fructu anxietatem habet, & anxietas poenam. Beati vero Angeli ab omni poena anxietatis longe sunt: quia nunquam simul poena & beatitudo conveniunt. Rursum cum eos dicimus Dei visione satiari, quia & Psalmista ait: *Satiabor dum manifestabitur gloria tua*; considerandum nobis est, quoniam satietatem solet fastidium subsequi. Ut ergo recte sibi utraque conveniant, dicat veritas: Quia semper vident, dicat prædicator egregius quia semper videre desiderant. Ne enim sit in desiderio anxietas, desiderantes satiantur: ne autem sit in satietate fastidium, satiati desiderant. Et desiderant igitur sine labore; quia desiderium satietas comitatur: & satiantur sine fastidio; quia ipsa satietas ex desiderio semper accenditur. Sic quoque & nos erimus, quando ad ipsum fontem vitæ venerimus. Erit nobis delectabiliter impressa sitis simul atque satietas; Sed longe abest a siti necessitas. longe a satietate fastidium; quia & sitientes satiabimur, & satiati sitiemus, Videbimus igitur Deum ipsum, quod erit præmium laboris nostri, ut post mortalitatis hujus tenebras, accensa ejus luce gaudeamus.

CAPUT LVIII.

Est locus apud me, & stabis super petram. Cumque transibit gloria mea, ponam te in foramine petre.

K 5 2

Et

Exod. 33. 21.

Et paulo post: *Tollam manum meam, & videbis posteriora mea.*

DUm de credulitate populi Judai-
ci tractaretur, in expos. B. Job, lib. 25. adjunctum est: *Est locus apud me, & stabis super petram, &c.* PER locum Ecclesia, per petram Dominus, per Moysen vero multitudo est plebis Israeliticæ figurata, quæ Domino in terra prædicante non credidit. Ipsa ergo in petra stetit, terga Domini transeuntis aspiciens: quia videlicet post passionem ascensionemque Dominicam, intra Ecclesiam deducta, fidem Christi percipere meruit: & cujus præsentiam non vidit, ejus posteriora agnovit.

CAPUT LIX.

Item unde supra.

DUm de sanctæ Ecclesiæ cellitu-
dine tractaretur, in expos. B. Job, l. 35. adjunctus est: *Est locus apud me, etc.* QUIA ex sola Ecclesia Catholica veritas conspicitur, apud se esse locum Dominus perhibet, de quo videatur. In petra Moyses ponitur, ut Dei faciem contempletur: quia nisi quis fidei soliditatem tenuerit, divinam præsentiam non agnoscit. De qua soliditate Dominus dicit: *Super hanc petram edificabo Ecclesiam meam.* Sola quippe est per quam sacrificium Dominus libenter accipiat, sola quæ pro errantibus fiducialiter intercedat. Unde etiam de agni hostia Dominus præcepit, dicens: *In una domo comedetur, nec offeretis de carnibus ejus foras.* In una namque domo agnus comeditur: quia in una Catholica Ecclesia, vera hostia Redemptoris immolatur. De cujus carnibus divina Lex efferrī foras prohibet, quia dari sanctum canibus verat. Sola est in qua opus bonum fructuose peragitur. Unde & mercedem denarii monnisi qui intra vineam laborave-

rant, acceperunt. Sola est quæ intra se positos valida caritatis compage custodivit. Unde & aqua diluvii arcam quidem ad sublimiora sustulit: omnes autem quos extra arcam invenit, exstinxit.

CAPUT LX.

Qui reddit iniquitatem patrum filiis ac nepotibus, in tertiam & quartam progeniem.

Exod. 34. 7.

DUm^a de originali culpa tracta-
per prolem, quod pravitatis imitatio puniendi sit, tractaretur, in expos. B. Job, l. 15. adjunctum est: *Qui reddis iniquitatem patrum filiis ac nepotibus, &c.* CUM scriptum sit: *Quid est quod inter vos parabolam vertitis in proverbium istud in terra Israel, dicentes; Patres comederunt uvam acerbam, & dentes filiorum obstupuerunt; Vivo ego, dicit Dominus Deus, si erit vobis ultra parabola hæc in proverbium in Israel. Ecce omnes animæ meæ sunt: ut anima patris, ita & anima filii mea est. Anima quæ peccaverit ipsa morietur.* Quid est quod nunc per Moysen Domino dicitur: *Qui reddis iniquitatem patrum in filios ac nepotes?* Sed in utraque hac sententia, dum dissimilis sensus invenitur, auditoris animus, ut discretionis viam subtiliter requirat, instruitur. Peccatum quippe originale a parentibus trahimus: & nisi per gratiam baptismatis solvamus, etiam parentum peccata portamus: quia unum adhuc videlicet cum illis sumus. Reddet ergo iniquitatem patrum in filios, dum pro culpa parentis, ex originali peccato anima polluitur prolis. Et rursum non reddit iniquitatem patrum in filios: quia cum ab originali culpa per baptismum liberamur, non jam parentum culpas, sed quas ipsi committimus, habemus. Quod tamen intelligi etiam aliter potest: quia quisquis pravi parentis iniqui-

2

Num 57.

Ezech. 18. 20.
Et Jerem. 31. 29.

^a In editis legitur: *Quomodo iniquitas parentum puniatur in posteris.* Sequimur nris,

nris consentientes.

statem imitatur, etiam ex ejus delicto reus constringitur. Quisquis autem parentis iniquitatem non imitatur, nequaquam delicto illius gravatur. Unde fit ut iniquus filius iniqui patris, non solum sua, quæ attulit, sed etiam patris peccata persolvat: cum vitiis patris, quibus iratum Dominum non ignorat, etiam suam adhuc malitiam adjungere non formidat. Et justum est ut qui sub districto iudice vias parentis iniqui non timet imitari, cogatur in vita præsentis etiam culpas parentis iniqui persolvere. Unde & illic dictum est:

Id. Ezech.
2, 4.

Anima patris mea est, &c. Anima quæ peccaverit, ipsa morietur: quia in carne nonnunquam filii etiam ex patris peccato perimuntur. Deleto autem originali peccato, ex parentum nequitia, in anima non tenentur. Quid enim est quod parvuli plerumque a dæmonibus arripiuntur: nisi quod caro filii ex patris pœna mulctatur? In semetipso enim percutitur pater iniquus, & percussio- nis vim sentire contemnit. Plerumque percutitur in filiis, ut acriter uratur, & dolor patris carni filiorum redditur. Quatenus filiorum pœna mens patris iniqua puniatur. Cum vero non parvuli, sed jam provectiores filii ex parentum culpa feriuntur: quid aliud aperte datur intelligi, nisi quod illorum etiam pœnas luunt, quorum facta secuti sunt? Unde & recte dicitur: *Usque ad tertiam & quartam progeniem.* Quia enim usque ad tertiam & quartam progeniem, eam quam imitantur, filii parentum vitam possunt videre, usque ad eos ultio extenditur, qui viderunt quod male sequerentur.

C A P U T LXI.

Exod. 35. 22. Quicquid in cultum tabernaculi, & ad vestes sanctas necessarium erat, viri cum mulieribus tribuerunt: Armillas, & innaures, annulos, &

dextralia. Omne vas aureum in donaria Domini separatim est, si quis habuit hyacinthum, purpuram, coccum bis tinctum, byssum, & pilos caprarum.

CUM de operationibus electorum intra sanctam Ecclesiam tractaretur, in expos. B. Job, l. 30. adjunctum est: *Quicquid in cultum tabernaculi, &c.* IN ^a ornamento tabernaculi viri dona cum mulieribus offerunt: quia in explendo cultu sanctæ Ecclesiæ, & fortius facta sublimia, & infirmorum opera extrema numerantur. Quid autem per armillas, quæ lacertos astringunt, nisi præpositorum valide laborantium opera demonstrantur? Et quid per innaures, nisi subditorum obedientia exprimitur? Quid per annulos, nisi signaculum secretorum Dei? Plerumque enim magistri signant, quod ab auditoribus capi non posse considerant. Et quid per dextralia, nisi primæ operationis ornamenta memorantur? Quid per vas autem in donaria Domini separatim, nisi divinitatis intelligentia accipitur? Quæ tanto ab inferiorum amore disjungitur, quanto ad sola, quæ æterna sunt, amanda sublevatur? Quid per hyacinthum, nisi spes cælestium? Quid per purpuram, nisi cruor ac tolerantia passionum, amore regni perpetui exhibita? Et quid per bis tinctum coccum, nisi caritas demonstratur, quæ pro perfectione bis tingitur: quia Dei & proximi dilectione decoratur? Quid per byssum, nisi immaculata carnis incorruptio? Et quid per pilos caprarum, ex quibus ciliciorum asperitas texitur, nisi dura pœnitentiæ afflictio designatur? Dum igitur alii per armillas & annulos forte magisterium exercent: alii per innaures & dextralia devotam obedientiam, rectamque operationem exhibent: alii

Num. 23. 26.

8

^a Plurima hoc in capite vitiata juxta prioribus editiones, correximus ex mss. Vaticano,

Gemet. &c.

alii per separatam vas aureum præclaram subtilioremque Dei intelligentiam tenent: alii per hyacinthum, purpuram, & coccum, audita cœlestia sperare, credere, amare non desinunt; etiam quæ adhuc per subtiliorem intellectum minime cognoscunt: alii per byssum incorruptionem carnis offerunt: alii per caprarum pilos deplorant asperere, quod libenter commiserunt; quasi ex uno figmento opificis coadunata donorum ministeria, in tabernaculum Domini, hoc est intra sanctam Ecclesiam, prout ipse dederit, offeruntur.

C A P U T LXII.

Exod. 38. 8. Fecit & labrum æneum cum base sua, de speculis mulierum quæ excubabant in ostio tabernaculi.

DUM de purgandis delictorum sordibus per divinorum mandatorum custodiam tractaretur, homil. 17. in Evang. adjunctum est: *Fecit & labrum æneum cum base sua, &c.* LABRUM æneum Moyses ponit, in quo Sacerdotes lavari debeant, & Sancta Sanctorum ingredi: quia Lex Dei prius nos lavari per compunctionem præcipit, ut nostra immunditia ad penetrandam secretorum Dei munditiam non sit indigna. Quod bene labrum de speculis mulierum perhibet factum, quæ ad tabernaculi ostium indefinenter excubant. Specula quippe mulierum sunt præcepta Dei, in quibus sanctæ animæ semper se aspiciunt, & quæ in eis sunt sceditatis macu-

læ, deprehendunt. Cogitationum vitia corrigunt, & quasi renitentes vultus velut ex reddita imagine componunt: quia dum præceptis Dominicis solerter intendunt, in eis proculdubio vel quid in se cœlesti viro placeat vel quid displiceat, agnoscunt. Quæ quamdiu in hac vita sunt, æternum tabernaculum ingredi nequaquam possunt. Sed tamen ad ostium tabernaculi mulieres excubant: quia sanctæ animæ etiam cum infirmitate adhuc carnis gravantur, amore tamen continuo ingressum æterni introitus observant. Moyses ergo labrum Sacerdotibus de speculis mulierum fecit: quia Lex Dei lavacrum compunctionis peccatorum nostrorum maculis exhibet, dum ea per quæ sanctæ animæ superno Sponso placuerunt, intuenda nobis cœlestia præcepta præbent. Quibus si diligenter intendimus, internæ nostræ imaginis maculas videmus. Videntes autem maculas, in pœnitentiæ dolore compungimur: Compuncti vero quasi in labro de speculis mulierum lavamur. Tunc ergo de nobis vere compungimur, si studiose patrum præcedentium facta pensamus, ut ex conspectu illorum gloria, in nostris nobis oculis nostra vita sordescat. Tunc vere compungimur, cum præcepta Dei studiose perscrutamur, & per hæc proficere ipsi contendimus, per quæ jam profecisse novimus, quos veneramur.

Finis libri Exodi.

C A P I T U L A

LIBRI TERTII

1. **S**ubtracta pelle hostiæ, artus in frustra concidant.
2. De prolato juramento, & per oblivionem omisso.
3. De turture vel columba, ut retorqueatur caput ejus ad pennulas, itaut corpori caput inhercat, &c.
4. Item unde supra.
5. Ignis in altari semper ardebit, quem nutriet sacerdos, subjiciens mane ligna per singulos dies, &c.
6. Quod offerri per Legem simila in sacrificium jubetur.
7. Quod cauda hostiæ in sacrificium jubetur offerri.
8. Quod sacerdos ex sacrificio dextrum armum jubetur accipere.
9. Quod pisces, qui pinnulas non habent, comedi prohibentur. Et quod qui pinnulas habent saltus dare, etiam super aquas, solent.
10. Item unde supra.
11. Quod si ultra apparuerit in his locis, quæ prius immaculatæ erant, lepra volatilis & vaga, debet igni comburi.
12. Vir qui fluxum seminis patitur, immundus erit.
13. Non maledices surdo, nec coram cæco ponas offendiculum.
14. Quando ingressi fueritis terram, quam ego daturus sum vobis, & plantaveritis in ea ligna pomifera, auferetis præputia eorum, &c.
15. Loquere ad Aaron: Homo de semine tuo, qui habuerit maculam, non offeret panes Deo suo, nec accedet ad ministerium ejus, &c.

L I B E R T E R T I U S.

DE TESTIMONIIS LIBRI LEVITICI.

CAPUT PRIMUM.

Levit. 1. v. 7.
& seq.

Detracta pelle hostiæ, artus in frustra concidant. Et subjicient in altari ignem, strue lignorum ante composita; & membra quæ casa sunt desuper ordinantes, caput videlicet, & cuncta quæ adherent jecori, intestinis & pedibus lotis aqua.

a

CUM de cavendo^a eterni appetitus desiderio tractaretur, in expos. B. Job, l. 1. adjunctum est: *Detracta pelle hostiæ, artus in frustra concidant, &c.* **PELLEM** hostiæ subtrahimus, cum a mentis nostræ oculis superficiem virtutis amovemus. Cujus artus in frustra concidi-

Num. 54.

mus, cum distinguentes subtiliter ejus intima, membratimque cogitamus. ^b Curandum ergo est, ne cum mala vincimus, bonis lascivientibus supplantemur, ne fortasse fluxa prodeant, ne incircumspecta capiantur, ne per errorum viam deferant, ne per lassitudinem fracta, anteausti laboris meritum perdant. In cunctis enim vigilanter debet se mens circumspicere, atque in ipsa circumspectionis suæ providentia perseverare. ^{*} Sed inter hæc sciendum est, quod idcirco nonnunquam impulsu illicitæ cogitationis affligimur: quia in quibusdam terrenæ conversationis actibus, quamvis licitis, liben-

b

* Moral. l. 3.
num. 43.

^a In cod. Vatic. de cavendo spiritualibus terrenis, &c.

^b Quæ sequuntur, usque ad: *sed inter hæc, &c.* absunt a mss.

benter occupamur. Cumque vel in minimis terrena actio per desiderium tangitur, crescente contra nos antiqui hostis fortitudine mens nostra non minima importunitate tentationis inquinatur. Unde & Sacerdos Legis membra hostiæ per frustra confisa, caput atque ea quæ circa jecur sunt, jubetur ignibus cremare: pedes vero atque intestina hostiæ prius aqua diluere. Nos quippe ipsos sacrificium Deo offerimus, cum vitam nostram cultui divino dedicamus. Qui membra hostiæ per frustra confisa super ignem ponimus, cum vitæ nostræ opera virtutibus distinguentes immolamus. Caput atque ea quæ juxta jecur continentur, incendimus: cum in sensu nostro, quo omne corpus regitur, atque in occultis desideriis flamma divini amoris ardemus. Et tamen præcipitur ut pedes atque intestina hostiæ laventur. Pedibus enim terra tangitur, intestinis vero stercore gestantur: quia plerumque jam ex desiderio in æternitatem succendimur, jam toto devotionis sensu ad appetitum nostræ mortificationis inhiamus. Sed quia adhuc terrenum præ infirmitate aliquid agimus, nonnulla etiam, quæ jam subegimus, illicite in corde toleramus. Cumque cogitationes nostras immunda tentatio inquinat, quid aliud quam intestina hostiæ stercore portant? Sed ut comburi debeant, laventur: quia nimirum necesse est ut immundas cogitationes timoris fletus diluat, quas in acceptione sacrificii supernus amor incendat. Et quidquid mens vel de inexperto certamine, vel de conversationis pristinæ memoria patitur, lavetur, ut tanto suavius in conspectu sui spectatoris ardeat, quanto cum ei assistere cœpit, nil terrenum secum, nil lubricum in ara suæ orationis imponat.

C A P U T II.

De prolato juramento, & per oblivionem omisso, per Moysen dicitur: *Levit. 5. v. 5, 7. & 8.*

Offerat agnam de gregibus, sive capram; orabitque pro eo sacerdos, & pro peccato ejus. Sin autem non potuerit offerre pecus, offerat duos turtures vel duos pullos columbarum, unum pro peccato, & alterum in holocaustum.

DUM de modo reparandæ vitæ tractaretur, in expos. B. Iob, lib. 32. adjunctum est: De prolato juramento, &c. JURAMENTUM namque proferre, est voto nos divinæ servitutis alligare. Et cum bona opera promittimus, bene nos facere spondemus. Cum vero abstinentiam cruciatumque carnis nostræ volumus, male ad præsens nos nobis facere juramus. Sed quia nullus in hac vita ita perfectus est, ut quamlibet Deo devotus sit, inter ipsa quantumcumque pia vota non peccet, pro peccato agna offerri, sive capra præcipitur. Quid enim per agnam, nisi activæ vitæ innocentia? quid per capram, quæ in summis sæpe extremisque pendens rupibus pascitur, nisi contemplativa vita signatur? Qui ergo se conspicit promissa ac proposita non implese, ad sacrificium Dei sese studiosius debet, vel innocentia boni operis, vel sublimi pastu contemplationis accingere. Et bene agna de gregibus, capra vero offerri de gregibus non jubetur: quia activa vita multorum est: contemplativa paucorum. Et cum hæc agimus quæ multos agere & egisse conspiciamus, quasi agnam de gregibus damus. Sed cum offerentis virtus ad agnam capramque non sufficit, in remedio pœnitentis adjungitur, ut duo columbarum pulli vel duo turtures offerantur. Scimus quia columbarum pulli vel turtures pro cantu gemitus habent. Quid ergo per duos columbarum pullos vel duos turtures, nisi duplex pœnitentia

riæ nostræ gemitus designatur? Ut cum ad offerenda bona opera non assurgimus, nosmetipsos dupliciter dessemus: quia & recta non fecimus, & prava operati sumus. Unde & unus turtur pro peccato, alter vero offerri in holocaustum jubetur. Holocaustum namque totum incensum dicitur. Unum ergo turturem pro peccato offerimus, cum pro culpa gemitum damus: de altero vero holocaustum facimus, cum pro eo quod bona negleximus, nosmetipsos funditus succedentes, igne doloris ardemus.

CAPUT III.

Levit. 5. 7. De turture vel columba, quæ pro peccato offertur, jubetur ut caput ejus retorqueatur ad pennulas, itaut collo caput inhæreat, & non penitus abrumptur.

DUM per promissi sacrificii mysterium, de unitate sanctæ Ecclesiæ in suo confirmatæ capite, id est Redemptore nostro, & de gloria passionis ejus tractaretur, hom. 7. in Ezech. adjunctum est: *De turture vel columba, &c.* QUID in hac oblatione turturis vel columbæ, quæ pro peccato jubetur offerri, atque ut post mortem hostiæ corpori caput inhæreat, nisi Mediatoris nostri persona signatur? Redemptoris enim nostri mors ad conjunctionem sui corporis, id est Ecclesiæ valuit, non ad separationem. Mediator etenim Dei & hominum, id est caput omnium nostrum, & vera emundationis hostia, unde pro nobis mortem pertulit, inde nobis verius inhæsit. Post sessionem ergo caput turturis suo corpori inhæret: quia Christum ab Ecclesia, nec mors interveniens dividit. Persecutores igitur peregerunt hoc quod perniciose moliti sunt. Intulerunt mortem, ut ab eo abscinderent fidelium devotionem. Sed inde fides crevit, unde hanc se extinguere infidelium crudelitas credidit. Cumque se existimarunt ejus

Tom. XIV.

miracula persequendo abscindere, hæc nimirum compulsi sunt nesciendo dilatare. Quis namque caput nostrum est, nisi Redemptor generis humani? De quo scriptum est: *Ipsam dedit caput super omnem Ecclesiam, quæ est corpus ipsius.* Quem cum Judæi persequerentur, nomen ejus delere de terra conati sunt. Cumque eum crucifixum & sepultum viderent, eum se ab amore omnium divisisse crediderunt. Sed caput turturis & incisum est, & tamen a suo corpore abscissum non est: quia ex eo quod pro nobis mortem pertulit, omnes nos sibi verius in ipsa sua morte conjuxit. Et per hoc quod se nostris oculis visibiliter subtraxit, nostris se mentibus invisibiliter radicavit. Caput ergo turturis incisum adhæsit corpori: quia pro nobis quidem Redemptor noster passus est, sed a nobis separatus non est:

CAPUT IV.

Item unde supra.

DUM de modo tenendæ vitæ activæ tractaretur, homil. 7. in Ezech. adjunctum est. Hi qui juxta historiam voluerunt accipere usque dum verum sacrificium veniret, in ipsa litteræ expletionem tenuerunt, in quo nos sacrificio, si morale aliquid quæramus, invenimus. Nos enim ipsi in omnipotentis Dei sacrificio esse turtur debemus, itaut caput nostrum retorqueatur ad pennulas, id est sensus ad virtutes. Non enim immerito per caput mentem intelligimus: quia sicut caput corpus, ita mens actiones regit. Sed caput collo inhæreat, & non funditus abscindatur: quia videlicet mens nostra carnis delectatione incidenda est; sed a carnis cura necessaria incidenda non est. Hinc enim scriptum est: *Carnis curam ne feceritis in desideriis.* Quæ ergo in desideriis fieri prohibetur, proculdubio in necessitate conceditur. Caput ergo turturis ex parte abscissum

L I

fit,

Ephes. 1. 22.

Ibidem.

Rom. 13. 27.

fit, & ex parte collo inhæreat: ut, sicut dictum est, & a^a voluntate carnis mens nostra incisa sit, & tamen a necessitate non sit abscissa.

CAPUT V.

Levit. 6. 12. Ignis in altari semper ardebit, quem nutrit Sacerdos, subjiciens mane ligna per singulos dies. Et imposito holocausto desuper adolebit adipēs pacificorum.

Nam. 25. & 26.

Cum de nutriendo divino amore, & servanda cordis innocentia tractaretur, in expos. B. Job, l. 25. adjunctum est: Ignis in altari semper ardebit, &c. IGNIS est iste perpetuus, qui nunquam deficiet de altari. Altare Dei est cor nostrum, in quo jubetur ignis semper ardere: quia necesse est ex illo ad Deum caritatis flammam indefinenter accendere. Cui per singulos dies Sacerdos ligna subjiciat, ne extinguatur. Omnis enim fide Christi præditus, membrum utique summi Sacerdotis effectus est, sicut cunctis fidelibus Petrus Apostolus dicit; *Vos autem genus electum, regale Sacerdotium.* Et sicut Johannes Apostolus dicit: *Fecisti nos Deo nostro regnum & Sacerdotium.* Sacerdos ergo in altari ignem nutriendus quotidie ligna subjiciat, id est fidelis quisque ne in eo caritatis flamma deficiat, in corde suo tam exempla præcedentium, quam sacræ Scripturæ testimonia congerere non desistat. Nam quasi quædam fomenta igni dare, est in exercitatione caritatis vel exempla patrum vel præcepta Dominica ministrare. Quia enim interna novitas nostra ipsa quotidie hujus vitæ conversatione veterascit, ignis iste adhibitis lignis nutriendus est, ut dum per usum se nostræ vetustatis extenuat, per patrum testimonia & exempla reviviscat. Et bene illic præcipitur ut mane ligna per dies singulos congerantur. Hæc quippe non fiunt, nisi cum

nox cæcitatis exstinguitur. Vel certe quia mane prima pars diei est, postpositis cogitationibus vitæ præsentis, hoc priori loco quisque fidelium cogitet, ut quod in se jamjamque quasi deficit, quibus valet nibus studium caritatis inflammet. Ignis enim iste in altari Domini, id est in corde nostro citius exstinguitur, nisi solerter adhibitis exemplis Patrum, & Dominicis testimoniis reparetur. Bene autem illic subjungitur: *Et imposito holocausto, desuper adolebit adipēs pacificorum.* Nam quisquis in se hunc ignem caritatis accendit, semetipsum utique holocaustum desuper imponit: quia omne vitium, quod in se male vivebat, exurit. Cum enim cogitationum suarum interna considerat, & vitam reprobam per immutationis gladium maciat: in ara se sui cordis imposuit, & igne caritatis accendit. De qua hostia pacificorum adipēs redolent: quia interna novæ vitæ impinguat, pacem inter nos & Dominum faciens, odorem de nobis suavissimum reddit. Quia vero eadem caritas in cordibus electorum inextinguibilis manet, apte illic subditur: *Ignis est iste perpetuus, qui nunquam deficiet de altari.* Nunquam profecto de altari ignis iste deficit: quia etiam post hanc vitam eorum mentibus fervor caritatis accrescit. Æterna quippe contemplatione agitur, ut omnipotens Deus quo magis visus fuerit, eo amplius diligatur.

CAPUT VI.

Item unde supra.

IN commentario Ezechiel. hom. *Num. 30.* 12. QUOD offeri per Legem simila in sacrificium jubetur. Nul- lum omnipotenti Deo tale est sacrificium, quale zelus animarum. Hinc enim Psalmista ait, *Zelus domus tuæ comedit me.* *Num. 31. Ps. 68. 10.* Quantum vero frixura cordis, quæ per spiritua- lem

1 Gemet. & Ultic. 2 voluptate. Revivemus receptam lectionem quæ est Michael,

Levit. 6. 22.

lem zelum agitur; omnipotentem Dominum placat, aperte ostenditur, cum offerri per Legem simila in sacrificium jubetur. De qua scriptum est: *In sartagine tota oleo conspersa frigitur, offeretque eam calidam in odorem suavissimum Domino Sacerdos, qui patri jure successerit, & tota cremabitur in altari.* Tunc enim simila in sartagine frigitur, cum munda mens iusti per zeli sancti ardorem crematur. Quæ conspergi oleo præcipitur: quia enim Græce misericordia, *ἔλεος*, dicitur, non immerito per oleum misericordia designatur, quæ in conspectu omnipotentis Domini ardet & lucet. Conspergatur ergo oleo mens quæ in sartagine frigitur; quia in sancti zeli distractione necesse est, ut ex misericordiæ virtute & ardeat & clarescat. Amat enim eundem ipsum quem insequi videtur. Unde & calida in odorem suavissimum Domino offerri præcipitur: quia si amorem zelus non habet, ea, quæ in sartagine offertur, calorem similia amisit. Et notandum quis eam offerre præcipitur, videlicet Sacerdos qui patri jure successerit. Ille enim Sacerdos patri jure succedit, qui esse se omnipotentis Dei filium moribus demonstrat, atque a nobilitate intima operum suorum ignobilitate non discrepat. Quæ in altari tota cremari præcipitur, ut videlicet holocaustum fiat. Holocaustum enim totum incensum dicimus. Unde & in translatione altera hæc eadem simila, quæ in sartagine frigitur, holocaustum fieri jubetur. Hoc autem inter holocaustum & sacrificium distat, quia omne quidem holocaustum sacrificium est, non omne sacrificium holocaustum. Sunt enim multa bona, quæ aguntur sacrificia, sed holocausta non sunt: quia totam mentem in amore spirituali minime incendunt. Qui enim sic operantur ea, quæ Dei sunt, ut tamen ea,

quæ sunt seculi, non relinquunt; nimirum sacrificium & non holocaustum offerunt. Qui autem cuncta quæ mundi sunt deferunt, & totam mentem igne divini amoris accendunt, hi nimirum omnipotenti Domino sacrificium & holocaustum faciunt. Simila itaque in sartagine, est munda mens iusti in zeli spirituali afflictione, quæ per sollicitudinem animarum frigitur; & non solum sacrificium, sed etiam holocaustum Domino esse deputatur.

CAPUT VII.

Quod cauda hostiæ in sacrificio jubetur offerri. Levit. 7. 3.

DUm de perseverantia boni operis tractaretur, homil. 25. in Evang. adjunctum est: *Quod cauda hostiæ in sacrificio jubetur offerri.* QUID in cauda, nisi finis est corporis? Et ille bene immolat, qui sacrificium boni operis usque ad finem debitæ perducit actionis. Cauda ergo bestię in altari offerri præcipitur, ut videlicet omne bonum, cum incipimus, etiam perseveranti fine compleamus.

CAPUT VIII.

Quod Sacerdos ex sacrificio, dextrum armum, ac separatim jubetur accipere. Levit. 7. 33.

DUm de cultodia Sacerdotalis officii tractaretur, in cod. Reg. Past. tit. 14. adjunctum est. *Quod Sacerdos ex sacrificio, &c.* QUID est quod Sacerdos ex præcepto Legis, non solum dextrum armum, sed etiam separatim jubetur accipere, nisi ut non solum sit ejus operatio utilis, sed etiam singularis? Nec inter malos tantummodo, quæ recta sunt, faciat; sed bene quoque operantes subditos sicut honore ordinis superat, ita etiam morum virtute transcendat. Cui in esu quoque pectusculum cum armo tribuitur: ut quod de sacrificio præcipitur sumere, hoc de semetipso Auctori discat immolare. Et non so-

lum pectore quæ recta sunt cogitet, sed spectatores suos ad sublimia armo operis invitet. Nulla præsentis vitæ appetat, nulla pertimescat. Blandimenta mundi respecto intimo terrore despiciat, terrores autem considerato internæ dulcedinis blandimento contemnat.

C A P U T IX.

Levit. 11. 9. Quod pisces, qui pinnulas non habent, ab usu fidelis populi prohibentur. Et quod pisces, qui pinnulas squamarum habent, dare saltus etiam super aquas solent.

*Num. 13. D*Uum de desideriis electorum spiritualiter viventium tractaretur, in expos. B. Job, l. 5. adjunctum est: *Quod pisces, qui pinnulas non habent, &c.* QUID^a ergo pennatis piscibus, nisi electæ animæ figurantur? Quæ profecto solæ in cœlestis Ecclesiæ corpus transeunt. Quæ modo virtutum pinnulis fultæ, saltus dare per cœleste desiderium sciunt, ut superna contemplatione appetant, quamvis in seipsis iterum ex mortali carne dilabatur.

C A P U T X.

Item unde supra.

*Idem. P*ISCES, qui habent pinnulas, saltus dare super aquas solent: soli ergo in electorum corpore quasi pisces transeunt, qui in eo quod imis deserviunt, aliquando ad superna conscendere mentis saltibus sciunt; ne semper in profundis curarum lateant, & nulla eos amoris summi quasi liberi aeris aurea contingat. Qui ergo rebus temporalibus occupantur, tunc bene exteriora disponunt, cum sollicitè ad interiora confugiunt: cum nequaquam foris perturbationum strepitus diligunt, sed apud semetipsos intus in tranquillitatis sinu requiescunt.

C A P U T XI.

Si ultra apparuerit in his locis, quæ Levit. 13. 37. prius immacolata erant, lepra volatilis & vaga, debet igni comburi.

*D*Uum de alternantibus in reprobâ mente vitiis tractaretur, hom. 10. in Ezechiel. adiunctum est: *Si ultra apparuerit in his locis, &c.* ^b ALIQUANDO quædam nos male egisse cognoscimus, atque hæc a nostro opere vitamus; sed ipsa nobis culpa aliis actibus surrepit, quæ prius nos in aliis tenebat. Nam sunt nonnulli, qui carnali immunditiæ subiecti, ad semetipsos considerantes redeunt, reatum suæ pravitatis agnoscunt. Cumque se ab immunda actione correxerint, statim de castitatis bono stulta elatione gloriantur, & quos prius immunditia operis tenebat in corpore, postmodum immunditia elationis tenet in cogitatione. Quid itaque istos, nisi lepra volatilis possidet, quæ vestimentum plene non deseruit, sed in eo locum mutavit? Vestimentum quippe sanctæ Ecclesiæ unusquisque fidelis est. Unde ei per Prophetam dicitur: *Vivo ego, dicit Dominus, quia omnibus his velut ornamento vestieris.* ^c Lepra ergo volatilis & vaga vestimentum tenet, quando eam animam, quæ esse fidelis cernitur, per immutatum vitium culpa possidet. Si quis enim habitis in hoc mundo divitiis fortasse superbiat, sed ab ore prædicantis cuncta hæc peritura esse audiens, ea quæ possidet, pauperibus dispergat: de ipsa vero distributione elationem in corde habeat: quia prius hunc elatio per tenaciam, postmodum per largitatem tenuit, lepra, ut diximus, in vestimento locum mutavit. Alius immoderatis indisciplinatisque ineptæ lætitiæ verbis est deditus, qui dum

^a In Michael. laudatur homil. 26. in Evang.

^b In Michael. assignatur hom. 11. In neutra nobis occurrit quod hic legitur.

^c Hic locus in editis & in multis miss. est corruptus. Veram lectionem suppeditavit cod. Michael.

Fortasse a prædicatore corripitur, gravitatis censura se coercere studet, ne dissoluto gaudio lætetur: sed sæpe dum plusquam debet a gaudio restringitur, animus in iram vertitur, & sua ei tristitia iracundiæ stimulos excitat, atque constrictam mentem furoris aculeo perturbat. Quia ergo vitium ineptæ lætitiæ per immoderatam continentiam ad iracundiæ vitium transit, lepra vaga & volatilis locum, quem tenebat, destituit; & quem non tenebat, occupavit.

C A P U T XII.

Levit. 15. 10. Qui fluxum seminis patitur, immundus erit.

Num. 23. CUM de tenenda locutionis mensura tractaretur, in expos. B. Job, l. 23. adjunctum est: *Qui fluxum seminis patitur, &c.* QUID est sermo, nisi semen? Qui dum ordinate emittitur, audientis mens quasi concipientis uterus, ad boni operis prolem fetatur: si vero importune defluit, emittentem polluens, generandi virtutem perdit. In mente quippe audientium semen secururæ cogitationis, est auditæ qualitas locutionis: quia dum per aurem sermo concipitur, cogitatio in mente generatur. Nam si semen sermo non esset, de prædicante Paulo nequaquam Athenienses dicerent: *Quid sibi vult semini verbius hic dicere?* De quo & Lucas dicit: *Ipse enim erat dux verbi.* Semen ergo usus propaginis dicatum incompetenter fluens, cætera membra coinquinat, cum sermo per quem in audientium sensibus nasci scientia debuit, si inordinate prodeat, etiam quæ recte senserit, fœdat. Qui ergo fluxum seminis sustinet, immundus asseritur: quia multiloquio subditus ex eo se inquinat. Quod si ordinate promeret, prolem rectæ cogitationis, edere in audientium cor-

de potuisset. Dumque incautus per loquacitatem defluit, non ad usum generis, sed ad immunditiam semper fundit. Unde & Paulus quoque cum discipulum de instantia prædicationis admoneret, dicens: *Testificor coram Deo & Christo Jesu, qui iudicaturus est vivos & mortuos, per adventum ipsius & regnum ejus: Prædica verbum; instat opportune, importune: dicturus importune, præmisit opportune: quia scilicet apud auditoris mentem ipsa sua utilitate se destruit, si habere importunitas opportunitatem nescit.*

C A P U T XIII.

Levit. 19. 14. Non maledices surdo, nec coram cæco pones offendiculum.

DUM de cavendo detractionis ac scandali vitio tractaretur, in Reg. Pastor. part. 3. adjunctum est: *Non maledices surdo &c.* SURDO maledicere, est absenti non audienti derogare. Coram cæco ponere offendiculum, est discretam quidem rem agere; sed tamen ei, qui lumen discretionis non habet, scandali occasionem præbere.

C A P U T XIV.

Levit. 19. 23. Quando ingressi fueritis terram, quam ego daturus sum vobis, & plantaveritis in ea ligna pomifera, auferetis præputia eorum. Poma quæ germinant, immunda erunt vobis; nec edetis ex eis.

CUM de vitando appetitu laudis transitoria tractaretur, in expos. B. Job, lib. 8. adjunctum est: *Quando ingressi fueritis terram, &c.* LIGNA pomifera sunt opera virtutibus secunda. Præputia itaque lignorum auferimus, cum de ipsa incoationis infirmitate suspecti, primordia nostrorum operum non approbamus. Poma autem quæ germinant, immunda dicimus, nostris quæ esibus non aptamus: quia cum primordia boni laudantur operis, dignum

a In Gemet. Quid per fluxum seminis; nisi sermonis semen accipitur? Qui dum or-

gnum est, ut hoc animum non pascat operantis; ne, dum accepta laus suaviter carpitur, fructus operis intempestive comedatur. Qui ergo incoactæ virtutis ab humano ore laudem receperit, quasi plantati ligni ante tempus pomum comedit. Hinc per Psalmistam Veritas dicit:

Ps. 126. 2. Vanum est vobis ante lucem surgere, surgite postquam sederitis. Ante lucem quippe surgere, est priusquam claritas æternæ retributionis appareat, in præsentis vitæ nocte gaudere. Sedendum ergo prius est, ut post recte surgamus: quia quisquis nunc se sponte non humiliat, nequaquam hunc sequens gloria exaltat.

CAPUT XV.

Levit. 21. v. 27. & seq. Loquere ad Aaron: Homo de semine tuo per familias qui habuerit maculam, non offeret panes Deo suo, nec accedet ad ministerium ejus. Ubi & repente subjungitur: Si cæcus fuerit, si claudus, si vel parvo & grandi & torto naso, si fracto pede vel manu, si gibbus, si lippus, si albuginem habens in oculo, si jugem scabiem, si impetiginem in corpore, vel ponderosus.

Cum de morum vitiis, per corporum infirma distinctis, tractaretur, Reg. Past. part. 1. adjunctum est: Loquere ad Aaron, &c. CONSIDERANDUM valde est, quia cum causam populi electus præsul suscipit, quasi ad ægrum medicus accedit. Cujus, si adhuc in opere passionibus vivunt, qua præsumptione percussus mederi poterit, qui in facie vulnus portat? * Ille ergo, ille modis omnibus debet ad exemplum vivendi pertrahi, qui cunctis carnis passionibus moriens, jam spiritaliter vivit. Qui prospera mundi postposuit. Qui nulla adversa pertimescit, qui sola interna desiderat. Cujus intentioni bene congruens, nec omnino per imbecillitatem cor-

pus, nec valde per contumaciam repugnat. Qui ad aliena cupienda non ducitur, sed propria largitur. Qui per pietatis viscera citius ad ignoscendum flectitur, sed nunquam plus quam deceat ignoscens, ab arce rectitudinis inclinatur. Qui nulla illicita perpetrat, sed perpetrata ab aliis, ut propria, deplorat. Qui ex affectu cordis alienæ infirmitati compatitur, sicque in bonis proximi sicut in suis profectibus lætatur. Qui ita se imitabilem cæteris in cunctis, quæ ait, insinuat, ut inter eos non habeat quod saltem de transactis mens erubescat. Qui sic studet vivere, ut proximorum quoque corda arentia, doctrinæ valeat fluentis irrigare. Qui orationis usu & experimento jam didicit, quod obtinere a Domino, quæ poposcerit, possit. * Hinc est quod superna voce morum vitia per corpora infirma signantur, dum ad Moysem Dominus dicit: Loquere ad Aaron: homo de semine tuo per familias, qui habuerit maculam, non offerat panes Domino Deo suo, nec accedat ad ministerium ejus. Ubi & repente subjungitur: Si cæcus fuerit, si claudus, si vel parvo vel grandi & torto naso, si fracto pede, vel manu, si gibbus, si lippus, si albuginem habens in oculo, si jugem scabiem, si impetiginem in corpore, vel ponderosus. Cæcus quippe est, qui supernæ luminis contemplationis ignorat. Qui præsentis vitæ tenebris pressus, dum venturam lucem nequaquam diligendo conspicit, quo egressum operis porrigat, nescit. Hinc etenim prophetante Anna dicitur: Pedes sanctorum suorum servabit, & impii in tenebris conticescent. Claudus vero est, qui quidem quo pergere debeat aspicit, sed per infirmitatem mentis vitæ viam perfecte non valet tenere, quam videt. Qui ad virtutis statum dum fluxa con-

* Cap. 11.

Levit. 21. 27

62p. 96

* Cap. 20.

1. Reg. 2. 36

suetudine non erigitur, quo desiderium innitur, illuc gressus operis efficaciter non sequuntur. Hinc etenim Paulus dicit; *Remissas manus & dissoluta genua erigite, & gressu rectos facite pedibus vestris, ut non claudicans quis erret, magis autem sanetur.* Parvo autem naso est, qui ad tenendam mensuram discretionis idoneus non est. Naso quippe odores foetoresque discernimus. Recte ergo per nasum discretio exprimitur, per quam virtutes eligimus, delicta reprobamus. Unde & in laude Sponsæ dicitur: *Nasus tuus sicut turris, quæ est in Libano.* Quia nimirum sancta Ecclesia, quæ ex causis singulis tentamenta prodeant, per discretionem conspicit, & ventura vitiorum bella ex alto deprehendit. Sed sunt nonnulli, quidam æstimari habetes nolunt, sæpe se in quibusdam inquisitionibus plusquam necesse est exercentes, a ex nimia subtilitate falluntur, Unde hic quoque subditur, vel grandi & torto naso. Nasus etenim grandis & tortus, est discretionis subtilitas immoderata: quæ dum plusquam decet excreverit, actionis suæ rectitudinem ipsa confundit. Fracto autem pede vel manu est qui viam Dei pergere omnino non valet, atque a bonis actibus funditus exfors vacat, quatenus hæc non ut claudus saltem cum infirmitate teneat, sed ab his omni modo alienus existat. Gibbus vero est, quem terrenæ sollicitudinis pondus deprimit, ne unquam ad superna respiciat, sed solis his quæ in infirmis calcantur, intendat. Qui etsi quando aliquid ex bono patriæ cœlestis audierit, ad hoc nimirum perversæ consuetudinis pondere prægravatus, cordis faciem non attollit. Quia cogitationis statum erigere non valet, quem terrenæ usus sollicitudinis curvum tenet. Ex horum quippe specie Psalmista di-

cit: *Incurvatus sum, & humiliatus sum usquequaque.* Quorum culpam quoque per semetipsam Veritas reprobans ait: *Semen autem, quod in spinis cecidit, hi sunt qui audierunt, & a sollicitudinibus, & divitiis, & voluptatibus vitæ euntes suffocantur, & non referunt fructum.* Lippus vero est, cujus quidem ingenium ad cognitionem veritatis emicat, sed tamen hoc carnalia opera obscurant. In lippis quippe oculis pupillæ sanæ sunt, sed humore defluente infirmatæ palpebræ grossescunt. Quæ quia infusione crebro atteruntur, etiam acies pupillæ vitiat, Et sunt nonnulli, quorum sensum carnalis vitæ operatio fauciat, quia videre recta subtiliter per ingenium poterant, sed usu pravorum actuum caligant. Lippus itaque est, cujus sensum natura exacuit, sed conversationis pravitas confundit. Cui bene per Angelum dicitur: *Collyrio inunge oculos tuos ut videas.* Collyrio quippe oculum ut videamus inungimus, cum ad cognoscendam veri luminis claritatem, intellectus nostri aciem, medicamine bonæ operationis adjuvamus. Albuginem vero habet in oculo, qui veritatis lucem videre non finitur: quia arrogantia sapientiæ, seu iustitiæ cæcatur. Pupilla namque oculi nigra videt, albuginem tolerans nil videt: quia videlicet sensus humanæ cogitationis si stultum se peccatoremque intelligit, cogitationem intimæ claritatis apprehendit. Si autem candorem sibi iustitiæ seu sapientiæ tribuit, a luce se supernæ cogitationis excludit; & eo claritatem veri luminis nequaquam penetrat, quo se apud se per arrogantiam exaltat. Sicut de quibusdam dicitur: *Dicentes enim se esse sapientes, stulti facti sunt.* Jugem vero habet scabiem, cui carnis petulantia sine cessatione do.

N. br. 12. v.
x2. 13.

Cant. 7. 8.

Luc. 8. 4.

Apoc. 2. 29.

Rom. 1. 12.

dominatur. In scabie etenim fervor viscerum ad cutem trahitur, per quam luxuria recte designatur: quia si cordis tentatio usque ad operationem profilit, nimirum fervor intusus usque ad cutis scabiem prorumpit, & foras jam corpus sauciat: quia dum in cogitatione voluptas non reprimatur, etiam in actione dominatur. Quasi enim cutis pruriginem Paulus curabat abstergere, cum dicebat: *Tentatio vos non apprehendat, nisi humana*. Ac si aperte diceret: Humanum quidem est, in corde tentationem perpeti: dæmoniacum vero est, in tentationis certamine, & in operatione superari. Impetiginem quoque habet in corpore, quisquis avaritia vastatur in mente: quæ si in pravis non compefcitur, nimirum sine mensura dilatatur. Impetigo quippe sine dolore corpus occupat, & absque occupati tædio excrescens membrorum decorem fædat: quia & avaritia capti animum dum quasi delectat, exulcerat: dum adipiscenda quæque cogitationi objicit, ad inimicitias accendit, & dolorem in vulnere non facit: quia æstuanti animo ex culpa abundantiam promittit. Sed decor

membrorum perditur, quia aliarum quoque virtutum per hanc pulcritudo depravatur, & quasi totum corpus exasperat, quia per universa vitia animum supplantat, Paulo attestante, qui ait: *Radix omnium malorum est cupiditas*. Ponderosus vero est, qui turpitudinem non exerceat in opere, sed tamen ab hac cogitatione continua sine moderamine gravatur in mente. Qui nequaquam quidem usque ad opus nefarium rapitur, sed ejus animus voluptate luxuriæ, sine ullo repugnationis obstaculo, delectatur. Vitium quippe est ponderis, cum humor viscerum ad virilia labitur quæ profecto cum molestia dedecoris intumescunt. Ponderosus ergo est, qui totis cogitationibus ad lasciviam defluens, pondus turpitudinis gestat in corde; & quamvis prava non exerceat opere, ab his tamen non evellitur mente, nec ad usum boni operis in aperto valet assurgere, quia gravat hunc in abditis pondus turpe. Quisquis ergo quolibet horum vitio subjicitur, panes Domino offerre prohibetur, ^a nec profecto diluere aliena delicta valet is, quem adhuc propria devastant.

1. Tim. 6. 10.

Finis Libri Levitici.

^a Excusi, invitis mss. ne profecto diluere prius devastant
aliena delicta non valeat, is quem adhuc pro-

CAPITULA LIBRI QUARTI

IN NUMEROS

1. **Q**uod Nazaræi capillos nutriunt, quos post votum in igne sacrificii ponunt.
2. Quod Moyses crebro tabernaculum intrat, & exit.
3. Quod Levitæ omnes pilos carnis suæ radere jubentur.
4. Quod Levitæ ab anno vigesimo quinto ministrare præcepti sunt.
5. Quod Moyses in rebus dubiis crebro ad tabernaculum redit.
6. Fac tibi duas tubas argenteas ductiles, &c.
7. Proficiscimur ad locum, quem Dominus daturus est nobis: Veni nobiscum, ut bene faciamus tibi.
8. De populo qui fastidians manna, ollas carniū, pepones, & porcos, capasque ex Ægypto concupivit.
9. Congrega mihi lxx. viros de senibus Israel, quos tu nosti quod senes populi sint.
10. Quid amularis pro m.? quis tribuat ut omnis populus prophetet?
11. Quod Aaron, assumpto thuribulo, inter viventes ac mortuos stetit.
12. De virgis duodecim in tabernaculo positis, ex quibus virga Aaron floruit.
13. De sacrificio & cinere vaccæ ruscæ.
14. Item unde supra.
15. Vas quod non habuerit operculum aut ligaturam, immundum est.
16. Quod Balaam tarditate asinæ a cæpto itinere præpeditur.
17. Moriatur anima mea morte iustorum, &c.
18. Item unde supra.
19. Item unde supra.
20. Qui cadit, & sic aperiuntur oculi ejus.
21. Item unde supra.
22. Robustum est quidem habitaculum tuum, sed si in petra posueris nidum tuum, &c.
23. Terra, quam percussit Dominus in conspectu filiorum Israel, regionis uberrimæ est, &c.
24. Quod post mortem summi Sacerdotis, homicida jubetur reverti in terram suam.

LIBER QUARTUS

DE TESTIMONIIS LIBRI NUMERORUM.

CAPUT PRIMUM.

Num. 6. 18. Quod Nazaræi capillos nutriunt, quos post votum in igne sacrificii ponunt.

a **C**UM de ^a vitandis superfluis cogitationibus tractaretur, in expof. B. Job, l. 2. adjunctum est: *Num. 24.* Quod Nazaræi capillos nutriunt, &c. QUID est quod Nazaræi capillos nutriunt, nisi quod per vitam ma-

gnæ continentix præfumptionum cogitationes crescunt? Sed quid est quod devotione completa caput Nazaræus radere, capillosque in igne sacrificii ponere jubetur, nisi quod tunc ad perfectionis summa peringimus, cum sic exteriora vitia vincimus, ut etiam cogitationes superfluas a mente refecemus? Quas nimirum sacrificii igne concremare, est flamma eas divini amoris in-

a In excufis legitur, de refecanda cogitationum fuperfluitate. Adharemus mff. Tom. XIV.

Vaticano, Michael. Utic. &c.

M m

incendere: ut totum cor in Dei amore ardeat, & cogitationes superfluas concremans, quasi Nazaræi capillos devotionis perfectione consummat.

CAPUT II.

Num. 7.

Quod Moyses crebro tabernaculum intrat, & exit.

cap. 5.

Cum de Præpositorum ædificanda regiminis regula tractaretur, Regul. Pastoral. parte 2. adjunctum est: *Quod Moyses crebro, &c.* QUID est quod Moyses crebro tabernaculum intrat, & exit, nisi quod is, qui mente in contemplationem rapitur, foris infirmantium negotiis urgetur? Intus Dei arcana considerat, foris onera carnalium portat. Qui de rebus quoque dubiis semper ad tabernaculum recurrit, ac coram testamenti arca Dominum consulit; exemplum proculdubio Rectoribus præbens, ut cum foris ambigunt quid disponant, ad mentem semper quasi ad tabernaculum redeant, & velut coram testamenti arca Dominum consulant, si de his, in quibus dubitant, apud semetipsos intus sacri eloquii paginas requirant. Unde & ipsa Veritas, per susceptionem nobis nostræ humanitatis ostensa, in monte orationi inhæret, miracula in urbibus exercet: imitationis videlicet viam bonis Rectoribus sternens, ut etsi jam summa contemplando appetant, necessitatibus tamen infirmantium compatiendo misceantur: quia tunc ad alta caritas mirabiliter surgit, cum ad ima proximorum se misericorditer attrahit: & cum benigne descendit ad infima, valenter recurrit ad summa.

CAPUT III.

Num. 8. 7.

Levitæ radant omnes pilos carnis suæ.

Num. 59.

Cum de vitandis carnalibus concupiscentiis ab electorum cordibus tractaretur, in expof. B. Job, l. 5. adjunctum est: *Levitæ radant omnes pilos carnis suæ.* PILI carnis, sunt quælibet superflua humanæ cor-

ruptionis. Pili carnis, sunt vitæ veteris cogitationes, quas sic a mente abscindimus, ut de amissione earum nullo dolore fatigemur. Levita namque, Assumptus vocatur. Oportet ergo Levitas omnes pilos carnis radere: quia is, qui in obsequiis divinis assumitur, debet ante Dei oculos a cunctis carnis cogitationibus mundus apparere, ne illicitas cogitationes mens proferat, & pulcræ animæ speciem, quasi pilis fructificantibus deformem reddat. Sed quantalibet, ut diximus, quempiam virtus sanctæ conversationis evehit, adhuc tamen ei de vetustate vitæ nascitur, quod toleretur. Unde & ipsi Levitarum pili, radi præcepti sunt, non evelli. Rasis etenim pilis in carne radices remanent, & crescunt, ut iterum radantur: quia magno quidem studio superflue cogitationes amputandæ sunt, sed tamen amputari funditus nequaquam possunt. Semper enim caro superflua generat, quæ semper spiritus ferro sollicitudinis recidat, sed hæc in nobis tunc subtilius conspicimus, cum speculationis alta penetramus.

CAPUT IV.

Quod Levitæ ab anno vigesimoquinto ministrare debeant, ab anno vero quinquagesimo custodes vasorum fiant. Num. 8. v. 24. & 25.

Cum de operationibus intra sanctam Ecclesiam perfectorum & imperfectorum tractaretur, in expof. B. Job, l. 23. adjunctum est: *Quod Levitæ ab anno vigesimoquinto ministrare debeant, &c.* QUID per annum quintum ac vigesimum, in quo flos juventutis oboritur, nisi ipsa contra unumquodque vitium bella signantur? Et quid per quinquagenarium, in quo jubilæi requies continetur, nisi interna requies edomito bello mentis exprimitur? Quid vero per vasa tabernaculi, nisi fidelium animæ figurantur? Levitæ ergo ab anno vigesimo & quinto, taberna-

Num. 22.

culo ferviant, & a quinquagesimo custodes vasorum fiant, ut videlicet qui adhuc impugnantium vitiorum certamina ^a per consensum delectationis tolerant, aliorum curam suscipere non præsumant. Electi enim cum adhuc in tentatione sunt, subesse eos ac servire necesse est, & obsequiis laboribusque fatigari. Cum vero tentationum bella subegerint, quo apud se jam de intima tranquillitate securi sunt, animarum custodiam fortiantur: mentis quippe ætate tranquilla, dum calor recesserit tentationis, custodes vasorum sunt, quia doctores animarum fiunt.

CAPUT V.

Num. 9. v. 7. 8. & 9. Quod Moyses in rebus dubiis crebro ad tabernaculum redit.

DUM de bono quietis internæ, & vitandis secularibus vitæ tumultibus tractaretur, in expof. B. Job, l. 23. adjunctum est: *Quod Moyses in rebus dubiis crebro ad tabernaculum redit.* RELICTIS turbis ad tabernaculum redire, est postpositis exteriorum tumultibus secretum mentis intrare. Ibi enim Dominus consulitur, & quod foris agendum est publice, intus silenter auditur. Hoc quotidie boni Rectores faciunt; cum se res dubias discernere non posse cognoscunt, ad secretum mentis velut ad quoddam tabernaculum revertuntur, divina Lege perspecta, quasi posita arca Dominum consulunt: & quod prius intus tacentes audiunt, hoc foris postmodum agentes innotescunt. Ut enim exterioribus officiis inoffense deserviant, ad secreta cordis recurrere incessabiliter curant, & sic vocem Dei, quasi per occultam inspirationem audiunt, dum in meditatione mentis a carnalibus sensibus abstrahuntur.

CAPUT VI.

Num. 10. v. 2. & 5. Fac tibi duas tubas argenteas ductiles. Et paulo post: Cum concisus

clangor increpuerit, movebunt castra.

DUM de operationibus duorum præceptorum, videlicet amoris Dei & proximi per summum institutum boni Doctoris ministratum in auditorum cordibus tractaretur, in expof. B. Job, l. 30. adjunctum est: *Fac tibi duas tubas argenteas ductiles, &c.* PER duas tubas exercitus ducitur, quia per duo præcepta caritatis ad procinctum fidei populus vocatur. Quæ idcirco argenteæ fieri præcipiuntur, ut prædicatorum verba lucis nitore pateant, & auditorum mentem nulla sui obscuritate confundant. Idcirco autem ductiles: quia necesse est, ut hi qui venturam vitam prædicant, tribulationum præsentium tunctionibus crescant. Bene autem dicitur: *Cum concisus clangor increpuerit, movebunt castra*: quia nimirum prædicationis sermo cum subtilius ac minutius agitur, auditorum corda contra tentationum certamina ardentius excitantur.

CAPUT VII.

Proficiscimur ad locum, quem Dominus daturus est nobis: Veni nobiscum, ut bene faciamus tibi. *Num. 10. 22.*

IN codice Reg. Past. p. 3. adjunctum est: *Proficiscimur ad locum, &c.* PLERUMQUE persuadere elatis utilia melius possumus, si profectum eorum nobis potius, quam illis profuturum dicamus, si meliorationem nobis magis quam sibi profuturam dicamus, & eam magis nobis quam sibi impendi postulamus. Facile enim ad bonum elatio flectitur, si ejus inflexio prodesse & aliis credatur. Unde Moyses, qui regente se Deo, per desertum aerea columna duce pergebat, cum Obab cognatum suum a Gentilitatis conversatione vellet educere, & omnipotentis Dei dominio subjugare, ait: *Proficiscimur ad locum, quem*

M m 2 Dō

Dominus daturus est nobis: Veni nobiscum, ut beneficiamus tibi: quia Dominus bona promisit Israel. Cui cum respondisset ille: Non vadam tecum, sed revertar ad terram meam in qua natus sum, illico adjunxit: Noli nos relinquare, tu enim nosti in quibus locis per desertum castra ponere debeamus, & eris ductor noster. Neque enim Moyse mentem ignorantia itineris angustabat, quem & ad prophetiæ scientiam cognitio divinitatis expenderat, quem columna exterius præibat, quem de cunctis interius per conversationem cum Deo sedulam locutio familiaris instruebat. Sed videlicet vir providus, elato auditori colloquens, solatium petiit ut daret. Ducem eum requirebat in via, ut dux ei fieri potuisset ad vitam. Egit itaque ut superbus auditor voce ad meliora suadenti, eo magis fieret devotus, quo putaretur necessarius: & unde se exhortatorem suum præcedere crederet, inde se sub verbis exhortantis inclinaret.

CAPUT VIII.

*Núm. 11. v.
5. 6. 7.*

Quod dum populus manna perciperet, ab Ægypto ollas carniū, pepones, porros, capasque concupivit.

Núm. 35. 40.

CUM de reprobarum mentium vitiis per contemptam supernæ aspirationis dulcedinem tractaretur, in expos. B. Job, l. 20. adjunctum est: *Quod dum populus manna perciperet, ec. DURA*, carnalium mentes præ amore seculi, quasi quædam mollia, ac delectabilia ferre paratæ sunt, dum in hac vita rerum culmina apprehendere conantur. Cessationem Dominus a mundi laboribus imperat, sanctæ quietis dulcedinem persuadet: & tamen vesana iniquorum mens, plus se assequi aspera carnaliter, quam tenere blanda spiritualiter gaudet. Plus acerbitate fatigationis, quam quietis dulcedine pascitur: quod aperte in semetipso nobis Israeliticus populus ostendit: qui dum refectionem man-

næ desuper perciperet, ab Ægypto ollas carniū, pepones, porros, capasque concupivit. Quid enim signatur in manna, nisi esca gratiæ suave sapiens, ad refectionem interioris vitæ bene vacantibus desuper data? Et quid per ollas carniū, nisi carnalia opera vitæ in tribulationum laboribus, quasi ignibus excoquenda? Quid per pepones, nisi terrenæ dulcedines? Quid per porros, ac capas exprimitur, quæ plerumque qui comedunt, lacrymas emittunt; nisi difficultas vitæ præsentis, quæ a dilectoribus suis & non sine luctu agitur, & tamen cum lacrymis amatur? Manna igitur deferentes, cum peponibus ac carnibus porros, capasque quæsierunt: quia videlicet perversæ mentes dulcia per gratiam quietis dona despiciunt. Et pro carnalibus voluptatibus laboriosa hujus vitæ itinera etiam lacrymis plena concupiscunt. Contemnunt habere ubi spiritualiter gaudeant, & desiderantes appetunt, ubi & carnaliter gemant.

CAPUT IX.

Congrega mihi septuaginta viros de senibus Israel, quos tu nosti, quod senes populi sint.

Núm. 11. 16.

DUM de spectanda potius morum gravitate, quam ætate, in constituendis præfectis tractaretur, in expos. B. Job, l. 19. adjunctum est: *Congrega mihi septuaginta viros de senibus Israel, ec. SICUT* plerumque juvenes dici solent, quinulla consilii gravitate fulciuntur: ita senes non eos Scriptura sacra vocare consuevit, qui sola quantitate temporum, sed morum grandævitate maturi sunt. Unde per quemdam sapientem dicitur: *Senectus venerabilis est, non diuturna, neque numero annorum computata. Cani autem sunt sensus hominis, et ætas senectutis vita immaculata.* Hinc est ergo quod ad Moysen Dominus dicit: *Congrega mihi septuaginta viros de*

Núm. 26.

Sap. 4. 2.

se-

senioribus Israel, quos tu nosti, quod senes populi sunt. In quibus quid aliud quam senectus cordis requiritur, cum tales jubentur eligi, qui senes esse sciuntur? Si enim senectus in eis corporis quæreretur, a tantis sciri poterant, a quantis videri. Dum vero dicitur: Quos tu nosti, quod senes populi sunt, profecto liquet: quia senectus mentis non corporis eligenda nuntiatur.

CAPUT X.

Num. 11. 29.

Quid emularis pro me? quis tribuat ut omnis populus prophetet, et det eis Dominus spiritum suum.

Num. 54.

Cum de pio desiderio cordis Pastorum in lucrandis subditis tractaretur in exposit. B. Job, lib. 22. adjunctum est: *Quid emularis pro me? ec. PIA* Pastorum mens, quia non propriam gloriam sed Auctoris quærît, ab omnibus vult adjuvari quod agit. Fidelis namque prædicator optat, si fieri valeat, ut veritatem, quam solus loqui non sufficit, ora cunctorum sonent. Unde cum Josue duobus in castris remanentibus atque prophetantibus vellet obfistere, recte per Moysen dicitur: *Quid emularis pro me? quis tribuat ut omnis populus prophetet, et det eis Dominus spiritum suum?* Prophetare quippe omnes voluit, qui bonum, quod habuit, aliis non invidit.

CAPUT XI.

Num. 16. v. 47. 48.

Quod Aaron assumpto thuribulo inter viventes ac mortuos stetit.

In Job 1. 9. n. 23.

Dum de boni Pastoris studio tractaretur, adjunctum est: *Quod Aaron assumpto thuribulo inter viventes ac mortuos stetit.* ^a QUID est quod Aaron ut iram Domini placaret, thuribulum sumsit, atque inter viventes ac mortuos stetit: nisi quia Sacerdotis est negotium omnipotentis Deo orationem effundere, & pro justis ne cadant, & pro peccatoribus,

^a In Gemet ac Michaelino indicatur hom. undecima in Ezech. ubi tamen non invenitur.

ut resurgere debéant? Unde & Psal- mista ait: *Intret oratio mea sicut incensum in conspectu tuo.* Ps. 140. 2.

CAPUT XII.

De virgis duodecim in tabernaculo positis, ex quibus virga Aaron floruit. Num. 17. 3.

Dum de mysterio resurrectionis tractaretur, in exposit. B. Job, l. 14. adjunctum est: *De virgis duodecim in tabernaculo positis, ec.* Num. 64. CUM Aaron Sacerdotium, qui de tribu Levi fuerat, despiceretur, nec digna tribus quæ offerret holocausta crederetur: duodecim virgæ juxta duodecim Tribus in Tabernaculo poni præceptæ sunt, & ecce virga Levi viruit, & quid virtutis in munere Aaron haberet, ostendit. Quo videlicet signo quid innuitur, nisi quod omnes, qui usque ad finem mundi jacemus in morte, quasi virgæ reliquæ in ariditate remanemus? Sed cunctis virgis in ariditate remanentibus, virga Levi ad florem rediit: quia corpus Domini, veri scilicet Sacerdotis nostri, in mortis ariditate positum, in florem resurrectionis erupit. Quo flore Aaron recte Sacerdos esse cognoscitur: quia hac resurrectionis gloria Redemptor noster, qui de tribu Juda ac Levi ortus est, intercessor pro nobis esse monstratur. Ecce ergo jam virga Aaron post ariditatem floret, sed virgæ duodecim tribuum in ariditate remanent: quia jam quidem corpus Domini post mortem vivit, sed nostra adhuc corpora usque in finem mundi a resurrectionis gloria differuntur.

CAPUT XIII.

Præcipe filiis Israel ut adducant ad te vaccam rufam, atatis integre, in qua nulla sit macula, nec portaverit jugum: tradesque eam Elcazaro Sacerdoti, qui ductam extra castra immolabit in Num. 19. v. 8 & seq.

con-

tur. Maur. Exstat etiam in loco Job per nos citato. E. V.

conspetu Domini, et intinget digitum in sanguine ejus, aspergens contra fores tabernaculi septem vicibus: comburetque eam cunctis videntibus, tam pelle et carnibus ejus, quam sanguine et simo flammæ traditis. Lignum quoque cedrinum et hyssopum coccumque bis tinctum Sacerdos immittet in flammam, quæ vaccam vorat, & tunc demum lotis vestibus et corpore suo, ingreditur in castra, commaculatusque erit usque ad vesperum. Sed et ille, qui combussit eam, lavabit vestimenta sua et corpus, et immundus erit usque ad vesperum. Colliget autem vir mundus cineres vaccæ, et effundet eos extra castra in loco purissimo, ut sit multitudini filiorum Israel in custodiam et in aquam asperfusionis: quia pro peccato combusta est vacca.

DUm de mysterio incarnationis Dominicæ tractaretur, in exposit. B. Job, adjunctum est: *Præcipe filiis Israel ut adducant ad te vaccam rufam, ec.*^a SOLET per masculinum sexum fortitudo, per femininum vero infirmitas designari. Quid ergo per vaccam, nisi assumpta ad sacrificium infirmitas incarnationis Dominicæ figuratur? de quo scriptum est: *Quia etsi mortuus est ex infirmitate, sed vivit ex virtute.* Bene autem vacca hæc etiam rufa dicitur: quia videlicet ejus humanitas rubra per cruorem passionis fuit. Unde & in Canticis canticorum ab Sponsa describitur dicente: *Dilectus meus candidus & rubicundus.* Candidus videlicet ex divinitate, rubicundus ex sanguine: candidus per justitiam vitæ, rubicundus ex cruore passionis. *Ætas humanitatis Domini integra, est omnis ejus operatio perfecta, in qua videlicet humanitate macula non fuit: quia & veraciter de eo scriptum est: Quia peccatum non fecit,*

nec dolus inventus est in ore ejus. Bene autem dicitur, nec portaverit jugum. Scriptum quippe est: *Omnis qui peccat, servus est peccati.* Quia igitur Dominus nulli peccato succubuit, jugum minime portavit. Sequitur: *Tradetque eam Eleazaro Sacerdoti, qui ductam extra castra immolabit in conspectu Domini.* Quid est quod hæc vacca ad immolandum Sacerdoti traditur, nisi quod incarnatus Dominus pro redemptione nostra sacrificium semetipsum in Judaici populi manus datur? qui etiam extra castra in conspectu Domini immolatus est: quia videlicet extra portam passus. Unde & per Paulum dicitur: *Jesus ut sanctificaret per suum sanguinem populum, extra portam passus est.* Excamus ad eum extra castra, improprium ejus portantes. Non enim habemus hic civitatem manentem, sed futuram inquirimus. Idcirco enim extra portam passus, est, ut a conversatione nostra vitæ præsentis quasi a civitate foras duceret, & a terrena in habitatione cor nos avellere persuaderet. Bene autem dicitur, quia *immolabit in conspectu Domini.* Redemptor enim noster in conspectu hominum quasi extinctus est, sed in conspectu patris immolatur: quia quod ante oculos hominum pœna, hoc ante oculos patris sacrificium fuit. *Et intinget digitum in sanguine ejus.* Quid per digitum, nisi discretio nostræ operationis accipitur? In sanguine ergo vaccæ digitum intingere, est in passione incarnationis Dominicæ nostra opera consecrare, ut passionem ejus, quam cognoscimus, imitemur. Sicut scriptum est: *Christus pro nobis passus est, vobis relinquens exemplum ut sequamini vestigia ejus.* Eleazar itaque Sacerdos & immolat, & in sanguine ejus digitum intingit: quia videlicet plebs

Johan. 8. 34.

Hebr. 13. 12.

2. Cor. 13. 4.

Cant. 5. 10.

1. Pet. 2. 22.

1. Pet. 2. 22.

^a In Gem. notatur hæc ex lib. 14. in Job esse desumpta: In Michael. nullum S.

Gregorii opus indicatur. Nullibi a nobis inventa sunt.

plebs Judæa ex reproborum parte humilitatem Domini usque ad passionem persecuta est; ex electorum vero parte operationem humilitatis ejus imitata. *Et spargit contra fores tabernaculi*. Quid hoc loco tabernaculum, nisi tota simul Synagoga accipitur? Qui ergo tinxerit in sanguine ejus digitum, eundem sanguinem contra fores tabernaculi aspergat, id est quisquis passionis ejus vias imitatur, Synagogæ non credenti & resistenti per exempla bona, per prædicationem rectam signum bene vivendi præbeat. Contra fores enim tabernaculi vaccæ sanguinem aspergere, est resistenti plebi Judæicæ per prædicationem rectam, & per sancta opera passionis ejus exempla monstrare. Bene autem dicitur, ut digitus in ejus sanguine septem vicibus intingatur, & aspergatur, in septenario autem numero perfectio accipitur. Unde & septem diebus universum tempus impletur, & sanctus Spiritus septiformis vocatur. Septem ergo vicibus in sanguine ejus digitum intingere, est per perfectam operationem mysterium passionis ejus imitari. Et septem vicibus contra Synagogam aspergere, est perfecta prædicatione sacramenta incarnationis ac passionis ejus infidelibus denuntiare. *Comburetque eam cunctis videntibus juxta castra, tam pelle & carnibus ejus, quam sanguine & fimo flammæ traditis*. Quid per carnem & pellem, quid per sanguinem & fimum vaccæ, nisi carnalia sacrificia in Testamento veteri habita, quæ infirmitatem denuntiabant Domini, designantur? Quæ omnia postmodum spiritualiter a patribus intellecta juxta exterius ministerium stercora sunt notata. Unde Paulus cum de sacrificiis carnalibus loqueretur, dicit: *Propter quem*

exhibita; postmodum per sanctum Spiritum intelligentiæ igne consumpta sunt. Possumus tamen in eadem vacca, id est in ipsa infirmitate incarnationis Dominicæ, carnem, pellem, sanguinem & fimum, singula quæque ejus opera accipere. Quid enim per carnem, & pellem, nisi exterior ejus operatio designatur? quid per sanguinem, nisi subtilitas internaque virtus exteriora acta vivificans? Quid per fimum, nisi lassitudo, sitis, esuries, timor mortis, & quæque ex humanitate suscepta voluit, designantur? Quidquid enim ex defectu nostræ mortalitatis habuit, quasi fimum in eo abjiciendum fuit. Quæ tamen omnia, quæ ex nostra infirmitate suscepit, quia pro nostra redemptione exhibuit, igne concremanda sunt, id est juxta virtutem sancti Spiritus intelligenda: ut quæque ab eo corporaliter gesta sunt, per incorporeum divinitatis ejus spiritum disposita sentiantur. Ubi & bene subjungitur: *Lignum quoque cedrinum, & hyssopum, coccumque bis tinctum Sacerdos mittet in flammam, quæ vaccam vorat*. Cedrus quippe, & altum, & imputribile lignum; hyssopus vero herba valde humilis, quæ tamen inflammationem amovet pulmonis. Quid enim per cedrum, nisi alta & perseverans contemplatio? Quid in hyssopo, nisi mansueti cordis humilitas designatur? Quia qui jam alta contemplatione in superna attollitur, necesse est ut per humilitatis compassionem inferioribus condescendat, & non se ex eo, quod habet, erigat; sed quidquid habet, his etiam qui illud non habent, prædicando libenter impendat. Quid vero in cocco bis tincto, nisi caritatis virtus exprimitur; Quæ coccus bis tinctus dicitur: quia caritas per flammam sancti amoris accensa duobus exhiberi præceptis jubetur, id est dilectione Dei, & dilectione proximi.

Bis

Isa. 17.

Philip. 3.8.

Bis tinctus ergo coccus, est caritas duplici præcepto formata, ut sic diligatur Deus, ne deferatur proximus; sic diligatur proximus, ne contemnatur Deus. In hac ergo flamma, quæ vaccam vorat, cedrum, hyssopum, bis tinctum coccum Sacerdos mittat. Omnes enim, qui in Christum credimus, Sacerdotes sumus. Unde scriptum est: *Vos autem genus electum, regale Sacerdotium*. Sed quidquid per ignem contemplationis alte sentimus, quidquid per mansuetudinem humilitatis agimus, quidquid per ignem caritatis habemus, in spiritu passionis Dominicæ tingere debemus, ut omne quod in nobis est, illum imitetur a quo est; ne si extra imitationem passionis ejus aliquid agimus, non tam virtutem quam vitium agamus. Mittatur ergo in flammam, quæ vaccam vorat, cedrus; id est, perseverantia, atque altitudo contemplationis nostræ comburatur igne passionis Dominicæ. Mittatur in flammam, quæ vaccam vorat, hyssopus; id est, humilitas cordis nostri veritatem, mansuetudinem, exaninationem Dominicæ passionis ^a trahat: mittatur in flammam quæ vaccam vorat bis tinctus coccus, id est caritas, quæ ad amandum Dominum & proximum excitans assidue nos contemplari passionem Dominicam compellat; ut in ipsa discat opera recta quæ faciat. Potest tamen aliter intelligi, ut per cedrum significetur spes quæ alta appetit: ^b per hyssopum vero, quæ etiam calore suo stomachi immunditiam purgat, significetur fides, quæ in imis adversa æquanimiter tolerat, & quidquid ex antea actis peccatis contractum fuerat, mundat. Per coccum quoque, ut

dictum est, exprimitur caritas. Unusquisque igitur nostrum in flammam, quæ vaccam vorat, cedrum, hyssopum, & coccum bis tinctum mittat, id est in sacrificio passionis Dominicæ spem, fidem, & caritatem exhibeat; ne passionem Redemptoris sui sine causa audiat, si non hæc etiam opera necessario subjungat. De quibus tribus Paulus Apostolus dicit: *Nunc autem manent fides, spes, caritas; major autem his est caritas*. Unde & hic coccus extremo ponitur: quia videlicet fide & spe completa, cum ad æternam patriam venerimus, sola in nobis caritas ad ultimum multiplicatur. Potest iste Sacerdos, vel is qui vaccæ carnes, pellem, sanguinem, & fimum comburit, ordinem Judaici sacerdotii cum supposita plebe in nece Domini consentientis signare. Unde & adhuc apte subjungitur: *Et tunc demum, lotis vestibus & corpore suo, ingreditur castra: commaculatusque erit usque ad vesperum*. Quid enim per vesperum, nisi finem mundi accipimus? At Sacerdos iste, vel is qui vaccam igni tradidit, id est Judaicus populus, usque ad vesperum immundus est: quia usque ad finem mundi infidelis remanet. Sed lotis vestibus suis & corpore, ad vesperum castra ingreditur: quia fine mundi veniente, mundatis infidelitatis suæ operibus, etiam, Judaicus populus ad cognitionem Conditoris sui revertitur: Sicut scriptum est: *Si fuerit numerus filiorum Israel tamquam arena maris, reliquæ salvæ fient*. Et sicut rursus scriptum est: *Donec plenitudo Gentium introierit, & sic omnis Israel salvus fieret*. Ad vesperum igitur lotis vestibus Sacerdos intra castra redit, qui ante vesperum com-

1. Cor. 13. 13.

Isai. 10. 22.

Rom. 9. 27.
Rom. 11. 25.

^a Præter multa vitata quæ hoc in capite sanavimus, hoc loco integram periodum omissem restituimus ex mss.

^b Ita Michael. in Gemet. per hyssopum vero quod. Certe hyssopum dicitur neu-

trius generis; sed apud Gregorium, minime, supra legitur: hyssopus herba valde humilis: & capite sequi hyssopus quippe inter na nostra.

maculatus est : quia infidelis populus usque ad finem mundi extra mandata vitæ velut extra castra est positus. Sed cum aqua baptismatis & pœnitentia lavatur, tunc ad cognitionem fidei ad vesperum, id est in fine mundi, quasi ad castra revertitur. Potest intelligi quod iste Sacerdos, & lotis sit vestibus, & tamen usque ad vesperum immundus : quia idem Judaicus populus ex eorum parte qui crediderunt, quasi jam vestes lavit, sed ex eorum parte qui necdum credidere, adhuc immundus usque ad vesperum permanet. Lavat ergo vestimenta & corpus, quia credendo, exteriora opera & interiorum mentem a pravis actionibus mundat, & plene tunc ad castra revertitur, cum ad fidem perfecte revocatur. Sed quia Judæa in infidelitate ex reproborum parte perdurante, ad fidem Gentilitas ingreditur, & mysteria divinæ incarnationis intelligit, recte illic subjungitur : *Colliget autem cineres vaccæ vir mundus*, id est Gentilis populus jam fide mundatus. Unde scriptum est : *Fide mundans corda eorum*. Vaccæ cineres colligit, qui subtilissima sacramenta divinæ incarnationis agnoscit. Et vaccam, quam Sacerdos combussit, ejus cineres vir mundus colligit. Quia infirmitatem Domini, quam Judaicus populus in morte inactavit, ejus subtilissima mysteria populus Gentilis intelligit. Bene autem sequitur : *Et effundet in loco purissimo extra castra*. Quia idem Gentilis populus qui secreta ac mystica divinæ incarnationis agnoscit, bona quæ accipit prædicare non cessat ; ut quod ipse didicerit, aliis etiam nescientibus innotescat. Sed quia secreta ac mystica incarnationis Dominicæ pravis ac pollutis mentibus non sunt tradenda, bene dicitur : *Effundet in loco purissimo extra castra*. Extra castra quippe fuerat omnis Gentilitas : quia extra Legem,

Tom. XIV.

extra sacrificium ; extra Synagoga : sed tamen ad fidem veniens cor mundavit. Et in ea cineres vaccæ effunduntur, quia mundo corde Gentilitas mysterium Dominicæ incarnationis credit. Multi itaque ex Gentilitate conversi, prædicatores facti sunt, & eidem Gentilitati ad fidem Redemptoris nostri mysteria tradidere. Vir ergo mundus in loco purissimo vaccæ cineres fundit, dum quilibet doctor ex Gentilitate assumptus, munda per humilitatem corda Gentilium requirit, & mysteria eis Redemptoris nostri tradere non desistit. Quod cum agitur, fides Gentium multiplicatur, divina virtus agnoscitur, disciplina præceptorum tenetur. Unde & recte subjungitur : *Ut sint multitudini filiorum Israel in custodiam*. Israel namque interpretatur, videns Deum, & non immerito conversa Gentilitas Israel dicitur, quæ jam Deum fide contemplatur. Isti ergo cineres multitudini filiorum Israel in custodiam fiunt, quia subtilia sacramenta mundis Gentium cordibus tradita, in mentis munitionem vertuntur. Bene autem subditur : *Et in aquam asperisionis*. Propter operationem namque in custodiam nostram sunt cineres ; propter baptismum vero in aqua asperisionis cineribus ejus utimur. Et dum consideratis ejus operibus nostra acta sub disciplinam redigimus, vaccæ cineres in custodia nostra servamus : quia dum secreta atque subtilia operationis illius per imitationem attendimus, per hoc nobis & munditiam & perseverantiam providemus. Apte autem subjungitur : *Quia pro peccato combusta est vacca*. Ait enim de eisdem cineribus ut sint multitudini filiorum Israel in custodiam, & in aquam asperisionis, quia pro peccato combusta est vacca. Tunc enim nos sub custodia provide custodimus, cum Redemptorem

N n

no.

nostrum pro nostris iniquitatibus passum sollicitè consideramus. Perpendimus namque quid retribuatur bonis, qui voluit mori pro malis. Perpendimus quid ad iustitiam fidei adducti, ejus gratiæ debeamus, qui & in iniquitatibus positi intercessionem mortis ejus accipimus. In custodia ergo nobis cineres fiunt, quia pro peccato combusta est vacca: dum passionis ejus mysteria sollicitè contemplantes, quæ operari debeamus, agnoscimus, qui Redemptorem nostrum etiam pro iniquis nobis mortuum non ignoramus.

CAPUT XIV.

Item unde supra.

IN expositione beati Job, lib. 8. *Num. 56.* VACCAM mactamus, cum carnem a lascivia suæ voluptatis extinguimus. Quam cum hyssopo lignoque cedrino, ac cocco offerimus: quia cum maceratione carnis sacrificium fidei, spei, & caritatis adolemus. Hyssopus quippe interna nostra mundare consuevit. Et per Petrum dicitur: *Ad. 15. 9.* *Fide mundans corda eorum.* Lignum cedrinum nulla putredine deficit, quia spem cœlestium terminus non consumit. Unde & per primum Pastorem mox dicitur: *1. Pet. 1. 3.* *Regeneravit nos in spem vivam, per resurrectionem Jesu Christi ex mortuis, in hereditatem incorruptibilem, & incontaminatam, & immarcescibilem.* Coccus rubro colore flammescit, quia quem implet caritas, incendit. Unde & in Evangelio Veritas dicit: *Luc. 12. 49.* *Ignem veni mittere in terram.* Sed bis tinctus coccus offerri præcipitur; ut videlicet ante interni judicis oculos, caritas nostra, Dei & proximi dilectione coloretur; quatenus conversa mens nec sic pro amore Dei quietem diligit, ut curam proximi utilitatemque postponat: nec sic pro amore proximi occupationi interserviat, ut quietem funditus deferens, ignem in se superni amoris extinguat.

Quisquis ergo semetipsum Deo jam sacrificium obtulit, si perfecta desiderat, curet necesse est ut non solum ad operationis se latitudinem, verum etiam ad culmina contemplationis extendat. Sed inter hæc magnopere sciendum est, quia valde inter se diversæ sunt conspersiones animorum. Nonnulli namque hominum ita otiosæ mentis sunt, ut si eos labor occupationis excipiat, in ipsa operis incoatione succumbant: & nonnulli ita inquieti sunt, ut si vacationem laboris habuerint, gravius laborent: quia tanto deteriores cordis tumultus tolerant, quanto eis licentius ad cogitationes vacant. Unde necesse est, ut nec quieta mens ad exercitationem se immoderati operis dilatet, nec inquieta ad studium contemplationis angustet. Sæpe enim qui contemplari Deum quieti poterant, occupationibus pressi ceciderunt. Et sæpe qui occupati bene humanis usibus viverent, gladio suæ quietis extincti sunt. Hinc namque est quod nonnulli inquieti spiritus dum plus exquirunt contemplando quam capiunt, usque ad perversa dogmata erumpunt: & dum veritatis discipuli esse humiliter negligunt, magistri errorum fiunt.

CAPUT XV.

Vas, quod non habuerit operculum, Num. 19. 1
nec ligaturam desuper, immundum erit.

CUM de silentii servanda disciplina retractaretur in expos. *a*
B. Job, l. 23. adjunctum est: *Vas, quod non habuerit operculum, &c.* *Num. 17.*
TEGMEN operculi vel ligatura, est censura disciplinæ silentii: qua quisquis non premitur, quasi vas immundum pollutumque reprobatur. Quasi enim vas sine operculo vel ligatura polluitur, qui per studium ostentationis patens, nullo velamine taciturnitatis operitur.

CA-

CAPUT XVI.

Num. 22. v. Quod Balaam, visione Angeli, tarditate asine, a cepto itinere præpeditur.
31. 32. 33.

Admon. 13.
cap. 12.

Cum de repressa ad cognitionem sui prima intentione mentis, per macerationem infirmitatis corporeæ tractaretur, in codic. Regul. Past. par. 3. adjunctum est: Quod Balaam visione Angeli, tarditate asine, etc. BALAAM pervenire ad propositum tendit, sed ejus votum animal, cui præsedet, præpedit. Prohibitione quippe immorata asina Angelum videt, quem humana mens non videt: quia plerumque caro per molestias tarda, flagello suo menti Deum indicat, quem mens ipsa carni præsidens non videbat: ita ut anxietatem spiritus proficere in hoc mundo cupientis, velut iter tendentis impediat, donec ei invisibilem qui sibi obviat, innotescat. Unde & bene per Petrum dicitur: *Correptionem habuit suæ vesaniæ subjugale mutum animal, quod in hominis voce loquens prohibuit Propheta insipientiam.* Infans quippe homo a subjugali muto corripitur, quando elata mens humilitatis bonum, quod tenere debeat, ab afflicta carne memoratur. Sed hujus correptionis donum idcirco Balaam non obtinuit, quia ad maledicendum pergens, vocem non mentem mutavit.

CAPUT XVII.

Num. 23. 10. Moriatur anima mea morte justorum, & fiant novissima mea horum similia.

Num. 43.

Cum de perseverantiæ studio in bonis operibus tractaretur, in expol. B. Job, l. 33. adjunctum est: *Moriatur anima mea morte justorum, &c.* SUNT nonnulli intra sanctam Ecclesiam, qui prolixas ad Dominum preces habent, sed vitam deprecantium non habent: nam promissa cœlestia petitionibus sequuntur, operibus fugiunt. Hi nonnunquam etiam lacrymas in oratione perci-

piunt, sed cum post orationis tempora eorum mentem superbia pulsaverit, illico in fastu elationis intumescunt. Cum avaritia instigat, mox per incendia avidæ cogitationes exæstuant. Cum luxuriâ tentaverit, in illicitis protinus desideriiis anhelant. Cum ira suaserit, mox mansuetudinem mentis flamma insanix concremat. Ut ergo diximus, & fletus in prece percipiunt, & tamen expletis precibus, cum vitiorum suggestionem pulsanter, nequaquam pro æterni regni desiderio se flevisse meminerunt. Quod aperte de se Balaam innotuit, qui justorum tabernacula conspiciens, ait: *Moriatur anima mea morte justorum, & fiant novissima mea horum similia.* Sed cum compunctionis tempus abcessit, contra eorum vitam, quibus se similem fieri etiam moriendo poposcerat, consilium præbuit. Et cum occasionem de avaritia reperit, illico oblitus est quidquid sibi de innocentia optavit.

CAPUT XVIII.

Item unde supra.

IN codice Regul. Past. par. 3. SOLLICITE considerandum est, quia ita plerumque mali inutiliter compunguntur ad justitiam, sicut plerumque boni innoxie tentantur ad culpam. Fit quippe mira, exigentibus meritis, dispositionis internæ mensura, ut & illi dum de bono aliquid agunt, quod tamen non perficiunt, superbe inter ipsa, quæ etiam plenissime perpetrant, mala confidant. Et isti dum de malo tentantur cui nequaquam consentiunt, quo per debilitatem & infirmitatem titubant, eo gressus cordis ad justitiam per patientiam & humilitatem verius figant. Balaam quippe justorum tabernacula respiciens, ait: *Moriatur anima mea morte justorum, & fiant novissima mea horum similia.* Sed cum compunctionis tempus recessit, in eorum perditione consilium

Num. 23. 30.

Cap. 30.
Admon. 31.

Num. 23. 30.

dedit, quibus etiam in morte similis fieri concupivit. Et cum avaritiæ tempus reperit, statim oblitus est bonum sibi innocentiae, quod optavit. Hinc Paulus ait: *Video aliam legem in membris meis, repugnantem legi mentis meae, & captivum me ducentem in lege peccati, quæ est in membris meis.* Qui profecto idcirco tentatur, ut in bono robustius ex ipsa infirmitatis suæ cognitione solidetur. Quid est ergo quod ille compungitur, & tamen iustitiæ non appropinquit: iste tentatur & tamen eum culpa non coinquinat, nisi hoc quod aperte ostenditur, quia nec malos bona imperfecta juvant, nec bonos mala inconsummata condemnant? * Virtutis namque pondus oratio non habet, quam nequaquam perseverantia contiaui amoris tenet. Quo contra bene de Anna flente perhibetur: *Vultusque ejus non sunt amplius in diversa mutati*, quia videlicet mens ejus nequaquam post preces, inepta lætitia lasciviendo perdidit, quod orationis suæ tempore gemituum rigore exquisivit.

CAPUT XIX.

Item unde supra.

IN expositione Evangelii hom. 15. **M**ULTI cum verbum contra avaritiam audiant, eandem avaritiam detestantur, rerum omnium contemptum laudant: sed mox ut viderit animus quod concupiscat, obliviscitur quod laudabat. Multi cum verbum contra luxuriam audiant, pollutiones carnis non solum perpetrare non appetunt, sed etiam perpetratas erubescunt: sed mox ut carnis species eorum oculis apparet, sic mens ad desideria rapitur, ac si adhuc ab ea nihil sit contra hæc eadem desideria deliberatum, & damnanda agit qui quidquid egisse se meminit, jam & ipse damnavit. Sæpe etiam contra culpas compungimur, & tamen post fletum ad easdem culpas redimus. Sic Balaam

Israelitici populi tabernacula contemplatus flevit, eisque se similem fieri in morte depoposcit dicens: *Moriatur anima mea morte iustorum, & fiant novissima mea horum similia.* Sed mox ut hora compunctionis transit, in avaritiæ nequitiam exarsit. Nam propter promissa munera in ejus populi mortem consilium dedit, cujus morti se fieri similem optavit, & oblitus est quod planxerat, cum extinguere noluit quod per avaritiam ardebat.

CAPUT XX.

Dixit homo, cujus obturatus est oculus; dixit auditor sermonum Dei, qui visionem Omnipotentis intuitus est, qui cadit, & sic aperiuntur oculi ejus.

CUM de laudabili electorum providentia, & cavenda reproborum cæcitate tractaretur, in expos. B. Job, l. 15. adjunctum est: *Dixit homo, cujus obturatus est oculus, &c.* NESCIT impius mala quæ facit, nisi cum pro eisdem malis puniri jam cœperit. Consilium enim Balaam contra Israelitas præbuit, sed post in pœna vidit quid prius ex culpa commiserit. Electi autem, qui ne peccare debeant, prævident: eorum videlicet oculi ante casum patent. Iniquus vero post casum oculos aperit: quoniam post culpam jam in pœna sua conspicit, quia malum debuit vitare quod fecit.

CAPUT XXI.

Item unde supra.

IN expositione beati Job, l. 27. **S**ÆPE quidam æterna judicia mirantur, prædicamenta cœlestis patriæ cum audiant diligunt, mira opera internæ dispositionis obstupescunt; sed tamen amando & vivendo ad hæc eadem opera assurgere negligunt. Jacentes ergo Dei miracula considerant, qui ejus potentiam sciendo pensant, sed vivendo non amant. Per contemplationem quippe

Rom. 7, 23.

* *Ex expos.*
B. Job, lib.
33, 2479, 143.

2. Reg. 1, 12.

Matth. 20.

Num. 23, 10.

Num. 24, 24.

Num. 58.

Num. 59.

pe in consideratione oculos tendunt, sed tamen per intentionem se se a terra non erigunt. Hinc ergo in Balaam exprobatone dicitur: *Qui cadens apertos habet oculos*. Multa namque de adventum Redemptoris dixerat, & quæ novissimis temporibus erant ventura, prævidebat: sed tamen ei vivendo assurgere noluit, quem prævidendo prædicavit. Jacens ergo apertos oculos habuit, cum ejus mentem & prophetia ad cœlestia tenderet, & avaritia in terra retineret. Jacens apertos oculos habuit, qui eum videre de superioribus potuit, quem prostratus in infimis non amavit.

C A P U T XXII.

Num. 24. 21. Robustum est quidem habitaculum tuum: sed si in petra posueris nidum tuum, &c.

CUM de electorum qua Deo adhærent fixa spei certitudine tractaretur, in expos. B. Job, l. 31. adjunctum est: *Robustum est quidem habitaculum tuum, &c.* CINÆUS, possessor interpretatur. Et qui sunt qui præsentia possident, nisi hi qui ingenio sapientiæ secularis callent? Qui in hoc veraciter robustum sibi habitaculum construunt, si per humilitatem parvuli apud semetipsos facti, in Christi sublimitate nutriantur; si semetipsos infirmos sentiant, & in excelsa humilitate cogniti Redemptoris fovendam mentis fiduciam ponant: si ima non appetant: si omne, quod præterit, cordis volatu transcendant. Videamus sanctum virum qualiter in petra ponat nidum suum. Ait enim: *Nostra conversatio in cœlis est*. Et rursus: *Qui conresuscitavit nos, & consedere fecit in cœlestibus*. In petra ponit nidum: quia profecto in supernis figit consilium. Non vult mentem in fluxa dejicere, non vult per abjectionem conversationis humanæ in infimis habitare. Tunc Paulus in

carcere fortasse tenebatur, cum se sedere cum Christo in cœlestibus testaretur. Sed ibi erat, ubi ardentem jam mentem fixerat, non illic, ubi illum necessario pigra adhuc caro retinebat.

C A P U T XXIII.

Terra, quam percussit Dominus in conspectu filiorum Israel, regio uberrima est ad pastum animalium; & nos servi tui habemus jumenta plurima: precamurque si invenimus gratiam coram te, ut des nobis famulis tuis eam in possessionem, nec facias nos transire Jordanem. *Num. 32. v. 5. & seq.*

CUM de reprobatione quorundam intra Ecclesiam positorum, fidem non medullitus, sed specietenus tenentium tractaretur, in expos. B. Job, l. 27. adjunctum est: *Terra, quam percussit Dominus in conspectu filiorum Israel, &c.* SUNT nonnulli in Ecclesia, qui parvuli esse despiciunt; etiam in humilitatis loco immanes apud se esse minime desistunt. Hos plerumque videas honoribus extolli, voluptatibus perfrui, rerum multiplicitate dilatarı. Hi sæpe nihil præcipue, nisi præse cæteris appetunt, a multis timeri gratulantur, recte vivere negligunt, & rectæ vitæ famam habere concupiscunt, adulatōres quærent, favoribus intumescunt. Et quia in rebus præsentibus prompti sunt, ventura gaudia non requirunt. Cumque cos multiplex actio occupat, etiam a semetipsis alienos demonstrat. Et tamen si qua fidei tentatio exsurgat, quia in ea saltem specietenus continentur, hanc verbis, hanc laboribus defendunt, & cœlestem patriam vindicant, nec tamen amant. Quos bene apud Moysen filii Ruben & Gad, & dimidia tribus Manasse exprimunt, qui multa pecora & jumenta possidentes, dum extra Jordanem, ea quæ viderant campe-

ter-

a Pro, reprobatione, quod legitur in Gemet, ac Utic, Mich, habet exprobatōne.

Num. 94.

*Philip. 2. 6.
Ephes. 3. 21.*

terra hereditatem habere noluere , dicentes: *Terra, quam percussit Dominus in conspectu filiorum Israel, regio uberrima est ad pastum animalium, & nos servi tui habemus jumenta plurima, precamurque si invenimus gratiam coram te, ut des nobis famulis tuis eam in possessionem, nec facias nos transire Jordanem.* Qui igitur jumenta plurima possident, Jordanem transire refugiunt: quia quos multa mundi implicamenta occupant, habitationem cœlestis patriæ non requirunt: sed ipsa eos, quam specietenus tenent, fides increpat, ne otii delectatione torpescant, atque exemplo suo alios a laboris tolerantia & studio longanimitatis frangant. Unde eis per Moysen dicitur: *Numquid fratres vestri ibunt ad pugnam, et vos hic sedebitis? Cur subvertitis mentes filiorum Israel? Sed quia erubescunt non defendere quod confitentur, pro eadem fide, quam professi sunt, ad certamen properant: eamque non sibi, sed proximis vendicant.* Unde & ad Moysen dicunt: *Caulas ovium fabricabimus, et stabula jumentorum, parvulisque nostris urbes munitas: nos autem ipsi armati et accincti pergemus ad prælium ante filios Israel.* Qui mox fortes pro aliis veniunt, & repromissionis terram ab hostibus liberant, & relinquunt: atque ad pascenda armenta extra Jordanem redeunt. Multi quippe, quamvis fideles curis præsentibus occupati, quasi armenta extra Jordanem pascunt: quia contra fidem baptismatis tota

mente omnique desiderio rebus perituris inserviunt. Qui tamen, ut diximus, cum fidei tentatio oritur, defensionum armis accinguntur: hostes fidei trucidando superant, & hereditatem terræ repromissionis, id est fructum fidei non amant: sicque pro illa pugnant, ut tamen sua pignora extra illam deponant. Quia enim parvulos foris habent, affectum in ejus habitatione non habent. Unde ad campestria redeunt, quia ab altis cacuminibus montium quasi a spe cœlestium dilabuntur, ut extra repromissionis terram bruta animalia nutrant: quia ad pascendos vanis desideriis irrationabiles animi motus elaborant: quia æternæ lucis quanta sit claritas nesciunt, qui transitoriis occupationibus occupantur: & dum terrenis rebus superbiunt, cœlestis sibi luminis aditum claudunt.

C A P U T XXIV.

Quod post mortem summi Sacerdotis, homicida jubetur reverti in terram suam. Num. 35. v. 27. 28.

Cum de absolutione humani generis per interpositum mortis Christi sacrificium tractaretur, hom. 6. in Ezech. adjunctum est: *Quod post mortem summi Pontificis, &c.* QUID est quod homicida post mortem summi Pontificis ad absolutionem redit, nisi quod humanum genus quod peccando sibi metipsum mortem intulit, post mortem veri sacerdotis, videlicet Redemptoris nostri, absolutionem sui reatus accipit?

Num. 35.

Finis Libri Numerorum.

IN DEUTERONOMIUM.

- 1 **D**iliges Dominum Deum tuum ex toto corde tuo.
- 2 Dabo pluviam terræ vestrae temporaneam & serotinam.
- 3 Circumcidite præputia cordis vestri.
- 4 Non arabis in primogenito bovis, & non tondebis primogenita ovium,
- 5 Item unde supra.
- 6 Non apparebis in conspectu Domini vacuus.
- 7 Iuste quod iustum est exsequeris.
- 8 Si quis abierit cum amico suo in silvam simpliciter ad ligna cædenda, etc.
- 9 Si ambulans per viam, in arbore vel in terra nidum avis inveneris, etc.
- 10 Non arabis in bove simul et asino.
- 11 Non indueris vestem ex lana, linoque contextam.
- 12 Item unde supra.
- 13 Si fuerit inter vos homo qui nocturno pollutus sit somnio, &c.
- 14 Cum egreditur quis ad requisita naturæ, mittat paxillum &c.
15. Si acceperit homo uxorem & habuerit eam, & non invenerit gratiam ante oculos ejus, &c.
- 16 Non accipies loco pignoris superiorem aut inferiorem molam.
- 17 Cum debet tibi quippiam frater tuus, &c.
- 18 Uxorem fratris, sine filiis defuncti, superstes frater accipiat.
- 19 Attende cælum, & loquar, et audiat terra verba ex ore meo.
- 20 Expandit alas suas, et accepit eos.
- 21 Suxerunt mel de petra, et oleum de firma petra.
- 22 Ignis exarsit ab ira mea, et ardebit usque ad inferos deorsum.
- 23 Nonne hæc congregata sunt apud me, &c.
- 24 Ego occidam, et vivere faciam, &c.
- 25 Et gladius meus devorabit carnes.
- 26 In dextera ejus ignea Lex.
- 27 Qui dixerit patri suo et matri suæ: Nescio vos. Et fratribus suis: Ignoro illos, hi custodierunt eloquium tuum.
- 28 Ferrum et æs calceamentum ejus.

L I B E R Q U I N T U S.

DE TESTIMONIIS IN DEUTERONOMIUM.

C A P U T P R I M U M

Deut. 6. 5. Diliges Dominum Deum tuum ex toto corde tuo, et ex tota anima tua.

CUm de modo dilectionis Dei, ac proximi ejusque exercitio tractaretur, in expos. B. Job. l. 7.

adjunctum est: Diliges Dominum Deum tuum ex toto corde, etc. DUO sunt præcepta caritatis, Dei videlicet amor, & proximi. Per amorem Dei amor proximi gignitur, & per amorem proximi Dei amor nutritur. Nam qui amare Deum negligit, profecto diligere proximum nescit, & tunc plenius in Dei dilectione pro-

Num. 28.

proficimus, si in ejusdem dilectionis gremio prius proximi caritate^a lactamur. Quia amor Dei amorem proximi generat, dicturus per Legem Dominus: *Diliges proximum*, præmisit dicens: *Diliges Dominum Deum tuum*. Ut videlicet in terra pectoris nostri prius amoris sui radicem figeret, quatenus per ramos postmodum dilectio fraterna germinaret. Et rursus, quia amor Dei ex proximi amore calefcit, testatur Johannes, qui increpat dicens: *Qui non diligit fratrem suum, quem videt; Deum, quem non videt, quomodo potest diligere?* Quæ tamen divina dilectio per timorem nascitur, sed in affectum crescendo permittitur. Sæpe vero omnipotens Deus, ut quantum quisque a caritate ejus ac proximi longe sit, vel in ea quantum profecerit, innotescat, miro ordine cuncta dispensas, alios flagellis deprimit, alios successibus fulcit. Et cum quosdam temporaliter deserit, in quorundam cordibus quod malum latet, ostendit. Nam plerumque ipsi nos miseros insectantur, qui felices sine comparatione coluerunt. Cum enim quis positus in prosperitate diligitur, incertum valde est utrum prosperitas an persona diligatur. Amissio autem felicitatis interrogat vim dilectionis: Unde bene quidam Sapiens dicit: *Non agnoscitur in bonis amicus, & non absconditur in malis inimicus*. Nec prosperitas quippe amicum indicat, nec adversitas inimicum celat: quia & ille sæpe prosperitatis nostræ reverentia tegitur, & ille ex confidentia adversitatis aperitur.

C A P U T II.

Deut. 11. 14. Dabo pluviam terræ vestræ temporaneam & serotinam.

CUM de prædicatione veteris ac novi Testamenti tractaretur, in expof. B. Job, l. 20. ad-

junctum est: *Dabo pluviam terræ vestræ temporaneam & serotinam*. QUID hoc loco per pluviam, nisi verba sacræ prædicationis accipimus? Sicut de sanctis doctoribus a Judææ prædicatione suspensis accipimus. De quibus etiam scriptum est: *Mandabo nubibus ne pluant super eam imbrem*. Quorum sanctæ prædicationis verbo irrigamur, cum vera humilitate, ariditatem nostri cordis agnoscimus. Unde recte per Psalmistam dicitur: *Anima mea sicut terra sine aqua tibi*. His doctrinæ fluentis infundi Propheta nos admonet dicens: *Sitientes venite ad aquas*. Qui dum extrema parte jam seculi verba sanctæ prædicationis accipimus, quasi pluvia serotina irrigamur. Quæ nimirum serotinæ pluvix prædicationis ex ejus ad nos sacrificio prodiit, qui per Psalmistam dicit: *Elevatio manuum mearum sacrificium vespertinum*. Quia enim Redemptor noster juxta mundi finem vim persequentium pertulit, semetipsum pro nobis sacrificium vespertinum dedit: Populo ergo repromissionis terram intraturo, pluvia temporanea & serotina in munere promittitur: quod nos factum spiritualiter jam videmus. Temporaneam quippe pluviam dedit, quia electis suis priori tempore Legis intellectum contulit: serotinam quoque pluviam tribuit, quia prædicari diebus ultimis incarnationis suæ mysterium fecit.

C A P U T III.

Circumcidite præputia cordis vestri. *Deut. 10. 16.*

CUM de refecandis superfluis cogitationibus tractaretur, in expof. B. Job, l. 28. adjunctum est: *Circumcidite præputia cordis vestri*. QUID per hanc præputii circumcisionem signatur, nisi postquam luxuriam a carne exstinguitis, etiam superflua a cogitatione refecate?

CA.

^a Ita Gemm. & Utic. Hanc lectionem secuti sumus in lib. Moral. Michael. cod.

habet, *latamur*. In edris legitur, *ligamur*.

Isa. 5. 6.

Isa. 55. 7.

Ps. 140. 2.

Johan. 4. 20.

Eccli. 12. 8.

Deut. 11. 14.

Num. 5.

CAPUT IV.

*Deut. 15. 19. Non arabis in primogenito bovis ,
& non tondebis primogenita
ovium.*

CUM de cavenda ostentatione in bonæ operationis primordiis tractaretur, in expof. B. Job, l. 8. ad-
Num. 3. 79. junctum est: *Non arabis in primogenito bovis, &c.* QUID per hujus prohibitionis exemplum, nisi vitam bene incoantium Moyfes humanis occupationibus exercere prohibuit? In primogenito quippe bovis arare, est bonæ conversationis primordia in exercitio publicæ actionis ostendere. Ovium quoque primogenita tondere, est ab occultationis suæ tegmine humanis oculis incoantia bona opera nostra denudare. In primogenito ergo bovis operari prohibemur, atque a primogenitis ovium detondendis compescimur: quia etsi quid robustum incipimus, exercere hoc in aperto citius non debemus: & cum vita nostra simplex quid atque innocuum incoat, dignum est ut secreti sui velamina non relinquat, ne nudum hoc humanis oculis, quasi subducto vellere ostendat. Ad sola ergo divina sacrificia boum primogenita, oviumque proficiant; ut quidquid forte, simplex, innocuumque incipimus, hoc ad honorem intimi judicis in ara cordis immolemus. Quod ab illo proculdubio tanto libentius accipitur, quanto & ab hominibus occultatum, nulla laudis appetitione maculatur. Sæpe autem novæ conversationis primordia adhuc ex carnali sunt vita commixta, & idcirco innotescere citius non debent; ne cum laudantur bona, quæ placent, deceptus laude sua animus deprehendere in eis nequeat mala quæ latent.

CAPUT V.

Item unde supra.

Num. 30. **I**N expositione Ezechielis hom. 2. PRIMOGENITUM bovis accipimus in infirma ætate primi nostri
Tom. XIV.

temporis bonam operationem. In qua tamen arandum non est: quia cum prima sunt adolescentiæ vel juventutis nostræ tempora, nobis adhuc a prædicatione cessandum est, ut vomer linguæ nostræ proscindere non audeat terram cordis alieni. Quoadusque etenim infirmi sumus, continere nos inter nosmetipsos debemus, ne dum tenere bona citius ostendimus, amittamus: quia & arbuta plantata si prius in terra radicata non fuerint, manu tacta citius arescunt: at si semel radicem fixerint, manus tangit, & tamen nihil officit; venti impellunt, nec tamen impellentes lædunt. Et constructi parietes, si impellantur, erunt, nisi a suo prius fuerint humore siccati. Mens itaque quousque ab humore pravitatis suæ perfecte non fuerit exsiccata, alienæ linguæ manu tangi non debet, ne priusquam plene percipiat, perdat soliditatem suam; ne impulsa ruat, ne velut arbutum sine radicibus, dum plusquam tolerare valet concutitur flatibus, arescat. Ad exemplum ergo non sunt ostendenda nisi quæ firma sunt. Prius etenim convalescere debet mens, atque ad utilitatem proximorum postmodum demonstrari, cum jam nec per laudem elevata corruat, nec per vituperationem percussa contabescat. Nam etsi Timotheo dicitur: *Præcipe hæc & doce; nemo adolescentiam tuam contemnat*: sciendum est, quia ei adolescentia in annis non in moribus fuit. Quamvis in sacro eloquio nonnunquam adolescentia juvenus vocetur. Unde scriptum est: *Latere juvenis in adolescentia tua.*

1. Tim. 4. 12.

Ecc. 12. 9.

CAPUT VI.

Non apparebis in conspectu Domini Deut. 16. 26.
vacuus.

DUM per cessationem rerum transeuntium, de mansuro bonæ operationis exercitio tractaretur, in expof. B. Job, l. 7. adjunctum est: *Num. 32.*

O O

NON

Non apparebis in conspectu Domini vacuus. IN conspectu Domini vacuus apparet, qui nihil secum de fructu sui laboris portat. Alius multiplicandis facultatibus æstuat, alius promerendis laudibus anhelat. Sed quia cuncta hæc quisque moriens deferit, ante Dominum vacuus apparet, quia secum ante judicem nihil tulit. Hinc ergo per Legem salubriter admonemur, dicentem: *Non apparebis in conspectu Domini vacuus.* Qui enim promerendæ vitæ mercedem bene agendo non providet, in conspectu Domini vacuus apparet. Hinc de iustis per Psalmistam dicitur:

Ps. 135. 6.

Venientes autem venient cum exultatione, portantes manipulos suos. Ad examen quippe iudicii portantes manipulos veniunt, qui in semetipsis recta opera, quibus vitam mereantur, ostendunt.

CAPUT VII.

Deut. 16. 20.

Iuste quod iustum est exsequeris.

Num. 38.

DUM de servanda in exhibitione operis mentis rectitudine tractaretur, in expos. B. Job, lib. 9. adjunctum est: *Iuste quod iustum est exsequeris.* INJUSTE quod iustum est exsequitur, qui ad defensionem iustitiæ non virtutis æmulatione, sed amore præmii temporalis excitatur. Iniuste quod iustum est exsequitur, qui ipsam, quam præten- dit, iustitiam venundare minime veretur. Iuste ergo iustum exsequi, est in assertionē iustitiæ eandem ipsam iustitiam quærere.

CAPUT VIII.

Deut. 19. 5.

Si quis abierit cum amico suo simpliciter in silvam ad ligna cadenda, & lignum securis fugerit manu, ferrumque lapsum de manubrio amicū ejus percusserit, & occiderit, hic ad unam supradictarum urbium fugiet, & vivet ne forte proximus ejus cujus effusus est sanguis, doloris stimulo persequatur,

& apprehendat eum, & percutiat animam ejus.

CUM de servanda increpationis Num. 22. mensura in proximi correctione tractaretur, in expos. B. Job, l. 10. adjunctum est: *Si quis abierit cum amico suo simpliciter in silvam ad ligna cadenda, &c.* AD silvam cum amico imus, quoties cum quolibet proximo ad intuenda delicta nostra convertimur. Et simpliciter ligna succidimus, cum delinquentium vitia pia intentione refecamus. Sed securis manu fugit, cum se se increpatio plusquam necesse est in asperitatem pertrahit, ferrumque de manubrio profilit, cum de correptione sermo durior excedit. Et amicum percutiens occidit: quia auditorem suum prolata contumelia a spiritu dilectionis interficit. Corrupti namque mens repente ad odium proruit, si hanc immoderata increpatio plusquam debuit addicit. Sed is qui incaute lignum percutit, & proximum exstinguit, ad tres necesse est urbes fugiat, in una earum defensio vivat: quia si ad pœnitentiæ lamenta conversus, in unitate sacramenti sub spe, fide, ac caritate absconditur, reus perpetrati homicidii non tenetur: eumque extincti proximus & cum invenerit non occidit: Quia cum districtus iudex venerit qui sese nobis per naturæ nostræ consortium junxit, ab eo proculdubio vindictam de culpæ reatu non expetit, quem sub ejus venia spes, fides, & caritas abscondit. Citius ergo culpa dimittitur, quæ nequaquam malitiæ studio perpetratur. 2

CAPUT IX.

Si ambulans per viam in arbore vel in terra nidum avis inveneris, & matrem pullis vel ovīs desuper incubantem, non tenebis eam cum filiis, sed abire patieris, captos tenens filios, ut bene sit tibi, & longo vivas tempore.

CUM

^a In Ulic. tria capita subjiciuntur quæ non sunt in Gemet, aut Michael.

^a CUM de discretione servandæ allegoriæ & historiæ tractaretur, adjunctum est: *Si ambulans per viam in arbore vel in terra nidus avis inveneris, &c.* PER viam imus, quia præsentem vitam peragimus. Et nidus avis in arbore vel in terra est, quando verba historiæ aut in contemplativa sunt, aut in activa vita. Nam præcepta activæ vitæ, avis nidus in terra est: præcepta contemplativæ, nidus in arbore. Mater vero pullis vel ovis incubat, quando ipsa historia intellectum spirituales facit, & quædam plene eloquens quasi pullos profert; quædam vero ita insinuat, ut ex eis adhuc legentis animum ad altiora perducatur: quasi adhuc sub se ova continet, ex quibus pullos producat. Ova enim idcirco pariuntur, ut ex eis pulli debeant produci. Et sunt quædam contemplativæ vitæ, quæ per quasdam modo imagines videntur, ut postmodum sicut sunt, ipsa sua virtute & natura videantur. Nam Paulus ait: *Videmus nunc per speculum in ænigmate, tunc autem facie ad faciem.* Et cæcus cum per impositionem manuum Redemptoris jam lumen accipere cœpisset, requisitus quid videret, dixit: *video homines velut arbores ambulantes.* Homo quippe natura rationalis est, arbor autem nec sensibilis, nec vivens. Et quid iste illuminatus cæcus significat, nisi genus humanum, cui cum Dominus contemplationis oculos aperiret, prius quædam in ænigmate conspiciat, ut postmodum illa vera & rationalia cœlestium agmina sicut sunt possit aspicere? Unde & illic subditur: *Deinde iterum imposuit manus super oculos ejus, & cœpit videre & restitutus est ita ut videret clare omnia.* Prius itaque per speculum vidit ex similitudine, ut postmodum videret clare ex perfectione. Ad contemplativam ergo vi-

tam in his verbis mater ovis incubat, quia sacra historia hoc incipiendo in ænigmate insinuat, per quod postmodum certius demonstrans pullos viventes producat. Paulus quoque Apostolus cum quosdam continentes vivere cognovisset, admonet, dicens: *Propter fornicationem autem unusquisque suam uxorem habeat, & unaquæque suum virum habeat.* Et cum uxor habenda non sit, nisi liberorum procreandorum gratia, ne quis in fornicationis culpam laberetur, concessit conjugibus aliquid, unde adhuc surgere ad meliora potuissent. Qui ergo hoc concessit, unde animus conjugum usque ad legalem culpam perducatur potuisset, quasi mater avis in terra, id est historia in activa vita ova posuit. Ipsi quoque prædicatores sancti plus volunt Deum diligere, quam timeri: sed si timorem non insinuant, ad amorem minime perducunt. Unde prius terribilia, postmodum dulcia loqui solent, sicut per Psalmistam dicitur: *Virtutem* ^{Psal. 144 51.} *terribilium tuorum dicent: quia magnitudinem tuam narrabunt.* Ac deinde subjungitur: *Memoriam abundantie suavitatis tue erubescunt.* Quando ergo terrent, ut ad amorem provocent, ova ponunt. *Per-* ^{1. Johan. 4. 18.} *fecta enim caritas foras mittit timorem:* quia tunc pulli vivere incipiunt, quando jam formidini non succumbunt. Ipsa quoque Lex ova posuit, cum dixit: *Oculum pro oculo, dentem pro dente.* Sed pullos produxit postmodum, cum dixit: *Non quæres ultionem, nec memor eris injuriæ civium tuorum.* Sed notandum quid de hac matre pullorum dicatur: *Non tenebis eam cum filiis, sed abire patieris, captos tenens filios.* Quia videlicet in quibusdam locis prætermittenda est historia, ut solius matris pulli, id est spiritualis intelligentiæ sensus nobis in esum veniat: nec nos mater, sed pulli res-

O o 2 ficiant.

^a Michael, indicatur hom. 9. in Ezech. Hæc non reperiuntur apud Gregorium,

2. Cor. 13. 11.

Marc. 8. 24.

Psal. 144 51.

1. Johan. 4. 18.

Exod. 21. 24.

Levit. 19 18.

ficiant. Quia non debemus de historię exemplo, sed de spiritualibus intellectus sensibus fatiari. Cum enim legimus aurum & argentum Aegyptiorum ab Israelitico populo petitione deceptorie subreptum; & rursum cum legimus carnalia sacrificia omnipotenti Deo exhibita, quid in hoc verborum nido nisi mater dimittenda est, & filii tenendi? Nos enim cum a quibusque secularibus vigilantiam ingenii in defensionem veritatis trahimus, & eorum eloquentiam in usum rectitudinis vertimus, quid aliud quam ab Aegyptiis aurum & argentum tollimus? ut ex eo & nos divites effecti, & illi valeant pauperes ostendi. Sicut scriptum est: *In captivitatem redigentes omnem intellectum in obsequium Christi*. Et cum nostra corpora per abstinentiam domamus, quid aliud quam carnalia sacrificia omnipotenti Deo exhibemus? Sicut rursum per Paulum dicitur: *Ut exhibeatis corpora vestra hostiam viventem*. Matrem igitur dimittentes pullos edimus, cum historię exempla dimittimus, sed ex ea allegoriarum sensus in mente retinemus. Ubi recte additur: *Ut bene sit tibi, & longo vivas tempore*: quia longo tempore ille vivit, qui per spiritualem intelligentiam æternitatis annos apprehendit.

CAPUT X.

Deut. 22. 10. Non arabis in bove simul & asino.

Num. 23. Cum de imperitorum doctorum cavenda societate tractaretur, in expos. B. Job, l. 1. adjunctum est: *Non arabis in bove simul & asino*. IN bove simul & asino homo arare prohibetur, ac si aperte diceretur: Fatuos sapientibus in prædicatione non socies, ne per eum qui implere non valet, illi, qui prævalet, obstitas.

CAPUT XI.

Non indues vestem ex lana linoque contextam. *Deut. 22. 11.*

CUM de vitando duplicitatis vitio tractaretur, in expos. B. Job, l. 8. adjunctum est: *Non indues vestem ex lana linoque contextam*. *Num. 27.* QUID per hanc vestem, nisi hypocritarum persona signatur; qui benignitatem erga proximos ostendunt, & dolo suæ iniquitatis operiunt? Per omne namque, quod faciunt vel loquuntur, simplicitatem exterius exhibent, sed subtilitatem interius duplicitatis callent. Puritatem superficie simulant, sed semper malitiam sub specie puritatis occultant. Per lanam quippe simplicitas: per linum vero subtilitas designatur. Et nimirum vestis, quæ ex lana linoque conficitur, linum interius celat, lanam in superficie demonstrat. Vestem ergo ex lana linoque contextam induit, qui locutione vel actione qua utitur, intus subtilitatem malitiæ operit, & simplicitatem foras innocentiae ostendit. Quia enim sub puritatis imagine deprehendi calliditas non valet, quasi sub lanæ grossitudine linum latet.

CAPUT XII.

Item unde supra.

IN expositione beati Job, l. 8. SCIMUS quia lana pinguis, linum vero subtile est. Vestis autem, quæ ex lana & lino fit, lanam semper in superficie ostendit, & linum subter abscondit. Quid ergo per lanam, nisi simplicitas: & quid per linum, nisi subtilitas designatur? Et sæpe homo subtilis & acutus, exterius simplicitatem mansuetudinis ostendit, & interius subtilitatem malitiæ contegit. Iste ergo veste se actionis suæ quasi ex lana, & lino induit, quando ab eo simplicitas monstratur in superficie, & subtilitas malitiæ servatur in mente:

CAPUT XIII.

Deut. 23. 10. Si fuerit inter vos homo, qui nocturno pollutus sit somnio, egredietur extra castra, et non revertetur priusquam ad vesperum lavetur aqua, & post solis occasum regredietur in castra.

Num. 54.

DUM de purgatione illicitæ cogitationis tractaretur, in expof. B. Job, l. 9. adjunctum est: *Si fuerit inter vos homo, &c.* QUID hoc loco per nocturnum somnium, nisi tentatio occulta signatur? per quam tenebrosa cogitatione turpe aliquid corde concipitur, quod tamen corporis opere non expletur. Sed somnio nocturno pollutus extra castra egredi præcipitur: quia videlicet dignum est ut qui immunda cogitatione polluitur, indignum se cunctorum fidelium societatibus arbitretur. Culpæ suæ meritum ante oculos ponat, & ex bonorum se æstimatione despiciat. Pollutum ergo extra castra exire, est turpi impugnatione laborantem sese ex continentium comparatione despiciere. Qui ad vesperum lavatur aqua: cum defectum suum conspiciens, ad pœnitentiæ lamenta convertitur, uti fletibus abluat omne quod animum occulta inquinatio accusat. Sed post occasum solis ad castra redeat; quia defervescente tentationis ardore, necesse est, ut iterum fiduciam erga societatem bonorum sumat. Post aquam quippe occubente sole ad castra revertitur, qui post lamenta pœnitentiæ frigescente flamma cogitationis illicitæ, ad fidelium merita præsumenda reparatur; ut jam se a cæteris longe esse non æstimet, qui mundum se per obitum interni ardoris gaudet.

CAPUT XIV.

Deut. 23. 12. Dum egreditur quis ad requisita naturæ, mittat paxillum in balteo, & fossa humo abscondat quæ egesta fuerint.

CUM de diluendis per compunctionis gratiam occultæ tentationis maculis tractaretur, in expof. B. Job, l. 31. adjunctum est: *Dum* *Num. 54.* egreditur quis ad requisita naturæ, &c. NATURÆ corruptibilis pondere gravati, a mentis nostræ utero quædam cogitationum superflua, quasi ventris gravamina erumpunt: sed portare sub balteo paxillum debemus, ut videlicet ad reprehendendos nosmetipsos semper accincti, acutum circa nos stimulum compunctionis habeamus, qui incessanter terram mentis nostræ pœnitentiæ dolore confondiat, & hoc quod a nobis fœtidum erumpit, abscondat. Ventris quippe egestio, fossa humo per paxillum tegitur, cum mentis nostræ superfluitas, subtili redargutione discussa, ante Dei oculos per compunctionis suæ stimulum celatur.

CAPUT XV.

Si acceperit homo uxorem, & habuerit eam, & non invenerit gratiam ante oculos ejus propter aliquam fœditatem, scribet libellum repudii, et dabit in manu ejus, et dimittet eam de domo sua. *Deut. 24. 1.*

CUM de postponenda cura rei transitorie ob utilitatem spirituum tractaretur adjunctum est: *Si acceperit homo uxorem, &c.* ²NECESSARIUM valde est ut cura vitæ præsentis edomari fortiter debeat, ne fortasse valeat dominari. Et cum terrena actio semel fuerit repulsa, non iterum repetenda, ne post tergum respiciat qui super aratrum manum posuisse videbatur. Hinc est enim quod per Moysen dicitur: *Si acceperit homo uxorem, & habuerit eam, & non invenerit gratiam ante oculos ejus propter aliquam fœditatem, scribet libellum repudii, & dabit in manu ejus, & dimittet eam de domo sua. Cumque egressa alterum maritum duxerit, & ille quoque oderit eam dederitque ei libellum repudii, & di-*

² In Michael, indicatur lib. 5, in Job, In aliis liber 13, in neutro nobis occurrit.

Matt. 5.

Et dimiserit eam de domo sua, vel certe mortuus fuerit, non poterit prior maritus accipere eam in uxorem, quia polluta est. Ubi videlicet patet, quia vis præcepti ratione iuxta litteram caret. Cum enim Veritas dicat, excepta fornicationis causa uxorem dimitti non posse, non sine culpa est hanc propter sceditatem dimitti. Sed homo uxorem accepit, cum actionis terrenæ suscepit curam. Si sceditatem cognoverit, dat libellum repudii, & dimittit eam de domo sua: quia saepe ipsa terrena actio priusquam haberetur, fortiter amabatur; cum habitata fuerit, cuius sit sceditatis agnoscitur, cum esse polluta per peccata videtur. Dimittat ergo eam vir de domo sua, ut amorem ejus abjiciat a mente sua. Quæ egressa alterum virum accipit: quia terrenam actionem, quam tu deseris, alius concupiscit. Sed fortasse & ipsi in odium quandoque ventura est, ut eam utiliter dimittat. Bene autem dicitur: Dimiserit, vel certe mortuus fuerit: quia unusquisque terrenam curam aut dimittit, aut moritur, id est aut non ei ex animo succumbit, aut propter eam funditus in animæ vita succumbit. Sive ergo ea sequens maritus dimiserit, sive mortuus fuerit, maritus prior non poterit eam in uxorem accipere, quia polluta est: ut videlicet is, qui semel curam terrenam atque præsentis vitæ intentionem reliquerit, ad eam ultra nullo modo redeat; quoniam ipse se jam suo iudicio polluit, qui eam prius ideo deseruit, quia pollutam esse cognovit.

CAPUT XVI.

Deut. 24. 6. *Non accipies loco pignoris superiorem aut inferiorem molam.*

DUm de servanda prædicationis mensura doctoribus, circa delinquentium confessionem proximo-

rum tractaretur, in expof. B. Job, l. 33. adjunctum est: *Non accipies loco pignoris superiorem, &c.* ACCIPERE aliquando dicimus auferre. Unde & aves illæ, quæ rapiendis sunt avibus avidæ accipitres vocantur. Unde & Paulus ait: *Si sinetis enim, si quis devorat, si quis accipit.* Ac si diceret: si quis rapit. Pignus vero debitoris, est confessio peccatoris. A debitore enim pignus accipitur, cum a peccatore jam peccati confessio tenetur. Superior autem & inferior mola, est spes & timor. Spes quippe ad alta subvehit, timor autem cor inferius premit. Sed mola superior & inferior ita sibi necessario junguntur, ut una sine altera inutiliter habeatur. In peccatoris itaque peccatore incessanter debet spes & formido conjungi, quia incassum misericordiam sperat, si non etiam justitiam timeat: incassum justitiam, metuit, si non etiam de misericordia confidat. Loco igitur pignoris mola superior aut inferior tolli prohibetur: quia qui peccatori prædicat, tanta dispensatione componere prædicationem debet, ut nec derelicta spe timorem subtrahat, nec subtracta spe in solo eum timore derelinquat. Mola enim superior aut inferior tollitur, si per prædicantis linguam in peccatoris pectore, aut timor a spe, aut spes a timore dividatur.

CAPUT XVII.

Cum debet tibi quippiam frater tuus, & abstuleris pignus ab eo, ante solis occasum pignus restitue. Deut. 24. 6.

DUm de remittenda proximorum injuria, præsertim iis, qui veniam petunt tractaretur, in expof. B. Job, l. 16. adjunctum est: *Cum debet tibi quippiam frater tuus, &c.* FRATER etenim noster debitor nobis efficitur, cum quilibet pro-

^a Caput hoc cum tribus immediate sequentibus abest a mss. Urtic. & Gemet. In

Michael, exstat c. 18. aliis omisiss.

proximus in nos aliquid deliquisse monstratur. Peccata quippe, debita vocamus. Unde de peccatore servo

Matth. 18. 32. dicitur: *Omne debitum dimisit tibi.*

Et in Dominica quotidie oratione precamur: *Dimitte nobis debita nostra, sicut & nos dimittimus debitoribus nostris.* A debitore autem nostro pignus accipimus, quando ab eo, qui in nos peccasse cognoscitur, peccati ejus jam confessionem tenemus, per quam relaxare peccatum, quod in nos perpetratum est, postulamus. Qui enim peccatum, quod commisit, fatetur, & veniam petit, jam quasi pro debito pignus dedit. Quod nimirum pignus ante solis occasum reddere jubemur: quia priusquam in nobis per dolorem cordis sol iustitiæ occidat, debemus ei confessionem veniæ reddere, a quo confessionem accipimus culpæ: ut qui se deliquisse in nos meminit, a nobis mox relaxatum sentiat, quod deliquit.

CAPUT XVIII.

Deut. 23. 5. *Uxorem fratris sine filiis defuncti superstes frater accipiat, atque ad nomen fratris filium gignat. Quam si accipere forte renuerit, huic in faciem mulier exspuat, unumque ei pedem propinquus disalciet, ejusque habitaculum domus disalcianti vocetur.*

DUM de dono regiminis minime subtrahendo tractaretur, Reg. Past. par. 1. adjunctum est: *Uxorem fratris sine filiis defuncti superstes frater accipiat, &c.* FRATER defunctus ille est, qui post resurrectionis apparens gloriam dixit: *Ite, nunciate fratribus meis.* Qui quasi sine filiis obiit: quia adhuc electorum suorum numerum non implevit. Hujus scilicet uxorem superstes frater sortiri præcipitur: quia dignum profecto est, ut cura sanctæ Ecclesiæ ei, qui hanc bene regere prævalet, imponatur. Cui nolenti in faciem mulier exspuit: quia quisquis

ex muneribus quæ perceperit, prodesse aliis non curat, bonis quoque ejus sancta Ecclesia exprobrans, ei quasi in faciem salivam jactat. Cui ex uno pede calceamentum tollitur, ut disalcianti domus vocetur. Scriptum quippe est: *Calciati pedes in preparatione Evangelii pacis.* Si ergo ut nostram, sic curam proximi gerimus, utrumque pedem per calceamentum munimus. Qui vero suam cogitans utilitatem, proximorum negligit, quasi unius pedis calceamentum cum dedecore amittit.

CAPUT XIX.

Attende cælum & loquar, & audiatur terra verba ex ore meo. *Deut. 32. 1.*

IN expos. B. Job, l. 1. adjunctum est: *Attende cælum & loquar, &c.* PER cælum videlicet, signans præpositorum ordinem: per terram vero subditam plebem. *Attende cælum & loquar:* non enim insensibili, sed rationabili creaturæ loquebatur.

CAPUT XX.

Expandit alas suas, & assumpsit eum. *Ibid. v. 13.*

IN expos. B. Job, l. 32. adjunctum est: *Expandit alas suas, & assumpsit eum.* *Num. 7.* QUIA nos parvulos Dominus, dum protegit, nutrit; & non gravi atque onerosa, sed levi & blanda protectione nos resovet; dum suas in nos misericordias exferit, quasi more super nos avium alas tendit.

CAPUT XXI.

Suxere mel de petra, & oleum de firma petra. *Deut. 32. 13.*

CUM de mysteriorum per Christum adventum resurrectione, ejusque fidelium meritis tractaretur, hom. 26. in Evang. adjunctum est: *Suxere mel de petra, & oleum de firma petra.* *Num. 3. 64.* NUSQUAM tale aliquid juxta historiam legitur, si tota Testamenti veteris series recensetur. Nusquam de petra mel, nusquam oleum ille populus suxit.

Sed

1. Cor. 10. 1. Sed quia juxta Pauli vocem: *Petra erat Christus*, mel de petra suxerunt, qui ejusdem Redemptoris nostri facta & miracula videre. Oleum vero de firma petra suxere, quia effusione sancti Spiritus post resurrectionem ejus ungi meruere. Quasi ergo in firma petra mel dedit: quando adhuc mortalis Dominus ^a miraculorum suorum dulcedinem discipulis ostendit. Sed firma petra oleum fudit: quia post resurrectionem suam factus jam impassibilis, per afflictionem Spiritus, donum sanctæ unctiōis emanavit. De hoc oleo per Prophetam dicitur: *Com-putrescet jugum a facie olei*. Sub jugo quippe tenebamur dæmoniacæ dominationis, sed uncti sumus oleo Spiritus sancti, & quia nos gratia libertatis unxit, dominationis dæmoniacæ jugum putruit.

C A P U T XXII.

Deut. 32. 22. *Ignis exarsit ab ira mea, & ardebit usque ad inferos deorsum: comedet terram, & nascentia ejus.*

DUM de incorrecte delinquentium ultione perpetua tractaretur, in expos. B. Job, l. 18. adjunctum est: *Ignis exarsit ab ira mea, &c.* DE his, quos damnant flagella, & non liberant, scriptum est: *Percussisti eos, nec doluerunt, attrivisti eos, & renuerunt accipere disciplinam*. His flagella ab hac vita incoant, & in æterna percussione perdurant. Hinc ergo per Moysen Dominus dicit: *Ignis exarsit ab ira mea, & ardebit usque ad inferos deorsum*. Quantum ad præsentem etenim percussione spectat, recte dicitur: *Ignis exarsit ab ira mea*. Quantum vero ad æternam damnationem, apte mox subditur: *Et ardebit usque ad inferos deorsum*. Licet a quibusdam dici soleat illud quod scriptum est: *Non judicat Deus bis in idipsum*. Qui

tamen hic quod per Prophetam de iniquis dicitur non attendunt: *Et duplici contritione contere eos*. Et id quod alias scriptum est: *Jesus populum de terra Ægypti salvans, secundo eos qui non credidere perdidit*. Quibus tamen si consensum præbemus, quamlibet culpam bis feriri non posse, hos ex peccato percussit, atque in peccato suo morientibus debet æstimari: quia eorum percussio hic cœpta, illic perficitur. Ut incorrectis unum flagellum sit, quod temporaliter incipit, sed in æternis suppliciis consummatur: quatenus eis, qui omnino corrigi renuunt, jam præsentium flagellorum percussio sequentium sit initium tormentorum. Sequitur: *Comedet terram, & nascentia ejus*. ^{*} *In expos. B. J. b, lib. 21. num. 19.* Ignis quippe terram atque ejus nascentia comedit, cum libido carnem atque per hanc omnia bene acta consumit. Nam quidquid prodit ex fruge rectitudinis, hoc nimirum concremat flammam corruptionis.

^b C A P U T XXIII.

Nonne hæc congregata sunt apud me, & signata in thesauris meis? In die ultionis reddam illis. ^{Deut. 32. 34. 35.}

QUASI in sacculo delicta nostra signantur: quia hoc, quod nos exterius agimus, nisi pœnitentia interveniente diluamus, in secreto judiciorum Dei sub quadam occultatione servatur, ut quandoque etiam de sigillo secreti, exeat ad publicum judicii. Unde etiam per Moysen dicitur: *Nonne hæc congregata sunt apud me, & signata in thesauris meis? In die ultionis reddam illis*. Cum vero pro malis, quæ fecimus, disciplinæ flagello atterrimur, & hæc per pœnitentiam dessemus, iniquitatem nostram signat & curat: quia nec inulta hic deferit, nec in judicio punienda reservat.

C A-

^a Gullanvil. in oculorum suorum dulcedinem, gravissimo errore.

^b Caput hoc non occurrit nobis in mss.

CAPUT XXIV.

Deut. 32. 39. Ego occidam, & vivere faciam:
percutiam, & ego sanabo.

Num. 42.

Cum de electorum purgatione, & divinæ respectu gratiæ tractaretur, in expof. B. Job, l. 6. adjunctum est: *Ego occidam, &c.* DUOBUS modis omnipotens Deus vulnerat, quos reducere ad salutem curat. Aliquando enim carnem percutit, & mentis duritiam suo pavore tabefacit. Vulnerando enim ad salutem revocat, cum electos suos affligit exterius, ut interius vivant. Recte ergo per Moysen loquitur, dicens: *Ego occidam, et vivere faciam: percutiam, et ego sanabo.* Occidit enim ut vivificet, percutit ut sanet. Quia idcirco foris verbera admovet, ut intus vulnera delictorum curet. Aliquando autem etiam si flagella exterius cessare videantur, interius vulnera infligit: quia mentis nostræ duritiam suo desiderio percutit, sed percutiendo sanat: quia terroris sui jaculo transfixos, ad sensum nos reftitudinis revocat. Corda enim nostra male sana sunt, cum nullo Dei amore fauciantur, cum peregrinationis suæ ærumnam non sentiunt, cum erga infirmitatem proximi nec quamlibet minimo affectu languescunt. Sed vulnerantur ut sanentur: quia amoris sui spiculis mentes Deus insensibiles percutit, moxque eas sensibiles per ardorem caritatis reddit.

CAPUT XXV.

Ibid. v. 42.

Et gladius meus devorabit carnes.

Num. 20.

Cum de percussione ultima carnaliter viventium tractaretur, in expof. B. Job, l. 18. adjunctum est: *Et gladius meus devorabit carnes.* DEI gladius carnes comedit: quia in extremo iudicio ejus sententia eos, qui carnaliter sapiunt, occidit.

CAPUT XXVI.

In dextera ejus ignea lex.

Deut. 33. 2.

Cum de dilectionis gratia erga divina præcepta electorum impressa cordibus tractaretur, homil. 30. in Evang. adjunctum est: *In dextera ejus ignea lex.* QUID per sinistram nisi reprobi, qui & ad sinistram ponendi sunt? Dextera autem Dei appellantur electi. In dextera ergo Dei ignea lex est: quia electi mandata cœlestia nequaquam frigido corde audiunt; sed ad hæc amoris intimi facibus inardescunt: sermo ad aurem ducitur, & mens eorum sibi met irata ex internæ dulcedinis flamma concrematur.

CAPUT XXVII.

Qui dixerit patri suo, et matri suæ: Deut. 33. 9.

nescio vos; et fratribus suis: ignoro illos; et nescierunt filios suas, hi custodierunt eloquium tuum, et pactum servaverunt.

Cum de divino amore proximis præferendo, eisdemque discretæ compassionis studio diligendis tractaretur, in expof. B. Job. l. 7. adjunctum est: *Qui dixerit patri suo, et matri suæ: nescio vos, etc.* ILLE scire Deum familiarius appetit, qui præ amore pietatis nescire desiderat, quos carnaliter scivit. Gravi etenim damno scientia divina minuitur, si cum carnis notitia partitur. Extra cognatos ergo quisque ac proximos debet fieri, si vult parenti omnium verius jungi, quatenus eosdem, quos propter Deum viriliter negligit, tanto solidius diligat, quanto in eis affectum solubilem culpæ carnalis ignorat. Debemus quidem & temporaliter his, quibus vicinius jungimur, plus cæteris prodesse: quia & hæc flamma admotis rebus incendium porrigit, sed hoc ipsum prius ubi nascitur, incendit. Debemus copulam terrenæ cognationis agnoscere, sed tamen hanc, cum cursum mentis præpedi, ignorare: quatenus fidelis ani-

*Num. 41.
& 42.*

P P mus

mus divino studio accensus, nec ea quæ sibi sunt in infimis conjuncta despiciat, & hæc apud semetipsum recte ordinans summorum amore transcendat. Solerti ergo cura providendum est ne carnis gratia subrepat, atque a recto itinere cordis gressum deflectat: ne vim superni amoris impediat, & surgentem mentem superimposito pondere deorsum premiat. Sic enim quisque propinquorum debet necessitatibus compati, ut tamen per compassionem non sinat vim suæ intentionis impediri. Ut affectus quidem mentis viscera repleat, sed tamen ab spirituali proposito non avertat. Neque enim sancti viri ad impendenda necessaria propinquos carnis non diligunt, sed amore spiritualium ipsam in se dilectionem vincunt, quatenus sic eam discretionis moderamine temperent, ut per hanc in parvo saltem ac minimo, a recto itinere non declinent. Quos bene nobis per significationem vaccæ innuunt, quæ sub arca Domini ad montana tendentes,

affectu simul & rigido sensu gradiuntur, quarum dum vitulos clausissent domi, scriptum est: *Pergentes et mugientes*, dantes quidem ab intimis mugitus, sed tamen a capto itinere non deflectentes gressus.

CAPUT XXVIII.

Ferrum et æs calceamentum ejus. Deut. 33. 25.

CUM de prædicatione sanctæ Ecclesiæ tractaretur, in expos. B. Job. l. 34. adjunctum est: *Ferrum et æs calceamentum ejus.* Num. 19. HOC sub specie de sancta Ecclesia per Moysen dicitur. Calceamentum quippe in Scriptura munimen prædicationis accipitur, sicut scriptum est: *Calceati pedes in præparatione Evangelii pacis.* Ephes. 6. 16. Quia ergo per ferrum virtus, per æs autem perseverantia exprimitur: ferrum & æs calceamentum ejus dicitur, dum prædicationis illius acumine simul & constantia munitur. Per ferrum enim mala adversantia penetrat: per æs autem bona, quæ proposuit, longanimitè servat.

Finis Libri Deuteronomii.

CAPITULA LIBRI JOSUE.

1. **A**xa filia Caleph sedens super asinum suspiravit, ec.

2. Habitavit Chananæus in medio Ephraim tributarius.

EXPOSITIO SUPER LIBRUM JOSUE.

CAPUT PRIMUM.

Josue 15. 15.

Axa filia Caleph sedens super asinum suspiravit; cui dixit pater suus: Quid habes? Ad quem illa respondit: Da mihi benedictionem. Terram australem, et aridam dedisti mihi; junge & irriguam. Deditque ei pater suus irriguum superius, et irriguum inferius.

Cap. 34.

Cum de distinctis compunctionum modis tractaretur, Dial. l. 3. adjunctum est: *Axa filia Caleph sedens super asinum suspiravit, ec.*

Idem leg. lib. 7. Ind. 15. ep. 26. olim. l. 6 ep. 23.

AXA super asinum sedet, cum irrationabilibus carnis suæ motibus anima præsidet, quæ suspirans a patre terram irriguam petit: quia a Creatore nostro, cum magno gemitu quærenda est lacrymarum gratia. Sunt namque nonnulli, qui jam in dono perceperunt libere pro justitia loqui, oppressos tueri, indigentibus posseta tribuere, ardorem fidei habere; sed adhuc gratiam lacrymarum non habent. Hi nimirum terram australem, & arentem habent, sed adhuc irrigua indigent: quia in bonis operibus positi, in quibus magni atque ferventes sunt, oportet nimirum ut aut timore supplicii, aut amore regni cœlestis, mala etiam quæ antea perpetraverunt, deplorent. Et licet in multas species compunctio dividatur, quando singulæ quæque a pœnitentibus culpæ planguntur, unde ex voce quoque pœnitentium Jeremias ait, *Li-*

Thrs. 1. 4º.

visiones aquarum deduxit oculus meus; principaliter tamen compunctionum genera duo sunt: quia Deum sitiens anima, prius timore compungitur; post, amore. Prius enim sese lacry-

mis afficit, quia dum malorum suorum recordatur, pro his perpeti æterna supplicia pertimescit. At vero cum longa mœroris anxietate fuerit formido consumta, quædam jam de præsumptione veniæ securitas nascitur, & in amore cœlestium gaudiorum animus inflammatur: & qui prius flebat ne duceretur ad supplicium, postmodum flere amarissime incipit, quia differtur a regno. Contemplatur etenim mens, qui sint illi Angelorum chori, quæ societas beatorum spiritum, quæ majestas æternæ visionis Dei, & amplius plangit quia bonis perennibus deest, quam flevit prius quando mala æterna metuebat. Sicque fit ut perfecta compunctio formidinis, tradat animum compunctioni dilectionis. Quod bene in hac sacra veracique historia figurata narratione describitur. Qui ergo, ut dixi, duo sunt compunctionis genera, dedit ei pater suus irriguum superius, & irriguum inferius. Irriguum quippe superius accipit anima, cum sese in lacrymis cœlestis regni desiderio affligit. Irriguum vero inferius accipit, cum inferni supplicia flendo pertimescit. Et quidem prius inferius, ac post irriguum superius datur. Sed quia compunctio amoris dignitate præminet, necesse fuit, ut prius irriguum superius, & post irriguum inferius commemorare debuisset.

CAPUT II.

Habitavit Chananæus in medio Ephraim tributarius. Josue 16. 10.

Dum de electorum exercitio, operibus quibusdam reprehensibilibus ob utilitatem nutriendæ hu-

Num. 44.

militatis in se, nec dum edomitis tractaretur, in expof. B. Job, l. 4. adjunctum est: *Habitavit Chananæus in medio Ephraim tributarius*. PLE-
RUMQUE hi, qui magnis jam virtutibus splendent, adhuc de obscuritate culpæ aliquid retinentes sustinent: ut etiam magna vitæ claritate luceant, & tamen adhuc noctis reliquias nolentes trahant. Quod ad hoc, sicut dictum est, agitur, ut mens proficiens ad virtutem justitiæ sua melius infirmitate roboretur. Et inde verius in bonis luceat, unde eam etiam nolentem parva reprehensibilia humiliter obscurant. Unde & bene cum Israelitico populo percepta repromissionis terra partiretur, Ephraim tribui Chananæus Gentilis populus non occisus, factus tributarius dicitur. Sicut scriptum est: *Habitavit Chananæus in medio Ephraim tributarius*. Quid enim Chananæus, Gentilis videlicet populus, nisi vitium significat? Et sæpe in magnis virtutibus terram repromissionis ingredimur: quia spe intima

de æternitate roboramur. Sed dum inter cæta sublimia vitia quædam parva retinemus, quasi Chananæum vivere in terra nostra concedimus. Qui tamen nobis tributarius efficitur: quia hoc ipsum vitium, quod subicere non possumus, ad usum nostræ utilitatis humiliter retorquemus. Ut eo de se mens, & in summis vilia sentiat, quo suis viribus, etiam parva, quæ appetit, non expugnat. Unde bene rursus scriptum est: *Hæ sunt Gentes, quas Dominus dereliquit, ut erudiret in eis Israel*. Ad hoc namque quædam minima vitia nostra retinentur, ut se se nostra intentio sollicita in certamine semper exerceat: & eo de victoria non superbiat, quo vivere in se hostes conspiciat, a quibus adhuc vinci formidat. Israel ergo reservatis Gentibus eruditur, quando in quibusdam minimis vitiis elatio virtutis nostræ comprimitur, & in parvis sibi resistantibus discit, quod ex se majora non subigit.

Finis Libri Josue.

CAPITULA LIBRI SEXTI.

IN LIBRUM JUDICUM.

1. **G**edeon cum a paleis frumenta divideret: Angelum vidit, &c.
- 2 De pugna Gedeonis adversus Madianitas.
- 3 Manue, viso Angelo, pertimescens dixit: Morte moriemur, quia vidimus Dominum, &c.
- 4 De Samsone, qui Gazam egrediens, portas secum civitatis detulit.
- 5 De Samsone, qui cum maxilla asini multos occidit.
- 6 De Samsone, qui amissis oculis, ab Allophylis ad molam deputatus fuit.
- 7 De Samsone, qui paucos cum viveret interemit, everso autem templo, multos cum moreretur occidit.
- 8 Quod de tribu Benjamin in carnis scelere detecta, dum collectus Israel ulcisci voluisset, prius prostratus est, & tunc peccatricem tribum funditus exstinxit.

L I B E R S E X T U S.

DE TESTIMONIIS IN LIBRUM JUDICUM.

CAPUT PRIMUM.

Jud. 9. 11. Gedeon cum a paleis frumenta excuteret, Angelum vidit; ad cujus imperium protinus hædum coxit, quem super petram posuit, & jus carniū desuper fudit; quæ Angelus virga tetigit, atque ignis exiens de petra consumpsit.

Num. 59.

DUM de perfectorum solida mentis intentione adhærentium studiis tractaretur, in expos. B. Job, lib. 3. adjunctum est: *Gedeon cum a paleis frumenta excuteret, &c.* QUID est frumentum virga cedere, nisi rectitudine judicii a vitiorum paleis virtutum grana separare? Sed hæc agentibus Angelus apparet, quia tanto magis Dominus interiora denuntiat, quanto se studiosius homines ab exterioribus purgant. Qui occidi hædum præcipit, id est omnem appetitum nostræ carnis immolari: carnesque super petram poni, & jus carniū desuper fundi. Quem alium signat petra, nisi eum de quo per Paulum dicitur: *Petra autem erat Christus?* Carnes ergo super petram ponimus, cum corpus nostrum in Christi imitatione cruciamus. Jus etiam carniū desuper fundit, qui in conversatione Christi ipsas etiam a se carnales cogitationes exinanivit. Quasi enim jus ex carne liquidum in petra funditur, quando mens a cogitationum carnalium fluxu vacuatur. Quæ tamen mox Angelus virga tangit; quia intentionem nostram nequaquam potestas divini adjutorii deserit. De petra autem ignis exit, & jus carnesque consumit: quia afflatus a Redemptore spiritus tanta cor nostrum flamma compunctionis concremat, ut omne quod in eo est illicitum & operis & cogitationis, exurat. Perfecta enim

mens solerter invigilat, ut non solum perversa agere renuat, sed omne etiam quod in se per cogitationes turpiter liquatur, tergat.

CAPUT II.

De pugna Gedeonis adversus Madianitas.

Jud. 7. 5. 6. 16. 17.

CUM de præfigurata Redemptoris incarnatione, electorumque ejus miraculis tractaretur in expos. B. Job, l. 30. adjunctum est: *De pugna Gedeonis adversus Madianitas.* GEDEON cum exercitus multitudinem ad bella produceret, divina illi admonitione præceptum est, ut ad fluvium veniens, omnes, quos flexis genibus aquas haurire conspiceret, a bellorum conflictu removeret. Actumque est ut trecenti viri tantummodo qui stantes manibus aquas hauserant, remanerent. Cum his ad prælium pergit, eosque non armis, sed tubis, lampadibus, & lagenis armavit. Nam sicut illic scriptum est:

Num. 72.

2. Cor. 10. 4.

Accensas lampades miserunt intra lagunculas, et tubas in dextera, lagenas autem in sinistra tenere, et ad hostes suos cominus venientes cecinare tubas, confregere lagunculas, lampades apparuerunt, et hinc tubarum sonitu, illinc lampadum corruptione territi hostes sunt in fugam conversi. * De hoc namque bello

Jud. 7. 19. & seq.

per Prophetam dicitur: *Jugum enim oneris ejus, et virgam humeri ejus, et sceptrum exactoris ejus superasti, sicut in die Madian.* Eripiens quippe Dominus Gentilitatem superavit jugum oneris ejus, cum eam adventu suo ab illa dæmoniæ tyrannidis servitute liberavit. Superavit virgam humeri ejus, cum percussione illius, quæ ex perverso opere graviter deprimebat, ab humano genere Redemptor compescuit,

** Num. 72. 15. 2. 4.*

Superavit sceptrum exactoris ejus, cum regnum ejusdem diaboli, qui pro pestifera perpetratione vitiorum exigere consueverat debita tributa pœnarum, de fidelium corde destruxit. * Quid hoc est, quod tale bellum per Prophetam ad medium adducitur, & adventui Redemptoris nostri, istius pugnae victoria comparatur? An indicare nobis Prophetam studuit, quod adventum Redemptoris nostri contra diabolum, illa sub Gedeone duce pugnae victoria designavit? Talia nimirum illic acta sunt, quæ quanto magis usum pugnandi transeunt, tanto amplius a prophetandi mysterio non recedunt. Quis enim unquam cum lagenis & lampadibus ad prælium venit? Quis contra arma veniens, arma deferuit? Ridicula nobis hæc profecto fuerant, si terribilia hostibus non fuissent. Sed victoria ipsa attestante didicimus, ne parva hæc quæ facta sunt perpendamus. Gedeon itaque ad prælium veniens, Redemptoris nostri signat adventum. De quo scriptum est: *Tollite portas principes vestras, & elevamini portæ aternales, & introibit rex gloriæ. Quis est iste rex gloriæ? Dominus fortis, & potens, Dominus potens in prælio.* Hinc Redemptorem nostrum, non solum opere, sed etiam nomine prophetavit. Gedeon namque interpretatur, Circumiens in utero. Dominus enim noster per majestatis potentiam omnia complectitur, & tamen per dispensationis gratiam intra uterum virginis humanitatem sumens venit. Quis est ergo circumiens in utero, nisi omnipotens Deus sua dispensatione nos redimens, divinitate cuncta completens, & humanitatem intra uterum sumens? In quo utero & incarnatus est, & clausus non est. Quia & intra uterum fuit per infirmitatis substantiam, & extra mundum per potentiam majestatis. Ma-

dian vero interpretatur De judicio. Ut enim hostes ejus repellendi destruendique essent, non de vitio repellentis, sed de judicio juste judicantis fuit: & idcirco de judicio vocantur, quia alieni a gratia Redemptoris justæ damnationis meritum etiam in vocabulum trahunt nominis. * Contra hos Gedeon cum trecentis pergit ad prælium. Solet in centenario numero plenitudo perfectionis intelligi. Quid ergo per ter ductum centenarium numerum designatur, nisi perfecta cognitio Trinitatis? Cum his quippe Dominus noster adversarios fidei destruxit, cum his ad prædicationis bella descendit, qui possunt divina cognoscere, qui sciunt de Trinitate, quæ Deus est, perfecta sentire. Notandum vero est, quia iste ter centenarius numerus in *Tau* littera continetur, quæ crucis speciem tenet. Cui si super transversam lineam id quod in cruce eminet, adderetur, non jam crucis species, sed ipsa crux esset. Quia ergo iste trecentorum numerus in *Tau* littera continetur, & per *Tau* litteram, sicut diximus, species crucis ostenditur, non immerito in his trecentis Gedeonem sequentibus illi designati sunt, quibus dictum est: *Qui vult post me venire, abneget semetipsum, & tollat crucem suam, et sequatur me.* Qui sequentes Dominum tanto verius crucem tollunt, quanto acrius & se domant, & erga proximos suos caritatis compassionem cruciantur. Unde & per Ezechielem Prophetam dicitur: *Signa Tau super frontes virorum gementium, et dolentium.* Vel certe in his trecentis, qui in *Tau* littera continentur, hoc exprimitur, quod ferrum hostium crucis ligno superetur. Ductique sunt ad fluvium ut aquas biberent, & qui aquas flexis genibus hausere, a bellica intentione remoti sunt. Aquis namque

* Num. 73.

* Num. 74.

Psalm. 23. 7.

Luc. 9. 23.

Ezech. 9. 4.

que doctrina sapientiæ; stante autem genu, recta operatio designatur. Qui ergo dum aquas bibunt genu flexisse perhibentur, a bellorum certamine prohibiti recessere: quia cum illis Christus contra hostes fidei pergit ad prælium, qui cum doctrinæ fluentia hauriunt, rectitudinem operum non inflectunt. Omnes quippe tunc bibisse aquam, sed non omnes recto genu iterisse narrati sunt: reprobati que sunt qui genua, dum aquas biberent, inflexerunt: quia, attestante Apostolo, *Non auditores legis iusti sunt apud Deum, sed factores legis iustificabuntur.* Quia enim, ut diximus, dissolutio operum in ipsa genuum incurvatione signatur, recte rursus per Paulum dicitur: *Remissas manus & dissoluta genua erigite, & gressus rectos facite pedibus vestris.* Hic igitur Christo duce ad bellum prodeunt, qui hoc, quod ore annuntiant, opere ostendunt: qui fluentia doctrinæ spiritualiter hauriunt, nec tamen in pravis operibus carnaliter inflectuntur. Quia sicut scriptum est: *Non est speciosa laus in ore peccatoris.* * Itum est ergo ad prælium cum tubis, cum lampadibus, cum lagenis. ^a Inusitatus iste, ut diximus, fuit ordo præliandi. Cecinerunt tubis, & sinistris lagenæ tenebantur, intra lagenas autem sunt missæ lampades. Confractis vero lagenis lampades ostensæ sunt: quarum coruscante luce, hostes territi in fugam vertuntur. Designatur itaque in tubis clamor prædicationis, in lampadibus claritas miraculorum, in lagenis fragilitas corporum. Tales quippe dux noster secum ad prædicationis prælium duxit, qui despecta salute corporum, hostes suos moriendo prosternerent, eorumque gladios non armis & gladiis, sed patientia superarent. Armati enim venerunt sub duce suo

ad prælium martyres nostri, sed tubis, sed lagenis, sed lampadibus. Qui sonuerunt tubis, dum prædicant; confregere lagenas, dum solvenda in passionem sua corpora hostilibus gladiis opponunt. Resplenderunt lampadibus, dum post solutionem corporum miraculis coruscaverunt, moxque hostes in fugam versi sunt: quia dum mortuorum martyrum corpora miraculis coruscare conspiciunt, luce veritatis fracti, quod impugnaverunt, crediderunt. Cecinere ergo tubis, ut lagenæ frangerentur: lagenæ fractæ sunt, ut lampades apparerent: apparuerunt lampades, ut hostes in fugam verterentur, id est prædicaverunt martyres, donec eorum corpora in morte solverentur. Corpora eorum in morte soluta sunt, ut miraculis coruscarent: coruscavere miraculis, ut hostes suos ex divina luce prosternerent: quatenus nequaquam Deo erecti resisterent, sed eum subditi formidarent. * Et notandum quod steterunt hostes ante lagenas, fugerunt ante lampades: quia nimirum persecutores sanctæ Ecclesiæ, fidei prædicatoribus adhuc in corpore positis resisterunt: post solutionem vero corporum apparentibus miraculis, in fugam versi sunt; quia pavore conterriti, a persecutione fidelium cessare. Prædicatione scilicet tubarum, fractis lagenis corporum, visis timuerunt lampadibus miraculorum. * Intuendum est etiam id, quod illic scriptum est, quia in dextera tubas, lagenas autem in sinistra tenuerunt. Pro dextro enim habere dicimur, quidquid pro magno pensamus: pro sinistro vero, quod pro nihilo ducimus. Bene ergo illic scriptum est, quod in dextera tubas, & lagenas in sinistra tenuerunt: quia Christi Martyres pro magno habent prædicationis gratiam, corporum vero utilitatem

Rom. 2. 13.

Heb. 12. 12.

Eccl. 15. 9.
* Num. 75.

a

* Num. 75.

* Num. 75.

^a Cod. Michael parumper hic dissentit.

tem pro minimo. Quisquis enim plus facit utilitatem corporis, quam gratiam prædicationis, in sinistra tubam, atque in dextra lagenam tenet. Si enim primo loco gratia prædicationis attenditur, & posteriore utilitas corporis, certum est, quia in dextris tubæ, & sinistris lagenæ teneantur.

CAPUT III.

Jud. 13. 12. & seq. *Manue, viso Angelo, pertimescens dixit: Morte moriemur, quia vidimus Dominum. Quem uxor protinus consolatur, dicens: Si Dominus nos vellet occidere, de manibus nostris holocaustum, & libamenta non suscepisset.*

Num. 56. **D**UM de tenenda fidelibus spei fiducia tractaretur, in expof. B. Job, l. 5. adjunctum est: *Manue, viso Angelo, pertimescens dixit, &c.* QUID est quod visione Angeli vir fit timidus, & mulier audax: nisi quod nobis quoties cœlestia demonstrantur, spiritus quidem pavore se concutit, sed tamen spes præsumit? Inde namque spes ad majora audenda se erigit, unde turbatur spiritus: quia ea, quæ superna sunt, prior videt. Quia cum altiora secretorum cœlestium sublevata mens conspicit, cuncta humanarum virium soliditas contremiscit.

CAPUT IV.

Jud. 16. 3. *Samson cum Gazam civitatem Philistinorum fuisset ingressus, illico custodes deputare: sed ille exiens, portas civitatis tulit, & montis verticem ascendit.*

Num. 57. **D**UM de præfiguratione resurrectionis Dominicæ tractaretur, homil. 21. in Evang. adjunctum est: *Samson cum Gazam civitatem Philistinorum fuit ingressus, &c.* QUEM hoc in facto nisi Redemptorem nostrum Samson ille significat? Quid Gaza civitas, nisi infernum designat? Quid per Philisthæos, nisi Judæorum perfidia demonstratur? Qui cum mortuum Dominum viderent, ejus-

que corpus in sepulcro jam positum, custodes illico deputaverunt: & eum, qui auctor vitæ claruerat, in inferni claustris retentum, quasi Samsonem in Gaza se se deprehendisse lætati sunt. Samson vero nocte media non solum exiit, sed etiam portas tulit: quia videlicet Redemptor noster ante lucem resurgens, non solum liber de inferno exiit; sed ipsa etiam inferni claustra destruxit, portas tulit. Et montis verticem subiit: quia resurgendo, claustra inferni abstulit, & ascendendo cœlorum regna penetravit.

CAPUT V.

Jud. 15. 15. usque 19. *De Samfone, quod cum maxilla asini multos occidisset, ea projecta in terram, aquam fuderit.*

Num. 17. **D**UM de divinæ operationis magisterio, & prædicatorum Ecclesiæ miraculis tractaretur, in expof. B. Job, l. 13. adjunctum est: *De Samfone, quod cum maxilla asini multos occidisset, &c.* QUORUM hic per maxillam asini, nisi prædicatorum Ecclesiæ personæ designantur? Redemptor enim nolter simplicitatem, atque patientiam prædicantium suæ manu virtutis tenens, a vitiis suis carnales interfecit. Et maxilla in terram projecta postmodum aquas fudit: quia data morti prædicatorum corpora, magna populis monstrare miracula.

CAPUT VI.

Jud. 16. *De Samfone, qui, amissis oculis, ad molam ab Allophylis deputatus est.*

Num. 37. **D**UM de humanæ duritiæ ad correctionem torpore tractaretur, in expof. B. Job, l. 7. adjunctum est: *De Samfone, qui amissis oculis ad molam ab Allophylis deputatus est.* SCIENUM est quod aliquando prius oculorum intellectus obtunditur, & postmodum captus animus per exteriora desideria vagatur, ut cæca mens a quo ducitur nesciat, & carnis suæ illecebris sese libenter sub.

subdat. Aliquando vero prius desideria carnis ebulliunt, & post longum usum illiciti operis, oculum cordis claudunt. Nam sæpe mens recta cernit, nec tamen audenter se contra perversa erigit; & renitens vincitur, dum hoc ipsum quod agit dijudicans, carnis suæ delectatione superatur. Quia enim plerumque prius oculus contemplationis amittitur, & post per carnis desideria hujus mundi laboribus animus subjugatur, testatur Samson ab Allophylis captus qui postquam oculos perdidit, ad molam deputatus est. Quia nimirum maligni spiritus postquam tentationum stimulis intus aciem contemplationis effodiunt, foras in circuitum laborum mittunt.

CAPUT VII.

Jud. 16. 30. De Samson, quod paucos, cum viveret, interemit: everso vero templo multos, cum moreretur, occidit.

DUM de multiplici numerositate credentium per mortem resurrectionemque Redemptoris nostri tractaretur, in expos. B. Job, l. 29. adjunctum est: *De Samson, quod paucos, cum viveret, interemit, &c.* CUJUS hoc loc per Samsonem, nisi Redemptoris nostri persona signatur? Samson enim dum viveret paucos occidit, everso vero templo, maximam adversariorum suorum multitudinem, etiam ipse moriens stravit. Et Domino nostro prædicante, pauci ex plebe Israelitica crediderunt, innumeri vero Gentium populi viam vitæ illo moriente secuti sunt. Superbos namque dum adhuc passibilis viveret pertulit, a passibili vero vita multos dum moreretur, stravit. Quod bene Samson in semetipso dudum figuraliter expressit, qui paucos quidem dum viveret interemit, destructo autem templo hostes innumeros, cum moreretur, occidit: quia nimirum Dominus ab elatione superbiæ paucos cum viveret, plures

Tom. XIV.

vero cum templum sui corporis solveretur exstinxit, atque electos ex Gentibus, quos vivendo sustinuit, simul omnes moriendo prostravit.

CAPUT VIII.

Quod tribum Benjamin in carnis scelere detectam dum collectus omnis Israel ulcisci voluisset, prius ipse prostratus est, & tunc peccatricem tribum funditus exstinxit.

Jud. 20. 1.

CUM de propriis prius ulciscendis delictis, quam ad aliena vendicanda profiliamus, tractaretur, in expos. B. Job, l. 14. adjunctum est: *Quod tribum Benjamin in carnis scelere detectam, &c.* QUI semetipsum prius non judicat, quid in alio rectum judicet ignorat. Et si novit fortasse per auditum quod rectum judicare debeat, recte tamen judicare aliena merita non valet, cui conscientia innocentiae propriæ nullam judicii regulam præbet. Hinc est quod cum tribus Benjamin in carnis scelere fuisset obruta, collectus omnis Israel ulcisci iniquitatem voluit; sed tamen semel & iterum in belli certamine ipse prostratus est. Consulto autem Domino si ad ulciscendum ire debuissent, jussu est. Qui juxta divinæ vocis imperium perrexit, & semel & secundo perdidit: & tunc demum peccatricem tribum valde feriens, pene funditus exstinxit. Quid est ergo quod in ultione sceleris inflammatur, & tamen prius ipse prosternitur, nisi quod prius ipsi purgandi sunt, per quos aliorum culpæ feriuntur? Ut ipsi jam mundi per ultionem veniant, qui aliorum vitia corrigere festinant. Unde insidiantibus quibusdam, & ad puniendam adulteram deducantibus dicitur: *Qui*

Num. 34. ordine non semel inverso.

Joh. 8. 7.

sine peccato est vestrum, primus in illam lapidem mittat. Ad aliena quippe punienda peccata ibant, & sua reliquerant. Revocantur itaque intus ad conscientiam, ut prius propria corrigant, & tunc aliena reprehendant. Unde necesse est, ut, cum

Q q

con-

contra nos ultio divini examinis cef-
fat, nostra se conscientia ipsa re-
prehendat, atque ad lamenta pœni-
tentiae ipsa se contra semetipsam e-

rigat, nec contra bonos elata, &
sibi humilis, sed contra se rigida
fit, bonis vero omnibus submissa.

Finis Libri Judicum.

CAPITULA LIBRI SEPTIMI IN LIBRUM PRIMUM REGUM.

- | | |
|--|--|
| <p>1 Vultus ejus non sunt amplius
in diversa mutati.</p> <p>2 Dominus judicabit fines terræ.</p> <p>3 Tollentes duas vaccas, quæ la-
stabant vitulos, junxerunt ad
plaustrum, &c.</p> <p>4 Nonne cum esses parvulus in
oculis tuis, caput te constitui in
tribubus Israel?</p> <p>5 Item unde supra.</p> <p>6 Item unde supra.</p> <p>7 Item unde supra.</p> <p>8 Melior est obedientia quam vi-
stima, & auscultare magis quam
offerre adipem arietum.</p> <p>9 Ecce spiritus Dei malus exagi-
tat te.</p> | <p>10 Quod cum Saul spiritus immun-
dus invaderet, apprehensa Da-
vid cythara, ejus vesaniam se-
dabat.</p> <p>11 De David & Golia.</p> <p>12 Saul persecutor cum ad purgan-
dum ventrem speluncam fuisset
ingressus, illic cum viris suis
David incrast, qui tam longo
tempore persecutionis ejus mala
tollerabat, &c.</p> <p>13 De renuntiatione Abigail ad
Nabal.</p> <p>14 Ægyptium puerum Amalechitæ
in itinere agrotum deserunt,
quem David cibo refecit, &c.</p> <p>15 Item unde supra.</p> |
|--|--|

L I B E R S E P T I M U S.

DE TESTIMONIIS IN PRIMUM REGUM.

CAPUT PRIMUM.

1. Reg. 1. 18. *Vultus ejus non sunt amplius in di-
versa mutati.*

IN expositione Job, l. 33. adjun-
ctum est: *Vultus ejus non sunt
amplius in diversa mutati.* ^aQUIA
videlicet mens ejus nequaquam post
preces inepta lætitia lasciviendo per-
didit, quod orationis suæ tempore
gemituum rigore exquirit.

Num. 43.

CAPUT II.

Dominus judicabit fines terræ.

1. Reg. 2. 10.

CUM de divinæ misericordiæ cir-
ca genus humanum dispensa-
tione tractaretur, in expos. B. Job,
l. 29. adjunctum est: *Dominus ju-
dicabit fines terræ.* PIUS Condi-
tor noster facturam suam non de-
ferens, mala hominum, & per suam
sapientiam tolerat, & per eorum
quandoque conversionem relaxat.
Cum duras atque insensibiles mentes
respicit, modo eas minis, modo

Num. 20.

ver-

^a Caput hoc abest a nostris ms.

verberibus; modo revelationibus terret: ut quæ pessima securitate durerant, salubri timore mollescant; quatenus vel sero redeant, & hoc ipsum saltem quod diu expectati sunt, erubescant. Scit enim Dominus quia extrema vitæ nostræ plus iudicat, & idcirco electos suos in fine sollicitius purgat. Hinc ergo scriptum est: *Dominus iudicabit fines terræ*: quia tanto impensius ultimis nostris invigilat, quanto in ipsis impendere initia vitæ sequentis pensat.

CAPUT III.

1. Reg. 6. 10.

Vers. 12.

Tollentes duas vaccas, quæ lactabant vitulos, junxere ad plaustrum. Et paulo post: Ibant in directum vaccæ per viam quæ ducit Bethsames, pergentes & mugientes.

Num. 4.

CUM de discretæ compassionis bono proximis exhibendo tractaretur, hom. 37. in Evang. adjunctum est: *Tollentes duas vaccas, quæ lactabant vitulos, junxere ad plaustrum. CUM* de terra Philisthiim arca Domini ad terram Israelitarum rediret, plaustro superimposita est, & vaccæ plaustro subjunctæ sunt, quæ scæta fuisse memorantur. Quarum filios clauserunt domi. Et scriptum est: *Ibant autem in directum vaccæ per viam quæ ducit Bethsames; uno itinere gradiebantur, pergentes, & mugientes, & non declinabant neque ab dextram neque ad sinistram.* Quid igitur vaccæ, nisi fideles quosque in Ecclesia designant? Qui dum sacri eloquii præcepta considerant, quasi superimpositam sibi Domini arcam portant. De quibus hoc est etiam notandum, quod fuisse scæta memorantur: quia sunt plerique, qui in via Dei intrinsecus positi, foris carnalibus affectibus ligantur, sed non declinant a recto itinere, qui arcam Dei portant in mente. Ecce enim vaccæ Bethsamis pergunt. Bethsamis quippe dicitur domus solis, Et Propheta ait: *Vo-*

Malach 4. 2.

bis autem; qui timetis Dominum,

orientur sol justitiæ. Si igitur ad æterni solis habitationem tendimus, dignum profecto est, ut a Dei itinere pro carnalibus affectibus non declinemus. Tota enim virtute pensandum est, quod vaccæ Dei plaustro suppositæ pergunt & gemunt. Dant ab intimis mugitus, & tamen ab itinere non retorquent gressus. Amorem quippe per compassionem sentiunt, sed colla posterius non defleunt. Sic nimirum prædicatores Dei, sic fideles quippe esse intra sanctam Ecclesiam debent, ut & compatiantur proximis per caritatem, & tamen de via Dei non exorbitent per compassionem. * Arca quippe superimposita Bethsamis pergere, est cum superna scientia ad æternæ lucis habitaculum propinquare. Sed tunc vere Bethsamistendimus, cum viam rectitudinis gradientes ad vicina erroris latera, nec pro affectu pignorum declinamus. Sic namque, sic necesse est ut incedere debeant, qui sacre legis iugo suppositi, jam per internam scientiam Dei arcam portant: quatenus per hoc quod propinquorum necessitatibus condolent, a cæpto rectitudinis itinere non declinent. Quorum nimirum gratia mentem nostram tenere debet, sed reflectere non debet: ne hæc eadem mens aut si affectu non tangitur, dura sit; aut plus tacta si inflectitur, remissa.

CAPUT IV.

Nonne cum parvulus esses in oculis tuis, caput te constitui in tribus Israel? 1. Reg. 15. 17.

DUM de cavenda elatione, & cordis humilitate sectanda tractaretur, in expos. B. Job, l. 34. adjunctum est: *Nonne cum parvulus esses in oculis tuis, &c.* PARVULUS in oculis suis est, qui in eo quod semetipsum considerat, imparem se alienis meritis pensat. Nam quasi grandem se conspiciat, quisquis se super aliena merita elatione cogita-

* In expos. B. Job lib. 7. n. 42. inversa sape ordine.

Num 42. 43.

tionis extendit. Saul autem reprobis, in bono quod cœperat, non permanfit, quia factu susceptæ potestatis intumuit. At contra David semper de se humilia sentiens, ejusdemque Saul se comparatione postponens, postquam ferendi locum reperit, & pepercit, eidem sævienti adversario, humili se professione prostravit

1. Reg. 24. 15. dicens: *Quem persequeris, rex Israel: quem persequeris? Canem mortuum & pulicem unum?* Et certe jam unctus in regem fuerat: jam exorante Samuele & cornu super se oleum fundente didicerat, quod eum divina gratia, Saul reprobato, ad regni gubernacula possidenda servabat. Et tamen persequenti adversario mente humili se substernebat, cui divino judicio prælatum esse se noverat. Illi itaque se humiliter postponebat, cui per electionis gratiam incomparabiliter noverat esse se meliorem. Discant ergo quomodo humiliari proximis debeant, qui adhuc quo loco apud Deum habeantur, nesciunt: si sic se electi etiam illis humiliant, quibus jam se per interna judicia antepositos deprehendunt. Hoc autem esse proprium specimen electorum solet, quod de se semper sentiunt infra quam sunt. Hinc namque ab eodem David dicitur: *Si non humiliter sentiebam, sed exaltavi animam meam.* Hinc Salomon ad sapientiam parvulos vocat, dicens: *Si quis est parvulus, veniat ad eam.* Qui enim necdum semetipsum despicit, humilem Dei sapientiam non apprehendit. Hinc in Evangelio Dominus dicit: *Confiteor tibi, Domine, Pater cæli & terræ, quia abscondisti hæc a sapientibus & prudentibus, & revelasti ea parvulis.* Hinc rursus Psalmista ait: *Custodiens parvulos Dominus.* Hinc Magister Gentium dicit: *Facti sumus parvuli in medio vestrum.* Hinc discipulos admonens ait: *Superiores sibi invicem arbitrantur.* Nam quia iniquus quisque inferiorem se o-

mnem, quem cognovit, putat; ediverso justus studet, ut superiorem quemlibet proximum attendat: ac ne, dum se alii alter humiliat, eo humiliato iret alter in elationem, bene utramque partem admonuit, dicens: *Superiores sibi invicem arbitrantur*, ut in cogitationibus cordis & ego illum mihi præferam, & vicissim ille me sibi: ut cum ab utraque parte cor inferius premitur, nullus ex impenso honore sublevetur.

C A P U T V.

Item unde supra.

IN expositione Evang. ho. 7. QUID Num. ultimo per increpationem Saulis, nisi superbia elati regis abigitur? Quod ad correctionem suam poterit salubriter quisque convertere; qui prælatus est. Cum ergo Saul parvulum se in suis oculis æstimavit, caput in tribus Israel factus est. Ac si aperte diceretur: Cum te parvulum conspiceret, ego te præ cæteris magnum feci: quia vero tu te magnum conspicias, a me parvus æstimaris. Quo contra cum David regni sui potentiam coram arca Domini saltando despiceret, dixit: *Ludam, & vilior fiam plusquam factus sum; & ero humilis in oculis meis.* Si igitur sancti viri etiam cum agunt fortia, de semetipsis vilia sentiunt, quid in sua excusatione dicturi sunt, qui sine operatione virtutis intumescunt? Sed si quælibet adsint opera, nulla sunt, nisi ex humilitate condiantur. Miranda quippe actio cum elatione non elevat, sed gravat. Qui enim sine humilitate virtutes congregat, quasi in vento pulverem portat, & unde aliquid ferre cernitur, inde deterius cæcatur. In cunctis ergo quæ agimus, radicem boni operis humilitatem teneamus, nec quibus jam superiores, sed quibus adhuc inferiores simus, aspiciamus; ut dum meliorum nobis exempla proponimus,

mus; ad majora semper ascendere ex humilitate valeamus.

C A P U T VI.

Item unde supra.

²
Cap. 6. ante
medium.

Reg. Past. par. 2.^a PARVULUM se Saul in suis prius oculis viderat, sed sultus temporali potentia jam se parvulum non videbat. Cæterorum namque comparatione se præferens, quia cunctis plus poterat, magnum se præ omnibus æstimabat. Miro autem modo cum apud se parvulus, apud Deum magnum: cum vero apud se magnus apparuit, apud Deum parvulus fuit. Plerumque ergo dum ex subjectorum affluentia animus inflatur, in luxum superbiæ ipso potentiæ fastigio lenocinante corrumpitur. Quam videlicet potentiam bene regit, qui & tenere illam noverit, & impugnare. Bene hanc regit, qui scit per illam super culpas erigi, & cum illa cæteris æqualitate componi. Humana etenim mens plerumque extollitur, etiam cum nulla potestate fulcitur. Quanto magis in altum se erigit, cum se ei etiam potestas adjungit? Quam tamen potestatem recte dispensat, qui sollicitè noverit & sumere ex illa quod adjuvat, & expugnare quod tentat, & æqualem se cum illa cæteris cernere, & tamen se peccantibus zelo ultionis anteferre. Scriptum namque est: *Ducem te constituerunt? noli extolli, sed esto in illis quasi unus ex illis.*

Uld. &c.
multo infra.
Eccli. 32. 1.

C A P U T VII.

Item unde supra.

Num. 59.

CUM de bono obedientiæ tractaretur, in expos. B. Job, l. 18. adjunctum est: **SCIENDUM** magnopere est, quia tanto unaquæque anima pretiosior est ante oculos Dei, quanto præ amore veritatis despectior fuerit ante oculos suos. Hinc ad Saul dicitur: *Nonne cum esses parvulus in oculis tuis, caput te con-*

stitui in tribubus Israel? Ac si aperte diceret: Magnus mihi fuisti, quia despectus tibi: sed nunc quia magnus tibi es, factus es despectus mihi. Unde & per Prophetam dicitur: *Væ qui sapientes estis in oculis vestris, & coram vobismet ipsis prudentes.* Tanto ergo fit quisque vilior Deo, quanto pretiosior sibi: tanto pretiosior Deo, quanto propter cum vilior sibi: *quia humilia respicit, & alta a longe agnoscit.*

Isa. 5. 21.

Ps. 137. 6.

C A P U T VIII.

Melior est obedientia quam victimæ; et auscultare, magis quam offerre adipem arietum.

1. Reg. 15. 22.

ITEM cum de bono obedientiæ tractaretur, in expos. B. Job, lib. 35. adjunctum est: *Melior est obedientia quam victimæ, etc.* **OBE- DIENTIA** victimis jure præponitur, quia per victimas aliena caro, per obedientiam vero voluntas propria mactatur. Tanto igitur quisque Deum citius placat, quanto ante ejus oculos, repressa arbitrii sui superbia, gladio præcepti se immolat. Quò contra ariolandi peccatum inobedientia dicitur, ut quanta sit virtus obedientiæ demonstretur. Ex adverso ergo melius ostenditur, quid de ejus laude sentiat. Si enim quasi peccatum ariolandi est repugnare, & quasi scelus idololatriæ nolle acquiescere, sola est obedientia, quæ fidei meritum possidet, sine qua quisque infidelis esse convincitur, etiamsi fidelis esse videatur. Hinc per Salomonem in ostentatione obedientiæ dicitur: *Vir obediens loquitur victorias.* Vir quippe obediens victorias loquitur: quia dum alienæ voci humiliter subdimur, nosmetipsos in corde superamus. Hinc in Evangelio Veritas dicit: *Eum, qui venit ad me, non ejiciam foras: quia de cælo descendi non ut faciam voluntatem meam, sed ejus qui misit me.* Quid enim

Num. 28. 29.
30. & 31.

Prov. 21. 28.

Johan. 6. 37.

^a Assignatur lib. 6. in Job, a mss. Utic. & Gemet. in quo etiam additur; *item lib.*

²⁶. Legitur hoc loco a nobis notato.

enim si suam faceret, eos, qui ad se veniunt, repulisset? Quis autem nesciat quod voluntas filii a voluntate patris non discrepet? Sed quoniam primus homo quia suam facere voluntatem voluit, a paradisi gaudiis exivit; secundus ad redemptionem hominum veniens, dum voluntatem se patris, & non suam facere ostendit, permanere nos intus docuit. Cum igitur non suam sed patris voluntatem facit, eos qui ad se veniunt, foras non ejicit: quia dum exemplo suo nos obedientiæ subjicit, viam nobis egressionis claudit. Hinc rursus ait: *Non possum ego a me ipso facere quidquam, sed sicut audio, judico*. Nobis quippe obedientia usque ad mortem, servanda præcipitur. Ipse autem si, sicut audit, judicat, tunc quoque obedit, cum judex venit. Ne igitur nobis usque ad præsentis vitæ terminum obedientia laboriosa appareat, Redemptor noster indicat, quia hanc etiam cum judex venerit, servat. Quid ergo mirum si peccator homo obedientia in præsentis vitæ brevitate se subjicit, quando hanc Mediator Dei & hominum, & cum obediens remunerat, non relinquit? Sciendum vero est, quia nunquam per obedientiam malum fieri, aliquando autem debet per obedientiam bonum, quod agitur, intermitteri. Neque enim mala in paradiso arbor exstitit, quam Deus homini ne contingeret interdixit, sed ut per melius obedientiæ meritum homo bene conditus cresceret, dignum fuerat ut hunc etiam a bono prohiberet; quatenus tanto verius hoc quod ageret, virtus esset, quanto & a bono cessans auctori suo se subditum humiliter exhiberet. Sed notandum quod illic dicitur: *Ex omni ligno paradisi edite, de ligno autem scientiæ boni et mali ne tetigeritis*. Qui enim ab

uno quolibet bono subjectos vetat, necesse est ut multa concedat: ne obedientis mens funditus intereat, si a bonis omnibus penitus repulsa jectetur. Omnes autem paradisi arbores ad esum Dominus concessit, cum ab una prohibuit; ut creaturam suam, quam nolebat extinguere, sed provchi, tanto facilius ab una restringeret, quanto ad cunctas latius relaxaret. Sed quia nonnunquam nobis hujus mundi prospera, nonnunquam vero jubentur adversa, sciendum summopere est quod obedientia aliquando si de suo aliquid habeat, nulla est; aliquando autem si de suo aliquid non habeat, minima. Nam cum hujus mundi successus præcipitur, cum locus superior imperatur, is qui ad percipienda hæc obedit, obedientiæ sibi virtutem evacuat si ad hæc etiam ex proprio desiderio anhelat. Neque enim se sub obedientia dirigit, qui ad percipienda hujus vitæ prospera libidini propriæ ambitionis servit. Rursus cum mundi despectus præcipitur, cum probra adipisci & contumeliæ jubentur, nisi hæc ex semetipso animus appetat, obedientiæ sibi meritum minuit, qui ad ea, quæ in hac vita despecta sunt, invitatus nolenque descendit. Ad detrimentum quippe obedientia ducitur, cum mentem ad suscipienda probra hujus sæculi, nequaquam ex parte aliqua etiam sua vota comitantur. Debet ergo obedientia & in adversis ex suo aliquid habere, & rursus in prosperis ex suo aliquid omnino non habere: quatenus & in adversis tanto sit gloriosior, quanto divino ordini etiam ex desiderio jungitur; & in prosperis a tanto sit verior, quanto a præsentis ipsa, quam divinitus percipit gloria, funditus ex mente separatur. Sed hoc virtutis pondus melius ostendimus, si cœlestis patriæ duorum hominum fa-

Johann. 5:30.

Gen. 2:16.

^a Utic. *tanto sit vilior*. Prætulimus aliam lectionem quæ est Gemet. & Michael. Ce-

teroquin ita in libro moralium legitur.

Exod. 4. facta memoremus. Moyses namque cum in deserto oves pasceret, Domino per Angelum in igne loquente vocatus est, ut eripiendæ omni Israelitarum multitudini præesset. Sed quia apud se mente humilis exstitit, oblatam protinus tanti regiminis gloriam expavit; moxque ad infirmitatis patrocinium recurrit, dicens: *Ob-*

Exod. 4. 10. *secro Domine, non sum eloquens ab heri et nudius tertius, ex quo cœpisti loqui ad servum tuum, tardioris et impeditoris lingue factus sum. Et se postposito alium deposcit, dicens: Mitte qucm missurus es. Ecce cum auctore lingue loquitur, & ne tanti regiminis potestatem susciperet, e-*

linguem se esse causatur. Paulus quoque divinitus fucrat, ut Ierosolymam ascendere debuisset, admonitus; sicut ipse Galatis dicit: Deinde post annos quatuordecim iterum ascendi Ierosolymam assumpto Barnaba et Tito. Ascendi autem secundum revelationem.

Isque in itinere cum Prophetam Agabum reperisset, quanta se adversitas Ierosolymis maneret, audivit. Scriptum quippe est, quod idem Agabus zonam Pauli suis pedibus inferens, dixit: *Virum, cujus hæc zona est, sic alligabunt in Jerusalem.*

Ast. 21. 11. A Paulo autem protinus responderetur: *Ego non solum alligari, sed et mori in Jerusalem paratus sum pro nomine Jesu. Neque enim pretiosiores facio animam meam quam me.*

Ibid. v. 13. Præceptione igitur revelationis Ierosolymam pergens adversa cognoscit, & tamen hæc libenter appetit. Audit quætimeat, sed ad hæc ardentior anhelat. Moyses itaque ad prospera de suo nihil habet: quia precibus renititur, ne Israeliticæ plebi præferatur; Paulus ad adversa etiam ex suo voto ducitur: quia malorum imminentium cognitionem percipit, sed devotione spiritus etiam ad aciora fervescit. Ille præsentis potestatis

gloriam Deo voluit jubente declinare; iste, Deo aspera & dura disponente, se studuit ad graviora præparare. Præeunte ergo utrorumque ducum infracta virtute instruimur, ut, si obedientiæ palmam apprehendere veraciter nitimur, prosperis hujus sæculi ex sola jussione, adversis autem etiam ex devotione militemus.

CAPUT IX.

Ecce spiritus Dei malus exagitat te. 1. Reg. 16. 10.

Cum de occulta divini dispensatione judicii tractaretur, in expos. B. Job, l. 18. adiunctum est:

Ecce spiritus Dei malus exagitat te.

SCIT^a antiquus humani generis inimicus qualiter afflictionem justorum semper appetat; tamen si ab

Auctore nostro potestatem non accipit, ad tentationis articulum nullatenus convalescit. Unde & omnis voluntas diaboli injusta est, & tamen permittente Deo omnis potestas justa. Ex se enim tentare quoslibet injuste appetit, sed eos, qui tentandi sunt, & prout tentandi sunt, nonnisi tentari Deus juste permittit. Bene ergo dicitur: *Spiritus Domini malus exagitat te.* Ecce unus idemque spiritus, & Domini appellatur & malus. Domini videlicet per licentiam potestatis justæ, malus autem per desiderium voluntatis injustæ. Unde & in hoc loco quæri solet, si Domini, cur malus? si malus, cur Domini dicitur? Sed duobus verbis comprehensa est & potestas justa in diabolo, & voluntas injusta. Nam & ipse dicitur spiritus malus, per nequissimam voluntatem: & idem spiritus Domini, per acceptam justissimam potestatem. Quia etsi hostis sævit, qui ferire appetit, Creator tamen est, qui eum ad aliquid prævalere permittit. Formidari igitur non debet qui nihil nisi permissus valet. Nam & in

^a Excusi, scite namque Job, quod diabolus licet afflictionem justorum semper appe-

rat; reluctantibus omnibus miss. nostris,

& in Evangelio expellenda de homine dæmonum legio Domino dicebat: *Si ejicis nos, mitte nos in greges porcorum.* Sola ergo jussio illa timenda est, quæ cum hostem favire permittit, ei ad usum justii judicii & injusta illius voluntas servit.

CAPUT X.

1. Reg. 16. 14. 23. Quod cum Saulem spiritus immundus invaderet, apprehensa David cythara, ejus vesaniam sedabat.

CUM de dispensatione doctrinæ regentium tractaretur, Reg. Pastor. part. 3. adjunctum est: *Quod cum Saulem spiritus imundus invaderet, &c.* PLERUMQUE superbus dives exhortationis blandimento placandus est: quia & plerumque dura vulnera per lenia fomenta mollescunt, & furor insanorum sæpe ad salutem, medico blandiente, reducit: cumque eis in dulcedine condescenditur, languor insanix mitigatur. Neque enim negligenter intueendum est, quod cum Saulem spiritus adversus invaderet, apprehensa David cythara, ejus vesaniam sedabat, & temperabat. Quid enim per Saulem, nisi elatio potentium? & quid per David innuitur, nisi humilis vita Sanctorum? Cum ergo Saul ab immundo spiritu arripitur, David canente, ejus vesania temperatur: quia cum sensus potentium per elationem in furorem vertitur, dignum est, ut ad salutem mentis quasi ad dulcedinem cytharæ locutionis nostræ tranquillitate revocetur.

CAPUT XI.

De David & Goliath.

*1. Reg. 17. 32. 33. 34. Num. 24. D*UM de convincendis errorum magistris tractaretur, in expof. B. Job. lib. 18. adjunctum est: *De David & Goliath.* VIR recta fide plenus quæ Sanctis solet ad justitiam deputari, ea ipsa Scripturæ sacræ, quæ hæreticus affert, testimonia col-

ligit, & erroris ejus pertinaciam inde convincit. Contra nos namque dum sacræ Legis testimonia appor- tant, secum nobis afferunt unde vincantur. Unde & David typum Domini, qui videlicet manu fortis interpretatur, Goliath vero hæreticorum superbiam signans, hoc rebus locuti sunt, quod nos verbis aperi- mus. Goliath quippe cum gladio, David vero cum pera pastorali venit ad prælium. Sed eundem Goliath David superans suo gladio occidit: quod nos quoque agimus, qui promissa David membra ex ejus fieri dignatione meruimus. Nam cum superbientes hæreticos & sacræ Scripturæ sententias deferentes, eisdem verbis atque sententiis, quas profert, vincimus, quasi elatum Goliath suo gladio detrucamus.

CAPUT XII.

1. Reg. 29. 2. Saul persecutor cum ad purgandum ventrem speluncam fuisset ingressus, illic cum viris suis David inerat, qui tam longo tempore persecutionis ejus mala tolerabat. Cumque eum viri sui ad feriendum Saul accenderent, fregit eos responsionibus: quia manum mittere in Christum Domini non deberet; qui tamen occulte surrexit, & oram chlamydis abscidit.

CUM de obrectatione fugienda, & humilitate pravis etiam Rectoribus exhibenda tractaretur, Reg. Past. part. 3. adjunctum est: *Saul persecutor cum ad purgandum ventrem speluncam fuisset ingressus, &c.* QUID per Saul, nisi mali Rectores? Quid per David, nisi boni subditi designantur? Saul igitur ventrem purgare, est pravos præpositos conceptam in corde malitiam usque ad opera miseri odoris extendere, & cogitata apud se noxia factis exterioribus exsequendo monstrare. Quem tamen David ferire metuit: quia piæ subditorum mentes ab omni se peste obrectationis abstinere

tes, præpositorum vitam nullo linguæ gladio percutiunt, etiam cum de imperfectione reprehendunt. Qui & si quando propter infirmitatem sese abstinere vix possunt ut extrema quædam atque exteriora præpositorum mala, sed tamen humiliter, loquantur, quasi oram chlamydis silenter incidunt; quia videlicet dum prælatæ dignitati saltem innoxie & latenter derogant, quasi regis superpositi vestem secant; sed tamen ad semetipsos redeunt, seque vehementissime vel de tenuissima verbi laceratione reprehendunt. Unde bene & illic scriptum est: *Post hæc David percussit cor suum, eo quod abscondisset oram chlamydis Saul.* Facta quippe præpositorum oris gladio ferienda non sunt, etiam cum recte reprehendenda judicantur. Si quando vero contra eos vel in minimis lingua labitur, necesse est ut per afflictionem poenitentiae cor prematur, quatenus ad semetipsum redeat: & cum præpositæ potestati deliquerit, ejus contra se iudicium, a quo sibi prælata est, perhorrescat. Nam cum in præpositis delinquimus, ejus ordinationi, quæ eos nobis prætulit, obviamus. Unde Moyses quoque cum contra se & Aaron conqueri populum cognovisset, ait: *Nos enim quid sumus? nec contra nos est murmur vestrum, sed contra Deum.*

CAPUT XIII.

De renuntiatione Abigail ad Nabal.

7. Reg. 25.
24. 18. 23.

2
cap. 16. Ad.
mon. 17.

DUm^a de opportuno correptionis tempore tractaretur, Reg. Past. par. 3. adjunctum est: *De renuntiatione Abigail ad Nabal.* QUID nobis Abigail per renuntiationis suæ dispensationem innuit, nisi quod iracundos melius corrigimus, si in ipsa iræ suæ commotione declinemus? Perturbati quippe quid audiant igrant, sed ad se reducti tanto liben-

tius exhortationis verba recipiunt, quanto se tranquillius toleratos erubescunt. Menti autem furore ebrizæ omne rectum quod dicitur, perversum videtur. Unde Nabal ebrius culpam suam Abigail laudabiliter tacuit, quam digesto vino laudabiliter dixit. Et idcirco malum quod fecerat cognoscere potuit, quia hoc ebrius non audivit.

CAPUT XIV.

Ægyptium puerum Amalechitæ in itinere agrotum deserunt, quem David cibo reficit, ducemque sui itineris facit. Amalechitam persequitur, epulantem reperit, & funditus exstinguit.

1. Reg. 30. 22.
12. 13.

CUm de peccatorum per donum supernæ gratiæ conversione tractaretur, in expos. B. Job, l. 5. adjunctum est: *Ægyptium puerum Amalechitæ in itinere agrotum deserunt, &c.* QUID est quod Ægyptius Amalechitæ puer in itinere lassatur, nisi quod amator præsentis seculi, peccati sui nigredine operatus, sæpe ab eodem seculo infirmus despectusque relinquitur, ut cum eo nequaquam currere valeat, sed fractus adversitate torpescat? Sed David hunc invenit: quia Redemptor noster veraciter manus fortis nonnunquam quos despectos a mundi gloria reperit, in suum amorem convertit. Cibo pascit: quia verbo scientiæ reficit. Ducem itineris eligit: quia suum etiam prædicatorem facit. Et quia Amalechitam sequi non valuit, dux David efficitur: quia is quem indignum mundus deseruit, non solum conversus in sua mente Dominum recipit, sed prædicando, hunc etiam usque ad aliena corda perducit. Quo videlicet duce David Amalechitam convivantem invenit, & exstinguit: quia ipsis Christus prædicantibus mundi lætitiâ destruit, quos mundus comites habere despexit.

CA-

^a In mss. Michael Gemet. & Utic, *Cum de discretis ad correctionem temporibus.*

CAPUT XV.

*Item unde supra.**Numb. 7.**Luc. 15. 17.*

IN Expositione Evang. hom. 36. **H**OS eligit Deus, quos despectus mundus: quia plerumque ipsa despectio hominem revocat ad semetipsum. Etenim qui patrem reliquit, & partem substantiæ, quam perceperat, prodige expendit, postquam esurire cœpit in se reversus dixit: *Quanti mercenarii in domo patris mei abundant panibus?* Longe quippe a se recesserat, quando peccabat: & si non esurisset, in semetipsum minime rediisset. Postquam terrenis rebus indiguit, tunc cogitare cœpit quid de spiritualibus amiserat. Infirmi ergo quique atque in hoc mundo despecti, plerumque tanto celerius vocem Domini audiunt, quanto & in hoc mundo non habent ubi delectentur. Quod bene Amalechitarum puer ille Ægyptius designat, qui Amalechitis prædantibus atque currentibus æger remansit in via, & fame sitique aruit; quem cum David invenit, ei cibum potumque præbuit: qui illico convalescens dux David factus est: convivantes Amalechitas reperit, & eos, qui se debilem reliquerant, cum magna fortitudine prostravit. Amalechita quippe, populus lambens vocatur. Et quid per lambentem po-

pulum, nisi mentes carnalium designantur? Quæ terrena cuncta ambiendo quasi lambunt, dum solis temporalibus delectantur. Quasi enim populus lambens prædam facit, dum terrena diligentes, lucra de alienis damnis exaggerant. Sed puer Ægyptius æger in via relinquitur: quia peccator quisque dum infirmari ab hujus mundi statu cœperit, mox secularibus mentibus in despectum venit. Quem tamen David invenit, eique cibum & potum præbet, quia manu fortis Dominus abjecta mundi non despicit; & plerumque eos, qui sequi mundum minime valentes, quasi in via remanent, ad amoris sui gratiam convertit, eisque verbi sui cibum potumque porrigit, & quasi duces sibi in via eligit, dum suos etiam prædicatores facit. Dum enim Christum peccatorum cordibus inferunt, quasi David super hostes ducunt. Qui convivantes Amalechitas velut David gladio feriunt, quia superbos quosque qui se in mundo despexerant, Domini virtute prosterunt. Puer ergo Ægyptius, qui in via remanserat, Amalechitas interfecit: quia plerumque ipsi mentes secularium prædicando superant, qui prius cum secularibus in hoc mundo currere non valebant.

Finis libri primi Regum.

CAPITULA LIBRI OCTAVI

IN LIBRUM SECUNDUM REGUM.

1 **M**ontes Gelboe, nec vos, nec pluvia veniat super vos, neque sint agri primitiarum, quia ibi abjectus est clypeus fortium, clypeus Saul, quasi non esset unctus oleo.

2 Locutus est Ahner ad Achizel

dicens: Recede, noli me sequi, ne compellar confodere te interram, &c.

3. Venientes filii Remmon Berothitæ Rechab & Banai, ingressi sunt fervente die domum Isboeth, qui dormiebat super stratum suum meridie, &c.

4 De

- 4 De vaccis calcitrantibus inclinata arca, quam cum Oxa Levites erigere voluisset, percussus est.
- 5 Quod David cum arcam Domini in Jerusalem saltando reduceret, a Michol filia Saul uxore sua irrisus est.
- 6 Non tu edificabis mihi templum, quia vir sanguinum es.
- 7 Percussit David vallem salinarum.
- 8 Quod David in solario deambulans Bersabee Uriæ concupivit uxorem.
- 9 De concupiscentia David in Ber-

sabee.

- 10 De pœnitentia David pro Bersabee.
- 11 Dominus transtulit peccatum tuum.
- 12 Quid mihi & vobis, filii Servia? Dimittite eum ut maledicat, &c.
- 13 De Joab quod Amasæ, manu dextera mentum tenuit, & sinistra percussit.
- 14 Quod David, qui prius alienam uxorem concupiscere non timuit, &c.
- 15 Quod David populum numerando peccavit.

LIBER OCTAVUS

DE TESTIMONIIS IN LIBRUM II. REGUM

CAPUT PRIMUM.

2. Reg. 1. 21. 22. Montes Gelboe, nec ros, nec pluvia veniat super vos, neque sint agri primitiarum; quia ibi abjectus est clypeus fortium, clypeus Saul, quasi non esset unctus oleo.

cap. 4.

Cum de maledictionum distinctio-
ne tractaretur, in Præfat. lib. 4. in Job, adjunctum est: Montes Gelboe, nec ros, nec pluvia veniat super vos, &c. QUID montes Gelboe, Saul moriente, deliquerunt, quatenus in eos nec ros nec pluvia caderet, & ab omni eos viriditatis germine sententiæ sermo siccaret? Sed quia Gelboe interpretatur decursus, per Saul autem unctum & mortuum, mors nostri Mediatoris exprimitur: non immerito per Gelboe montes, superba Judæorum corda signantur, quæ dum in hujus mundi desideriis defluunt, in Christi, id est uncti se morte miscuerunt. Et quia in eis unctus rex corporaliter moritur, ipsi ab omni gratiæ rore siccantur. De quibus & bene dicitur: Ut agri primitiarum esse non possint. Superbæ quippe Hebræorum

mentes primitivos fructus non ferunt: quia in Redemptoris adventu ex parte maxima in perfidia remanentes, primordia fidei sequi noluerunt. Sancta namque Ecclesia in primitiis suis multitudine Gentium fecundata, vix in mundi fine Judæos; quos invenerit, suscipiet; & extrema colligens, eos quasi reliquias frugum ponet. De quibus nimirum reliquiis Isaias dicit: Si fuerit numerus filiorum Israel quasi arena maris, reliquiae salvæ fient. Possunt tamen idcirco Gelboe montes ore Prophetæ maledici, ut dum fructus ex arecente terra non oritur, possessores terræ sterilitatis damno feriantur; quatenus ipsi maledictionis sententiam accipiant, qui apud se mortem regis suscipere iniquitate sua exigente meruissent.

CAPUT II.

Locutus est Abner ad Achaz, dicens: 2. Reg. 2. 22. & seq. Recede a me, noli me sequi, ne compellar confodere te in terram. Qui audire contempsit, & noluit declinare. Percussit ergo eum Ab-

ner aversa hasta in inguine, & transodit eum, & mortuus est.

Cap. 16.

Admo. 17.
circa finem.

Cum de discreta circa delinquentes correptione tractaretur, Reg. Palest. part. 3. adjunctum est: Locutus est Abner ad Azahel, dicens: &c. Cujus Azahel typum tenuit, nisi eorum, quos vehementer arripiens furor, in præceps ducit? Qui in eodem furoris impetu tanto caute declinandi sunt, quanto & insane rapiuntur. Unde & Abner, qui sermone nostro patris lucerna dicitur, fugit: quia doctorum lingua, quæ supernum Dei lumen indicat, cum per abrupta furoris mentem cujuscumque ferri conspiciat, cumque contra irascentem dissimulat verborum jacula reddere, quasi persequentem non vult ferire: sed cum iracundi nulla consideratione se mitigant, & quasi Azahel persequi & insanire non cessant, necesse est ut hi, qui furentes reprimere conantur, nequaquam se in furore erigant, sed quidquid est tranquillitatis ostendant, quædam vero subtiliter proferant, in quibus ex obliquo furentis animum pungant. Unde & Abner cum contra persequentem subsistit, non cum recta sed aversa hasta transforavit. Ex mucrone quippe percutere, est impetu apertæ increpationis obviare. Aversa vero hasta persequentem ferire, est furentem tranquille ex quibusdam tangere, & quasi parcendo superare. Azahel autem protinus occubuit, quia commotæ mentes dum & parci sibi sentiunt, & tamen responsorum ratione in intimis sub tranquillitate tanguntur, ab eo quod se erexerant, statim cadunt. Qui ergo a fervoris sui impetu sub lenitatis percussione resiliunt, quasi sine ferro moriuntur.

CAPUT III.

2. Reg. 4. 5.

Venientes filii Remmon Berothitæ, Rechab & Banaa, ingressi sunt fervente die domum Isboseth, qui dormiebat super stratum suum meri-

die. Ingressi sunt autem domum, & ostiaria domus purgans triticum obdormivit: assumentes spicas tritici latenter ingressi sunt, & percusserunt eum in inguine.

Dum de adhibenda menti fortis custodia, per sollicitæ circumspeditionis studium tractaretur, in expof. B. Job, l. 1. adjunctum est: *Num. 49.* Venientes filii Remmon Berothitæ, Rechab & Banaa, ingressi sunt fervente die domum Isboseth, &c. OSTIARIA triticum purgat, cum mentis custodia discernendo virtutes a vitiis separat. Quæ si obdormierit, in mortem proprii domini sui insidiatores admittit: quia cum discretionis sollicitudo cessaverit, ad interficiendum animum malignis spiritibus iter pandit. Qui ingressi spicas tollunt: quia mox bonarum cogitationum germina auferunt: atque in inguine feriunt, quia virtutem cordis delectatione carnis occidunt. In inguine quippe ferire, est vitam mentis carnis delectatione perforare. Nequaquam vero Isboseth iste hac morte succumberet, si non ad ingressum domus mulierem, id est ad mentis aditum mollem custodiam deputasset. Fortis namque^a virilisque sensus præponi cordis foribus debet, quem nec negligentia somnus opprimat, nec ignorantia error fallat. Unde bene & Isboseth appellatus est qui, custode femina, hostilibus gladiis nudatur. Isboseth quippe, vir confusionis dicitur: vir autem confusionis est, qui forti mentis custodia munitus non est. Quia dum virtutes se agere æstimat, subintrantia vitia nescientem necant. Tota itaque virtute muniendus est aditus mentis, ne quando eam insiliantes hostes penetrent foramine neglectæ cogitationis.

CA.

^a In ms. Sagienfi, *vigilque*.

CAPUT IV.

1. Reg. 6. 6. 7. De vaccis calcitrantibus inclinata
arca, quam cum Oza Levites e-
rigere voluisset, percussus est.

Num. 24.

DUM de reprimenda contra Re-
hensionis audacia tractaretur, in ex-
pos. B. Job, lib. 5. adjunctum est:
De vaccis calcitrantibus inclinata
arca, &c. SÆPE quia intelligi non
valent, deterioribus displicent vel
facta vel dicta meliorum. Sed eo
ab eis non temere reprehendenda
sunt, quo apprehendi veraciter ne-
quaquam possunt. Sæpe aliquid a
majoribus dispensatorie agitur vel
præcipitur, quod a minoribus error
putatur. Sæpe multa a fortibus di-
cuntur, quæ idcirco infirmiores di-
judicant, quia ignorant. Quod be-
ne bobus calcitrantibus inclinata illa
Testamenti arca signavit, quam quia
casuram credens Levites erigere vo-
luit, mox sentiam mortis accepit.
Quid est namque mens iusti, nisi
arca Testamenti? Quæ gestata a bo-
bus calcitrantibus inclinatur: quia
nonnunquam etiam qui bene præ-
est, dum subjectorum populorum
confusione concutitur, ad dispensa-
tionis condescensionem ex sola di-
lectione permovetur. Sed in hoc
quod dispensatorie agitur, inclinatio
ipsa, fortitudinis casus putatur im-
peritis. Unde & nonnulli subditi
contra hanc manum reprehensionis
mittunt, sed a vita protinus ipsa
sua temeritate deficiunt. Levites ergo
quasi adjuvans manum extendit, sed
delinquens, vitam perdidit; quia dum
infirmi quique fortium facta corri-
piunt, ipsi a viventium sorte repro-
bantur. Aliquando etiam sancti viri
a quædam minimis condescendentes
dicunt: aliquando vero quædam sum-
ma contemplantes proferunt; dum-
que vim vel condescensionis vel al-
titudinis nesciunt, audacter hæc stul-

ti reprehendunt. Et quid est iustum
de sua condescensione velle corrigere,
nisi inclinatam arcam superba repre-
hensionis manu relevare? Quid est
iustum de incognita locutione repre-
hendere, nisi motum ejus fortitudi-
nis, erroris lapsum putare? Sed per-
dit vitam qui arcam Dei tumide
sublevat: quia nequaquam quis San-
ctorum corrigere recta præsumeret,
nisi de se prius meliora sensisset.
Unde & Levites idem recte Oza di-
citur, quod videlicet robustus Do-
mini interpretatur: quia præsumto-
res quique nisi audaci mente robu-
stos se in Domino crederent, ne-
quaquam meliorum facta vel dicta
velut infirma judicarent.

CAPUT V.

Quod David dum arcam Domini Je-
rusalem saltando reduceret, a Mi-
chol filia Saul uxore sua irrisus est.

1. Reg. 6. 16
19. 21. 22.

CUM de ^b bono humilitatis re-
gentium per doni superni gra-
tiam tractaretur, in expos. B. Job,
l. 27. adjunctum est: *Quod David*
dum arcam Domini Jerusalem sal-
tando reduceret, &c. INTUERI libet
quanta virtutum munera David per-
ceperat, atque in his omnibus quam
forti se humilitate servabat. Quem
enim non extolleret, ora leonum
frangere, urforum brachia dissipare,
despectis prioribus fratribus eligi,
reprobato rege ad regni gubernacula
ungi, timendum cunctis uno lapide
Goliath sternere, a rege proposita
extinctis Allophylis numerosa præ-
putia reportare, promissum tandem
regnum percipere, cunctumque Is-
raeliticum populum sine ulla con-
tradictione possidere? Et tamen cum
arcam Dei in Jerusalem revocat,
quasi oblitus prælatum se omnibus,
admixtus populis ante arcam saltat.
Et quia coram arca saltare, ut cre-
ditur, vulgi mos fuerat, rex se se
in divino obsequio per saltum rotat.

b
Num. 77. 78.

Ec-

^a Editi, quædam minime. Sequimur mss.
Mich, Gemet, Utic.

^b Corruptissime in vulgatis: de doni su-
perni patria.

Ecce quem Dominus cunctis singulariter prætulit, se se sub Domino & exæquando minimis, & abjecta exhibendo contemnit. Non potestas regni ad memoriam reducitur, non subjectorum oculis saltando vilescere metuit, non se honore prælatum cæteris ante ejus arcam, qui honorem dederat, recognoscit. Coram Deo egit debilia vel extrema, ut illa ex humilitate solidaret, quæ coram hominibus gesserat fortia. Quid de ejus factis ab aliis sentiatur ignoro; ego David plus saltantem stupeo, quam pugnatem. Pugnando quippe hostes subdidit, saltando autem coram Domino semetipsum vicit. Quem Michol filia Saul adhuc ex tumore regii generis insana, cum humiliatum despiceret, dicens: *Quam gloriosus fuit hodie rex Israel, discooperiens se ante ancillas servorum suorum, & nudatus est quasi si nuderetur unus de scurris*; protinus audit: *Vivit Dominus quia ante Dominum ludam, qui elegit me potius quam patrem tuum. Ac paulo post ait: Et ludam, & vilior fiam plusquam factus sum, eroque humilis in oculis meis.* Ac si aperte dicat: Vilescere coram hominibus appeto: quia servare me coram Domino ingenuum per humilitatem quæro. Sunt vero nonnulli qui de semetipsis humilia sentiunt: quia in honoribus positi nihil se esse nisi pulverem, favillamque perpendunt: sed tamen coram hominibus viles apparere refugiunt, & contra hoc, quod de se interius cogitant, quasi rigida exterius venustate palliantur. Et sunt nonnulli qui viles videri ab hominibus appetunt, atque omne quod sunt, dejectos se exhibendo, contemnunt, sed tamen apud se introrsus quasi ex ipso merito ostensæ vilitatis intumescunt, & tanto magis in corde elati sunt, quanto amplius in specie elationem premunt. Quæ

utraque unius elationis bella magna David circumspectione ^a deprehendit, mira virtute superavit. Quia enim de semetipso intus humilia sentiens, honorem exterius non quærit, insinuat dicens: *Ludam, & vilior fiam.* Et quia per hoc quod vilem se exterius præbuit, nequaquam interius intumescit, adjungit: *Eroque humilis in oculis meis.* Ac si dicat: Qualem me exterius despiciens exhibeo, talem me & interius attendo. Quid ergo acturi sunt, quos doctrina elevat, si David ex carne sua venturum Redemptorem noverat, ejusque gaudia prophetando nuntiabat; & tamen in semetipso cervicem cordis valida discretionis calce deprimebat, dicens: *Eroque humilis in oculis meis?*

CAPUT VI.

Non tu ædificabis mihi templum, quia vir sanguinum es.

^{2. Reg. 7.}
^{vel potius}
^{2. Paralip.}
^{22. 2.}

DUM de servanda doctoribus cordium actuumque munditia tractaretur in expos. B. Job, l. 7. adjunctum est: *Non tu ædificabis mihi templum, &c.* MUNDUS in se esse a vitiis debet, qui curat aliena corrigere, ut terrena non cogitet, ut desideriiis infimis non succumbat: quatenus tanto perspicacius aliis fugienda videat, quanto hæc ipse per scientiam & vitam verius declinat. Quia nequaquam pure maculam in membro considerat oculus, quem pulvis gravat, & superjectas fordes tergere non valent manus, quæ lutum tenent. Quod juxta antiquæ translationis seriem, bene ad David erga exteriora bella laborantem, per significationem divina vox innuit, cum dicit: *Non tu ædificabis mihi templum, quia vir sanguinum es.* Dei autem templum ædificat, qui corrigendis atque instituendis proximorum mentibus vacat. Templum quippe Dei nos sumus, qui ad veram vitam ex ejus

in.

inhabitatione construimur, Paulo attestante, qui ait: *Templum Dei sanctum est, quod estis vos*. Sed vir sanguinum Templum Dei ædificare prohibetur: quia qui adhuc actis carnalibus incumbit, necesse est ut instruere spiritualiter proximorum mentes erubescat.

CAPUT VII.

2. Reg. 3. 13. *Percussit David vallem salinarum.*

DUm de vindicta perverse de Deo sentientium tractaretur, in expos. B. Job, l. 3. adjunctum: *Percussit David vallem salinarum*. QUID de percussa multitudine a David in valle salinarum signatur, nisi quia Redemptor noster suo videlicet districtiōis examine, in his, qui de illo prava sentiunt, stultitiam immoderati saporis exstinguit?

CAPUT VIII.

2. Reg. 11. *Quod David in solario deambulans, Bersabee Uriæ concupivit uxorem.*

DUm^a de adhibenda discretione in vestigandis Scripturæ mysteriis tractaretur in expos. B. Job, l. 3. adjunctum est: *Quod David in solario deambulans, &c.* SIC plerumque res quælibet per historiam virtus est, per significationem culpa, sicut aliquando res gesta, in facto causa damnationis est, in scripto autem prophetia virtutis. Quod verum esse citius ostendimus, si unum sacræ Scripturæ testimonium ad utraque probanda proferamus. Quis namque audiens non solum fidelium, sed ipsorum quoque infidelium, non omnimodo detestetur quod David in solario deambulans, Bersabee Uriæ concupiscit uxorem? Quem tamen a prælio revertentem, ire ad domum suam admonet, pedes lavare. Qui protinus respondit, dicens: *Arca Dei sub pellibus est, & ego in domo mea requiescam?* Quem David ad mentem propriam suscipit, eique epistolæ, per quas mori debeat, tra-

dit. Cujus autem David in solario deambulans typum tenet, nisi ejus, de quo scriptum est: *In sole posuit tabernaculum suum?* & quid est Bersabee ad se perducere, nisi legem litteræ carnali populo conjunctam spirituali sibi intellectu sociare? Bersabee enim puteus septimus dicitur: quia nimirum per cognitionem Legis, infusione spiritualis gratiæ perfecta nobis sapientia ministratur. Quem vero Urias, nisi Judaicum populum designat: Cujus nomen interpretatum dicitur, lux mea Dei. Judaicus enim populus, quia de accepta Legis scientia extollitur, quasi de Dei luce gloriatur. Sed huic Uriæ David uxorem abstulit, sibi que conjunxit quia videlicet manu fortis, quod David dicitur, in carne Redemptor apparens, dum de se spiritualiter loqui Legem innotuit, per hoc quod juxta litteram tenebatur, hanc a Judaico populo extraneam demonstravit; sibi que conjunxit, quia se per illam prædicari declaravit. Uriam tamen ad domum ire David admonet, pedes lavare: quia incarnatus Dominus veniens, Judaico populo præcepit ut ad conscientiam redeat, & sordes operum fletibus tergat; ut spiritualiter mandata Legis intelligat, & post tantam duritiam præceptorum, fontem baptismatis inveniens, ad aquam post laborem recurrat. Sed Urias qui arcam Domini esse sub pellibus meminit, respondit, quod domum suam intrare non possit. Ac si Judaicus populus dicat: Ego mandata Dei in sacrificiis carnalibus video, & redire ad conscientiam per spirituales intelligentiam non requiro: Quasi enim arcam esse sub pellibus dicit, qui præcepta Dei non nisi ad exhibendum ministerium sacrificii carnalis intelligit. Hunc tamen etiam redire ad domum nolentem,

De-

^a Vel, dum per subtilissima discretionis studium, de differendo intellectu sacræ elo-

quit, ut legitur in plerisque mss.

Iohan. 5. 46

David ad mensam vocat: quia quamvis Judaicus populus ad conscientiam reverti contemnat, ei tamen Redemptor veniens mandata spiritualia prædicat: dicens: *Si crederetis Moysi, crederetis forsitan & mihi: de me enim ille scripsit*. Legem itaque Judaicus populus tenet, quæ ejus divinitatem loquitur, cui idem populus credere dedignatur. Unde & Urias ad Joab cum epistolis, ex quibus occidi debeat, mittitur: quia idem ipse Judaicus populus Legem portat, qua convincente moriatur. Dum enim mandata Legis retinens implere renititur, ipse nimirum defert judicium unde damnetur. Quid ergo per factum istud David scelestius? Quid Uria mundius dici potest? Sed rursus per mysterium quid David sanctius, quid Uria infidelius invenitur? quando & ille per vitæ culpam, prophetiæ signat innocentiam: & iste per vitæ innocentiam, in prophetia exprimit culpam. Virtus namque sacri eloquii sic transacta narrat, ut ventura exprimat: sic in facto rem approbat, ut in mysterio non contradicat: sic gesta damnat, ut hæc mystice gerenda, persuadeat.

CAPUT IX.

2. Reg. 17. 4. De concupiscentia David in Bersabee.

Num. 12. & 13.

DUM de reprimendo illicitæ visu concupiscentiæ tractaretur, in expos. B. Job, l. 21. adjunctum est: *De concupiscentia David in Bersabee*. ADHUC carnis corruptibilis pondere gravati nequaquam valemus sic vivere, ut nulla nos possit culpæ delectatio pulsare. Sed aliud est nolentem tangi, aliud consentientem animum perimi. Sancti autem viri tanto vigilantiores se circumspeditione custodiunt, quanto se pulsari sinistris motibus vel transitorie delectationis dedignantur, ut si quid fortasse cor illicitum concupisceret, pressus disciplinæ magisterio oculus videre recusaret. Sicut

enim sæpe tentatio per oculos trahitur, sic nonnunquam concepta intrinsecus, compellit sibi extrinsecus oculos deservire. Nam plerumque res quælibet innocenti mente respicitur, sed ipso conspectu animus concupiscentiæ gladio confoditur. Non enim David Uriæ conjugem ideo studiose respexit, quia concupierat, sed potius ideo concupivit, quia incaute respexit. Fit vero retri-
butionis examine, ut qui exteriori negligenter utitur, interiori oculo non injuste cæcetur. Sæpe autem intrinsecus concupiscentia dominatur, & illecebratus animus ad usus suos sensus corporeos famulari more tyrannidis exigit, suisque voluptatibus oculos servire compellit, atque, ut ita dicam, fenestras luminis ad tenebras aperit cæcitatibus. Unde sancti viri cum sinistra pulsari delectatione se sentiunt, ipsa, per quæ formæ species ad mentem ingreditur, disciplinæ magisterio lumina restringunt, ne pravæ cogitationis visio lenocinata famuletur. Quæ si unquam subtiliter custodiri negligitur, cogitationis immunditia protinus ad operationem transit.

CAPUT X.

De pœnitentia David pro Bersabee. 2. Reg. 12. 13.

CUM de mentis humilitate servanda tractaretur, in expos. B. Job, lib. 33. adjunctum est: *De pœnitentia David pro Bersabee*. AD hoc in Scriptura sacra virorum talium, id est David & Petri peccata sunt indita, ut cautela minorum sit ruina majorum. Ad hoc vero utrumque illic & pœnitentia insinuat & veria; ut spes pereuntium sit recuperatio perditorum. De statu ergo suo David cadente nemo superbiat. De lapsu etiam suo David surgente, nemo desperet. Ecce quam mirabiliter Scriptura sacra eodem verbo superbos premit, quo humiles levat. Unam namque rem gestam retulit, & diverso modo su-

per-

perbos quidem ad humilitatis formidinem, humiles vero ad spei fiduciam revocavit. O inestimabile novi generis medicamentum, quod uno eodemque ordine positum, & premendo tumentia exsiccat, & sublevando arentia infundit. De majorum nos lapsu terruit, sed de reparatione roboravit. * Sic quippe semper, sic nos divina dispensationis misericordia, & superbientes reprimit, & ne ad desperationem corruamus, fult. * Sed quia exigente causa, David ad medium deducto, tanti facinoris memoriam fecimus, lectoris fortasse animus movetur cur omnipotens Deus eos, quos in perpetuum elegit, quos ad donorum quoque spiritualium culmen assumpsit, illaesos a corporalibus vitiis non custodit? Unde quia satisfieri citius credimus, breviter respondemus. Nonnulli enim per accepta dona virtutum, per impensam gratiam bonorum operum, in superbia vitium cadunt, sed tamen quo ceciderint, non agnoscunt. Proinde contra nos hostis antiquus quia jam interior dominatur, etiam exterius favire permittitur: ut qui in cogitatione elati sunt, per carnis luxuriam prosterantur. Scimus autem, quia aliquando minus est in corporis corruptionem cadere, quam cogitatione tacita ex deliberata elatione peccare. Sed cum minus turpis superbia creditur, minus vitatur. Luxuriam vero eo magis erubescunt homines, quo simul omnes turpem novere. Unde fit plerumque, ut nonnulli post superbiam in luxuriam corruentes, ex aperto casu malum culpae latentis erubescant, & tunc etiam majora corrigunt, cum prostrati in minimis gravius confunduntur. Reos enim se inter minora conspiciunt, qui se liberos inter graviora crediderunt. Pia ergo Domini dispensatione laxatus, nonnunquam malignus spiritus de culpa ad culpam

Tom. XIV.

trahit; & dum plus percutit, inde eum, quem ceperat, amittit, atque unde vicisse cernitur, inde superatur. Considerare libet intra munitum gratiae sinum, quanto Deus misericordiae favore nos continet. Ecce qui de virtute se extollit, per vitium ad humilitatem redit. Qui vero acceptis virtutibus extollitur, non gladio, sed ut ita dicam, medicamento vulneratur. Quid est enim virtus, nisi medicamentum? & quid est vitium, nisi vulnus? Quia ergo nos de medicamento vulnus facimus, facit ille de vulnere medicamentum, ut qui virtute percutimur, vicio curemur. Nos namque virtutum dona retorquemus in usum vitiorum: ille vitiorum illecebras assumit in arce virtutum, & salutis statum percutit ut servet; ut qui humilitatem currentes fugimus, ei saltem cadentes haereamus. Sed inter haec sciendum quod plerique hominum quo in multis corruunt, arctius ligantur. Cumque eos antiquus hostis ex uno vitio percutit ut concidant, ex alio quoque ligat ne resurgant. Consideret itaque homo cum quo adversario bellum gerat, & si jam se in aliquo deliquisse perpendit, saltem ad culpam pertrahi ex culpa pertimescat, ut studiose vitentur vulnera, quibus frequenter interficit: quia valde rarum est, quod hostis noster electorum saluti etiam vulneribus servit. * Erudiendos enim electos suos Dominus saepe tentatori subjicit, sicut post paradisi claustra, sicut post tertii caeli secreta, ne revelationum magnitudine Paulus extolli potuisset, ei Satanæ Angelus datus est, sed ipsa hac tentatione disponitur, ut qui elati perire poterant, humiliati a perditione serventur. Secreto ergo dispensationis ordine, unde favire permittitur iniquitas diaboli, inde pie perficitur benignitas Dei. Quia adversarius noster inde obtemperat nutibus supernae gratiae, unde ex-

S f

er-

* Num. 24

* Num. 25.

* Num. 22.
2. Cor. 21. 7.

erect iram nequissimæ voluntatis suæ.

CAPUT XI.

2. Reg. 16. 10. Dominus transulit peccatum tuum.

Num. 54.

DUm de impetranda remissione delinquentium non sine ultione vindictæ congruæ tractaretur in expos. B. Job, l. 9. adjunctum est: Dominus transulit peccatum tuum. SI peccatum David tam detestabile Dominus transulit, quid est quod omnia, quæ de eodem peccato per Prophetam ei a Domino dicta sunt, post modum toleravit? Sed proculdubio Dominus delictum sine ultione non deserit. Aut enim ipse hoc homo in se pœnitens punit, aut hoc Deus cum homine vindicans percutit. Nequaquam igitur peccato parcitur: quia nullatenus sine vindicta laxatur. Sic enim David audire post confessionem meruit: Dominus transulit peccatum tuum: & tamen multis post cruciatibus afflictus ac fugiens, reatum culpæ, quam perpetraverat, exsolvit. Sic nos salutis unda a culpa primi parentis absolvimur, sed tamen reatum ejusdem culpæ diluentes, absoluti quoque adhuc carnaliter obimus: quia delicta nostra sive per nos, sive per semetipsum refecat, etiam cum relaxat. Ab electis enim suis iniquitatum maculas studet temporali afflictione tergere, quas in eis in perpetuum non vult indicare.

CAPUT XII.

1. Reg. 22. 15. Quid mihi & vobis filii Sarviæ? Dimittite eum ut maledicat: Dominus enim præcepit ei ut malediceret David.

Num. 37.

DUm de servanda contra tentationes in adversis patientia, per memoriam præteritorum delictorum tractaretur, in expos. B. Job, lib. 30. adjunctum est: Quid mihi & vobis filii Sarviæ? QUIS QUIS fidelium divinæ gratiæ illu-

stratione componitur; sancto desiderio de imis ad summa evchi supernæ contemplationis penna festinet, sanctorum præcedentium patrum gesta ante mentis oculos ponat, atque in eis se imitatione exercendo proficiat, & quod præsentis titillat ex vitio, vel præteritorum malorum memoria reprimat, vel donorum præcedentium consolatione restringat, vel etiam imitatione, ut dictum est, patrum præcedentium provocetur ad melius. Quod necesse est, ut sicut proposuimus, exemplis evidentioribus approbemus. Ut enim unum de multis loquar, quatenus studiosus lector multa in paucis intelligat: quisquis verborum contumeliis pressus cum virtutem patientiæ servare non sufficit, David factum ad memoriam reducat; quem cum Semei tot convitiis^a urgeret, & armati proceres ulcisci contenderent, ait: Quid mihi & vobis filii Sarviæ? Dimittite eum ut maledicat: Dominus enim præcepit ei ut malediceret David. Et quis est, qui audeat dicere, quare sic fecerit? Et paulo post; Dimittite eum, ut maledicat juxta præceptum Domini, si forte respiciat Deus afflictionem meam, & reddat mihi bonum pro maledictione hac hodierna. Quibus profecto verbis indicat, quia pro perpetrato Bersabeæ scelere exsurgentem contra se filium fugiens, reduxit ad animum malum quod perpetravit, & æquanimiter pertulit quod audivit, & contumeliosa verba non tam convitia, quam adjutoria credidit, quibus purgari sibi que misereri posse judicavit. Tunc enim illata convitia bene toleramus, cum in secreto mentis ad mala perpetrata recurrimus. Leve quippe videbitur quod injuria percutimur, dum in actione nostra conspiciamus, quia pejus est quod meremur. Sicque fit ut contumeliis gratia magis quam ira debeatur: quarum interventu

Deo

^a Utic. argueret.

Deo iudice poena gravior declinari posse confiditur.

CAPUT XIII.

2. Reg. 20. 19. De Joab quod Amasæ mentum manu dextra tenuit, & sinistra percussit.

Num. 23. CUM de cavenda simulatorum malitia tractaretur, in expos. B. Job, l. 15. adjunctum est: De Joab quod Amasæ mentum manu dextra tenuit, &c. QUID est quod Joab Amasæ mentum dextra tenuit, sed sinistram ad gladium latenter mittens ejus viscera effudit, nisi hoc quod patenter datur intelligi? Dextra namque mentum tenere, est quasi ex benignitate blandiri: sed sinistram ad gladium mittit, quia latenter ex malitia percutit.

CAPUT XIV.

2. Reg. 23. 17. Quod David, qui prius alienam uxorem concupiscere non timuit, postmodum vero, cum aquam de cisterna concupisset, expavit.

Num. 16. CUM de purgatione vitæ electorum per memoriam reprehensionis suorum excessuum tractaretur, hom. 34. in Evang. adjunctum est: Quod David, qui prius alienam uxorem concupiscere non timuit, &c. COGITANDUM summopere est, ut qui se illicita commisisse meminit, a quibusdam etiam licitis studeat abstinerere: quatenus per hoc Conditori suo satisfaciatur, ut qui commisit prohibita, sibi metipsi abscindere debeat etiam concessa: & se reprehendat in minimis, qui se meminit in maximis deliquisse. Nimia sunt quæ loquor, si hæc ex sacri eloqui testimoniis non affirmo. Lex certe veteris Testamenti alienam uxorem concupisci prohibet: a rege vero fortia juberi militibus, vel desiderari aquam non pœnaliter vetat. Et cuncti novimus quod David concupiscentiæ mucrone transfixus, alienam conjugem & appetivit & abstulit, cujus culpam digna verbera sunt secuta, & malum quod perpetravit, per pœnitentiæ lamenta correxit.

Qui cum longe post contra hostium cuneos federet, aquam bibere ex eorum cisterna ex desiderio voluit: cujus lecti milites inter catervas adversantium medias erumpentes, aquam, quam rex desideraverat, illæsi detulerunt. Sed vir flagellis eruditus, semetipsum protinus cum periculo militum aquam desiderasse reprehendit, eamque Domino fundens libavit. Sicut illic scriptum est: Li- 2. Reg. 23. 17. bavit eam Domino. In sacrificium quippe Domini effusa aqua conversa est: quia culpam concupiscentiæ maculavit per pœnitentiam reprehensionis suæ. Qui ergo quondam concupiscere alienam conjugem nequamquam timuit, post etiam, cum aquam concupisset, expavit. Quia enim se illicita perpetrasse meminerat, contra semetipsum jam rigidus etiam a licitis abstinebat.

CAPUT XV.

Quod David populum numerando peccavit. 2. Reg. 24. 20.

Num. 35. CUM de non judicanda subditis vita actibusque regentium tractaretur, in expos. B. Job, l. 25. adjunctum est: Quod David populum numerando peccavit. SIC pro qualitatibus subditorum disponuntur acta regentium, ut sæpe pro malo gregis etiam vere boni delinquant vita Pastoris. Ille enim Deo attestante laudatus, ille supernorum mysteriorum conscius David propheta, tumore repentinæ elationis inflatus, populum numerando peccavit, & tamen vindictam populus, David peccante, suscepit: cur hoc? quia videlicet secundum meritum plebium disponuntur corda Rectorum. Justus vero iudex peccantis vitium ex ipsorum animadversione corripuit, ex quorum causa peccavit. Sed quia ipse, sua scilicet voluntate superbiens, a culpa alienus non fuit, vindictam culpæ etiam ipse suscepit: nam ira sæviens, quæ corporaliter populum percussit, Rectorem quoque populi

intimo cordis dolore prostravit. Certum vero est, quod ita sibi invicem & Rectorum merita connectantur & plebium, ut sæpe ex culpa Pastorum deterior fiat vita plebium, & sæpe ex merito plebium mutetur vita Pastorum. * Sed quia Rectores habent

** Num. 36.*

judicem suum, magna cautela subditorum est non temere vitam judicare regentium. Neque enim frustra per semetipsum Dominus æs nummulariorum fudit, & cathedras vendentium columbas evertit: nimirum significans, quia per Magistros quidem vitam judicat plebium, sed per semetipsum facta examinat Magistrorum: quamvis etiam subditorum vitia, quæ a Magistris modo vel dissimulantur judicari, vel nequeunt, ejus proculdubio judicio reservantur. Igitur dum salva fide res agitur, virtutis est meritum, si quidquid prioris est toleratur: debet tamen humiliter suggeri, si fortasse valeat quod displicet, commendari. Sed curandum summopere est, ne in superbiam transeat iustitiæ inordinata defensio, ne dum rectitudo incaute diligitur, ipsa magistra rectitudinis humilitas amittatur: ne eum sibi præesse quisque despiciat, quem fortasse contingit, ut in aliqua actione reprehendat. Contra hunc tumorem superbiæ subditorum mens ad custodiam humilitatis edomatur, si infirmitas propria incessanter attenditur. Nam vires nostras veraciter examinare negligimus, & quia de nobis fortiora credimus, idcirco eos, qui nobis prælati sunt,

districte judicamus. Quo enim nosmetiplos minus agnoscimus, eo illos, quos reprehendere nitimur, plus videmus. Singula hæc mala sunt, quæ sæpe a subditis in Prælatos, sæpe a Prælatis in subditos committuntur: quia & omnes subditos, hi qui præsunt, minus quam ipsi sunt sapientes arbitrantur. Et rursus qui subjecti sunt, Rectorum suorum actiones judicant. Et si ipsos regimen tenere contingeret, se potuisse melius agere putant. Unde plerumque fit ut Rectores minus prudenter ea, quæ agenda sunt, videant: quia eorum oculos ipsa nebula elationis obscurat. Et nonnunquam is, qui subjectus est, hoc cum prælatus fuerit, faciat, quod dudum fieri subjectus arguebat: & pro eo quod illa, quæ judicaverat, perpetrat, saltem quia judicavit, erubescat. Igitur sicut Prælatis curandum est ne eorum corda æstimatione singularis sapientiæ locus superior extollat; ita subjectis providendum est, ne sibi Rectorum facta displiceant. * Si autem Magistrorum vita

** Num. 37.*

jure reprehenditur, oportet ut eos subditi, etiam cum displicent, venerentur. Sed hoc est solerter intuendum, ne aut quem venerari necesse est, imitari appetas, aut quem imitari despicias, venerari contemnas. Subtilis etenim via tenenda est rectitudinis & humilitatis, ut sic reprehensibilia Magistrorum facta displiceant, quatenus subditorum mens a servanda magisterii reverentia non recedat.

Finis libri secundi Regum.

CAPITULA LIBRI NONI

IN LIBRUM TERTIUM REGUM.

- 1 **Q**uod Salomon post acceptam divinitus sapientiam, turpium mulierum de iudicio causa tentatur.
- 2 De iudicio Salomonis inter mulieres, ex quibus una filium, quem vigilans lactare consueverat, dormiens occidit.
- 3 Domus autem cum edificaretur, lapidibus dedolatis atque perfectis adificata est.
- 4 Quod ante fores templi mare aneum, id est luterem ad ablendas ingredientium manus duodecim boves portant.
- 5 Quod templi ministerio, in basibus templi sculptorio opere leones, & boves, & Cherubim expressa sunt.
- 6 Nebula implevit domum Domini, & non poterant Sacerdotes ministrare propter nebulam.
- 7 De Propheta quem revertentem in itinere leo occidit.
- 8 Vivit Dominus Deus Israel, in cuius conspectu sto.
- 9 Sufficit mihi, Domine, tolle, queso, animam meam.
- 10 Ecce Dominus transit, spiritus grandis & fortis, subvertens montes, & conterens petras ante Dominum, &c.
- 11 Cum Helias vocem Domini secum loquentis audiret, in spelunca suæ ostio stetisse describitur, & faciem velasse.
- 12 Reliqui mihi septem millia virorum, qui non curvaverunt genua ante Baal.
- 13 Vidi Dominum sedentem super solium suum, & omnem exercitum cæli a dextris & sinistris ejus, & dictum est: In quo decipiam Achab ut ascendat & cadat in Ramoth Galaad? & dixit alius ita, & alius aliter, &c.

L I B E R N O N U S

DE TESTIMONIIS IN LIBRUM III. REGUM

CAPUT PRIMUM.

3. Reg. 3. 16. Salomon post acceptam divinitus sapientiam, turpium mulierum de iudicio causa tentatur.

Cum de electorum tentationibus ad utilitatem profectuum proficientibus tractaretur, in expof. B. Job, l. 8. adjunctum est: Salomon post acceptam divinitus sapientiam, &c. NOTANDUM quod postquam Dominus erroris nostri tenebras luce suæ cognitionis illustrat, mox tentationis aculeo visitando probat: quia & accedendo corda nostra ad vir-

tutes provehit, & recedendo concuti tentatione permittit. Si enim post virtutum munera nulla tentatione concutitur, hoc se habere animus ex seipso gloriatur. Ut ergo & firmitatis dona habeat, & infirmitatem tuam humiliter agnoscat, per accessum gratiæ ad alta sustollitur, & per recessum quid ex semetipso sit, probatur. Quod bene nobis ex historia sacre lectionis innuitur: quia Salomon & divinitus accepisse sapientiam, & tamen post acceptam eandem sapientiam, meretricum statim pul-

pulsatus quæstione memoratur. Mox enim ut gratiam tantæ revelationis accepit, certamen turpium mulierum pertulit: quia nimirum sæpe cum mentem nostram concessis virtutibus respectus intimæ largitatis illuminat, hanc protinus etiam lubricæ cogitationes turbant: ut quæ sublevata immenso munere exultat, etiam tentatione pulsata, quid sit inveniat.

3. Reg. 19. 3. Sic Elias & visitatus sermone desuper cœlos aperuit, & tamen probatus subito, infirmus per deserta fugiens, unam mulierem expavit. Sic Paulus ad tertium cœlum raptus, paradisi penetrans secreta considerat, & tamen ad semetipsum rediens, a. 2. contra carnis bella laborat. Legem Remo 7. 21. aliam in membris sustinet, cujus in se rebellione fatigari spiritus legem dolet. Post dationem ergo muneris idcirco Deus hominem probat, quia & collato munere sublevat, & abstracto ad paululum, ipsum sibi hominem demonstrat. Quod eo usque proculdubio patimur, quo deterfa funditus labe peccati, ad promissæ incorruptionis substantiam reformemur.

C A P U T II.

3. Reg. 3. 27. De judicio Salomonis inter mulieres, ex quibus una filium quem vigilans lactare consueverat, dormiens occidit.

Num. 26. 17. CUM de prædicatoribus recta loquentibus, sed per propriam actionem prava auditoribus exempla præbentibus tractaretur, in expof. B. Job, l. 21. adjunctum est: De judicio Salomonis inter mulieres, &c. QUID in hac sententia per matrum lactantium nomina, nisi doctorum ordo? Quid vero per eorum filios, nisi discipulorum persona signatur? Nam magistri nimirum vigilantes quidem scientia, sed vita dormientes, auditores suos quos per vigilias prædicationis nutriunt, dum quod dicunt, facere negligunt, per somnum

torporis occidunt, & negligendo opprimunt quos alere verborum lacte videbantur. Unde plerumque dum ipsi reprehensibiliter vivunt, & habere discipulos vitæ laudabilis nequeunt, alienos sibi attrahere conantur; quatenus dum bonos se habere sequaces ostendunt, apud judicia hominum excusent mala quæ agunt; & quasi per subditorum vitam, mortiferam tegant negligentiam. Unde & illic mulier filium quia exstinxit proprium, quæsitivum alienum: sed tamen veram matrem Salomonis gladius invenit, quia videlicet cujus fructus vivat, vel cujus intereat, in extremo examine ira districti iudicis demonstrat. Ubi & illud solemter intuendum est, quod vivens filius prius dividi præcipitur, ut soli postmodum matri reddatur: quia in hac vita quasi partiri conceditur vita discipuli, dum ex illa nonnunquam alter apud Deum meritum, alter vero apud hominem laudem habere permittitur. Sed falsa mater eum, quem non genuit, occidi non metuit: quia arrogantes magistri & caritatis ignari, si plenissimum nomen laudis ex alienis discipulis consequi nequeunt, eorum vitam crudeliter insequuntur. Invidiæ enim face succensi, nolunt aliis vivere quos se conspiciunt non posse possidere. Unde & illic perversa mulier clamat, Nec meus, nec istius sit. Ut enim diximus, quos sibi obsequi non vident, ad gloriam temporalem eos aliis invident vivere per veritatem. Vera autem mater satagit, ut ejus filius saltem apud extraneam sit & vivat: quia concedunt veraces magistri ut ex eorum discipulis alii quidem magisterii laudem habeant, si tamen integritatem vitæ iidem discipuli non amittant. Per quæ pietatis viscera hæc eadem vera mater agnoscitur: quia omne magisterium in examine caritatis approbatur, & sola

a Utic. contra carnis vitia.

sola totum recipere meruit, quæ quasi totum concessit: quia fideles præpositi pro eo quod ex bonis discipulis suis non solum aliis laudem non invident, sed utilitatem eis etiam profectus exorant; ipsi & integros & viventes filios recipiunt, quando in supremo examine eorum vita perfectæ retributionis gaudia consequuntur.

C A P U T III.

3. Reg. 6. 7. *Domus autem cum ædificaretur, lapidibus dedolatis atque perfectis ædificata est, & malleus et securis, et omne ferramentum non sunt audita in domo cum ædificaretur.*

Num. 23.

CUM de purgatione vitæ præsentis, & remuneratione quietis perpetuæ tractaretur, in expof. B. Job, l. 34. adjunctum est: *Domus autem cum ædificaretur, &c.* QUID domus illa, nisi sanctam Ecclesiam, quam in cœlestibus Dominus inhabitat, figurabat? Ad cujus ædificationem electorum animæ quasi quidam expoliti lapides deferuntur. Qui cum ædificantur in cœlis, nullus illic jam disciplinæ malleus resonat: quia dolati atque perfecti illuc lapides ducimur, ut locis juxta meritum congruis disponamur. Hic enim foris tundimur, ut illic sine reprehensione inveniamur. Hinc malleus, hic securis, hic omnia tunctionum resonant ferramenta: in domo autem Dei nulli ictus audiuntur; quia in æterna patria omnis jam percussorum strepitus conticefcit. Nequaquam ibi malleus percutit, quia nulla animadversio affligit, nequaquam securis incidit, quia receptos interius nulla foras severitatis sententia projicit. Nequaquam ferramenta perstrepunt, quia nec quælibet minima ultra jam flagella sentiuntur. Lapidem ergo extra tunsi sunt, ut in constructione templi Domini absque mallei sonitu ponerentur: quia videlicet nunc

foras per flagella tundimur, ut intus in templum Dei postmodum sine disciplinæ percussione disponamur; quatenus quidquid in nobis est superfluum, modo percussio refecet; & tunc sola in ædificatione concordia caritatis liget.

C A P U T IV.

Quod ante fores templi mare æneum, id est luterem ad abluendas ingredientium manus duodecim boves portant, qui quidem facie exterius eminent, sed ex posterioribus latent. 3. Reg. 7. 23.

CUM per meritum vitæ regentium de purgandis subditorum maculis tractaretur, Regul. Past. parte 2. adjunctum est: *Quod ante fores templi mare æneum, id est luterem ad abluendas ingredientium manus duodecim boves portant, &c.* QUID per duodecim boves, nisi universus Pastorum ordo signatur? De quibus Paulo differente Lex dicit: *Non obturabis os bovi trituranti.* Quorum quidem nos aperta opera cernimus, sed apud distributum judicem quæ illos posterius maneat in occulta retributione nescimus. Qui tamen cum condescensionis suæ patientiam diluendis proximorum confessionibus præparant, velut ante fores templi luterem portant; ut quisquis intrare æternitatis januam nititur, tentationes suas menti Pastoris indicet, ut quasi in bonum lutere, cogitationis vel operis, manus lavet. Cap. 5. circa finem

C A P U T V.

Quod in templi ministerio, in basibus templi sculptorio opere leones, & boves, & Cherubim expressa sunt. 3. Reg. 7. 29.

CUM de perfectione sacerdotalis officii tractaretur, homil. 17. in Evang. adjunctum est: *Quod in templi ministerio, &c.* CHERUBIM, plenitudo scientiæ dicitur. Sed quid est quod in basibus nec leones sine bobus, nec boves sine leo-

1. Cor. 9. 9.
Ev. Deut. 25. 4.

Num. 12.

leonibus fiunt? Quid enim aliud designant bases in templo, nisi Sacerdotes in Ecclesia? Qui dum sollicitudinem regiminis tolerant, quasi more basium superimpositum onus portant. In basibus igitur Cherubim, exprimuntur: quia decet nimirum, ut Sacerdotum pectora plenitudine scientiæ sint referta. Per leones autem terror severitatis, per boves vero patientia mansuetudinis figuratur. Itaque in basibus nec leones sine bobus, nec boves sine leonibus exprimuntur: quia semper in sacerdotali pectore cum terrore severitatis custodiri debet virtus mansuetudinis, ut & iram mansuetudo condiciat, & eandem mansuetudinem, ne fortasse dissoluta sit, zelus distractionis accendat.

C A P U T VI.

3. Reg. 8. 10. *Nebula implevit domum Domini, & non poterant sacerdotes ministrare propter nebulam.*

Cum per intellectum reprobum ad perscrutanda sacri verbi mysteria, de cæcis Judæorum mentibus tractaretur, in expos. B. Job, l. 30. adjunctum est: *Nebula implevit domum Domini, &c.* EXIGENTIBUS meritis, dum superbi Judæorum Pontifices divina mysteria per parabolas audiunt, Sacerdotes in domum Domini quasi propter nebulam ministrare nequiverunt, qui & in Testamento veteri dum sensus mysticos litteræ velamine coopertos inter obscuras allegoriarum caligines investigare despiciunt, debitum fidei suæ ministerium propter nebulam perdiderunt. Quibus & tunc in nebula doctrinæ suæ vocem Dominus protulit, cum de se etiam aperta narravit. Quid est enim apertius quam, *Ego et Pater unum sumus?* Quid apertius quam: *Ante Abraham ego sum?* Sed quia auditorum mentes infidelitatis caligo compleverat, quasi emissum solis radium nebula interjacens abscondebatur. Quid per nebulam,

nisi caligo intelligentiæ designatur? Et quia apparente in carne Domino Sacerdotum sensus de ejus intellectu caliginem pertulit, nebula Synagogam, id est domum Domini implevit. Et Sacerdotes propter nebulam ministrare non poterant: quia dum ad intellectum incarnati Dei perfidiæ suæ peste obscurati sunt, veri sacerdotii ministerium perdiderunt.

C A P U T VII.

De Propheta, quem revertentem in itinere leo occidit. 3. Reg. 13. 16. 17. 18.

Dum de reprimenda in prosperis elatione cordis per cognitionem infirmitatis tractaretur, in expos. B. Job, l. 23. adjunctum est: *De Propheta, quem revertentem in itinere leo occidit.* QUID est homo, cujuslibet sit meriti, si a Conditoris sui protectione deferatur? Quæ nimirum protectio minus necessaria creditur, nisi semper habeatur. Sed utiliter plerumque subtrahitur, ut sibimetipsi homo quam sine illa nihil sit ostendatur. Manus igitur Domini aliquando nos nobis per adversa insinuat, quæ etiam nescientes nos in prosperis portat: quia destitutum cadere incipimus, & tamen adjuti retinemur: & doctrina fit, quod in lapsum trepidavimus; & custodia, quod in statu permanemus. Nemo ergo se alicujus virtutis æstimet, etiam cum quid fortiter potest. Quia si divina protectio deferat, ibi repente enerviter obruitur, ubi se valenter stare gloriabatur. Quid est enim quod vir Dei contra altare Samariæ ad prophetandum directus, præsentem rege auctoritatem liberæ vocis exercuit, ejusdemque regis extensum brachium in rigorem mirabiliter astrinxit, quod tamen mox misericorditer saluti restituit? Cujus in domo invitatus comedere noluit: quia ne in via comederet prohibitionis Dominicæ præcepta fervavit, qui tamen in eadem via & seductus comedit, & pastus interiit. Qua in

re

Num. 2.

Num. 53.
& 54.Joban. 10. 30.
Joban. 1. 58.

re quid subtili consideratione colligimus; quid, ut ita dixerim, formidandum suspicamur, nisi quod forsitan dum apud semetipsum tacitus pro præceptis Dominici regem se contemnisse gloriabatur, ab interna mox soliditate quassatus est, & inde ei opere culpa subripuit, unde gloria in corde surrexit; ut Prophetæ falsi verbis deceptus disceret, quia nequaquam propriæ fortitudinis fuerit, quod regis verbis resistisset. Bene autem ex ejus ore mortis sententiam accepit, cujus seductione a vitæ præcepto deviauit, ut inde pœnam veraciter sumeret, unde culpam negligenter admisisset.

CAPUT VIII.

3. Reg. 17. 1. *Vivit Dominus Deus Israel, in cujus conspectu sto.*

DUM de differendo intellectu sacri eloquii tractaretur, in expos. B. Job, l. 11. adjunctum est: *Vivit Dominus Deus Israel, &c.* SCIENTIUM est, quod duobus modis in conspectum Domini venimus: uno quidem, quo hic peccata nostra subtiliter perpendentes, in ejus nos conspectu^a ponimus, & flendo dijudicamus. Alio vero modo in conspectum Domini venimus, cum in extremo judicio ante tribunal ejus assistimus. Nam quoties Conditoris nostri potentiam ad sensum reducimus, roties in conspectu illius stamus. Unde recte nunc per virum Dei Eliam diciur: *Vivit Dominus Deus Israel, in cujus conspectu sto.*

CAPUT IX.

3. Reg. 19. 4. *Sufficit mihi, Domine, tolle, quæso, animam meam.*

CUM de electorum per occultam dispensationem tentationibus tractaretur, in expos. B. Job, l. 19. adjunctum est: *Sufficit mihi, Domine, tolle, quæso, animam meam.* SANCTI viri, qui sublevante spiritu ad summa rapiuntur, quamdiu in hac

vita sunt, ne aliqua elatione superbiant, quibusdam tentationibus reprimuntur, ut nequaquam tantum proficere valeant, quantum volunt. Sed ne extollantur superbia, fit in eis ipsarum quædam mensura virtutum. Hinc est enim quod Elias dum tot virtutibus in alta profecisset, quædam mensura suspensus est, dum Jezabel postmodum quamvis reginam, tamen mulierculam fugit. Perpendo quippe hunc miræ virtutis virum, ignem de cælo trahere, & secundo quinquagenarios viros cum suis omnibus petitione subita concremare, verbo cælos a pluviis claudere, verbo cælos ad pluvias aperire, suscitantem mortuos, ventura quoque prævidentem: & ecce rursus animo occurrit quo pavore ante unam mulierculam fugerit. Considero virum timore perculsum de manu Dei mortem petere, nec accipere: de manu mulieris mortem fugiendo vitare. Quærebat enim mortem dum fugeret, dicens: *Sufficit mihi, tolle animam meam, neque enim melior sum quam patres mei.* Unde ergo sic potens, ut tot illas virtutes faciat? Unde sic infirmus, ut ita feminam pertimescat? Nisi quia dispensatione superfluitus mensura occulta libraminis appenduntur, ut ipsi sancti Dei homines, & multum valeant per potentiam Dei, & rursus quadam mensura moderati sunt per infirmitatem suam? In illis virtutibus Elias quid de Deo acceperat, in istis infirmitatibus quid de se esse poterat agnoscebat. Illa potentia virtus fuit, ista infirmitas custos virtutis. In illis virtutibus ostendebat quid acceperat, in istis infirmitatibus hoc quod acceperat custodiebat. In miraculis monstrabatur Elias, in infirmitatibus servabatur.

CAPUT X.

Ecce Dominus transit, spiritus grandis 3. Reg. 19. 11. & seq.

^a Excusi, *ponimus*. Sequimur mss. Tom. XIV.

dis & fortis, subvertens montes, & conterens petras ante Dominum. Non in spiritu Dominus. Et post spiritum commotio: non in commotione Dominus; & post commotionem ignis: non in igne Dominus; & post ignem sibilus auræ tenuis, & ibi Dominus.

DUM de incircumscriptæ divinæ substantiæ visione corporeis in quantum negata est oculis tractaretur, in expos. B. Job, l. 5. adjunctum est; *Ecce Dominus transit, &c.* SPIRITUS ante Dominum evertit montes, & petras conterit: quia pavor, qui ex adventu ejus irruit, & altitudinem cordis nostri dejicit, & duritiam liquefacit. Sed spiritui commotionis & igni non inesse Dominus dicitur; esse vero in sibilo auræ tenuis non negatur, quia nimirum mens cum in contemplationis sublimitate suspenditur, quidquid perfecte conspiciere prævalet, Deus non est. Cum vero subtile aliquid conspicit, hoc est quod de incomprehensibili substantia æternitatis audit. Quasi enim sibilum tenuis auræ percipimus, cum saporem incircumscriptæ veritatis contemplatione subita subtiliter degustamus. Tunc ergo verum est quod de Deo cognoscimus, cum plene nos aliquid de illo cognoscere non posse sentimus. Unde bene illic subditur: *Quod cum audisset Elias, operuit vultum suum pallio, & ingressus stetit in ostio spelunçæ.* Post auræ tenuis sibilum, vultum suum Propheta pallio operuit, quia in ipsa subtilissima contemplatione veritatis, quanta ignorantia homo tegatur, agnoscit. Vultui namque pallium superducere, est, ne altiora mens quærere audeat, hanc ex consideratione propriæ infirmitatis velare, ut nequaquam intelligentiæ oculos ultra se præcipitanter aperiat, sed ad hoc quod apprehendere non valet, reverenter claudat. Qui hæc agens in spelunçæ

ostio stetit describitur: quid namque spelunca nostra est, nisi hæc corruptionis habitatio, in qua adhuc ex vetustate retinemur? Sed cum aliquid percipere de cognitione divinitatis incipimus, quasi jam in spelunçæ nostræ ostio stamus. Quia enim progredi perfecte non possumus, ad cognitionem tamen veritatis inhiantes, jam aliquid de libertatis aurâ captamus. In ingressu ergo spelunçæ stare, est represso nostræ corruptionis obstaculo, ad cognitionem veritatis incipere exire. Unde & nubé in tabernaculum descendente, Israelitæ e longinquo cernentes in papilionum suorum ostiis stetitisse memorantur: quia qui adventum divinitatis utcumque conspiciunt, quasi jam ex habitaculo carnis procedunt.

C A P U T XI.

Cum Elias vocem Domini secum loquentis audiret, in spelunçæ suæ ostio stetit describitur, & faciem velasse. 3. Reg. 19, 9.

CUM de electorum profectu per supernam gratiam tractaretur in expos. Ezech. l. 2. ho. 1. adjunctum est: *Cum Elias vocem Domini secum loquentis audiret, &c.* QUID est quod Propheta cum vocem Domini secum loquentis audivit, in spelunçæ suæ ostio stat, & faciem velat: nisi quia dum per contemplationis gratiam vox supernæ intelligentiæ fit in mente, totus homo jam intra speluncam non est: quia animum carnis cura non possidet? Sed stat in ostio, quia mortalitatis angustias exire meditatur. Sed jam qui in ostio spelunçæ consistit, & verba Dei in aure cordis percipit, necesse est ut faciem velet: quia dum per supernam gratiam ad altiora intelligenda ducimur, quanto sublimius levamur, tanto semper per humilitatem nosmetipsos in intellectu nostro premere debemus, ne conemur plus sapere quam oportet sapere, sed sapere ad

Num. 66.

Ibidem.

^a In Michael. & Gemet. laudatur hom. 1. in Ezech. ubi minime reperitur.

Rom. 12.

ad sobrietatem. Ne dum nimis invisibilia discutimus, aberremus; ne in illa natura incorporea, corporei luminis aliquid queramus. Aurem enim intendere, & faciem operire, est vocem interioris substantiæ audire per mentem, & tamen ab omni specie corporea oculos cordis avertere, ne quid sibi in illa corporale animus fingat, quæ ubique tota, & ubique incircumscripta est.

C A P U T XII.

3. Reg. 19. 18. *Reliqui mihi septem millia virorum, qui non curvaverunt genua ante Baal.*

Num. 107.

Cum de cavendo elationis vitio tractaretur, in expof. B. Job, l. 31. adjunctum est: *Reliqui mihi septem millia virorum, qui non curvaverunt genua ante Baal.* CERTUM est quod cordis sui oculum per elationis tenebras exstinguit, qui cum recta agit, considerare meliorum merita negligit. At contra magno humilitatis radio semetipsum illuminat, qui aliorum bona subtiliter pensat: quia dum ea, quæ ipse fecerit, facta foris & ab aliis conspiciunt, cum, qui de singularitate intus erumpere nititur, superbiæ tumorem premit. Hinc est enim quod voce Domini ad Eliam solum se æstimantem dicitur: *Reliqui mihi septem millia virorum, qui non curvaverunt genua ante Baal*; ut dum non solum se remisisse cognosceret, elationis gloriam, quæ ei de singularitate surgere poterat, declinaret. Propheta nempe erat, & sæpe mysteria superna cognoverat. Quid ergo difficile fuit agnoscere in hoc mundo fideles Deo famulos & alios remansisse? sed hinc solerter intuendum est, oculum cordis elatio quam nequiter claudat; quia qui humilis & occulta Dei judicia noverat, elatus & aperta nesciebat.

C A P U T XIII.

3. Reg. 22. *Vidi Dominum sedentem super solium suum, & cæli exercitum a dex-*

tris, et a sinistris ejus, et dictum est: In quo decipiam Achab ut ascendat, et cadat in Ramoth Galaad? Et dixit alius ita, et alius aliter. Et egressus est unus, et dixit: Ego decipiam Achab. Et dictum est: In quo decipies? Qui respondit dicens: Egrediar, et ero mendax spiritus in ore omnium Prophetarum ejus.

Cum de electorum atque reproborum spirituum ministeriis per occultum divinæ distributionis ordinem tractaretur, in expof. B. Job, Num. 38. l. 2. adjunctum est: *Vidi Dominum sedentem super solium suum, etc.* QUID solium Domini, nisi angelicas potestates accipimus? Quorum mentibus altius præsidens, inferius cuncta disponit. Et quid exercitus cæli, nisi ministrantium Angelorum multitudo describitur? Quid est ergo quod exercitus cæli a dextris & a sinistris ejus stare perhibetur? Deus enim, qui ita est intra omnia, ut etiam sit extra omnia, nec dextra nec sinistra concluditur. Sed dextra Dei Angelorum pas electa, sinistra autem Dei pars Angelorum reprobata designatur. Neque enim ministrant Deo solummodo boni, qui adjuvent, sed etiam mali, qui probent. Non solum qui a culpa redeunt sublevent, sed etiam qui redire nolentes gravent; nec quod cæli exercitus dicitur, Angelorum pars reprobata in eo intelligi posse prohibetur. Quas enim suspendi in aere novimus, aves cæli nominamus. Et de eisdem spiritibus Paulus dicit: *Contra spiritualia nequitie in cælestibus.* Quorum caput enuntians ait: *Secundum principem potestatis aeris hujus.* A dexteram ergo Dei, & a sinistram, Angelorum exercitus stat: quia voluntas electorum spirituum divinæ pietati concordat, & reproborum sensus suæ malitiæ ferviens, iudicio distributionis ejus obtemperat. Unde & mox fallax spiritus in medium profiliisse

describitur, per quem Achab rex exigentibus suis meritis decipiatur. Neque enim fas est credere bonum spiritum fallaciæ deservire voluisse, ut diceret: *Egrediar, et ero spiritus mendax in ore omnium Prophetarum ejus*. Sed quia Achab rex peccatis præcedentibus dignus erat ut tali debuisset deceptione damari, quatenus qui sæpe volens ceciderat in culpam, quandoque nolens caperetur ad pœnam; occulta justitiæ licentia malignis spiritibus datur, ut quos volentes in peccati laqueo strangulant, in peccati pœnam etiam nolentes trahant. ^a Is, qui vitam reprobam non vitat, a perpetrandis peccatis animum non avertit; cum a Propheta aliquid requirit, illa audit Deo disponente quæ meretur audire damnandus. Ecce enim, ut unum vel duo ex multis loquamur, ab omnipotentis Dei cultu domus Israel sub idolorum servitute recesserat, & tamen ad Prophetas a quibus decipi consueverat, sæpe veniebat prospera requirens. Cum verò ex ore Prophetarum perversa agens prospera audiret, quid aliud superna judicia agebant, nisi ut peccator populus in suo corde caperetur? Quatenus qui perfidiam sequendo deliquerat, sic Prophetarum suorum blandis sermonibus deciperetur, ut jam nec pertimesceret quia deliquisset; & tanto post durius raperetur ad pœnam, quanto nunc securius viveret in culpa. Sed ecce jam, largiente omnipotente Deo, ab idolorum cultu remotum est genus humanum, veram fidem publice fatetur, subdi lignis & lapidibus vel cuilibet creaturæ adoratione renuit. Securus ergo jam Prophetam quilibet in fide positus consulit, quia hoc auditurus est quod audire fidelem decet. Fidenter dicam, si ab immun-

ditiis aliis atque pravis actibus recessisset, securus esset. Nam Paulus egregius prædicator clamat: *Et avaritia, quæ est idolorum servitus*. Quisquis enim adhuc avaritiæ subiectus est, a cultu idolorum liber non est. Si ergo is, qui avaritiæ æstibus anhelat, in fide quidem positus esse videtur; sed aliena ambit accipere, honores mundi desiderat, præire cæteros temporali gloria concupiscit, atque de hac eadem gloria Prophetam consulat: justum valde est ut ex culpæ suæ merito a Prophetæ ore prospera audiat. Quatenus qui verba Dei audire in sacro eloquio noluit, ut terrena despiceret, cœlestia amaret; illud, Deo iudice, ex Prophetæ sui ore audiat unde amplius obligatus cadat, dum spe terrenæ gloriæ delectatus pascitur, suisque desideriis ad ima semper ducatur. Neque enim bonus fuit ille spiritus qui mendax esse appetiit in ore Prophetarum. Ude & præmissum est, quia exercitus cœli stetit a dextris & sinistris ejus. Deus enim qui incircumscripita est veritas, in illa æterna beatitudine, quæ dextra ejus dicitur, sinistram non habet, quia nihil ibi esse quod displiceat, potest; sed quia simul omnia contuetur, simul cuncta aspicit. Ea autem, in qua bonus spiritus & malus vivit, exercitum cœli a dextris & a sinistris habere describitur; ut per dexteram intelligamus Angelos electos, per sinistram vero spiritus reprobos. Nec movere debet quod exercitus cœli etiam repulsi Angeli vocantur, quia & ipsi quamvis ab æthereo cœlo expulsi sunt, adhuc tamen in æreo cœlo demorantur, sicut Paulus ait: *Contra spiritualia nequitiae in cœlestibus*. Ephes. 5. 5.

Finis expositionis Libri tertii Regum.

^a Hæc loco indica, o minime leguntur. Exstant in ms. Michael. tamquam ab antecedentibus separata, ut conjicere licet ex majori littera quæ incipit lineam simili pror-

sus iis quæ initio capitulorum ponuntur. In Gemetic. præmittitur: *Item unde supra.* Et in Utic, *Item in eodem libro.*

CAPITULA LIBRI DECIMI

IN LIBRUM QUARTUM REGUM.

- 1 **Q**uod Elias in cælo raptus sit.
- 2 De muliere vidua, quæ ne duos filios auferente creditore amitteret, Elisæi Prophetæ dictis obediuit, &c.
- 3 De filio Sunamitis, quem puer ab Elisæo missus cum baculo non resuscitat, per semetipsum vero Elisæus veniens, seque super mortuum sternens, atque ad ejus membra se colligens, &c.
- 4 Quod Prophetarum filii dum in Jordane ligna caderent, uni eorum securis ex manubrio in profundum lapsa disparuit, in quo jactatum per Elisæum manubrii lignum, ad eum ferrum rediit.
- 5 Dies tribulationis, & increpa-

- tionis, & blasphemie dies hæc; in te venerunt filii usque ad partum, & vires non habet parturiens.
- 6 Quodcumque reliquum fuerit de domo Juda mittet radicem deorsum, & faciet fructum sursum.
- 7 Item unde supra.
- 8 Dispone domui tuæ, quia morieris tu, & non viues.
- 9 Obsecro, Domine, momento quomodo ambulaverim coram te in veritate, & in corde perfecto.
- 10 Ecce dies veniunt, & auferentur omnia quæ in domo tua sunt, in Babylonem.
- 11 Occidit rex Babylonis filios Sedechiæ in Reblatha coram eo: oculos quoque Sedechiæ eruit.

L I B E R D E C I M U S

DE TESTIMONIIS IN LIBRUM IV. REGUM

CAPUT PRIMUM.

De Elia quod in cælum raptus sit :

4. Reg. 2. 11.
12.

Cum de ascensione Dominica tractaretur, hom. 29. in Evang. adjun-

Num 5. & 6. Etum est : De Elia quod in cælum raptus sit. QUID est quod Elias in cælum raptus dicitur? Numquidnam eum adhuc in carne corruptibili positum ad illius summæ quietis finem ante resurrectionem ascensionemque Domini credimus esse perductum? Sed aliud est cælum aerium, aliud æthereum. Cælum quippe aerium, terræ est proximum. Unde & aves cæli dicimus, quia eas volitare in aere videmus. In cælum quippe aerium Elias sublevatus est, ut in secretam quam-

dam terræ regionem repente duceretur, ubi in magna jam carnis & spiritus quiete viveret, quousque ad finem mundi redeat, & mortis debitum solvat. Sublevatus namque Elias ascensionem Dominicam designavit. Ille enim mortem distulit, non evasit. Redemptor autem noster quia non distulit, superavit, eamque resurgendo consumpsit, & resurrectionis suæ gloriam ascendendo declaravit. Notandum quoque quod Elias in curru legitur ascendisse, ut videlicet aperte monstraretur, quia homo purus adjutorio egebat alieno. Per Angelos quippe illa facta & ostensa sunt adjumenta: quia nec in cælum, quod est aerium, per se ascendere poterat, quem na-

tu-

Genes. 15.

turæ suæ infirmitas gravabat . Redemptor autem noster non currunt Angelis sublevatus legitur : quia is , qui fecerat omnia , nimirum super omnia sua virtute ferebatur . Illuc etenim revertebatur ubi erat , & inde redibat ubi remanebat . Quia cum per humanitatem ascenderet in cælum , per divinitatis suæ potentiam , & terram pariter continebat & cælum . Sicut autem Joseph a fratribus venditus , venditionem nostri Redemptoris figuravit : sic Enoch translatus , atque ad cælum aereum Elias sublevatus , ascensionem Dominicam uterque designavit . Ascensionis ergo suæ Dominus prænuntios & testes habuit , unum ante Legem , alium sub Lege , ut quandoque veniret ipse qui veraciter cælos penetrare potuisset . Unde & ipse ordo in eorum quoque utrorumque sublevatione per quædam incrementa distinguitur . Nam Enoch translatus , Elias vero ad cælum subvectus esse memoratur ; ut veniret postmodum qui nec translatus , nec subvectus cælum æthereum sua virtute penetraret . Qui nobis in se credentibus quia carnis suæ quoque munditiam largiretur , & sub eo per incrementa temporum virtus castitatis excresceret , in ipsa quoque eorum translatione qui ascensionem Dominicam , ut videlicet famuli designaverunt , & in se ipso , qui ad cælum ascendit , Dominus ostendit . Nam Enoch quidem uxorem & filios habuit ; Elias vero neque uxorem , neque filios legitur habuisse . Pensate ergo quomodo per incrementa temporum creverit munditia castitatis ; quod & per translatos famulos , & per ascendentis Domini personam patenter ostenditur : translatus namque est Enoch per coitum genitus , & per coitum generans . Raptus est Elias per coitum genitus , sed non jam per coitum generans . Assumptus vero est

Dominus , neque per coitum genitus , neque per coitum generans .

CAPUT II.

De muliere , quæ ne duos filios auferente creditore amitteret , Elisei Propheta dictis obediit , & ex eo quod parum olei habebat , per vasa vacua effudit , quæ cuncta post , usque ad summum repleta sunt , & ex eorum repletionem mulier a creditoris sui debito est soluta . 4. Reg. 4. 1. 2.

Cum de Gentilis Judaicque populi per Ecclesiam credulitate per meritum crescentis Ecclesiæ tractaretur , hom. 3. in Ezech. adjunctum est : *De muliere , quæ ne duos filios auferente creditore amitteret , &c.* QUID per hanc mulierem , nisi sancta Ecclesia designatur ? Duorum populorum , id est Judaici & Gentilis , quasi duorum filiorum mater , quæ ex perverso opere per callidi spiritus persuasionem , quasi quemdam peccati nummum a creditore acceperat , & duos , quos in fide genuit , amittere filios timebat . Sed Prophetæ verbis , id est Scripturæ sacræ præceptis obediens , ex parvo quod habebat olei , vasa vacua infudit : quia dum ab unius ore Doctoris parvum quid de amore divinitatis multorum vacuæ mentes audiunt , exuberante gratia , unguento divini amoris usque ad summum replentur . Et jam nunc multorum corda , quæ prius fuerant vacua vascula , unguento spiritus plena sunt , quæ ex paucitate olei solummodo infusa videbantur . Quod dum aliis atque aliis datur , & ab auditoribus fides accipitur , Sareptana mulier , videlicet sancta Ecclesia sub creditoris sui jam debito non tenetur .

CAPUT III.

De filio Sunamitis , quem puer ab Eliseo missus cum baculo non resuscitat , per semetipsum vero Eliseus veniens , seque super mortuum 4. Reg. 4. 27. 28. &c.

tuum sternens; atque ad ejus membra se colligens, huc & illuc deambulans, & in ore mortui septies aspirans, hunc ad redvivam lucem protinus per mysterium compassionis animavit.

Cum de novi Testamenti gratia per Mediatorem exhibita tractaretur in expos. B. Job, l. 9. adjunctum est: *De filio Sunamitis, &c.* AUCTOR humani generis Deus quasi mortuum puerum doluit, cum extinctos nos iniquitatis aculeo miseratus aspexit. Et quia per Moysen terrorem Legis protulit, quasi per puerum virgam misit. Per Legem quippe virgam Deus tenuerat cum dicebat: *Si quis hæc vel illa fecerit, morte moriatur.* A peccati igitur morte timor nos suscitare non valuit, sed ad statum vitæ aspirata mansuetudinis gratia erexit: Sed puer cum baculo mortuum suscitare non valuit: quia, Paulo attestante, *nihil ad perfectum duxit Lex*: Ipse autem per semetipsum veniens, & super cadaver se humiliter sternens, ad exæquanda sibi mortui membra se colligit: quia *cum in forma Dei esset, non rapinam arbitratus est esse se æqualem Deo, sed semetipsum exinanivit, formam servi accipiens, in similitudinem hominum factus, & habitu inventus ut homo.* Huc illucque deambulat: quia & Judæam juxta, & longe positas gentes vocat. Super mortuum septies aspirat: quia per apertionem divini muneris gratiæ septiformis spiritum in peccati morte jacentibus aspirat. Moxque vivens erigitur: quia is, quem terroris virga suscitare non potuit, per amoris spiritum puer ad vitam rediit.

CAPUT IV.

Quod Prophetarum filii dum in Jordane ligna caderent, uni eorum securis ex manubrio in profundum lapsa disparuit. In quo jactato per

Elisæum manubrii ligno, ad eum ferrum rediit.

Cum de servando in exhibitio-
ne operis intelligentiæ dono tractaretur, in expos. B. Job, l. 22. adjunctum est: *Quod Prophetarum filii dum in Jordane ligna caderent, &c.* FERRUM in manubrio, est donum intellectus in corde. Ligna vero per hoc cadere, est prave agentes increpare. Quod nonnunquam dum fluxe agitur, dum lapsus vanæ gloriæ in accepta eadem scientia non vitatur, ferrum in aqua perditur, quia ex dissoluto opere intelligentia fatuatur. Quam profecto intelligentiam ad hoc novimus dari, ut ante dantis oculos ex bona debeat actione restitui. Unde & recte is, qui ferrum amiserat clamabat: *Heu, heu, heu, domine mi, & hoc ipsum mutuo acceperam.* Habent enim hoc electi proprium, ut si quando eis in sua scientia furtiva vanæ gloriæ culpa surrepit, ad cor velociter redeant, & quidquid in se ante districti judicis oculos damnable inveniunt, lacrymis insequantur. Qui flentes, non solum caute inspiciunt mala quæ commiserunt, sed ex accepto munere quæ reddere etiam bona debuerunt: quia nimirum tanto se amplius peccatores sentiunt, quanto ex neglectis bonis, quæ agere poterant debitores tenentur. Recte ergo qui ferrum perdidit clamabat; *Heu, heu, heu, domine mi, & hoc ipsum mutuo acceperam.* Ac si dicat: Illud per dissolutionem negligentiam perdidit, quod ut per bona opera redderem, ex gratia Conditoris accepi. Sed nunquam Deus mentem deserit, quæ in peccatis se veraciter agnoscit. Unde & mox Elisæus veniens, lignum deorsum mittit, & ferrum in superficiem: quia videlicet Redemptor noster, pie nos respiciens, cor peccatoris humiliat, & ei quam amiserat intelligentiam reformat. Lignum

mer;

Num. 83.

Hebr. 7. 19.

Philip. 2. 5.

Num. 9. 10.

4. Reg. 6. 5.

4. Reg. 6. 3. 5.

Transf. 70.

mergit, & ferrum revelat: quia cor affligit, & scientiam reparat. Unde bene alia translatio dicit, quod confregit lignum atque iactavit, & sic ferrum sustulit. Lignum namque confringere, est cor ab elatione conterere. Lignum ad ima iactare, est elatum cor in cognitione, ut diximus, propriæ infirmitatis humiliare. Atque illico ferrum ad superficiem redit: quia ad usum exercitationis pristina intelligentia recurrit. Igitur quoniam donum intellectus, quod accipitur, vix cum tot difficultatibus cultoditur: curandum valde est, ne otio torpeat, curandum ne exercitatione operis vitio elationis evanescat. Sancti namque viri minime exsultant, cum cognoscunt quæ faciunt, sed cum faciunt quæ cognoverant. Et si intelligendo congaudent muneri largitoris, mærentes tamen considerant debitum operis, ut videlicet actione persolvant quod eis prærogatum est in cognitione. Stultus namque est debitor, qui gaudens pecunias mutuas accipit, & tempus quo reddere debeat non attendit. Moderatur autem lætitia accipiendi, quando solerti providentia etiam constitutum tempus reddendi cogitatur.

CAPUT V.

4. Reg. 19. 34.

Dies tribulationis, et increpationis, et blasphemiae dies iste. Venerunt filii usque ad partum, et vires non habet pariens.

Cum de difficultate in exhibitione concepti operis tractaretur, adjunctum est: *Dies tribulationis, etc.* ^a HÆC juxta litteram peccatis facientibus videmus, quia cum hostes irruunt, defensores vestri præparantur, sed nullatenus præparata convalescunt. Scriptum namque est: *Requiescet super eum spiritus consilii et fortitudinis.* Quæ utraque sibi necessario juncta sunt, quia neque

virtus sine consilio esse utilis valet, neque consilium sine virtute. Quid igitur profunt qui per consilium præparantur, dum ad prælium per fortitudinem non procedunt? Afflictus ergo atque turbatus Ezechias rex loquitur, dicens: *Dies tribulationis, & blasphemiae dies iste. Venerunt filii usque ad partum, & vires non habet parturiens.* Filii quippe usque ad partum veniunt, quando apta consilia usque ad desiderium efficiendi operis procedunt. Sed virtutem non habet parturiens, quia dum infirmus quisque consilia concipit, hæc ad utilitatem aliquam per partum operis non perducit.

CAPUT VI.

Quodcumque reliquum fuerit de domo Juda, mittet radicem deorsum, & faciet fructum sursum.

Cum de mansuris in æterna retributione electorum cogitationibus tractaretur in expos. B. Job. lib. 12. adjunctum est: *Quodcumque reliquum fuerit de domo Juda, &c.* ^{Num 53.} QUOD radix arbori, hoc cuique hominum cogitatio sua est: quia in hoc quod exterius videtur, per illud tenetur quod exterius non videtur. Unde & nunc dicitur: *Mittet radicem deorsum, & faciet fructum sursum.* Cum enim cogitationem nostram ad compatiendum indigenti proximo tendimus, quasi radicem deorsum mittimus, ut retributionis fructum superius faciamus.

CAPUT VII.

Item unde supra.

In expos. B. Job, l. 8. QUID ^{Num. 21.} in hoc loco radicem nomine, nisi latentes cogitationes accipimus, quæ in occulto prodeunt, sed in ostensione operum per apertum surgunt? Radicem ergo deorsum mittere, est cogitationem bonam in abditis multiplicare. Fructum vero sursum fac-

^a In ms. Michael. legitur hæc ex hom. 10. in Ezech. excepta esse; ubi tamen non

habentur. In Genet. assignatur hom. 5. in Ezech.

cere, est per efficaciam operis re-
cta, quæ cogitavit, ostendere: *Mit-
tet ergo radicem deorsum, ut faciat
fructum sursum*: Ac si aperte dice-
retur: In imis cogitatio nascitur,
ut in summis retributio reddatur.

C A P U T VIII.

4. Reg. 20. 1. *Dispone domui tuæ, quia morieris
tu, & non vives.*

DUm per præfixum de ordine
divinæ scientiæ ordinem, de
humanæ vitæ termino tractaretur,
in expos. B. Job, l. 12. adjunctum
est: *Dispone domui tuæ, quia mo-
rieris tu, & non vives*. NULLA,
quæ in hoc mundo hominibus fiunt,
absque omnipotentis Dei occulto con-
silio veniunt. Nam cuncta Deus fe-
cutura præsciens, ante secula decre-
vit qualiter per secula disponantur.
Statutum quippe jam homini est,
vel quantum hunc mundi prosperitas
sequatur, vel quantum adversitas
feriat, ne electos ejus aut immode-
rata prosperitas eleve, aut nimia
adversitas gravet. Statutum quoque
est quantum in ipsa vita mortali
temporaliter vivat: nam etsi annos
quindecim Ezechix regi ad vitam ad-
didit omnipotens Deus, cum eum
mori permisit, tunc eum præscivit
esse moriturum. Qua in re quæstio
oritur, quomodo ei per Prophetam
dicatur: *Dispone domui tuæ, quia
morieris tu, & non vives*. Cui cum
mortis sententia dicta est, protinus
ad ejus lacrymas est vita addita.
Sed per prophetam Dominus dixit
quo tempore mori ipse merebatur,
per largitatem vero misericordiæ il-
lo eum tempore ad mortem distu-
lit, quo ante secula ipse præscivit.
Nec propheta igitur fallax, quia
tempus mortis innotuit, quo vir il-
le mori merebatur: nec Dominica
statuta convulsa sunt, quia ut ex

largitate Dei anni vitæ crescerent;
hoc quoque ante secula præfixum
fuit, atque spatium vitæ quod ino-
pinate foris est additum, sine aug-
mento præscientiæ fuit intus statu-
tum.

C A P U T IX.

*Obsecro Domine, memento quomodo 4 Reg. 22. 2.
ambulaverim coram te in veri-
tate, et in corde perfecto.*

CUm^a de postulanda apud Do-
minum cordis munditia tra-
ctaretur, in expos. B. Job, l. 12.
adjunctum est: *Obsecro Domine, etc.*
PLERUMQUE justii aliquibus ne-
cessitatibus afflicti, sua opera cogun-
tur fateri. Sed cum eorum dicta in-
justi audiunt, hæc per elationem
potius, quam per veritatem existi-
mant prolata; ex suis enim cordi-
bus verba justorum pensant, & di-
ci humiliter posse verba bona non
æstimant. Sicut enim gravis culpa
est sibi hoc hominem arrogare quod
non est, sic plerumque culpa nulla
est, si humiliter bonum dicat, quod
est. Unde sæpe contingit, ut justii
& injusti habeant verba similia, sed
tamen cor longe semper dissimile:
& ex quibus dictis Dominus ab in-
justis offenditur, in eisdem quoque
a justis placatur. Nam Phariseus in-
gressus templum dicebat: *Jejunio his
in Sabbato: decimas do omnium,
quæ possideo*. Sed justificatus magis
Publicanus quam ille, exiit. Eze-
chias quoque Rex cum molestia cor-
poris afflictus ad extremitatem per-
venisset vitæ, in oratione compun-
ctus dixit: *Obsecro, Domine, me-
mento quomodo ambulaverim coram
te in veritate, & in corde perfecto*.
Nec tamen Dominus hanc confessio-
nem perfectionis ejus despexit aut
renuit; quem mox in suis precibus
exaudivit. Ecce Phariseus se justifi-
fica-

^a In editis legitur: *merita sua viri justii
sine superbia interdum ad memoriam revo-
cant*. Id sane habet Gregorii testimonium.

Tom. XIV.

At sequimur mss. Utic. Michael. Gemet.
&c.

ficavit in opere, Ezechias iustum se asseruit etiam in cogitatione. Atque unde ille offendit, inde iste Dominum placavit. Cur itaque hoc? nisi quia omnipotens Deus singulorum verba a cogitationibus pensat, & in ejus auribus superba non sunt quæ humili corde proferuntur.

C A P U T X.

4. Reg. 20. 17. *Ecce dies venient, & auferentur omnia, quæ in domo tua sunt, & in Babylonem.*

Cum de cavenda in prosperis elatione cordis tractaretur in expositione B. Job, lib. 8. adjunctum est: *Ecce dies venient, &c.*

^a QUID hoc loco Prophetæ sententia contra Ezechiam Regem significat, nisi arrogantiam hypocritarum, qui cogitationes suas in exquirenda hominum admiratione multiplicant? Per omne enim quod hypocritæ faciunt, quia occultis cogitationibus laudes hominum requirunt, quasi radices scirpi in acervum petrarum mittunt. Operaturi quippe laudes suas cogitant, laudati autem has secum taciti in cogitationibus versant. Gaudent se præcipuos in humana æstimatione claruisse. Cumque inflati favoribus apud semetipsos intumescunt, sæpe mirantur taciti etiam ipsi quod sunt. Videri quotidie semetipsos altiores cupiunt, ac miris intentionibus in opere excrescunt: quia sicut virtus humilitatis omne vitium enervat, sic arrogantia roborat. Cogit namque mentem juvenescere, & contra vires valere: quia & quod negat vigor valetudinis, imperet amor laudis. Unde & factis suis, ut diximus, ^{*} arbitros inquirunt. Si vero eorum operi testes deesse contingat, narrant ipsi quæ gesserint. Cumque efferrî favoribus cœperint, sæpe eisdem suis operi-

^{*} In mss. arbitros.

bus, quæ peregrisse se referunt, mentiendo aliquid adjungunt. Cum vero & vera dicunt, hæc dicendo aliena faciunt: quia quæsitis remunerati favoribus, ab eorum intima retributione vacuantur. In eo enim quod bona sua patefaciunt, ostendunt malignis spiritibus quasi insidiantibus hostibus quæ prædentur. Quorum profecto vitam illa cunctis notissima Ezechiæ culpa figuravit, qui postquam una prece, & sub unius noctis spatio, centum octoginta quinque millia hostium Angelo feriente prostravit, postquam occasui proximum ad altiora cæli spatia solem reduxit, postquam vitam propinquanti jam termino coarctatam in tempora longiora protelavit: susceptis Babylonici regis nuntiis, bona omnia, quæ possidebat, ostendit. Sed Prophetæ voce protinus audit: *Ecce dies venient, & auferent omnia quæ in domo tua sunt in Babylonem: non relinquetur quidquam, dicit Dominus.* Sic nimirum hypocritæ postquam magnis virtutibus excrescunt, quia cavere malignorum spirituum insidias negligunt, & celari in eisdem virtutibus nolunt, bona sua ostendendo, ^b ostium faciunt, & prodentes subito amittunt, quidquid diutius studentes operantur. Hinc per Psalmistam dicitur: *Tradidit in captivitatem virtutes eorum, et pulcritudinem eorum in manus inimici.* Virtus quippe & pulcritudo arrogantium inimici manibus traditur: quia omne bonum, quod per concupiscentiam laudis ostenditur, occulti adversarii juri mancipatur. Hostes namque ad rapinam provocat, qui suas eorum notitiæ divitias denudat. Quousque enim ab æternæ patriæ securitate disjungimur, per latronum insidiantium iter ambulamus.

^a Brevior est in vulgatis sententia: sequimur autem mss. Sagiensem, Utic. Gemet. & præsertim Michael. emendatiorem.

^b Sag. prædam faciunt. In aliis mss. le-

gitur, *hostium faciunt*, quod duplicem patitur sensum. Primum, *hostibus permittunt*. Secundum, *ostium aperiunt*. In mss. enim ostium per *b*, scribitur.

mus. Qui ergo in itinere deprædari formidat, abscondat necesse est bona quæ portat. O miseri! qui affectantes laudes hominum in semet ipsis dissipant fructus laborum, cumque se ostendere alienis oculis appetunt, damnant quod agunt. Quos nimirum maligni spiritus, cum ad jactantiam provocant, eorum sicut diximus, opera captivantes denudant. Hinc est enim quod per Evangelium Veritas dicit: *Nesciat sinistra tua, quid faciat dextera tua, ut sit elemosyna tua in abscondito, & pater tuus, qui viat in abscondito, reddet tibi.* Hinc quod de electorum Ecclesia per Psalmistam dicitur: *Omnis gloria ejus filia regum ab intus.* Hinc Paulus ait: *Gloria nostra hæc est, testimonium conscientie nostræ.* Filia quippe regum Ecclesia, quæ in bono est opere spiritualium principum prædicatione generata, gloriam intus habet: quia hoc quod agit, in ostentationis jactantia non habet. Gloriam suam Paulus testimonium conscientie memorat: quia favores oris alieni non appetens, vitæ suæ gaudia extra semetipsum ponere ignorat. Occultanda sunt ergo quæ agimus, ne hæc in hujus vitæ itinere incaute portantes, latrocinantium spirituum incurfione perdamus.

C A P U T XI.

2. Reg. 25. 6. 7 *Occidit res Babylonis filios Sedechie in Reblatha coram eo: oculos quoque Sedechie eruit.*

a Post hoc caput aliud legitur in mss. Gemet. ac Michael. excerptum ex l. 14. in Job, cujus testimonii initium est: cum scriptum sit, *Caro & sanguis*. &c. sic autem

DUm de perseveranti cordis innocentia, & de cavendis anti- qui adversarii subtilissimæ tentantio- Num. 37a nis aculeis tractaretur, in expos. B. Job, l. 7. adjunctum est: *Occidit rex Babylonis filios Sedechie in Reblatha coram eo, &c.* CUM Scriptura sacra Sedechie captivitatem narrat, ordinem captivitatis internæ denuntiat. Rex quippe Babylonis, est antiquus hostis possessor intimæ confusionis. Qui prius filios anteintuentis oculos trucidat: quia sæpe sic bona opera interficit, ut hæc se amittere ipse qui captus est, dolens cernat. Nam bona gignit plerumque animus, & tamen carnis suæ delectationibus victus, bona quæ genuit amans perdit; & quæ patitur damna confiderat, nec tamen virtutis brachium contra regem Babylonis levat. Sed dum videns nequitie perpetratione percutitur, ad hoc quandoque peccati usu perducitur, ut ipso quoque rationis lumine privetur. Unde Babylonis rex, extinctis prius filiis, Sedechie oculos eruit: quia malignus spiritus subductis prius bonis operibus, post & intelligentiæ lumen tollit. Quod recte Sedechias in Reblatha patitur. Reblatha quippe, Multa hæc, interpretatur. Etenim quandoque & lumen rationis clauditur, qui pravo usu ex iniquitatis suæ multitudine gravatur. ^a

absolvitur: eandem per naturam, diversam per gloriam: eandem per veritatem, diversam per potentiam. Quæ collecta sunt ex n. 72. & seq.

Finis Libri quarti Regum.

CAPITULA LIBRI UNDECIMI

SUPER PSALMOS.

- 1 **E**T in cathedra pestilentie non sedit.
- 2 Et erit tamquam lignum quod plantatum est secus decursus aquarum.
- 3 Item unde supra.
- 4 Reges eos in virga ferrea, et tamquam vas figuli confringes eos.
- 5 Servite Domino in timore, et exsultate ei cum tremore.
- 6 Filii hominum, usquequo gravi corde?
- 7 Irascimini et nolite peccare.
- 8 Scuto bonæ voluntatis tuæ coronasti nos.
- 9 Mane astabo tibi, et videbo.
- 10 Domine, ne in ira tua arguas me, neque in furore tuo corripias me.
- 11 In inferno autem quis confitebitur tibi?
- 12 Turbatus est præ ira oculus meus.
- 13 Inveteravi inter omnes inimicos meos.
- 14 Deus iudex iustus, fortis, et longanimis.
- 15 Arcum suum tetendit et paravit, etc.
- 16 Concepit dolorem et peperit iniquitatem.
- 17 Ut destruas inimicum, et defensores.
- 18 Quoniam videbo cælos tuos opera digitorum tuorum.
- 19 Pisces maris qui perambulant semitas maris.
- 20 Qui exaltas me de portis mortis, ut annuntiem, etc.
- 21 Non in finem oblivio erit pauperum, etc.
- 22 Sub lingua ejus labor et dolor, sedet in insidiis etc.
- 23 Insidiatur in occulto sicut leo in cubili suo.
- 24 In Domino confido, quomodo dic-
- tis animæ meæ: Transmigra in montem sicut passer?
- 25 Paraverunt sagittas suas in pharetra, ut sagittent, etc.
- 26 Palpebræ ejus interrogant filios hominum.
- 27 Item unde supra.
- 28 Pluet super peccatores laqueos ignis, sulphur, et spiritus, etc.
- 29 Eloquentia Domini, eloquia casta.
- 30 In circuitu impii ambulant.
- 31 Dixit insipiens in corde suo, Non est Deus.
- 32 Illic trepidaverunt timore, ubi non erat timor.
- 33 Dixi Domine, Deus meus es tu.
- 34 Funes ceciderunt mihi in præclaris, etc.
- 35 Ego clamaui quoniam exaudisti me Deus.
- 36 Sub umbra alarum tuarum protege me.
- 37 Diligam te, Domine, virtus mea.
- 38 Caligo sub pedibus ejus, et ascendit super Cherubim, etc.
- 39 Item unde supra.
- 40 Posuit tenebras latibulum suum.
- 41 Tenebrosa aqua in nubibus aeris, præ fulgore, etc.
- 42 Qui perfecit pedes meos tamquam cervorum.
- 43 Filii alieni mentiti sunt mihi, filii alieni inveteraverunt, et claudicaverunt a semitis suis.
- 44 Cæli enarrant gloriam Dei.
- 45 In sole posuit tabernaculum suum.
- 46 Ipse tamquam sponsus procedens de thalamo suo.
- 47 Pones eos ut clibanum ignis in tempore vultus tui, etc.
- 48 Deus meus clamabo per diem, nec exaudies, etc.
- 49 Item unde supra.
- 50 Virga tua, & baculus tuus ipsa me consolata sunt.

- 51 Impinguasti in oleo caput meum.
 52 Qui non accepit in vano animam suam.
 53 De necessitatibus meis eripe me.
 54 Proba me, Domine, & tenta me.
 55 Dominus illuminatio mea, et salus mea, quem timebo.
 56 Item unde supra.
 57 Unam petii a Domino, hanc requiram.
 58 Abscondes eos in abscondito vultus tui, etc.
 59 Ego dixi in excessu mentis meae, projectus sum a vultu oculorum tuorum.
 60 Item unde supra.
 61 Viriliter agite, et confortetur cor vestrum.
 62 Item unde supra.
 63 Item unde supra.
 64 Beati quorum remissa sunt iniquitates.
 65 Conversus sum in ærumna mea dum configitur spina.
 66 Dixi, pronuntiabo adversus me injustitias meas Domino, etc.
 67 In chamo et freno maxillas eorum constringe, qui non approximant ad te.
 68 Verbo Domini cæli firmati sunt, et spiritu oris ejus, etc.
 69 Congregans quasi in utre aquas maris.
 70 Gustate & videte quoniam suavis est Dominus.
 71 Divites eguerunt & esurierunt.
 72 Declina a malo, & fac bonum.
 73 Item unde supra.
 74 Dominus custodit omnia ossa eorum.
 75 Fiant sicut pulvis ante faciem venti, & Angelus Domini, &c.
 76 Fiant viæ eorum tenebræ & lubricum.
 77 Omnia ossa mea dicent: Domine, quis similis tibi?
 78 Item unde supra.
 79 Vidi impium superexaltatum, & elevatum sicut cedros, &c.
 80 Computruere, & deterioraverunt cicatrices meae, &c.
- 81 Incurvatus sum, & humiliatus usquequaque.
 82 Ego autem ad flagella paratus sum.
 83 Iniquitatem meam ego pronuntiabo, & cogitabo pro peccato meo.
 84 Posui ori meo custodiam, dum consisteret, &c.
 85 Obmutui, & non aperui os meum: quoniam tu fecisti.
 86 Verumtamen vane conturbatur omnis homo.
 87 Eduxit me de lacu miseriæ, et de luto secis, &c.
 88 Multa fecisti, tu Domine Deus meus, mirabilia tua.
 89 Annuntiavi, et locutus sum; multiplicati sunt super numerum.
 90 Universum stratum ejus versasti in infirmitate ejus.
 91 Item unde supra.
 92 Fuerunt mihi lacrymæ meæ panes die ac nocte.
 93 Memor ero tui de terra Jordanis, et Hermoniim.
 94 In die mandavit Dominus misericordiam suam, etc.
 95 Humiliasti nos in loco afflictionis, et cooperuit nos umbra mortis.
 96 Lingua mea calamus scribe velociter scribentis.
 97 Accingere gladio tuo super femur tuum, potentissime.
 98 Intende, prospere procede, & regna, &c.
 99 Item unde supra.
 100 Myrrha, et gutta, et casia a vestimentis tuis, &c.
 101 Adorabunt eum filie Tyri in muneribus.
 102 Omnis gloria ejus filie regis ab intus.
 103 Item unde supra.
 104 Pro patribus tuis nati sunt tibi filii, &c.
 105 Transferentur montes in cor maris.
 106 Vacate & videte, quoniam ego sum Deus.
 107 Deus in gradibus ejus dignoscetur cum

- cum suscipiet eam.
- 103 Item unde supra.
- 109 In spiritu vehementi contereas navis Tharsis.
- 110 Non dabit Deo placationem suam, &c.
- 111 Non videbit interitum, cum viderit sapientes morientes.
- 112 Confitebitur tibi, cum benefeceris ei.
- 113 Advocavit cælum de sursum, & terram, ut discerant populum suum.
- 114 Peccatori autem dixit Deus: Quare tu enarras justitias? &c.
- 115 Ecce enim in iniquitatibus conceptus sum.
- 116 Cor contritum & humiliatum Deus non despiciet.
- 117 Videbunt iusti & timebunt, & super eum ridebunt.
- 118 Illic trepidaverunt timore ubi non erat timor.
- 119 Ecce elongavi fugiens, et mansi in solitudine.
- 120 Precipita, Domine, & divide linguas eorum.
- 121 Descendant in infernum viventes.
- 122 Viri sanguinum et dolosi non dimidiabunt dies suos.
- 123 Ipsi calcaneum meum observabunt.
- 124 Filii hominum, dentes eorum arma et sagittæ, et lingua eorum, etc.
- 125 Super eos cecidit ignis, et non viderunt solem.
- 126 Latabitur iustus cum videris vindictam, etc.
- 127 Adjutor meus tibi psallam, quia tu Deus susceptor meus es.
- 128 Commovisti terram & conturbasti eam, etc.
- 129 Ostendisti populo tuo dura, potastis nos vino compunctionis, etc.
- 130 In Idumeam ostendam calceamentum meum.
- 131 Melior est misericordia tua super vitam.
- 132 Sicut adipe et pinguedine repleatur anima mea.
- 133 Rivos ejus inebrians, multiplica generationes ejus.
- 134 Benedicis coronæ anni benignitatis tuæ.
- 135 Et convalles abundabunt frumento.
- 136 Venite, et videte opera Domini, quam terribilis in consiliis, etc.
- 137 Benedicat nos Deus, Deus noster, etc.
- 138 Iter facite ei qui ascendit super occasum.
- 139 Si dormiatis inter medios clericos, pennæ columbæ, etc.
- 140 Ascendens in altum captivam duxit captivitatem, etc.
- 141 Lingua canum tuorum ex inimicis ab ipso.
- 142 Visi sunt gressus tui, Deus.
- 143 Æthiopia præveniet manus ejus Deo.
- 144 Laboravi sustinens.
- 145 Non me demergat tempestas aquæ, neque absorbeat me profundum, neque urgeat super me puteus os suum.
- 146 Propter inimicos meos eripe me.
- 147 Consolantem me quasi vi, et non inveni.
- 148 Obscurentur oculi eorum, ne videant: et dorsum eorum semper incurvum.
- 149 Confundantur statim erubescences, qui dicunt mihi: Euge, euge.
- 150 Inimici ejus terram lingent.
- 151 Mei autem pene moti sunt pedes, pene effusi sunt, etc.
- 152 Dejecisti eos, dum elevarentur.
- 153 Tu dirupisti fontes, et torrentes: tu siccasti fluvios Ethan.
- 154 Dixi iniquis: Nolite iniquè agere: etc.
- 155 Illuminans tu mirabiliter a montibus æternis.
- 156 Turbati sunt omnes insipientes corde, etc.
- 157 Dormitaverunt qui ascenderunt equos.
- 158 Eripe me de luto ut non inbaream.
- 159 Renuit consolari anima mea: memor fui Dei, et delectatus sum.

- 160 *Exercitatus sum et defecit paullisper spiritus meus.*
- 161 *Etenim sagittæ tuæ transierunt.*
- 162 *Attendite, popule meus, legem meam.*
- 163 *Filii Ephrem intendentes arcum, & mittentes sagittas, etc.*
- 164 *Statuit aquas quasi in utre.*
- 165 *Recordatus est quia caro sunt.*
- 166 *Conversi sunt in arcum perversum.*
- 167 *Tradidit in captivitatem virtutes eorum, &c.*
- 168 *Item unde supra.*
- 169 *Immissiones per Angelos malos: viam fecit semitæ iræ suæ.*
- 170 *Redde vicinis nostris septuplum in sinu eorum.*
- 171 *Potum dedit nobis in lacrymis, & in mensura.*
- 172 *Sumite Psalmum, & date tympanum.*
- 173 *Exaudi vi te in abscondito tempestatis, &c.*
- 174 *Erit tempus eorum in æternum.*
- 175 *Deus meus, pone illos ut rotam, & velut stipulam ante faciem venti.*
- 176 *Concupiscit, & deficit anima mea in atria Domini.*
- 177 *Etenim passer invenit sibi domum, &c.*
- 178 *Ascensus in corde ejus disposuit, in convalle lacrymarum.*
- 179 *Letetur cor meum ut timeat nomen tuum.*
- 180 *Posuerunt me in abominationem sibi, &c.*
- 181 *Inter mortuos liber.*
- 182 *In me petransierunt iræ tuæ, & terrores tui conturbaverunt me.*
- 183 *Misericordias tuas, Domine, in æternum cantabo.*
- 184 *Beatus populus qui scit jubilationem.*
- 185 *Mane sicut herba transeat, mane floreat, & pertranseat.*
- 186 *Posuisti munitiones ejus in formidinem.*
- 187 *Quis novit potestatem iræ tuæ? &c.*
- 188 *Ipse liberavit me de laqueo venantium, & a verbo aspero.*
- 189 *Scapulis suis obumbrabit tibi.*
- 190 *Adhuc multiplicabuntur in secula uberi.*
- 191 *Mirabiles elationes maris, mirabilis in excelsis Dominus.*
- 192 *Donec iustitia convertatur in iudicium.*
- 193 *Secundum multitudinem dolorum meorum, etc.*
- 194 *Qui fingis dolorem in præcepto.*
- 195 *Non repellet Dominus plebem suam, quoniam in manu ejus, etc.*
- 196 *Montes sicut cera fluxerunt a facie Domini.*
- 197 *Tunc exsultabunt omnia ligna silvarum.*
- 198 *Honor regis iudicium diligit.*
- 199 *Filii servorum tuorum habitabunt.*
- 200 *Ipse enim scit figmentum nostrum.*
- 201 *Memoria retinentibus mandata ejus ut faciant ea.*
- 202 *Ascendunt montes, et descendunt campi.*
- 203 *Introite portas ejus in confessione, etc.*
- 204 *Potum meum cum fletu temperabam.*
- 205 *Tu autem idem ipse es, et anni tui non deficient.*
- 206 *Confessionem et decorem induisti, amictus lumine, etc.*
- 207 *Extendens cælum sicut pellem, qui tegis aquis superiora ejus.*
- 208 *Item unde supra.*
- 209 *Qui ponit nubem ascensum suum.*
- 210 *Qui ambulat super pennas ventorum.*
- 211 *Qui facit Angelos suos spiritus, et ministros suos ignem urentem.*
- 212 *Item unde supra.*
- 213 *Ascendunt montes, et descendunt campi.*
- 214 *Montes excelsi cervis: petra refugium herinaciis.*
- 215 *Item unde supra.*
- 216 *Posuisti tenebras, et facta est nox, in ipsa pertransibunt, etc.*
- 217 *Auferes spiritum eorum et deficient,*

- cient, et in pulverem, etc.
- 218 Emitte spiritum tuum, et creabuntur: et renovabis faciem terra.
- 219 Verbi, quod mandavit in mille generationes.
- 220 Item unde supra.
- 221 Quoniam in seculum misericordia ejus.
- 222 Ferrum pertransiit animam ejus.
- 223 Ascendunt usque ad caelos, et descendunt usque ad abyssos.
- 224 Effusa est contentio super Principes eorum, et seduxerunt, etc.
- 225 Et omnis iniquitas obturavit os suum.
- 226 Excussus sum sicut locusta.
- 227 Induantur sicut diploide confusione sua.
- 228 Dixit Dominus Domino meo, etc.
- 229 De torrente in via bibit, propterea exaltavit caput.
- 230 Magna opera Domini, exquisita in omnes voluntates ejus.
- 231 Confessio et magnificentia opus ejus.
- 232 Dirupisti vincula mea, tibi sacrificabo hostiam laudis.
- 233 Dominus mihi adiutor, et ego despiciam inimicos meos.
- 234 Circumdederunt me sicut apes, et exarserunt sicut, etc.
- 235 Lapidem quem reprobaverunt edificantes, hic factus est, etc.
- 236 Constituite diem solemnem in condensis usque ad cornu altaris.
- 237 Tunc non confundar cum prospexero in omnia mandata tua.
- 238 In mandatis tuis exercebor, et considerabo vias tuas.
- 239 Item unde supra.
- 240 Ne auferas de ore meo verbum veritatis usquequaque.
- 241 Defecit in salutare tuo anima mea.
- 242 Os meum aperui, et atraxi spiritum.
- 243 Narraverunt mihi iniqui fabulationes, sed non ut lex tua, Deus.
- 244 Latum mandatum tuum nimis.
- 245 Super seniores intellexi.
- 246 Latabor ego super eloquia tua, sicut qui invenit spolia multa:
- 247 Fiat manus tua ut saluum me faciat.
- 248 Declinate a me maligni, et scrupulabor mandata Dei mei.
- 249 Vanum est vobis ante lucem surgere, surgite postquam sederitis:
- 250 Item unde supra.
- 251 Cum dederit dilectis suis somnum, haec est hereditas Domini.
- 252 Qui confidit in Domino sicut mons Sion.
- 253 Venientes autem venient cum exultatione, portantes manipulos suos.
- 254 Euntes ibant, et flebant, mitentes semina sua.
- 255 Dominus custodiat introitum tuum, et exitum tuum.
- 256 Supra dorsum meum fabricaverunt peccatores.
- 257 Item unde supra.
- 258 Fiant sicut fenum edificiorum, quod priusquam evellatur, exaruit.
- 259 Neque ambulavi in magnis, neque in mirabilibus super me.
- 260 Sacerdotes tui induantur justitia.
- 261 In salicibus in medio ejus suspendimus organa nostra.
- 262 Exinanite, exinanite usque ad fundamentum in ea.
- 263 Sicut tenebrae ejus, ita et lumen ejus.
- 264 Et nox illuminatio mea in deliciis meis.
- 265 Mihi autem nimis honorificati sunt amici tui, etc.
- 266 Nonne qui oderunt te, Domine, oderam? etc.
- 267 Labor labiorum ipsorum operiet eos.
- 268 Obumbra caput meum in die belli.
- 269 In misericordis non subsistent.
- 270 Elevatio manuum mearum, sacrificium vespertinum.
- 271 Pone, Domine, custodiam ori meo, et ostium circumstantiae, etc.
- 272 Oleum autem peccatoris non impinguet caput meum.
- 273 Benedictus Dominus Deus meus, qui

- qui docet manus meas, &c.
- 274 *Protektor meus, & in ipso sperabo: subicies populos sub me.*
- 275 *Domine, inclina cælos tuos, & descende: tange montes, &c.*
- 276 *Qui liberaſti David ſervum tuum de gladio maligno.*
- 277 *In illa die peribunt omnes cogitationes eorum.*
- 278 *Humiliavit peccatores uſque ad terram.*
- 279 *Qui producit in montibus fenum, & herbam ſervituti hominum.*
- 280 *Qui dat jumentis eſcam ipſorum,*
- & pullis corvorum invocantibus eum.*
- 281 *Mittet verbum ſuum, & liquefaciet ea; ſtabit ſpiritus ejus, &c.*
- 282 *Præceptum poſuit, & non præteribit.*
- 283 *Virtutem operum ſuorum annuntiabit populo ſuo, &c.*
- 284 *Exultabunt Sancti in gloria, lætabuntur in cubilibus ſuis.*
- 285 *Laudate eum in potentatibus ejus, laudate eum, etc.*
- 286 *Laudate eum in tympano & chore.*
- 287 *Item unde ſupra.*

L I B E R U N D E C I M U S.

DE TESTIMONIIS IN PSALMOS.

C A P U T P R I M U M.

Pſ. 1. 1.

Et in cathedra peſilentie non ſedit.

*Cap. 12.
Admon. 33.*

CUM de cavendis perverſi ſtudii operationibus tractaretur, Reg. Paſt. par. 3. adjunctum eſt: *Et in cathedra peſilentie non ſedit.* CATHEDRA judicis eſſe vel præſidentis ſolet. In cathedra autem peſilentie ſedere, eſt ex judicio prava committere, & ex ratione mala diſcernere, & tamen ex deliberatione perpetrare. Quasi in perverſi conſilii cathedra ſedet, qui tanta iniquitatis elatione attollitur, ut adimplere malum etiam per conſilium conetur. Et ſicut aſſiſtentibus turbis prælati ſunt, qui cathedræ honore fulciuntur; ita delicta eorum qui præcipitatione corruunt, exquiſita per ſtudium peccata tranſcendunt.

C A P U T II.

Pſal. 1. 3.

Et erit tamquam lignum quod plantatum eſt ſecus decurſus aquarum.

Num. 6.

DUM de myſterio incarnationis Dominicæ tractaretur hom. 2. in Ezech. adjunctum eſt: *Et erit tamquam lignum, &c.* QUID per lignum juxta aquarum decurſus plantatum, niſi incarnationem noſtri Redemptoris accipimus? Qui per ejuſdem

Tom. XIV.

incarnationis ſuæ myſterium propinquare dignatus eſt peccatorum ſuorum pondera portanti generi humano, quod ab ortu ſuo quotidie deſluit ad mortem. *Erit enim tamquam lignum quod plantatum eſt ſecus decurſus aquarum.* Juxta decurſus quippe aquarum plantatus eſt, quia juxta lapſus incarnatus eſt deſluentium populorum.

C A P U T III.

Item unde ſupra.

IN expoſ. B. Job, l. 19. DECURSUS aquarum ſunt quotidiani tranſitus deficientium populorum. Et de ſemetipſa Veritas dicit: *Si in ligno viridi hæc faciunt, in arido quid fiet?* Lignum ergo ſecus decurſus aquarum, eſt qui fructum & protectionem ſui nobis umbraculi proferens, apparuit Creator in carne, ut humanum genus per reſurrectionem robuſtum figeret, quod per defectum quotidie ibat in mortem.

C A P U T IV.

Reges eos in virga ferrea, et tamquam vas figuli confringes eos. Pſal. 2. 3.

CUM de diſtinguendis percuffionum qualitatibus tractaretur, Num. 12. in expoſ. B. Job, l. 7. adjunctum

X x

eſt:

est: *Reges eos in virga ferrea, etc.* SCIENDUM est, quia aliquando nos adversarius, aliquando autem conterit Deus. Ex contritione autem adversarii a virtute deficimus, per contritionem vero Domini fracti, a vitiis in virtute roboramur. Hanc contritionem Propheta conspexerat cum dicebat: *Reges eos in virga ferrea, et tamquam vas figuli conteres eos.* In virga nos ferrea Dominus regit & conterit: quia dispensationis fortitudine cum nos interius reficit, exterius affligit. Nam quo virtutem carnis humiliat, intentionem spiritus exaltat. Unde & hæc eadem contritio figuli vasi comparatur: sicut & per Paulum dicitur: *Habemus thesaurum istum in vasis fictilibus.* Qui simul contritionem & regimen exprimens ait: *Licet is, qui foris est, noster homo corrumpitur, tamen is, qui intus est, renovatur de die in diem.*

CAPUT V.

Psal. 2. 11. Servite Domino in timore, et exultate ei cum tremore.

a

Num. 8.

IN^a expof. B. Job, l. 20. adjunctum est: *Servite Domino in timore, etc.* SANCTI viri sic de spe certi sunt, ut tamen semper sint de tentatione suspecti; quippe quibus dicitur: *Servite Domino in timore, et exultate ei cum tremore, ut & de spe exultatio, & de suspitione nascatur tremor.*

CAPUT VI.

Ps. 4. 3.

Filii hominum usquequo gravi corde?

Num. 8.

Cum de distinguendo intellectu sacri eloquii tractaretur, in expof. B. Job, l. 19. adjunctum est: *Filii hominum usquequo gravi corde?* ALIUD est gravem esse per consilium, aliud per peccatum, aliud gravem esse per constantiam, aliud per culpam. Ista enim gravitas pondus habet oneris, illa virtutis. Pondus ergo accipiunt animæ, ut ab intentione Dei non jam levi motu dif-

filiant, sed in eum fixa constantiæ gravitate consistant. Adhuc ille populus leviter movebatur, de quo per Prophetam dicitur: *Abiit vagus in viam cordis sui: viam ejus vidi, et dimisi eum.* Grave autem consilium cordis, omnem inconstantiam vagationis expellit. Et quoniam sunt animæ, quæ levi motu nunc ista, nunc illa desiderant, omnipotens Deus, quia ipsas leves fluctuationes mentium non leviter pensat, vagationem cordis relinquendo dijudicat. Sed cum per gratiam respicit, vagam mentem in consilii stabilitatem figit. Cum enim leves motus animi misericorditer dignatur aspicere, hunc protinus ad constantiæ maturitatem firmat.

CAPUT VII.

Irafcimini, et nolite peccare. *Ps. 4. 5.*

DUM^b de discretionem commotionis animi tractaretur, in expof. B. Job, l. 5. adjunctum est: *Irafcimini, et nolite peccare.* QUOD nimirum non recte intelligunt, qui nos irasci nobis tantummodo, non etiam proximis delinquentibus volunt. Si enim sic proximos ut nos amare præcipimur, restat ut sic eorum erratibus sicut nostris vitiis irascamur.

Num. 82.

CAPUT VIII.

Scuto bonæ voluntatis tuæ coronasti nos. *Ps. 5. 13.*

DUM^c de discernendis in sacro eloquio multiplicibus rerum significationibus tractaretur, in expof. B. Job, l. 33. adjunctum est: *Scuto bonæ voluntatis tuæ coronasti nos.* SCRIPTURA sacra scuti nomine aliquando in parte prospera, aliquando in adversa uti consuevit. Nam sæpe scuti defensio pro divina protectione ponitur: nonnunquam vero pro humana repugnatione memoratur. Pro divina enim protectione per Psalmistam dicitur: *Scuto bonæ voluntatis tuæ coronasti nos.* Scuto nos Dominus coronare perhibe-

Num. 49.

a Omittitur caput hoc in mss.

b Istud etiam deest in nostris codd.

c In mss. de differendis, etc.

CAPUT X.

*Domine, ne in ira arguas me, Ps. 6. 2.
neque in furore tuo corripas me.*

Exod. 65. 4.

betur: quia quos protegens adjuvat, remunerans coronat. Rursum pro humana repugnatione per eundem Prophetam scutum ponitur, sicut alibi ait: *Ibi confregit cornua, arcum, scutum, gladium, & bellum.* In cornibus quippe elatio superbiorum, in arcu insidiæ longe ferientium, in scuto obstinata duritia defensionum, in gladio vicina percussio, in bello autem ipsa contra Dominum mentis motio desigatur. Quod nimirum totum in sancta Ecclesia confringitur, dum mentes Deo resistentium superposito iugo humilitatis edomantur. Hinc rursus per eundem Psalmistam dicitur: *Arcum conteret, & confringet arma, & scuta comburet igni.* Arcum enim Dominus conterit, cum occulta insidiantium machinamenta dissolvit. Arma confringit, cum ea, quæ contra se erecta fuerant, patrocinia humana comminuit: scuta igne comburit, cum peccantium mentes obstinata se duritia defendentes ad pœnitentiæ, & confessionis ardorem sancti Spiritus calore succendit.

Ps. 45. 10.

CAPUT IX.

Psal. 5. 5.

Mane astabo tibi, & videbo.

^a
Num. 39.

IN ^a expof. B. Job, lib. 23. adiunctum est: *Mane astabo tibi, & videbo.* NOX quippe est vita præfens, in qua quamdiu sumus, per hoc quod interna conspiciamus sub incerta imaginatione caligamus. David quoque huius noctis caliginem videns, claritatem veri luminis prætolatus, ait: *Mane astabo tibi, & videbo.* Adhuc ergo in nocte minus se videre conspicit, qui ad videndum Deum futurum mane concupiscit.

^a Abest a mss. nostris.
^b Editi male, *argutia*.

CAPUT XI.

In inferno autem quis confitebitur tibi? Psal. 6. 6.

Num. 39.

IN expof. B. Job, lib. 8. adiunctum est: *In inferno, &c.* ^c **PO** ^{Num. 34.} **TEST** inferni nomine peccatoris desperatio designari, de qua per Psalmistam dicitur: *In inferno autem quis confitebitur tibi?* Unde scriptum est: *Impius cum venerit in profundum peccatorum, contemnit.* ^{Prov. 18.}

CAPUT XII.

Turbatus est præ ira oculus meus. Ps. 6. 8.

CUM de commoti animi discretionem tractaretur, in expof. B. Job, l. 5. adiunctum est: *Tur-* ^{Num. 32.}

X x 2 *ba-*

^c Abest a ms. Michael. & aliis; nec reperitur loco in editis indicato.

^a *batus est præ ira oculus meus*. ^a I. RA per vitium occultum mentis excæcat, ira zelum turbat: quia cum saltem recti æmulatione concutitur; ea, quæ nisi tranquillo corde percipi non potest, contemplatio dissipatur. Ipse namque zelus rectitudinis, quia inquietudine mentem agitat, ejus mox aciem obscurat, ut altiora in commotione non videat, quæ bene prius tranquilla cernebat. Sed inde subtilius ad alta reducitur, unde ad tempus ne videat re- verberatur. Nam ipsa recti æmulatio æterna, post paululum in tranquillitate largius aperit, quæ hic interim per commotionem claudit. Et unde mens turbatur ne videat, inde proficit ut ad videndum verius clarescat. Sicut infirmanti oculo cum collyrium immittitur, lux penitus negatur; sed inde eam post paululum veraciter recipit, unde hanc ad tempus salubriter amittit. Nunquam vero commotioni contemplatio jungitur, nec prævalet mens perturbata conspiciere, ad quod vix tranquilla valet inhiare: quia nec solis radius cernitur, cum commotæ nubes cœli faciem obducunt: nec turbatus fons inspicientis imaginem reddit, quam tranquillius proprie ostendit, quia quo ejusunda palpitat, eo in se speciem similitudinis obscurat. Sed cum per zelum animus movetur, curandum summopere est, ne hæc eadem, quæ instrumento virtutis assumitur, menti ira dominetur, nec quasi domina præeat, sed velut ancilla ad obsequium parata, a rationis tergo nequaquam recedat. Tunc enim robustius contra vitia erigitur, cum subdita rationi famulatur. Nam quantumlibet ira ex zelo rectitudinis surgat, si immoderata mentem vicerit, rationi protinus servire contemnit: & tanto se impudentius dilatat, quanto impatientiæ vitium

virtutem putat. Unde necesse est ut hoc ante omnia, qui zelo rectitudinis movetur, attendat, ne ira extra mentis dominium transeat. Sed ultione peccati tempus modumque considerans, confurgentem animi perturbationem subtilius pertractando restringat, animositatem reprimat, & motus fervidos sub æquitate disponat, ut eo fiat justior ultor alienus, quo prius extitit victor suus: quatenus sic culpas delinquentium corrigat, ut ante ipse qui corrigit, per patientiam crescat, & fervorem suum transcendendo dijudicet; ne intemperanter excitatus ipso zelo rectitudinis, longe a rectitudine aberret.

C A P U T XIII.

Inveteravi inter omnes inimicos meos. Psal. 6. 6.

^b **D**Um de abdicandis vitiis, & b sectandis virtutibus tractaretur, in expof. B. Job, l. 19. adjunctum est: *Inveteravi inter omnes inimicos meos*. CUNCTIS vera scientibus liquet, quod ad vetustam vitam vitia pertinent, virtutes ad novam. Unde & Paulus dicit: *Exuentes vos veterem hominem cum actibus suis, & induentes novum*. Et iterum ait: *Vetus homo noster simul crucifixus est*. Psalmista itaque ex typo humani generis loquens, inter malignos spiritus deprehensus dicit: *Inveteravi inter omnes inimicos meos*. A fervore etenim mentis vel inter spirituales inimicos, vel inter carnales quosque proximos ipso aliquo modo vivendi usu veterascimus, & assumptæ novitatis speciem fuscamus. A qua tamen vetustate quotidie si studia circumspeditionis invigilant, orando, legendo, bene vivendo renovamur: quia vita nostra dum lacrymis lavatur, bonis operibus exercetur, sanctis meditationibus tenditur, ad novitatem suam sine cessatione reparatur.

CA-

^a Neque hoc caput legitur in codd. nostris. ^b mss. *studendis virtutibus*.

CAPUT XIV.

Psal. 7. 12. Deus iudex justus, fortis, & longanimis.

DUM de divini iudicii vi tractaretur, hom. 13. in Evang. adjunctum est: *Deus iudex justus, fortis, & longanimis.* DICTURUS longanimum, præmisit justum, ut quem vides peccata delinquentium diu patienter ferre, scias hunc quandoque etiam districtè judicare. Hinc per quemdam sapientem dicitur: *Altissimus enim est patiens redditor.* Patiens enim redditor dicitur, quia peccata hominum & patitur, & reddit. Nam quos diu ut convertantur tolerat, non conversos durius damnat.

CAPUT XV.

Psal. 7. 13. Arcum suum tetendit & paravit; & in ipso paravit vasa mortis.

CHM de discernendis in Scriptura sacra rerum significationibus tractaretur, in expos. B. Job, l. 19. adjunctum est: *Arcum suum tetendit & paravit, &c.* QUID hoc loco per arcum, nisi sacra Scriptura signatur? Ipsa quippe arcus Ecclesiæ, ipsa arcus est Domini. De qua ad corda hominum sicut ferientes sagittæ, sic terrentes sententiæ veniunt. Arcum suum Dominus tetendit: quia cunctis peccatoribus per Scripturam sacram minas exhibuit. In quo arcu scilicet vasa mortis præparat: quia secundum eloqui sui sententiam eos, qui nunc corrigi negligunt, reprobos damnat. In quo etiam sagittas suas ardentibus efficit: quia ad eos, quos per terrorem corrigit, accensas verborum sententias emitit.

a Hic etiam in mss. legitur, *de differendis.*
b Capp. 16. & 17. non habentur in mss.

CAPUT XVI.

Concepit dolorem, & peperit iniquitatem. *Psal. 7. 16.*

IN expos. B. Job. l. 28. adjunctum est: *Concepit dolorem, &c.* **VULVÆ** nomine occulta & malitiosa carnalium cogitatio designatur. Quæ vulva non ad proferendam prolem concipit substantiam corporis, sed ad explendam nequitiam, causam doloris. De hac vulva cordis iniquorum alias dicitur: *Concepit dolorem, & peperit iniquitatem.* Per hanc vulvam pravi concipiunt, mala cogitant: per hanc vulvam pariunt, cum mala, quæ cogitaverint, operantur.

CAPUT XVII.

Ut destruas inimicum & defensorem. *Psal. 8. 3.*

IN expos. B. Job, l. 11. adjunctum est: *Ut destruas inimicum & defensorem.* **INIMICUS** quippe & defensor est, qui Deum, quem prædicat, impugnat.

CAPUT XVIII.

Quoniam videbo cælos tuos, opera digitorum tuorum. *Psal. 8. 4.*

DUM de intellectu historico ac mystico tractaretur hom. 13. in Ezech. seu hom. 1. lib. 2. adjunctum est: *Quoniam videbo cælos tuos, &c.* IN Scriptura sacra, & ea quæ accipi secundum historiam possunt, plerumque spiritualiter intelligenda sunt, ut & fides habeatur in veritate historiæ, & spiritualis intelligentia capiatur in mysteriis allegoriæ. Sicut hoc quoque novimus quod Psalmista ait: *Quoniam videbo cælos, opera digitorum tuorum, lunam & stellas, quæ tu fundasti.* Ecce enim juxta veritatem historiæ stat sermo orationis: quia & cæli opera Dei sunt: & luna ac stellæ ab eo creatæ atque fundatæ sunt. Sed si hoc Psalmista juxta solam historiam, & non etiam se-

c Exstat in Præfat. in Job n. 15. in fine, non vero in loco indicato. E. V.

cundum intellectum mysticum asserit, qui cœlos opera Dei esse professus est, dicturus lunam & stellas, cur non etiam solem quem scimus, quia ejus opus est, pariter enumeravit? Si enim juxta solam historiam loquebatur, dicturus luminare minus, prius luminare majus dicere debuit, ut ante solem, & post lunam atque stellas fundatas esse perhiberet. Sed quia juxta intellectum mysticum loquebatur, ut lunam sanctam Ecclesiam, & stellas homines sanctos accipere deberemus; solem nominare noluit, quia videlicet ipsi æterno Soli loquebatur, de quo scriptum est:

Malach. 4. 3.
Sap. 52. 60.

Vobis autem, qui timetis Dominum, orietur sol justitiæ. De quo reprobi in fine dicturi sunt: Sol justitiæ non ortus est nobis. Dicendo ergo lunam, & stellas, quas tu fundasti, & tamen tacendo solem, qui factus est, indicavit quia illi soli locutus est, qui non solum solem, & lunam, atque stellas corporaliter, sed etiam lunam Ecclesiam, atque stellas sanctos homines spiritualiter fecit.

CAPUT XIX.

Pf. 2. 90.

Pisces maris, qui perambulant semitas maris.

Num. 50.

IN expof. B. Job, l. 11. adjunctum est: *Pisces maris, qui perambulant semitas maris.* ^a QUID per pisces maris, nisi curiosos hujus seculi debemus accipere, qui in magnis rerum inquisitionibus quasi in abditis fluctibus latent?

CAPUT XX.

Pfal. 9. 150.

Qui exaltas me de portis mortis, ut annuntiem omnes laudationes tuas in portis filiae Sion.

Num. 25.

CUM de perfectorum studiis per aspirationem divinæ gratiæ tractaretur, in expof. B. Job, l. 19. adjunctum est: *Qui exaltas me de portis mortis, etc.* QUID per por-

tas filiae Sion, nisi bona quæque actio designatur, per quam anima ad conventum regni cœlestis ingreditur? Unde nunc Propheta ait: *Qui exaltas me de portis mortis, ut annuntiem omnes laudationes tuas in portis filiae Sion.* Portæ quippe mortis sunt actiones pravæ, quæ ad interitum trahunt. Quia autem Sion, speculatio dicitur, portas Sion actiones bonas accipimus, per quas supernam patriam ingredimur, ut regis nostri gloriam contemplemur.

CAPUT XXI.

Non in finem oblivio erit pauperum, Ps. 9. vulg. patientia pauperum non peribit in finem.

DUM de contemptu præsentium, & spe futuri præmii tractaretur, hom. 35. in Evang. adjunctum est: *Non in finem oblivio erit pauperum, &c.* QUANTUM LIBET vel in adversis patientes, vel in prosperis humiles simus, in hac vita retribui nobis bona præsentia nullo modo requiramus, nam pro labore patientiæ, bona speranda sunt sequentis vitæ: ut tunc præmium nostri laboris incipiat, quando omnis jam labor funditus cessat. Hinc ergo per Psalmistam dicit: *Oblivio non erit pauperis: patientia pauperum non peribit in finem.* Quasi periisse patientia pauperum cernitur, cum nihil pro illa in hac vita humilibus recompensatur. Sed patientia pauperum in finem non peribit, quia tunc ejus gloria percipitur, cum simul omnia laboriosa terminantur.

CAPUT XXII.

Sub lingua ejus labor & dolor: sedet in insidiis cum divitibus in occultis. Ps. 9. 70.

CUM de subdolis reproborum mentibus eorumque capitis virulenta malitia tractaretur, in expof. B. Job, l. 15. adjunctum est: *Sub lingua ejus labor et dolor, &c.* PERVERSI quique quia malum non

Num. 13.

non in lingua, sed sub lingua habent, sermonibus dulcia prætendunt, & cogitationibus perversa molliuntur. De ipso ergo capite scriptum est: *Sub lingua ejus labor & dolor*. Qui enim non aperte mala, quæ cogitat, ostendit, laborem & dolorem eorum, quorum mortem appetit, non in lingua exlerit, sed sub lingua premit. Cujus tamen hoc loco, nisi personam Antichristi Psalmista descripsit? Propter enim perversa dogmata sub lingua ejus labor & dolor est: propter miraculorum vero speciem sedet in insidiis: propter autem secularis potestatis gloriam, cum divitibus in occultis. Quia enim simul & miraculorum fraude & terrena potestate utitur, in occultis & cum divitibus sedere perhibetur.

CAPUT XXIII.

Psal. 9. 10. Insidiatur in occulte sicut leo in cubili suo.

DUM de operationibus antiqui adversarii tractaretur, in expos. B. Job, l. 32. adjunctum est: *Insidiatur in occulto sicut leo in cubili suo*. Hoc de ultima sævitia diaboli Propheta testatur, dum in sua fuerit virtute laxatus. Ad apertam namque potentiam suffecisset ut leo esset, etiamsi insidians non fuisset. Rursumque ad occultas versutias suffecisset. ut insidians insidias surriperet, etiamsi leo non esset. Sed quia antiquus hostis in cunctis suis viribus effrenatur, sævire per utraque permittitur, ut contra electos in certamine & fraude & virtute laxetur: virtute per potentiam, fraude per signa. Recte ergo & leo, & insidians dicitur: insidians per miraculorum speciem: leo per fortitudinem secularem. Ut enim eos, qui aperte iniqui sunt, ad se pertrahat, secularem potentiam ostentat: ut vero etiam justos fallat, signis sanctitatem simulat. Illis enim suadet elatione magnitudinis: istos decipit ostensione sanctitatis.

^a Abest a mss.

CAPUT XXIV.

In Domino confido, quomodo dicitis animæ meæ: Transmigra in montem sicut passer? *Psal. 12. 2.*

IN expos. B. Job, l. 33. adjunctum est: *In Domino confido, &c.* ^{Num. 2.}
^a CUM enim fideli animæ unitate derelicta, intumenti doctrina confidere hæretici prædicatoris dicitur, deserto Domino quasi in montem transmigrare suadetur.

CAPUT XXV.

Paraverunt sagittas suas in pharetra, ut sagittent in obscuro rectos corde. *Psal. 10. 2.*

CUM de reproborum insidiis contra electos tractaretur, in expos. B. Job, l. 31. adjunctum est: *Paraverunt sagittas suas in pharetra, &c.* ^{Num. 62.} QUID pharetræ nomine, nisi pravorum machinatio designatur? Iniqui enim cum dolos quos bonis excogitant, secretis machinationibus occultant, quasi in pharetra sagittas portant, & in hac presentis vitæ caligine velut in obscuro rectos corde feriunt, quia malitiosa eorum jacula & sentiri per vulnus possunt, & tamen venientia deprehendi non possunt.

CAPUT XXVI.

Palpebræ ejus interrogant filios hominum. *Psal. 10. 7.*

DUM de occultis mysteriis divinæ operationis tractaretur, in expos. B. Job, l. 28. adjunctum est: *Palpebræ ejus interrogant filios hominum.* ^{Num. 17.} APERIENDO nobis quædam, atque claudendo nos interrogat Deus, sicut per Prophetam dicitur: *Palpebræ ejus interrogant filios hominum.* Palpebris quippe apertis cernimus, clausis nihil videmus. Quid ergo per palpebras Dei, nisi ejus judicia accipimus? Quæ juxta aliquid clauduntur hominibus, & juxta aliquid referantur, ut homines qui se nesciunt, sibimetipsis innotescant: quatenus dum quædam intel-

li-

ligendo comprehendunt quædam vero cognoscere omnino non possunt, eorum corda sese latenter inquirant, si illos divina judicia vel clausa non stimulant, vel aperta non inflant. Hac enim Paulus interrogatione probatus est, qui post perceptam internam sapientiam, post aperta claustra paradisi, post ascensum cœli tertii, post supernæ locutionis mysteria adhuc dicit: *Ego me non arbitror comprehendisse*. Et rursus: *Ego sum minimus omnium Apostolorum, qui non sum dignus vocari Apostolus*. Et rursus: *Non quia sufficientes sumus cogitare aliquid a nobis quasi ex nobis, sed sufficientia nostra ex Deo est*. Apertis ergo palpebris Dei interrogatus Paulus recte respondit, qui & superna secreta attingit, & tamen in humilitate cordis sublimiter stetit. Qui rursus cum secreta Dei judicia de repulsione Judæorum, & Gentium vocatione discuteret, atque ad ea pervenire non posset, quasi clausis Dei palpebris interrogatus est. Sed rectum valde responsum reddidit, qui Deo se in ipsa sua ignorantia scienter inclinavit, dicens: *O altitudo divitiarum sapientiæ & scientiæ Dei, quam incomprehensibilia sunt judicia ejus, & investigabiles viæ ejus*. Quis enim cognovit sensum Domini, aut quis consiliarius ejus fuit? Ecce enim absconditis mysteriis, quasi clausis palpebris inquisitus, placita ac recta respondit. Qui secreti aditum pulsans, quia per cognitionem intromitti ad interiora non valuit, per confessionem ante januam humilis stetit, & quod intus comprehendere non potuit, foris timendo laudavit.

C A P U T XXVII.

Item unde supra.

HOM. 17. in Ezech. ^a PER ea enim, quæ nobis in sacra Scriptura cooperta sunt, nostra humilitas approbatur; quia quidquid in

^a Non est in mss.

illa non intelligimus non superbe reprehendere, sed venerari humiliter debemus. Unde de Domino scriptum est: *Palpebræ ejus interrogant filios hominum*. Palpebræ quippe ejus judicia sunt, quæ aliquid nobis claudunt, & aliquid aperiunt. Quæ aperiendo nos interrogant, si intelligendo non extollimur: claudendo nos interrogant, si non despiciamus quæ intelligere non valemus. Per ea autem, quæ de caritate nostra proximis nostris non loquimur, in conspectu Dei verius probamur. In quorundam enim ore caritas ficta est, in quorundam cordibus vera; & sæpe de caritate ostenditur quod non est, & non demonstratur quod est. Amorem itaque nostrum erga proximum plus bona operatio loquitur, quam lingua; ut in ipso bono opere proximus noster amari se videat, & cum tantum non possumus, quantum volumus operari, omnipotenti Deo occulta amoris nostri sufficient.

C A P U T XXVIII.

Pluet super peccatores laqueos: ignis, & sulphur, & spiritus procellarum, pars calicis eorum. Psal. 10. 7.

CUM de ^b vi districtioris judicii tractaretur, in expos. B. Job, l. 15. adjunctum est: *Pluet super peccatores laqueos, &c.* DICENDO laqueos, ignis, sulphur, & spiritus procellarum, multos nimirum dolores intulit. Sed quia ab eis doloribus peccator, qui non corrigitur, ad æterna supplicia vocatur, eosdem dolores non jam totum calicem, sed partem calicis dixit: quia videlicet eorum passio hic quidem per dolores incipitur, sed in ultione perpetua consummatur.

C A P U T XXIX.

Eloquia Domini, eloquia casta, arguentur igne examinatum. Ps. 11. 7.

DUM de operatione divini eloquii tractaretur, in expos. B. in fine.

Job,

^b Male in vulgatis, studi.

Philip. 3. 13.
1. Cor. 15. 9.

2. Cor. 3. 5

Rom. 11. 33.

Num. 6.

a

b

Num. 55.

Num. 61.

in fine.

Num. 51. in
sinem.

Job, l. 4. adjunctum est: *Eloquia Domini, etc.* ELOQUIUM Domini argentum igne examinatum dicitur, quia sermo Dei si in corde figitur, tribulationibus probatur.

CAPUT XXX.

Ps. 11. 9.

In circuitu impii ambulant.

Num. 7.

Cum de sequentibus antiqui ad-
versarii operationem tractaretur, in expos. B. Job, l. 2. adjunctum est: *In circuitu impii ambulant.* SOLET per circuitum laboris anxietas designari, sicut de Satanæ responsione scriptum est: *Circuiti terram, et perambulavi eam.* Sed Satan laborans, terram circuit: quia quietus in cæli culmine stare contempsit. Cumque se non transvolasse, sed perambulasse insinuat, quanto peccati pondere in imis prematur, demonstrat. Perambulans ergo terram circuit, qui ab illo spiritualis potentiae volatu corruens, malitiæ suæ pressus gravedine, foras ad gyrum laboris venit. De hujus ergo capitis imitatoribus, ejus videlicet membris per Psalmistam dicitur: *In circuitu impii ambulant*, quia malitiæ illius tabe corrupti, dum interiora non appetunt, in exteriorum labore fatigantur.

CAPUT XXXI.

Ps. 13. 1.

Dixit insipiens in corde suo: Non est Deus.

Num. 52.

Dum de reprobis ob amorem visibilium perversa de Deo sentientibus tractaretur, in expos. B. Job, l. 15. adjunctum est: *Dixit insipiens in corde suo: Non est Deus.* MENS hominis male exterius fusa sic in rebus corporeis sparsa est, ut neque ad semetipsam intus redeat, neque eum, qui est invisibilis, cogitare sufficiat. Unde carnales viri jussa spiritualia contemnentes, Deum quia corporaliter non vident, quandoque ad hoc perveniunt, ut etiam non esse suspicentur. Unde scriptum est: *Dixit insipiens in corde suo: Non est Deus.* Plerumque enim plus
Tom. XIV.

appetunt homines servire hominibus quos corporaliter vident, quam servire Deo quem non vident. Per omne enim quod faciunt, ad fidem oculorum tendunt. Et quia in Deum oculos corporis tenere non possunt; ei obsequia præbere vel despiciunt, vel si cœperint, fatigantur. Esse enim, sicut dictum est, non credunt, quem corporaliter non intuentur. Qui si Auctorem omnium Deum humiliter quærerent, id quod non videtur, ex eo quod videtur esse, melius in semetipsis invenirent. Ipsi quippe ex anima invisibili & corpore visibili subsistunt: & si hoc ab eis, quod non videtur, abstrahitur, illic corrui quod videtur. Et patent quidem carnis oculi, sed videre quidquam vel sentire non possunt. Sensus enim visionis periit: quia habitator recessit, & domus carnis remanet vacua, quia abscessit ille invisibilis spiritus, qui per ejus respicere fenestras solebat. Quia ergo rebus visibilibus invisibilia præstantiora sunt, carnales quique ex semetipsis pensare debuerunt, atque per hanc, ut ita dixerim, scalam considerationis tendere in Deum: quia eo est, quo invisibilis permanet; & eo summus permanet, quo comprehendi nequaquam potest.

CAPUT XXXII.

Illic trepidaverunt timore, ubi non erat timor.

Ps. 52. 5.

Dum de pusillanimitate infirmarum mentium tractaretur, in expos. B. Job, l. 7. adjunctum est: *Illic trepidaverunt timore, ubi non erat timor.* SCIENDUM est quod plerique agere recta desiderant, sed sunt nonnulla, quæ infirmis eorum mentibus ex præsentī vita contradicunt. Cumque adversa in infimis perpeti metuunt, in superni judicii rectitudine offendant. Unde sæpe nonnulli dum temporalia adversa pertimescunt, distractioni se æternæ animadversionis obijciunt. De his ergo

Num. 38.

Y y

bene

bene per Psalmistam dicitur: *Illic trepidaverunt timore, ubi non erat timor*. Ille namque veritatem jam libere defendere appetit, sed tamen in ipso suo appetitu trepidus indignationem potestatis humanæ pertimescit. Cum in terra hominem contra veritatem pavet, ejusdem veritatis iram cœlitus sustinet. Ille peccatorum suorum conscius, ea, quæ possidet, indigentibus jam largiri desiderat, sed tamen ne datis rebus egeat, ipse formidat. Cumque carnis subsidia reservando trepidus præparat, ab alimentis misericordiæ animam necat. Et cum pati in terra inopiam metuit, æternam sibi abundantiam supernæ refectionis abscindit. Qui enim conculcanda in infimis metuunt, a summis metuenda patiuntur: & cum transire nolunt quod calcare poterant, judicium de supernis excipiunt, quod tolerare nequaquam possunt.

C A P U T XXXIII.

Psalm. 15. 2. Dixi Domino: Deus meus es tu, quoniam bonorum meorum non eges.

Num. 2.

IN expof. B. Job, l. 16. adjunctum est: *Dixi Domino, &c.* IN ^a omni quippe quod bene agimus, nosmetipsos, non autem Dominum juvamus. Ipse enim vere nobis Dominus, quia & utique Deus est, qui bono non indiget fervientis, sed bonitatem confert quam recipit, ut oblata bonitas non ipsi, sed prius accipientibus, & post reddentibus profit. Nam etſi in judicio Dominus veniens dicit: *Quamdiu fecistis uni de his fratribus meis minimis, mihi fecistis*, mira hoc pietate loquitur ex suorum compaſſione membrorum; & ipse nos per hoc, quod caput nostrum est, adjuvat, qui per nostra bona opera in ſuis membris adjuvatur.

Matt. 25. 40.

C A P U T XXXIV.

Funes ceciderunt mihi in præclaris: Psalm. 15. 6. etenim hereditas mea præclara est mihi.

Num. 18.

CUM de diſtinguendis multiplicibus rerum ſignificationibus tractaretur, in expof. B. Job, l. 33. adjunctum est: *Funes ceciderunt mihi in præclaris, &c.* SCRIPTURA facra aliquando fune dimensionum fortes, aliquando peccata, aliquando fidem designare conſuevit. Nam propter hereditarias dimensionum fortes dicitur: *Funes ceciderunt mihi in præclaris: etenim hereditas mea præclara est mihi*. Funes quippe in præclaris cadunt, dum per humilitatem vitæ fortes nos patriæ melioris excipiunt. Rurſum quia fune peccata ſignantur, per Prophetam dicitur: *Væ qui trahitis iniquitates in funiculis vanitatis*. Iniquitas namque in funiculis vanitatis trahitur, dum per augmentum culpa protelatur. Unde per Psalmistam dicitur: *Funes peccatorum circumplexi ſunt me*. Quia enim funis addendo torquetur ut creſcat, non immerito peccatum in fune figuratur, quod perverso corde ſæpe dum defenditur, multiplicatur. Rurſum fune fides exprimitur, Salomone atteſtante, qui ait: *Funiculus triplex difficile rumpitur: quia* ^{Eccl. 4. 12.} videlicet fides, quæ de cognitione Trinitatis ab ore prædicantium textitur, fortis in electis permanens, in ſolo reproborum corde diſſipatur.

C A P U T XXXV.

Psalm. 16. 6. Ego clamavi: quoniam exaudiſti me Deus.

Ps. 16. 6.

IN expof. B. Job, l. 35. adjunctum est: *Ego clamavi, &c.* ^{Num. 7.} NON enim ait: quia clamavi, exaudiſti me; ſed *clamavi, quoniam exaudiſti me*. Qui enim loquens exauditus fuerat, votis proficientibus exauditus clamabat: *Mirifica miſericordias tuas, qui ſalvos facis ſperantes in te: quia tunc nimirum miſericordiæ Domini-*

^a In mſſ. non continetur,

^b Omittitur in mſſ.

mini miræ apud nosmetipsos, qui eripimur, sunt, cum per easdem misericordias quam gravia fuerint pericula, quæ evasimus, agnoscuntur.

C A P U T XXXVI.

Ps. 16. 9. *Sub umbra alarum tuorum protege me.*

Num. 7. **D**UM de custodia divina circa nos tractaretur, in expos. B. Job, l. 32. adjunctum est: *Sub umbra alarum tuarum protege me.* QUIA nos parvulos Dominus dum protegit, nutrit, & non gravi atque onerosa, sed levi & blanda protectione nos refovet, dum suas in nos misericordias exserit, quasi more avium, super nos alas tendit.

C A P U T XXXVII.

Ps. 17. 10. *Diligam te, Domine, virtus mea.*
Num. 14. **I**N expos. B. Job, l. 32. adjunctum est: *Diligam te, &c.* ^a CERTUM quippe est, quia minus diligit ereptorem suum, qui minus intelligit periculum quod evasit: & vile solatium defensoris deputat, qui virtutem adversarii debilem putat. Unde bene ereptionem suam Domino retribuens Propheta dicebat: *Diligam te, Domine, virtus mea:* aperte videlicet dicens, eo te magis diligo, quo infirmitatem propriam sentiens, virtutem meam te esse cognosco.

C A P U T XXXVIII.

Ps. 17. 10. *Caligo sub pedibus ejus: & ascendit super Cherubim, & volavit; volavit super pennas ventorum, & posuit tenebras latibulum suum.*

Num. 39. **C**UM de divinæ essentiae celsitudine tractaretur, in expos. B. Job, l. 17. adjunctum est: *Caligo sub pedibus ejus, &c.* CALIGO sub pedibus est, quia non in ea claritate ab inferioribus cernitur, qua in superioribus dominatur. *Ascendit enim super Cherubim, & vo-*

lavit: Cherubim quippe plenitudo scientiæ dicitur. Proinde super plenitudinem scientiæ ascendisse perhibetur & volasse: quia majestatis ejus celsitudinem scientia nulla comprehendit. Volavit ergo, quia longe in altum ab intellectu nostro se rapuit. Volavit super pennas ventorum, quia scientiam transcendit animarum. *Posuit tenebras latibulum suum:* quia dum caligine nostræ infirmitatis obscuramur, per ignorantiam nostram nobis absconditur, ne a nobis modo in æterna, & intima claritate videatur. Unde ei & in Canticis canticorum a sponsa dicitur: *Fuge, dilecte mi, fuge.*

Cant. 2. 14.

C A P U T XXXIX.

Item unde supra.

SUPER Cherubim Dominus ascendit & volavit, quia super plenitudinem scientiæ, quæ esse in hominibus potuit, incarnationis suæ gloriā exaltare dignatus est; ut hoc ejus volare sit, potentiae suæ mysterium ab intellectu humano subducere. Quantalibet enim plenitudine scientiæ vita spiritualium fulgeat, apprehendere non valet quomodo factum sit, ut qui existit, conciperetur, & ante secula Auctor hominum nasceretur homo in fine seculorum, Deus caro esset, Verbum in fine fieret. Unde recte & illic additur: *Volavit super pennas ventorum,* quia videlicet transcendit omnes intellectus animarum. Vento quippe animas figurari pro velocitate suæ cogitationis non inconvenienter accipimus.

b

C A P U T XL.

Posuit tenebras latibulum suum. Psal. 17. 12.

DUM de bono poenitentiae per aspirationem supernæ gratiæ tractaretur, in expos. B. Job, l. 5. adjunctum est: *Posuit tenebras latibulum suum.* AUCTOR noster, ^{Num. 12. & 13.}

Y y 2 quia

^a Abest a mss.

^b In cod. Michael. legitur hoc desumptum ex Commentario Ezech. homilia. Sed

quæ est hæc homilia? Nullibi certe id nobis occurrit. Libro 1. comm. in lib. Regum cap. 1. num. 39. leguntur pene similia.

quia nobis in hoc exilium dejectis lucem suæ visionis abstulit, sese nostris oculis quasi in tenebrarum latibulo abscondit. Quas nimirum cæcitatæ nostræ tenebras cum studiose conspiciamus, mentem ad lamenta provocamus. Flet enim cæcitatem, quam foris patitur, si humiliter meminit quod interiorum lumine priveretur. Cumque tenebras, quibus circumdatur, respicit, splendoris intimi ardenti se desiderio affligit, omnique intentionis nisu semetipsam concurrit, & supernam lucem, quam condita deseruit, repulsa quærit. Unde fit plerumque ut in ipsis piis fletibus, illa interni gaudii claritas erumpat: & mens, quæ in torpore cæca jacuerat, ad inspectionem fulgoris intimis suspiriis vegetata convalescat.

C A P U T XLI.

Psalm. 27. 12. Tenebrosa aqua in nubibus aeris. Et 19. Præ fulgore in conspectu ejus nubes transierunt, grando & carbones ignis.

Num. 36.

Item lib. 27. Num. 15. Et lib. 29. Num. 3.

DUm de prædicatorum Ecclesiæ virtutibus tractaretur, in expof. B. Job, l. 17. adjunctum est: *Tenebrosa aqua in nubibus aeris, &c.* Tenebrosa aqua, quid aliud quam occultam signat scientiam Prophetarum, qui ante adventum Domini dum occultis sacramentis gravidum mysteria immensa gestarent, intuentium oculis, eorum intelligentia caligabat? Præ fulgore vero nubes transierunt, quia prædicatores sancti universa mundi spatia miraculorum claritate percurrunt. Qui etiam grando & carbones ignis vocati sunt: quia & per correctionem feriunt, & per flammam caritatis accendunt. Ipsa quoque libera Sanctorum increpatio, natura grandinis convenienter exprimitur. Grando enim veniens percutit, liquata rigat. Sancti autem viri corda audientium & terrentes feriunt, & blandientes infundunt. Nam quemadmodum feriant Prophetæ

testatur dicens. *Virtutem terribilium tuorum dicent, & magnitudinem tuam narrabunt.* Et quemadmodum blandientes rigent, secutus adjunxit: *Memoriam abundantie suavitatis tue erubescunt, & justitia tua exsultabunt.* *Psalm. 144. 6. Ibid. v. 7.*

C A P U T XLII.

Qui perfecit pedes meos tamquam cervorum. *Psalm. 17. 34. Num. 24.*

CUm de perfectorum studiis tractaretur, in expof. B. Job, l. 26. adjunctum est: *Qui perfecit pedes meos tamquam cervorum.* ROBUSTORUM mentes in Deo immobiliter fixæ, tanto adversa quæque despiciunt, quanto cernunt quod contra præcepta Conditoris excrefcunt. Aternitatis quippe præmia præstolantes, vires ex adversitatibus sumunt: quia crescente pugna gloriosorem sibi non ambigunt manere victoriam. Sic itaque electorum desideria dum premuntur, adversitate proficiunt, sicut ignis ilatu premitur ut crescat: & unde quasi extingui cernitur, inde roboratur. In eonamque ostendimus quanta ad Deum cupiditate flagramus, si non solum ad eum per tranquilla & mollia, sed etiam per aspera & dura transimus. Bene ergo per Psalmistam dicitur: *Qui perfecit pedes meos tamquam cervorum.* Cervus enim cum montium juga conscendit, quæque se aspera, quæque se obijciunt sentibus illigata, dato saltu transgreditur, & absque ullo cursus sui obstaculo in superioribus elevatur. Ita etiam electorum mentes, quæque sibi in hoc mundo obsistere atque obviare conspiciunt, contemplationis saltu transcendunt, & more cervorum, despectis terrenorum sentibus, in superna se evehunt. Unde idem Psalmista iterum dicit: *Et in Deo meo transgrediar murum.* *Ibid. 30.* Murus quippe est omne quod itineri nostro obijcitur, ne ad eum, qui diligitur, transeat. Sed murum transgredimur, cum

cum præ amore supernæ patriæ quæque in hoc mundo fuerint obiecta calcamus.

CAPUT XLIII.

Psal. 17. 36.

Filii alieni mentiti sunt mihi, filii alieni inveteraverunt, et claudicaverunt a semitis suis.

Num. 90.

2

IN expof. B. Job, l. 19 adjunctum est: *Filii alieni mentiti sunt mihi, &c.* ^a ISRAELITICUS populus idcirco claudus nominatur, quia sanum gressum in operatione non habuit. Quippe quia utroque pede uti noluit, dum unum Testamentum recipit, aliud spernit.

CAPUT XLIV.

Psal. 18. 1.

Cæli enarrant gloriam Dei.

Num. 10.

IN expof. B. Job, l. 9. adjunctum est: *Cæli enarrant gloriam Dei.* **Q**UID cælorum nomine, nisi prædicantium vita signatur? Ipsi igitur sunt cæli, ipsi soleſſe memorantur. Cæli ſcilicet, quia intercedendo protegent; ſol, quia prædicando, vim luminis ostendunt.

CAPUT XLV.

Psal. 18. 6.

In ſole poſuit tabernaculum ſuum.

Num. 25.

IN expof. B. Job, l. 34. adjunctum est: *In ſole poſuit tabernaculum ſuum.* AC ſi diceret: Humanitatis aſſumptæ ſacramentum in lumine manifeſtæ viſionis ostendit.

CAPUT XLVI.

Ibidem.

Iſpe enim tamquam ſponſus procedens de thalamo ſuo.

Psal. 30. 3.

DUM de myſterio incarnationis in Evang. adjunctum est: *Iſpe enim tamquam ſponſus procedens de thalamo ſuo.* TAMQUAM ſponſus Redemptor noſter de thalamo ſuo proceſſit, qui ad conjugendam ſibi Eccleſiam incarnatus Deus de incorrupto utero Virginis exivit.

CAPUT XLVII.

Psal. 20. 10.

Pones eos ut clibanum ignis in tempore vultus tui, Dominus in ira ſua conturbabit eos; & devorabit eos ignis.

DUM de iniquorum futura retributionis pœna tractaretur, ^{Num. 36.} in expof. B. Job, l. 15. adjunctum est: *Pones eos ut clibanum ignis in tempore vultus tui, &c.* **SCIENDUM** est quod omnes reprobi, quia ex anima ſimul & carne peccaverunt, illic in anima pariter & carne cruciantur. Clibanus namque intrinſecus ardet: is vero qui ab igne devoratur ab exteriori incipit parte concremari. Ut ergo ſacra eloquia ardere & exterius & interius reprobos demonſtrarent, eos & ab igne devorari, & ſicut clibanum poni teſtantur, ut per ignem crucientur in corpore, & per dolorem ardeant in mente. * In tempore itaque vultus Domini, injuſti omnes & ut clibanus puniuntur, & ab igne devorantur: quia apparente iudice, cum a viſione illius eorum multitudo repellitur, & intus per deſiderium ardet conſcientia, & foris carnem cruciat gehenna.

* Ibid. lib. 6. num. 47.

CAPUT XLVIII.

Deus meus clamabo per diem, nec exaudies: & nocte, & non ad inſipientiam mihi. ^{Psal. 22. 3.}

DUM de diſpenſatorio divinæ miſericordiæ dono circa electos tractaretur, in expof. B. Job, l. 20. adjunctum est: *Deus meus clamabo per diem, &c.* **SANCTA** Eccleſia perſecutionis tempore, fide ſtat, deſideriis clamat. Sed dolet ſe quaſi non reſpici, dum ſua videt in tribulationibus vota differri. Alto namque conſilio omnipotens Deus cum Sancti ejus adverſariorum perſecutionibus comprimuntur, cumque aſſiduis ut liberentur interpellationibus clamant, differre ſolet voces petentium, ut merita patientium creſcant; quatenus eo magis exaudiantur ad meritum, quo citius non exaudiuntur ad votum. Dicit ergo **Psalmiſta**: *Deus meus clamabo per diem, nec exaudies, & nocte.* Atque ipſa

Num. 68.

utj-

utilitas de exaudiendi mora mox subditur, cum illic protinus subinfertur: *Et non ad insipientiam mihi.* Ad multiplicandam quippe Sanctorum sapientiam proficit, quod postulata tarde percipiunt, ut ex dilatione crescat desiderium, ex desiderio intellectus augeatur. Intellectus vero cum intenditur, ejus in Deum ardentior affectus aperitur. Affectus autem ad promerenda cœlestia tanto fit capax, quanto sit exspectando longanimis. Sed tamen inter hæc Sanctorum patientiam dolor urget ad vocem, & cum dilati proficiunt, metuunt ne deficiant, & vacui rebus despecti reprobentur.

C A P U T XLIX.

Item unde supra.

Num. 34.

IN expof. B. Job, l. 26. NEMO qui tardius auditur, credat quod a superna cura negligatur. Sæpe enim nostra desideria, quia celeriter non fiunt, exaudiuntur: & quod impleri concite petimus, ex ipsa melius tarditate prosperatur. Sæpe vox nostra eo perficitur, quo differtur: & cum superficietenus petitio negligitur, vota nostra altius in cogitationum radice complentur, sicut & semina messium gelu pressa solidantur: & quo ad superficiem tardius exeunt, eo ad frugem multipliciora consurgunt. Desideria itaque nostra dilatione extenduntur ut proficiant: proficiunt, ut ad hoc quod perceptura sunt, convalescant. Exercitantur in certamine, ut majoribus cumulentur præmiis in retributione. Labor protrahitur pugnae, ut crescat corona victoriæ. Suos ergo Dominus cum velociter non exaudit, quo repellere creditur, trahit. Internus quippe est medicus, & peccatorum in nobis contagia, quæ inesse medullitis reprobatur, secatur; abscindit virus putredinis ferro tribulationis: & quo voces ægri audire dissimulat, eo ægritudinis finem

procurat. Hinc est ergo quod Propheta ait: *Clamabo per diem, nec exaudies: & nocte & non ad insipientiam mihi.* Ac si diceret: Nequaquam mihi ad insipientiam proficit, quod die ac nocte clamantem me continuo non exaudis: quia unde me in temporali tribulatione quasi deferis, inde ad æternam sapientiam plus erudis. Hinc etiam dicit: *Adjutor in opportunitatibus, in tribulatione.* In tribulatione quippe dicturus, opportunitatem præmisit: quia sæpe tribulatione conterimur, & tamen opportunum nondum est ut desiderio ereptionis adjuvemur.

C A P U T L.

Virga tua, & baculus tuus, ipsa me consolata sunt. Psal. 22. 4.

IN expof. B. Job, l. 20. adjutum est: *Virga tua & baculus tuus, &c.* a VIRGA percutimur, & baculo sustentamur. Si ergo est districto virgæ, quæ feriat, sit e contra consolatio baculi, quæ sustentet. Sit itaque amor, sed non emolliens: sit rigor, sed non exasperans: sit zelus, sed non immoderate sæviens: sit pietas, sed non plus quam expediat parcens.

Num. 14.

2

C A P U T LI.

Impinguasti in oleo caput meum.

Psal. 22. 5.

IN expof. B. Job, l. 3. adjutum est: *Impinguasti in oleo caput meum.* AC si dicat: caritatis pinguedine replesti mentem meam. *Exaruit velut testa virtus mea.* Etenim testa igne solidatur. Caro autem eo ex passione sua robustior exstitit, quo per infirmitatem moriens, a morte sine infirmitate surrexit. Et iterum: *Exaruit velut testa virtus mea.* Sicut testa enim ejus virtus exaruit, quia susceptæ carnis infirmitatem passionis suæ igne roboravit.

Num. 33.

Pf. 21. 16.

CAPUT LII.

Psalm. 23. 4. Qui non accepit in vano animam suam.

Num. 18. **C**UM de studio boni operis tractaretur, in expos. B. Job. l. 7. adjunctum est: *Qui non accepit, &c.* DE unoquoque electo per Psalmistam dicitur: *Qui non accepit in vano animam suam*. In vano namque animam suam accipit, qui sola præsencia cogitans, quæ sequantur in perpetuum non attendit. In vano animam suam accipit, qui ejus vitam negligens, ei curam carnis anteponit. Sed animam suam in vanum iusti non accipiunt, quia intentione continua ad ejus utilitatem referunt quicquid corporaliter operantur; quatenus & transeunte opere, operis causa non transeat, quæ vitæ præmia post vitam parat. Sed hæc curare reprobi negligunt, quia profecto ambulantes in vacuum, vitam sequentes fugiunt, inveniētes perdunt. Unde melius a pravorum imitatione compescimur, si eorum damna ex fine pensamus.

CAPUT LIII.

Psalm. 24. 28. De necessitatibus meis eripe me.

a

Num. 28. & 29.

DUM de ^a cohibendis per usum bonæ operationis, infirmitatis humanæ desideriis tractaretur, in expos. B. Job, lib. 20. adjunctum est: *De necessitatibus meis eripe me*. NATURA humana bene condita, sed ad infirmitatem vitio propriæ voluntatis lapsa in calamitatem cecidit: quia pressa innumeris necessitatibus, nihil in hac vita nisi unde affligeretur, invenit. Sed cum eisdem naturæ nostræ necessitatibus plerumque plusquam expedit, deservimus, mentisque curam negligimus, ex miseria negligentiae, infirmitati nostræ addimus squalorem culpæ. Necessitates namque naturales hoc habere valde periculosum solent,

quod sæpe in eis minime discernitur, quid circa illas per utilitatis studium, & quid per voluptatis vitium agatur. Crebro enim occasione seductionis inventa, dum necessitati debita reddimus, voluptatis vitio deservimus, & infirmitatis velamine ante discretionis oculos excusatio nostra se palliat, ac quasi sub patrocinio explendæ utilitatis occultat. Infirmitatem vero naturæ nostræ per negligentiam relaxare nihil est aliud, quam calamitati miseriæ addere, ac vitiorum squalorem eadem miseria multiplicare. Unde sancti viri in omne quod agunt, studiosissima intentione discernunt, ne quid plus ab eis naturæ suæ infirmitas, quam sibi debetur, exigat, ne sub necessitatis tegmine in eis vitium voluptatis excrescat. Aliud enim ex infirmitate, aliud ex tentationis suggestionem sustinet; & quasi quidam rectissimi^b arbitres inter necessitatem, voluptatemque constituti, hanc consolando sublevant, illam premendo frenant. Unde fit ut etsi infirmitatis suæ calamitatem tolerant, tamen ad squalorem miseriæ per negligentiam non descendant. Hoc ipsum enim esse in calamitate, est necessitatem naturæ ex carnis adhuc corruptibilis infirmitate sustinere: quas videlicet necessitates cupiebat evadere, quid dicebat: *De necessitatibus meis eripe me*. Sciebat enim plerumque voluptatum culpas ex necessitatum occasione prorumpere, ne quid sponte illicitum admitteret, hoc ipsum satagebat evelli, quod nolens ex radice tolerabat. At contra pravi gaudent in his corruptionis suæ necessitatibus, quia nimirum eas ad usus voluptatum retorquent. Cum enim reficiendis cibo corporibus naturæ serviunt, per delectationem gulæ in voluptatis

b

^a In excusis; de discernendo voluptatis & necessitatis negotio.

^b Ita missi, omnes, non arbitri, ut legi-

tur in vulgatis. Familiarem nostro Greg. vocem hanc jam sæpe probavimus.

tis ingluvie distenduntur. Cum tegendis membris vestimenta quærunt, non solum quæ tegant, sed etiam quæ extollant, appetunt: & contra torporem frigoris, non solum quæ per pinguedinem muniant, sed etiam quæ per mollitiem delectent; non solum quæ per mollitiem tatum mulceant, sed etiam quæ per colorem oculos seducant. De his ergo necessitatibus liberari Psalmista desiderans dicit: *De necessitatibus meis eripe me*. Necessitatis enim causam in usum voluptatis vertere, quid est aliud quam calamitati suæ squalorem miseriæ sociare?

CAPUT LIV.

Psal. 25. 2. Proba me, Domine, & tenta me.

CUM de providæ circumspeditionis electorum studiis tractaretur, in expos. B. Job, l. 7. adjunctum est: *Proba me, Domine, & tenta me*. CUM securos nos, ac de virtutum affluentia elatos, repentinus vel flagelli dolor, vel infirmitatis tentatio percutit, protinus ab status sui vertice mentis nostræ elatio succisa cadit; ut de semetipsa nihil audeat, sed infirmitatis suæ ictu prostrata, manum levantis quærat. Hinc est quod sancti viri, cum de occulta erga se dispositione suspecti sunt, plus prospera ipsa pertimescunt, tentari appetunt, flagellari concupiscunt: quatenus incautam mentem metus, & dolor erudiat, ne in hac peregrinationis via hoste ex insidiis erumpente, sua eam deterius securitas sternat. Recte ergo per Psalmistam dicitur: *Proba me, Domine, & tenta me*. Ac si aperte dicat: Prius vires inspice, & tunc ut ferre valeo tentari permitte. Hinc iterum dicit: *Ego ad flagella paratus sum*. Quia enim sanctæ mentes suæ corruptionis vulnus sine putredine non esse considerant, libenter se sub manu medici ad se-

ctiones parant, ut aperto vulnere virtus peccati exeat, quod sana cute intus occidebat.

CAPUT LV.

Dominus illuminatio mea, & salus mea: quem timebo? *Psal. 26. 1.*

IN expos. B. Job, l. 14. adjunctum est: *Dominus illuminatio, &c.* ^aEx pœna culpæ est, videre bonum quod agere debeat, & tamen implere non posse. Et rursus ex graviore pœna culpæ est, quod agere debeat, nec videre. Unde & contra hæc utraque Psalmistæ voce dicitur: *Dominus illuminatio mea, et salus mea*. Contra ignorantiam enim tenebras illuminatio, contra infirmitatem vero salus est Dominus, quando & ostendit quid debeat ad agendum appeti, & vires præbet ut quod ostenderit, possit impleri.

CAPUT LVI.

Item unde supra.

IN expos. B. Job, l. 19 CREBRO ^{Num. 37.} Inamque peccatum, aut ignorantia, aut infirmitate perpetratur: ut vel nesciat homo quid velle debeat, vel non omne, quod voluerit, possit. Quo contra recte per Psalmistam dicitur: *Dominus illuminatio mea, et salus mea*. Quia enim & scientiam Dominus & virtutem præbet: & contra ignorantiam illuminatio, & contra infirmitatem salus vocatur:

CAPUT LVII.

Unam petii a Domino, hanc requiram. *Psal. 26. 7.*

CUM ^bde cavendis pravcrum desideriiis, & appetendis bonorum studiis tractaretur, in expos. B. Job, l. 4. adjunctum est: *Unam petii a Domino, hanc requiram*, OMNES, qui vel illicita appetunt, vel in hoc mundo videri aliquid volunt, densis cogitationum tumultibus in corde comprimuntur. Dumque desideriorum turbas intra se excitant, prostratam mentem, pede miseræ frequentationis calcant. * At contra,

san-

* *Ibid. n. 58*

^a Caput 55. & 59. in mss. desiderantur.

^b In editis, *de mentis tranquillitate* a

mundi tumultibus retinenda.

sancti viri, quia nihil hujus mundi appetunt, nullis procul dubio in corde tumultibus premuntur. Omnes quippe inordinatos motus desideriorum, a cubili cordis manu sanctæ considerationis ejiciunt: & quia transitoria cuncta despiciunt, ex his nascentes cogitationum^a insolentias non patiuntur. Solam namque æternam patriam appetunt: & quia nulla hujus mundi diligunt, magna mentis tranquillitate perfruuntur. Annon cunctos a se cogitationum tumultus expulerat, qui dicebat: *Unam petii a Domino, hanc requiram, ut habitem in domo Domini?* A frequentia quippe terrenorum desideriorum fugerat, & ad magnam videlicet solitudinem semetipsum contulerat; ubi eo tutius nihil extraneum conspiceret, quo competens nil amaret. A tumultu rerum temporalium magnum quemdam secessum petierat quietam mentem, in qua tanto purius Deum cerneret, quanto hunc cum se solo solum inveniret.

CAPUT LVIII.

Ps. 30. 51. *Abscondes eos in abscondito vultus tui a conturbatione hominum.*

Cum de electorum virtutibus tractaretur, in expos. B. Job, lib. 4. adjunctum est: *Abscondes eos in abscondito vultus tui a conturbatione hominum.* ELECTUS quisque in judicio per internum visum, in vultu divinitatis absconditur, dum reprobis foris cæcitas districta animadversione justitiæ repulsa turbatur. Sancti itaque viri ab importunitate desideriorum temporalium, a tumultu inutilium curarum, a clamore perstreptentium perturbationum semetispos sacri verbi gladio mortificare non desinunt, atque intus ante Dei faciem in sinu mentis abscon-

dunt. Unde recte per Psalmistam dicitur? *Abscondes eos in abscondito vultus tui a conturbatione hominum.* Quod quamvis perfecte postmodum fiat, etiam nunc ex magna parte agitur, cum a temporalium desideriorum tumultibus, delectatione in interiora rapiuntur, ut mens eorum dum in amorem Dei tota tenditur, nulla inutili perturbatione laceretur. Hinc est quod Paulus per contemplationem mortuos, & quasi in secreto divinitatis absconditos discipulos viderat, quibus dicebat: *Mortui enim estis, & vita vestra abscondita est cum Christo in Deo.* Qui enim mortificare se appetit, valde ad inventam requiem contemplationis hilarescit, ut exstinctus mundo lateat, & a cunctis exteriorum rerum perturbationibus intra sinum se intimi amoris^b abscondit.

CAPUT LIX.

Ego dixi in pavore meo, projectus sum a vultu oculorum tuorum. Ps. 30. 11.

Cum de electorum profectibus, per propriæ infirmitatis cognitionem tractaretur, in expos. B. Job, l. 23. adjunctum est: *Ego dixi in pavore meo, etc.* VIR sanctus æternam patriam^c contemplatus, & hæc mala pensans in quibus erat, atque illa bona considerans, in quibus adhuc non erat, ait; *Ego dixi in pavore meo, projectus sum a vultu oculorum tuorum.* Sublevatus quippe in extasi (quod nostri interpretes pavorem non proprie vocaverunt) a vultu oculorum Dei vidit se esse projectum. Post interni quippe luminis visionem, quæ intus anima per contemplationis gratiam radio claritatis emicuit, a semetipso recessit, & cognitione percepta, vel quibus illic bonis deesset, vel quibus malis hic adesset invenit: neque enim quis præsentis vitæ mala sicut sunt, conspiciere prævalet, si bonæ

æter-

^a Michael. *tumultus*. Utic. utramque lectionem exhibet.

Tom. XIV.

^b Editi cum Michael. *abscondat*.

^c Utic. & Gemet. *contemplatur*.

ternæ patriæ per contemplationis gustum contingere necdum valet. Unde & a vultu oculorum Dei projectum se esse cognovit. Sublevatus quippe vidit, quod se hic videre non posse ad se relaxatus ingemuit. Perfectam scilicet animam ista compunctio afficere familiarius solet, quia omnes imaginationes corporeas insolenter sibi obviantes discutit, & cordis oculum figere in ipso radio incircumscriptæ lucis intendit. Figuras corporalium specierum ad se intus ex infirmitate corporis trahit; sed perfecte compuncta, hoc summo opere invigilat ne cum veritatem quærit, eam imaginatio circumscriptæ visionis illudat: cunctasque sibi obviantes imagines respuit. Quia enim per illas infra se lapsa est, sine illis super se ire conatur. Et postquam per multa indecenter sparsa est, in unum se colligere nititur, ut, si magna vi amoris prævalet, esse unum atque incorporeum contempletur. ^a Unde aliquando ad quamdam inusitatam dulcedinem interni saporis admittitur, & raptim aliquomodo ardenti spiritu afflata renovatur, tantoque magis inhiat, quanto magis quod amet degustat. Atque hoc intra se appetit, quod sibi dulce sapere intrinsecus sentit: quia videlicet ejus amore dulcedinis sibi coram vultu: & postquam hanc utcumque percipere potuit, quid si ne illa dudum fuisset, invenit. Cui inhærere conatur, sed ab ejus fortitudine, sua adhuc infirmitate repellitur. Et quia ejus munditiæ contemperari non valet, flere dulce habet, sibi que ad se cadenti infirmitatis suæ lacrymas sternere. Neque enim potest mentis oculum in id quod contra se raptim conspexerat, figere: quia ipso vetustatis suæ usu deorsum ire compellitur. Inter hæc anhelat, æstuat, super se ire conatur, sed ad familiares tenebras

suas victa fatigatione relabitur.

C A P U T LX.

Item unde supra.

Num. 66.

IN expos. B. Job, l. 18. ^b CONTEMPLATUS quippe interna gaudia visionis Dei, & iocalem frequentiam Angelorum persistentium, reduxit oculos ad ima: vidit quo jaceret, qui ad hoc conditus fuerat ut in cœlestibus stare potuisset. Pensavit ubi esset; & quod esset, ingemuit. Projectumque se a vultu oculorum Dei doluit: quia in comparatione lucis intimæ, graviores senserat exilii sui tenebras, quas tolerabat.

C A P U T LXI.

Viriliter agite, et confortetur cor vestrum. *rs. 30. 25.*

IN expos. B. Job, l. 7. adjunctum est: *Viriliter agite, &c.* ^{Num. 24.} JUSTORUM fortitudo est carnem vincere, propriis voluntatibus contraire, delectationem vitæ præsentis extingueret, hujus mundi aspera pro æternis præmiis amare, prosperitatis blandimenta contemnere, adversitatis metum in corde superare. Reproborum vero fortitudo est transitoria sine cessatione diligere, contra flagella Conditoris insensibiliter perdurare, ab amore rerum temporalium nec ex adversitate quiescere, ad inanem gloriam etiam cum vitæ detrimento pervenire, malitiæ augmenta exquirere, bonorum vitam non solum verbis ac moribus, sed etiam gladiis impugnare, in semetipsis spem ponere, iniquitatem quotidie sine ullo desiderii defectu perpetrare.

C A P U T LXII.

Item unde supra.

Num. 63.

IN expos. B. Job, lib. 26. DICENS enim, *Viriliter agite, &c.* *confortetur cor vestrum*, quod illico subdidit, quasi sexum cordis munire curavit. Luxuriosi quippe mens corumpitur si rebus transitoriis delectetur.

CA.

^a Reliqua defunt in mss. ^b Mss. non habent capita 60. 61. 62.

CAPUT LXIII.

Pf. 30. 25. Viriliter agite, & confortetur cor vestrum.

DUM de differendo intellectu sacri eloquii tractaretur, in expof. B. Job, l. 28. adjunctum est: *Viriliter agite, &c.* SCRIPTURA sacra viros vocare confuevit, qui nimirum vias Domini fortibus & non dissolutis gressibus fequuntur. Unde & Paulus ait: *Remiffas manus & dissoluta genua erigite.* Unde & Sapientia in Proverbiis dicit: *O viri, ad vos clamito.* Ac si aperte diceret: Ego non feminis, sed viris loquor: quia hi, qui fluxa mente sunt, mea verba percipere nequaquam possunt.

CAPUT LXIV.

Beati, quorum remiffæ sunt iniquitates, & quorum testa sunt peccata.

CUM de electorum per internam gratiam studiis tractaretur, ^a hom. 4. in Ezech. adjunctum est: *Beati, quorum remiffæ sunt iniquitates, &c.* ^b SANCTI viri ante Dei oculo student culpas linguæ tegere meritis vitæ. Student pondere bonorum operum premere immoderata verborum. Unde sancta Ecclesia in suis electis quotidie otiofæ locutionis vitium virtute boni operis tegit. *Beati, ergo, quorum remiffæ sunt iniquitates, & quorum testa sunt peccata.* Sed rursus cum scriptum sit: *Omnia nuda & aperta sunt oculis ejus,* quomodo tegi possunt quæ ejus oculis, cui cuncta nuda sunt, abscondi nequaquam possunt? Sed quia hoc, quod tegimus, inferius ponimus: atque hoc unde tegimur, nimirum superducimus, ut quod est subterpositum tegamus: tegere peccata dicimur, quæ quasi subterponimus, dum abdicamus, eisque aliud superducimus, dum bonæ actionis opus ad hoc post eligimus, ut præ-

feramus. Peccata itaque tegimus, cum bona facta malis actibus superponimus. Quando ergo abdicamus mala quæ fecimus, & eligimus bona quæque ut faciamus, quasi tegmen ei rei superducimus, quam erubescimus videri. Qui ergo priora mala deserit, & bona posterius facit, per hoc, quod addit, transactam nequitiam tegit, cui boni operis meritum superducit. Quamlibet enim sancti viri in hac adhuc vita sint, habent tamen quod ante Dei oculos operire debeant: quia omnino est impossibile ut aut in opere, aut in locutione, aut in cogitatione numquam delinquant.

CAPUT LXV.

Conversus sum in ærumna mea, dum confringitur spinas. *Pfal. 31. 40.*

DUM de bono pœnitentiæ tractaretur, in expof. B. Job, l. 20. ^{Num. 21.} adjunctum est: *Conversus sum in ærumna mea, &c.* QUID hoc loco per spinam, nisi omne peccatum evidentr exprimitur? Quia dum trahit ad delectationem, quasi pungendo lacerat mentem. Hinc ergo iusti & pœnitentis voce dicitur: *Conversus sum in ærumna mea, dum confringitur spina:* quia scilicet mens ad lamentum vertitur, ut peccati punctio pœnitendo frangatur. In translatione vero alia non confringi, sed configi spina perhibetur. Quod videlicet ab eodem sensu non dissonat, quia pœnitentis animus ad luctum ducitur, dum perpetrata culpa in memoria fixa retinetur.

CAPUT LXVI.

Dixi: pronuntiabo adversus me iniustitiam meam Domino, & turremisti impietatem cordis mei. *Pf. 35. 5.*

DUM de abstergendis cogitationum nondum procedentibus in opere flagitiis tractaretur, Reg. Past. par. 3. adjunctum est: *Dixi, &c.* SÆPE

Z. z. 2. mi.

^a Locus qui hic citatur pertinet ad extremam verba capituli. Priora enim sumpta sunt ex l. 32. in Job n. 2. E. V.

^b In cod. Michael. indicatur lib. 33. in Job. In Utic. lib. 32. Exstant hæc hom. 4. in Ezech. loco assignato.

misericors Deus eo citius peccata cordis abluir, quo hæc exire ad opera non permittit, & cogitata nequitia tanto citius solvitur, quanto effectu operis districtius non ligatur. Unde recte per Psalmistam dicitur: *Dixi, Pronuntiabo adversum me injustitiam meam Domino, et tu remisisti impietatem cordis mei.* Qui enim impietatem cordis subdidit, quia cogitationum injustitias pronuntiare vellet, indicavit. Dumque ait: *Dixi: Pronuntiabo;* atque illico adjunxit: *Et tu remisisti,* quam super hæc sit facilis venia, ostendit: qui dum se adhuc promittit petere, hoc quod se petere promittebat, obtinuit; quatenus quia usque ad opus non venerat culpa, usque ad cruciatum non perveniret penitentia, sed cogitata afflictio mentem tergeret, quam nimirum tantummodo cogitata iniquitas inquinasset.

CAPUT LXVII.

Psalm. 32. 9. In cama et freno maxillas eorum constringe, qui non approximant ad te.

CUM de utilitate temporalis flagelli tractaretur, in expos. B. Job, lib. 26. adjunctum est: *In cama, etc.* SÆPE qui jubentis verba non audiunt, ferientis verberibus admonentur; ut ad bona desideria saltem pœnæ trahant, quos præmia non invitant. Si vero etiam flagella conspiciunt, constat nimirum quod tanto illic gravioris vindictæ supplicia sentiant, quanto hic majoris providentiæ gratiam calcant.

CAPUT LXVIII.

Psalm. 32. 4. Verbo Domini cæli firmati sunt, et spiritu oris ejus omnis virtus eorum.

DUM de Apostolorum virtutibus per sancti Spiritus donum tractaretur, in expos. B. Job, lib. 17. adjunctum est: *Verbo Domini cæli firmati sunt, &c.* QUID cælorum nomine, nisi sancti Apostoli designantur? Qui verbis pluunt,

& coruscant miraculis; quorum virtus ex dono confortatur spiritus. De quibus per eundem Psalmistam dicitur: *Cæli enarrant gloriam Dei.* Quibus tunc virtutem dedit spiritus, cum replevit: quod Luca referente didicimus, qui ait: *Factus est repente de cælo sonus tamquam advenientis spiritus vehementis, & replevit totam domum ubi erant sedentes: & apparuerunt illis dispersita lingua tamquam ignis, seditque super singulos eorum. Et repleti sunt omnes spiritu sancto, & cœperunt loqui variis linguis, prout spiritus sanctus dabat eloqui illis.* Ex eo ergo acceperunt ornamenta virtutis, quos immensa ante possederat fœditas timoris. Scimus enim quod ille Apostolorum, id est cælorum primus, ante acceptam hujus spiritus gratiam, quoties dum mori timuit, vitam negavit. Qui non pœnis, non afflictionibus, non terribili potestate cujusquam, sed unius mancipii sola est interrogatione prostratus. Et quidem mancipium ne sexus firmior terribile demonstraret, ancilla est inquirente tentatus. Rursusque ut talis sexus infirmitas etiam officii sui dejectione vilesceret, non ab ancilla tantum, sed ab ostiaria est ancilla requisitus. Ecce quam vilis est ad tentandum persona requisita, ut aperte proderetur, quanta eum timoris infirmitas possederit, qui nec ante vocem ostiariæ ancillæ subsisteret. Sed jam hic paulo ante timidus, qualis, post acceptam virtutem spiritus existeret, videamus. Certe Luca testante didicimus contra Sacerdotes ac Principes quanta Dominum auctoritate prædicavit. Nam cum facto miraculo quæstio fuisset exorta, & Sacerdotum Principes, Seniores, ac Scribæ in Apostolorum persecutione concurrent, eos in medio statuentes, in qua virtute miraculum fecerint per-

Psalm. 18. 2.

Act. 2. 2. Ex hom. 30. in Evang. n. 7. & 8.

cun-

cunctari curaverunt. Quibus, repletus Spiritu sancto Petrus, dixit : *Act. 4. v.* *Principes populi & Seniores, si nos hodie dijudicamur in beneficio hominis infirmi, in quo iste salvus factus est, notum sit omnibus vobis, & omni plebi Israel : quia in nomine Jesu Christi Nazareni, quem vos crucifixistis, quem Deus suscitavit a mortuis, in hoc iste astat coram vobis sanus.* Cumque erga hæc persequentium furor excreceret, eosque Sacerdotes ac Principes Jesum prædicare prohiberent, contra minas Principum, qua auctoritate Petrus excreverat, indicatur, cum illic protinus subditur : *Act. 5. 29.* *Petrus vero & Apostoli dixerunt : Obedire oportet Deo magis quam hominibus.* Sed cum auctoritatem prædicantium resistentium præcepta non premerent, ad flagella pervenitur, nam subditur : *Tunc Principes sacerdotum cæsis denuntiaverunt ne loquerentur in nomine Jesu, & dimiserunt eos.* Sed quia Apostolorum virtutem premere nec flagella valuerunt, patenter ostenditur, cum protinus subinfer-
2. id. 41. *tur : Et illi quidem ibant gaudentes a conspectu consilii, quoniam digni habiti sunt pro nomine Jesu contumeliam pati.* Mox etiam post flagellorum gaudia quid agerent, indicatur : *Omni autem die in templo, & circa domos non cessabant, docentes & evangelizantes Jesum Christum.* Ecce ille, qui paulo ante timidus, jam linguis loquitur, coruscet miraculis, infidelitatem Sacerdotum ac Principum libera voce increpat, ad prædicandum Jesum exemplum auctoritatis cæteris præstat. Ne in nomine Jesu loqui debeat verberibus prohibetur, nec tamen compescitur. Contemnit flagella cædentium, qui paulo antequiritentium verba timuerat, & qui ancillæ vires requisitus expavit, vires Principum cæsus premit. Spiritu ergo oris ejus omnis virtus eorum.

Ejusdem enim jam sancti Spiritus virtute solidatus, hujus mundi altitudines libertatis calce deprimebat, ut in imo esse cerneret quod contra Creatotis gratiam altum tumeret. Hæc est firmitas cælorum, hæc sunt dona spiritus, quæ diversis manifestari virtutibus solent. Quas occultæ dispensationis munere divisas Paulus enumerat, dicens : *Alii quidem per spiritum datur sermo sapientiæ ; alii autem sermo scientiæ, secundum eundem spiritum ; alteri fides in eodem spiritu, alii autem gratia sanitatum in uno spiritu, alii operatio virtutum, alii prophetia, alii interpretatio spirituum, alii genera linguarum, alii discretio sermonum :* quem mox generali definitione concludens, ait : *Hec autem omnia operatur unus atque idem spiritus, dividens singulis prout vult.* Bene itaque dicitur : *Et spiritu oris ejus omnis virtus eorum :* quia prædicatores sancti, nisi promissa Paracleti dona perciperent, nullo fortitudinis decore claruissent.

1. Cor. 12.
8. & seq.

CAPUT LXIX.

Congregans quasi in utre aquas maris. Psal. 32. 7.

DUm de perversis contra Ecclesiam machinationibus tractaretur, in expos. B. Job, l. 19. adjunctum est : *Congregans quasi in utre aquas maris.* AQUAS maris quasi in utre Dominus congregat, cum miro moderamine cuncta disponens, in suis clausas cordibus carnalium minas frenat. Extremi namque temporis persecutione crescente, apertas hæreticorum voces sancta Ecclesia tolerare compellitur, cum motus cordis sui, quos nunc intra cogitationum sinus contegunt, tunc in voce manifesti erroris aperiunt. Nunc enim sicut per Johannem dicitur : *Draco in abyssu clausus tenetur :* quia diabolica malitia in eorum subdolis cordibus occultatur. Sed sicut illic dictum est, *Educetur draco de puteo aby-*

Num. 15.

Apo. 20. 3.

abyss-

abyssi: quia quod modo præ timore tegitur, tunc contra Ecclesiam publice de iniquorum cordibus omne serpentinum virus aperitur. Nunc enim abscondit se sub blandiente lingua sæviens conscientia, & malitia calliditatis quasi quadam se tegit abyssio simulationis. Nunc Dominus, sicut Psalmistæ voce dicitur: *Congregat sicut in utre aquas maris*. Uter quippe est carnalis cogitatio: aquæ ergo maris in utre congregatæ sunt, cum amaritudo perversæ mentis non erumpit exterius in vocem pravæ libertatis.

C A P U T LXX.

Pf. 33. 9. Gustate, & videte, quoniam suavis est Dominus.

Num. 1.

CUM de nutriendo in Deum desiderio, per experimentum bonorum actuum tractaretur, ho. 36. in Evang. adjunctum est: *Gustate, & videte, &c.* AUGMENTUM semper spirituales deliciae desiderium in mente dum satiant: quia quanto magis earum sapor percipitur, eo amplius cognoscitur quod avidius ametur: & idcirco non habitæ amari non possunt, quia earum sapor ignoratur. Quis enim amare valeat quod ignorat? Proinde Psalmista nos admonet, dicens: *Gustate, & videte, quoniam suavis est Dominus*. Ac si aperte dicat: Suavitatem ejus non cognoscitis, si hanc minime gustatis. Sed cibum vitæ ex palato cordis tangite, ut probantes ejus dulcedinem amare valeatis. Sed has homo delicias tunc amisit, cum in paradiso peccavit, cum os a cibo internæ dulcedinis clausit. Unde nos quoque nati in hujus peregrinationis ærumna, huc fastidiosi jam venimus, nec scimus quid desiderare debeamus, tantoque se amplius fastidii nostri morbus exaggerat, quanto se magis ab esu illius dulcedinis animus elongat: & eo jam internas delicias non appetit, quo eas come-

dere diu longeque defuevit. Fastidio ergo nostro tabescimus, & longa inedia peste fatigamur. Et quia gustare intus nolumus paratam dulcedinem, amamus foris miseri famem nostram.

C A P U T LXXI.

Divites egruerunt, & esurierunt. Pf. 33. 17.

DUM de distinguendis veris & falsis deliciis tractaretur, in expos. B. Job, l. 15. adjunctum est: *Num. 9. Divites egruerunt, & esurierunt*. SI de exteriori fame egestas divitum, & esuries diceretur, profecto divites non essent, qui pane corporis indigerent. Sed quia, dum exterius multiplicantur, interius inanes fiunt: & divites pariter & egentes esse memorantur: quia videlicet pane sapientiæ saturari minime merentur.

C A P U T LXXII.

Declina a malo, & fac bonum. Pf. 36. 27.

CUM de perfectorum virtutibus tractaretur, in expos. B. Job, l. 1. adjunctum est: *Declina a malo, & fac bonum*. NEQUAQUAM bona Deo accepta sunt, quæ ante ejus oculos malorum admixtione maculantur. Hinc namque per Salomonem dicitur: *Qui in uno offenderit, Eccles. 9. 18. multa bona perdit*. Hinc Jacobus attestatur dicens: *Quicumque totam legem servaverit, offendat autem in uno, factus est omnium reus*. Hinc Paulus ait: *Modicum fermentum totam massam corrumpit*. *L. Cor. 5. 6.*

C A P U T LXXIII.

Item unde supra.

Num. 46.

IN expos. B. Job, l. 23. ^a DECLINARE quippe a malo, est ab eo, quo jacuit, surgere. Bonum vero facere, est mercedis opera, in quibus requiescere debeat, præparare. Qui enim declinat a malo, sed bona non facit, surrexit quidem ab eo, quo jacuit: sed ubi requiescere debeat, necdum paravit.

CA.

^a Hoc caput cum sequenti omittitur in mss.

CAPUT LXXIV.

Ps. 33. 21. Dominus custodit omnia ossa eorum ,
unus ex his non conteretur.

Num. 48. **I**N expof. B. Job , l. 23. adjun-
ctum eft : *Dominus custodit omnia
offa eorum , &c.* QUOD utique non
de offibus corporis , fed de viribus
dicitur mentis. Nam certe novimus ,
quod & multorum corporaliter offa
contracta sunt , & perfecutores Do-
mini , latronis illius cui dictum eft :
Luc. 23. 43. *Hodie mecum eris in paradiso* , ficut
latronis alterius , in cruce crura fre-
gerunt.

CAPUT LXXV.

Ps. 34. 5. *Fiant ficut pulvis ante faciem venti ,
& Angelus Domini affligens
eos.*

Num. 62. 53. **D**UM de tentationum exercitio
casuque tractaretur , in expof.
B. Job , l. 3. adjunctum eft : *Fiant
sicut pulvis ante faciem venti , &c.*
QUI in corde suo aura tentationis
rapitur , quasi antefaciem venti pul-
vis elevatur : & cum inter hæc di-
vina diftrictio percutit , quid aliud
quam Angelus Domini affligit ? Sed
hæc aliter aguntur a reprobis , aliter
ab electis . Illorum namque corda
ita tentantur , ut consentiant : iusto-
rum vero , tentationes quidem fu-
fcipiunt , fed repugnant . Illorum
mens delectabiliter capitur : & fi ad
tempus , quod male suggeritur , dif-
plicet : fed postmodum per delibe-
rationem libet . Isti vero fic tenta-
tionum jacula excipiunt ut femper re-
sistendo fatigentur ; & fi quando uf-
que ad delectationem tentata mens
rapitur , ipsi tamen citius subreptio-
nem suæ delectationis erubescunt , &
forti censura redarguunt quidquid ^a
intra se carnale deprehendunt.

b CAPUT LXXVI.

Ps. 34. 6. *Fiant viæ eorum tenebræ , & lu-
bricum.*

Num. 39. **I**N expof. B. Job , l. 19. adjun-
ctum eft : *Fiant viæ eorum te-*

^a Mss. Uric. & Michael. quidquid intra
se ex suggestionem carnali , &c.

nebræ , & lubricum. Ut scilicet per
tenebras , ire quo ire debent , non
videant : qui etsi testæ viderint , in
eis tamen per lubricum stare non
possunt . Isti itaque per lubricum in-
ter bona claudicant , illi per tene-
bras , quæ bona sequantur ignorant .

CAPUT LXXVII.

*Omnia ossa mea dicent , Domine , Ps. 34. 10.
quis similis tibi ?*

Num. 56. **C**UM de comprimenda sui præ-
sumptione per cognitionem di-
vini occultique iudicii tractaretur , in
expof. B. Job , lib. 5. adjunctum est :
Omnia ossa mea , etc. QUID per
ossa nisi fortia acta signantur ? De
quibus & per Prophetam dicitur :
Dominus custodit omnia ossa eorum.
Et sæpe quæ agunt homines , esse
alicujus momenti æstimant , quia di-
strictionis intimæ quam sit subtile
iudicium ignorant . Sed cum per
contemplationem rapti superna con-
spiciunt , ab ipsa aliquo modo præ-
sumptionis suæ securitate liquefiunt :
& tanto magis in divino conspectu
trepidant , quanto nec bona sua di-
gna ejus examine quem conspiciunt ,
pensant . Hinc est enim , quod is ,
qui fortia operando profecerat , per
spiritum sublevatus clamabat : *Omnia* Ps. 34. 10.
*ossa mea dicent : Domine , quis simi-
lis tibi ?* Ac si diceret : Carnes meæ
verbum non habent : quia infirma
mea apud te funditus silent ; ossa
autem mea tuæ magnitudinis laudem
dicunt : quia ipsa quoque , quæ esse
in me fortia credidi , tua considera-
tione contremiscunt .

CAPUT LXXVIII.

Item unde supra .

Num. 79. **I**N expositione B. Job , l. 18. Dum
de qualitate divinæ in homine
similitudinis tractaretur , adjunctum
est : *Domine quis similis tibi .* AD
hoc Sancti omnes ad illa gaudia æ-
terna perveniunt , ut esse Deo simi-
les possint , sicut scriptum est : *Cum* 1. Job. 3. 2.
ap.

^b Desideratur in mss. hoc caput.

apparuerit, *similes ei erimus: quoniam videbimus eum sicuti est*. Et tamen scriptum est: *Domine Deus virtutum, quis similis tibi?* Et iterum ait: *Quis similis erit Domino inter filios?* Unde ergo similes, & unde non similes, nisi quia huic sapientiæ & similes erunt ad imaginem, & tamen non erunt similes ad æqualitatem? Aspiciendo quippe æternitatem Dei, fit eis ut æterni sint. Et dum visionis ejus donum percipiunt, ex perceptione beatitudinis imitantur quod vident. Et similes ergo sunt, quia beati sunt, & tamen Creatori similes non sunt, quia creaturæ sunt. Et habent itaque quamdam Dei similitudinem, quia non habent finem. Et tamen incircumscripti æqualitatem non habent: quia habent circumscriptionem.

CAPUT LXXIX.

Ps. 16. 15. Vidi impium superexaltatum, & elevatum sicut cedros Libani: transivi, & ecce non erat.

Num. 63. Cum de provectu meritorum, & de malorum cognitione tractaretur, in expof. B. Job, l. 15. adjunctum est: Vidi impium superexaltatum, &c. DAVID Propheta quoniam a dilectione præsentis seculi jam corde transierat, iniqui gloriam describens dicebat: Vidi impium superexaltatum, & elevatum sicut cedros Libani. Sed quia cor huic mundo non subdidit, hunc jure despexit, dicens: Transivi, & ecce non erat. Effet quippe aliquid in ejus æstimatione impius, si ipse ab hoc seculo per intentionem minime transisset. Sed is qui non transeunti magnum aliquid esset, transeunti animo, quam nihil esset, apparuit: quia dum æterna retributio cogitatur, præfens gloria quam sit nulla cognoscitur. Hinc Moyses, cum supernæ contemplationis gloriam quæreretur, dixit: Transiens videbo visionem. Nisi enim gres-

sum cordis a seculi amore movisset, nequaquam intelligere superna potuisset.

CAPUT LXXX.

Computruerunt, & deterioraverunt cicatrices meæ a facie insipientiæ meæ. *Ps. 37. 6.*

Num. 83. Cum de abolenda memoria præteritorum excessuum tractaretur, in expof. B. Job, l. 9. adjunctum est: Computruerunt, &c. QUI peccatum corrigit & plangit, cicatricem vulneri superducit. Sed cum mens decepta hoc unde jam pœnituit, ad delectationem sui revocat; cicatrix pœnitentiæ, quæ superducta fuerat, ad putredinem vulneris redit, ut fœtorem prava delectatio habeat, postquam salutem vulneris jam cicatrix sarcita cute monstrabat. Quid itaque cicatrices, nisi sanationes sunt vulnorum? Laxatas namque nequitias ad delectationem memoriæ redire conspexerat, qui cicatrices deſtebat. Cicatrices quippe computrescere, est sanata jam peccatorum vulnera rursus in tentationem serpere, atque ex eorum suggestionibus post superductam cutem pœnitentiæ, fœtorem culpæ iterum, doloremque sentire: quia videlicet in re & nihil foris opere agitur, & sola intus cogitatione peccatur, districtoque se reatu mens obligat, nisi hoc sollicitis lamentis tergat.

CAPUT LXXXI.

Incurvatus sum, & humiliatus sum usquequaque. *Psal. 37. 7.*

Num. 7. Dum de cavendo usu pravæ consuetudinis tractaretur, hom. 31. in Evang. adjunctum est: Incurvatus sum, &c. PLERUMQUE videmus quæ agenda sunt, sed opere non implemus: nitimur & infirmamur. Mentis judicium rectitudinem conspicit, sed ad hanc operis fortitudo succumbit: quia nimirum jam de pœna peccati est, ut ex dono quidem

a Nonnulli mss. *inter filios hominum.*

b In Gemet. hic & deinceps, *super cedros.*

dem possit bonum conspici, sed tamen ab eo, quod aspicitur, contingat per meritum repelli. Usitata etenim culpa obligat mentem, ut nequaquam surgere possit ad rectitudinem. Conatur & labitur: quia ubi sponte diu perstitit, ibi & cum noluerit, coacta cadit. Unde bene de hac nostra incurvatione ex typo humani generis per Psalmistam dicitur: *Incurvatus sum, & humiliatus sum usquequaque*. Contemplatus quippe quod ad supernam lucem intuendam homo conditus fuerat, sed peccatis exigentibus foras missus, mentis suæ tenebras portat, superna non appetit, in infimis intendit, cœlestia nequaquam desiderat, terrena semper in animo versat. Et hoc, quod de suo genere doluit, in seipso exclamavit dicens: *Incurvatus sum, & humiliatus sum usquequaque*. Contemplationem namque cœlestium perdens, si sola carnis necessaria homo cogitaret, incurvatus & humiliatus esset, sed tamen usquequaque non esset. Quem ergo a supernis cogitationibus non solum necessitas dejecit, sed etiam voluptas illicita sternit, non solum incurvatus, sed usquequaque incurvatus est.

a

CAPUT LXXXII.

Ps. 37. 18. Ego autem ad flagella paratus sum.

*Num. 21. C*um de parato semper ad suscipienda flagella electorum animo tractaretur, in expos. B. Job, l. 7. adjunctum est: *Ego autem ad flagella paratus sum*. QUIA enim Sancti mentis suæ corruptionis vulnus sine putredine non esse considerant, libenter se sub manu medici ad sectiones parant: ut aperto vulnere virus peccati exeat, quod sana cute intus occidebat.

CAPUT LXXXIII.

Iniquitatem meam ego pronuntiabo, & cogitabo pro peccato meo. *Ps. 37. 19.*

*D*um de non abolenda ad corrigendum per cognitionem infirmitatis propriæ peccati memoria tractaretur, in expos. B. Job, lib. 8. adjunctum est: *Iniquitatem meam* *Num. 37.*

ego pronuntiabo, &c. TRIBULATIO spiritus electorum linguam commovet, ut reatum pravi operis vox confessionis impugnet. Sciendum quoque est, quia sæpe reprobi peccata consentunt, ^b sed desistere contemnunt. Electi autem culpas suas, quas vocibus confessionis aperiunt, districtæ animadversionis fletibus insequuntur. Unde & Propheta postquam se iniquitatem suam pronuntiare spondit, cogitare se etiam de eis subdidit. Ac si aperte fateretur dicens: Sic reatum lingua loquitur, ut nequaquam experta mæroris stimulo per alia spiritus vage-
tur, sed culpas loquens vulnus aperio: culpas vero ad correptionem cogitans, salutem vulneris ex medicamine mæroris quæro. Qui enim mala quidem, quæ perpetravit, insinuat: sed flere quæ insinuaverit, recusat; quasi subducta veste vulnus detegit, sed torpente mente medicamentum vulnere non apponit. Confessionis igitur vocem solus necesse est ut mæror excutiat, ne vulnus proditum sed neglectum, quo licentius jam per humanam notitiam tangitur, deterius putrescat. Psalmista ergo plagam cordis non solum detexerat, sed detectæ etiam medicamentum mæroris adhibebat, dicens: *Iniquitatem meam pronuntiabo, & cogitabo pro peccato meo*. Pronuntiando enim occultum vulnus detegit, cogitando autem quid aliud quam medicamentum vulnere apponit? Sed afflicte menti, & sua sollicitè damna cogitanti, rixa pro se-
met-

b

^a Abest a mss. ^b Utic. & Michael. sed de his cogitare contemnunt.

metipsam oritur contra semetipsam. Nam cum se ad lamenta pœnitentiæ instigat, occulta se increpatione dilaniat.

^a C A P U T LXXXIV.

ps. 38. 2. ^a Posui ori meo custodiam, cum confisteret peccator adversum me.

Num. 18. **I**N expof. B. Job, lib. 23. adjunctum est. Posui ori meo, &c.

INFLAMMANTUR quippe corda iustorum, cum non correpta crescere conspiciunt acta malorum, eorumque culpæ se participes credunt, quod in iniquitate crescere silendo permittunt. David Propheta postquam sibi silentium indixerat, dicens: Posui ori meo custodiam, cum confisteret peccator adversum me. Obmutui, & humiliatus sum, & filii a bonis: in ipso suo silentio iusto zelo caritatis exarsit. Qui illico subdidit: Et dolor meus renovatus est. Concaluit cor meum intra me, & in meditatione mea exardescet ignis. Intus ergo cor concaluit, quia dilectionis ejus ardor per admonitionem locutionis exterius emanare recusavit. Ignis in meditatione cordis exarsit: quia increpatione delinquentium a correptione oris refrixit. Caritatis enim zelus consolatione admirabili augendo se temperat: quando contra iniquorum opera per vocem correptionis emanat, ut & quæ corrigere non valet, increpare non desinat: ne se participem delinquentium, ex consensu taciturnitatis addicat.

Ibid. v. 3. exarsit. Qui illico subdidit: Et dolor meus renovatus est. Concaluit cor meum intra me, & in meditatione mea exardescet ignis.

Intus ergo cor concaluit, quia dilectionis ejus ardor per admonitionem locutionis exterius emanare recusavit. Ignis in meditatione cordis exarsit: quia increpatione delinquentium a correptione oris refrixit. Caritatis enim zelus consolatione admirabili augendo se temperat: quando contra iniquorum opera per vocem correptionis emanat, ut & quæ corrigere non valet, increpare non desinat: ne se participem delinquentium, ex consensu taciturnitatis addicat.

C A P U T LXXXV.

psal. 38. 3. Obmutui, & non aperui os meum, quoniam tu fecisti.

Num. 33. **C**UM de non reluctando divinis judiciis tractaretur, in expof. B. Job, l. 23. adjunctum est: Obmutui, &c. FLAGELLATUS homo considerans quia illo major est Deus in omne quod patitur, ejus iudicio se postponat cui se minorem esse non dubitat. Et quod a meliore patitur iustum credat, etiam si ejusdem iustitiæ causas ignorat. Quisquis e-

nim pro peccato percutitur; nisi murmurando renitatur, eo ipso jam iustus esse incoat, quo ferientis iustitiam non accusat. Homo namque sub Deo est conditus; & ad conditionis ordinem redit, quando sibi æquitatem iudicis sui, etiam quam non intelligit, anteponebat: ut considerata potentia Creatoris, deferbeat tumor mentis per memoriam conditionis. Unde David Propheta, cum percussione pondere in excessum vocis erumpere cogeretur, ad considerationem conditionis suæ se recoligans, ait: Obmutui, & non aperui os meum, quoniam tu fecisti me. Penlavit enim conditionis suæ ordinem, & iustitiam percussione invenit; quia qui benigne eum, qui non erat, condidit, eum profecto, qui erat, nonnisi iuste percussit.

C A P U T LXXXVI.

psal. 38. 7. Verumtamen vane conturbatur omnis homo.

DUM de humanæ naturæ infirmitatibus tractaretur, in expof. B. Job, l. 22. adjunctum est:

Num. 36. Verumtamen vane conturbatur omnis homo. QUAMQUAM ad imaginem Dei ambulet homo, tamen vane conturbatur. Plerumque agitur ut & turbetur vir sanctus exterius, & imperturbabilis duret interius: & quod vane conturbari potest, de infirmitate carnis sit; quamvis in imagine Dei ambulet, de virtute mentis: quatenus & roboratur intus divino adjutorio, tamen adhuc foris sarcina prematur humana. * Magna

namque est securitas cordis, nil concupiscentiæ habere secularis. Nam si ad terrena adipiscenda cor inhiat, securum tranquillumque esse nullatenus potest: quia aut non habita concupiscit ut habeat, aut adepta metuit ne amittat: & dum in adversis sperat prospera, in prosperis formidat adversa, huc illucque quasi quibusdam fluctibus volvitur, ac permo-

Ibid. nu. 35.

modos varios rerum alternantium mutabilitate versatur. Sin vero semel in appetitione supernæ patriæ forti stabilitate animus figitur, minus rerum temporalium perturbatione vexatur. A cunctis quippe externis motibus eandem intentionem suam quasi quemdam seceratissimum secessum petit: ibique^a incommutabili inhærens, & mutabilia cuncta transcendens, ipsa jam tranquillitate quietis suæ in mundo extra mundum est; excedit profecto ima omnia intentione summorum: & cunctis rebus, quas non appetit, libertate quadam superesse se sentit, nec tempestatem rerum temporalium intus sustinet, quam intuetur foris: quia terrena omnia, quæ concupita opprimere mentem poterant, despecta subterjacent. Unde bene per Prophetam dicitur: *Statue tibi speculam*, ut dum quisque speculatur summa, superemineat infimis. Hinc etiam Habacuc dicit: *Super custodiam meam stabo*. Stat quippe super custodiam suam, qui per solertiam disciplinæ terrenis desideriis non succumbit, sed supereminet: ut dum semper stantem appetit æternitatem, infra se sit ei omne quod transit. Tamen quia vir sanctus quantalibet virtute profecerit, eum in hac vita positum adhuc extrinsecus carnis infirmitas premit, bene Habacuc iterum unam sententiam protulit, ad utraque servientem, ait etenim: *Et introivit tremor in ossa mea, et subtus me turbata est virtus mea*. Ac si diceret: Non mea virtus est, in qua superius raptus imperturbabilis maneo, sed mea infirmitas est, in qua inferius turbor. Ipse ergo super se imperturbabilis est, ipse sub se perturbabilis: quia super se ascenderat in quantum rapiebatur ad summa: & sub semetipso erat, in quantum adhuc reliquias trahebat in infima. Ipse super se imperturba-

bilis, quia in Dei jam contemplationem transierat. Ipse sub se perturbabilis, quia sub semetipso adhuc infirmus homo remanebat. Huic sententiæ David Propheta concinens, ait: *Ego dixi in excessu mentis meæ: Omnis homo mendax*. Cui responderi potest: si omnis, & tu: falsaque jam erit sententia, quam mendax ipse protulisti. Si vero ipse non es mendax, vera jam sententia non erit: quia dum tu verax es, non omnis homo cognoscitur mendax. Sed notandum quod præmittitur: *Ego dixi in excessu mentis meæ*. Per excessum ergo mentis etiam semetipsum transit, cum de hominis qualitate definivit. Ac si patenter dicat: De falsitate omnium hominum inde veram sententiam protuli, unde ego ipse super hominem fui. In tantum vero & ipse mendax, in quantum homo. In tantum autem omnino non mendax, in quantum per excessum mentis super hominem. Sic itaque, sic perfecti omnes, quamvis adhuc aliquid turbulentum de infirmitate carnis tolerant; jam tamen intrinsecus tranquillissimo secreto perfruuntur per contemplationem mentis, ut quidquid acciderit exterius, in nullo turbet interius.

CAPUT LXXXVII.

Eduxit me de lacu miseriæ, et de Ps. 39. v. 2. luto fecis: et statuit super petram^{3. 4.} pedes meos, et direxit gressus meos: et immisit in os meum canticum novum, hymnum Deo nostro.

Cum de incrementis bonorum operum tractaretur, l. i. hom. 9. in Ezech. adjunctum est: *Eduxit me de lacu miseriæ, etc.* QUI adhuc ex superbix vertice stamus, cum jam de æternitatis timore aliquid sentire cœperimus, dignum est ut ad pœnitentiam cadamus; & cum infirmitatem nostram subtiliter cognoscentes, humiliter jacemus, per divini verbi consolationem surgere

A a a 2

ad

^a Ita Utic. Michael. & alii. Gemet, autem quem sequuntur excusi, *incommutabiliter inhærens, &c.*

ad fortiora opera debemus: & cum jam in bonorum operum soliditate persistimus, necesse est ut unde nosmetipsos correximus, inde jam prædicantes & alios revocemus. Nam jacenti non præcipitur, ut ad prædicationem pergat, ne infirmus quisque hoc, quod verbo ædificare potest, opere destruat. Recte ergo nunc per Prophetam dicitur: *Eduxit me de lacu miseriae, & de luto fecis: statuit super petram pedes meos, &c.* Postquam de luto fecis se ductum asseruit, statutosque pedes suos super petram conspexit, immisum in os suum canticum novum asseruit. Prius enim de luto pravitatis educitur, ut ejus pedes per fidem in petra solidentur. Et postquam boni operis pedes & gressus jam in petra fixerat, tunc prædicationis canticum accipit, ut hymnum Deo dicere & operibus & vocibus possit. Sic Saulus dum superbus Damascum pergeret, Redemptoris voce prostratus jacuit: & qui prædicator futurus erat, non tamen mox ut prædicaret quod viderat, audivit; sed ei jacenti dicitur: *Ingredere in civitatem, & dicetur tibi, quid te oporteat facere.* Jacens ergo hoc solum audire potuit, ut surgens disceret quod audierat. Surgens vero hoc didicit, ut quæ didicerat, prædicaret.

C A P U T LXXXVIII.

Multa fecisti, tu Domine Deus meus, mirabilia tua.

Cum de Creatoris potentia ex creaturarum miraculis tractaretur, in expof. B. Job, l. 6. adjunctum est: *Multa fecisti, &c.* QUIS omnipotentis Dei mirabilia perferutari sufficiat, quod cuncta ex nihilo creavit, quod ipsa mundi fabrica mira potentiae virtute disposita sit, & super aera cælum suspenditur, & super abyssum terra libratur? Quod ex rebus invisibilibus omnis hæc universitas existit:

quod hominem fecerit, ut ita dixerim, in brevi colligens mundum alterum, sed rationalem: quod hunc ex anima & carne constituens, investigabili virtutis dispositione permiscuit spiritum & lutum? Ex his itaque aliud novimus, aliud & sumus: sed tamen mirari negligimus, quia ea, quæ incomprehensibili indagatione mira sunt, in humanis oculis usu viluerunt. Unde fit, ut si mortuus homo suscitetur, in admirationem omnes exsiliant; & quotidie homo, qui non erat, nascitur, & nemo miratur: dum proculdubio omnibus constet, quia plus sit creari quod non erat, quam reparari quod erat. Quia arida Aaron virga floruit, cuncti mirati sunt: & quotidie ex arente terra arbor producit, virtusque pulveris in lignum vertitur, & nemo miratur. Quia

C A P U T LXXXIX.

Annuntiavi, & locutus sum, multiplicati sunt super numerum.

Cum de stabilitate electorum, & reprobatione malorum, fidem intra sanctam Ecclesiam specietenus tenentium tractaretur hom. 39. in Evang. & in expof. B. Job, l. 25. adjunctum est: *Annuntiavi, & locutus sum, &c.* VOCANTE Domino, super numerum multiplicantur fideles, quia etiam ii ad fidem veniunt, qui ad electorum numerum non pertingunt. Hinc enim fi-

Num. 17.

Johan. 6.

Johan. 20.

Act. 9. 7.

Ps. 39. 7.

Num. 17.

Ps. 39. 6.

Num. 5.

Num. 23.

de-

delibus per confessionem admixti sunt, sed propter vitam reprobam illic connumerari in sorte fidelium non merentur. Propheta itaque intuens tantos hoc Ecclesie tempore specietenus credere, quantos nimirum certum est electorum numerum summamque transire, ait: *Multiplicati sunt super numerum*. Ac si diceret: Multis Ecclesiam intransibis etiam ii ad fidem specietenus regni veniunt, qui a numero regni celestis excluduntur: quia electorum summam sua videlicet multiplicitate transcendunt.

CAPUT XC.

^a *Ps. 40. 4.* *Universum stratum ejus versaſti in infirmitate ejus.*

^{Num. 41.} **I**N expos. B. Job, lib. 8. adjunctum est: *Universum stratum ejus versaſti*, &c. QUIA dum nos tentatio carnis concutit, tremefacta nostra infirmitas etiam mentis cubile confundit.

CAPUT XCI.

Ps. 40. 4. *Universum stratum ejus versaſti in infirmitate ejus.*

^b **D**UM ^b de multiplicibus in sacro eloquio rerum significationibus tractaretur, in expos. B. Job, l. 23. adjunctum est: *Universum stratum ejus versaſti*, &c. QUID hoc loco per stratum, nisi requies temporalis accipitur? Cum enim quisque curis secularibus fatigatus, deferere per divinam gratiam hujus inundi itinera laboriosa compungitur, cogitare solet quomodo presentis vite desideria fugiat, & ab ejus laboribus requiescat; sibi que mox desiderata quietis ordinem querit, & velut quoddam stratum sicut a cunctis laboribus cessationis locum invenire concupiscit. Sed quia in hac vita adhuc homo positus in cujuslibet ordinis loco, incujuslibet secreti secessu vivere sine tentationibus nullatenus potest, plerumque in id, quod ad requiem con-

struitur, major dolor tentationis invenitur. Unde & recte per Prophetam dicitur: *Universum stratum ejus versaſti in infirmitate ejus*. Ac si diceret: Omne quod hic sibi paravit ad requiem, hoc ei mutaſti occulto judicio ad perturbationem. Quod pio quidem Dei consilio agitur, ut hujus peregrinationis tempore electorum vita turbetur. Via quippe est vita presentis, qua ad patriam tendimus; & idcirco hic occulto judicio frequenti perturbatione conterimur, ne viam pro patria diligamus. Solent enim nonnulli viatores cum amena fortasse in itinere prata conspiciunt, pergendi moras innectere, & a cepti itineris rectitudine declinare, eorumque gressus tardat pulcritudo itineris, dum delectat. Unde electis suis ad se pergentibus Dominus hujus mundi iter asperum facit; ne dum quisque vite presentis requie quasi vite amenitate pascitur, magis eum diu pergere quam citius pervenire delectet; ne dum oblectatur in via, obliviscatur quod desiderabat in patria.

CAPUT XCII.

Fuerunt mihi lacrymae meae panes die ac nocte. *Psal. 41. 4.*

CUM de fructu compunctionis tractaretur, in expos. B. Job, l. 3. adjunctum est: *Fuerunt mihi lacrymae meae panes die, ac nocte*. ^{Num. 35.} LUCTU suo anima pascitur, cum ad superna gaudia flendo sublevatur. Et intus quidem doloris sui gemitum tolerat, sed eo refectionis pabulum percipit, quo hic vis amoris per lacrymas emanat.

CAPUT XCIII.

Memor ero tui de terra Jordanis, et Hermoniim. *Psal. 41. 7.*

CUM de bono humilitatis tractaretur, in expos. B. Job, l. 33. adjunctum est: *Memor ero tui de terra Jordanis, etc.* ^{Num. 13.} QUID Jordanis nisi de-

scen-

reginationis perturbationibus, ne presentis magis vita, quam futura delectet.

^a Absit a mss.

^b In excussis legitur: *De variis hujus pe-*

scensio? Hermoniū autem anathema, id est alienatio interpretatur. De terra ergo Jordanis & Hermoniū Dei reminiscitur, qui eo quod semetipsum dejecit, atque a se alienus existit, ad Conditoris sui memoriam revocatur. Hinc est enim quod voce Veritatis dicitur: *Si quis vult post me venire, abneget semetipsum*. Semetipsum enim abnegat, qui, calcato typho superbiæ, ante Dei oculos esse se alienum demonstrat.

C A P U T XCIV.

Psal. 42. 2. In die mandavit Dominus misericordiam suam, & nocte declaravit.

Num. 52. CUM de electorum probationibus tractaretur, in expof. B. Job, l. 23. adjunctum est: *In die mandavit Dominus misericordiam suam, &c.* QUIA videlicet unusquisque superni doni gratiam in tranquillitate quietis percipit, sed quantum perceperit in adversitate perturbationis ostendit. Misericordia ergo Domini in die mandatur, quia in tranquillo tempore cognoscendo percipitur: in nocte vero declaratur, quia donum, quod in tranquillitate sumitur, in tribulationibus manifestatur.

C A P U T XCV.

Psal. 43. 20. Humiliaſti nos in loco afflictionis, & operuit nos umbra mortis.

Num. 54. IN expof. B. Job, l. 26. adjunctum est: *Humiliaſti nos in loco afflictionis, &c.* LOCUS afflictionis est vita præſens. Qui ergo ad æternam patriam tendunt, nunc semetipsos temporaliter in afflictionis loco dejiciunt, ut tunc in loco gaudii veraciter ſublimentur. * Electorum namque animas modo dies afflictionis poſſident, quia dies lætitiæ poſt ſequuntur. Scriptum quippe est: *Timenti Deum, bene erit in extremis*. Et rursus de Ecclesia dicitur: *Ridebit in die novissimo*. Nunc enim tempus afflictionis est bonis, ut ſequatur eos exultatio quandoque ſine

tempore. Sequitur: *Et operuit nos umbra mortis*. * Quid hoc loco per umbram mortis, niſi mors carnis accipitur? Quia ſicut vera eſt mors qua anima ſeparatur a Deo, ita & umbra mortis eſt, qua caro ſeparatur ab anima. De hac itaque nunc voce Martyrum per Prophetam dicitur: *Humiliaſti nos in loco afflictionis, & operuit nos umbra mortis*. Quos enim conſtat non ſpiritu, ſed ſola carne mori, nequaquam ſe vera morte, ſed umbra dicunt mortis operiri.

* *a* Quid enim per umbram, quæ tamen cum adjectione mortis ponitur, niſi mors carnis exprimitur? vel quilibet reprobi, qui antiqui hoſtis tenebras ſtudio pravæ operationis imitantur. Unde voce Martyrum per Pſalmiſtam dicitur: *Humiliaſti nos in loco afflictionis, & operuit nos umbra mortis*. Umbra enim mortis electos Dei opprimit, cum mors carnis, quæ imago mortis æternæ eſt, ab hac eos vita diſjungit; quia ſicut illa a Deo animam, ita hæc ab anima ſeparat corpus. Vel certe umbra eos mortis opprimit, quia de antiquo hoſte ſcriptum eſt: *b* *Nomen illi mors*.

b Umbra ergo mortis ſunt omnes reprobi, quia illius nequitiam elationis imitantur, ejuſque imaginem quaſi umbram exprimunt, dum ejus in ſe malitiæ ſimilitudinem trahunt. Qui electos Dei operiunt, cum contra illos atrocitate perſecutionis temporaliter convaleſcunt.

C A P U T XCVI.

Lingua mea, calamus ſcribæ velociter ſcribentis.

Psal. 44. 2. IN expof. B. Job, l. 33. adjunctum eſt: *Lingua mea, &c.* QUIA quod loquitur tranſit, quod ſcribimus permanet, lingua patris ſcribæ calamus dicitur: quia ab eo eſt Verbum illico æternum, ac ſine tranſitu generatum.

C A-

a Hoc loco in mſſ. legitur: *item unde ſupra*.

b In pluribus mſſ. *nomen illius mors*.

* *Ibid. lib. 4. num. 30.*

* *Ibid. lib. 33. num. 6.*

b *Apoc. 6. 8.*

Ibid lib. 20. num. 56.

Ecclesi. 1. 13.

Prov. 31. 25.

Num. 7.

CAPUT XCVII.

^a *Accingere gladio tuo super femur tuum, potentissime.*

Psalm. 44. 4.

Num. 26.

IN comm. Ezech. ho. 8. adjunctum est: *Accingere gladio tuo, &c.* QUID in femore nisi propago carnis exprimitur? De femore ergo Abrahamæ virgo Maria exiit, in cujus utero unigenitus Patris incarnari dignatus est, ex qua incarnatione universo innotuit mundo Deus. Ipsi ergo per Prophetam dicitur: *Accingere gladio tuo super femur tuum, potentissime.* Gladium etenim circa femur sumsit, quia sermo prædicationis illius ex incarnatione convaluit.

^b

CAPUT XCVIII.

Intende, prospere procede, & regna, propter veritatem, & mansuetudinem, & justitiam.

Psalm. 45. 5.

Num. 62. 4.

IN expof. B. Job, l. 9. adjunctum est: *Intende, prospere, &c.* PER Legem quippe Deus virgam tenuerat cum dicebat: *Si quis hæc vel illa fecerit, morte moriatur.* Sed incarnatus Dominus virgam abstulit, quia vias vitæ per mansuetudinem ostendit. Unde & ei per Psalmistam dicitur: *Intende, prospere procede, & regna, propter veritatem, & mansuetudinem, & justitiam.* Timeri quippe quasi Deus noluit, sed quasi pater, ut amaretur, inspiravit.

CAPUT XCIX.

Item unde supra.

Num. 26.

IN expof. B. Job, l. 1. VERITATEM exsequens, mansuetudinem cum justitia conservavit, ut nec zelum rectitudinis in mansuetudinis pondere amitteret, nec rursus pondus mansuetudinis zelo rectitudinis perturbaret.

CAPUT C.

Psalm. 44. 9.

Myrrha, & gutta, & casia a vestimentis tuis, a gradibus eburneis, ex quibus delectavere te filia regum in honore tuo.

IN expof. B. Job, l. 35. adjunctum est: *Myrrha, & gutta, &c.* QUID myrrhæ, guttæ, & casia nomine, nisi virtutum suavitas designatur? quid eburneis gradibus, nisi magna nitens fortitudine proficientium ascensus exprimitur? Redemptor igitur veniens, myrrha, gutta, & casia in vestimento utitur, quia ex electis suis, quibus se misericorditer induit, miræ virtutis fragrantiam aspergit, in quibus idem odor ab eburneis gradibus ducitur: quia in eis virtutum opinio non ex ostensione simulationis, sed ex veri ac solidi operis ascensu generatur. Bene autem subditur: *Ex quibus delectaverunt te filia regum in honore tuo.* Sanctæ namque animæ ab antiquis patribus ad cognitionem veritatis editæ, Redemptorem suum in honore ejus delectant, quia ex eo, quod bene agunt, suæ laudi nihil vendicant.

CAPUT CI.

Adorabunt eum filia Tyri in muneribus.

Psalm. 44. 13.

IN expof. B. Job, l. 35. adjunctum est: *Adorabunt eum filia Tyri in muneribus.* APERIRE libet oculos fidei, & illud extremum sanctæ Ecclesiæ de susceptione Israelitici populi convivium contemplari. Ad quod nimirum convivium magnus ille veniens Elias convivantium invitator adhibetur; & tunc propinqui, tunc noti ad eum cum muneribus veniunt, quem in flagello paulo ante positum contemserunt. Appropinquante enim die judicii, vel præcursoris vocibus, vel quibusdam erumpentibus signis, ipsa eis jam aliquo modo advenientis Domini virtus interlucet. Cujus iram dum prævenire festinant, conversionis suæ tempus accelerant. Conversi autem cum muneribus veniunt, quia eum quem paulo ante in passione deride-

^a In pluribus mss. *accinge gladium;*

^b Omittitur in mss.

^c Quatuor capita quæ sequuntur, desunt in mss.

ferunt, tunc virtutum opera quasi munera offerendo venerantur; illud proculdubio sua oblatione complentes, quod & cernimus magna ex parte jam factum, & adhuc credimus perfecte faciendum. *Adorabunt eum filia Tyri in muneribus.* Tunc namque eum plenius filia Tyri in muneribus adorant, cum Israelitarum mentes hujus nunc mundi desideriis subditæ, ei quem superbientes necaverant quandoque cognito, suæ hostias confessionis apportant.

CAPUT CII.

Psal. 74. 14. **O**mnis gloria ejus filia regis ab intus.

Num. 20. **I**N expof. B. Job, l. 19. adjunctum est: *Omnis gloria ejus filia regis ab intus.* SED quia exteriora etiam irreprehensibilia Ecclesia custodit, jure de ea subdidit: *In fimbriis aurcis circumamicta varietate:* ut & pulchra intus sibi fit, & aliis foris, & se provehens per internam gloriam, & alios erudiens per exteriora operum exempla.

CAPUT CIII.

Item unde supra.

Num. 32. **I**N expof. B. Job, l. 8. **FILIA** regum Ecclesia quæ in bono est opere spiritualium principum prædicatione generata, gloriam intus habet: quia hoc, quod agit, in ostentationis jactantia non habet.

CAPUT CIV.

Psal. 44. 17. **Pro patribus tuis nati sunt tibi filii: constitues eos Principes super omnem terram.**

Num. 62. **I**N expof. B. Job, l. 4. adjunctum est: *Pro patribus tuis nati sunt tibi filii, &c.* **PRINCIPES** sanctæ Ecclesiæ Rectores vocat, quos indefinenter in loco prædicatorum præcedentium divina dispensatio subrogat.

CAPUT CV.

Psal. 45. 2. **Transferentur montes in cor maris.**

a **I**N expof. B. Job, l. 18. adjunctum est: *Transferentur montes in cor maris.* **QUID** per montes nisi

prædicantium altitudo signatur? Electi quippe prædicatores æternæ patriæ non immerito montes vocantur, quia per vitæ suæ celsitudinem ima terrenorum deserunt, & cælo propinqui fiunt. De his ergo nunc montibus dicitur: *Transferentur montes in cor maris.* In cor enim maris montes translati sunt, cum prædicantes Apostoli a Judææ perfidia repulsi, ad intellectum Gentilium venire. Unde ipsi quoque in suis Actibus dicunt: *Vobis oportebat primum loqui verbum Dei: sed quia repulistis illud, & indignos vos judicastis æternæ vite, ecce convertimur ad Gentes.*

CAPUT CVI.

Vacate & videte, quoniam ego sum Deus. *Psal. 45. 32.*

IN expof. B. Job, l. 5. adjunctum est: *Vacate & videte, &c.* **NISI** quibusdam mentibus contemplativa vita potius quam activa congrueret, nequaquam per Prophetam Dominus diceret: *Vacate & videte, quoniam ego sum Deus.* Vacant qui bene in potestate sunt, cum terrenarum actionum strepitus pro divino amore intermittendo postponunt, ne dum ima indefinenter occupant, cor funditus e summis cadat. Sciunt enim quia nequaquam mens ad superna attollitur, si curarum tumultibus continue in infimis occupatur. Quid enim de Deo occupata obtineat, quæ de illo apprehendere, aliquid etiam vacans laborat? Bene ergo per Psalmistam dicitur: *Vacate & videte, quoniam ego sum Deus:* quia qui vacare Deo negligit, suo sibi iudicio lumen ejus visionis abscondit. Qui ergo rebus temporalibus occupantur, tunc bene exteriora disponunt, cum sollicitè ad interiora refugiant, cum nequaquam foris perturbationum strepitus diligunt, sed apud semetipsos intus in tranquillitatis sinu requiescunt. Prava etenim

men-

^a Melius hæc sumentur a l. 9. n. 6. ubi eisdem verbis occurrunt. E. V.

mentes temporalium rerum tumultus intra semetipsas versare non cessant, etiam cum vacant. In cogitatione enim servant depicta quæ amant, & quamvis nihil exterius faciunt, apud semetipsas tamen sub pondere inquietæ quietis laborant. Quibus si earundem rerum administratio præbeatur, semetipsas funditus deferunt, & fugitiva temporalia per intentionis cursum continuis cogitationum passibus sequuntur. Piæ autem mentes hæc & cum desunt, non quærunt, & graviter etiam cum adsunt, ferunt: quia per exteriorum curas a se exire pertimescunt.

C A P U T CVII.

Psalm. 47. 3. Deus in gradibus ejus dignoscetur, cum suscipiet eam.

Num. 3. Lib. 2. hom. 3 in Ezech. adjun-
Lectum est: *Deus in gradibus ejus dignoscetur, &c.* QUID per hos gradus, nisi virtutum merita designantur? Sive enim in cognitione Mediatoris Dei & hominum, hominis Jesu Christi, seu in scientia divini eloquii, seu in ipsa fide quam de illo accepimus, quibusdam gradibus ad altiora incrementa pervenimus. Nemo enim repente fit summus, sed in bona conversatione a minimis quisque incoat, ut ad magna perveniat. Deus ergo in gradibus ejus dignoscetur, cum suscipiet eam. Dum enim sanctam Ecclesiam Dominus suscipit, in gradibus ejus dignoscitur, quia ejus gloria per illius incrementa declaratur: quantum enim sancta Ecclesia ascendendo profecerit, tantum Deus hominibus ex ejus virtutibus innotescit. De quibus gradibus rursus scriptum est: *Per singulos gradus meos pronuntiabo illum.* Omnipotentem quippe Dominum per singulos gradus suos pronuntiat, qui per incrementa virtutum quæ

cœpit, ei semper laudem suæ pietatis reddit. Si quidam gradus in cordis ascensione non essent, ^a item Psalmista non diceret: *Ambulabunt de virtute in virtutem.* Nec mirum si de virtute in virtutem gradus sunt, quando ipsa unaquæque virtus quasi quibusdam gradibus augetur, & sic per incrementa meritorum ad summa perducitur. Aliud namque sunt virtutis exordia, aliud profectus, aliud perfectio. Si enim & ipsa fides ad perfectionem suam non quibusdam gradibus duceretur, sancti Apostoli minime dixissent: *Adauge nobis fidem.* Et quidam venit ad Dominum, qui curari voluit filium suum, sed requisitus an crederet, respondit: *Credo, Domine, adjuva incredulitatem meam.* Pensate ergo quod dicitur: Si credebat, cur incredulitatem dicebat? Si vero incredulitatem habere se noverat, quomodo credebat? Sed quia per occultam inspirationem gratiæ, meritorum suorum gradibus fides crescit, uno eodemque tempore is, quincedum perfecte crediderat, simul & credebat, & incredulus erat.

C A P U T CVIII.

Item unde supra.

Hom. 15. in Ezech. b OMNI-
HPOTENS Deus in Ecclesiæ suæ gradibus agnoscitur, quia in singulis ejus virtutibus atque miraculis quam timendus sit, & amandus omnibus demonstratur. Quem videlicet amorem tunc suscipit, cum a culpis suis ad pœnitentiam redit. Cujus electi laudantur cum dicitur: Quoniam ecce reges vocantur, qui pro eo quod transacta mala per pœnitentiam corrigunt, ipsa quoque eorum pœnitentia qualiter agatur, adjungitur: *Ipsi videntes tunc admirati sunt, conturbati sunt, & commoti sunt, tremor apprehendit eos.*

Ibi

exposit. B. Job i. 4. n. 35. Ut patet ex capite sequenti.

^a Gemet. idem Propheta.

^b Assignatur in Michael. hom. 1. in Ezech. Maur. Similia quædam leguntur in Tom. XIV.

Ibi dolores sicut parturientis: in spiritu vehementi conteres naves Tharsis. Vident quippe & admirantur, sed admirantes in tremore turbantur. Nam cum inter pœnitentiæ lacrymas ad mentis notitiam cœlestis patriæ lumen erumpit, & admiratur animus & pavescit, (quia libet quod terret) tunc dolores in anima sicut parturientis fiunt. Dolor enim pœnitentis quasi dolor parturientis est, quia cum fletibus a se ejicit quod male in voluptate concepit. Tharsis vero exploratio gaudii dicitur. Et scimus quia qui omnes voluptates hujus seculi sequitur, temporalia sibi habet gaudia & plorat. Sed omnipotens Deus in spiritu vehementi naves Tharsis conterit, quia mentes carnalium, quæ prius in hujus mundi fluctibus vagabatur, per sancti Spiritus adventum in mœnore pœnitentiæ affligit, ut contritæ a superbia salubriter in humilitate jaceant, quas prius in hoc mari seculi ad alta vanitatis, prosperitatis suæ unda sublevabat. Per hunc itaque spiritum jacent contritæ naves, quia quibus pœna videbatur ab hominibus despici, postmodum grave sit ab hominibus honorari. Et quia antea mala perpetrare consueverant, & gaudebant, postmodum non timent etiam affligi pro bonis.

CAPUT CIX.

Psal. 47. 7. In spiritu vehementi conteres naves Tharsis.

Num. 35. **I**N expof. B. Job, l. 4. adjunctum est: *In spiritu vehementi conteres naves Tharsis.* THARSIS exploratio gaudii dicitur. Sed cum vehemens pœnitentiæ spiritus mentem occupat, omnem in ea explorationem reprehensibilis gaudii perturbat, ut nil ei jam nisi flere libeat: nihil nisi quod se terrere possit attendat. Ponit namque ante oculos illic distractionem justitiæ, hic meritum culpæ conspicit, quo sup-

plicio digna sit si parcentis pietas desit, quæ per lamenta præsentia ab æterna cruce pœna consuevit. Spiritus ergo vehemens Tharsis naves conterit, cum vis compunctionis valida, mentes nostras huic mundo quasi mari deditas salubri terrore confundit.

CAPUT CX.

Non dabit Deo propitiationem suam, & pretium redemptionis animæ suæ. *Psal. 48. 8.*

Num. 57. **I**N expof. B. Job, l. 12. adjunctum est: *Non dabit Deo propitiationem suam, &c.* QUOTIES post culpam eleemosynas facimus, quasi pro prævis actibus pretium damus. Unde per Prophetam de eo qui hæc non agit, dicitur: *Non dabit Deo propitiationem suam, & pretium redemptionis animæ suæ.* Nonnunquam divites elati inferiores opprimunt, & aliena rapiunt; & tamen quasi quædam aliis largiuntur. Et cum multos deprimant, aliquando quibusdam opem defensionis a ferunt, & pro iniquitatibus, quas nunquam deferunt, dare pretium videntur. Sed tunc eleemosynæ pretium nos a culpa liberat, cum perpetrata plangimus & abdicamus. Nam qui & semper peccare vult, & quasi semper eleemosynam largiri, frustra pretium tribuit: quia non redimit animam, quam a vitiis non compescit. Pretium enim redemptionis dare, est opus bonum præveniente nos gratia reddere.

CAPUT CXI.

Non videbit interitum, cum viderit sapientes morientes. *Psal. 42. 21*

Num. 32. **I**N expof. B. Job, l. 26. adjunctum

est: *Non videbit interitum, &c.* JUSTORUM adversarii, quos visibiliter emori conspiciunt, invisibiliter vivere posse non credunt, atque eo reatum infidelitatis suæ cumulant, quo visa morte fidelium de æternitate desperant. Igitur violenti quique inde interius deficiunt, unde contra vitam innocentium exterius con-

convalescunt, tantoque illos intima veritas a se foras ejicit, quanto eos contra suos temporaliter quod volunt, posse permittit. Quisquis itaque bonorum vitam persequitur, tunc pejore ultione damnatur, cum nulla ei adversitate resistitur: & tunc fortioris iræ periculis subjacet, cum prospere peragit, quod nequiter concupiscit: quia videlicet vindicta superni judicii eum ad futura supplicia reservando deferit, cui hic in malo obviare contempsit.

CAPUT CXII.

Psalm. 43. 19. Confitebitur tibi, cum benefeceris ei.

IN expof. B. Job, l. 8. adjunctum est: *Confitebitur tibi, cum benefeceris ei.* SCIENDUM est, quod arrogantes viri tunc divinæ justitiæ rectitudinem laudant, cum se ad gaudium incolumitas sublevar, & alios flagella castigant; cum se conspiciunt rerum prosperitate perfrui, alios adversitate fatigari. Nam dum perverse agunt, sed tamen se rectos arbitrantur, hoc quod sibi prospera suppetunt, deberi suis meritis credunt, eoque colligunt, quod Deus injuste non judicat, quod quasi justos se adversitas nulla contristat. Sed si eorum vitam quamlibet breviter vis supernæ correptionis attigerit, pulsati protinus consilium divini examinis increpant, quod paulo ante incolumes admirando præferebant; justumque esse judicium, quod suis moribus adversatur, negant; de divina æquitate disputant, ad resolutionis verba profluit, & correpti quia deliquerint, gravius delinquant. Recte ergo per Psalmistam contra peccatoris confessionem dicitur: *Confitebitur tibi, cum benefeceris ei.* Despecta quippe vo confessionis est, quam format jucunditas prosperitatis. Sola autem confessio habet magni meritum ponderis, quam a veritatis rectitudine nequaquam separat vis doloris, quam usque ad judicium vocis exacuit adversitas testis cordis.

CAPUT CXIII.

Advocavit celos desursum, & terram, ut discerneret populum suum. *Psalm. 42. 4.*

IN expof. B. Job, l. 15. adjunctum est: *Advocavit celos desursum, &c.* COELOS sursum advocat, cum hi, qui sua omnia relinquentes, conversationem cœlestis vitæ tenuerunt, ad confidendum in judicio convocantur, atque cum eo judices veniunt. Terra etiam sursum vocatur, cum ii, qui terrenis actibus obligati fuerant, in eis tamen plus cœlestia quam terrena lucra quæserunt, quibus dicitur: *Hospes eram, & collegistis me: nudus, et operuistis me.* *Matt. 23. 42.*

CAPUT CXIV.

Peccatori autem dixit Deus: Quare tu enarras justitias meas, & assumis testamentum meum per os tuum? *Psalm. 42. 16.*

CUM de institutione prædicantium tractaretur, in expof. B. Job, l. 19. adjunctum est: *Peccatori autem dixit Deus, &c.* LEX est ipsis prædicatoribus posita, ut vivendo impleant quod loquendo suadere festinant. Nam loquendi auctoritas perditur, quando vox opere non adjuvatur. Hinc enim per Psalmistam dicitur: *Peccatori autem dixit Deus: Quare tu enarras justitias meas, et assumis testamentum meum per os tuum? Tu vero odisti disciplinam, & projecisti sermones meos post te.* Sermones etenim Domini post se prædicator projicit, cum hoc, quod dicit, facere contemnit. Quando autem dictis ejus alter obediat, dum ipse respuit opere, quod prædicat voce, & dissimulat audire quod narrat? De ista prædicationis lege scriptum est: *Qui solverit unum de mandatis istis minimis, & docuerit sic homines, minimus vocabitur in regno cœlorum.* Regnum cœlorum, videlicet præsentem Ecclesiam appellat, de qua scriptum est: *Et colligent de regno ejus omnia scandala.* *Matt. 23. 42.* In superno etenim regno scandala,

quæ ex eo colligi debeant, non habentur. Qui ergo solvit opere, & sic docet voce, in isto regno cælorum erit minimus; in illo, nec minimus.

C A P U T CXV.

psal. 50. 7. *Ecce enim in iniquitatibus conceptus sum.*

Num. 70. **I**N expos. B. Job, l. 11. adjunctum est: *Ecce enim in iniquitatibus conceptus sum.* Is, qui per se solus est mundus, mundare prævalet immunda. Homo enim in corruptibili carne vivens, habet tentationum immunditias impressas in semetipso: quia nimirum eas traxit ab origine. Ipsa quippe propter delectationem carnis ejus conceptio immunditia est. Unde nunc per Psalmistam dicitur: *Ecce enim in iniquitatibus conceptus sum, & in delictis concepit me mater mea.* Hinc est ergo quod plerumque tentatur & nolens: hinc est quod immunda quædam in mente patitur, quamvis ex judicio reluctetur; quia conceptus de immunditia, dum ad munditiam tendit, hoc conatur vincere quod est. Quisquis autem occultæ tentationis motus atque immunditiam cogitationis evicerit, nequaquam sibi suam munditiam tribuat: quia de immundo conceptum semine nullus facere mundum potest, nisi is, qui mundus per semetipsum solus est. Qui ergo jam ad locum munditiæ mente pervenit, conceptionis suæ viam respiciat, per quam venit, atque inde colligat, quia ex sua virtute non habet munditiam vivendi, cui de immunditia factum est initium subsistendi.

C A P U T CXVI.

psal. 50. 39. *Cor contritum & humiliatum, Deus non despicies.*

cap. 30. 7. *Admon. 31.* **I**N Rég. Past. part. 3. sub fine. adjunctum est: *Cor contritum & humiliatum, etc.* **Q**UISQUIS enim peccata plangit, nec tamen deserit, cor quidem conterit, sed humiliare contemnit. Quisquis vero peccata

jam deserit, nec tamen plangit, jam cor quidem humiliat, sed tamen conterere recusat.

C A P U T CXVII.

Videbunt justi, & timebunt, & super eum ridebunt. *psal. 51. 8.*

IN expos. B. Job, l. 6. adjunctum est: *Videbunt justi, etc.* **J**USTUS cum iniquos omnes extrema ultione percuti conspicit, ipse de gloria dignæ retributionis hilarescit. Nec damnatis jam tunc ex humanitate compatitur, quia divinæ justitiæ per speciem inhærens, inconcussio districtiōnis intimæ vigore solidatur. Erectas namque in claritate supernæ rectitudinis electorum mentes nulla misericordia afficit, quia has a miseriis altitudo beatitudinis alienas reddit. Bene ergo dicitur: *Videbunt justi, et timebunt, et super eum ridebunt.* Iniquos enim justi nunc vident & metuunt, tunc visuri sunt & ridebunt. Quia enim modo ad eorum labi imitationem possunt, hic habent formidinem. Quia vero damnatis tunc prodesse nequent, illic non habent compassionem. Æterno itaque supplicio deditis non esse miserandum, in ipsa qua beati sunt, justitia judicantis legunt: qui, quod suspicari fas non est, qualitatem sibi perceptæ felicitatis imminuunt, si in regno positi volunt quod implere nequaquam possunt. Sed quisquis ad vitæ præcepta se dirigit, priusquam præmia æterna percipiat, hic jam initia sequuturæ in perpetuum securitatis degustat, ut antiquum hostem non timeat, & interveniente mortis articulo violentos ejus impetus nullatenus perhorrescat. Justis namque initium retributionis, est ipsa plerumque in obitu securitas mentis.

C A P U T CXVIII.

Illic trepidaverunt timore, ubi non erat timor. *psal. 52. 7.*

IN expos. B. Job, l. 7. adjunctum est: *Illic trepidaverunt timore, etc.* **S**UNT plerique qui veritatem jam

libere defendere appetunt, sed tamen in ipso suo appetitu trepidi indignationem potestatis humanæ pertimescunt. Cumque in terra hominem contra veritatem pavent, ejusdem veritatis iram cœlitus sustinent. Sunt namque nonnulli, qui peccatorum suorum conscii, ea quæ possident, indigentibus jam largiri desiderant; sed tamen ne datis rebus egeant, ipsi formidant. Cumque carnis subsidia reservando trepidi præparant, ab alimentis misericordiæ animam necant. Et cum pati in terra inopiam metuunt, æternam sibi abundantiam supernæ refectionis abscedunt. De quibus recte per Psalmistam dicitur: *Illic trepidaverunt timore, ubi non erat timor*. Quia profecto qui conculcanda in infimis metuunt, metuenda patiuntur: & cum transire nolunt quod calcare poterant, iudicium de supernis excipiunt, quod tolerare nequaquam possunt.

C A P U T CXIX.

Psalm. 54. 2. Ecce elongavi fugiens: & mansi in solitudine.

IN expos. B. Job, l. 4. adjun-
Num. 60. **I** Num est: *Ecce elongavi fugiens, &c.* FUGIENS elongat, qui a turba desideriorum temporalium in altam Dei contemplationem se sublevar. Manet vero in solitudine qui perseverat in remota mentis intentione. Omnes enim qui vel illicita appetunt, vel in hoc mundo videri aliquid volunt, densis cogitationum tumultibus in corde compriuntur. Dumque desideriorum turbas extra se excitant, prostratam mentem pede miseræ frequentationis calcant. Alius namque juri se luxuriæ subdit, atque ante mentis oculos schemata turpium perpetrationum fingit: & cum effectus non tribuitur operis, hoc crebrius agitur intentione cogitationis. Voluptatis perfectio quæritur, & concu-

sus enerviter animus hinc inde & sollicitus & cæcatus, occasionem nequissimæ expletionis rimatur. Mens itaque hæc quasi quemdam populum patitur, quæ insolenti cogitationum tumultu vastatur. Alius iræ se dominio stravit: & quid in corde nisi jurgia etiam quæ desunt peragit? Hic sæpe^a præsentibus non videt, absentibus contradicit, intra semetipsum contumelias profert & recipit, receptis autem durius respondet; & cum qui obviet nullus adsit, magnis clamoribus rixas in corde componit. Turbam itaque hic intus sustinet, quem pondus vehemens inflammatae cogitationis premit. Alius juri se avaritiæ tradit, & fastidiens propria, aliena concupiscit. Hic plerumque concupita adipisci non valens, dies quidem in otium, noctes vero in cogitationem versat. Torpet ab utili opere, quia fatigatur illicita cogitatione. Consilia multiplicat, & sinum mentis cogitationum inventionibus latius expandit: pervenire ad concupita satagit, atque ad obtinenda hæc quosdam secretissimos causarum meatus quærit. Qui mox ut in causa aliquid subtile invenisse se æstimat, jam se obtinuisse quod concupierat exultat. Jam quid etiam adeptæ rei adjungat, excogitat, atque ut in meliore statu debeat excoli, pertractat. Quam quia jam quasi possidet, & quasi ad meliorem speciem adducit, mox insidias invidentium considerat, & quid contra se jurgii moveatur, pensat, & exquirat quid respondeat. Et cum rem nullam teneat, jam in defensione rei, quam appetit, vacuus litigator elaborat. Quamvis ergo nil de concupita re ceperit, habet tamen in corde jam fructum concupiscentiæ, & laborem rixæ. Gravi itaque populo premitur, qui instigantis avaritiæ tumultu vastatur.

Alius

^a Utic. & Gemet, præsentibus invidet.

Alius se tyrannidi superbiæ subji-
cit, & cor miserum dum contra
homines erigit, vitio substernit,
honorum sublimium infulas appe-
tit, exaltari successibus exquirat,
totumque quod esse desiderat, sibi
apud semetipsum in cogitationibus
depingit. Jam quasi tribunali præsi-
det, jam sibi parere obsequia sub-
jectorum videt, jam cæteris emi-
net, jam mala aliis irrogat, aliis,
quæ irrogaverint, recompensat. Jam
apud semetipsum stipatus cuneis in
publicum procedit, jam quibus ob-
sequiis fulciatur, conspiciat. Qui ta-
men hæc cogitans solus • repetit:
jam alia conculcat, alia sublevat,
jam de conculcatis satisfacit odiis,
jam de sublevatis recipit favores.
Qui igitur tot phantasmata cordi
imprimit, quid est aliud quam so-
mniū vigilans videt? Qui ergo tot
rerum causas, quas fingit, tolerat,
nimirum intrinsicè natus ex desi-
deriis turbas portat. Alius jam illicita
refugit, sed tamen bonis mundi
carere pertimescit. Concessa tenere
appetit, videri inter homines minor
erubescit, & curat summopere ne
inops in domo sit, ne despectus in
publico; exquirat quid sibi sufficiat,
quid necessitas subjectorum petat:
atque ut sufficienter jura patronatus
subditis expleat, patronos quærit
quibus ipse famuletur. Sed his dum
familiariter jungitur, eorum pro-
culdubio causis implicatur. Quibus
sæpe consentit in illicitis: & mala,
quæ pro semetipso non appetit,
committit propter aliena, quæ non
derelinquit. Nam sæpe dum hono-
rem suum in hoc mundo imminui
trepidat, ea apud majores personas
approbat, quæ jam per proprium
judicium damnat. Is, dum sollicite
cogitat, quid patronis debeat, quid
subjectis; quid sibi augeat, quid
affectibus profit; quasi tanta frequen-
tia barbarum premitur, quanta cu-

rarum importunitate laceratur. At ^{Ibid. n. 58}
contra sancti viri, qui nihil hujus
mundi appetunt, nullis proculdubio
in corde tumultibus premuntur.
Omnes quippe inordinatos desi-
deriorum motus a cubili cordis manu
sanctæ considerationis ejiciunt. Et
quia transitoria cuncta despiciunt,
ex his nascentes cogitationum in-
solentias non patiuntur. Solam nam-
que æternam patriam appetunt, &
quia nulla hujus mundi diligunt,
magna mentis tranquillitate perfru-
untur. Unde nunc recte per Pro-
phetam dicitur: *Elongavi fugiens:
et mansi in solitudine*. In solitudine
quippe manere, est a secreto cor-
dis terrenorum desideriorum tumultus
expellere: & una intentione æ-
ternæ patriæ in amorem intimæ quie-
tis anhelare. Annon cunctos a se
cogitationum tumultus expulerat,
qui dicebat: *Unam petii a Domino*, ^{Psal. 26. 40}
*hanc requiram, ut inhabitem in do-
mo Domini*? A frequentia quippe ter-
renorum desideriorum fugerat ad
magnam videlicet solitudinem se-
metipsum, ubi eo tutius nil extra-
neum conspiceret, quo incompetens
nil amaret. A tumultu rerum tem-
poralium magnum quemdam seces-
sum petierat, quietam mentem,
in qua tanto purius Deum cerne-
ret, quanto hunc cum se solo so-
lum inveniret.

C A P U T CXX.

*Præcipita, Domine, & divide lin-
guas eorum.* ^{Psal. 54. 100}

IN expof. B. Job; l. 34. adjun-
ctum est: *Præcipita, Domine, et* ^{Num. 8. 6 & 9.}
divide linguas eorum. SICUT per-
niciosum est, si unitas desit bonis:
ita perniciosius, si non desit malis.
Reproborum quippe unitas bono-
rum vitam tanto durius impetit,
quanto se ei per collectionem du-
rior opponit. Hanc unitatem repro-
borum perniciosam sibi Paulus con-
spexerat, cum in medio Sadducæo-
rum

a Melius legitur loco Moraliū assignato, *solus repit*.

rum Phariseorumque deprehensus
 Act. 23. 6. dicebat: *De spe & resurrectione mor-
 tuorum ego iudico*. Qua nimirum
 voce percussa, protinus contra se
 viciniorum audientium turba dissiluit.
 Cumque in duas partes tumultuan-
 tium multitudo dividitur, Paulo
 via ereptionis aperitur: quia quem
 turba persequentium unita constrin-
 xerat, divisa relaxabat. Eripiuntur
 enim iusti, dum dividuntur injus-
 ti: & electorum vota ad perfectum
 perveniunt, dum reproborum agmi-
 na per discordiam confunduntur.
 Quod bene etiam maris rubri scis-
 sione signatur. Dum enim in duas
 partes una dividitur, ab electo po-
 pulo ad terram repromissionis ten-
 ditur: quia dum malorum unitas
 scinditur, bonæ mentes ad hoc,
 quod appetunt, perducuntur. Si
 malorum unitas noxia non fuisset,
 nequaquam divina providentia su-
 perbiientium linguas in tanta diver-
 sitate dissipasset. Hanc ergo unita-
 tem reproborum contra electos Pro-
 pheta considerans, de sanctæ Ec-
 clesiæ hostibus dicit: *Præcipita,
 Domine, & divide linguas eorum*.

CAPUT CXXI.

Descendant in infernum viventes.

Ps. 54. 16. IN expof. B. Job, l. 18. adjun-
 Num. 19. ctum est: *Descendant, &c.* AD
 majoris culpæ cumulum hostes suos
 sancta Ecclesia perhibet & scire
 quod sequi debeant, & sequi nolle
 quod sciant. De his ergo per Psal-
 mistam dicitur: *Descendant in in-
 fernum viventes*. Vivi sunt qui sen-
 tiunt quæ erga illos fiunt. Mortui
 enim nec sciunt omnino, nec sen-
 tiunt. Mortui itaque qui non sen-
 tiunt, pro nescientibus; viventes
 vero qui sentiunt, pro scientibus
 poni solent. Viventes ergo in in-
 fernum descendere, est scientes sen-
 tientesque peccare. Dum enim vi-
 vi quæ circa illos aguntur, sciunt
 & sentiunt: mortui autem sentire

nihil possunt; mortui in infernum
 descenderent, si mala nesciendo
 perpetrarent: cum vero sciunt ma-
 la, & tamen faciunt iniquitates,
 in infernum viventes miseri, sen-
 tientesque descendunt.

CAPUT CXXII.

Viri sanguinum et dolosi non dimi- Psal. 54. 25.
diabunt dies suos.

IN expof. B. Job, l. 5. adjun-
 ctum est: *Viri sanguinum &* Num. 70.
dolosi non dimidiabunt dies suos.
 DIES dimidiare, est tempus vitæ
 male in voluptatibus ductum ad pœ-
 nitentiæ lamenta dividere, atque
 hoc ad bonum usum partiendo re-
 parare. Sed iniqui dies suos nequa-
 quam dimidiant, quia perversam
 mentem nec in extremo tempore
 immutant. Quo contra bene Paulus
 admonet, dicens: *Redimentes tem-* Ephef. 5. 36.
pus, quoniam dies mali sunt. Tem-
 pus quippe redimimus, quando antea-
 ctam vitam, quam lasciviendo per-
 didimus, flendo reparamus.

CAPUT CXXIII.

Ipsi calcaneum meum observabunt. Psal. 55. 7.

IN expof. B. Job, l. 1. adjun-
 ctum est: *Ipsi calcaneum meum* Num. 53.
observabunt. QUIA enim in calca-
 neo finis est corporis, quid per
 hunc, nisi terminus signatur actio-
 nis? Sive ergo maligni spiritus, si-
 ve pravi quique homines illorum
 sequaces superbix, calcaneum ob-
 servant, cum actionis bonæ finem
 vitare desiderant.

CAPUT CXXIV.

Filii hominum dentes eorum, arma, Psal. 96. 5.
& sagittæ: & lingua eorum gla-
dus acutus. Salvum faciet de
gladio oris eorum, & de manu
violenti, pauperem.

IN expof. B. Job, l. 6. adjun-
 ctum est: *Filii hominum dentes* Num. 35.
eorum, &c. IPSE quippe iste pau-
 per est, de quo per Paulum dicitur:
Propter vos egenus factus est, 1. Cor. 8. 9.
cum dives esset. Et quia Judæi ac-

cu-

cusando Dominum tradiderunt, quem traditum Gentiles occiderunt, potest per oris gladium, accusantium Hebræorum lingua signari, de quibus per Psalmistam dicitur: *Filii hominum dentes eorum, arma, & sagittæ: & lingua eorum, machera acuta.* Qui Evangelio etiam teste clamaverunt: *Crucifige, crucifige.* Per illud vero, *violenti manu*, ipsa crucifigens Gentilitas exprimitur, quæ in Redemptoris mortem Hebræorum voces opere implevit. Deus itaque hunc pauperem & de violenti manu, & de oris gladio salvum fecit: quia videlicet Redemptor noster & vires Gentilium, & linguas Hebræorum moriendo ex humanitate pertulit; sed ex divinitatis suæ potentia resurgendo superavit.

CAPUT CXXV.

Psal. 57. 9. Super eos cecidit ignis, & non viderunt solem.

IN expof. B. Job, lib. 9. adjunctum est: *Super eos cecidit ignis, &c.* IGNIS super impios cadit, sed sol igne cadente non cernitur: quia illos, quos gehennæ flamma devorat, a visione veri luminis cæcat; ut & foris eos dolor combustionis cruciet, & intus pœna cæcitatis obfcuret: quatenus qui Auctori suo corpore & corde deliquerunt, simul corpore & corde puniantur; & utrobique pœnas sentiant, qui dum hic viverent, pravis suis delectationibus ex utroque serviebant.

CAPUT CXXVI.

Psal. 57. 11. Latabitur iustus cum viderit vindictam impiorum: manus suas lavabit in sanguine peccatorum.

IN expof. B. Job, l. 18. adjunctum est: *Latabitur iustus cum viderit vindictam impiorum, &c.* PLERIQUE dum alienum interitum conspiciunt, revocantur ad cor, ut recogitent suum. Et unde alius ad tormenta ducitur, a tormento inde alius liberatur. Conspicit nam-

que in aliena pœna quid timeat; & dum delinquentem sic percussum aspicit, dissoluta sua opera iustitiæ vigore constringit. Sicque fit, ut iniquus vivens qui multos ad culpam traxerat delectatione peccati, quosdam moriens a culpa revocet terrore torquenti. Quod etiam provenire bonis Psalmista testatur dicens: *Latabitur iustus cum viderit vindictam impiorum: manus suas lavabit in sanguine peccatorum;* In peccatorum morientium sanguine iusti lavantur manus; quia dum eorum pœna conspicitur, conspicientis vita mundatur.

CAPUT CXXVII.

Adjutor meus tibi psallam, quia tu Psal. 58. 2. Deus susceptor meus es, Deus meus, misericordia mea.

IN hom. 19. in Evang. adjunctum est: *Adjutor meus tibi psallam,* Num. 7. &c. PERPENDENS Propheta in quibus laboribus humana sit vita constituta. Deum appellat adiutorem. Et quia a tribulatione præfenti in requiem æternam nos suscipit, appellat etiam susceptorem. Sed considerans quod mala nostra aspicit & portat, culpas nostras tolerat, & tamen nos per pœnitentiam ad præmia reservat, noluit Deum misericordem dicere, sed hunc ipsam misericordiam vocavit, dicens: *Deus meus, misericordia mea.* Revocemus ergo ante oculos nostros mala quæ fecimus: pensemus ex quanta Dei benignitate toleramur: consideremus quæ sunt pietatis ejus viscera, ut non solum culpas indulgeat, sed cœleste regnum pœnitentibus etiam post culpam promittat. Atque ex omnibus medullis cordis dicamus singuli, dicamus omnes: *Deus meus, misericordia mea.*

C A P U T CXXVIII.

Ps. 59. 4.

Commovisti terram, & conturbasti eam: sana contritiones ejus, quia commota est.

Num. 28.

IN hom. 10. in Ezech. adjunctum est: *Commovisti terram, &c.* TERRA quippe commota & turbata, est peccator de cognitione reatus sui anxius, & ad pœnitentiæ lamenta perductus. Peccanti enim homini dictum est: *Terra es, & in terram ibis.* Exoret ergo ut sanctetur contritio terræ, quia mota est, quatenus peccator, qui de culpis suis affligitur, de cœlestis misericordiæ gaudio consoletur.

C A P U T CXXIX.

Ps. 59. 5.

Ostendisti populo tuo dura, potasti nos vino compunctionis. Dedisti metuentibus te significationem, ut fugiant a facie arcus.

Num. 54.

IN expof. B. Job, l. 19. adjunctum est: *Ostendisti populo tuo dura, &c.* QUID hoc loco per arcum, nisi dies extremi judicii designatur? In arcu enim quanto longius trahitur chorda, tanto de eo districtior exit sagitta. Sic nimirum, sic extremi judicii dies quanto longius differtur ut veniat, tanto cum venerit, de illo districtior sententia procedit. Idcirco autem diversis nunc cladibus percutimur, ut hic correcti, paratiores tunc inveniri valeamus. Unde illic præmissum est: *Ostendisti populo tuo dura.* Flagella videlicet seculi quæ sequuturum gravius judicii diem præcurrunt. *Potasti nos vino compunctionis*, ut terrena gaudia in lacrymas verterentur. *Dedisti metuentibus te significationem, ut fugiant a facie arcus.* Ac si didiceret: Hoc tempus misericordiæ est, illud tempus judicii erit. Per ista ergo hujus temporis flagella significas, quomodo tunc percussurus es, quando non parcens judicas, qui sic

districtè modo percutis, quando parcis.

C A P U T CXXX.

In Idumæam extendam calceamentum meum. *Ps. 59. 10.*

IN hom. 7. in Evang. adjunctum est, *In Idumæam extendam calceamentum meum*: QUID per Idumæam, nisi Gentilitas? & quid per calceamentum, nisi assumpta mortalitas designatur? In Idumæam ergo Dominus calceamentum se extendere asserit, quia dum per carnem Gentibus innotuit, quasi calceata ad nos divinitas venit. Quis ergo nesciat quod calceamenta ex mortuis animalibus fiunt? In carne ergo Dominus veniens, quasi calceatus apparuit, qui in divinitate sua morticina nostræ corruptionis assumsit.

C A P U T CXXXI.

Melior est misericordia tua super vitam. *Ps. 62. 9.*

IN expof. B. Job, l. 8. adjunctum est: *Melior est misericordia tua super vitam.* AD abluendam culpam quælibet humanæ actionis virtus infirma est, nisi hanc misericordia parentis foveat, & non justitia recte judicantis premat. Unde per Psal. mistam dicitur: *Melior est misericordia tua super vitam*: quia quamlibet quis videatur innocens, apud districtum judicem nostra nos vita non liberat, si ei reatus sui debitum misericordiæ benignitas non relaxat.

C A P U T CXXXII.

Sicut adipe & pinguedine repleatur anima mea. *Ps. 62. 6.*

IN expof. B. Job, l. 8. adjunctum est: *Sicut adipe & pinguedine repleatur anima mea.* ADEPS pinguedine animam replet, cum hanc contra præsentium desideriorum æstum supernæ spei infusio refovet.

^a In mss. non existat.

Tom. XIV.

^a CA.

C c c

CAPUT CXXXIII.

Ps. 64. 11. *Rivos ejus inebrians, multiplica generatione ejus, in stillicidiis suis letabitur, cum exorietur.*

Num. 41.

Libro 1. in Ezech. hom. 10. adjunctum est: *Rivos ejus inebrians, &c.* RIVI quippe Ecclesiae sancti praedicatores sunt, qui terram nostri cordis infundunt. Sed cum inebriantur rivi, generationes Ecclesiae multiplicantur: quia cum uberio-rem gratiam spiritus praedicatores accipiunt, fidelium numerus augetur. Quae sancta Ecclesia in suis stillicidiis letatur. In stillicidio etenim aqua de tecto in terram cadit, quae de caelo ceciderat in tectum. Tectum vero Ecclesiae sanctae, sancti praedicatores sunt, qui nos intercedendo & admonitionibus muniendo protegent. Sed quia illorum cor divinitus in praedicatione infunditur quasi aqua de caelo venit in tectum. Quia vero nos eorum verbis irrigamur, quasi aqua de tecto defluit in in terram. Sancta itaque Ecclesia dum exoritur, in stillicidiis suis letatur: quia cum in fide & bonis operibus nascitur, ea quae accepit, dona considerat, & in verbis praedicantium exsultat. Auditoribus porro ad meliora surgentibus, eorum quoque praedicatoribus gratia multiplicatur.

CAPUT CXXXIV.

Psal. 64. 12. *Benedices coronae anni benignitatis tuae.*

Num. 37.

In expof. B. Job, l. 4. adjunctum est: *Benedices coronae anni benignitatis tuae.* QUASI corona anni benedicatur, cum finito laboris tempore virtutum remuneratio conferatur.

CAPUT CXXXV.

Psal. 64. 14 *Et convalles abundabunt frumento:*

Num. 3.

In expof. Evang. hom. 20. adjunctum est. *Et convalles abundabunt frumento.* A montibus namque aquae dilabuntur, quia superbas mentes veritatis doctrina deserit. Sed

fontes in convallibus surgunt, quia mentes humilium verbum praedicationis accipiunt. Jam videmus, jam convalles frumento abundare conspiciamus, quia illorum ora pabulo veritatis impleta sunt, qui mites ac simplices huic mundo despicabiles esse virebantur.

CAPUT CXXXVI.

Venite, & videte opera Domini, Ps. 65. 5.
quam terribilis in consiliis super filios hominum!

In expof. Evang. hom. 4. adjunctum est: *Venite, & videte opera Domini, &c.* SCIENDUM valde est, ut in omne quod agimus, omnipotentis Domini super nos consilia occulta timeamus, ne dum mens nostra exterius fusa, a sua se voluptate non revocat, intus contra eam judex terribiliter adversa disponat. Quod bene Psalmista intuens ait: *Venite, & videte opera Domini, quam terribilis in consiliis super filios hominum!* Vidit namque quod alius misericorditer vocatur, alius iustitia exigente repellitur. Et quia alia parcendo, alia Dominus irascendo disponit, expavit quod penetrare non potuit, & quem non solum investigabilem, sed etiam in quibusdam sententiis suis inflexibilem vidit, terribilem in consiliis esse memoravit.

CAPUT CXXXVII.

Benedicat nos Deus, Deus noster, be- Psal. 65. 8.
nedicat nos Deus: & metuant eum omnes fines terrae.

In expof. B. Job, l. 29. adjunctum est: *Benedicat nos Deus, &c.* DAVID ut Auctorem omnium Deum, Trinitatem ostenderet, dixit: *Benedicat nos Deus, Deus noster, benedicat nos Deus.* Ac ne tertio Deum nominans, tres deos dixisse putaretur, illico unitatem ejusdem Trinitatis insinuans addidit: *Et metuant eum omnes fines terrae.* Qui enim non eos, sed eum subdidit, unum tria, quae dixerat, intimavit. Unde

Isaias

Isaias cum laudem de unitate Trinitatis aperiret, Seraphim voce exprimens, ait: *Sanctus, Sanctus, Sanctus*. Ac ne tertio Sanctum nominans, unitatem divinæ substantiæ scindere videretur, adjunxit: *Dominus Deus Sabaoth*. Qui ergo non Domini dii, sed Dominus Deus addidit, unum existere, quod tertio Sanctum vocaverat, indicavit. Hinc est quod Paulus ut operationem sanctæ Trinitatis ostenderet, ait: *Ex ipso, & per ipsum, & in ipso sunt omnia*: atque ut unitatem ejusdem Trinitatis intimaret, protinus addidit: *Ipsi gloria, in secula seculorum*. Qui igitur non ipsis, sed ipsi subdidit, unum naturaliter, tria secundum personas innotuit, quod superius tertio idipsum dixit.

C A P U T CXXXVIII.

Psal. 67. 4. Iter facite ei, qui ascendit super occasum.

^a *Num. 6.* **I**N expof. B. Job, l. 19.^a adjunctum est: *Iter facite ei, etc.* SUPER occasum namque Dominus ascendit, quia unde in passione occubuit, inde majorem suam gloriam resurgendo manifestavit. Super occasum videlicet ascendit, qui mortem, quam pertulit, resurgendo calcavit. Ait ergo: *Qui ascendit super occasum, iter facite ei*, id est resurgenti Domino in vestris cordibus per eundem præbete viam. Ei itaque qui ascendit super occasum, iter facimus, cum ejus gloriam fidelibus mentibus prædicamus, ut eas & ipse post veniens, per amoris sui præsentiam illustret. Hinc Johanni per spiritum dicitur: *Præbete vias ejus*. Quisquis etenim prædicando a fordibus vitiorum corda audientium mundat, venienti sapientiæ viam præparat.

C A P U T CXXXIX.

Si dormiatis inter medios cleros,

pennæ columbæ deargentatæ, & posteriora dorsæ ejus in specie auri. *Psal. 67. 14.*

^b **I**N expof. ^b Ezech. hom. adjunctum est: *Si dormiatis inter medios cleros, etc.* CLEROS Latina lingua fortes dicimus. Dormire autem nostrum, est a prava actione quiescere. Et quia electi quique a perverforum operum se inquietudinibus compescunt, terrena deserunt, cœlestia concupiscunt, nimirum inter medios cleros dormiunt: quoniam fugiendo temporalia, & æterna præmia desiderando, a perverfis actibus quiescunt. Mente quippe ad summa evolant, unde & pennæ vocati sunt. Quæ bene pennæ columbæ deargentatæ esse memorantur. Columba vero deargentata, sancta Ecclesia est, quæ aperte prædicationis luce resplendet. Sed hæc columba in pennis quidem deargentata est, sed posteriora dorsæ ejus in auri specie refulgent: quia sancta Ecclesia, quæ modo per prædicantium linguas clara est, in illa remuneratione, quæ sequitur, non jam argenti sed auri fulgore decoratur. Ad illa quippe invisibilia bona perveniens, ad illa cœlestia dona pertingens, quæ nec oculus vidit, nec auris audivit, jam prædicationis eloquio non indigebit, sed sola auri specie in posterioribus pulcra est, quia in eo, quod post accipiet, solo resplendet fulgore claritatis.

C A P U T CXL.

Ascendens in altum, captivam duxit *Psal. 67. 10.*
captivitatem, dedit dona
hominibus.

IN expof. Evang. hom. 29. adjunctum est: *Ascendens in altum*: *Num. 10.* *etc.* QUID his Prophetæ verbis, nisi ascensio Dominica declaratur? *Ascendens* quippe *in altum*, *captivam duxit captivitatem*, quia corruptionem nostram virtute suæ incorruptionis absorbit. *Dedit vero dona*

Ccc 2 homi-

^a Vid. etiam Hom. 17. in Evang. n. 2. E. V.

^b Quæ sit hæc hom. non assignatur in

msl. Pars tamen ultima hujus sacri contextus expon. in hom. 3. l. 2. n. 14.

hominibus, quia misso desuper spiritu, alii sermonem sapientiæ, alii sermonem scientiæ, alii gratiam virtutum, alii gratiam curationum, alii genera linguarum, alii interpretationem sermonum tribuit. Dedit ergo dona hominibus, dum per hujus spiritus gratiam eorum in mundo virtus excrevit.

C A P U T CXLI.

Psal. 67. 24. Lingua canum tuorum ex inimicis ab ipso.

Num. 25.

IN expos. B. Job, lib. 20. adjunctum est: *Lingua canum tuorum ex inimicis ab ipso*. QUID hoc loco canum nomine, nisi sancti Doctores vocantur? qui fidelium in sancta Ecclesia custodes steterunt, qui dum pro Domino suo diurnis nocturnisque vigiliis intenti clamaverunt, magnos, ut ita dixerim, latratus prædicationis dederunt. Nonnulli quippe ab idolorum cultibus revocati, facti sunt prædicatores Dei. Lingua ergo canum Ecclesiæ ex inimicis prodit: quia conversos Gentiles Dominus etiam prædicatores facit. Unde Judæorum tarditas, qui pro Domino loqui noluerunt, increpante Propheta reprehenditur, qui ait: *Canes muti non valentes a latrare*. * Nonnunquam solent in sacro eloquio per canes prædicatores intelligi. Canum etenim lingua, vulnus dum lingit, curat: quia & Doctores sancti dum in confessione peccati nostri nos instruunt, quasi vulnus mentis per linguam tangunt. Et quia nos loquendo a peccatis eripiunt, quasi tangendo vulnera ad salutem reducunt. Quia enim canum nomine, prædicatorum lingua signatur, a Domino per Psalmistam dicitur: *Lingua canum tuorum ex inimicis ab ipso*. Ex Judæis quippe infidelibus sancti prædicatores electi sunt, qui in assertionem veritatis contra fures latronesque venientes, magnos pro Domino, ut ita dicam,

latratus dederunt. Quo contra de quorundam reprobatione dicitur: *Canes muti non valentes latrare*.

C A P U T CXLII.

Visi sunt gressus tui, Deus; ingressus Dei mei regis, qui est in sancto. *Psal. 67. 25.*

IN expos. B. Job, l. 16. adjunctum est: *Visi sunt gressus tui, Deus*, *Num. 45.* &c. QUASI quidam namque gressus Dei sunt ipsæ, quas cernimus, operationes ejus: quibus bonus quisque malusque regitur: quibus iusti injustique suis ordinibus disponuntur: quibus & subiectus quisque ad meliora quotidie ducitur, & adversus ad deteriora corruens toleratur. De quibus nimirum Propheta gressibus dicebat: *Visi sunt gressus tui, Deus*. Nos itaque cum virtutem longanimitatis atque pietatis ejus intuemur, & intuentes imitari contendimus, quid aliud quam gressuum ejus vestigia sequimur, quia extrema quædam operationis imitamur? *Visi sunt gressus tui, Deus; ingressus Dei mei regis, qui est in sancto*. Qui inordinatos motus animi, divinorum judiciorum memoria, in se reprimi conspiciat, quasi deambulantis in se gressus Domini vidit.

C A P U T CXLIII.

Æthiopia præveniet manus ejus Deo. *Psal. 67. 32.*

IN expos. B. Job, l. 18. adjunctum est: *Æthiopia præveniet manus ejus Deo*. DAVID Propheta videns quod ad Judæam redimendam veniret Dominus, sed ante Gentilitas crederet, postmodum Judæa sequeretur, sicut scriptum est: *Donec ple-* *Rom. 11. 25.* *nitudo Gentium intraret, & sic omnis Israel salvus fieret*, dicit: *Æthiopia præveniet manus ejus Deo*, id est priusquam Judæa credat, salvandam se offert omnipotenti Domino peccatis nigra Gentilitas. Agamus itaque gratias unico summi Patris, nos qui ex Gentilitate collecti, atque ejus lumine persusi,

Ju-

a Reliqua capitis in mss. desiderantur.

Isa. 56. 10.
a

* *Hom. 40. in*
Evang. n. 2.

Judæam quòque ipsam præcessimus ad fidem, ut impleretur quod scriptum est: *Æthiopia præveniet manus ejus Deo*. Nigri ergo perfidiæ meritis fuimus, sed per fidei meritum suscipientes candorem gratiæ, ipsam etiam Synagogam, per cujus sobolem vocati sumus ad gratiam Dei, prævenimus.

C A P U T CXLIV.

Laboravi sustinens.

Psalm. 63. 4.

a

HOm. 8. in Ezech. adjunctum est: *Laboravi sustinens*.^a HOC ex persona Redemptoris nostri Propheta de perverse adhuc viventibus dicit: *Laboravi* * *sustinens*. Non enim sustinendo Dominus laborat, cujus divinitatis potentiam, nulla fatigatio contingit, sed verbis humanitatis loquens, ipsam suam circa nos patientiam laborem vocat.

* Ubi legimus, claudens.

C A P U T CXIV.

Psalm. 68. 16.

Non me demergat tempestas aquæ, neque absorbeat me profundum, neque urgeat super me puteus os suum.

Num. 65. 66.

IN expof. B. Job, lib. 26. adjunctum est: *Non me demergat tempestas aquæ, &c.* OMNIS qui jam viam vitæ deferens, in peccatorum se tenebras dejicit, semetipsum quasi in puteum vel in foveam mergit. Si vero diuturna perpetracione etiam consuetudine iniquitatis opprimitur, ne ad superiora jam possit exurgere, quasi angusto ore putei coarctatur. Hinc ergo David sub specie peccantium orat dicens: *Non me demergat tempestas aquæ, neque absorbeat me profundum, neque urgeat super me puteus os suum*. Quem enim mali operis iniquitas a bona stabilitate commovit, quasi tempestas aquæ rapuit. Sed si adhuc longa consuetudine non prævaluit, non demersit. Jam in puteum cecidit, qui hoc quod divina Lex prohibet,

perpetravit. Sed si adhuc longa consuetudo non deprimit, nequaquam os suum puteus coangustavit. Tanto ergo facilius egreditur, quanto minori consuetudine coarctatur. Quædam namque quasi conclusi oris angustia est, ab opprimente mala consuetudine exurgere velle, nec posse. Jam quidem desiderio ad superna tendere, sed adhuc actu in infimis remanere, præire corde, nec tamen sequi opere, atque in semetipso^b contradictorem perpeti semetipsum. Cum vero ita tendens anima manu gratiæ exaltantis adjuvatur, ab angusto ore ad latitudinem pervenit: quia, victis difficultatibus, opera bona perficit, quæ concupiscit. David Propheta conclusionem angusti oris aspexerat, cum dicebat: *Salvam fecisti de necessitatibus animam meam, nec conclusisti me in manibus inimici*. Latissime autem salvatum se noverat, cum subderet, dicens: *Statuisti in loco spatioso pedes meos*. In spatioso quippe loco pedes stabiliti sunt, quando & ad congruentia bona tendimus, & nulla difficultate præpedimur. Quasi enim per latum locum, quo volumus, pergimus, quia nullis objectis difficultatibus angustamur.

C A P U T CXLVI.

Propter inimicos meos eripe me.

Psalm. 68. 19.

IN expof. B. Job, lib. 26. adjunctum est: *Propter inimicos meos eripe me*. PLERUMQUE accidit, ut iusti in tribulatione deprehenfi, supernum solatium etiam temporaliter percipiant, quod tamen non temporaliter implorant. Salvare enim non propter se, sed pro adversariorum salute concupiscunt; ut dum illos omnipotens Deus ab immensis periculis facto quodam miraculo liberat, virtutem suam ipsis etiam persecutoribus innotescat, atque inde

b

^a In Mich. assignatur hom. 8. in Ezech. ubi tamen hæc desiderantur.

^b Sic legitur in omnibus nostris mss. licet

in Moralibus, pto, *contradictorem*, sit, *contradictionem*, consentientibus omnibus etiam codicibus.

de adversarios ad æternitatem redimat, unde suos temporaliter salvat. Hinc est quod Psalmista voces Martyrum suscipiens, ait; *Propter inimicos meos eripe me*. Ac si diceret: Propter me quidem eripi de temporalibus tribulationibus non appeto, sed tamen eripi propter adversarios concupisco: ut dum mea vita salvari mirabiliter cernitur, ipso miraculorum visu inimicorum duritia convertatur. Sicut ergo sæpe Dominus suorum vitam temporaliter pro inimicorum conversione eripit, ita sæpe suorum voces, propter damnationem persequentium, non exaudit; ut videlicet inde reatum suum cumulent, unde prævaluisse se nequiter gaudent. Nam qui invisibilia despiciunt, moveri nonnunquam visibilibus miraculis possunt. Sed idcirco cum iustis plerumque nihil mirum visibiliter agitur: quia eorum adversarii illuminari visibiliter non merentur.

^a C A P U T CXLVII.

^a *Psalm. 68. 21.* *Consolantem me quasi vi, & non inveni.*

^{Num. 5.} **I**N expos. B. Job, l. 17. adjunctum est: *Consolantem me quasi vi, & non inveni*. TUNC solum quippe sancta Ecclesia consolantem invenit, cum ex ea morte, quam vir ejus pertulit, multos intra semetipsam surgere ad vitam cernit.

C A P U T CXLVIII.

^{Ps. 68. 24.} *Obscurentur oculi eorum ne videant, & dorsum eorum semper incurva.*

^{Cap. 1.} **I**N Reg. Past. part. 1. adjunctum est: *Obscurentur oculi eorum ne videant, &c.* HOC a Propheta de reprobis prænuntiandi studio, non autem maledicentis dicitur voto. Oculi quippe sunt, qui in ipsa honoris summi facie positi, providendi itineris officium suscipiunt. Quibus hi nimirum, qui subsequenter inhaerent, dorsa nominantur. Obscuratis ergo oculis dorsum flectitur;

quia cum lumen scientiæ perdunt qui præeunt, profecto ad portanda peccatorum onera curvantur qui sequuntur. Ait ergo: *Obscurentur oculi eorum ne videant, & dorsum eorum semper incurva*. Ac si dicat: Qui humanæ vitæ actionibus, quasi prævidendis itineribus præsunt, veritatis lucem non habeant, ut & qui sequuntur, subditi iniquitatum suarum oneribus incurvati, omnem statum rectitudinis amittant. * Quod factum

* Moral. l. 25. n. 40.

^b C A P U T CXLIX.

^b *Consundantur statim erubescences, qui dicunt mihi: Euge, euge.* ^{Ps. 59. 4.}

IN expos. Ezech. l. 1. hom. 11. adjunctum est: *Consundantur statim erubescences, &c.* ADULATIO etenim si vel ad tempus patienter suscipitur, augetur, & paulisper demulcet animum, ut a rigore suæ rectitudinis emollescat, in delectatione sermonis: sed ne crescere debeat, statim est sine mora ferienda.

C A P U T CL.

Inimici ejus terram lingent. ^{Ps. 71. 9.}

IN expos. B. Job, l. 20. adjunctum est: *Inimici ejus terram lingent.* ^{Num. 26. 27.} LIBET intueri hoc quod per Psalmistam dictum est: *Inimici ejus terram lingent*. Duo quippe sunt genera hominum ambitioni suæ ferventium: unum videlicet, quod semper ad avaritiam blandimentis utitur linguæ: aliud vero, quod aperta vi intendit rapinæ. Nam rodimus, cum aliquid exterius forti adnifu atterimus: lambitur enim, quando hoc quod edi facile non potest, impressa linguæ lenitate gustatur. Omnes igitur etiam sub specie fidei prave viventes, qui aliena appetunt, sed

ea,

^a Abest a mss.

^b Non legitur in mss.

ea, quæ appetunt, rapere nequaquam possunt; blandis autem sermonibus, & quasi mollicita dulcedinis concupita abstrahere conantur, quid aliud quam terram lingunt? quia terrena quæque, quæ virtute nequeunt auferre, mollicie linguæ molliuntur. Qui vero in hoc mundo aliqua potestate suffulti sunt, & concupiscentes aliena, blandiri quidem ex fraude despiciunt: quia etiam injusto robore possunt implere quod volunt: hi hoc quod appetunt, non lambunt, sed rodunt; quoniam propinquorum vitam fortitudine virium velut adnisu dentium demoliuntur.

C A P U T CLI.

Ps. 72. 2.

Mei autem pene moti sunt pedes, pene effusi sunt gressus mei: quia zelavi in peccatoribus, pacem peccatorum videns.

Numer. 4. 8.

IN expof. B. Job, l. 6. adjunctum est: *Mei autem pene moti sunt pedes, &c.* CUM malos florere infirmi conspiciunt, trepidant, & apud semetipsos peccantium prosperitate turbati, intus in gressibus mentis nutant. Horum ergo speciem sumfit Psalmista, cum diceret: *Mei autem pene moti sunt pedes, pene effusi sunt gressus mei: zelavi in peccatoribus, pacem peccatorum videns.* Cum vero eorum gloriam fortes aspiciunt, protinus quæ post gloriam pœnafequatur attendunt, & ^aalta intus cogitatione despiciunt hoc quod superbi foris fastu vacuæ inflationis intumescunt. Unde & de hoc perfectorum despectu per beatum Job dicitur: *Ego vidi stultum firma radice, & maledixi pulcritudini ejus statim.* Pulcritudini quippe stulti maledicere, est ejus gloriam ex considerata damnatione judicare: quia eo atrocius in tormentis obruitur, quo altius in peccatis elevatur: quia transit quod extollitur, permanet quod punitur. Qui honoratur in via, in perventionem damnabitur, & quasi per

Job. 5. 3.

^a Utic. alta mentis.

amœna prata ad carcerem pervenit; qui per vitæ præsentis prospera ad interitum tendit.

C A P U T CLII.

Dejecisti eos, dum elevarentur.

Ps. 72. 12.

IN Reg. Past. par. 3. adjunctum est; *Dejecisti eos, dum elevarentur.* REPROBI cum recta opera ^bdivinis muneribus non rependunt, cum totos se hic deserunt, & affluentibus prosperitatibus dimittunt, unde exterius proficiunt, inde ab intimis cadunt. Hinc est quod in inferno cruciato diviti dicitur: *Recepisti bona in vita tua.* Idcirco enim bona hic recipit malus, ut illic plenius mala reciperet: quia hic fuerat nec per bona conversus. Non ergo ait: *Dejecisti eos* postquam elevati sunt, sed, cum elevarentur: quia hoc ipsum fit superbis interius dejici, quod eis falsa contingit gloria exterius elevari. Ordinante etenim divino judicio, non eis hic aliud culpa est atque aliud pœna, sed sua illis in pœnam vertitur culpa, ut elatis fastu superbix hoc ipsum fit vere intus cadere, quod foris ostenditur profecisse.

Cap. 25.
Adm. 27.

2

Luc. 16. 25.

C A P U T CLIII.

Tu dirupisti fontes, & torrentes: tu siccasti fluvios Ethan.

Ps. 73. 15.

IN expof. B. Job, l. 33. adjunctum est. *Tu dirupisti fontes, &c.* ETHAN interpretatur fortis. Et quis est hic fortis, nisi de quo per Evangelium Veritas dicit: *Nemo potest vasa fortis ingressus domum diripere, nisi prius alliget fortem?* Fontes itaque & torrentes Dominus dirupit, dum in Apostolorum suorum cordibus fluentia veritatis operuit. De quibus rursus per Prophetam alium dicitur: *Haurietis aquas in gaudio de fontibus Salvatoris.* Ad eorum quippe doctrinam sitientes pergimus, ut veritate plenas cordium nostrorum lagunculas reportemus. Sed emanantibus suis fontibus Ethan fluvios exsicavit, dum doctrinam fortis & mali;

Numer. 20.

Marc. 3. 27.

Isa. 12. 3.

^b Gemet. divinis operibus.

maligni spiritus ostenso radio suæ veritatis arefecit.

C A P U T CLIV.

Ps. 74. 5. Dixi iniquis: Nolite inique agere: & delinquentibus: Nolite exaltare cornu.

Cap. 30. Adm. 31. **I**N Reg. Past. part. 3. adjunctum est: *Dixi iniquis, &c.* CORNU delinquentes exaltant, si nequaquam se ad pœnitentiam ex cognitione suæ iniquitatis humiliant. Hinc rursus dicitur: *Cor contritum & humiliatum Deus non spernit.* Quisquis enim peccata plangit, nec tamen deserit, cor quidem conterit, sed humiliare contemnit. Quisquis vero peccata jam deserit, nec tamen plangit, jam quidem humiliat, sed tamen conterere cor recusat.

C A P U T CLV.

Ps. 75. 8. Illuminans tu mirabiliter a montibus æternis.

Num. 16. **I**N expof. B. Job, lib. 27. adjunctum est: *Illuminans tu mirabiliter a montibus æternis.* QUI orientem contemplari non valet, irradiatos montes aspicit, & quia sol ortus sit, deprehendit. Ex æternis montibus nos Deus illuminat: quia per admiratam vitam patrum præcedentium, radio nos suæ claritatis illustrat. Ecce in studio devotionis Dominicæ & caritatis accendimur, sed in hac devotione atque caritate melius horum montium contemplatione formamur. Quid enim devotius Petro? Quid carius Johanne? Ille per devotionem fluida maris dorsa calcare non timuit: iste per amorem in ipso auctoris nostri pectore requievit: & qui ad corporalis cœnæ refectionem venerat, spirituale pabulum de sinu Redemptoris sumsit. *Matt 14. 20. Johan. 13. 27.* Sed quia signari per montes præcedentium patrum vitam diximus, necesse est ut adhuc ad medium etiam superiorum patrum exempla deducamus. Ecce cum præceptis cœlestibus subdi per obedientiam cupimus, consideratis antiquorum patrum ve-

stigiis juvamus. Quid enim Abraham obedientius, qui ad unam vocem Dominicam cognatos & patriam deserit, & pro adipiscenda æterna hereditate ipsum ferire non trepidat, quem senex jam & pene moriturus acceperat heredem? Cum patientiæ apprehendere virtutem conamur, præcedentium exempla conspiciamus. Quid enim Isaac patientius, qui ligna portat, de holocausto rogat, atque post paululum ligatur, & non loquitur: aræ superponitur, & non reluctatur? Quid ergo isto viro dici patientius potest? Qui quasi ad solatium ducitur, & requirit: ad ferendum ligatur, & conticescit: & oblaturus holocaustum interrogat, offerendus in holocaustum tacet. Cum accingi ad laborum tolerantiam nitimur, exemplis præcedentium informamur. Quid enim Jacob laboriosus, qui ad Laban tam longo tempore propinquus jure cogitationis opera exercuit servitutis, & vice obsecutus est famuli, ut perfrueretur premiis heredis? Cum arcem continentiae & castitatis ascendere nitimur, exemplis præcedentium sublevamur. Quid enim Joseph castius, qui ad desiderium petulantis dominæ, jugo luxuriæ premi non potuit, etiam captivus? Et quidem hominibus servus exstitit, sed contra dominantem nequitiam, & in servitio liber fuit. Cum mansuetudine repleti concupiscimus, præcedentium exemplis adjuvamus. Quid enim Moyse mansuetus, qui commissi sibi populi seditionem tolerat, & tamen irascentem Dominum pro suis persecutoribus rogat, seque pro illis divino furori objicit: quia in sancto ejus pectore etiam ex persecutione caritas ignescit? Cum contra adversa mundi firmare mentis constantiam nitimur, præcedentium consideratione fulcimur. Quid enim Josue constantius, qui ad explorandam qualitatem Gentium

Gen. 12.

Gen. 22.

Gen. 39.

Gen. 39.

Exod. 32.

Num. 13. 17.

mis.

missus; nec proceritatis magnitudinem, nec numerositatis multitudinem expavit? Unde & easdem Gentes, quas explorando non timuit, etiam præliando prostravit. Cum benignitatis culmen apprehendere conamur, præcedentium exemplis instruimur. Quid enim Samuele benignius, qui de principatu regendi populi dejectus, successorem sibi humiliter requirit, inventumque ungit in regem: unctum mox tolerat persecutorem? A quo ne moriatur, trepidat: & tamen ne ei Dominus irascatur, rogat. Ipse quippe cum mitteretur, ait: *Audiet Saul, & interficiet me.* Et ei per semetipsam Veritas dicit: *Usquequo tu luges Saulem, cum ego abjecerim eum?* Quid ergo isto viro dici benignius potest, qui & hunc non vult divinitus percuti, a quo formidat occidi? Cum ad pietatis atque humilitatis celsitudinem tendimus, præcedentium exemplis levamur. Quid enim David misericordius, quid humiliter dici potest, qui a rege reprobo pro victoriis contumelias recipit, qui de manu hostili Israeliticam Gentem fortis eripuit, & tamen ne ipse moriatur, quasi debilis fugit? Qui & se electum divino iudicio, & persecutorem suum reprobum agnoscit, & tamen eidem persecutori suo crebræ satisfactionis humilitate se subijcit. Qui persecutoris lanceam tollit, oram chlamydis detruncat, atque ad cacumen montis protinus properat, & uno eodemque tempore, quia occidendi potestatem habuerat, ostentat, & ne occidatur, rogat. * Hinc est quod de prædicatoribus per Prophetam dicitur: *Qui sunt isti, qui ut nubes volant?* * In cunctis ergo quæ spiritualiter appetimus, exemplis præcedentibus informamur. More enim nubium extensa super nos patrum vita regimur, ut ad fructum secundi germinis infundamur: & quasi intuentes cælum, prius nubes aspici-

Tom. XIV.

mus, quia ante bonorum facta admirando cernimus: & post, illa quæ sunt cælestia, experiendo penetramus.

C A P U T CLVI.

Turbati sunt omnes insipientes corde. Pso 75. 6.

Dormierunt somnum suum, & nihil invenerunt omnes viri divitiarum in manibus suis.

IN expos. B. Job, lib. 18. adiunctum est: *Turbati sunt omnes insipientes corde, &c.* UT in sua manu divites post mortem quidquam inveniant, eis ante mortem dicitur, divitias suas in quorum manibus ponant: *Facite, inquit, vobis amicos* Luc. 16. 9. *de mammona iniquitatis, ut cum defeceritis, recipiant vos in æterna tabernacula:* Dives ergo cum dormierit, nihil in manibus suis inveniet. Res ergo suas, cum moreretur, secum tolleret, si ad petentis vocem, cum viveret, sibi tulisset. Nam terrena omnia, quæ servando amittimus, largiendo servamus: patrimoniumque nostrum retentum perditur, manet erogatum. Diu enim cum rebus nostris durare non possumus, quia aut nos illas moriendo deserimus, aut illæ nos viventes quasi deserunt pereundo. Agendum ergo nobis est, ut res absolute perituras in non pereuntem cogamus transire mercedem. Dormit namque dives, & nihil invenit: nihil nimirum de rebus, quas tenuit. Nam culpa rerum simul ducitur, quamvis hic omnia, pro quibus culpa perpetrata est, relinquuntur. Eat ergo nunc, & acceptis rebus tumeat, seseque super ceteros extollat: gloriatur se habere quod proximus non habet. Veniet quandoque tempus ut evigilet, & tunc cognoscat, quam vacuum fuerit, quod in somno tenuerat. Sæpe namque contingit dormienti inopi, ut se per somnium divitem videat, atque ex eisdem rebus animum extollat: lætetur se habere quod non habuit, jamque de-

Ddd

digna-

1. Reg. 10. & 12.

1. Reg. 16. 2.

Ibid. v. 1.

1. Reg. 17. 18. & 19.

* Ex n. 15. Ista. 60. 8.

* Num. 18.

dignari quærat, a quibus dedignatum esse se doluit. Sed repente evigilans evigilasse se dolet, qui interim divitiarum imaginem vel dormiens tenebat. Gemit enim protinus sub paupertatis pondere, & inopiæ suæ angustis premitur, & eo pejus quo ad tempus brevissimum, vel vacue dives fuit. Sic, sic nimirum hujus mundi sunt divites, qui rebus acceptis tument. Bene operari de sua abundantia nesciunt. Quasi dormientes sunt divites, sed paupertatem suam evigilantes inveniunt: quia nihil secum ad illud judicium, quod permanet, ferunt: & quanto nunc ad breve tempus sublimius elati sunt, tanto contra se in perpetuum gravius ingemiscunt. ^a Qui, teste Sapientia, damnationis suæ tempore dicturi referuntur: *Quid nobis profuit superbia, & divitiarum jactantia quid contulit nobis? Transierunt omnia illa tamquam umbra, & tamquam nuntius percurrentes.* Vilia ergo & fugitiva fuisse, quæ tenuerant, jam amissa cognoscunt. Quæ quamdiu aderant, stultis eorum cordibus & magna & mansura videbantur. Sero dives aperuit oculos, quando Lazarum requiescentem vidit, quem jacentem ante januam videre contempsit. Intellexit ibi quod hic facere noluit, & in damnatione sua cognoscere compulsus est, quid fuit quod perdidit, quando indigentem proximum non agnovit. Cum enim corpus obdormiscit in morte, tunc anima evigilat in vera cognitione: & cum carne moritur, ejus anima videre cogitur, quod providere contempsit. Tunc esse conspicit quod timebat, tunc se vacuum invenit, quæ plena rebus præ cæteris hominibus se esse lætabatur.

^a In Uticensi multa alia hic intexta leguntur quæ ex loco Moralium assignato sunt excerpta.

^b C A P U T CLVII.

Dormitaverunt qui ascenderunt equos.

^b
Ps. 7. 7.

IN expos. B. Job; lib. 31. adjunctum est: *Dormitaverunt qui ascenderunt equos.* EQUI nomine, dignitas temporalis accipitur, Propheta attestante, qui ait: *Dormitaverunt qui ascenderunt equos:* id est, morte animæ mentis oculos a veritatis luce clauferunt, qui in præsentis vitæ honore confisi sunt.

Num. 43.

C A P U T CLVIII.

Ps. 62. 15.

Eripe me de luto, ut non inhæream.

IN expos. B. Job, lib. 24. adjunctum est: *Eripe me de luto, &c.* LUTO inhærere, est sordidis desideriis concupiscentiæ carnalis inquinari.

Num. 27. 1.
fine.

C A P U T CLIX.

Negavi consolari animam meam: memor fui Dei, & delectatus sum.

Ps. 76. 3.

CUM ^c de perfectorum intra sanctam Ecclesiam desideriis tractaretur, in expos. B. Job, l. 18. adjunctum est: *Negavi consolari animam meam, &c.* SANCTI viri ad animum suum ex præsentis vita nullius gratiæ consolationem admittunt. Nam plerumque hujus seculi divites, solent mentis tædio affecti, bona temporaliter accepta conspiciere, & tristitiam delipere. Cum enim mœrore quodam tangi se sentiunt, equos aspiciunt, auri argentique sui vascula contemplantur, prædia circumeunt. Cumque per hæc temporalia oculos libenter trahunt, obortum animæ mœrorem vincunt. Unde eis & in Evangelio Veritas dicit: *Vae vobis divitibus, qui habetis consolationem vestram.* Sed sanctus vir, qui hoc luget, quia ab æternis gaudiis cecidit, consolationem de temporalibus non admittit, dicens: *Negavi consolari animam meam.* Ac si aperte di-

^c

Num. 66.

Luc. 6. 24.

^b Caput hoc cum sequenti abest a miss.
^c Ita legitur in Gemet,

dicat : Qui de temporalium amissione non lugeo , de temporalium abundantia consolari nequaquam possum . Cui tamquam si nos audientes ista diceremus : Quid igitur queris , qui consolari in his , quæ mundi sunt , renuis ? Illico adjecit : *Memor fui Dei , & delectatus sum* . Ac si aperte dicat : Terrenarum rerum me nec abundantia refocet ; auctoris autem mei , quem adhuc videre non valeo , vel sola memoria delectat .

CAPUT CLX.

Pf. 76. 4. Exercitatus sum , & defecit paulisper spiritus meus .

Num. 46. 22. **D**Um de incrementis profectuum tractaretur , in expos. B. Job , l. 22. adjunctum est : *Exercitatus sum , &c.* QUID est quod ait : *Spiritus meus* , nisi spiritus hominis , videlicet spiritus elationis ? Et quia per occultam gratiam ad amorem Dei temperata desuper mensura proficimus , quanto in nobis de Dei spiritu virtus crescit , tanto noster spiritus deficit . Qui spiritus erroris , quia non a nobis subito penitus amputatur , bene paulisper defecisse perhibetur . Tunc vero in Deo plene proficimus , cum a nobis ipsis funditus defecerimus ,

CAPUT CLXI.

Pf. 86. 19. Etenim sagittæ tuæ pertransierunt .

Num. 47. 1. **I**N expos. B. Job , l. 29. adjunctum est : *Etenim sagittæ tuæ pertransierunt* . DE imbre namque sanctæ prædicationis alias dicitur : *Mandabo nubibus meis ne pluant super eam imbrem* . De cursu vero imbris , qui in electorum cordibus agitur , Psalmista testatur dicens : *Velociter currit sermo ejus* . Plerumque vero imber est , & cursum non habet : quia prædicatio ad aures venit , sed cessante interna gratia , ad corda audientium non pertransit . De cujus prædicationis verbis , propter electos dicitur :

Etenim sagittæ tuæ pertransierunt . Sagittæ quippe Dei pertranscunt , quando verba prædicationis ejus ab auribus ad corda descendunt . Quod quia solo divino munere agitur , imbrī cursum Dominus se dedisse testatur .

CAPUT CLXII.

Attendite , popule meus , legem meam .

Pf. 77. 1.

DUm de servando modo sacri eloquii tractaretur , in Præfat. Moral. adjunctum est : *Attendite , popule meus , legem meam* . NON lex David , aut populus David , sed personam ejus , ex quo loquebatur , assumens , ipsius auctoritate loquitur , cujus inspiratione replebatur . Hoc quotidie fieri in Ecclesia cernimus , si vigilanter intueamur . Nam stans in medio populi lector clamat : *Ego sum Deus Abraham , Deus Isaac , & Deus Jacob* : & quod ipse Deus sit , vere profecto non dicit ; nec tamen per hoc , quod dicit , veritatis regulam deserit : quia cui ministerium lectionis exhibet , ejus dominium voce prætendit . Itaque Scriptores sacri eloquii , quia repleti sancto Spiritu super se trahuntur , quasi extra semetipsos fiunt , & sic de se sententias quasi de aliis proferunt .

Cap. 1. n. 3.

Exod. 3. 6.

CAPUT CLXIII.

Filii Ephrem intendentes arcum , & mittentes sagittas suas , conversi sunt in die belli .

Pf. 77. 5.

DUm de pusillanimitate prædicationis tractaretur , in Ezech. hom. 9. adjunctum est : *Filii Ephrem intendentes arcum , &c.* **PLERUMQUE** nos , qui doctores videmur , dum prædicamus , audientes instruimus , & loquendo armamus alios , sed ipsi ad laborem certaminis ire recusamus . Et scriptum est : *Filii Ephrem intendentes arcum , & mittentes sagittas suas , conversi sunt in die belli* . Ephrem quippe fructificavit

b

D d d 2 ca-

a Caput hoc non est in mss.

b In cod. mss. indicatur hom. 9. in Eze.

ch. ubi frustra hæc quærivimus . Pauca exstant in hom. 21. quæ est nona libri 2.

catio dicitur. Et quæ est talis vel tanta fructificatio, nisi lingua doctorum? Qui dum verbum seminant, multiplicant fructus animarum. Qui cum docere præparamus, & sensum sacre Scripturæ exquirimus, arcum intendimus. Cum verba correptionis facimus, sagittas emittimus. Arcus enim nonnunquam in sacro eloquio ipsum sacrum eloquium poni solet, quod ex utroque Testamento velut ex cornu & chorda constat. Vetus quippe Testamentum figuratur cornu propter duritiam, novum vero, quod incarnato Domino factum est, signatur chorda. Et dum chorda trahitur, cornu curvatur: quia cum Testamentum novum discutitur a duritia litteræ, vetus inclinatur, & ad intellectum spirituales flectitur, quia rigor ejus duritiæ non tenetur. Sagittæ enim sunt hæc ipsa verba, quæ doctores proferunt. Unde bene etiam per Prophetam de sanctis doctoribus Gentilitatem ingredientibus dicitur: *Cum sagittis et arcu ingredientur illuc*. Nos ergo cum Scripturæ sacre dicta pensamus, arcum intendimus: cum verba doctrinæ damus, sagittas emittimus. Sed in die belli convertimur: quia nonnunquam contra vitiorum certamina laborem subire recusamus.

C A P U T CLXIV.

Psal. 77. 13.

Statuit aquas quasi in utre.

Hieron. 39.

DUM de reprobis contra Ecclesiam machinationibus tractaretur, in expos. B. Job, l. 8. adjunctum est: *Statuit aquas quasi in utre*. AQUÆ in utre, sunt lubrica pravorum desideria, quia cum operis effectum non inveniunt, sub carnali corde deprimuntur.

C A P U T CLXV.

Ps. 77. 39.

Recordatus est, quia caro sunt.

Numb. 8.

CUM de providentia divinæ misericordiæ erga genus humanum tractaretur, in expos. B. Job. l. 4. adjunctum est: *Recordatus est, ec.*

OMNIPOTENS Deus, sicut ex nihilo bona facere potuit: ita cum voluit, per incarnationis suæ mysterium etiam perdita bona reparavit. Duas vero ad intelligendum creaturas fecerat, angelicam videlicet, & humanam. Utramque vero superbia perculit, atque a statu ingentis rectitudinis fregit. Sed una tegmen carnis habuit, alia vero nihil infirmum de carne gestavit. Angelus namque solummodo spiritus, homo vero & spiritus est, & caro. Misertus ergo Creator ut redimeret, illam ad se debuit reducere, quam in perpetracione culpæ ex infirmitate aliquid constat habuisse; & eo altius debuit apostatam Angelum repellere, quo cum a persistendi fortitudine corruit, nihil infirmum ex carne gestavit. Unde & recte Psalmista cum misertum Redemptorem hominibus diceret, ipsam quoque causam misericordiæ expressit dicens: *Et memoratus est, quia caro sunt*. Ac si diceret: Quo eorum infirmavit, eo districtè culpas punire noluit. Est adhuc aliud, quo perditus homo reparari debuit, & superbiens spiritus reparari non possit: quia nimirum Angelus sua malitia cecidit, hominem vero aliena prostravit.

C A P U T CLXVI.

Conversi sunt in arcum perversum. Ps. 77. 37.

DUM de cavendo elationis vitio, & studio veræ humilitatis tractaretur, in expos. B. Job, lib. 27. adjunctum est: *Conversi sunt in arcum perversum*. ARCUS perversus ipsum, a quo intenditur, percutit. Unde in dictis suis arrogantium linguæ arcui perverso sunt similes: quia dum contra elationem verba faciunt, in suis auctoribus sagittas figunt. Unde summa cura providendum est, ne accepta sapientia, cum ignorantie tenebras illuminat, lumen humilitatis tollat, ut jam sapientia esse nequeat; quæ etsi virtute locutionis fulgeat, elationis tamen vela-

Numb. 75.

* Num. 76.

minè cor loquentis obscurat. * Alia namque sunt bona summa, alia bona media. Bona etenim summa sunt fides, spes, & caritas. Quæ cum veraciter habentur, in malum inflecti non possunt. Bona autem sunt media, prophetia, doctrina, curationum virtus, & cætera: quæ ita inter utrumque sunt posita, ut aliquando per hæc sola æterna patria, aliquando vero gloria terrena requiratur. Medias ergo has virtutes dicimus, quas ad quodcumque mens appetit inclinamus. Quibus perceptis ita uti animus sicut terrenis divitiis potest. Per terrenas namque divitias, alii in gloriæ ostentatione superbiunt, alii erga proximorum indigentiam ministeria pietatis operantur. Cum per doctrinam igitur, atque prophetiam laus exterior quæritur, quasi per corporales divitias terrenæ gloriæ culmen ambitur. Cum vero doctrina, atque prophetia lucrandis animabus impenditur, quasi acceptæ divitiæ egenis fratribus largiuntur. Quia ergo sæpe per ipsa dona, quæ se percipere exultat, a manu dantis incautus animus elongat, vigilanti provisione curandum est, ut & prius subigantur vitia, & post sub circumspeditione dona teneantur. Nam si in eis mens incaute se deserit, non per hæc adjuta subvehitur, sed quasi pro anteaactis laboribus remunerata reprobatur. Unde fit etiam ut accepta virtus, dum in usu transitorie laudis assumitur, quia vitio militat, virtus non sit. Quia enim origo virtutis humilitas est, illa in nobis virtus veraciter pullulat, quæ in radice propria, id est in humilitate perdurat; quia nimirum si abscinditur, arefcit: quia vivificantem se in intimis humorem caritatis perdit.

CAPUT CLXVII.

Tradidit in captivitatem virtutes eorum, & pulcritudinem eorum in manus inimici. Ps. 71. 61.

Cum de vitanda in bonis operibus arrogantia tractaretur, Reg. past. par. 4. adjunctum est: *Tradidit in captivitatem virtutes eorum, &c.* IN captivitatem virtus, & pulcritudo in manus inimici traditur, cum deceptæ menti antiquus hostis ex boni operis elatione dominatur. Quæ tamen virtutis elatio, quanvis plene non superet, utcumque tamen & electorum sæpe animum tentat, sed cum elevatus destituitur, destitutus ad formidinem revocatur. Hinc etenim David dicit: *Ego dixi in abundantia mea, Non movebor in æternum.* Sed quia de confidentia virtutis intumuit, paulo post quod pertulit adjunxit: *Avertisti faciem tuam a me, & factus sum conturbatus.* Ac si aperte dicat: Fortem me inter virtutes credidi, sed quantæ infirmitatis sum, derelictus agnovi. Hinc rursum dicitur: *Juravi & statui, custodire judicia justitiæ tuæ.* Sed quia ejus virium non erat manere in custodia, quam jurabat, debilitatem suam protinus turbatus invenit. Unde ad precis opem repente se contulit, dicens: *Humiliatus sum usquequaque, Domine, vivifica me secundum verbum tuum.* Ps. 138. 105.

CAPUT CLXVIII.

^a Item unde supra.

IN expof. B. Job, l. 8. VIRTUS quippe & pulcritudo arrogantium inimici manibus traditur: quia omne bonum, quod per concupiscentiam laudis ostenditur, occulti adversarii juri mancipatur. Hostes namque ad rapinam provocat, qui suas eorum notitiæ divitias denudat. Quousque enim ab æternæ patriæ securitate disjungimur, per latronum insidiantium iter ambulamus.

Qui

^a Tria quæ sequuntur capita non sunt in mss.

Qui ergo in itinere deprædari formidat, abscondat necesse est bona, quæ portat. O miseri, qui affectantes laudes hominum, in semet ipsis dissipant fructus laborum! Cumque se ostendere alienis oculis appetunt, damnant quod agunt. Quos nimirum maligni spiritus cum ad jactantiam provocant, eorum, sicut diximus, opera captivantes denudant.

C A P U T CLXIX.

Immissiones per Angelos malos, viam fecit semita iræ suæ.

Psalm. 77. 49.

IN expof. B. Job, l. 25. adjunctum est: *Immissiones per Angelos malos, &c.* COR quippe Dominus prioribus meritis aggravatum, iuste permittit etiam subsequenter malignorum spirituum persuasionibus falli: quod cum digne in culpa trahitur, reatus ejus in pœna cumulatur. Unde & iræ suæ Dominus viam de semita fecisse perhibetur. Latior est enim via quam semita. Ex semita vero iræ suæ viam facere, est iræ causas districte judicando dilatare, ut qui illuminati agere recte noluerunt, iuste cæcati adhuc faciant unde amplius puniri mereantur. Jam meretur supplicium peccatum, & causa peccati: sed expectatur adhuc ut augmentum supplicii subrogent peccatum, & pœna peccati. Plerumque vero unum idemque peccatum, & peccatum est, & pœna peccati, & causa peccati. Quod melius ostendimus, si res ipsas ad medium deducamus. Effrenata enim ventris ingluvies, in fervorem luxuriæ plenitudinem carnis instigat: perpetrata autem luxuria sæpe aut perjurio aut homicidio tegitur, ne humanarum legum ultione puniatur. Ponamus ergo ante oculos quod quidam voracitatis sibi frena laxavit, qua voracitate superatus, adulterii facinus admisit; deprehensus autem in adulterio, latenter virum adulteræ, ne ad iudicium traheretur, occidit. Hoc itaque adulterium in-

ter voracitatem & homicidium positum; de illa videlicet nascens, hoc generans; peccatum est, & pœna, & causa peccati. Peccatum est per seipsum; pœna vero peccati est, quia culpam voracitatis auxit; causa autem peccati est, quia subsequens etiam homicidium genuit. Unum ergo idemque peccatum est, & pœna præcedentis, & causa culpæ subsequentis: quia & transacta dum exaggerat, damnat: & adhuc subsequentia quæ damnari debeant, seminat.

C A P U T CLXX.

Redde vicinis nostris septuplum in Psal. 78. 12.
sinu eorum.

IN expofit. B. Job, lib. 22. adjunctum est: *Redde vicinis nostris, &c.* SCRIPTURA etenim fa-
Num. 32.
cra plerumque sinum potere promente consuevit. Sicut voce Ecclesiæ de persecutoribus nostris, qui nobis natura quidem conjuncti sunt, sed vita disjuncti, per Psalmistam dicitur: *Redde vicinis nostris septuplum in sinu eorum.* Ac si aperte diceretur: In mente sua recipiant hoc, quod in nostris corporibus sævientes, operantur: ut dum nos exterius ex parte puniunt, ipsi interius perfecte puniantur.

C A P U T CLXXI.

Potum dedit nobis in lacrymis, & Ps. 77. 16.
in mensura.

DUm de studio dignæ pœnitentiæ tractaretur, Reg. Past. par. 3. adjunctum est: *Potum dedit nobis, &c.* PROVIDENDUM est iis qui peccata suorum operum deplo-
Cap. 29.
rant, ut consumpta mala perfecto diluant lamento; ne plus altringantur in debito perpetrati operis, & minus solvant fletibus satisfactionis. Scriptum quippe est: *Potum dedit nobis in lacrymis, & in mensuram,*
Adm. 30.
ut videlicet uniuscujusque mens tantum pœnitendo compunctionis suæ bibat lacrymas, quantum se a Deo meminit aruisse per culpas.

C A-

CAPUT CLXXII.

Psal. 80. 2. Sumite Psalmum, & date tympanum:

IN expof. B. Job, l. 33. adjunctum est: *Sumite Psalmum, &c.*
Num. 33. IN prædicatione fidei, quasi quoddam negotium geritur, dum verbum datur, & fides ab auditoribus sumitur. Quasi quoddam negotium faciunt, qui prædicationem prærogant, & a populis fidem reportant: fidem impertiunt, & eorum sanctam protinus vitam sumunt. Si enim iustorum prædicatione negotium non fuisset, profecto Psalmista non diceret: *Sumite Psalmum, & date tympanum.* In tympano etenim corium siccatur, ut sonet. Quid est ergo dicere: *Sumite Psalmum & date tympanum?* nisi, accipite spirituale canticum cordis, & reddite temporalem macerationem corporis.

CAPUT CLXXIII.

Psal. 80. 3. Exaudiui te in abscondito tempestatum, probavi te ad aquas contradictionis.

CUM de cavendis prava contravotum suadentibus tractaretur, in expof. B. Job, l. 26. adjunctum est: *Exaudiui te in abscondito tempestatum, &c.* ABSCONDITUM tempestatum est, cum in corde contrito cogitationum tentantium fluctus intumescunt, cum contra amoris sancti studium curarum secularium se tumultus illidunt. In abscondito ergo tempestatum auditur, quia clamor deprecantis est hæc ipsa fluctuatio tribulationis. Quia vero omnino non desunt, qui bona querentibus suadere perversa moliantur, aquæ contradictionis sunt populi resistentes. Et quia tunc probatur desiderium, cum aliqua ei adversitate resistitur, recte dicitur: *Probavi te ad aquas contradictionis.*

CAPUT CLXXIV.

Erit tempus eorum in æternum:

Psal. 80. 16.

DUM de pereuntium defectu tractaretur, in expof. B. Job, l. 4. adjunctum est: *Erit tempus eorum in æternum.* QUIA per momenta tempus deficit, nomen temporis eorum defectum vocavit, ostendens quod sine fine omnimodo defectu deficiunt ii, qui a visionis internæ consolatione separantur.

CAPUT CLXXV.

Deus meus, pone illos ut rotam, & velut stipulam ante faciem venti. *Psal. 82. 14.*

CUM de poena reprobarum mentium tractaretur, in expof. B. Job, l. 16. adjunctum est: *Deus meus, pone illos ut rotam, &c.* UT rota ponuntur iniqui: quia in circuitu laboris missi, dum ea, quæ anteriora sunt, negligunt, & ea, quæ deferenda sunt, sequuntur, ex posterioribus elewantur, & in anterioribus cadunt. Qui recte quoque stipulæ ante faciem venti comparantur: quia irruente aura tentationis, dum nulla subnixi sunt ratione gravitatis, elewantur ut corruant: & sæpe eo se alicujus meriti existere aestimant, quo eos in altum flatus erroris portat.

CAPUT CLXXVI.

Concupivit & defecit anima mea in atria Domini. *Psal. 83. 5.*

IN expof. B. Job, l. 8. adjunctum est: *Concupivit, &c.* SUNT nonnulli iustorum, qui sic cœlestia appetunt, ut tamen a terrenorum spe minime frangantur. Largita divinitus patrimonia ad necessitatis subsidium possident, honores sibi temporaliter impensos tenent, aliena non ambiunt, suis licite utuntur. Qui tamen ab eisdem rebus, quas habent, alieni sunt: quia ad hæc ipsa, quæ possident, ex desiderio non tenentur. Et sunt nonnulli iustorum, qui ad comprehenden-

dendum culmen perfectionis accincti, dum altiora interiori appetunt, exterius cuncta derelinquunt: qui rebus se habitus nudant, gloria honoris exspoliant. Qui interiorum desiderio per assiduitatem se amici meroris afficiunt, habere de exterioribus consolationem nolunt: qui in æternis gaudiis, dum mente appropriant, vitam in se funditus corporeæ delectationis necant. Talibus namque per Paulum dicitur: *Mortui enim estis, & vita vestra abscondita est cum Christo in Deo.* Horum itaque voces Psalmista expresserat cum dicebat: *Concupivit, & defecit anima mea in atria Domini.* Concupiscunt enim, sed non deficiunt, qui jam quidem cœlestia appetunt, sed adhuc tamen a terrenorum delectationibus minime laxantur. Concupiscit vero & in Dei atria deficit, qui cum æterna desiderat, in amore temporalium non perdurat. Hinc Psalmista iterum dicit:

Coloss. 3. 3.

Mortui enim estis, & vita vestra abscondita est cum Christo in Deo. Horum itaque voces Psalmista expresserat cum dicebat: *Concupivit, & defecit anima mea in atria Domini.* Concupiscunt enim, sed non deficiunt, qui jam quidem cœlestia appetunt, sed adhuc tamen a terrenorum delectationibus minime laxantur. Concupiscit vero & in Dei atria deficit, qui cum æterna desiderat, in amore temporalium non perdurat. Hinc Psalmista iterum dicit:

Ps. 118. 27. *Defecit in salutari tuo anima mea.*

Mat. 16. 24. *Hinc per semetipsam Veritas admonet, dicens: Si quis vult post me venire, abneget semetipsum.* Et rursum:

Luc. 14. 33. *Nisi quis renuntiaverit omnibus quæ possidet, non potest meus esse discipulus.* In salutari ergo Dei animam iusti deficere, est præsentis vitæ bona electione æternitatis deferere, mansura quærere, & in rebus temporalibus fiduciam non habere.

C A P U T CLXXVII.

Ps. 83. 4. *Etenim passer invenit sibi domum, & turtur nidum, ubi reponat pullos suos.*

Num. 42. **D**Um de fidelium desideriis in pace Ecclesiæ educatis tractaretur, in expos. B. Job, l. 19. adjunctum est: *Etenim passer invenit sibi domum, &c.* QUID per nidi nomen exprimitur, nisi tranquilla quies fidei, qua unusquisque infirmus nutritur? Nam nisi sancta Ecclesia infirmos quosque filios nunc in

nido pacis enutritur, Psalmista non diceret: *Etenim passer invenit sibi domum, & turtur nidum, ubi reponat pullos suos.* Jam quippe domum invenit passer: quia æternum cœli habitaculum noster Redemptor intravit. Et turtur invenit nidum, quia sancta Ecclesia amore Conditoris affecta, crebris gemitibus utitur, & velut nidum sibi, id est pacatissimam fidei quietem construit, in qua crescentes filios, quasi plumescentes pullos quousque ad superiora evolent, caritatis gremio fover.

C A P U T CLXXVIII.

Ascensus in corde ejus disposuit in Ps. 13. 6. convalle lacrymarum.

CUm de electorum studiis tractaretur, in expos. B. Job, l. 30. adjunctum est: *Ascensus in corde ejus disposuit in convalle lacrymarum.* Num. 64. SANCTI viri quanto magis se exterius despiciendo dejiciunt, tanto amplius interiori revelationum contemplatione pascuntur. Quos enim exterius in fletu continet convallis humilitatis, cos interiori sublevat ascensus contemplationis.

C A P U T CLXXIX.

Latetur cor meum, ut timeat nomen tuum. Psal. 85. 11.

IN expos. B. Job, l. 20. adjunctum est: *Latetur cor meum, &c.* Num. 8. SANCTI etenim viri sic despecti sunt, ut tamen semper sint de tentatione suspecti, quorum voce Psalmista dicit: *Latetur cor meum, ut timeat nomen tuum.* In quo notandum, quod non ait, *Latetur*, ut securum sit: sed *latetur*, ut timeat. Meminerunt namque, quamvis eorum actio prosperetur, quia adhuc in hac vita sunt, de qua per eundem Job dicitur: *Tentatio est vita humana super terram.* Job. 9. 17. Meminerunt rursum quod scriptum est: *Corpus, quod corrumpitur, aggravat animam, & deprimit terrena inhabitatio sensum multa cogitantem.* Sap. 9. 15. Me.

Meminerunt, & metuunt, & certitudinem sibi in se promittere non præsumunt: sed positi inter gaudium spei & tentationis metum, confidunt & timent: confortantur & titubant: certificantur & suspecti sunt.

CAPUT CLXXX.

Psalm. 87. 2. Posuerunt me in abominationem sibi; traditus sum, & non egrediebar.

CUM de mylteriis Dominicæ passionis tractaretur, in exposit.

B. Job, l. 22. adjunctum est: Posuerunt me in abominationem sibi, &c. HOC de tempore passionis suæ

Redemptor noster per Prophetam insinuat. Ipse namque traditus egressus non est, quia sub ipsa jam hora passionis cum humanitatis infirma pateretur, divinitatis potentiam exercere noluit. Mediatori quippe Dei & hominum quasi egredi fuisset, si cum teneretur homo, majestatis suæ potentiam voluisset ostendere, & per divinitatis magnitudinem susceptæ carnis infirma transire. Ut enim apertius homo mori posset, Deus mansit occultus: quia

1. Cor. 2. 8.

si cognovissent, nunquam Dominum gloriæ crucifixissent. Egressus ergo non est, qui & requisitus a Pilato tacuit, atque inter persecutorum manus & corpus passioni obtulit quod pro electis assumerat, & resistentibus noluit demonstrare quod erat. Cum enim desepicretur quia homo videbatur, egressus esset si occultam majestatem suam ostentare voluisset. Sed quia infirmitatem prodidit, potentiam abscondit; in eo quod persecutoribus suis incognitus mansit, ad eos minime exivit. Qui tamen ad electos exit, qui divinitatis suæ suavitatem quærentibus aperit. Unde ei per Prophetam dicitur: Existi in salutem populi tui, ut salvos facias Christos tuos.

Habac. 3. 13.

a Non existat in miss.
Tom. XIV.

CAPUT CLXXXI.

Inter mortuos liber.

Psalm. 88. 5.

IN exposit. B. Job, l. 30. adjunctum est: *Inter mortuos liber.*

Num. 86. 1. Johan. 8. 38.

OMNIS qui peccat, servus est peccati. Et quia incarnatus Dominus particeps nostræ factus est naturæ, non culpæ, liber dimissus dicitur, quia sub peccati dominio non teneatur. Inter mortuos liber dicitur, quia naturam nostram suscipiens, iniquitatis jugo nullo modo teneatur. Quem quamvis macula culpæ nostræ non attigit, passio tamen nostræ mortalitatis astrinxit: * Esurire enim, sitire, lassescere, teneri, flagellari, crucifigi, nostræ mortalitatis vinculum fuit. Sed cum expleta morte velum templi rumperetur, scinderentur petreæ, monumenta panderentur, inferni claustra patefcerent, quid aliud tot argumentis tantæ virtutis ostenditur, nisi quod illa infirmitatis nostræ vincula solvebantur, ut is, qui ad suscipiendam servi formam venerat, in ipsa servi forma ab inferni vinculis absolutus, ad cælum etiam cum membris liber rediret?

CAPUT CLXXXII.

In me transierunt iræ tuæ, & terrores tui conturbaverunt me. *Psalm. 87. 17.*

CUM de fructuoso electorum pavore tractaretur, in exposit. B.

Job, lib. 7. adjunctum est: In me transierunt iræ tuæ, &c.

Num. 6.

JUSTORUM mens non solum perpendit quod tolerat, sed etiam pavet quod restat. Videt qualia in hac vita patitur, metuit ne post hanc graviora patiatur. Luget, quia in hujus cæcitatis exilio, a paradisi gaudiis cecidit; timet ne cum exilium relinquitur, mors æterna subsequatur. Jam ergo sententiam tolerat in pœna, sed minas adhuc venuri judicis formidat ex culpa. Recte ergo per Psalmistam dicitur: *In me transierunt*

iræ

sierunt iræ tuæ, & terrores tui conturbaverunt me. Interni quippe iudicii postquam iræ pertranseunt, etiam terrores conturbant: quia jam aliud de damnatione patimur, & adhuc aliud de æterna ultione formidamus.

C A P U T CLXXXIII.

Is. 78. 1. Misericordias tuas, Domine, in æternum cantabo.

DUM de pavore electorum & retributionis incertitudine tractaretur, in expos. B. Job, lib. 4. adiunctum est: *Misericordias tuas, Domine, in æternum cantabo.* PLE-
RUMQUE mens iusti jam quidem quod perverse se egisse meminit, deplorat: jam prave acta non solum deserit, sed amarissimis etiam lamentis punit: sed dum eorum, quæ egit, reminiscitur, graviter iudicii pavore terretur. Jam se perfecte convertit, sed adhuc se perfecte in securitatem non erigit: quia dum quanta sit districtio extremi examinis pensat, inter spem ac formidinem sollicita trepidat; quia iustus iudex veniens quid de perpetratis reputet, quid relaxet, ignorat. Nam quam prava commiserit, meminit; & an commissa digne desseverit, nescit: ac ne culpæ immanitas modum pœnitentiæ transeat, metuit. Et plerumque culpam jam veritas relaxat, sed mens afflicta adhuc de venia dum valde sibi est sollicita, trepidat. Sanctus ergo vir etiam hic misericordiam suscipit, sed suscepisse se nescit: quia peccatum suum homo jam corrigendo & pœnitendo deserit, sed tamen adhuc districtum iudicem de ejus retributione pertimescit. Illic ergo iustus quilibet misericordias Domini libere in æternitate cantat, ubi jam de peccati venia dubietas non erit, ubi jam securam mentem culpæ suæ memoria non addicit, ubi non sub reatu animus trepidat, sed de ejus indulgentia libere exsultat.

Sed si nulla ibi homo peccati sui memoria tangitur, ereptum se unde gratulatur? Aut quomodo largitori gratias refert de venia, quam accepit, si interveniente oblivione transactæ nequitiae esse se pœnæ debitorem nescit? Ait enim Psalmista: *Misericordias tuas, Domine, in æternum cantabo.* Quomodo ergo misericordias Dei in æternum cantat, si se fuisse miserum ignorat? & si miseriae transactæ non meminit, unde largitori misericordiæ laudes reddit? Sed rursus quærendum est quomodo electorum mens perfecta esse in beatitudine poterit, si hanc inter gaudia memoria sui reatus tangit? Aut quomodo perfectæ lucis clarescit gloria, quam reducta ad animum obumbrat culpa? Sed sciendum est, quia sicut sæpe nunc tristitiam læti reminiscimur: ita tunc transactæ nequitiae sine læsione nostræ beatitudinis recordamur. Plerumque enim incolumitatis tempore ad memoriam dolores præteritos sine dolore reducimus: & quo ægros nos recolimus, eo nos incolumes plus amamus. Erit ergo & in illa beatitudine culpæ memoria, non quæ mentem polluat, sed quæ nos lætitiæ arctius astringat: ut dum doloris sui animus sine dolore reminiscitur, & debitorem se medico verius intelligat: & eo magis acceptam salutem diligit, quod de molestia meminit, quid evalit. In illa itaque lætitia sic tunc sine tædio mala nostra conspiciamus, sicut nunc in luce positi sine ulla cordis caligine animo tenebras videmus. Quia etsi obscurum est quod mente cernimus, de iudicio est hoc luminis, non de passione cæcitatatis. Et in æternum ergo laudes misericordiæ largitori nostro referimus, & nequaquam misericordiæ conscientia gravamur: quia dum mala nostra sine aliquo mentis malo respicimus, & nunquam erit quod corda laudantium de transactis iniqui-

quitatibus polluat; & semper erit quod hæc ad laudem liberatoris accendat.

C A P U T CLXXXIV.

Psalm. 32. 10. Beatus populus, qui scit jubilationem.

Num. 10.

DUM de ineffabili electorum gaudio mente concepto tractaretur, in expof. B. Job, l. 24. adjunctum est: *Beatus populus, qui scit jubilationem*. JUBILUM dicitur, quando ineffabile gaudium mente concipitur, quod nec abscondi possit, nec sermonibus aperiri, & tamen quibusdam motibus proditur, quamvis nullis proprietatibus exprimat. Unde David Propheta. intuens electorum animas tantum gaudium mente concipere, quantum sermone non valeant aperire, ait: *Beatus populus, qui scit jubilationem*. Non enim ait, qui loquitur, sed, *qui scit*: quia sciri quidem jubilatio intellectu potest, sed dicto exprimi non potest. Sentitur per illam quippe quod ultra sensum est. Et cum vix ad hoc contemplandum sufficiat conscientia sentientis, quomodo ad hoc exprimendum sufficiat lingua dicentis?

C A P U T CLXXXV.

Psalm. 29. 6. Mane sicut herba transeat, mane floreat & pertranseat.

Num. 52

IN expof. B. Job, lib. 29. adjunctum est: *Mane sicut herba transeat, &c.* IN Scriptura sacra aliquando per herbam viror gloriæ temporalis accipitur, sicut Psalmista ait: *Mane sicut herba transeat*. Mane namque sicut herbam florere atque transire, est in prosperitate hujus sæculi temporalis gloriæ velociter decus arefcere.

C A P U T CLXXXVI.

Psalm. 36. 4. Posuisti munitiones ejus in formidinem.

b

DUM de occultis divinorum judiciorum dispositionibus tractaretur, adjunctum est: *Posuisti munitiones ejus in formidinem*. ^b SÆPE

quis fallaciæ vel iræ, vel immunditiæ, vel superbiæ suæ meminit, & se in humilitatis loco a mundi hujus strepitu abscondit. Sed dum ad regendum populum post occultationem suam ducitur, hinc inde subintrantibus peccatorum jaculis feritur, atque timere incipit ne ei & hoc ipsum jam sit ad judicium, quia bonum quietis intimæ degustavit, quod tenere non potuit. Sicut scriptum est: *Posuisti munitiones ejus in formidinem*. Cum enim humilem locum pro rectitudine mentis appetimus, quid aliud quam munitionis arcem tenemus? Sed cum ad turbas atque strepitus mundi vel coacti revertimur, inter irruentia peccata prehensi, & ipsam munitionem nostram pertimescimus: quia de subtili omnipotentis Dei examine hoc quoque formidare incipimus, quod bene vixisse credebamus.

C A P U T CLXXXVII.

Quis novit potestatem iræ tuæ, &c. Psalm. 82. 12. præ timore tuo iram tuam dinumerare?

CUM de justorum formidine ob divinorum judiciorum incertitudinem tractaretur, in expof. B. Job, l. 5. adjunctum est: *Quis novit potestatem iræ tuæ, &c.* POTES-
Num. 16.
TAS divinæ iræ nostra non potest mente comprehendi: quia ejus dispensatio obscuris super nos dispositionibus sæpe unde æstimatur deserere, inde nos recipit; & unde nos recipere creditur, inde derelinquit, ut plerumque hoc fiat gratia, quod ira dicitur: & hoc aliquando ira sit, quod gratia putatur. Nonnullos enim flagella corrigunt: nonnullos ad impatientiæ vesaniam perducunt, & alios prospera, quia demulcent, ab insania mitigant: alios quia elevant, funditus ab omni spe conversionis eradicant. Cunctos autem vitia ad ima pertrahunt, sed

E e c 2

tamen

descriptum: ubi tamen frustra a nobis questum est.

a Absit a mss.

b Legitur in mss. Michael. Cœlestin. & Paris. id ex hom. 10. in Exechielem esse

tamen quidam eo ab his facilius redeunt, quo se in eis corruisse altius erubescunt. Et semper virtutes ad superna sublevant, sed nonnunquam quidem dum tumorem de virtutibus concipiunt, per ipsum tramitem ascensionis cadunt. Quia ergo potestas divinæ iræ minime cognoscitur, in cunctis necesse est ut sine cessatione timeatur.

C A P U T CLXXXVIII.

Ps. 90. 3. Ipse liberavit me de laqueo venantium, & a verbo aspero.

Num. 45. CUM de electorum exercitio ex reprobatione detrahentium tractaretur, in expos. B. Job, l. 6. adjunctum est: *Ipse liberavit me de laqueo venantium, &c.* VENANTES nihil aliud quam carnes quærunt. Sed a venantium laqueo, atque ab aspero verbo eripimur, quando & insidias carnalium & irrisorum probra despiciendo superamus. Aspera quippe eorum verba sunt, quæ bonis nostris itineribus adversantur. Sed asperitatem verbi evadere, est irrisiones detrahentium dissimulando calcare. Sancta ergo anima ab aspero verbo liberatur: quia dum in hoc mundo honorem laudis non quærît, nec contumelias detractionis sentit:

C A P U T CLXXXIX.

In scapulis suis obumbrabit tibi.

Ps. 90. 4.

Num. 7.

CUM de modo sacri eloquii tractaretur, in expos. B. Job, l. 32. adjunctum est: *In scapulis suis obumbrabit tibi.* CUM in Deo scapulæ, oculi, brachium dicuntur, cavendum summopere est ne quid in eo mens corporeum suspicetur. In Anthropomorphitarum namque hæresim cadere est, eum qui incircumscripse implet & circumplectitur omnia, intra corporalia lineamenta concludere. Sed omnipotens Deus ad sua nos trahens, usque ad nostra se humiliat, atque ut alta insinuet, humilibus condescendit: quatenus parvulorum animus rebus cognitis enutritus, ad inquirenda exsurgat inco-

gnita, atque ab eo, qui longe super ipsum est, quædam juxta se audiens, quasi quibusdam ad illum passibus moveatur. Unde fit ut per Scripturam suam aliquando a corporibus hominum, aliquando a mentibus, aliquando vero ab avibus, aliquando vero ab insensatis rebus quasdam longe dissimiles in se similitudines trahat. Plerumque enim a corporibus hominum in se similitudinem trahit, sicut de eo speranti homini per Prophetam dicitur: *In scapulis suis obumbrabit tibi*, cum constet quod in natura sua nec oculum Deus, nec scapulas, nec certa lineamenta membrorum habeat. Sed quia nos per oculum cernimus, in scapulis vero onera sustinemus: Deus, quia omnia videt, oculum habere perhibetur. Quia vero nos tolerat, atque eo ipso quo tolerat, servat, obumbrare nobis in scapulis dicitur. Ait enim: *In scapulis suis obumbrabit tibi.* Ac si diceretur peccatori homini, & post peccatum veniam deprecanti: Ea pietate Dominus te protegit, qua pietate toleravit. Obumbrat enim scapulis suis: quia dum portat, defendit.

C A P U T CXC.

Adhuc multiplicabuntur in senecta uberi, & bene patientes erunt, ut annuntient. *Ps. 91. 15a*

DUM de collectione fidelium extremi temporis tractaretur, in expos. B. Job, l. 35. adjunctum est: *Adhuc multiplicabuntur in senecta uberi, &c.* PRÆDICATORES namque sanctæ Ecclesiæ benedictione extremi temporis Psalmista ditari conspexerat, qui dicebat: *Adhuc multiplicabuntur in senecta uberi.* Qui in senecta uberi multiplicantur, quia cum eorum vita differtur, semper ad melius fortitudo producitur, eisque per augmentum temporis cresunt etiam lucra meritum. Bene autem patientes sunt, ut annuntient: quia cœlestia prædicantes tanto robu-

Num. 38a

lius

lius adversa tolerant; quanto & per tolerantiam suam animarum commoda locupletius reportant.

C A P U T CXCI.

Ps. 92. 4. *Mirabiles elationes maris, mirabilis in excelsis Dominus.*

Num. 11. **C**UM de reprehensa reproborum superbia & divinis in prædicatorum virtute miraculis tractaretur, in expos. B. Job, l. 9. adjunctum est: *Mirabiles elationes maris, &c.* CUM morem suum Gentilitas destrui novæ conversationis prædicatione conspiceret, cum mundi hujus divites elationi suæ contraire facta pauperum cernerent; cum sapientes seculi adversari sibi imperitorum verba pensarent, in persecutionum protinus tempestatem tumuerunt. Sed qui verborum adversitate commoti ad persecutionis procellas insiliunt, signorum admiratione temperantur. Quia ergo contra electorum vitam ad persecutionis undas mundus se mirabiliter extulit, has supernorum Conditor sublevata virtute prædicantium mirabilis stravit. *Mirabiles ergo elationes maris, mirabilis in excelsis Dominus.* Ministros etenim suos plus ostendit posse per miracula, quam potestates terrenæ tumuerant per iram. Quod bene etiam per Jeremiam Dominus exteriora narrans, interiora denun-
Jerem. 5. 22. *Posui arenam terminum mari, præceptum sempiternum.*

^a C A P U T CXCII.

Ps. 93. 15. *Donec justitia convertatur in judicium.* **I**N expos. B. Job, l. 26. adjunctum est: *Donec justitia convertatur in judicium.* PAULUS de se, suisque consortibus dicit: *Ut nos efficeremur justitia Dei in ipso.* Justitia ergo in judicium convertitur, quia ii qui nunc juste atque irreprehensibiliter vivunt, tunc judicandi potentiam nanciscuntur.

C A P U T CXCIII.

Ps. 93. 19. *Secundum multitudinem dolorum meorum in corde meo, consolationes tuæ, Domine, lætificaverunt animam meam.*

IN expos. B. Job, l. 35. adjunctum est: *Secundum multitudinem dolorum meorum in corde meo, &c.* IN ea enim mensura consolatum se, in qua afflictus fuerat, indicat, qui lætificatum se secundum multitudinem dolorum clamat.

C A P U T CXCIV.

Qui fingis dolorem in præcepto.

Num. 35. **I**N expos. B. Job, l. 18. adjunctum est: *Qui fingis dolorem in præcepto.* FLAGELLUM namque tunc diluit culpam, cum mutaverit vitam. Nam cujus mores non mutat, non expiat actiones. Omnis ergo divina percussio, aut purgatio in nobis vitæ præsentis est, aut initium pænæ sequentis. Propter eos enim qui ex flagello proficiunt, dictum est: *Qui fingis dolorem in præcepto:* quia cum flagellatur iniquus & corrigitur, audire præceptum noluit, audit dolorem. Dolor in præcepto fingitur ei, qui a malis operibus quasi præcepti vice dolore cohibetur. De his vero, quos damnant flagella & non liberant, dicitur: *Percussisti eos, nec doluerunt: attrivisti eos, & renuerunt accipere disciplinam.* His flagella ab hac vita incoant, & in æterna percussione perdurant.

C A P U T CXCIV.

Ps. 94. 2. *Non repellet Dominus plebem suam, quoniam in manu ejus sunt omnes fines terræ: & altitudines montium ipse conspicit.*

CUM de conversione potentum seculi per aspirationem supernæ gratiæ tractaretur, in expos. B. Job, lib. 30. adjunctum est: *Non repellet Dominus plebem suam, &c.* ALTITUDINES montium, elationes sunt utique superborum: quas Dominus conspiciere dicitur, id est

ab

ab iniquitate sua in melius commutare. Convertit namque Dominus eum quem conspicit. Unde scriptum

Luc. 22. 61. est: *Conversus Dominus respexit Petrum; & recordatus est Petrus. Verbi, quod dixerat ei Dominus: quia priusquam gallus cantet, ter me negabis; & egressus foras, flevit amare.* Et sicut Salomon ait: *Rex, qui sedet in solio iudicii, dissipat omne malum intuitu.* De hac altitudine montium rursum per Prophetam dicitur: *Montes sicut cera fluxerunt a facie Domini: quia post perverſitatis suæ duritiam divina formidine liquefacti, ab illo prius rigido timore subtrahuntur.*

Prov. 20. 8. Et sicut Salomon ait: *Rex, qui sedet in solio iudicii, dissipat omne malum intuitu.* De hac altitudine montium rursum per Prophetam dicitur: *Montes sicut cera fluxerunt a facie Domini: quia post perverſitatis suæ duritiam divina formidine liquefacti, ab illo prius rigido timore subtrahuntur.*

Psal. 95. 5. Montes sicut cera fluxerunt a facie Domini: quia post perverſitatis suæ duritiam divina formidine liquefacti, ab illo prius rigido timore subtrahuntur.

^a C A P U T CXCVI.

Psal. 96. 9. Montes sicut cera fluxerunt a facie Domini.

Num. 2. **I**N expof. B. Job, l. 33. adiunctum est: *Montes sicut cera fluxerunt a facie Domini.* QUIA multi, qui prius alta rigiditate tumuerunt Domino in carne apparente, magno sunt per pœnitentiam timore liquefacti.

C A P U T CXCVII.

Psal. 95. 13. Tunc exultabunt omnia ligna silvarum.

Num. 8. **I**N expof. Evang. hom. 36. adiunctum est: *Tunc exultabunt omnia ligna silvarum.* LIGNA silvæ, Gentes vocatæ sunt, quia in infidelitate suæ tortæ, & infructuosæ semper fuerunt.

C A P U T CXCVIII.

Psal. 98. 4. Honor regis iudicium diligit.

Num. 12. **I**N expof. B. Job, l. 25. adiunctum est: *Honor regis iudicium diligit.* Ut videlicet, qui jam Dominum honorat ex fide, sollicite iudicet quid ei debeat in operatione.

C A P U T CXCIX.

Psal. 102. 25. Filii servorum tuorum inhabitabunt ibi.

Num. 35. **D**Um de pravorum desperatione tractaretur, in expof. B. Job, l. 8. adiunctum est: *Filii servorum*

tuorum inhabitabunt ibi. LOCUS quippe hominis, sed non localis, ipse scilicet Conditor existit, qui hunc ut in semetipso confisteret, creavit. Quem nimirum locum tunc homo deseruit, cum seductoris verba audiens, a Conditoris amore discessit. Sed cum omnipotens Deus redimendo se homini etiam corporaliter ostendit, ipse, ut ita dixerim, fugitivi sui vestigia subsequens, ad retinendum, quem amiserat, hominem, locus venit. Si enim appellari locus nequaquam Conditor posset, Deum laudans Psalmista non diceret: *Filii servorum tuorum inhabitabunt ibi.* Ibi enim non dicimus, nisi cum locum specialiter designamus. Sed sunt plerique qui etiam post perceptum Redemptoris auxilium ad desperationis tenebras devolvuntur, & tanto nequius pereunt, quanto & oblata remedia misericordiarum contemnunt.

C A P U T CC.

Ipse enim scit figmentum nostrum. *Psal. 132. 14.*

Num. 27. **I**N expof. B. Job, l. 13. adiunctum est: *Ipse enim scit figmentum nostrum.* SCIRE ejus, est nostra suscepisse. Quid enim mirum si figmentum nostrum dicatur specialiter scire, dum constet nil esse quod nesciat? Sed figmentum nostrum scire ejus, est hoc in seipso ex pietate suscepisse.

C A P U T CCI.

Memoria retinentibus mandata ejus. *Psal. 102. 18.*
ut faciant ea.

Num. 17. **I**N expof. B. Job, l. 15. adiunctum est: *Memoria retinentibus mandata ejus ut faciant ea.* QUI mandata illius memoria retinet, sed nequaquam servat, hic in doctrinæ verbis sententias, quibus damnetur, tenet.

CAPUT CCII.

Psalm. 103. 8. Ascendunt montes, & descendunt campi.

Num. 2.

IN expos. B. Job, l. 33. adjunctum est: *Ascendunt montes, & descendunt campi*. PLERIQUE persecutores Domini, superbi contra eum veniunt, sed ab eo humiles revertuntur. Qui montes ascendunt per tumorem potentiæ, sed campi descendunt, plani videlicet facti per cognitionem culpæ.

CAPUT CCIII.

Psalm. 99. 4. Intrate portas ejus in confessione, atria ejus in hymnis: confitemini illi.

Num. 1.

CUM de modo dignæ pœnitentiæ tractaretur, l. 2. hom. 4. in Ezech. adjunctum est: *Intrate portas ejus in confessione, &c.* CUM peccata nostra per lacrymas confitemur, angustæ vitæ portam intramus: sed cum post hæc ad æternam vitam perducimur, portæ nostræ atria in confessionum laudibus intramus: quia ibi jam angustia non erit, cum nos lætitiæ æternæ solemnitatis assumserit. Propter confessionis nostræ angustiam Veritas dicit:

Matt. 7. 13. Intrate per angustam portam. Et cum se Psalmista recipi in latitudine gaudii æterni præsumeret, dicebat:

Psalm. 36. 5. Statuisti in loco spatioso pedes meos.

CAPUT CCIV.

Psalm. 101. 10. Potum meum cum fletu temperabam.

Num. 19.

CUM de divino judicio in homine tractaretur, in expos. B. Job, l. 25. adjunctum est: *Potum meum cum fletu temperabam*. CUNCTIS vera scientibus liquet, quo in illa extrema requisitione examen publicum facturus est omnipotens Deus, ut alios ad tormenta deferat, alios ad participationem regni cœlestis admittat. Sed hoc nunc secreto Dei judicio quotidie agitur, quod tunc publico demonstrabitur. Nam juste ac misericorditer singulorum corda vel examinans vel disponens, alios in exteriora respuit, alios ad ea,

quæ sunt intrinsecus, trahit. Hos accendit interna appetere, illos pro voluptatibus suis deserit exteriora cogitare. Horum mentem ad superna erigit, illorum per superbiam in infimis desideriis mergit. Aliena autem corda humanis oculis clausa sunt, & nescitur qui repellitur: quia penetrari nequeunt quæ ab unoquoque cogitantur. Nam sæpe de corde perverso necdum processit usque ad effectum operis deliberatio cogitationis, & adhuc fortasse per habitum intus astringitur, qui jam mente foris vagatur. Sed talis quilibet ille tunc ante oculos interni judicis cecidit, cum ab appetendis interioribus per desiderium exivit. Nonnunquam vero alii post malæ operationis usum ad spem cœlestem subito amore reviviscunt, & qui in perversa actione se sparserant, ad sinum internæ retractationis semetipsos increpando recolligunt. Hos adhuc despicientes homines, quales dudum in opere noverant, tales putant. At contra illi per districtæ considerationis examen, vitam suam qualem fuisse recolunt, insequuntur, sciturque quid fuerint, sed quid jam cœperint esse, nescitur. In hoc ergo utroque genere hominum sæpe contingit, ut & qui videntur stare humano judicio, jam in conspectu æterni judicis jaceant: & qui adhuc coram hominibus jacent, jam in conspectu æterni judicis stent. Quis enim hominum æstimare potuisset Judam vivendi sortem, etiam post ministerium Apostolatus, amittere? Et quis e contra, latronem crederet causam vitæ posse etiam in ipso articulo mortis invenire? Occultus autem judex prædens, & utrorumque cor discernens, alterum pie statuit, alterum juste confregit: illum districte exterius repulit, hunc introrsus misericorditer traxit. Hinc est ergo quod per Prophetam casuros alios passionis suæ tempore, atque alios

alios surrecturos annuntians, ait: *Potum meum cum fletu temperabam.* Potus quippe ab exterioribus interiorius trahitur: fletus autem ab interioribus exteriorius emanat. Potum ergo Domino cum fletu temperare, est alios ab exterioribus introrsus trahere, alios ab interioribus ad exteriora reprobare.

a

CAPUT CCV.

Psal. 102. 20.

Tu autem idem ipse es, & anni tui non deficient.

Num. 67.

IN expos. B. Job, l. 4. adjunctum est: *Tu autem idem ipse es, &c.* HUNC electorum locum esse denuntiat, subdens: *Filii servorum tuorum inhabitabunt ibi.* Deus enim qui sine situ omnia continet, nobis ad se venientibus locus non localis manet: ad quem locum dum pertingimus, etiam ipsa in hac vita mentis nostræ tranquillitas, quanta fuerit perturbatio, videmus. Quia etsi jam iusti in pravorum comparatione quieti sunt, in æstimatione tamen quietis intimæ omnimodo quieti non sunt.

CAPUT CCVI.

Psal. 103. 2.

Confessionem & decorem induisti, amictus lumen sicut vestimentum.

Num. 2.

DUM de celsitudine divinæ essentiae tractaretur, in expos. B. Job, l. 32. adjunctum est: *Confessionem & decorem induisti, &c.* REDEMPTOR noster confessionem & decorem induit, quia sanctorum Angelorum choros, quos condidit, in usum sui decoris assumpsit, & velut quamdam vestem gloriosam sibi Ecclesiam exhibet, non habentem maculam aut rugam. Confessionem ergo & decorem induit, hoc est, hic confessionem, illic decorem: quia quos hic per pœnitentiam confitentes fecerit, illic fulgentes per decorem iustitiæ ostendit. Luce ergo sicut vestimento amicitur, quia Sanctis omnibus, quibus dictum est, *Vos estis lux mundi*, in illa æterna gloria vestie-

Matth. 5. 14.
Luc. 17.

a Abest a mss.

tur. Unde & per Evangelium dicitur: Quia transfigurato in monte Domino, vestimenta ejus facta sunt candida sicut nix. In qua transfiguratione quid aliud quam resurrectionis ultimæ gloria nuntiatur? In monte enim vestimenta ejus sicut nix facta sunt, quia in supernæ claritatis culmine Sancti omnes ei luce iustitiæ fulgentes adhærebunt.

CAPUT CCVII.

b

Extendens cælum sicut pellem, qui Ps. 103. 2. regis in aquis superiora ejus.

HOM. 17. in Ezech. seu hom. 5.

lib. 2. adjunctum est: *Extens-* Num. 4.

dens cælum sicut pellem, &c. COELUM quippe sicut pellis extenditur: quia per ora mortalium Scriptura sacra nobis explicatur. Sed sunt aquæ in cælo, superiores videlicet multitudines, id est Angelorum agmina, in quibus ejusdem cœli teguntur superiora: quia ea, quæ in sacro eloquio altiora & obscuriora sunt, angelicis solummodo spiritibus patent, & nobis adhuc incognita perdurant.

CAPUT CCVIII.

Extendens cælum sicut pellem, qui Ps. 102. 2. regis in aquis superiora ejus.

CUM de intellectu sacri eloquii; per dispensationem inspirationis intimæ tractaretur, hom. 9. in Ezech. adjunctum est: *Extendens cælum sicut pellem, &c.* QUID cœli nomine, nisi sacra Scriptura signatur? de qua nobis & sol sapientiæ, & luna scientiæ, & ex antiquis patribus stellæ exemplorum atque virtutum lucent. Quod sicut pellis extenditur: quia per Scriptores suos carnis lingua formatum ante oculos nostros, & per verba doctorum exponendo displicatur. Quid vero aquarum nomine, nisi purissimi Angelorum signantur chori? De quibus scriptum est: *Et aque, quæ super cælos sunt, laudent nomen Domini.* Hujus ergo cœli superiora Dominus in aquis regit: quia alta sacri eloquii, id est ea, quæ de

Num. 30.

Psal. 144. 4.

Ba-

b Non habetur in mss.

natura divinitatis, vel de æternis gaudiis narrat, nobis adhuc nescientibus, solis Angelis in secreto sunt cognita. Cælum ergo hoc & coram nobis extenditur, & tamen in aquis superiora illius conteguntur, quia quædam sacri eloquii jam nobis per apertionem spiritus patent, & quædam, quæ solis Angelis possunt esse manifesta, nobis adhuc servantur occulta. De quibus tamen occultis jam partem per spiritualem intelligentiam sentimus, jam sancti spiritus pignus accepimus, qui hæc & plene necdum cognovimus, & tamen medullitus amamus, & in multis spiritualibus sensibus, quos jam cognovimus, veritatis pabulo pascimur.

CAPUT CCIX.

Ps. 103. 3. Qui ponit nubem ascensum suum.

DUm de incarnationis divinæ mysterio tractaretur, hom. 8. in Ezech. adjunctum est: *Qui ponit nubem ascensum suum*. QUID hoc loco per nubem, nisi Redemptoris nostri carnem non inconvenienter accipimus? Nubem quippe ascensum suum posuit, quia hic, qui divinitate ubique est, carne ad cœlestia ascendit.

CAPUT CCX.

Ps. 103. 3. Qui ambulat super pennas ventorum.

IN expof. B. Job, l. 19. adjunctum est: *Qui ambulat super pennas ventorum*. SOLENT in sacra Scriptura velocitate ac subtilitate ventorum, animæ designari, sicut per Psalmistam dicitur de Deo: *Qui ambulat super pennas ventorum*, id est, qui transgreditur virtutes animarum.

CAPUT CCXI.

Qui facit Angelos suos spiritus, & ministros suos ignem urentem. *Ps. 103. 4.*

IN expof. B. Job, l. 11. adjunctum est: *Qui facit Angelos suos spiritus, &c.* ANGELI quippe, id est nuntii, in sacro eloquio nonnunquam Prædicatores vocantur: sicut per Prophetam dicitur: *Labia Sacerdotis custodiunt scientiam, & legem requirunt ex ore ejus, quia Angelus Domini exercituum est*. Omnipotens ergo Dominus Angelos suos spiritus facit, quia prædicatores suos spirituales efficit.

CAPUT CCXII.

Item unde supra.

HOm. 34. in Evang. SCIENDUM vero quod Angelorum vocabulum, nomen est officii, non naturæ. Nam sancti illi cœlestis patriæ spiritus, semper quidem spiritus sunt, sed semper vocari Angeli nequaquam possunt: quia tunc solum sunt Angeli, cum per eos aliqua nuntiantur. Unde & per Psalmistam dicitur: *Qui facit Angelos suos spiritus*. Ac si patienter dicat: Qui eos, quos semper habet spiritus, etiam cum voluerit, Angelos facit. Hi autem, qui minima nuntiant, Angeli: qui vero summa annuntiant, Archangeli vocantur. Hinc est enim quod ad Mariam virginem non quilibet Angelus, sed Gabriel Archangelus mittitur.

CAPUT CCXIII.

Ascendunt montes, & descendunt campi. *Ps. 103. 8.*

CUm de superbientibus ad humilitatem per denum gratiæ redactis tractaretur, in expof. B. Job, l. 33. adjunctum est: *Ascendunt montes, &c.* PLERIQUE persecutores Domini, superbi contra eum veniunt, sed humiles revertuntur: qui montes ascendunt per tumorem potentiæ, sed campi descendunt, plani videlicet facti per cognitionem culpæ. Unde rursum per eundem Prophetam de his mon-

^a Hoc caput cum sequenti non legitur in mss.

ps. 96. 5. tibus dicitur: *Montes sicut cera fluxerunt a facie Domini*: quia multi, qui prius alta rigiditate tumuerunt, Deo in carne apparente magno sunt per poenitentiam timore liquefacti.

CAPUT CCXIV.

ps. 103. 16. *Montes excelsi cervis, petra refugium herinacis.*

Num. 69. **C**UM de intellectu sacri eloquii secundum meritum auditorum tractaretur, in expos. B. Job, l. 30. adjunctum est: *Montes excelsi cervis, &c.* QUID hoc loco per montes, nisi altæ sententiæ Scripturæ sacræ accipiendæ sunt? Hi enim qui jam clare contemplationis saltus noverunt, altos sententiarum divinarum vertices, quasi cacumina montium ascendunt: ad quæ profecto cacumina, quia infirmi non valent pervenire, recte illic subditur: *Petra refugium herinacis*, quia videlicet invalidos non sublimiter intelligentia exercet, sed sola in Christo fides humiliter continet.

CAPUT CCXV.

a Item unde supra.

Num. 31. **H**OMIL. 9. in Ezechiel. HABEANT montes intelligentiæ qui jam contemplationis saltus clare noverunt. Sed petra sit refugium herinacis: quia nos parvuli, & peccatorum nostrorum spinis cooperti, etsi intelligere alta non possumus, in petræ tamen nostræ refugio, id est in Christi fide salvamur.

CAPUT CCXVI.

ps. 103. 20. *Posuisti tenebras, & facta est nox: in ipsa pertransibunt omnes bestie silvarum: catuli leonum rugientes ut raptant, & querant a Deo escam sibi.*

Num. 49. **C**UM de reprobatione infidelium per rectitudinem divini iudicii tractaretur, in expos. B. Job, l. 27. adjunctum est: *Posuisti tenebras, & facta est nox, &c.* TENEBRAS Dominus ponit, cum peccatis iudicia rependens, lumen suæ intelligentiæ

subtrahit: & nox efficitur, quia pravorum mens ignorantia suæ erroribus cæcatur. In qua omnes bellie silvæ dum pertranscunt, maligni spiritus sub opacitate fraudis latentes, in reproborum cordibus pravitates suas explendo percurrunt. In qua & catuli leonum rugiunt: quia nequissimarum, sed tamen eminentium potestatum ministri spiritus, importunis tentationibus insurgunt. Qui tamen a Deo escam expetunt: quia nimirum capere animas nequeunt, nisi iusto iudicio prævalere divinitus permittantur. Ubi & apte subiungitur: *Ortus est sol, & congregati sunt, & in cubilibus suis se collocaverunt*, quia veritatis lumine per carnem apparente, a fidelium mentibus excussi, quasi ad cubilia sua reversi sunt, dum sola infidelium corda tenuerunt.

CAPUT CCXVII.

ps. 103. 29. *Auferes spiritum eorum & deficient, & in pulverem suum revertentur.*

Num. 49. **I**N expos. B. Job, l. 24. adjunctum est: *Auferes spiritum eorum, &c.* QUID eorum spiritus, nisi spiritus superbiæ nominatur? Tollatur ergo spiritus eorum ut deficient, id est subducto superbiæ spiritu nihil se esse cognoscant; & revertantur in pulverem, id est humiliantur ex infirma conditione. Propter hunc pulverem, ad cuius memoriam qui semetipsos considerant, revocantur, per Sapientiam dicitur: *Iusti fulgebunt sicut sol, & sicut scintillæ in arundinetis discurrent.* Sancti enim viri dum peccatoribus permiscantur, eos exemplorum suorum igne succendunt, atque omne quod nitet, in cinerem redigunt, quia pietatis flamma consumti, dum infirmitatem conditionis suæ conspiciunt, nihil aliud quam favillam se esse cognoscunt, ut a superbiæ suæ duritia resoluti, per poenitentiam dicant; *Memento Domine, quod pulvis sumus.*

Sap. 3. 7.

ps. 102. 15.

a CA-

a De hoc capite nihil in miss.

C A P U T CCXVIII.

Pf. 103. 30. **E**mitte spiritum tuum & creabuntur,
& renovabis faciem terræ.

Num. 53. **I**N expof. B. Job, l. 29. adjunctum
est: *Emitte spiritum tuum, &c.*
SIC enim, sic facies terræ virtute
renovationis immutatur, dum ficca
dudum mens gratia veniente compluitur,
& post ariditatem pristinam,
quasi productis herbis, ſcientiæ viriditate
veſtitur.

C A P U T CCXIX.

Pf. 104. 8. Verbi quod mandavit in mille generationes.

Num. 3. **I**N expof. B. Job, l. 9. adjunctum
est: *Verbi quod mandavit in mille
generationes.* IN Scriptura ſacra
millenarius numerus pro univerſitate
ſolet intelligi. Sed cum conſtet,
quod ab ipſo mundi exordio uſque
ad Redemptoris adventum per Evan-
geliftam non amplius quam ſeptua-
ginta ſeptem propagines numeren-
tur, quid hoc loco mille generatio-
nibus, niſi ad proferendam novam ſo-
bolem perfectæ univerſitas præſcitæ
generationis exprimitur? Hinc & per
Apoc. 20. 6. Johannem dicitur: *Regnabunt cum eo
mille annis*, quia videlicet regnum
ſanctæ Eccleſiæ univerſitatis perfe-
ctione ſolidatur.

C A P U T CCXX.

Num. 42. **I**tem unde ſupra.

IN expoſit. B. Job, l. 35. MIL-
LENARIUS quoque numerus in
ſacro eloquio perfectus accipitur,
quia appellatione ejus univerſitas de-
ſignatur. Unde ſcriptum eſt: *Verbi
quod mandavit in mille generationes.*
Cum enim nequaquam credendum
ſit quod ad centum generationes mun-
dus extendatur, quid aliud per mil-
le generationes, niſi generationum
univerſitas figuratur?

C A P U T CCXXI.

Pf. 106. 1. Quoniam in ſeculum miſericordia ejus.

Num. 30. **I**N expoſ. B. Job, l. 8. adjunctum
eſt: *Quoniam in ſeculum miſeri-*

cordia ejus. QUIA nimirum quem
nequaquam modo miſericordia eri-
pit, ſola poſt præſens ſeculum juſti-
tia addicit.

C A P U T CCXXII.

Pf. 104. 12. *Ferrum pertransivit animam ejus.*

IN expoſ. B. Job, l. 15. adjunctum
eſt: *Ferrum pertransivit animam
ejus.* OMNIS neceſſitas non congrue
ferrum vocatur, quia vitam inopis,
mœroris vulnere cruciat; ſicut de
ejus quoque neceſſitatibus ſcriptum
eſt, qui a fratribus venditus, affli-
ctam vitam ducebat: *Ferrum pertran-*
sivit animam ejus Quid ergo ſunt
arma ferrea, niſi neceſſitates vitæ
præſentis, quæ dure premunt, &
vitam inopis inſequuntur?

C A P U T CCXXIII.

Pf. 106. 26. *Ascendunt uſque ad cœlos, & deſcen-*
dunt uſque ab abyſſos.

IN expoſ. B. Job, l. 9. adjunctum
eſt: *Ascendunt uſque ad cœlos, &c.* PLERUMQUE anima ut divi-
ni amoris igne accendatur, atque ad
intuenda cœleſtia & arcana ſubleve-
tur, ad ſumma jam rapitur, & per-
fecto deſiderio compuncta ab infimis
alienatur. Sed repentina tentatione
percuſſa, quæ intentione forti erecta
in Deum fuerat, obortis cogitationi-
bus transfixa curvatur: itaut ſei-
pſam diſcernere nequeat, atque in-
ter vitia virtuteſque deprehenſa, ex
qua parte ſit valentior, non agno-
ſcat. Nam ſæpe ad hoc uſque per-
ducitur, ut miretur quomodo tam
ſumma comprehendat, quam cogi-
tatio illicita polluit. Et ruruſum, quo-
modo illicitas cogitationes recipiat,
quam ſuper ſe validus fervor ſpiri-
tus rapit. Hos ergo alternantes co-
gitationum motus in animo bene
Pſalmiſta intuens, ait: *Ascendunt
uſque ad cœlos, & deſcendunt uſque
ad abyſſos.* Uſque ad cœlos quippe
aſcendimus, cum ſumma penetra-
mus: ſed ad abyſſos uſque deſcen-

Fff 2 di-

a Non legitur in mſſ.

b Neque tria quæ ſequuntur capita ha-

bentur in laudatis mſſ.

dimus, cum repente a contemplationis culmine per turpia tentamenta deijcitur. Motus itaque animi dum inter vota & vitia alternant, nimirum sibi certitudinem exauditionis obnubilant.

C A P U T CCXXIV.

Ps. 105. 40. Effusa est contentio super principes eorum, & seduxerunt eos in invio, & non in via.

Num. 27. **I**N expos. B. Job, l. 19. adjunctum est: *Effusa est contentio super principes eorum, &c.* QUI hoc loco principum nomine designantur, nisi hæreticæ pravitatis auctores? Ipsi etenim dum dispensationem Dei perverse interpretari non metuunt, profecto plebes subditas non in eam viam, quæ Christus est, sed in invium trahunt. Super quos recte quoque effusa contentio dicitur: quia suis sibi vicissim allegationibus contradicunt. Arius quippe tres personas in divinitate suscipiens, tres etiam Deos credidit. Quem contra Sabellius unum suscipiens, unam credidit esse personam. Quos inter, sancta Ecclesia rectum prædicationis suæ tramitem indeclinabiliter tenens, & unum Deum prædicans, tres personas contra Sabellium asserit; & tres personas asserens, unum Deum contra Arium confitetur. Quia autem in sacro eloquio Manichæus virginitatem laudari comperit, conjugia damnavit. At contra Jovinianus, quia concedi conjugia cognovit, virginitatis munditiam despexit. Unde fit ut semper hæreticis perversa intelligentia confusis, vicissim sibi eorum nequitia, & in culpa concordet, & in sententia diserepet. At contra, sancta Ecclesia per medias utrarumque partium lites ordinata pace graditur, & sic scit superiora bona suscipere, ut noverit etiam inferiora venerari: quatenus nec summa æquet infimis, nec rursus ima despiciat, cum summa veneratur.

^a In ms. Michael, & in alijs omittitur;

C A P U T CCXXV.

Et omnis iniquitas obturavit os suum. Ps. 106. 42.

IN expos. B. Job, adjunctum est: *Et omnis iniquitas obturavit os suum.* INIQUITAS autem contrahit os suum. Os enim suum nunc adhuc iniquitas dilatat, quia humani generis Redemptorem lingua infidelium contumeliis laceessere nequaquam cessat. Sed tunc os contrahit, cum hoc, quod non vult per studium, per supplicium claudit. Quod tamen bene accipi etiam de conversis persecutoribus potest. Salvato enim paupere, dum egenus ad spem rediit, contracto ore, iniquitas obmutescit: quia resurrectionis ejus clarescente miraculo, dum copiosa multitudo infidelium credidit, a Redemptoris sui injuriis, contumeliisque cessavit. Os enim suum, quod ad Deum deridendum aperuit, jam formidando contraxit.

C A P U T CCXXVI.

Excussus sum sicut locusta.

Ps. 108. 29.

IN expos. B. Job, lib. 31. adjunctum est: *Excussus sum sicut locusta.* QUID hoc loco locustæ nomine, nisi Redemptoris nostri resurrectio designatur? Teneri enim se a persecutoribus usque ad mortem pertulit, sed sicut locusta excussus est: quia ab eorum manibus saltu subitæ resurrectionis evolavit.

Num. 23.

C A P U T CCXXVII.

Induantur sicut diploide confusione sua.

Ps. 108. 27.

IN expos. B. l. Job, l. 9. adjunctum est: *Induantur sicut diploide confusione sua.* DUOBUS modis in hac vita hominem judicat Deus: quia aut per mala præsentia irrogare jam tormenta sequentia incipit, aut tormenta sequentia flagellis præsentibus extinguit. Nisi enim delictis exigentibus justus judex & nunc, & postmodum quosdam percuteret, de iniquis Psalmista non diceret: *Induantur sicut diploide confusione sua.* Diploidem quippe, duplex vestimentum dicitur.

Num. 68.

dicimus. Confusione ergo sicut diploide induti sunt, qui juxta reatus sui meritum, & temporali & perpetua animadversione feriuntur. Unde & Judas ait: *Secundo eos, qui non crediderunt, perdidit*. Solos quippe poena a supplicio liberat, quos immutat. Nam quos praesentia mala non corrigunt, ad sequentia perdunt. Si autem nequaquam quosdam poena praesens a supplicio aeterno defenderet, Paulus minime dixisset: *Cum judicamur a Domino corripimur, ut non cum hoc mundo damnemur*. Hinc voce Angeli ad Johannem dicitur: *Ego quos amo, arguo, & castigo*. Hinc etiam scriptum est: *Quem enim diligit Dominus, castigat: flagellat autem omnem filium, quem recipit*. Sed saepe mens justis, ut magis securam sit, altius trepidat, & cum flagellis tunditur, superni judicii incertitudine turbatur. Pavet ne initium sequentis damnationis sit omne quod patitur, & per cogitationem interrogat judicem, quia de vitae suae meritis ambigit in percussione. Sed cum vitae virtus ad oculos mentis reducit, quasi consolatio ad judicem respondetur: quia nequaquam ad perdendum percutit, quem in actionis innocentia feriendo custodit.

CAPUT CCXXVIII.

Dixit Dominus Domino meo: Sed a dextris meis; donec ponam inimicos tuos, scabillum pedum tuorum.

IN expof. B. Job, l. 8. adjunctum est: *Dixit Dominus Domino meo, &c.* NON quod a dextris Domini nequaquam Dominus sedeat, postquam inimicos illius ficiens, ejus potestati subternit: sed quod in aeterna cunctis beatitudine praesidet, & priusquam rebellium suorum corda conculcet: in qua nimirum constet, quia subjectis hostibus sine fine, & posterius regnat.

CAPUT CCXXIX.

De torrente in via bibit, propterea exaltavit caput.

MIxtim ex hom. 25. in Evang. ac expof. B. Job, l. 14. adjunctum est: *De torrente in via bibit, &c.* CONDITOR ac Redemptor noster citius a morte voluit surgere, ne nostra diu anima in infidelitatis morte remaneret. In humano quippe genere ab ipso mundi initio torrens mortis effluerat. Sed de hoc torrente Dominus quasi de quodam flumine passionis nostrae non in mansione bibere, sed in via dignatus est: quia mortem transitorie, id est ad triduum contigit: atque in ea morte, quam contigit, nequaquam sicut nos usque ad finem seculi remansit, qui mortalis vitae poenam in quodam transitu attigit. Et idcirco diu eidem morti, cui sponte succubuit, non inhæsit: atque ideo exaltavit caput, quia hoc, quod moriendo in sepulcro posuit, surgendo super Angelos elevavit: & inde antiquum hostem in aeternum percudit, unde savire contra se minas persequentium temporaliter permisit.

CAPUT CCXXX.

Magna opera Domini, exquisita in omnes voluntates ejus.

IN expof. B. Job, l. 6. adjunctum est: *Magna opera Domini, &c.* SIC quippe ejus opera magna sunt, ut per omne, quod ab hominibus agitur, ejus voluntas exquiratur. Nam saepe inde perficitur, unde reperi putabatur.

CAPUT CCXXXI.

Confessio, & magnificentia opus ejus.

IN expof. B. Job, lib. 18. adjunctum est: *Confessio & magnificentia opus ejus*. AB eo itaque accipimus recta confiteri, a quo nobis & magna datur operari.

CA:

a Caput hoc abest a mss. b Quinque capitibus sequentibus carent mss. nostri.

C A P U T CCXXXII.

Pf. 115. 7. Dirupisti vincula mea, tibi sacrificabo hostiam laudis.

Num. 24.

IN expof. B. Job, l. 9. adjunctum est: *Dirupisti vincula mea, &c.* TUNC igitur ad plangendum dolo-rem nos Dominus dimittit, cum & mala nobis quæ fecimus, demonstrat; atque ad hæc eadem flenda, quæ cognoscimus, adjuvat. Culpas oculis objicit, & pia manu gratiæ vincula cordis solvit, ut ad vacationem pœnitentiæ mens nostra se erigat; & carnis soluta compedibus, in auctorem suum libera gressum amoris tendat.

C A P U T CCXXXIII.

Pfal. 117. 7. Dominus mihi adjutor, & ego despiciam inimicos meos.

Num. 25.

IN expof. B. Job, l. 29. adjunctum est: *Dominus mihi adjutor, &c.* TENEBROSA ostia, maligni spiritus vocantur: quia dum per occultationis suæ insidias non videntur, deceptis mentibus viam mortis aperiunt. Quæ tenebrosa ostia Dominus videt: quia immundorum spirituum fraudulentam maliciam & respicit & premit. Quos nisi ipse nobis nescientibus videndo prohiberet, & nil de insidiis mens nostra cognosceret, & eisdem insidiis capta deperiret. Quæ tenebrosa ostia nos etiam cernimus, quando supernæ lucis radiis illustramur. Unde per Prophetam dicitur: *Dominus mihi adjutor est, & ego videbo super inimicos meos.* Hostes igitur nostros ipse videt, qui suo eos munere nobis visibiles facit.

C A P U T CCXXXIV.

Pf. 117. 12. Circumdederunt me sicut apes, & exarserunt sicut ignis in spinis.

Num. 21.

IN hom. 9. in Ezech. adjunctum est: *Circumdederunt me sicut apes, &c.* APES enim in ore mel habent, in aculeo caudæ vulnus. Et omnes, qui lingua blandiuntur, sed latenter ex malitia feriunt, apes sunt: quia loquendo, dulcedinem mellis

proponunt, sed occulte feriendo vulnus inferunt. Ista vero facientes exardescunt, sicut ignis in spinis: quia flamma detrahentium, non justorum vita comburitur: sed si quæ eis inesse poterant peccatorum spinæ, concrescunt.

C A P U T CCXXXV.

Lapidem, quem reprobarunt edificantes, hic factus est in caput anguli. *Pf. 117. 22.*

IN expof. B. Job, lib. 28. adjunctum est: *Lapidem, quem repro-* *Num. 19.*
baverunt edificantes, &c. JAM per divinam gratiam omnibus liquet quia Scriptura sacra lapidem, qui in anguli caput factus sit, vocet profecto illum, quidum in se hinc Judaicum, illinc Gentilem populum suscipit, in una Ecclesiæ fabrica quasi duos parietes jungit; illum, de quo scriptum est: *Fecit utraque unum:* quia angularem se lapidem non solum in inferioribus, sed & in supernis exhibuit: quia & in terra plebi Israeliticæ nationes Gentium, & utraque simul Angelis in cælo sociavit. Eo quippe nato, clamaverunt Angeli: *Gloria in excelsis Deo, & in terra* *Luc. 2. 14.*
pax hominibus bonæ voluntatis. In ortu enim regis nequaquam promagno offerrent hominibus pacis gaudia, si discordiam non haberent. Hujus lapidis typum Jechonias rex tenuit, quem Matthæus dum quaterdenas generationes describeret, secundo numeravit. Quem enim finisecundæ, ipsum rursus initio tertiæ generationis inseruit. Ipse namque in Babyloniam cum Israelitica plebe migratus est, qui dum ab aliis ad alia ducitur, pro utriusque parietis latere non immerito secundo numeratur. Cujus migrationis flexu, angularem lapidem signat. Ubi enim ordo a rectitudine flectitur, ut eat in diversum tamquam angulum facit. Recte enim numerari bis potuit, quia per utrumque parietem, quasi in se duo latera ostendit. Unde &

ejus

ejus bene imaginem tenuit, qui in Judæa ortus, Gentilitatem colligens, quasi ab Jerofolymis Babyloniam venit, atque hanc in semetipso fidei fabricam prius discordiæ studio scissam, arte caritatis intexuit.

C A P U T CCXXXVI.

Ps. 117. 27. Constituite diem solemnem in condensis usque ad cornu altaris.

Num. 43. **I**N exposit. B. Job, l. 9. adjunctum est: *Constituite diem solemnem, &c.* SOLEMNEM diem Domino in confrequentatione constituit, qui se assidue in ejus desiderio affligit. Qui nimirum solemnitatis dies usque ad altaris cornu tendi præcipitur, quia tamdiu necesse est, ut quisquis se afficiat, quousque ad superni sacrificii altitudinem, & ad gaudia æterna peringat.

C A P U T CCXXXVII.

Ps. 118. 5. Tunc non confundar, dum respicio in omnia mandata tua.

Num. 50. 10. **I**N exposit. B. Job, l. 18. adjunctum est: *Tunc non confundar, &c.* SCIENDUM est quod quisquis a præceptis Dominicis discordat opere, quoties ea audit, a corde suo reprehenditur atque confunditur: quia id, quod non fecerit, memoratur. Nam in quo se errasse considerat, ipsa se latenter conscientia accusat. Hinc ergo David Propheta deprecatur, dicens: *Tunc non confundar, dum respicio in omnia mandata tua.* Graviter namque unusquisque confunditur, quando mandata Dei vel legendo, vel audiendo respicit, quæ vivendo contempsit. Hinc etenim Johannis voce dicitur: *Si cor nostrum non reprehenderit nos, fiduciam habemus ad Deum, & quidquid petierimus, ab eo accipiemus.* Ac si diceret: Si id quod præcepit facimus, id quod petimus obtinebimus. Valde namque apud Deum utraque hæc sibi necessario congruunt, ut & operatione oratio, & oratione fulciatur operatio. Hinc etenim Jeremias ait: *Scrutemur vias nostras,*

& queramus, & revertamur ad Dominum. Levemus corda nostra cum manibus ad Deum in calum. Vias etenim nostras scrutari, est cogitationum interna discutere. Cor vero cum manibus levat, qui orationem suam operibus roborat. Nam quisquis orat sed operari dissimulat, cor levat & manus non levat. Quisquis vero operatur & non orat, manus levat & cor non levat. Juxta ergo Johannis vocem, tunc cor fiduciam in oratione accipit, cum sibi vitæ prævitas nulla contradicit.

C A P U T CCXXXVIII.

In mandatis tuis exercebor, & con- Ps. 118. 15. siderabo vias tuas.

Num. 9. **I**N exposit. B. Job, lib. 17. adjunctum est: *In mandatis tuis exercebor, &c.* AC si aperte spondeat, dicens: Quæ mea sunt, videre refugio: quia per imitationis tuæ viam pergere conversationis gressibus inardesco. Qui enim præsentī jam mundo contradicit, amoris excitatione continua, ad Redemptoris sui vias cordis oculos objicit, ut mens prospera fugiat, & ad adversa præparetur. Nihil quod demulcet, appetat, nihil quod deterrire creditur, pertimescat. Mœrorem gaudium deputet, præsentis vitæ gaudia, damna mœroris putet: abjectionis detrimenta non timeat, sed per hæc manentis gloriæ locum quærat. Has etenim vias sequentium monstrabat oculis Veritas, cum dicebat: *Si quis mihi Joan. 12. 26. ministrat, me sequatur.* Ad has vias tumentia discipulorum corda revocabat, cum locum jam gloriæ quærent, sed ejusdem gloriæ iter ignorarent, dicens: *Totestis bibere calicem, quem ego bibiturus sum: Confessionis quippe illius celsitudinem a dextris, sinistrisque quæsierant, sed quanta ad hanc esset itineris angustia, non videbant. Unde & eorum mox oculis imitandus calix passionis objicitur, ut videlicet, si ad sublimitatis gaudia tenderent, prius viam humilitatis invenirent.* * CA-

Mat. 20. 22.

Thren. 3. 21.

CAPUT CCXXXIX.

Item unde supra.

Num. 30.

IN exposit. B. Job, lib. 25. VIA quippe est incarnatæ sapientiæ omnīs actio quam temporaliter gessit. Viæ ejus sunt vivendi ordines, quos ad se venientibus stravit. Tot itaque ad se venientibus vias præbuit, quot bene vivendi exempla monstravit. Humilitatis ejus Propheta vias aspexerat cum suspirabat, dicens: *In mandatis tuis me exercebo, & considerabo vias tuas.*

CAPUT CCXL.

Ps. 118. 43. Ne auferas de ore meo verbum veritatis usquequaque.

Num. 23.

IN exposit. B. Job, l. 11. adjunctum est: *Ne auferas, &c.* CUM Sacerdos non agit bonæ quæ loquitur, ei etiam sermo subtrahitur, ne loqui audeat quod non operatur. Unde & per eundem Prophetam dicitur:

Ps. 49. 16. Peccatori autem dixit Deus: Quare tu enarras justitias meas, & assumis Testamentum meum per os tuum? Hinc est ergo quod nunc precatur, dicens: Et ne auferas de ore meo verbum veritatis usquequaque. Perpendit namque quod omnipotens Deus veritatis verbum facientibus tribuit, & non facientibus tollit. Qui ergo hoc de ore suo non auferri petiit, quid aliud quam gratiam bonæ operationis quæsit? Ac si aperte diceret: A bono opere me errare non finas; ne, dum amitto ordinem bene vivendi, rectitudinem perdam loquendi. Et plerumque doctor qui docere audet quod negligit agere, cum desierit bona loqui, quæ operari contempsit, docere subjectos incipit prava quæ agit; ut justo omnipotentis Dei judicio in bono jam nec linguam habeat, qui habere bonam vitam recusat; quatenus cum mens ejus terrenarum rerum amore incenditur, de terrenis rebus semper loquatur. Unde in Evangelio Veritas dicit:

Mat. 12. 23.

Ex abundantia cordis os loquitur.

^a In mss. hoc minime legitur.

Bonus homo de bono thesauro profert bona, & malus homo de malo thesauro profert mala. Hinc etiam Johannes ait: *Ipsi de mundo sunt, ideo* 1. Johan. 4. 5. *de mundo loquuntur.*

CAPUT CCXLI.

Defecit in Salutari tuo anima mea. Psal. 118. 37.

IN exposit. B. Job, l. 4. adjunctum est: *Defecit in Salutari tuo anima mea.* OMNES, qui in hoc mundo fortes sunt robore, quasi fortes sunt, non robore defessi.

Num. 67.

Qui vero in Auctoris sui amore roborantur, quo magis in concupita Deifortitudine convalescunt, eo a propria virtute deficiunt; & quo robustius æterna appetunt, eo a temporalibus salubri defectione lassantur. Hinc ergo Psalmista amoris sui robore fessus dicebat: *Defecit in Salutari tuo anima mea.* In Salutari enim Dei proficiendo defecerat, quia æternitatis lucem conspiciens, a carnis jam fiducia fractus anhelabat. Hinc rursum dicit: *Concupivit & defecit anima mea in atria Domini.* Qui nimirum, cum diceret: *Concupivit*, recte subdidit: *Et defecit*: quia valde minor est divinitatis concupiscentia, quam non mox etiam proprius sequitur defectus. Qui enim ad appetenda æternitatis atria accenditur, dignum profecto est ut ab hoc temporalitatis amore lassetur, ut tanto frigescat a studio seculi, quanto surgit ardentius in amorem Dei. Quem scilicet si perfecte arripit, mundum etiam plene derelinquit, & eo funditus temporalibus moritur, quo ad supernam vitam altius afflatu æternitatis animatur. Annon robore suo fessam se invenerat, quæ dicebat: *Anima mea liquefacta est, ut dilectus* cant. 5. 6. *locutus est?* Quia nimirum mens, dum occultæ locutionis aspiratione tangitur, a statu suæ fortitudinis infirmata, ipso a quo absorbetur desiderio liquatur: & inde se apud semetipsam fessam invenit, unde ult-

tra

tra se esse conspicit fortitudinem quam conscendit. Hinc propheta cum visionem Dei conspexisse diceret, adjungit: *Elangui, & egrotavi per dies plurimos*: quia cum ad virtutem Dei mens astringitur, a fortitudine propria caro lassatur. Hinc *Gen. 32.* Jacob qui Angelum tenuit, uno mox pede claudicavit: quia qui vero amore sublimia respicit, jam in hoc mundo duplicibus incedere desideriis nescit. Uno enim pede innititur, qui solo Dei amore roboratur: & necesse est ut alius marcescat; quia mentis virtute crescente, oportet proculdubio ut carnis fortitudo torpescat.

C A P U T CCXLII.

Pf. 118. 131.

Os meum aperui, & attraxi spiritum.

Num. 28.

IN homil. 9. in Ezech. adjunctum est: *Os meum aperui, &c.* NON enim spiritum attraheret, nisi os aperiret: quia nisi ad prædicandum proximis se impenderet, spiritualis doctrinæ in eo gratia non crevisset.

C A P U T CCXLIII.

Pf. 119. 85.

Narraverunt mihi iniqui fabulationes, sed non ut lex tua, Domine.

Num. 15. 26. 17.

IN expof. B. Job, l. 7. adjunctum est: *Narraverunt mihi iniqui fabulationes, sed non ut lex tua, Domine.* SÆPE verba carnalium dum se importune nostris auribus ingerunt, in corde bellum tentationum gignunt. Et quamvis hæc, & ratio respuat, & lingua reprehendat, cum labore tamen intus vincitur quod foris cum auctoritate judicatur. Unde necesse est ut nec ad aures veniat quod mens a cogitationis aditu vigilans repellat. Sancti igitur viri cum æternitatis desideriis anhelant, in tantam altitudinem vitæ se sublevant, ut audire jam quæ mundi sunt, grave sibi ac deprimens pondus credant. Valde namque insolens

atque intolerabile æstimant, quidquid illud non sonat, quod intus amant. Sed sæpe mens jam per desiderium ad sublimia rapitur, jam funditus ab stulta terrenorum hominum locutione separatur, nec tamen adhuc pro amore veritatis ad perfectos præsentis vitæ cruciatus accingitur: jam superna appetit, jam in infimis stulta contemnit. Sed nec dum se ad perferendæ adversitatis tolerantiam dirigit, sed plerumque mens justī ad tantum se virtutis culmen extendit, ut & apud se internæ rationis arce præsideat, & quorundam foris stultitiam tolerando convertat. Quos enim ad fortia trahere nitimur, eorum necesse est ut infirma toleremus; quia nec jacentem erigit, nisi qui status sui rectitudinem per compassionem flectit. Cum vero alienæ infirmitati compatimur, valentius nostra roboramur, ut amore futurorum mens ad præsentia adversa se præparet, & cruciatus corporis, quos timebat, expectet: auctis namque desideriis cœlestibus angustatur. Cumque æternæ patriæ quanta sit dulcedo considerat pro ea præsentis vitæ amaritudines ardentius amat. His itaque divinæ legis, id est mandatorum cœlestium vinculis sese ad alta sustollit, quisquis ab iniquorum nunc suggestionibus aurem removens, intentionem suam in superni desiderii, quo avelli non valeat, secreto suspendit.

C A P U T CCXLIV.

Latum mandatum tuum nimis.

Pfal. 118. 96.

IN homil. 14. in Ezech. adjunctum est: *Latum mandatum tuum nimis.* NIL latius quam omnes in sinu amoris recipere, & nullas odii angustias sustinere. Sic quippe lata est caritas, ut in amplitudine dilectionis suæ capere etiam inimicos possit. Unde & præcipitur: *Diligite inimicos vestros, benefacite his, qui oderunt vos.*

Num. 15.

Luc. 6. 27.

C A.

^a Caput hoc non legitur in mss.
Tom. XIV.

Ggg

a

CAPUT CCXLV.

Super seniores intellexi.

Ps. 118. 100.

Num. 24.

IN expos. B. Job, l. 11. adjunctum est: *Super seniores intellexi.* DOCTRINA senum ablata est, postquam hanc Ecclesia ex Gentibus videlicet juvencula accepit. Quam quia operando tenuit, qualiter super seniores intellexerit, ostendit, dum protinus subdit, dicens: *Quia mandata tua exquisivi.* Quia enim studuit operando implere quod didicit, accepit intelligere quod doceret.

CAPUT CCXLVI.

Ps. 118. 162.

Laborabo ego super eloquia tua, sicut qui invenit spolia multa.

Num. 25.

IN expos. B. Job, l. 18. adjunctum est: *Laborabo ego super eloquia tua, &c.* QUÆ spolia idcirco vocata sunt, quia ad fidem Domini, Gentilitate transeunte, Judæi sacris eloquiis, quibus induti fuerant, exuuntur.

CAPUT CCXLVII.

Ps. 118. 137.

Fiat manus tua, ut salvum me faciat.

Num. 7.

IN hom. 2. in Ezech. adjunctum est: *Fiat manus tua, &c.* MANUS vel brachium Domini filius dicitur: quia per ipsum omnia facta sunt. Sed quid est quod dicitur, *Fiat manus tua?* Manus ergo Dei, quæ per divinitatem non est facta, sed genita, per humanitatem facta est, ut humani generis vulnera sanaret.

b

CAPUT CCXLVIII.

Ps. 118. 115.

Declinate a me maligni, & scrutabor mandata Dei mei.

Num. 21.

IN expos. B. Job, l. 16. adjunctum est: *Declinate a me maligni, &c.* SÆPE cum eloquiis sacris intendimus, malignorum spirituum insidias gravius toleramus: quia menti nostræ terrenarum cogitationum pulverem aspergunt, ut intentionis nostræ oculos a luce internæ visionis obscurent. Quod nimirum Psalmista pertulerat, cum dicebat: *Declinate*

a Non legitur in mss. Idem dicimus de sequenti.

b Deest in mss.

c In eod. Mich. legitur ex hom. in Eze-

a me maligni, & scrutabor mandata Dei mei: videlicet patenter insinuans, quia mandata Dei perscrutari non poterat, cum malignorum spirituum insidias in mente tolerabat.

CAPUT CCXLIX.

Vanum est vobis ante lucem surgere, Ps. 126. 3. surgite postquam sederitis.

HOMIL. in Ezech. c adjunctum est: *Vanum est vobis ante lucem surgere, &c.* IN quibusdam locis sacri eloquiis sola exquirenda est allegoria, & verba litteræ omnino postponenda. Ut unum de multis dicam, indicat Psalmista, qui ait: *Vanum est vobis ante lucem surgere.* Quod si quis accipere juxta litteram velit, nocturnis Dei laudibus contradicit. Et quomodo idem Prophetia loquitur, dicens: *Media nocte surgebam ad confitendum tibi?* Si enim vanum est ante lucem surgere, cur ad confitendum Dimino media nocte surrexit? Sed ille ante lucem surgit, qui ante diem venturi seculi in hac vita, quæ nocti est similis, extolli ac proficere appetit.

Ps. 118. 62.

CAPUT CCL.

Item unde supra.

Num. 20.

IN expos. B. Job, l. 8. ANTE lucem surgere, est priusquam claritas æternæ retributionis appareat, in præsentis vitæ nocte gaudere. Sedendum ergo prius est, ut post recte surgamus: quia quisquis nunc se sponte non humiliat, nequaquam hunc sequens gloria exaltat.

CAPUT CCLI.

Cum dederit dilectis suis somnum, Ps. 126. 4. hæc est hereditas Domini.

d

IN hom. 27. in Evang. adjunctum est: *Cum dederit dilectis suis somnum, &c.* QUISQUIS igitur jam æterna cognovit, apud ejus animum temporales fructus vilescant. Tales fructus operemur, qui maneant: qui,

cum

ch. id esse sumtum; sed ex quota, sileatur: nullibi a nobis visum.

d Septem consequenter capita non leguntur in mss.

cum mors cuncta interimat, ipsi exordium a morte sumant. Nam quod a morte incipiat fructus Dei, testatur Propheta, qui dicit: *Cum dederit dilectis suis somnum, hæc est hereditas Domini.* Omnis qui dormit in morte, perdidit hereditatem. Sed cum dederit dilectis suis somnum, hæc est hereditas Domini: quia electi Dei postquam pervenerint ad mortem, tunc inveniunt hereditatem.

CAPUT CCLII.

Psal. 125. 1. Qui confidit in Domino, sicut mons Sion.

Num. 2. **I**N expof. B. Job, l. 33. adjun-
ctum est: *Qui confidit in Domi-
no, &c.* SION namque speculatio
dicitur, per quam fcilicet specula-
tionem, contemplans Deum Ecclefia
designatur.

CAPUT CCLIII.

Pfal. 125. 6. Venientes autem venient in exultatione, portantes manipulos suos.

Num. 38. **C**UM de sterili malorum hominum
labore tractaretur, in expof.
B. Job, l. 6. adjunctum est: *Ve-
nientes autem venient in exultatione,
&c.* IN vacuum quippe ambulant,
qui nihil fecum de fructu fui labo-
ris portant. Alius namque adipifcen-
dis honoribus exfudat: alius multipli-
candis facultatibus exæftuat: alius pro-
merendis laudibus anhelat. Sed quia
cuncta hæc quisque moriens deferit,
labores in vacuum perdidit, quia
fecum ante judicem nihil tulit. Quo
Exod. 23. 15. contra bene per legem dicitur: *Non
apparebis in confpectu Domini va-
cuus.* Qui enim promerendæ vitæ
mercedem bene agendo non provi-
det, in confpectu Domini vacuus ap-
paret. Hinc de iuftis per Pfalmiftam
dicitur: *Venientes autem venient in
exultatione, portantes manipulos suos.*
Ad examen quippe iudicii portantes
manipulos veniunt, qui in fcmetip-
fis recta opera, quibus vitam me-
reantur, ostendunt.

CAPUT CCLIV.

*Euntes ibant & flebant, mittentes Psal. 125. 6.
semina sua.*

Num. 36. **I**N expof. B. Job, l. 10. adjun-
ctum est: *Euntes ibant, &c.* TANTO namque fpes in Deum fo-
lidior surgit, quanto pro illo quif-
que graviora pertulerit: quia nequa-
quam retributionis gaudium de æ-
ternitate colligitur, quod non hic
prius pia tribulatione feminatur.
Quia igitur nunc per tribulationem
feritur, ut post gaulii fructus me-
tatur: tanto major fiducia mentem
roborat, quanto hæc fortior pro
veritate afflictio anguftat.

CAPUT CCLV.

*Dominus custodiat introitum tuum, Ps. 120. 6.
& exitum tuum.*

Num. 16. **I**N hom. 1. l. 2. in Ezech. adjun-
ctum est: *Dominus custodiat in-
troitum tuum, &c.* CUSTODIT
enim Dominus uniuscujusque animæ
introitum, quo intrat ad fidem: ex-
itum quoque, quo exit ad fperu:
ut neque intrans Ecclefiam, errorib-
us fupplantetur, neque ab hac
temporali ad æternam exiens, ab
antiquo hofte rapiatur. Propter hunc
vero egreffum noftrum, quem quo-
tidie debemus mente meditari, de
Redemtore nofiro Paulus quoque lo-
quitur, dicens: *Ut fanctificaret per
fuum fanguinem populum, extra por-
tam paffus eft. Exeamus igitur ad
eum extra castra, improprium ejus
portantes. Non enim habemus hic
manentem civitatem, fed futuram in-
quirimus.*

CAPUT CCLVI.

*Supra dorsum meum fabricaverunt pec- Ps. 128. 3.
catores.*

Num. 1. **I**N expof. B. Job, l. 13. adjun-
ctum est: *Supra dorsum meum
fabricaverunt peccatores.* ESSE hoc
perversorum proprium folet, ut mala
fua per convivium bonis ingerant,
priufquam de his ipsis veraciter ac-
cufentur. Et dum metuunt increpari
de his quæ faciunt, adverfantes fuis

Pravitatibus justos hæc facere testantur. Sancti autem viri patienter audiunt etiam, quæ se nunquam fecisse meminerunt, quamvis ea mala, quæ sibi ingeri conspiciunt, ab ipsis suis criminatoribus noverint perpetrata: & cum eos prædicando corrigere non possunt, patiendo tolerant, quatenus si fructum conversionis eorum consequi non valent, ex ipsis tamen præmium longanimitatis acquirant. Unde & sancta Ecclesia David Prophetæ vocibus dicit: *Supra dorsum meum fabricaverunt peccatores*, quia videlicet dum hæreticos, vel quoslibet reprobos, quos corrigere non valet, tolerat, facta peccantium supra dorsum portat.

C A P U T CCLVII.

Item unde supra.

Cap. 20.

IN Reg. Palst. par. 2. **I**N dorso quippe onera sustinemus. Super dorsum igitur suum fabricasse peccatores queritur, ac si aperte dicat: Quos corrigere nequeo, quasi superimpositum onus porto.

C A P U T CCLVIII.

Es. 122. 6. *Fiant sicut fenum ædificiorum, quod priusquam evellatur, exarescit.*

Num. 68.

IN expof. B. Job, l. 8. adjunctum est: *Fiant sicut fenum ædificiorum, &c.* HOC de hypocritarum persona per Psalmistam exprimitur. Fenum quippe ædificii in alto nascitur, sed nequaquam pingui radice solidatur: quia & hypocrita summa quidem sunt quæ agere cernitur, sed non in eis ex cordis puritate roboratur. Quod nimirum fenum & non evulsum citius arescit: quia videlicet hypocrita & in præfenti adhuc vita subsistit, & jam sanctitatis opera quasi viriditatis speciem amittit. Quia enim sine intentione rectæ cogitationis bona studuit agere, hæc amittens, indicat se sine radice floruisse.

C A P U T CCLIX.

Neque ambulavi in magnis, neque in mirabilibus super me. Psal. 130. 30.

IN expof. B. Job, l. 28. adjunctum est: *Neque ambulavi in magnis, &c.* **I**N præcipitio enim pedem porrigit, qui mensurarum suarum limitem non attendit. Bene itaque David intra acceptas ex divina largitate mensuras pedem cordis presserat, cum dicebat: *Neque ambulavi in magnis, neque in mirabilibus super me.* Super se quippe in magnis ambularet, si apparere magnus ultra quam poterat, quæreretur. Super se namque in mirabilibus attollitur, qui & in his, ad quæ ipse non sufficit, videri idoneus conatur.

C A P U T CCLX.

Sacerdotes tui induantur iustitia. Psal. 131. 20.

IN expof. B. Job, l. 14. adjunctum est: *Sacerdotes tui induantur iustitia.* GLORIA quippe uniuscujusque iustitia est. Sicut vestimentum tegit a frigore, ita iustitia munit a morte. Unde non immerito iustitia vestimento comparatur, cum per Prophetam dicitur: *Sacerdotes tui induantur iustitia.*

C A P U T CCLXI.

In salicibus, in medio ejus, suspendimus organa nostra. Psal. 136. 20.

IN expof. B. Job, l. 33. adjunctum est: *In salicibus, &c.* QUID per sterilitatem salicum, nisi vita peccantium designatur? Nam si hoc non esset, nequaquam ex voce prædicantium contra Babyloniam Psalmista dixisset: *In salicibus, in medio ejus, suspendimus organa nostra.* Babylonis quippe medio inesse salices describuntur; quia nimirum infructuosi quique, atque ab amore patriæ cælestis alieni, totis visceribus cordis in hac sæculi confusione radican- tur. Unde & prædicatores sancti in istis salicibus non exercent organa, sed suspendunt: quia cum infructuosas ac reprobas mentes aspiciunt, vim prædicationis suæ non exhibent, sed potius lugentes silent.

CA.

2 Duo quæ sequuntur capita, in mss. minime leguntur.

C A P U T CCLXII.

Pf. 136. 7. Exinanite, exinanite usque ad fundamentum in ea.

IN expos. B. Job, l. 25. adjunctum est: *Exinanite, &c.* QUI digna fidei opera servare contemnunt, etiam fidem perdunt quam tenere videbantur. Super quos bene Propheeta sub Jerusalem specie, inimicorum destruendum verba memorat; a quibus scilicet dicitur: *Exinanite, exinanite usque ad fundamentum in ea.* Paulus quippe ait: *Fundamentum aliud nemo potest ponere, præter id quod positum est, quod est Christus Jesus.* Inimici ergo destruunt usque ad fundamentum Jerusalem, exinaniunt, quando perversi spiritus a corde fidelium, destructo prius ædificio boni operis, soliditatem quoque exhauriunt religionis. Sicut enim supra fundamentum fabrica, sic supra fidem opera construuntur. Usque ad fundamentum ergo exinanisse, est everso bene vivendi opere etiam robur fidei dissipasse.

C A P U T CCLXIII.

Pf. 138. 12. Sicut tenebræ ejus, ita & lumen ejus.

IN expos. B. Job, l. 5. adjunctum est: *Sicut tenebræ ejus, &c.* IN Scriptura sacra nonnunquam lucis appellatione prosperitas; noctis autem nomine, hujus mundi adversitas designatur. Unde & per Psalmistam dicitur: *Sicut tenebræ ejus, ita & lumen ejus.* Quia enim sancti viri ita prosperitatem seculi despicientes calcant, sicut adversitatem ejus calcantes tolerant; per magnam mentis celsitudinem, mundi sibi & adversa & prospera subternentes dicunt: *Sicut tenebræ ejus, ita & lumen ejus.* Ac si apertius dicant: Sicut intentionis nostræ fortitudinem ejus tristitia non premunt, ita hanc nec blanda corrumpunt.

C A P U T CCLXIV.

Et nox illuminatio mea in deliciis meis.

*a
Pf. 138. 13.*

IN expos. B. Job, l. 16. adjunctum est: *Et nox illuminatio mea in deliciis meis.* QUIA dum per intellectum mysticum studiosa mens reficitur, jam in ea vitæ præsentis obscuritas fulgore diei subsequenter illuminatur; ut etiam in hujus corruptionis caligine in intellectum illius, vis futuri luminis erumpat, & verborum deliciis pasta, prægustando discat quid de pabulo veritatis esuriat.

C A P U T CCLXV.

Mibi autem nimis honorificati sunt amici tui, Deus: nimis confortatus est principatus eorum. *Pf. 138. 17.*

IN homil. 27. in Evang. adjunctum est: *Mibi autem nimis honorificati sunt amici tui, Deus:* AMICUS quasi animi custos vocatur. Quia igitur Psalmista prospexit electos Dei a mundi hujus amore separatos, custodire in mandatis cœlestibus voluntatem Dei, miratus est amicos Dei, dicens: *Mibi autem nimis honorificati sunt amici tui, Deus.* Et tamquam si ab eo protinus causas tanti honoris nobis insinuari quæremus, illico adjunxit: *Nimis confortatus est principatus eorum.* Ecce electi Dei carnem domant, spiritum roborant, dæmonibus imperant, virtutibus coruscant, præsentia despiciunt: æternam patriam cum voce & moribus prædicant, eam etiam moriendo diligunt, atque ad illam per tormenta pertingunt: occidi possunt, & flecti nequeunt. *Nimis ergo confortatus est principatus eorum.* In ista ipsa passione, qua ceciderunt in mortem carnis, videte quantum fuerit culmen mentis. Unde hoc, nisi quia confortatus est principatus eorum? Sed sic magni forsitan pauci sunt. Ideo subjunxit: *Dinumerabo*

Num. 24.

Num. 47.

205, & super arenam multiplicabuntur. Totum mundum, fratres, aspice, martyribus plenus est. Jam pene tot qui videamus non sumus, quot veritatis testes habemus. Deo ergo numerabiles, nobis super arenam multiplicati sunt: quia quanti sint, a nobis comprehendi non possunt. Sed quisquis ad hanc pervenit dignitatem ut amicus vocetur Dei, sese in se conspiciat: dona autem, quæ percipit, super se: nihil suis meritis tribuat, ne ad inimicitias erumpat.

C A P U T CCLXVI.

Pf. 138. 21. Nonne qui oderant te, Deus, oderam: & super inimicos tuos tabescebam? Perfecto odio oderam illos, & inimici facti sunt mihi.

Cap. 22. Admon. 23. **I**N Reg. Past. part. 3. adjunctum est: Nonne qui oderant te, Deus, oderam, &c. INIMICOS Dei perfecto odio odisse, est & quod facti sunt diligere, & quod faciunt increpare: mores pravorum premere, & vitæ prodesse. Pensandum est etenim, quando ab increpatione quiescitur, quanta culpa est, si cum pessimis pax tenetur, si Propheta tantus hoc velut in hostiam Deo obtulit, quod contra se pro Domino pravorum inimicitias excitavit.

C A P U T CCLXVI.

Pf. 139. 10. Labor labiorum ipsorum operiet os.

Cap. 11. Admon. 12. **I**N Reg. Past. par. 3. adjunctum est: Labor labiorum ipsorum operiet os. NIHIL est ad defendendum puritate tutius, nihil ad dicendum veritate facilius. Nam dum fallaciam suam tueri conatur, duro cor labore fatigatur. Hinc ergo scriptum est: Labor labiorum ipsorum operiet eos. Qui enim nunc implet, tunc operiet: quia cujus nunc animum per blandam inquietudinem exferit, tunc per asperam retributionem premit. *Jerem. 29. 9.* Hinc per Jeremiam dicitur: Docuerunt linguas suas loqui mendacium; ut inique agerent, laboraverunt. Ac si aperte diceretur: Qui amici esse

veritatis sine labore poterant, ut peccent laborant: cumque vivere simpliciter renuunt, laboribus exigunt ut moriantur.

C A P U T CCLXVIII.

Pf. 129. 30. Obumbra caput meum in die belli.

CUM de verbi Dei pabulo tractetur, in expof. B. Job, l. 6. adjunctum est: Obumbra caput meum in die belli. BELLUM quippe patimur, cum carnis nostræ tentationibus impugnamur. De quo bello per Prophetam dicitur: Obumbra caput meum in die belli. Quia igitur reprobi, dum fame verbi deficiunt, etiam belli gladio transfiguntur, electos suos Dominus in fame a morte eripit, & in bello a gladio abscondit: quia eorum mentes dum verbi sui pabulo reficit, contra tentationes corporis fortes reddit.

C A P U T CCLXIX.

Pf. 139. 11. In miseriis non subsistent.

IN expof. B. Job, l. 2. adjunctum est: In miseriis non subsistent. *Num. 23.* HOC de reproborum inter flagella impatientia Psalmista testatur: quia in miseriis subsisterent, si æquanimiter adversa tolerarent. At postquam mente inter flagella corruunt, quasi inter illatas miseriās subsistendi constantiam perdunt.

C A P U T CCLXX.

Pf. 144. 20. Elevatio manuum mearum sacrificium vespertinum.

IN expof. B. Job, l. 20. adjunctum est: Elevatio manuum mearum sacrificium vespertinum. *Num. 50.* QUIA Redemptor noster juxta mundi finem vim persequentium pertulit, semetipsum pro nobis sacrificium vespertinum dedit.

C A P U T CCLXXI.

Pf. 140. 30. Pone, Domine, custodiam ori meo, & ostium circumstantiæ labiis meis.

IN expof. B. Job, l. 7. adjunctum est: Pone, Domine, &c. STUDIOSE lingua sub magni moderaminis

minis libratione frenanda est, non insolubiliter obliganda; ne aut laxata in vitium defluat, aut restricta etiam ab utilitate torpescat. Quod bene Psalmista considerans, brevi postulatione complexus est, dicens: *Pone, Domine, custodiam ori meo, & ostium circumstantiæ labiis meis.* Ostium namque aperitur, & clauditur. Qui ergo ori suonequaquam poni obstaculum, sed ostium petiit, aperte docuit quod & per disciplinam retineri lingua debeat, & ex necessitate laxari; quatenus os discretum & congruo tempore vox aperiat, & rursus congrua taciturnitas claudat. Hinc namque per quemdam dicitur: *Sapiens tacebit usque ad tempus*: ut nimirum cum opportunum considerat, postposita censura silentii, loquendi quæ congruunt, in usum se utilitatis impendat. Hinc Salomon ait: *Tempus tacendi, & tempus loquendi.* Discreta quippe vicissitudine pensanda sunt tempora, ne aut cum restringi lingua debet, per verba se inutiliter solvat: aut cum loqui utiliter potest, semetipsam pigre restringat.

C A P U T CCLXXII.

Ps. 140. 5. Oleum autem peccatoris non impinguet caput meum.

Num. 3. **I**N hom. 12. in Evang. adjunctum est: *Oleum autem peccatoris non impinguet caput meum.* QUID per appellationem capitis, nisi ea, quæ principatur corpori, mens vocatur? Impinguat ergo caput oleum peccatoris, cum demulcet mentem favor adulantis.

^a C A P U T CCLXXIII.

Ps. 143. 1. *Benedictus Dominus Deus meus, qui docet manus meas ad prælium, & digitos meos ad bellum.*

Num. 43. **I**N expof. B. Job, lib. 15. adjunctum est: *Benedictus Dominus Deus meus, &c.* PER manus videlicet operationem, per digitos vero discretionem signat.

a Absit a mli.

C A P U T CCLXXIV.

Protector meus, & in ipso sperabo, Ps. 143. 2. subjiciens populum meum sub me.

Num. 84. **I**N expof. B. Job, l. 26. adjunctum est: *Protector meus, & in ipso sperabo, &c.* SANCTIS mentibus populi subiguntur, cum ab eis per districtæ severitatis præsentiam cogitationes stultæ defiliunt; ut non per abrupta phantasmatum rapiant, sed rationi subditæ, a corde humiliter conquiescant.

C A P U T CCLXXV.

Domine, inclina cælos tuos, & descende: tange monte, & fumigabunt. Ps. 148. 5.

Num. 42. **I**N expof. B. Job, l. 30. adjunctum est: *Domine, inclina cælos tuos, etc.* QUID cælorum nomine, nisi prædicatorum ordo signatur? Nisi ergo prædicatores sancti ab illa immensitate contemplationis internæ, quam capiunt, ad infirmitatem nostram humillima prædicatione, quasi quadam inclinatione descenderent, nunquam utique in fide filios gignerent. Nobis quippe prodesse non possent, si in suæ altitudinis erectione persisterent. Si enim sancti viri ea nobis prædicare vellent, quæ capiunt, cum in superna contemplatione debriantur, & non magis scientiam suam quodam moderamine & sobrietate temperarent, adhuc angusto intelligentiæ sinu illa superni fontis fluentia quis caperet? Unde nunc bene dicitur: *Domine, inclina cælos tuos, & descende.* Cum enim inclinantur cæli, descendit Dominus: quia cum se in prædicatione sua sancti doctores attrahunt, divinitatis notitiam nostris cordibus infundunt. Nequaquam quippe ad nos Dominus descenderet, si prædicatores ejus in contemplationis rigore inflexibiles permanerent. Inclinantur ergo cæli, ut descendat Dominus: quia nimirum si nostræ infirmitati non condescenderent, nos ad suam celsitudinem nunquam eleverent.

CA-

b Utic. cupiunt.

CAPUT CCLXXVI.

Ps. 143. 10.

Qui liberaſti David ſervum tuum de gladio maligno.

Num. 17.

IN expoſ. B. Job, l. 34. adjunctum eſt: *Qui liberaſti David ſervum tuum de gladio maligno.* QUID hoc loco per malignum gladium, niſi ira vel perſuaſio maligni hoſtis exprimitur? Benignus quippe ſanctæ prædicationis eſt gladius, quo percutimur, ut a culpa moriamur. Malignus vero eſt diabolicæ perſuaſionis gladius, quo male quiſque percutitur, ut a vita rectitudinis exſtinguatur. Antiqui namque hoſtis eſt gladius ille tunc damnatus homo, in uſum miniſterii ejus aſſumptus. Ipſum quippe per malitiam fraudis exhibet, & infirmorum corda tranſigit.

a

CAPUT CCLXXVII.

Ps. 145. 4.

In illa die peribunt omnes cogitationes eorum.

Num. 41.

IN expoſ. B. Job, l. 10. adjunctum eſt: *In illa dies peribunt omnes cogitationes eorum.* QUIA æterna mala nunquam cogitata reperiunt, & ſubito amittunt bona temporalia, quæ diu tractando tenuerunt.

CAPUT CCLXXVIII.

Ps. 146. 9.

Humiliat autem peccatores uſque ad terram.

Num. 20.

IN expoſ. B. Job, l. 25. adjunctum eſt: *Humiliat autem peccatores uſque ad terram.* QUÆ major poterit eſſe humiliatio, quam, deſerto Creatore, creaturam querere: deſertis ſupernis gaudiis, inſimis rebus inhiare? Amiſſis enim cœleſtibus, terrenum eſt omne quod ſitiunt: & dum plus videre conantur, minus eſt quod appetunt. De quibus per Jeremiam dicitur: *Recedentes a te, in terra ſcribentur.* At contra de electis: *Gaudete, quia nomina veſtra ſcripta ſunt in cœlis.*

Jerem. 17.

Luc. 10. 20.

CAPUT CCLXXIX.

Qui producit in montibus fenum; & herbam ſervituti hominum.

Ps. 146. 6.

IN expoſ. B. Job, lib. 29. adjunctum eſt: *Qui producit in montibus fenum, &c.* QUID hoc loco per herbam, niſi ſuſtentatio prædicantium demonſtratur, cum dicitur: *Qui producit in montibus fenum, & herbam ſervituti hominum?* In montibus quippe fenum & herba ſervituti hominum producit, cum ſublimis hujus ſæculi ad fidei cognitionem vocati, ſanctis prædicatoribus in hujus vitæ itinere ſpiritualiter ſibi ſervientibus tranſitorie alimenta largiuntur.

Num. 520

CAPUT CCLXXX.

Qui dat jumentis eſcam ipſorum, & pullis corvorum invocantibus eum.

Ps. 146. 9.

IN expoſ. B. Job, l. 30. adjunctum eſt: *Qui dat jumentis eſcam ipſorum, &c.* JUMENTA eſcam accipiunt, dum ſacræ Scripturæ pabulo mentes dudum brutæ ſatiantur. Pullis vero corvorum, filiis ſcilicet Gentium eſca datur: cum eorum deſiderium noſtra converſatione reſcitur. Ille corvus eſca fuit, dum ipſum ſancta Eccleſia quæreretur: ſed nunc eſcam accipit, quia ipſe ad converſionem alios exquirat. Cujus videlicet pulli, id eſt prædicatores ex eo editi, non in ſe præſumunt, ſed in viribus Redemptoris ſui. Unde bene dicitur: *Et pullis corvorum invocantibus eum.* Nihil enim ſua virtute poſſe ſe ſciunt. Et quamvis animarum lucra piis votis eſuriant, ab illo tamen, qui cuncta intrinſecus operatur, hæc fieri exoptant. Vera enim fide comprehendunt: quia, *neque qui plantat eſt aliquid, neque qui rigat, ſed qui incrementum dat Deus.*

Num. 28 29.

1. Cor. 3. 7.

CAPUT CCLXXXI.

Mittet verbum ſuum, & liquefaciet ea:

Ps. 147. 18.

ea: flabit spiritus ejus; & fluent aque.

Num. 53.

IN expos. B. Job, lib. 27. adjunctum est: *Mittet verbum suum, &c.* PER has aquas, ad se currentes Dominus signat. Aquæ namque de gelu currunt, quia plerique ex duris persecutoribus magni prædicatores fiunt. Gelu igitur in aquam liquatur, cum torpor interni frigoris ad irrigationem vertitur prædicationis. An Paulus gelu non erat, qui acceptis epistolis Damascum pergens, in corde fidelium quasi in terra Dei jactata verbi semina, ne ad perfectionem operum surgerent, restringere quærebat? Sed gelu hoc in aquam rediit: quia quos persequendo prius premere studuit, hos postmodum fluentis sanctæ exhortationis infudit; ut tanto uberius electorum ^a messis exurgeret, quanto hanc imber Dei, etiam ab ore persecutoris irrigaret.

a

b

^b C A P U T CCLXXXII.

Ps. 148. 6. Præceptum posuit, & non præteribit.

Num. 46.

IN expos. B. Job, l. 16. adjunctum est: *Præceptum posuit, &c.* QUIA semel fixa judicia Dei mutari nequaquam possunt. Cum ergo exterius mutari videtur sententia, interius consilium non mutatur: quia de unaquaque re immutabiliter intus constituitur, quidquid foris mutabiliter agitur.

C A P U T CCLXXXIII.

Ps. 116. 6. Virtutem operum suorum annuntiabit populo suo, ut det illis hereditatem Gentium.

Num. 14.

IN expos. B. Job, l. 18. adjunctum est: *Virtutem operum suorum annuntiabit populo suo, &c.* AC si aperte dicat: Idcirco fortitudinem suæ operationis insinuat, ut cum, qui audierit, donis ditescat.

^a In omnibus mss. nostris legitur, *mens exsurgeret*; at legendum, *messis*, ut loco Tom. XIV.

C A P U T CCLXXXIV.

Exsultabunt Sancti in gloria, latibuntur in cubilibus suis. *Ps. 149. 5.*

IN expos. B. Job, l. 8. adjunctum est: *Exsultabunt Sancti in gloria, &c.* QUIA scilicet cum mala ab exterioribus fugiunt, securi intra mentium secreta gloriantur. Sed tunc lætitia cordium perfecta erit, cum carnis ab exterioribus pugna non fuerit. Nam quousque caro illicit (quia quasi nostræ domus paries quatitur) etiam cubile turbatur.

Num. 41.

C A P U T CCLXXXV.

Laudate eum in potentatibus ejus; laudate eum secundum multitudinem magnitudinis ejus. *Ps. 150. 2.*

IN expos. B. Job, l. 9. adjunctum est: *Laudate eum in potentatibus ejus, &c.* DIVINÆ fortitudinis facta tunc verius explemus, cum hæc nos explere non posse cognoscimus. Tunc facundius loquimur, cum ab his obstupescendo reticemus. Ad narranda quippe Dei opera, habet defectus noster, quam sufficienter exserat linguam suam, ut quæ comprehendere idonee non valet, hæc idonee mutus laudet. Unde bene nunc per Psalmistam dicitur: *Laudate eum in potentatibus ejus: Laudate eum secundum multitudinem magnitudinis ejus.* Ille quippe Deum laudat secundum multitudinem magnitudinis, qui se succumbere in ejus laudis expletione considerat.

Num. 19.

C A P U T CCLXXXVI.

Laudate eum in tympano, & choro. *Ps. 150. 4.*

IN homil. 8. in Ezech. adjunctum est: *Laudate eum in tympano, & choro.* QUANTA sit concordia virtus ostenditur, cum sine illa virtute, reliquæ virtutes non esse monstrantur. Magna enim est virtus

Num. 8.

Moral. designato.

^b Tria quæ succedunt capita desunt in mss. H h h

tus abſtinentiæ ; ſed ſi quis ita ab alimentis abſtineat , ut cæteros in cibo dijudicet , & alimenta eadem , quæ Deus creavit ad percipiendum cum gratiarum actione , in fidelibus etiam damnet : quid huic virtus abſtinentiæ facta eſt , niſi laqueus culpæ ? Hinc ergo Pſalmiſta nullam eſſe abſtinentiæ virtutem ſine concordia designans , ait ; *Laudate eum in tympano , & choro* . In tympano enim eorum ſiccum reſonat , in choro autem voces concorditer cantant . Quid ergo per tympanum niſi abſtinentia , & quid per chorum , niſi caritatis concordiam designat ? Qui itaque ſic abſtinet , ut concordiam deſerat : laudat quidem in tympano , ſed non laudat in choro .

CAPUT CCLXXXVII.

Item unde ſupra .

IN Reg. Paſt. par. 3. SÆPE non-^{Cap. 22.}
nulli quædam ſpecialiter dona^{Admon. 23.}
percipiunt , ſed dum ſuperbiunt , donum concordiæ , quod majus eſt , amittunt : ut ſi fortasſe carnem præ cæteris gulæ reſrenatione quis edomat , concordare eis , quos ſuperat , abſtinendo contemnat . Sed qui abſtinentiam a concordia ſeparat , quid admoneat Pſalmiſta , perpendat ; ait enim : *Laudate eum in tympano , & choro* . In tympano namque ſicca & percuffa pellis reſonat : in choro autem voces ſocietate concordant . Quiſquis itaque corpus affligit , ſed concordiam deſerit , Deum quidem laudat in tympano , ſed non laudat in choro .

Finis expoſitionis in Pſalmos .

CAPITULA LIBRI DUODECIMI

IN PROVERBIA .

- 1 **C**um ſimplicibus ſermocinatio ejus .
- 2 Juſtorum ſemita quaſi lux ſplendens procedit , & creſcit uſque ad perfectum diem .
- 3 Omni cuſtodia ſerva cor tuum , quia ex ipſo vita procedit .
- 4 *Item unde ſupra .*
- 5 Palpebre tuæ præcedant grefſus tuos .
- 6 Fili , attende ſapientiam meam , & prudentiæ meæ inclina aurem tuam , ut cuſtodias cogitationes .
- 7 Ne des alienis honorem tuum , & annos tuos crudeli : ne forte impleantur extranei viribus tuis , & labores tui ſint in domo aliena , & gemas in noviffimis , quando conſumſeris carnes & corpus tuum .
- 8 Bibe aquam de cifterna tua , & fluenta putei tui . Deriventur fontes tui foras , &c .
- 9 *Item unde ſupra .*
- 10 Fili mi , ſi ſponderis pro amico tuo , deſixiſti apud extraneum manum tuam ; illaqueatus es , &c .
- 11 Uſquequo piger dormis ?
- 12 Homo apoſtata , vir inutilis graditur ore perverſo , &c .
- 13 Numquid non ſapientia clamat , & prudentia dat vocem ſuam ? &c .
- 14 O viri , ad vos clamito .
- 15 Sapientia ædiſcavit ſibi domum , excidit columnas , &c .
- 16 *Item unde ſupra .*
- 17 Qui erudit deſiſorem , ipſe ſibi facit injuriam .

18 Noli

- 18 *Noli arguere derisorem, ne o-*
derit te.
- 19 *Item unde supra.*
- 20 *Aquæ furtivæ dulciores sunt, &*
panis absconditus suavior.
- 21 *Qui ambulat simpliciter, am-*
bulat confidenter.
- 22 *Quasi tempestas transiens non*
erit impius.
- 23 *Manus in manu non erit inno-*
cens malus.
- 24 *Circulus aureus in naribus suis,*
mulier pulchra & fatua.
- 25 *Præstolatio impiorum furor.*
- 26 *Anima quæ benedicit, impin-*
guabitur: & qui inebriat, ipse
quoque inebriabitur.
- 27 *Qui abscondit frumenta, ma-*
ledicitur in populis.
- 28 *Qui stultus est, serviet sapienti.*
- 29 *Cogitationes justorum judicia.*
- 30 *Verte impios, & non erunt.*
- 31 *In ore stulti virga superbie.*
- 32 *Cor quod novit amaritudinem a-*
nimæ suæ, in gaudio illius non
miscebitur extraneus.
- 33 *Item unde supra.*
- 34 *Est via, quæ videtur homini-*
bus recta: novissima autem ejus
ducunt ad mortem.
- 35 *Corona sapientium divitiæ eo-*
rum, fatuitas stultorum impru-
dentia.
- 36 *In timore Domini fiducia fortitu-*
dinis.
- 37 *Vita carniū sanitas cordis,*
putredo ossium invidia.

L I B E R D U O D E C I M U S.

DE TESTIMONIIS IN PROVERBIA.

CAPUT PRIMUM.

Prov. 3. 32. *Cum simplicibus sermocinatio ejus.*

IN Regula Pastoralis part. 3. adjun-
ctum est: *Cum simplicibus sermo-*
cinatio ejus. DEO enim sermocina-
ri, est per illustrationem suæ præ-
sentis humanis mentibus arcana re-
velare. Cum simplicibus igitur ser-
mocinari dicitur: quia de supernis
mysteriis illorum mentes radio^a sui
doni illuminat, quos nulla umbra
duplicitatis obscurat.

CAPUT II.

Prov. 4. 18. *Justorum semitæ, quasi lux splendens*
procedit, & crescit usque ad
perfectum diem.

IN hom. 5. in Ezech. adjunctum
est: *Justorum semitæ, &c.* IN
eorum namque animis bonum desi-
derium, atque intellectus lucis intimæ
jam pars diei est. Sed quia usque
ad finem vitæ in virtute proficiunt,
ad perfectum diem tum veniunt,
quando ad regna cælestia perducti,

in ea luce, quam desiderant, jam
minus aliquid non habebunt.

CAPUT III.

Omni custodia serva cor tuum, quia
de ipso vita procedit. Prov. 4. 23.

IN expos. B. Job, l. 19. adjun-
ctum est: *Omni custodia serva cor*
tuum, &c. DICTURUS enim: *Cu-*
stodia, præmisit *omni*, ut videlicet
unusquisque hinc inde se diligenter
inspiciat. Et quamdiu in hac vita
est, contra inimicos spirituales in
acie se positum sciat, ne mercedem,
quam per has actiones colligit, per
alias amittat: ne hinc hostis fores
obstruat, & aliunde aditum pandat.
Si qua etenim civitas contra infi-
diantes inimicos magno valletur ag-
gere, fortibus cingatur muris, in-
somni muniatur custodia: unum ve-
ro in ea foramen tantummodo im-
munitum per negligentiam relinqua-
tur, inde proculdubio hostis ingre-

H h h 2 di

^a Ita mss. Sag. Uric. &c. licet loco indicato legamus, *sua visionis*.

ditur, qui undique exclusus esse videbatur.

CAPUT IV.

Item unde supra.

Num. 49.

IN expof. B. Job, l. 1. VIRTUTES ergo, quas agimus, dignum est ut summopere ab intentionis origine penſemus, ne ex malo ortu prodeant, etiam ſi recta ſunt quæ oftentantur.

CAPUT V.

Prov. 4. 25.

Palpebræ tuæ præcedant grefſus tuos.

Cap. 15.

Admon. 15.

Item eſt: *Palpebræ tuæ præcedant grefſus tuos.* Palpebræ quippe grefſus præcedunt, cum operationem noſtram conſilia recta præveniunt. Qui enim negligit conſiderando prævidere quod facit; grefſus tendit, oculos claudit. Pergendo iter conficit, ſed prævidendo ſibiſemipſi non antecedit, atque idcirco citius corrumpit: quia quo pedem operi ponere debeat, per palpebram conſilii non attendit.

CAPUT VI.

Prov. 5. 1.

Fili mi, attende ad ſapientiam meam, & prudentiæ meæ inclina aurem tuam, ut cuſtodias cogitationes.

Cap. 14.

Admon. 15.

Item eſt: *Fili mi, attende ad ſapientiam meam, &c.* NIHIL quippe in nobis eſt corde fugacius, quod a nobis toties recedit quoties per pravas cogitationes deſluit. Hinc etenim Pfalmiſta ait: *Cor meum derelinquit me.* Hinc ad ſemetipſum rediens dicit: *Invenit ſervus tuus cor ſuum, ut oret te.* Cum ergo cogitatio per cuſtodiam reſtringitur, cor, quod fugere conſuevit, invenitur. Plerumque autem nimis taciti, cum nonnulla injuſta patiuntur, eo in acriorem dolorem prodeunt, quo ea, quæ ſuſtinent, non loquuntur. Nam ſi illatas moleſtias tranquillæ linguæ ſermone dicerent, a conſcientia dolor emanaret. Vulnere enim clauſa plus cruciant. Nam cum putredo, quæ interius fervet, ejicitur, ad ſalutem dolor aperitur.

CAPUT VII.

Ne des alienis honorem tuum, & annos tuos crudeli, ne forte impleantur extranei viribus tuis, & labores tui ſint in domo aliena: & gemas in noviffimis, quando conſumſeris carnes & corpus tuum.

Cap. 12.

Admon. 13.

Item eſt: *Ne des alienis honorem tuum, &c.* QUI namque a nobis alieni ſunt, niſi maligni ſpiritus, qui a cœleſtis ſunt patriæ forte ſeparati? Quis vero honor noſter eſt, niſi quia etiam in luteis corporibus conditi, ad Conditoris tamen noſtri ſumus imaginem & ſimilitudinem creati? Vel quis alius crudelis eſt, niſi ille apoſtata Angelus, qui & ſemetipſum pœna mortis ſuperbiendo perculit, & inferre mortem humano generi etiam perditus non perpercit? Honorem itaque ſuum alienis dat, qui ad Dei imaginem ac ſimilitudinem conditus, vitæ ſuæ tempora malignorum ſpirituum voluntatibus adminiſtrat. Annos etiam ſuos crudeli tradit, qui ad voluntatem male dominantis adverſarii, accepta vivendi ſpatia expendit. Ubi bene ſubditur: *Ne forte impleantur extranei viribus tuis, & labores tui ſint in domo aliena.* Quiſquis enim per acceptam valetudinem corporis, per tributam ſibi ſapientiam, mentis non exercendis virtutibus, ſed perpetrandis vitiis elaborat, nequaquam ſuis viribus ſuam domum, ſed extraneorum habitacula, id eſt immundorum ſpirituum facta multiplicat: nimirum vel luxuriando, vel ſuperbiendo agens, ut etiam ſe addito perditorum numerus creſcat. Bene autem ſubditur: *Et gemas in noviffimis, quando conſumſeris carnem, & corpus tuum.* Plerumque enim accepta ſalus carnis per vitia expenditur: ſed cum repente ſubtrahitur, cum moleſtiis caro atteritur, cum jam anima egredi urgetur, diu male habita quaſi ad bene vivendum ſa-

salus amissa requiritur; & tunc gemunt homines, quod Deo servire noluerunt, quando damna suæ negligentiae recuperare serviendo nequaquam possunt.

C A P U T VIII.

Prov. 5. 15.
& seq.

Bibe aquam de cisterna tua, & fluenta putei tui. Deriventur fontes tui foras, & in plateis aquas divide. Habeto eas solus, nec sint alieni participes tui.

Num. 12.

IN commentario Ezech. homil. 12. adjunctum est: *Bibe aquam de cisterna tua, &c.* VALDE contraria videntur esse quæ dicit: *Deriventur fontes tui foras, & in plateis aquas divide*: cum protinus adjungit: *Habeto eas solus, nec sint alieni participes tui*. Quomodo enim aquam scientiæ solus habere poterit, si hanc in plateis dividit? Quomodo alieni aquarum ejus participes non sunt, si fontes illius foras derivantur? Sed cum prædicamus in populis, nimirum in plateis aquas dividimus: quia in auditorum multitudinem verba scientiæ dilatamus. Cum vero nos adjuvante divina gratia intrinsecus custodimus, & maligni spiritus qui vere a nobis alieni sunt, quia sortem beatitudinis perdiderunt, ne nobis in elatione subripiant, sollicitudine cauta circumspicimus, soli habemus aquas: quas in plateis dividimus, ut nobis in eis alieni participes non sint. Hi nimirum, de quibus scriptum est: *Alieni insurrexerunt in me, & fortes quaesierunt animam meam*. Aquas ergo & in plateis dividit, & solus habet, qui per hoc, quod multis prædicat, in temporali se cogitatione gloriæ non exultat. Tunc etenim possidet homo quod docet, quando non se gaudet innotescere, sed prodesse.

C A P U T IX.

Item unde supra.

Cap. 24.
Admon. 25.

IN cod. Reg. Past. part. 3. AQUAM quippe prædicator de cisterna sua bibit, cum ad cor suum rediens prius

audit ipse, quod dicit: Bibit sui fluenta putei, si sui irrigatione infunditur verbi. Ubi bene subjungitur: *Deriventur fontes tui foras, & in plateis aquas divide*. Rectum quippe est, ut ipse prius bibat, & tunc prædicando aliis influat. Fontes namque foras derivare, est exterius aliis vim prædicationis infundere: in plateis autem aquas dividere, est in magna auditorum amplitudine juxta uniuscujusque qualitatem divina eloquia dispensare. Et quia plerumque inanis gloriæ appetitus subrepat, dum sermo Dei ad multorum notitiam currit, postquam dictum est: *In plateis aquas divide*, recte subjungitur: *Habeto eas solus, nec sint alieni participes tui*. Alienos quippe malignos spiritus vocat, de quibus per Prophetam tentati hominis voce dicitur: *Alieni insurrexerunt in me, & fortes quaesierunt animam meam*. Ait ergo: Aquas in plateis divide, & tamen solus bibe. Ac si apertius dicat: Si necesse est ut prædicationi exterius servias, quatenus per elationem te immundis spiritibus non jungas: ne in divini verbi ministerio hostes tuos ad te participes admittas. Aquas ergo in plateis dividimus, & tamen soli possidemus, quando exterius late prædicationem fundimus, & tamen per eam humanas laudes assequi minime ambimus.

Psal. 53. 5.

C A P U T X.

Fili mi, si sponderis pro amico tuo, defixisti apud extraneum manum tuam: illaqueatus es verbis ori tui, & captus propriis sermonibus. Fac ergo quod dico tibi, fili mi, & temetipsum libera: quia incidisti in manum proximi tui. Discurre, festina, suscita amicum tuum, ne dederis somnum oculis tuis, ne dormitent palpebræ tuæ.

Prov. 6. 6.
& seq.

IN cod. Reg. Past. part. 3. adjunctum est: *Fili mi, si sponderis pro amico tuo, &c.* SPONDERE

Cap. 4.
Admon. 5.

nam

namque pro amico^a, est alienam animam in periculo suæ conversationis accipere. Unde & apud extraneum manus defigitur: quia apud curam sollicitudinis, quæ ante decrat, mens ligatur. Verbis vero oris sui illaqueatus est, ac propriis sermonibus captus: quia dum commissis sibi cogitur bona dicere, ipsum prius necesse est quæ dixerit, custodire. Illaqueatur igitur verbis oris sui, dum ratione exigente constringitur, ne ejus vita ad aliud quam admonet, relaxetur. Unde & apud districtum judicem cogitur tanta in opere exsolvere, quanta eum constat aliis voce præcepisse. Unde bene mox exhortatio subditur, & dicitur: *Fac ergo quod dico, fili mi, & temetipsum libera: quia incidisti in manus proximi tui. Discurre, festina, suscita amicum tuum, ne dederis somnum oculis tuis, ne dormitent palpebræ tuæ.* Quisquis enim ad vivendum aliis in exemplum præponitur, non solum ut ipse vigilet, sed etiam ut amicum suscitet, admonetur. Ei namque vigilare bene vivendo non sufficit, ^a si non & illum, cui præest, a peccati torpore disjungit. Bene autem dicitur: *Ne dederis somnum oculis tuis.* Somnum quippe oculis dare, est intentione cessante subditorum curam omnino negligere. Palpebræ vero dormitant, cum cogitationes nostræ, quæ in subditis arguenda cognoscunt, pigredine deprimente dissimulant. Plene enim dormire, est commissorum acta nescire, nec corrigere. Non autem dormire, sed dormitare est, quæ quidem reprehendenda sunt cognoscere, sed tamen propter mentis tedium dignis ea increpationibus non emendare. Dormitando vero oculus ad plenissimum somnum ducitur: quia dum plerumque qui præest, malum, quod

cognoscit, non resecat, ad hoc quandoque negligentia suæ merito pervenit, ut quod a subjectis delinquitur, nec agnoscat.

CAPUT XI.

Usquequo piger dormis?

IN expof. B. Job, lib. 8. adjunctum est: *Usquequo piger dormis?* ^{Prov. 6. 10.}
ELECTUS igitur quisquis cum peccati somno premitur, ad justitiæ vigilias exsurgere conatur. Sed sæpe cum surrexerit, ipsa se extolli virtutum magnitudine sentit. Unde & tentari se præsentis vitæ adversitatibus post virtutes desiderat: ne pejus ex confidentia virtutum cadat. Si enim servari se melius per tentationem non cognosceret, nequaquam Psalmista dixisset: *Proba me, Domine, & tenta me.* ^{Num. 20.} ^{Pf. 25. 2.}

CAPUT XII.

Homo apostata, vir inutilis graditur ore perverso: annuit oculis, terit pede, digito loquitur, pravo corde machinatur malum, & in omni tempore jurgia seminat. ^{Prov. 6. 12.}

IN cod. Reg. Pastoralis part. 3. adjunctum est: *Vir inutilis graditur ore perverso, &c.* ^{Cap. 23.} ^{Admon. 24.} **E**CCE quem seminantem jurgia dicere voluit, prius apostatam nominavit: quia nisi more superbientis Angeli a conspectu Conditoris prius intus aversione mentis caderet, foras postmodum, usque ad seminanda jurgia non veniret. Qui recte describitur quod annuit oculis, digito loquitur, terit pede. Interior namque est custodia, quæ ordinata servat exterius membra. Qui ergo statum mentis perdidit, subsequenter foras inconstantia motionis fluit, atque exteriori mobilitate indicat, quod nulla interius radice subsistat. Audiant jurgiorum seminatores quod scriptum est: *Beati pacifici, quoniam filii Dei vocabuntur:* ^{Matt. 5. 24.} atque e diverso colligant, quia si Dei vocantur filii qui pacem faciunt;

^a Ita Sagiensis & Michael. at in Utic. & Gemet. Si non & illius, cui præest peccati

torporem disjungit.

ciunt; pröculdubio Satanae sunt filii qui confundunt. Omnes autem qui per discordiam separantur, a viriditate dilectionis arescunt; qui & si boni operis fructus in suis actibus proferunt, profecto nulli sunt: quia non ex unitate caritatis oriuntur. Hinc ergo perpendant seminantes jurgia, quam multipliciter peccent: qui dum unam nequitiam perpetrant, ab humanis cordibus cunctas simul virtutes eradicant. In uno enim malo innumera peragunt: quia seminando discordiam, caritatem, quæ nimirum virtutum omnium mater est, extinguunt. Quia autem nihil est pretiosius Deo virtute dilectionis, nihil desiderabilius est diabolo extinctione caritatis: quisquis igitur seminando jurgia a dilectione proximorum perimit, hosti Dei familiarius servit: quia qua ille amissa cecidit, hanc ille vulneratis cordibus subtrahens, eis iter ascensionis abscidit.

C A P U T XIII.

Prov. 8. 1. Numquid non sapientia clamat, & prudentia dat vocem suam in summis excelsisque virtutibus, super viam in mediis stans semitis?

Num. 29. 30.

IN expos. B. Job, l. 25. adjunctum est: Numquid non sapientia clamat, &c. TRANSIRE fortasse per viam vitæ temporalis cum ejus ignorantia poteramus, si hæc eadem sapientia in semitæ angulis constitisset. Investiganda fuerat, si occulta esse voluisset. Sed postquam incarnationis suæ mysteria publice ostendit, postquam humilitatis exempla superbientibus præbuit, semetipsam nobis quasi transeuntibus in mediis semitis fixit, ut videlicet in eam, quam quærere nolumus, impingamus: & quam transeuntes videre negleximus, tangamus offendentes.

^a Hoc loco multa in mss. Sag. Utic. & Michael. adduntur, quæ consequenter leguntur numero Moralium indicato, Pleraque

C A P U T XIV.

O viri, ad vos clamito.

Prov. 2. 4.

IN expos. B. Job, l. 27. adjunctum est: *O viri, ad vos clamito.* DE Domino igitur viri canunt, cum nobis ejus potentiam vel superni spiritus, vel perfecti quique doctores innotescunt. Sed tamen opus ejus ignoratur: quia nimirum judicia illius ipsi etiam qui hunc prædicant, impenetrata venerantur. Et sciunt ergo quæ prædicant, & tamen ejus opera ignorant: quia cognoscunt per gratiam eum a quo facti sunt, sed ejus judicia comprehendere nequeunt, quæ ab illo etiam super ipsos fiunt. Quod enim omnipotens Deus perspicue in sua actione non cernitur, Psalmista testatur, dicens: *Qui posuit tenebras latibulum suum.* ^{Ps. 17. 12. 2}

C A P U T XV.

Sapientia edificavit sibi domum, ex- ^{*Prov. 9. v. 1. & seq.*}
cidit columnas septem, immolavit victimas suas, miscuit vinum, proposuit mensam. Misit ancillas, ut vocarent ad arcem, & ad mœnia civitatis: Si quis est parvulus, veniat ad me.

IN expos. B. Job, l. 17. adjunctum est: *Sapientia edificavit sibi domum, &c.* IMMOLAVIT enim Dominus victimas, seipsum offerendo pro nobis: miscuit vinum, præceptorum suorum poculum ex narratione historica & intelligentia spiritali contemperans. Unde alias dictum est: *Calix in manu Domini, vini meri, plenus est mixto.* ^{*Ps. 74. 9.*} Et proposuit mensam, id est Scripturam sacram, quæ fessos ad se atque a seculi oneribus venientes, pane verbi nos reficit; & contra adversarios sua refectione nos roborat. Unde & alias ab Ecclesia dicitur: *Posuisti in conspectu meo mensam, adversus eos qui tribulant me.* ^{*Psalm. 22. 5.*} Misit ancillas suas, Apostolorum videlicet animas, in ipso suo initio infirmas ut vocarent ad

etiam ex sequentibus cap. in laudatis codicibus sunt longe proliziora; additis multis vel in initio vel in medio vel in fine.

ad arcem, & mœnia civitatis supernæ: quia dum æternam vitam denuntiant, ad alta nos mœnia supernæ civitatis levant. Quæ profecto mœnia nisi humiles non ascendunt. Unde illic ab eadem Sapientia subditur: *Si quis est parvulus, veniat ad me*. Ac si aperte dicat: Quisquis se apud se magnum æstimat, aditum sibi mei accessus angustat: quia tanto ad me altius pertingitur, quanto uniuscujusque mens apud se verius humiliatur. Sed quantalibet quisque virtute proficiat, quantalibet scientia excreseat, penetrare non sufficit, quo nos Conditor moderamine iudiciorum regit.

C A P U T XVI.

Item unde supra.

Num. 32.

IN expof. B. Job, l. 33. SAPIENTIA quippe domum sibi condidit, cum unigenitus Dei filius in femetipfo intra uterum Virginis, mediante anima, humanum sibi corpus creavit: sic quippe corpus Unigeniti, domus Dei dicitur, ficut etiam templum vocatur. Itaut unus idemque Dei atque hominis filius ipse fit, qui inhabitat, ipse qui inhabitatur. Quod tamen recte aliter accipitur, si domus sapientiæ Ecclesia vocetur. Quæ septem columnas excidit: quia ab amore præfentis feculi disjunctas, ad portandum ejusdem Ecclesiæ fabricam mentes prædicantium erexit. Quæ pro eo quod perfectionis virtute subnixæ sunt, septenario numero designantur. Immolavit viâctimas, quia vitas prædicantium mactare in persecutione permiffit. Vinum mifcuit, quia divinitatis & humanitatis fuæ pariter nobis arcana prædicavit. Mensam quoque propofuit, quia Scripturæ sacræ nobis pabula aperiendo præparavit. Ancillas etiam fuas miffit, quæ ad arcem nos, atque ad civitatis mœnia vocarent: quia prædicatores infirmos abjectosque habere ftuduit, qui fideles populos ad fpiritualis patriæ

adificia fuperna colligerent. Unde Dominus in Evangelio Nathanaelem laudat, nec tamen in forte prædicantium numerat: quia ad prædicandum eum tales venire debuerant, qui de laude propria nihil habebant: ut tanto folidius veritatis cognofceretur efle quod agerent, quanto & aperte cerneretur, quia ad hoc agendum per fe idonei non fuiffent. Ut ergo mira potentia per prædicatorum linguas claresceret, prius mirabilis actum eft, ut eorundem prædicantium meritum nullum eflet.

C A P U T XVII.

Qui erudit deriforem, ipfe fibi injuriam facit. Prov. 9. 10.

IN expof. B. Job, l. 10. adjunctum eft: *Qui erudit deriforem, &c.* Num. 3. NAM fit plerumque, ut cum correpta in fe mala defendere nequeunt, ex verecundia pejores fiant: ac fic in fua defenfione fuperbiunt, ut quædam vitia contra vitam corripientis exquirant, & eo fe criminoſos non æftimant, fi crimina aliis imponant. Qui cum vera invenire nequeunt, fingunt; ut ipfi quoque habeant, quod impari juſticia increpare videantur.

C A P U T XVIII.

Noli arguere deriforem, ne oderit te. Prov. 9. 10.

IN expof. B. Job, lib. 8. adjunctum eft: *Noli arguere deriforem, &c.* NEQUE enim juſto timendum eft, ne derifor cum corripitur, contumelias inferat, fed ne tractus ad odium pejor fiat. Inter hæc ſciendum eft, quod juſtorum bona, quia ex corde incipiunt, ufque ad præfentis vitæ terminum crefcunt. Hypocritarum vero opera, quia nequaquam funt in occulto radicata, fæpe ante deficiunt, quam præfens vita finiatur. Nam plerumque ftudio sacræ eruditionis infiftunt; & quia hanc non præparandis meritis, fed promerendis favoribus inquirent, ftatim ut judicium humanæ laudis arripiunt, & per hoc gratiam tranſi-

fito.

fitorii provectus aſequentur , tota mente ſecularibus curis inſerviunt , atque a ſacra funditus eruditione evacuantur : & agendo poſt indicant , quantum temporalia diligant , qui ſola prius æterna prædicabant . Plerumque autem aſſumtæ ſpeciem maturitatis oſtendunt : quiete ſilentii , longanimitate patientiæ , continentæ virtute decorantur . Sed cum per hæc quæſiti culmen honoris attigerint , cumque ſibi jam reverentia a cunctis impenditur , protinus ſe in laſciviam voluptatis infundunt , & bona ſe non ex corde tenuiſſe ipſi ſibi teſtes ſunt , qui hæc cito dimiſerunt . Nonnunquam vero aliqui quæ poſſident tribuunt , atque indigentibus cuncta largiuntur : ſed tamen ante vitæ terminum , avaritiæ prurigne accenſi , aliena appetunt , qui ſua largiri videbatur , & pertinaci poſt crudelitatem ambiunt quod ficta prius pietate reliquerunt .

C A P U T XIX.

Item unde ſupra .

IN expoſ. B. Job , l. 20. Si ab increpatione idcirco reticemus , quia contra nos inſurgere deriſoris odia formidamus , non jam lucra Dei , ſed noſtra quærimus . Qua in re ſciendum eſt , quod nonnunquam , cum redarguuntur pravi , deteriores exiſtunt . Ipſis ergo & non nobis parcimus , ſi ab eorum redargutione pro eorum amore ceſſamus . Unde necesse eſt ut aliquando toleremus tacendo quod ſunt , quatenus in nobis diſcant videndo quod non ſunt .

^a Quia igitur ſancta Eccleſia , quæ verba ſua ſemper per caritatem exeſerit , ea etiam nonnunquam ex caritate reſtringit , dicat : *Noli* , &c.

C A P U T XX.

Prov. n. 27.

Aquæ furtivæ dulciores ſunt , & panis abſconditus ſuavior .

Num. 49.

IN expoſ. B. Job , l. 23. adiunctum eſt : *Aquæ furtivæ dulciores ſunt* ,

^a Gemet. *quia igitur* . Legitur tamen , *Tom. XIV.*

&c. PER pa nem hæreticorum interdum prædicatione designatur , ſicut per Salomonem mulier hæreticæ Eccleſiæ typum geſtans , & ſtultos convocans dicit : *Panes occultos libenter edite* . Vel ut in noſtra translatione ſcriptum eſt : *Aquæ furtivæ dulciores ſunt , & panis abſconditus ſuavior* . Sunt enim nonnulli hæretici , qui aperte metuunt prædicare quod ſentiunt , & apud infirmorum mentes verba ſua tanto magis condiunt , quanto quaſi amplius reverenter abſcondunt . Unde non immerito dicitur : *Panes occultos libenter edite* . Miſeris enim cordibus occulta hæreticorum verba eo magis ſapiunt , quo cum reliquis communiter non habentur .

C A P U T XXI.

Qui ambulat ſimpliciter , ambulat *Prov. 10. 9.* *confidenter .*

IN cod. Reg. Paſt. part. 3. adiunctum eſt : *Qui ambulat ſimpliciter* , &c. FIDUCIA quippe magnæ ſecuritatis , eſt ſimplicitas actionis .

Cap. 11. Admon. 12.

C A P U T XXII.

Quaſi tempeſtas tranſiens non erit *Prov. 25.* *impius .*

IN expoſ. B. Job , l. 20. adiunctum eſt : *Quaſi tempeſtas tranſiens* , &c. CUM infirmus quiſque perversos florere conſpicit , hunc in perversitatis pelagus unda mergit miſeræ imitationis .

Num. 50.

C A P U T XXIII.

Manus in manu , non erit innocens *Prov. 11. 21.* *malus .*

IN expoſ. B. Job , l. 25. adiunctum eſt : *Manus in manu , non erit innocens malus* . MANUS enim manui jungi ſolet , quando quieſcit in otio , & nullus eam in uſus laboris exercet . Manus ergo in manu , non erit innocens malus . Ac ſi diceret ; Et cum manus ceſſat ab iniquo opere , malus tamen non eſt innocens per cogitationem .

Num. 71.

Quia , loco Moralium indicato .
Iii

tionem. Qui a ergo novimus quod districtè omnia non solum facta, sed etiam cogitata pensentur; quid faciemus de incessu mali operis, si sic subtiliter Deus judicat gressus cordis? Ecce occulta mentis nostræ itinera nullus hominum videt, & tamen ante Dei oculos tot gressus ponimus, quot affectus movemus: toties ante illum labimur, quoties a recto itinere infirmæ cogitationis pede claudicamus.

C A P U T XXIV.

Prov. 11. 22. *Circulus aureus in naribus suis, mulier pulcra, & fatua.*

Num. 2. **I**N expos. B. Job, l. 31. adjunctum est: *Circulus aureus in naribus suis. &c.* HÆRETICA namque doctrina nitore videtur eloquii resplendere, nec tamen sapientiæ apto intellectu congruere. Ait ergo: *Circulus aureus in naribus suis*, id est pulcra & circumplexa locutio in sensibus mentis stultæ: cui ex eloquio aurum pendet, sed tamen ex terrenæ intentionis pondere, more suis, ad superiora non respicit. Quod secutus exposuit, dicens: *Mulier pulcra & fatua*, id est doctrina hæretica: pulcra per verbum, fatua per intellectum.

C A P U T XXV.

Prov. 11. 23. *Præstolatio impiorum furor.*

Num. 79. **I**N expos. B. Job, l. 5. adjunctum est: *Præstolatio impiorum furor.* SICQUE fit ut perturbatus animus majorem strepitum sui silentii sentiat, eumque gravius clausæ iræ flamma consumat.

C A P U T XXVI.

Prov. 11. 25. *Anima quæ benedicit, impinguabitur: & qui inebriat, ipse quoque inebriatur.*

Cap. 25. Adm. 26. **I**N cod. Reg. Past. part. 3. adjunctum est: *Anima quæ benedicit, &c.* QUI enim nimirum exterius prædicando benedicit, interioris augmenti pinguedinem recipit. Et dum vino eloquii auditorum mentem de-

briare non desinit, potū multiplicati muneris debriatus excrescit.

C A P U T XXVII.

Qui abscondit frumenta, maledicetur in populis. Prov. 11. 26.

IN cod. Reg. Past. part. 3. adjunctum est: *Qui abscondit frumenta, &c.* FRUMENTA quippe abscondere, est prædicationis sanctæ apud se verba retinere. In populis autem talis quisque maledicetur, quia in solius culpa silentii pro multorum,

quos corrigere potuit, pœna damnatur. Si medicinalis artis minime ignari secandum vulnus cernerent, & tamen secare recusarent: profecto peccatum fraternæ mortis ex solo torpore committerent. Quanta ergo culpa involvantur aspiciant, qui dum cognoscunt vulnera mentium, curare ea negligunt sectione verborum. Unde bene per Prophetam dicitur: *Maledictus, qui prohibet gladium suum a sanguine.* Gladium quippe a sanguine prohibere, est prædicationis verbum a carnalis vitæ interfectione retinere.

C A P U T XXVIII.

Qui stultus est, serviet sapienti. Prov. 11. 29.

Num. 32. **I**N expos. B. Job, l. 20. adjunctum est: *Qui stultus est, serviet sapienti.* SÆPE tamen conspiciamus sapientes subesse, stultos vero arcem dominii tenere: sapientes serviliter obsequi, stultos tyrannica elatione dominari. Quomodo igitur definitione divinæ sententiæ sapienti stultus servit, dum plerumque hunc jure temporalis dominii comprimit? Sed sciendum est quia contra sapientis vitam, dum stultus præeminent, terrorem potestatis exercet, dum nunc laboribus fatigat, contumeliis lacerat, profecto hunc ab omni vitiorum rubigine urendo purgat. Stultus ergo sapienti etiam dominando servit, quem ad meliorem statum premendo provehit; sic nonnunquam pupillis dominis ad disciplinæ magisterium servi præsumt, ter-

terrent, premunt, feriunt: & tamen esse servi nullo modo desistunt: quia ad hoc ipsum ordinati sunt, ut proficientibus dominis etiam feriendo famulentur. Quia igitur mala reprobos bonos, dum cruciant, depurgant, utilitati iustorum militat etiam potestas iniquorum. Sed plerumque iusti tribulatione deprehenso, tardam manum subvenientis æstimant, cum se persequentium immanitas paulo longius angustat: & concita quidem sunt ereptionis remedia, sed hoc, quod ab ereptore citius agitur, dolori tardum videtur. Cumque adesse postulationi auxilium quæritur, si vocem non statim sequitur, quia desit, æstimatur.

C A P U T XXIX.

Cogitationes iustorum iudicia:

IN expof. B. Job, l. 25. adiunctum est: *Cogitationes iustorum iudicia*. DEBET enim cuiusque mens, & causas suas apud Dominum, & causas Domini contra se sollicita inquisitione discutere: debet caute pensare, vel quæ ab eo bona perceperit, vel quæ mala bonis illius perverse vivendo responderit. Quod electi quidem quotidie facere omnino cessant. Unde bene Salomon ait: *Cogitationes iustorum iudicia*. Accedunt enim ad secretarium iudicis intra sinum cordis, considerant quam districtè quandoque feriat, qui diu patienter expectat. Metuunt in his, quæ se egisse meminerunt, & puniunt flendo, quod perpetrasse se intelligunt, timent subtilia divina iudicia, etiam de his, quæ in semetipsis intelligere fortasse non possunt. Vident enim videri divinitus, quod ipsi in se per humanitatem non vident. Conspiciunt districtum iudicem, qui quo tardius venit, eo severius percutit. Sanctorum etiam patrum residere conventum cum eo pariter contemplantur, eorumque vel exempla, vel dicta se

contemnisse reprehendunt, atque in hoc secreto interioris iudicii ipsa mentis suæ executione constricti pœnitendo feriunt, quod superbiendo commiserunt. Ibi namque adversum se, quidquid se impugnat enumerant, ibi ante oculos suos omne, quod desleant, coacervant. Ibi quidquid per iram districti iudicis discerni possit, intuentur: ibi tot patiuntur supplicia, quot pati timent. Nec deest in hoc iudicio mente concepto omne ministerium, quod punire reos suos plenius debeat: nam conscientia accusat, ratio iudicat, timor ligat, dolor excruciat. Quod iudicium eo certius punit, quo interiorius sævit: quia videlicet ab exterioribus non accedit. Unusquisque enim cum causam huius examinis contra se aggredi cœperit, ipse est actor qui exhibet, ipse reus, qui exhibetur. Odit se, qualem fuisse se meminit, & ipse qui est, per semetipsum insequitur illum qui fuit; atque ab ipso homine adversus semetipsum fit quædam rixa in animo, parturiens pacem cum Deo.

C A P U T XXX.

Verte impios, & non erunt.

Prov. 12, 7.

IN hóm. 32. in Evang. adiunctum est: *Verte impios, & non erunt*. CONVERSI namque impii non erunt, non quia omnino non erunt in essentia, sed scilicet non erunt impietatis culpa. Tunc ergo nosmetipsos relinquimus, tunc nosipsum abnegamus, cum mutamus quod per vetustatem fuimus: & ad hoc nitimur, quo per novitatem vocamur.

C A P U T XXXI.

In ore stulti virga superbiæ.

Prov. 24, 3.

IN expof. B. Job, l. 24. adiunctum est: *In ore stulti virga superbiæ*. QUIA videlicet percutere rigide scit, sed compati humiliter nescit. Solent etiam prædicatores iusti, auditores suos oburgando corrigere, solent in eorum vitiis districta increpatione sævire. Unde

Num. 40, & 91.

Prov. 12, 5.

Num. 23.

Eccles. 11. scriptum est : *Verba sapientium quasi stimuli : & sicut clavi in altum defixi.*

C A P U T XXXII.

Prov. 14. 17. Cor, quod novit amaritudinem animæ suæ, in gaudio illius non miscebitur extraneus.

Num. 3 & 4. **I**N expof. B. Job, l. 5. adjunctum est : Cor, quod novit amaritudinem animæ suæ, &c. IN amaritudine namque sunt corda reproborum, quia ipsis etiam pravis desideriis affliguntur; sed eandem amaritudinem nesciunt, quia pensare quod tolerant, sponte sua excæcati, non possunt. At contra, cor bonorum amaritudinem suam novit: quia ærumnam exilii, in qua projectum laceratur, intelligit: & quam sint tranquilla, quæ perdidit; quam confusa, in quibus cecidit, sentit. Sed hoc amaricatum cor ad gaudium suum quandoque reducet, atque in ejus gaudio extraneus non miscebitur: quia is, qui nunc a ab hoc mœrore cordis, foras se per desideria seculi ejicit, exclusus tunc ab illa intima ejus solemnitate remanebit. Hi itaque, qui in amaritudine animæ sunt, mori mundo funditus concupiscunt; ut, sicut in seculo ipsi nihil appetunt, ita jam a seculo nulla obligatione teneantur. Et plerumque contingit ut homo mundum mente non teneat, sed tamen mundus hominem occupationibus adstringat. Et ipse quidem mundo jam mortuus est, sed ipsi mundus adhuc mortuus non est. Quasi enim vivus adhuc mundus eum conspicit, dum alio intentum in suis actionibus rapere contendit.

C A P U T XXXIII.

Item unde supra.

Num. 23. **I**N expof. B. Job, l. 6. HUMANA etenim mens animæ suæ amaritudinem scit, cum æternæ patriæ desideriis accensa, peregrinationis suæ pœnam flendo cognoscit. Sed in ejus gaudio extraneus non

miscebitur: quia qui nunc a mœrore compunctionis alienus est, tunc particeps ad lætitiā consolationis non est. Hinc est quod in Evangelio Veritas dicit: *Amen, amen dico vobis, quia plorabitis & flebitis vos; mundus autem gaudebit, vos autem contristabimini: sed tristitia vestra vertetur in gaudium.*

Joh. 16. 20.

C A P U T XXXIV.

Est via, quæ videtur hominibus recta: novissima autem ejus ducunt ad mortem.

Prov. 14. 12.

IN expof. B. Job, l. 5. adjunctum est: *Est via, &c.* UNDE sancti viri, cum mala superant, sua etiam bene gesta formidant; ne, cum bona agere appetunt, de actionis imagine fallantur: ne pestifera tabes putredinis, sub boni specie lateat coloris. Sciunt enim, quia corruptionis adhuc pondere gravati, judicare bona subtiliter nesciunt; & cum ante oculos extremi examinis regulam deducunt, hæc ipsa, in se nonnunquam, & quæ approbant, metuunt, & tota quidem mente interna desiderant, & tamen de incertitudine trepidi, quæ gradiuntur, ignorant.

Num. 12.

C A P U T XXXV.

Corona sapientum divitiæ, fatuitas stultorum imprudentia.

Prov. 14. 24.

IN expof. B. Job, l. 22. adjunctum est: *Corona sapientum divitiæ, &c.* SI enim coronas sapientum, terra divitias diceret, proculdubio fatuitatem stultorum, paupertatem potius quam imprudentiam fateretur. Sed dum fatuitatem stultorum imprudentiam subdidit, sapientum divitias, quia prudentiam dixerit, indicavit. Has in se Paulus scientiæ divitias contemplatus, & contemplationem suam consideratione humanæ fragilitatis humilians, ait: *Habemus thesaurum istum in vasīs fictilibus.* Multas itaque apud nos divitias reperimus, cum dona abundan-

Num. 8.

2 Cor. 4. 7.

a Utic. ad hoc in errore cordis foris se ad desideria ejicit.

dantis intelligentiæ sacra eloquia investigando percipimus, atque in his plura nec tamen sibi met diversa sentimus. Non est autem secunda letitia in divinis paginis vel fortia vel multa cognoscere, sed cognita custodire. Nam qui bene intelligit, quid intelligendo operari debeat, agnoscit. Quanto enim per intellectum latius extenditur, tantum ad explenda opera enixius ligatur.

C A P U T XXXVI.

Prov. 14. 26.

In timore Domini fiducia fortitudinis.

Num. 33.

IN expof. B. Job, l. 5. adjunctum est: *In timore Domini fiducia fortitudinis*. TIMORI quippe Domini inesse fiducia fortitudinis dicitur: quia nimirum mens nostra tanto valentius terrores rerum temporalium despicit, quanto se auctori earumdem veracius per formidinem subdit. Quæ in timore Domini constituta non invenit extra, quod metuat: quia dum recto metu Conditori omnium jungitur, potestate quadam super omnia sublevatur. Fortitudo autem non nisi in adversitate ostenditur: unde & mox post fortitudinem patientia subrogatur. Tanto enim se quisque ad fortitudinem profecisse verius demonstrat, quanto aliena mala robustius tolerat. Nam minus in se convaluit, quem aliena iniquitas sternit. Qui in eo, quod ferre contrarietatem non valet, pusillanimitatis suæ gladio confusus jacet. Quia vero perfectio de

patientia nascitur, statim post patientiam, viatum perfectio subinfertur. Ille enim vere perfectus est, qui erga imperfectionem proximi impatiens non est. Nam qui alienam perfectionem ferre non valens, patientiam deserit, ipse sibi testis est, quod perfecte necdum proficit. Hinc in Evangelio Veritas dicit: *In patientia vestra possidebitis animas vestras*.

Luc. 21. 29.

C A P U T XXXVII.

Vita carniū sanitas cordis, putredo ossium invidia,

Prov. 14. 30.

IN expof. B. Job, lib. 5. adjunctum est: *Vita carniū sanitas cordis, &c. QUID* enim per vitam carnis, nisi infirma quædam ac tenera; & quid per ossa, nisi fortia acta signantur? Plerumque contingit ut quidam cum vera cordis innocentia in nonnullis suis actibus infirmi videantur, quidam vero jam quædam ante humanos oculos robusta exerceant, sed tamen erga aliorum bona intus invidiæ pestilentia latenter tabescant. Bene ergo dicitur: *Vita carniū sanitas cordis*, qui si mentis innocentia custoditur, etiam si qua foris infirma sunt, quandoque roborantur. *Putredo ossium invidia*, quia per livoris vitium ante Dei oculos pereunt, etiam quæ humanis oculis fortia videntur. Ossa quippe per invidiam putrescere, est quædam etiam robusta deperire.^a

Num. 35.

a

Finis expositionis super Proverbia.

a Post hæc verba in mss. Vaticano multa sunt attenta ex his quæ loco assignato se-

quantur, usque ad hæc: *Nihil est quod ejus erga proximum caritati contradicat.*

CAPITULA LIBRI DECIMI-TERTII.

IN CANTICA CANTICORUM.

- 1 **O**sculetur me osculo oris sui.
- 2 Adolescentula dilexerunt te.
- 3 Posuerunt me custodem in vineis: vineam meam non custodiui.
- 4 Indica mihi quem diligit anima mea, ubi pascas, ubi cubes in meridie?
- 5 Item unde supra.
- 6 Nisi cognoveris te, o pulcra inter mulieres, egredere, &c.
- 7 Donec rex in recubitu suo est, nardus mea dedit odorem suum.
- 8 Fulcite me floribus, & stipate me malis, quia amore langueo.
- 9 Vulnerata caritate ego sum.
- 10 Lava ejus sub capite meo, & dextra illius amplexabitur me.
- 11 Ecce iste venit saliens in montibus, transiliens colles.
- 12 En ipse stat post parietem nostrum, respiciens per fenestras, prospiciens per cancellos.
- 13 Surge, propterea, amica mea, formosa mea, &c.
- 14 In lectulo meo per noctem quasi illi, & non inveni.
- 15 Quasi illi, & non inveni: invenerunt me vigiles, qui custodiunt civitatem: Num quem, &c.
- 16 Item unde supra.
- 17 Item unde supra.
- 18 Item unde supra.
- 19 Item unde supra.
- 20 Item unde supra.
- 21 Quae est ista quae ascendit per desertum, sicut virgula fumi ex aromatibus myrrhae, &c.
- 22 Omnes tenentes gladios, & ad bella doctissimi.
- 23 Uniuscujusque ensis super femur suum propter timores nocturnos.
- 24 Ferculum fecit sibi rex Salomon de lignis Libani &c.
- 25 Dentes tui sicut greges detonsarum, ascendentium de lavacro.
- 26 Sicut vitta coccinea labia tua, & eloquium tuum dulce.
- 27 Duo ubera tua, sicut duo hinnuli capreae gemelli, qui pascuntur in liliis, donec aspiret dies, & inclinentur umbrae.
- 28 Coronaberis de capite Amana, & de vertice Sanir, &c.
- 29 Meliora ubera tua vino.
- 30 Mel & lac sub lingua tua.
- 31 Surge Aquilo, & veni Auster; perfla hortum meum, & fluent aromata illius.
- 32 Ego dormio, & cor meum vigilat.
- 33 Item unde supra.
- 34 Dilectus meus misit manum suam per foramen, & venter meus intremuit ad tactum illius.
- 35 Anima mea liquefacta est, ut locutus est.
- 36 Caput ejus aurum optimum.
- 37 Pulcra es, amica mea, suavis & decora, &c.
- 38 Sicut cortex mali punici generis tuae absque occultis tuis.
- 39 Quae est ista, quae progreditur quasi aurora consurgens?
- 40 Item unde supra.
- 41 Nasus tuus sicut turris, quae est in Libano.
- 42 Item unde supra.
- 43 Mane surgamus ad vineas, videamus si floruit vinea, si flores fructus parturiunt.
- 44 Quae est ista, quae ascendit dealbata?
- 45 Pone me signaculum super cor tuum.
- 46 Fortis est ut mors dilectio.
- 47 Soror nostra parvula est, & ubera non habet.
- 48 Quae habitas in hortis amici, ausculta: fac me audire vocem tuam.
- 49 Fuge, dilecte mi, fuge.

DE TESTIMONIIS IN CANTICA CANTICORUM

CAPUT PRIMUM.

Cant. 1. 1. Osculetur me osculo oris sui.

Num. 51. **I**N expof. B. Job, lib. 14. adjunctum est: *Osculetur me osculo oris sui*. SANCTA Ecclesia quot præcepta ex ejus prædicatione cognovit, quasi tot oris ejus oscula accepit. Osculum recte Conditoris sui desiderat, quæ se ei obsequi per amorem parat.

CAPUT II.

Cant. 1. 3. Adolescentulæ dilexerunt te.

Num. 2. **I** est: *Adolescentulæ dilexerunt te*. SCRIPTURA sacra sæpe adolescentiam pro novitate vitæ ponere consuevit. Unde venienti Sponso dicitur: *Adolescentulæ dilexerunt te*, id est electorum animæ gratia baptismatis renovatæ: quæ non vitæ veteris usu deficiunt, sed novi hominis conversatione decorantur.

CAPUT III.

Cant. 1. 5. Posuerunt me custodem in vineis: vineam meam non custodivi.

Num. 14. **I** est: *Posuerunt me custodem in vineis, &c.* VINEÆ quippe, nostræ actiones sunt, quas usu quotidiani laboris excolimus. Sed custodes in vineis positi, nostram vineam minime custodimus, quia dum extraneis actionibus implicamur, ministerium actionis nostræ negligimus.

CAPUT IV.

Cant. 1. 6. Indica mihi, quem diligit anima mea, ubi pascas, ubi cubes in meridie.

Num. 7. **I** est: *Indica mihi, &c.* CERVO-
RUM quippe hinnulus, Dominus appellatur, juxta assumptam carnem, antiquorum filius patrum. Ferventior vero in meridie æstus ardescit, & umbrosum locum hinnulus quærit, quem æstus igne afficit. In illis ergo

cordibus Dominus requiescit, quæ amor præsentis seculi non incendit, quæ carnis desideria non exurunt, quæ incensa suis anxietatibus in hujus mundi concupiscentiis non ardescunt. Umbrosa ergo loca in meridie ad pascendum hinnulus quærit, quia talibus mentibus Dominus pascitur, quæ per respectum gratiæ temperatæ, corporalibus desideriis non uruntur.

CAPUT V.

Item unde supra.

Num. 79. **I**N expof. B. Job, l. 30. PASCITUR quippe Dominus, cum bonis nostris actibus delectatur. Cubat vero in meridie, cum ex desideriis carnalibus ardenti corde reproborum, apud electorum suorum pectora refrigerium invenit cogitationis bonæ.

CAPUT VI.

Cant. 1. 7. Nisi cognoveris te, o pulcra inter mulieres, egredere & abi post vestigia gregum, & pascce hædos tuos.

IN expof. B. Job, l. 16. adjunctum est: *Nisi cognoveris te, o pulcra inter mulieres, &c.* ID est, nisi honorem tuum, quo ad similitudinem Dei es condita, bene vivendo cognoveris, a conspectu meæ contemplationis egredere, & imperitorum vitam imitare populorum. ^a Semetipsam namque ea, quæ est inter mulieres pulcra, cognoscit, quando electa quæque anima etiam inter peccantes posita, quod ad Auctoris sui imaginem ac similitudinem sit condita, meminit: juxta perceptæ similitudinis ordinem incedit. Quæ si se non cognoscit, egreditur: quia a secreto sui cordis expulsa, in exterioribus concupiscentiis dissipatur. Egressa vero abit post vestigia gregum, quia sua interna deferens, ^{ad}

^a Hic incipit caput in Michael.

ad latam videlicet viam ducitur, & sequitur exempla populorum. Nec jam agnos, sed hædos pascit: quia non innoxias cogitationes mentis, sed nutrire pravorum motus carnis intendit.

CAPUT VII.

Donec Rex in recubitu suo est, nardus mea dedit odorem suum.

Cant. 1. 11.

Num. 13.

IN expof. B. Job, 1. 35. adjunctum est: *Donec Rex in recubitu suo est, &c.* AC si aperte dicat: Quousque meis obtutibus Rex apud se in requie secreti cœlestis absconditur, electorum vita miris virtutum odoribus exercetur, ut quo adhuc eum quem appetit, non videt, ardentius per desiderium flagret. Rege quippe in recubitu suo posito, nardus odorem dat, dum quiescente in sua beatitudine Domino, Sanctorum virtus in Ecclesia magnæ nobis gratiam suavitatis administrat.

CAPUT VIII.

Fulcite me floribus, & stipate me malis: quia amore langueo.

Cant. 2. 5.

Num. 9.

IN comment. in Ezech. 1. 2. hom. 3. adjunctum est: *Fulcite me floribus, &c.* QUID namque sunt flores, nisi animæ bonum jam opus incoantes, & desiderium cœleste redolentes? Quid mala de floribus, nisi perfectæ jam bonorum mentes, quæ ad fructum perveniunt boni operis, de initio sanctæ propositionis? Quæ ergo amore languet, fulciri querit floribus, stipari malis: quia si illum, quem desiderat videre, adhuc non permittitur, magna ei est consolatio, si de aliorum profectibus lætetur. Anima ergo sancto amore languida, floribus malisque fulciatur, ut requiescat in bono opere proximi, quæ adhuc contemplari non valet vul-tum Dei.

CAPUT IX.

* *Vulnerata caritate ergo sum.*

Cant. 2. 5.

* Juxta 70.

Num. 42.

IN expofit. B. Job, 6. adjunctum est: *Vulnerata caritate ergo sum.* MALE enim sana anima, atque in

exilii hujus cæca securitate prostrata, nec videbat Dominum, nec videri requirebat a Domino. Percussa autem caritatis ejus spiculis, vulneratur in intimis affectu pietatis, ardet desiderio contemplationis, & miro modo vivificatur ex vulnere, quæ prius mortua jacebat in salute. Æt tuat, anhelat, etiam videre desiderat quem fugiebat. Percussione ergo ad salutem reducit, quæ ad securitatem quietis intimæ amoris sui perturbatione revocatur. Sed cum sauciata mens anhelare in Deo cœperit, cum cuncta mundi hujus blandimenta despiciens, ad supernam patriam per desiderium tendit, ad temptationem ei protinus vertitur quidquid amicum prius in seculo, blandumque putabatur. Nam qui peccantem amare consueverant, recte viventem crudeliter impugnant; & re-ctus in Deo animus carnis suæ bella tolerat, in qua prius vitiis serviens delectabiliter jacebat. Voluptates priscæ ad memoriam redeunt, & contradicentem mentem gravicertamine affligunt. Sed dum transitorio labore atterimur, a perpetuo dolore liberamur.

CAPUT X.

Læva ejus sub capite meo, & dextera illius amplexabitur me.

Cant. 2. 6.

IN cod. Reg. Past. part. 3. adjunctum est: *Læva ejus sub capite meo, &c.* SINISTRAM Dei, prosperitatem videlicet vitæ præsentis, quasi sub capite posuit, quam intentione summi amoris premit. Dextera vero Dei eam amplectitur, quia sub æterna ejus beatitudine tota devotione continetur.

Cap. 26

Admon. 27.

CAPUT XI.

Ecce iste venit saliens in montibus, & transfiliens colles.

Cant. 2. 8.

IN expof. Evang. in hom. 29. adjunctum est: *Ecce venit saliens in montibus, &c.* CONSIDERAVIT namque tantorum operum culmina, & ait: *Ecce iste venit saliens in montibus.*

Num. 10.

ribus. Veniendò quippe ad redemptionem nostram, quosdam, ut ita dixerim, saltus dedit. De cælo venit in uterum, de utero venit in præsepe, de præsepe venit in crucem, de cruce venit in sepulcrum, de sepulcro rediit in cælum. Ecce, ut nos post se currere faceret, quosdam pro nobis saltus manifestata per carnem Veritas dedit.

CAPUT XII.

Cant. 2. 9. En ipse stat post parietem nostrum, respiciens per fenestras, prospiciens per cancellos.

Num. 15.

IN expof. Ezech. lib. 2. homil. 1. adjunctum est: *En ipse stat post parietem nostrum, &c.* QUI enim humanis oculis hoc, quod de mortali natura assumpsit, ostendit, & in ipso invisibilis permansit in aperto se videre quærentibus, quasi post parietem stetit: quia videndum se manifesta majestate non præbuit. Quasi enim post parietem stetit, qui humanitatis naturam, quam assumpsit, ostendit, & divinitatis naturam humanis oculis occultavit. Unde & illic subditur: *Respiciens per fenestras, prospiciens per cancellos.* Quisquis enim per fenestras, vel per cancellos respicit, nec totus latet, nec totus videtur. Sic nimirum Redemptor noster ante dubitantium oculos factus est, quia si miracula faciens nil pertulisset ut homo, plene eis apparuisset Deus: & rursus humana patiens, si nulla fecisset ut Deus, putaretur purus homo. Sed quia & divina fecit, & humana pertulit, quasi per fenestras, vel per cancellos ad homines prospexit, ut Deus appareret ex miraculis, & lateret ex passionibus; & homo cerneretur ex passionibus, sed tamen esse ultra homines ex miraculis agnosceretur.

CAPUT XIII.

Surge, propera, amica mea, forma mea, & veni: jam enim hiems transit, imber abiit, & recessit. *Cant. 2. 12.*

IN expof. B. Job, l. 27. adjunctum est: *Surge, propera, amica mea, &c.* TRANSEUNTE hieme, imber recedit: quia cum vita præsens peragitur, in qua nos ignorantia nubilo carnis corruptibilis torpor adstrinxerat, omne ministerium prædicationis cessat. Clarius quippe per nos tunc videbimus hoc quod Sanctorum nunc vocibus obscurius audimus.

CAPUT XIV.

In lectulo meo per noctem quasiivi illum, & non inveni. *Cant. 3. 5.*

IN expof. B. Job, l. 8. adjunctum est: *In lectulo meo per noctem quasiivi illum &c.* IN lectulo quippe, & per noctem dilectus quæritur; quia nimirum invisibilis Conditoris species repressa omni corporeæ visionis imagine, in cubili cordis invenitur.

CAPUT XV.

Quasiivi illum, & non inveni. Invenuerunt me vigilantes qui custodiunt civitatem: Num quem diligit anima mea vidistis? Cum paululum pertransissem eos, inveni quem diligit anima mea. *Cant. 8. 3.*

IN expof. Evang. hom. 25. adjunctum est: *Quasiivi illum, & non inveni, &c.* DILECTUM in lectulo quærimus, quando in præsentis vitæ aliquantula requie, Redemptoris nostri desiderio suspiramus. Per noctem quærimus: quia etsi jam in illo mens vigilat, tamen adhuc oculus caligat. Sed qui dilectum suum non invenit, restat ut furgat, & civitatem circumeat, id est sanctam electorum Ecclesiam mente & inquisitione percurrat. Per vicos eum & in plateis quærat, id est per angusta & lata gradientes aspi-

a Abest a Michael. in quo solo legimus Patricii incubrationem in Cantica, Tom. XIV.

K k k

aspiciat, ut si qua invenire in eis valeat, ejus vestigia exquirat: quia sunt nonnulli etiam vitæ secularis, qui imitandum aliquid habeant de actione virtutis. Quærentes autem nos vigiles inveniunt, qui custodiunt civitatem: quia sancti Patres, qui Ecclesiæ statum custodiunt, bonis nostris studiis occurrunt, ut suo vel verbo, vel scripto nos doceant. Quos cum paululum pertransimus, invenimus quem diligimus: quia Redemptor noster, et si humilitate homo inter homines, divinitate tamen super homines fuit. Cum ergo trans-euntur vigiles, dilectus invenitur: quia cum Prophetas & Apostolos infra ipsum esse conspiciamus, illum qui natura Deus est, esse supra homines consideramus. Prius ergo non inveniendus quæritur, ut post inventus, strictius teneatur.

^a C A P U T XVI.

Item unde supra.

Num. 4.

IN expof. B. Job, l. 27. **DILECTUS** in lectulo per noctes quæritur, quia intra secreta cordis cubilia, in tribulatione spiritus defideratur. Quem tamen quærens Sponsa non invenit: quia electa quæque anima jam quidem amoris ejus facibus flagrat, sed adhuc quæriti negatur species, ut amantis defiderium crescat. Et quasi in siti aqua subtrahitur, ut ejusdem sitis æltus augeatur: & quo hanc diutius sitiens defiderat, eo quandoque, cum invenerit, avidiusumat. Sed hanc quærentem vigiles inveniunt, eamque vulnerant, & ejus pallium tollunt: quia unamquamque animam Redemptoris sui jam speciem requirentem, cum solliciti doctores inveniunt, hanc per prædicationis verbum cœlestis amoris speculis vulnerant. Et, si quod ei adhuc de vetusta conversatione regmen inest, subtrahunt: ut quo exuta ab hujus mundi onere

reddatur, eo, is qui quæritur, ab illa citius inveniat.

C A P U T XVII.

Item unde supra.

Num. 11.

IN comment. Ezech. hom. 19. **I**N lectulo enim dilectum quærit, quando in ipso suo otio, & vacatione, quam appetit, jam videre anima Dominum concupiscit, jam ad eum exire desiderat, jam carcere præsentis vitæ tenebris anhelat. Sed quærit illum, & non invenit: quia quamvis magno amore desideret, adhuc tamen ei videre non conceditur, quem amat.

C A P U T XVIII.

Item unde supra.

Num. 6.

IN expof. B. Job, l. 5. **ABSCON-DIT** se Sponsus cum quæritur, ut non inventus ardentius quærat, & differtur quærens Sponsa, ne inveniat, ut tarditate sua capacior reddita, multiplicius quandoque inveniat quod quærebat.

C A P U T XIX.

Item unde supra.

Num. 60.

IN expof. B. Job, l. 18 **QUOS** vigiles qui civitatem custodiunt, nisi priores Patres vel Prophetas accipimus, qui studuerunt ad custodiam nostram sanctæ prædicationis voce vigilare? Sed cum Redemptorem suum Ecclesia quæreret, in ipsis antiquis prædicatoribus spem figere noluit, quæ dicit: *Paululum cum pertransissem eos, invenit quem diligit anima mea.* Illum quippe invenire non potuisset, si istos pertransire noluisse. In istis se collodibus infideles fixerant, qui Christum Dei filium unum quemlibet esse illorum credebant. Voce igitur ac fide Petri inventos vigiles, sancta Ecclesia transiit, quæ prophetarum Dominum unum quemlibet ex Prophetis credere contempsit.

C A-

^a Non habetur in mss.

C A P U T XX.

Item unde supra.

Num. 90.

IN exposit. B. Job, l. 27. PAULUM cum pertransissem eos, inveni quem diligit anima mea : Quia visionis ejus mens avida nisi Prophetarum æstimationem, nisi Patriarcharum celsitudinem, nisi cunctorum hominum mensuram transcenderet, eum qui est super homines, non inveniret. Transire ergo vigiles, est etiam eos quos miratur anima, in ejus comparatione postponere : & tunc is qui querebatur, cernitur, si homo quidem, sed tamen extra mensuras hominum credatur.

C A P U T XXI.

Cant. 3. 6.

Quæ est ista, quæ ascendit per desertum, sicut virgula fumi ex aromatibus myrrhæ, & thuris, & universi pulveris pigmentarii?

Num. 54.

IN exposit. B. Job, l. 1. adjunctum est : *Quæ est ista, quæ ascendit per desertum, &c.* SANCTA Ecclesia sicut fumi virgula ex aromatibus ascendit, quia ex vitæ suæ virtutibus in interni quotidie incensi rectitudinem proficit, nec sparsa per cogitationes defluit, sed sese intra arcana cordis in rigoris virga constringit. Quæ ea quæ agit, dum recogitare semper ac retractare non desinit, myrrham quidem & thus habet in opere, sed pulverem in cogitatione.

C A P U T XXII.

Cant. 3. 7. *Omnes tenentes gladios, & ad bella doctissimi.*

Num. 56.

IN exposit. B. Job, l. 19. adjunctum est : *Omnes tenentes gladios, &c.* QUID in divina Scriptura per gladium figuretur, Paulus aperuit, dicens : *Et gladium spiritus, quod est verbum Dei.* Salomon autem non ait : Omnes habentes gladios, sed tenentes ; quia videlicet verbum Dei non est mirabile solummodo scire, sed facere. Habet quippe, sed non

tener gladium, qui divinum quidem eloquium novit, sed secundum illud vivere negligit : & doctus esse ad bella jam non valet, qui spiritua-
a. lem, quem habet, gladium minime exercet : Nam resistere tentationibus omnino non sufficit, qui hunc verbi Dei tenere gladium male vivendo postponit.

C A P U T XXIII.

Uniuscujusque ensis super femur suum Cant. 3. 8. propter timores nocturnos.

IN exposit. B. Job, l. 10. adjunctum est : *Uniuscujusque ensis super femur suum, &c.* NOCTURNI quippe timores, sunt insidiæ tentationis occultæ. Ensis autem super femur, est custodia vigilans, carnis illecebras premens. Ne ergo nocturnus timor, id est occulta & repentina tentatio subrepat, semper necesse est ut femur nostrum superpositus custodiæ ensis premat. Sancti etenim vici fide specerti sunt, ut tamen semper sint de tentatione suspecti : quippe quibus dicitur : *Servate vite Domino in timore, & exsultate ei cum tremore.*

C A P U T XXIV.

Ferculum fecit sibi rex Salomon de lignis Libani. Columnas ejus fecit argenteas, reclinatorium aureum, ascensum purpurem, media caritate constravit propter filias Jerusalem. Cant. 3. 9. 10.

IN commentario Ezech. lib. 2. hom. 3. adjunctum est : *Ferculum fecit sibi rex Salomon de lignis Libani, &c.* NEQUE enim credendum est Salomone tantæ magnitudinis regem, qui sic immentis divitiis affluebat ut pondus auri ejus æstimari non posset, & argentum in diebus illis pretium non haberet, quia ferculum sibi ligneum fecit. Sed est Salomon, videlicet pacificus noster, qui sibi de lignis Libani ferculum fecit. Libani quippe ligna cedrina valde sunt imputribilia. Ferculum itaque regis nostri sancta Ecclesia est, quæ de fons
Kkk 2. tie.

tibus patribus, id est de imputribilibus mentibus est constructa. Quæ recte ferculum dicitur: quia ipsa fert quotidie animas ad æternum convivium Conditoris sui. Cui ferculo columnæ argenteæ factæ sunt: quia prædicatores Ecclesiæ sanctæ, eloquii luce resplendent. Est autem cum columnis argenteis reclinatorium aureum: quia per hoc quod a sanctis prædicatoribus lucide dicitur, mentes audientium fulgorem claritatis animæ, in qua reclinantur, inveniunt. Per hoc enim quod luculente & aperte audiunt, in illud, quod clarescit, in corde requiescunt. Columnæ ejus argenteæ, & reclinatorium aureum factum est: quia per lucem sermonis invenitur apud animum claritas quietis. Illius jam quippe fulgor internus mentem irradiat, ut per intentionem ibi requiescat, ubi prædicationis gratia non quærebatur. Sed ad hoc, quod clarum intus ostenditur, qualis sit ascensus adjungit, cum de eodem ferculo protinus subdit: *Ascensum purpureum*. Vera quippe purpura, quia de sanguine tingitur, non immerito in colore sanguinis videtur: quia maxima multitudo fidelium in exordio nascentis Ecclesiæ per martyrii sanguinem pervenit ad regnum. Rex noster ascensum purpureum fecit in ferculo, quia ad clarum, quod intus aspicitur, per tribulationem sanguinis pervenitur. Quid ergo nos miseri, atque ab omni fortitudine destituti, quid acturi sumus? Ecce in hoc ferculo columnæ esse non possumus: quia in nobis nec fortitudo operis, nec lumen emicat prædicationis. Reclinatorium aureum non habemus, quia necdum sicut oportet, per intellectum, spiritualem requiem internæ claritatis aspicimus. Ascensus purpureus non sumus: quia pro Redemptore nostro fundere sanguinem non valemus. Quid ergo de nobis agendum est? quæ spes erit, si nullus ad regnum pervenit, nisi

qui summis præditus virtutibus fuerit? Sed adest quoque nostra consolatio. Amemus, in quantum possumus, Deum; diligamus proximum, & simul quoque nos ad Dei ferculum festinemus: quia sicut illic scriptum est, *Media caritate constravit*. Habe quippe caritatem, & ibi sine dubio pertinges, ubi & columna argentea erigitur, & ascensus purpureus tenetur. Tamen quia hoc propter nostram infirmitatem dicitur, aperte monstratur, cum illic protinus subditur: *Propter filias Jerusalem*. Sermo etenim Dei, qui non filios, sed filias dicit, quid aliud per sexum femineum, quam mentium infirma signavit? Quod ergo illic inter columnas argenteas reclinatorium aureum, & ascensum purpureum inesse media caritas dicitur, propter filias Jerusalem, hoc hic inter thalamos per quinque cubitos designatur: quia & qui in virtutibus infirmantur, si ipsi bona quæ possunt facere cum caritate non negligunt, a Dei ædificio alieni non sunt.

C A P U T XXV.

Dentes tui sicut greges detonsarum ascendentium de lavacro. Cant. 4. 20.

IN exposit. B. Job, l. 33. adjunctum est: *Dentes tui sicut greges*, &c. Num. 47. NON immerito Sancti detonsis ac lotis ovibus comparantur; quia in nocuam vitam sumentes, in lavacro baptismatis, conversationis pristina vellera vetusta posuerunt.

C A P U T XXVI.

Sicut vitta coccinea labia tua, eloquium tuum dulce. Cant. 4. 10.

IN exposit. B. Job, lib. 2. adjunctum est: *Sicut vitta coccinea labia tua*, &c. VITTA quippe crines capitis adstringit. Labia ergo Sponsæ sicut vitta sunt: quia exhortatione sanctæ Ecclesiæ, cunctæ in auditorum mentibus diffusæ cogitationes ligantur; ne amissæ defluant, ne sese per illicita spargant, ne sparsæ cordis oculos deprimant, sed quasi

ad unam se intentionem colligant; dum vitta eas sanctæ prædicationis ligat. Quam recte & coccineam asferit: quia Sanctorum prædicatio solo caritatis ardore flammescit. Quid vero per caput, nisi ea quæ principale uniuscujusque actionis est, mens ipsa signatur? ut & alias dicitur: *Et oleum de capite tuo non deficiat*. Oleum quippe in capite, est caritas in mente: & a capite oleum non deficit, cum caritas a mente non discedit.

CAPUT XXVII:

Cant. 4. 5. Duo ubera tua sicut duo hinnuli capreæ gemelli, qui pascuntur in liliis, donec aspiret dies, & inclinentur umbræ.

IN expof. B. Job, l. 24. adjunctum est: *Duo ubera tua sicut hinnuli capreæ gemelli, &c.* QUÆ sunt duo ubera, nisi ex Judæa & Gentilitate veniens uterque populus, qui in sanctæ Ecclesiæ corpore per intentionem sapientiæ arcano est cordis infixus? Ex quo populo hi, qui electi sunt, idcirco capreæ hinnulis comparantur, quia per humilitatem quidem parvos sese ac peccatores intelligunt, sed eis per caritatem currentibus, si qua obstacula de impedimento temporalitatis obviant, transeunt: & datis contemplationum saltibus, ad superna conscendunt: quia ut hæc agant, præcedentium Sanctorum exempla conspiciunt. Unde & in liliis pasci referuntur. Quid enim per lilia, nisi illorum vita declaratur, qui veraciter dicunt: *Christi bonus odor sumus Deo*? Electi ergo ut assequi summa prævaleant, conspecta odorifera & candida justorum vita satiantur. Jam quidem videre Dominum sitiunt, jam de ejus contemplatione satiari caritatis æstibus inardescunt. Sed quia in hac vita positi, necdum valent, per præcedentium interim patrum exempla pascuntur. Unde & apte illic tempus de ipso liliorum pastu definitur, dum dicitur: *Donec*
Tom. XIX.

aspiret dies, & inclinentur umbræ. Tamdiu quippe refici justorum exemplis indigemus, donec præsentis mortalitatis umbras, æterno die aspirante, transeamus. Cum enim hujus temporalitatis umbra, transacta hac mortalitate, fuerit inclinata: quia ipse diei internum lumen cernimus, nequaquam jam appetimus, ut ad amorem ejus per aliorum exempla flagremus. Nunc autem, quia necdum eum intueri possumus, summopere necesse est, ut eorum, qui illum perfecte secuti sunt, conspectis actionibus incitemur. Intueamur ergo quam pulcra est agilitas sequentium, & videamus quam turpis hebetudo pigrorum. Statim namque ut bene agentium gesta respicimus, nosmet ipsos, confusione intima ulciscente, judicamus. Mox verecundia mentem concutit, mox juste sæviens reatus addicit; & vehementer hoc etiam displicet, quod adhuc fortasse turpiter libet.

CAPUT XXVIII.

Coronaberis de capite Amana, de vertice Sanir & Hermon, de cubilibus leonum. *Cant. 4. 8.*

IN expof. B. Job, lib. 17. adjunctum est: *Coronaberis de capite Amana, &c.* QUID aliud leonum nomine, quam dæmonia signantur, quæ ira contra nos atrocissimæ crudelitatis insæviunt? quia & peccatores ad fidem vocati sunt, quorum corda leonum cubilia fuerunt, dum vicisse mortem Dominus eorum confessione creditur, quasi de leonum cubilibus coronatur. Remuneratio quippe victoriæ corona est. Toties ergo ei coronam fideles offerunt, quoties hunc vicisse mortem ex resurrectione confitentur.

CAPUT XXIX.

Meliora ubera tua vino. *Cant. 4. 10.*

IN expof. B. Job, lib. 30. adjunctum est: *Meliora ubera tua vino*. UBERA sunt, quæ in arca peccatoris fixa, lacte nos potant: quia

Prædicatores arcanis summæ contem-
plationis inhærentes, subtili prædi-
catione nos nutriunt.

C A P U T XXX.

Cant. 4. 11.

Mel & lac sub lingua tua.

Num. 13.

IN expos. B. Job, l. 15. adjunctum
est: *Mel & lac sub lingua tua.*
SICUT plerique iustorum, cum
quosdam agere perverse conspiciunt
qui duris sunt increpationibus fe-
riendi, in lingua asperitatem su-
munt, sed sub lingua mentis suæ
benignitatem contegunt. Unde & san-
ctæ Ecclesiæ Sponsi voce dicitur:
Mel & lac sub lingua tua. Qui
enim mentis suæ dulcedinem aperi-
re infirmis nolunt, sed loquentes
quadam eos asperitate feriunt, &
tamen inter verba aspera quasi la-
tenter quiddam dulcedinis intermit-
tunt, hi videlicet non in lingua,
sed sub lingua habent dulcedinem:
quia inter dura, quæ proferunt, e-
mittunt quædam blanda, & dulcia,
quibus contristati mens possit ex be-
nignitate refoveri. Ita perversi quip-
pe, quia malum non in lingua, sed
sub lingua habent, sermonibus dul-
cia prætendunt, & cogitationibus
perversa moliuntur.

b

C A P U T XXXI.

Cant. 4. 26.

*Surge Aquilo, & veni Auster: per-
fla hortum meum, & fluant
aromata illius.*

Num. 17.

IN expos. B. Job, lib. 9. adjun-
ctum est: *Surge Aquilo, & ve-
ni, &c.* QUID nomine Austri, nisi
fervor sancti Spiritus designatur? quo
dum repletus quisque fuerit, ad a-
morem patriæ spiritualis ignescit. Un-
de & Sponsi voce in canticorum
Canticis dicitur: *Surge Aquilo, &
veni Auster: perfla hortum meum,
& fluant aromata illius.* Austro
quippe veniente, Aquilo surgens re-
cedit, cum adventu sancti Spiritus

expulsus antiquus hostis, qui in tor-
pore mentem constrinxerat, deserit.
Atque hortum Sponsi Auster per-
flat, ut aromata defluant: quia ni-
mirum, dum sanctam Ecclesiam do-
norum suorum virtutibus Spiritus
veritatis impleverit, ab ea longe la-
teque odores boni operis spargit.

C A P U T XXXII.

Ego dormio, & cor meum.

vigilat.

Cant. 5. 2.

DUM de somno tribus modis in
Scriptura sacra accepto tracta-
retur, in expos. B. Job, lib. 5.
adjunctum est: *Ego dormio, &c.* SCI-
ENDUM est, quod in sacra Scriptura
tribus modis somnus accipitur. Ali-
quando somno mors carnis, aliquan-
do torpor negligentiae, aliquando cal-
catis terrenis desideriis quies vitæ
exprimitur. Somni namque vel dor-
mitionis nomine, carnis mors inti-
matur, sicut Paulus ait: *Nolo vos
ignorare, fratres, de dormientibus.*
Et paulo post: *Ita & Deus eos, qui
dormierunt per Jesum, adducet cum
eo.* Somno rursus torpor negligentiae
designatur, sicut ab eodem Paulo
dicitur: *Hora est jam nos de somno
surgere.* Et rursus: *Evigilate iusti,
& nolite peccare.* Somno quoque
calcatis carnis desideriis, vitæ quies
figuratur, sicut Sponsæ voce in Can-
ticis canticorum dicitur: *Ego dormio,
& cor meum vigilat:* quia videlicet
sancta mens quo se a strepitu tem-
poralis concupiscentiae comprimit, eo
verius interna cognoscit: & tanto
alacrius ad intima vigilat, quanto se
ab exteriori inquietudine occultat.

1. Thess. 4. 12.

Rom. 13. 34.
1. Cor. 15. 34.

C A P U T XXXIII.

d

Item unde supra.

IN expos. B. Job, l. 23. QUI ex-
terioribus officiis inoffense deser-
viunt, & ad secreta cordis currere
incessabiliter curant, vocem Dei quasi
per

Num. 38.

a Ad hæc verba incipit caput in ms.

b Caput hoc longe proximius est in ms.

c In ms. versus hujus explicatio desumi-
tur ex hom. 14. in Ezech. *vigilanti corde
dormit, &c.* usque ad verba *& post ad vi-*

sionis ejus gloriam pertingat.

d Caput hoc cum plerisque sequentibus
deest in ms. ubi quatuor dumtaxat supersunt
capita.

per somnium audiunt, dum in meditatione mentis a carnalibus motibus abstrahuntur. Hinc est quod Sponsa in Canticis canticorum ait: *Ego dormio, & cor meum vigilat.* Ac si diceret: Dum exteriores sensus ab hujus vitæ sollicitudinibus sopio, vacante mente vivacius interna cognosco. Foris dormio, sed intus cor vigilat: quia dum exteriora quasi non sentio, interiora solerter apprehendo.

CAPUT XXXIV.

Cant. 5. 5. Dilectus meus misit manum suam per foramen, & venter meus intremuit ad tactum ejus.

Num. 10.

IN comment. Ezech. lib. 2. hom. 7. adjunctum est: *Dilectus meus misit manum suam per foramen, &c.* DILECTUS manum per foramen mittit, quando virtute sua Dominus nostrum animum per subtilem intellectum pulsat. Et venter in tactu illius contremiscit: quia infirmitas nostra per hoc, quod cœlestis gaudii intellectu tangitur, ipsa exultatione turbatur: & fit in mente pavor cum lætitia: & si jam sentit quid de cœlesti gaudio diligit, adhuc metuit^a ne non percipiat quod vix tenuiter sentit. Quid igitur restat, nisi ut se ad perfectioris vitæ cursum dirigant omnes, qui illa gaudia patriæ cœlestis agnoscunt?

CAPUT XXXV.

Cant. 5. 6.

Anima mea liquefacta est.

Num. 2.

IN expof. Ev. hom. 25. adjunctum est: *Anima mea liquefacta est.* MENS namque hominis, Conditoris sui speciem non quærentis male dura est, quia in semetipsa remanet frigida: at si ardere jam ex desiderio cœperit, ad sequendum quem diligit liquefacta per ignem amoris currit.

CAPUT XXXVI.

Caput ejus aurum optimum.

Cant. 5. 11.

Num. 26.

IN expof. B. Job, lib. 34. adjunctum est: *Caput ejus aurum optimum.* AURI appellatione in sacro eloquio aliquando divinitatis claritas, aliquando splendor supernæ civitatis, aliquando claritas, aliquando nitor gloriæ secularis, aliquando pulcritudo sanctitatis accipitur. Auri enim nomine, ipsa intima divinitatis claritas designatur, sicut in canticorum Canticis Sponsi species describitur: *Caput ejus aurum optimum:* quia caput Christi Deus, nil vero est in metallis auro fulgentius. Sponsi caput aurum dicitur, quia ejus humanitas ex divinitatis suæ nobis claritate principatur. Rursum auri nomine splendor supernæ civitatis accipitur, sicut hanc Johannes se vidisse testatur, dicens: *Ipsa civitas aurum mundum simile vitro mundo.* Aurum namque ex quo illa civitas constat, simile vitro dicitur; ut & per aurum clara, & per vitrum perspicua designetur. Rursusque auri nomine caritas intimatur, sicut Angelum, quem sibi loqui idem Johannes aspexit, ad mamillas zona aurea cinctum vidit: quia nimirum supernorum civium pectora dum pœnali jam nequaquam timori subiecta sunt, atque a se vicissim nulla scissione solvuntur, ex sola se caritate constringunt. Zonam vero auream circa mamillas habere, est cunctos mutabilium cogitationum motus per solius jam amoris vinculum restringere. Rursus auri nomine nitor gloriæ temporalis exprimitur, sicut per Prophetam dicitur: *Calix aureus* *Babylon.* Quid enim Babylonis nomine, nisi hujus mundi gloria designatur? quæ calix aureus dicitur: quia dum pulcra esse temporalia ostentat, stultas mentes in sua con-

Apoc. 22. 12.

Apoc. 2.

Jerem. 51. 7.

cu-

^a Editi, ne non pereat; gravi errore quem alias emendavimus: occurrit enim hom. 19. seu lib. 2. hom. 7. in cod. Vatic. Guss.

&c. Mss. codices vero habent *recipiat*, antequam percipiat, quod hic lego in cod. Michael.

cupiscentia debriat, ut speciosa temporalia appetant, & invisibilia pulcra contemnant. Hoc aureo calice prima sponte sua Eva debriata est: de qua hystoriæ Veritas dicit: *Quia cum vetitum lignum concupisceret, vidit quod esset pulcrum visu, aspectuque delectabile, & comedit.* Aureus ergo Babylon calix est, quia dum visum exterioris pulcritudinis ostendit, sensum internæ rectitudinis subtrahit. Rursum auri nomine splendor sanctitatis accipitur. Sicut Judaicum populum a splendore justitiæ ad nequitie tenebras commutatum Jeremias deplorat, dicens:

Thren. 4. 2. Quomodo obscuratum est aurum, mutatus est color optimus? Sicut enim superius diximus, aurum obscuratur, cum consequentibus iniquitatum tenebris, justitiæ pulcritudo deseritur: color optimus mutatur, cum splendor innocentie in scditatem vertitur culpæ.

C A P U T XXXVII.

Can. 6. 3. Pulcra es amica mea, suavis, & decora sicut Jerusalem, terribilis ut castrorum acies ordinata.

*Nom. 6. 7. I*n commen. Ezech. hom. 8. ad junctum est: *Pulcra es amica mea, &c.* QUIA Jerusalem pacis visio interpretatur, cujus nomine patria cœlestis exprimitur, sancta Ecclesia suavis & decora ut Jerusalem dicitur: quia ejus vita & desiderium visioni jam pacis intimæ comparatur; ut in eo, quod auctorem suum diligit, quod ejus speciem videre concupiscit, de quo scriptum est: *In quem desiderant Angeli prospicere:* per ipsa jam amoris sui desideria Angelis similis dicitur. Quæ quantum Deo amabilis efficitur, tanto agitur ut malignis spiritibus terribilis fiat. Qualiter autem sit terribilis subjuncta comparatione ostenditur, id est ut castrorum acies ordinata. Quid est quod sancta Ecclesia ab hostibus suis, ut ca-

strorum acies, sit timenda? non enim a magno intellectu vacat ista comparatio, & idcirco est subtiliter intuenda. Scimus enim & constat, quia castrorum acies, tunc hostibus terribilis ostenditur, quando ita fuerit constipata atque densata, ut in nullo loco interrupta videatur: nam si ita disponitur, ut locus vacuus, per quem hostis possit ingredi, dimittatur, profecto jam suis hostibus terribilis non est. Et nos ergo cum contra malignos spiritus, spiritualis certaminis aciem ponimus, summo opere necesse est ut per caritatem semper uniti atque constricti, nunquam interrupti per discordiam inveniamur: quia quælibet bona in nobis opera fuerint, si caritas desit, per malum discordiæ locus aperitur in acie, unde ad feriendos nos hostis valeat intrare. * Antiquus vero inimicus castitatem in nobis, si sine caritate fuerit, non timet: quia ipse nec carne premitur, ut in ejus luxuria dissolvatur. Abstinenciam non timet: quia ipse cibo non utitur, quia necessitate corporis non urgetur. Distributionem terrenarum rerum non timet, si eidem operi caritas desit, quia divitiarum subsidii nec ipse eget. Valde autem in nobis caritatem veram, id est amorem humilem, quem nobis vicissim impendimus, timet, & nimis concordie nostræ invidet; quia hanc nos tenemus in terra, quam ipse tenere nollens amisit in cœlo. Bene ergo dicitur: *Terribilis ut castrorum acies ordinata:* quia electorum multitudinem eo maligni spiritus pertimescunt, quo eos per caritatis concordiam munitos contra se & conglobatos aspi- ciunt.

C A P U T XXXVIII.

Sicut cortex mali punici genæ tuæ absque occultis tuis. *Can. 6. 9.*

*Nom. 8. I*n commentario Ezech. lib. 2. hom. 4. adjunctum est. *Sicut cor.*

* Hic absolvitur hoc caput, & prima pars expositionis Paterii, in cod. Michael.

cortex mali punici genæ tuæ absque oculis tuis. GENÆ quippe sunt sanctæ Ecclesiæ spirituales patres : qui nunc in ea miraculis coruscant, & velut in ejus facie venerabiles apparent. Cum enim videmus multos mira agere, ventura prophetare, mundum perfecte relinquere, cœlestibus desideriis ardere, sicut cortex mali punici sanctæ genæ rubent.

C A P U T XXXIX.

Cant. 6. 9. Quæ est ista, quæ progreditur quasi aurora consurgens?

Num. 19. **I**N expos. B. Job, lib. 4. adjutum est: *Quæ est ista, &c.* AURORA Ecclesia dicitur, quæ a peccatorum suorum tenebris ad lucem justitiæ permutatur. Unde hanc Sponsus in canticorum Canticis miratur, dicens: *Quæ est ista quæ progreditur quasi aurora consurgens?* Quasi aurora quippe electorum surgit Ecclesia, quæ pravitatis pristinæ tenebras deserit, & sese in novi luminis fulgorem convertit. In illa igitur luce quæ in districti judicis adventu monstratur, corpus damnati hostis ortum surgentis auroræ non videt: quia cum districtus judex ad retributionem venerit, iniquus quisque suorum caligine meritorum pressus, quanta claritate sancta Ecclesia in intimum lumen cordis surgat, ignorat. Tunc namque electorum mens in altum rapitur ut divinitatis radiis illustretur: & quo ejus respectu perfunditur, eo ultra se, gratia coruscante, sublevatur. Tunc sancta Ecclesia plena aurora fit, cum mortalitatis atque ignorantie tenebras funditus amittit. In judicio ergo adhuc aurora est, sed in regno dies: quia etsi jam cum restauratione corporum lumen videre in judicio incoat, ejus tamen visum plenius in regno colummat. Ortus itaque auroræ, est exordium clarescentis Ecclesiæ; quem videre nequeunt reprobi: quia a conspectu districti judicis, malorum suorum pondere

pressi, ad tenebras pertrahuntur.

C A P U T XL.

Item unde supra.

Num. 2. 3.

IN expos. B. Job, l. 29. SANCTA Ecclesia cœlestis vitæ præmia appetens, aurora vocata est: quia dum peccatorum tenebras deserit, justitiæ luce fulgescit. Habemus tamen subtilius aliquid, quod considerata qualitate diluculi vel auroræ, pensemus. Aurora namque vel diluculum noctem præterisse nuntiant, nec tamen diei claritatem integram ostentant: sed dum illam pellunt, hanc suscipiunt, lucem tenebris mixtam tenent. Quid itaque in hac vita omnes, qui veritatem sequimur, nisi aurora vel diluculum sumus? Quia & quædam jam, quæ lucis sunt agimus; & tamen in quibusdam, adhuc tenebrarum reliquiis non caremus.

C A P U T XLI.

Nasus tuus sicut turris, quæ est in Libano. *Cant. 7. 4.*

Libano.

IN expos. B. Job, l. 31. adjutum est: *Nasus tuus sicut turris, &c.* QUID per nasum, nisi provida Sanctorum discretio designatur? Turris vero speculationis in altum ponitur, ut hostis veniens a longe videatur. Recte ergo nasus Ecclesiæ turri in Libano similis dicitur: quia Sanctorum provida discretio, dum sollicitè circumquaque conspiciat, in altum posita, priusquam veniat culpa, deprehendit, eamque quo vigilantius prænotat, eo fortius declinat.

C A P U T XLII.

Item unde supra.

IN commentario Ezech. hom. 17. **Q**UID per nasum, nisi speculationum discretio designatur? Qui nimirum nasus, & sicut turris esse, & Libani dicitur: quia videlicet præpositorum discretio, & munita semper debet esse ex circumspeditione, & in altitudine vitæ consistere, id est in valle infirmi operis non ja-

Num. 7.

gere.

cere. Sicut enim turris in monte idcirco ad speculandum ponitur, ut hostes, qui veniunt, longius videantur: sic prædicatoris vita semper in alto debet fixa permanere, ut more narium discernat fœtores vitiorum, odoresque virtutum; occursum malignorum spirituum longe prospiciat, & commissas sibi animas per suam prudentiam cautas reddat.

C A P U T XLIII.

Cant. 7. 3. Mane surgamus ad vineas, videamus si floruit vinea, si flores fructus parturiunt.

Num. 60. 63. **I**N exposit. B. Job, l. 12. adjunctum est: *Mane surgamus ad vineas, &c.* FLORENT quippe vineæ, cum mentes fidelium bona opera proponunt; sed fructus non pariunt, si ab eo quod proposuerint, aliquibus victi erroribus infirmantur. Non ergo intuendum est si vineæ floreat, sed si flores ad partum fructuum convalescant: quia mirum non est si quis bona incoet, sed valde mirabile est, si intentione recta in bono opere perduret. Unde fit plerumque ut si in bono opere recta intentio non tenetur, etiam ipsum hoc opus quod bonum creditur, amittatur.

C A P U T XLIV.

Cant. 8.

Quæ est ista, quæ ascendit dealbata.

Num. 27. **I**N exposit. B. Job, l. 18. adjunctum est: *Quæ est ista, &c.* QUIA enim sancta Ecclesia cœlestem vitam naturaliter non habet, sed superveniente spiritu, pulchritudine donorum componitur, non alba, sed dealbata memoratur.

C A P U T XLV.

Cant. 2. 6. Pone me sicut signaculum super cor tuum.

Num. 12. **I**N exposit. B. Job, liber 29. adjunctum est: *Pone me sicut signaculum super cor tuum.* ID CIRCO namque signaculum rebus ponitur, ne qua diripientium præ-

sumptione temerentur. Sponsus ergo in corde signaculum ponitur, quando fidei ejus mysterium in custodia nostræ cogitationis imprimitur; ut ille infidelis servus, nimirum noster adversarius, cum signata corda considerat, tentando ea irrumpere non præsumat.

C A P U T XLVI.

Fortis est ut mors dilectio.

Cant. 8. 6.

IN exposit. Evang. hom. 11. adjunctum est: *Fortis est ut mors dilectio.* SICUT mors corpus interimit, sic ab amore rerum corporaliū æternæ vitæ caritas occidit. Nam quem perfecte absorbuerit, ad terrena foris desideria velut insensibilem reddit.

C A P U T XLVII.

Soror nostra parvula est, & ubera non habet. *Cant. 8. 2.*

IN exposit. B. Job, l. 19. adjunctum est: *Soror nostra parvula est, &c.* SANCTA Ecclesia priusquam proficeret per incrementa virtutis, infirmis quibusque auditoribus præbere non potuit ubera prædicationis. Adulta vero Ecclesia dicitur, quando Dei verbo copulata, sancto repleta Spiritu, per prædicationis ministerium in filiorum conceptione a fecundatur, & quos exhortando parturit, convertendo parit.

C A P U T XLVIII.

Quæ habitas in hortis amici, auscultata, fac me audire vocem tuam. *Cant. 8. 3.*

IN comment. Ezech. hom. 14. adjunctum est: *Quæ habitas in hortis amici, &c.* IN hortis enim unaquæque anima habitat, quæ etiam viriditate spei est, & bonorum operum repleta. Sicca quippe spes est hujus seculi: quia omnia, quæ hic amantur, cum festinatione marcescunt. Et Petrus nos Apostolus festinare admonet, dicens: *In hereditatem incorruptibilem, & incontaminatam, & immarcescibilem.* *1 Petr. 1. 4.* Quæ ergo jam in hortis ha-

^a In Moralibus legitur ex miss. feratur.

habitat, oportet ut Sponsum suum vocem suam audire faciat, id est canticum bonæ prædicationis emittat, in qua ille delectetur quem desiderat. Quia amici auscultant, videlicet omnes electi, qui ut ad cælestem patriam reviviscant, verba vitæ audire desiderant.

C A P U T XLIX.

Cant. 8. 14.

Fuge, dilecte mi, fuge.

Num. 39.

IN expof. B. Job, lib. 17. adiunctum est: *Fuge, dilecte mi, fu-*

ge. FUGIT nos, dicimus, quoties id, quod reminisci volumus, memoria non tenemus. Sancta ergo Ecclesia postquam mortem ac resurrectionem Domini, ascensionemque describit, clamat ei prophetico plena spiritu: *Fuge, dilecte mi, fuge.* Ac si diceret: Tu, qui ex carne comprehensibilis factus es, divinitate tua intelligentiam nostri sensus excede, & in teipso nobis incomprehensibilis permanes.

FINIS TOMI DECIMIQUARTI.



